






ALP 651

TOMI TERTII
TRACTATUS
QUINTUS

DE

VIRTUTIBUS MORALIBUS.







INDEX

Titulorum Tractatus quinti Tomi tertii Theologiae universalis, de Virtutibus Moralibus.

<i>Proœmium</i> - - -	Num. 1.	§. I. De natura & divisione contractus.	193.
§. I. De Prudentia.	3.	§. II. De causa efficiente contractus.	195.
§. II. De Fortitudine.	5.	§. III. De causa formali contractus.	204.
§. III. De Temperantia.	8.	Seçt. II. De Contractibus in specie.	243.
§. IV. De Jejunio Ecclesiastico.	16.	§. I. De Venditione & Emptione.	ibid.
De Justicia & Jure.	29.	§. II. De Mutuo.	304.
Cap. I. De Justicia in se spectata.	30.	§. III. De Usura.	309.
§. I. De essentia Justitiæ.	ibid.	§. IV. De Contractu Societatis.	364.
§. II. De divisione Justitiæ.	31.	§. V. De Cambio.	372.
§. III. De causis Justitiæ.	32.	§. VI. De Censibus.	378.
Cap. II. De Jure.	46.	§. VII. De Locatione & Conductione.	387.
Seçt. I. De Dominio.	50.	§. VIII. De Depósito, Commendato, &c. &c.	391.
§. I. De objecto Domini.	62.	§. IX. De Fidejussione, Affecuratore, &c.	405.
§. II. De subiecto Domini.	79.	§. X. De Ludo & Sponsionibus.	415.
Seçt. II. De reliquis speciebus Juris in re.	172.	§. XI. De Promissione.	429.
§. I. De Usufructu & Usu.	ibid.	§. XII. De Donatione.	440.
§. II. De Habitatione & Emphyteusi.	181.	§. XIII. De Ultimis Voluntatibus.	450.
§. III. De Feudo, libello, & superficie.	185.	Cap. IV. De Virtutibus Justitiæ annexis.	463.
§. IV. De Servitute.	188.		
Cap. III. De Contractibus.	192.		
Seçt. I. De Contractibus in genere.	193.		

APPEN-

APPENDIX

De vitiis & peccatis Virtuti Justitiæ

oppositis. - 477.

Proœmium. - - - - - ibid.

Par. I. De Injuriis & Restitutione in genere. - - - - - 482.

Cap. I. De necessitate Restitutionis. - - - - - ibid.

Cap. II. De Radicibus Restitutionis. - - - - - 486.

Cap. III. De Cooperantibus ad damnum. - - - - - 457.

Cap. IV. De Circumstantiis Restitutionis, & ordine in ea servando. - - 476.

§. I. Cui facienda sit Restitutio. 477.

§. II. Quantum, & quando restitui debeat. - - - 482.

§. III. Quo ordine facienda sit Restitutio. - - - 484.

§. IV. Quo loco, quibus expensis, & ejus periculò sit restituendum. - - - 495.

Cap. V. De causis excusantibus à Restitutione. 503.

Par. II. De Injuriis & Restitutione in particulari. - - - 520.

Cap. I. De Injuria in bonis spiritualibus, eorumque restitutione. - - - ibid

§. I. De Restitutione ob damnum illatum in bonis, quæ ad salutem conducunt. - 521.

§. II. De Restitutione facienda propter damnum in aliis bonis spiritualibus, &c. 527.

Cap. II. De Injuria in bonis ad corpus spectantibus, & de eorum restitutione. 535.

§. I. Quid, & quale peccatum sit Homicidium. - - - 536.

§. II. An homini liceat se ipsū occidere. 539.

§. III. An liceat auctoritate publica hominem occidere. - 545.

§. IV. An aliquando liceat interficere innocentem. - 547.

§. V. An liceat aliorum procurare. 548.

§. VI. An liceat homini in propria vita defensionem occidere injustum aggressorem. - 555.

§. VII. An licet hominem occidere ad defensionem boni temporalis, bonoris, & pudicitia. 567.

§. VIII. De Homicidio tum casuali, tum ex condico seu Duello. 588.

§. IX. De Restitutione propter Homicidium & Mutilationem faciendam. - - - 595.

§. X. De Injuria per stuprum & similes actus illata &c. 608.

Cap. II. De Injuriis contra famam & honorem, eorumque reparatione. - - - 619.

§. I. An, & qualia, & quando, Detrahitio, Calumnia, & Contumelia sint peccata. 622.

§. II. Quinam obnoxii sint restitutioni famæ. - - - 638.

§. III. Quomodo & coram quibus fama restitui debeat. - 654.

§. IV. De causis à fama restituenda excusantibus. - 658.

§. V. De judicio, dubitatione, & suspitione temerariis. - 664.

Cap. IV. De Injuriis in bonis fortunæ, & necessaria restitutione. - - - 672.

§. I. Quid & quotuplex sit furtum, & quomodo à rapina differat. 673.

§. II. An, & quando furtum sit peccatum mortale. - - - 677.

§. III. De causa efficiente furti. 685.

§. IV. De causis à furto excusantibus. 590.

TOMI

T O M I T E R T I I
THEOLOGIÆ UNIVERSALIS
TRACTATUS QUINTUS

DE
VIRTUTIBUS MORALIBUS.

Proœmium.

IN Ethica nostra seu Philosophia Morali cap. 2. §. 1. Virtutem moralem in genere definivimus, *Mentis institutum, & vigorem, quo ad ea, quæ bona esse credimus, faciendâ ferimur.* Ergo Virtutes morales circa actus humanos ut honestos, hoc est, circa actus naturæ rationali, & legi divinæ consentaneos, qui *Morum* nomine veniunt, immediatè versantur; in quo, ut jam alibi dictum, à Theologicis differunt; hæ enim circa Deum immediatè versantur, atque Deum pro immediato Objecto habent.

Porro facile est intelligere, quodnam sit utrumque, id est, tum materiale tum formale Virtutum moralium Objectum; nempe Objectum materiale illarum sunt actus humani ut honesti & boni; formale verò, seu ratio, sub qua attinguntur

P. Cartier Theol. Tom. III.

illi actus, est ipsa honestas in illis actibus elucens. Quælibet autem virtus moralis seorsim sumpta habet pro Objecto materiali certos actus honestos sibi proprios, & pro Objecto formali specialem honestatem eluceantem in suis actibus.

Inter Virtutes Morales præter *Religionem*, quam præcedenti Tractatu fusè satis, ni vehementer fallimur, explanavimus, quatuor principem locum obtinent, à quibus aliæ dimanant, vel quibus sunt annexæ, unde dicuntur *Cardinales*, nimirum *Prudentia*, *Fortitudo*, *Temperantia*, & *Iustitia*, quæ commendantur Sap. 8. his verbis: *Sobrietatem, & prudentiam docet (Sapientia) & iustitiam, & virtutem, quibus utilius nihil est in vita hominibus.*

M m m

De

2 De Virtutibus Moralibus, quæ Cardinalium Comites, seu iis annexæ dicuntur, nihil est, quod hîc ultra ea, quæ in Ethica nostra cit. c. 2. adnotavimus, multa loquamur. Quantum verò ad ipsas Virtutes Cardinales, de *Prudentia*, *Fortitudine*, & *Temperantia* pauca duntaxat iis, quæ de illis jam mox cit. cap. 2. Ethicæ nostræ differuimus, hîc singulis §§. subnectimus, fusiùs dein de *Iustitia* acturi, ut quæ ampliorem omninò tractationem sibi deponat; & cui proinde præsentem Tractatum præcipuè destinamus. Sit igitur

§. I.

De Prudentia.

3 *Prudentia* nomen accipitur imò. latè pro ea. omni verè cognitione, quæ aliqua ratione voluntatem ad bonum honestum dirigit: eo sensu Fides, Theologia, & habitus Intelligentiæ, Prudentia dici possunt. Sumitur adò. strictè pro noticia veri, quæ voluntatem dirigit, ut in his aut illis circumstantiis operetur.

Conformiter ad datam de ea in Ethica nostra sæpè jam cit. c. 2. definitionem dicimus, quod sit *Virtus*, qua certò movimus quid in quavis particulari occasione agendum sit tanquam honestum, vel fugiendum tanquam turpe, in ordine ad finem ultimum. Nam agitur hîc de perfecta Prudentia, quæ propositò verò & ultimo sine totius vitæ humanæ, nempe Deò, seu Dei gloriæ & possessione, præscribit media ad hunc finem apta.

Est Virtus moralis tum objectivè, quatenus versatur circa eandem materiam, decernendo & dictando, quid Virtus moralis prosequi, & quid fugere debeat: tum directivè, quatenus dirigit voluntatem ad eliciendos actus semper honestos, & fugiendos inhonestos.

4 Prudentia virtus alia est *Infusa*, *Acquisita* alia. Infusa reperitur in omnibus iustis; hi enim habent gratiam sanctificantem. Atqui cum Gratia sanctificante infunduntur non tantum virtutes Theologicæ, ut docet Concilium Tridentinum, sed etiam morales, ut ostendunt hæc verba Catechismi Romani ad Parochos, part. 2. tit. de Baptismo num. 50. *Hinc additur nobilissimus omnium virtutum comitatus, quæ cum gratia divinitus infunduntur.*

Non est autem in iis, qui sunt in affectu peccati mortalis. Nam Prudentia infusa inclinat voluntatem ad opera, quæ in omni negotiorum genere recta sint; ac proinde supponit appetitum in omnibus negotiis rectum, cum unusquisque, prout affectus est, iudicare solet. Atqui appetitus in omnibus rectus, non est in iis, qui peccati lethalis affectu laborant.

Acquisita Prudentia verò sæpè non est in iustis, quamvis sit in peccatoribus: nam Prudentia acquisita ex frequenti exercitio actuum prudentiæ nascitur; unde ad sui generationem indiget tempore, & experimento, quæ multis etiam iustis defunt. E contra cum in aliquibus peccatoribus sint nonnunquam tempus & experimentum, aditque gratia actualis, reperiri in eis possunt frequentes Prudentiæ actus, qui prudentiam habitualement generent. Cætera quæ de Prudentia disceri possunt, jam discussimus in Ethica nostra citatò cap. 2. ubi vide.

§. II.

De Fortitudine.

5 Fortitudo ex data illius in Ethica nostra cap. 2. §. 4. definitione, est virtus, quæ animum secundum rectam rationem & legem divinam moderatur, circa ea, quæ æcerba sunt & terribilia &c. ita ut
acc

nec pravo timore, nec temeritate quidquam agat, aut omitat contra rectam rationem & legem divinam: quare moderatur timorem, audaciam, & tristitiam in gravibus malis, & periculis, præsertim mortis. Ejus actus, ut diximus in Ethica nostra cap. 2. §. 4. sunt *aggressio*, & *perperio*. Nam ratio nonnunquam exigit, ut, qui bonum impugnant, arceantur. Atqui arceri non possunt nisi per aggressionem, quæ fortis sit & prudens. Item necesse est, ut sustineantur incommoda, quæ virum virtutis præditum sæpius premunt: proinde opus est illi perperionis actu; qui quidem præstantior est aggressionem; quia difficilius est stare immotus in periculis, quam ipsa adire pericula: nec mirum; malum enim præsens magis movet quam futurum. Unde concluditur Martyrium esse Fortitudinis actum præstantissimum, quippe quod non in aggressionem, sed in perperionem totum positum sit.

Partes integrantes, quæ etiam potentiales dici possunt, id est, Virtutes Fortitudini annexas in Ethica nostra loc. cit. quatuor recensuimus, *Fiduciam* nempe, *Magnificentiam*, *Patientiam*, & *Perseverantiam*, aliqui Theologi iis *Magnanimitatem*, & *Humilitatem* adjungunt; verum nos hanc Virtutem ibidem §. 5. ad Virtutem Temperantiæ retulimus.

Magnanimitas igitur est virtus ad contemptum rerum caducarum, & ad opera magna ac heroica qua talia in omni virtutum genere inclinans: quare licet versetur circa opera ardua aliarum virtutum, est tamen specialis virtus; quia ad illa inclinatur ex motivo proximo sibi proprio, nempe quia sunt magna & ardua, hoc est, consentanea animo magno & generoso, ad maximam dignitatem, perfectionem, ad amicitiam, ac filiationem Dei, beatitudinemque destinato, & magnis gratiæ prædiis instructo.

Ex his abundè patet, quodnam sit hujus Fortitudinis Virtutis Objectum materiale, quodnam formale. Nempe illud sunt pericula & labores, utpotè circa quæ tota versetur: illud verò est difficultas superandi pericula, & tolerandi labores; nam in periculis adeundis, & laboribus tolerandis Fortitudo specialem difficultatem attingit.

§. III.

De Temperantia.

Temperantia ex dictis sæpè cit. c. Ethicæ nostræ §. 5. latè sumitur, & strictè. Latè sumpta dici potest *Virtus*, quæ juxta rectam rationem & legem divinam operationes & passiones humanas moderatur: Sive est *Virtus refrenans animi affectus*, qui ipsum contra rectam rationem alliciunt, illosque moderans secundum rectam rationem ac legem divinam. Sed sic sumpta non est Virtus specialis; nam id præstat omnis Virtus moralis in sua materia; Justitia enim, e. g. affectum à furtis, & injuriis avertit.

Temperantia igitur strictè sumpta est virtus, quæ secundum rectam rationem, ac legem divinam moderatur appetitum & usum rerum, quæ delectationem sensuum, præsertim gustus & tactus pariunt, qualia sunt esculenta, poculenta, & venerea.

Temperantiæ sic sumptæ Objectum materiale sunt omnes delectationes corporeæ, sed præsertim ex, quæ ex cibo, potu, rebusque veneris, percipiuntur: nam circa omnes sensuum delectationes versatur: est enim in illorum usu specialis superanda difficultas, cum sit periculum, ne homo illis utatur præter mensuram, aut propter finem indebitum.

M m m 2

Objc-

Obiectum verò formale est earum delectationum usus honestus. Nam Temperantia non ad aliud inclinat, quam ad honestum delectabilem usum, seu rationi, & Legi divinæ consentaneum: per hoc enim à cæteris Virtutibus cardinalibus differt; in quo autem positus sit ille usus honestus docet S. Augustinus lib. de moribus Ecclesiæ cap. 21. ubi sic loquitur: *Habet vir temperans in rebus mortalibus & fluentibus vitæ regulam, ut eorum nihil diligit, nihil per se appetendum putet, sed ad vitæ hujus, atque officiorum necessitatem, quantum satis est, usurpet utentis modestiā non amantis affectu.*

- 10 Partes subjectivæ seu species Temperantiz quatuor in Ethica nostra cit. loc. enumeravimus scilicet, *Abstinentiam, Sobrietatem, Castitatem & Pudicitiam.* Tot enim sunt Generis alicujus Species, quot sunt diversa specie Objecta, quæ ab eo accinguntur. Atqui quatuor hæc diversa specie Objecta attingit Temperantia. Imo. enim moderatur delectationes, quæ ex cibis percipiuntur per Abstinentiam; hæc enim est *Virtus moralis, quæ juxta rectam rationem moderatur appetitum & usum ciborum oblectantium; atque etiam potationis non inebriantis.*

- 11 2do. moderatur delectationes, ad quas potus movet per Sobrietatem, quæ est *Virtus moralis, quæ appetitum & usum potationis vim inebriandi habentis moderatur juxta rectam rationem; suppleendum semper, & Legem divinam: nam quidquid est contra rectam rationem, est etiam contra Legem Dei, cum recta ratio sit intimatio Legis divinæ æternæ. Regula autem ac mensura cibi, potus, ac somni, sumenda est ex fine proximo, ad quem illa per se referuntur, qui est bona corporis valetudo, & idonea mentis ad suas functiones obundas dispositio seu habitudo, ad Dei gloriam ultimato ordinata: nam finis est mensura eorum, quæ sunt ad finem.*

3tio. Moderatur actum conjugalem per Castitatem, quæ est *Virtus, quæ cohibet vel moderatur appetitum & usum venereorum ac delectationis veneræ secundum rectam rationem & Legem divinam.*

4to. Denique moderatur actus, quæ ad actum conjugalem ordinatur, ut sunt oscula, amplexus, aspectus, & tactus impudici, &c. per *Pudicitiam*, hæc enim est *Virtus, quæ hujusmodi actus, eorumque usum & delectationem cohibet aut moderatur juxta rectam rationem & Legem divinam.* Videtur esse eadem virtus ac castitas, vel ejus pars integralis.

Castitas triplex est, *Conjugalis nempe, Vidualis, & Virginalis.* Conjugalis est *Donum Dei, quo venereorum usus intra conjugii limites coercetur; sive est Constant & efficax voluntas abstinendi ab omni actione & delectatione veneræ cum non conjuge, & ad utendi cum conjuge semper juxta rectam rationis & Legis divinæ regulam.* Libido, quæ in illo usu reperitur per se est mala; unde ejus experimentum voluntarium est illicitum, nisi sine honesto compensetur, generatione scilicet filiorum, & debiti redditione.

Conjugalis castitas porro immunis à variis ærumnis non est: scilicet conjugatos carissis tribulationem pati docet Apostolus 1. Cor. 7. Posita est autem illa carnis tribulatio in suspicionibus zeli conjugalis, in pravis affectibus erga non conjugem, in procreandis nutriendisque filiis, in timoribus & moeroribus orbitatis, &c.

Vidualis Castitas est *Dei donum, quo quis in perpetuum respuit veneris illecebras, quas expertus est, sive licite sive illicitè, sive est propositum constans & efficax abstinendi in posterum propter Deum ab omni actione & delectatione veneræ percepta in conjugio aut alibi.*

Virginalis castitas debetur *Donum Dei, quo quis anima & corporis integritate*

gritatem Deo conservavit, seu est *Voluntas constans & efficax abstinendi ab omni actione & delectatione venerea per totam vitam.*

Non amittitur per quodlibet experimentum venereæ voluptatis; potest quippe contingere, ut virgo sit, quæ voluptatem veneream passa sit, siue dormiendo, siue per violentiam barbaricam, ut ait S. Augustinus lib. 1. de Civ. Dei, cap. 25. Sed, teste eodem S. Doctore, servata etiam corporis integritate, virginalis castitas deperditur ab eo, qui vel semel venereæ voluptati consensum præbet: *Neque enim*, ait, *virgo est, quæ ad receptorem suum vitanda pergit.*

De Virtutibus Temperantiæ annexis, seu partibus ejus potentialibus egimus in Ethica nostra cit. §. 4. ubi vide.

§. IV.

16 De Jejunio Ecclesiastico.

Ad Abstinentiam præcipuè spectat Jejunium, ut vocant Ecclesiasticum, utpote quod principalis ejus pars potentialis sit; undè, cum nullibi commodior de eo agendi occurrat sit occasio, instituti nostri ratio postulare videtur, ut de eo hic differamus.

Igitur per Jejunium Ecclesiasticum intelligimus *Abstinentiam à quibusdam certis & determinatis ciborum speciebus juxta præscriptum Ecclesiæ.*

De eo quaeritur 1mo. utrum sit aliquo jure præceptum & quænam sit ejus obligatio. 2do. Utrum omnes jejuniis lege teneantur. 3tio. An unica in die refectio ad jejunium requiratur, & qua hora solvi possit. 4to. An jejunantes carnibus, ovis, laïciciniis convenienter interdicantur.

17 Quantum ad primum, dicendum 1mo. Jejunium Jure naturali & Ecclesi-

stico præcipi. Prob. quantum ad jus naturale ratione S. Thomæ. Jure naturali quisque tenetur satisfacere pro peccatis præteritis, temperare à futuris, & spiritualia meditari. Ergo si ad ea necessarium sit jejunium, ut est aliquorum hominum respectu, jure naturali præcipitur.

Prob. etiam quoad Jus Ecclesiasticum, ex variis legibus, quas Ecclesia de jejunio sancivit, quasque in Jure Canonico legere est.

Dicendum 2do. Jejunii Legem seu præceptum Ecclesiasticum fideles in conscientia ligare, licet humanum sit, prout ostensum est hoc Tomo Tract. 2. de Legibus; adeoque per se obligare sub mortali.

Prob. 1mo. ex consensu Doctorum & fidelium. 2do. Quia res præcepta capax est gravis obligationis (cum sit opus virtutis in suo genere) & ab Ecclesia absolute præcipitur: præcepta autem obligant pro gravitate materiæ, saltem dum Superior expressè non declarat se velle tantum leviter obligare. 3tio. Alexander VII. damnavit hanc propositionem: *Frangens jejunium Ecclesia, ad quod tenetur, non peccat mortaliter, nisi ex contemptu vel inobedientia hoc faciat, putà quia non vult se subicere præcepto.*

Hinc peccat mortaliter, Qui die jejuniis vel abstinentiæ vescitur cibis ab Ecclesia interdictis; nisi à mortali excuset materiæ parvitas, quæ communiter admittitur, eò quod hujusmodi cibi prohibeantur, prout nutritivi sunt seu refectivi virium: at parum parum nutrit. Ergo etiam parum seu parva culpa, & non graviter prohibetur: hæc tamen parvitas difficultè constitui potest.

Tempora autem jejuniis ab Ecclesia destinata sunt 1mo. Quadragesimale tempus ex traditione Apostolica: Ratio est, quia Quadragesimale jejunium quovis sæculo observatum fuit à fidelibus, nec illius initium in aliquo Concilio reperitur 2

tur: ab Apostolis igitur fuit determinatum, juxta S. August. regulam Ep. 118. à nobis tùm Tom. 1. Tract. 2. de Traditione, tùm alibi sæpius allegatam.

2do. Sunt quatuor anni tempora, quæ Ministrorum Ecclesiæ consecrationem præcedunt. Ea autem jejuniis destinata fuere, tùm ut singulæ anni partes penitentiz consecrentur, tùm ut pio illo opere Deus moveatur, ut in messem suam optimos mittat operarios.

3tio. Denique sunt variz vigiliz festorum Domini & Sanctorum ejus, pro variarum Regionum more. Ut scilicet pia hac abstinentia & jejunio fideles se congruenter præparent, ad subsequens Domini vel Sancti ejus festum dignè celebrandum, & colendum.

10 Ad secundum quæsitum, dicendum est, quòd omnes fideles jejunii lege teneantur, nisi tamen addit justa causa, quæ ab ea lege quempiam eximat.

Prob. 1ma. pars ex eo, quòd leges ferantur secundum quod multitudini conveniunt: Unde Legislator in eis statuendis attendit id, quod communiter & in pluribus accidit. Adeoque Lex hæc est universalis, ut constet ex sensu Ecclesiæ; & causa hujus præcepti in omnibus locum habet, nam omnes egent mortificatione carnis, & castigatione corporis, ut succiatur spiritui, & Deo satisfiat pro peccatis.

Prob. altera pars, ex eo, quòd mens Legislatoris humani non sit ad ea obligare, quorum executionem æqua ac rationabilis causa impedit. Unde nunc in his casibus non ligat jejunii lex, in quibus Legislator eam non fulisset, si hujusmodi casus menti occurrissent.

21 Hinc à Lege communis jejunii immunes sunt 1mo. Pueri usque ad tertium septennium. *Quamvis*, inquit S. Thomas, *sunt in statu augmenti, quod est ut in pluribus usque ad finem tertii septennii, non teneantur ad Ecclesiastica jejunia ob-*

servanda. Conveniens tamen est, ut etiam in hoc tempore se ad jejunandum exerceant plus vel minus secundum modum suæ ætatis.

Diximus pueros eximi à lege communis jejuniis, non verò specialis, quod ipsis etiam pueris præcipitur, ut magna, quæ impendit calamitas avertatur: *Quandoque tamen*, inquit idem S. Thomas, *magna tribulatio imminente, in signum penitentia arctioris etiam pueris jejunia indicantur.*

2do. à Lege jejunii eximuntur Peregrinantes & operarii, cum tantus est eorum labor, non verò specialis, quod ipsis tamen iter susceptum fuerit voluptatis causâ, aut labor differri possit sine detrimento, tunc nec peregrini, nec artifices lege jejunii liberantur. Hinc colligitur Ecclesiasticæ legis reos esse, & peccare Pictores, Tonsores, Sutores, Sartores alique hujus generis artifices, quorum gravia non sunt opera, cum non jejunant: item mulieres, quæ non jejunant, quòd capere, ut ajunt, nonnunquam laborent, quòd non dormiant, si incenatæ decumbant; & à fortiori, quòd è sua forma exteriori, quam depereunt, per jejunium excidant: Nec aut molliores Confessarii, aut impii Medici, qui illis lenocinantur, eas in foro conscientiz tutas efficiunt.

3tio. Jejunii lege liberantur pauperes, qui ostiatim quærunt, & qui non habent, quæ uni justæ refectio sufficiat; secus illi, qui possunt habere, quod eis ad unam justam refectioem sufficiat.

4ro. Mulieres prægnantes, & Nutrices lege juniorum eximuntur; nam egent cibo pro se & pro fieri vel prole, & jejunium eis graviter noceret.

5ro. Quoad Senes, quamvis aliqui putent, eos à jejunio eximi circa annum septuagesimum; tamen ex communi, aut

aut saltem communiore, non est pro iis certum tempus constitutum, quo lege jejunii sint soluti, eo quod alii citius, alii tardius viribus deficiant, cum è contrà communiter crescant & firmetur homines usque ut annum vigesimum primum. Quare Senes non excusantur, nisi quando corporis vires deficiant, ita ut pluribus modicis egeant refectioibus, alias grave nocumentum passuri.

6to. Denique à jejuniis excusantur generatim omnes, qui sine gravi incommodo seu damno jejunare non possunt. Speciatim verò isti. 1mo. Egroti, infirmi; item convalescentes, quos infirmitas valde extenuavit: quia iis non sufficit una refectio, sed indigent crebriori & modica. De sufficienti gravitate infirmitatis consulendus est prudens Medicus; nam ratione officii & peritiae ad ipsum spectat hoc judicium. Quod si causa ei est dubia & incerta, auctoritate Superioris opus est, quia tunc necessaria est juris relaxatio, ad quam Medicus, vel Confessarius potestatem non habet. Hinc nemo se à jejuniis eximere potest, nisi habeat evidentem causam, ut est gravis morbus, aut opus valde laboriosum; consulimus tamen, ut, si fieri possit, pro jejunii relaxatione semper habeatur ad Superiorem recursus.

22 Ad tertium quaesitum, scilicet an unica in die refectio ad jejunium requiratur, & qua hora solvi possit?

Dicendum 1mo. Unicam in die refectioem ad jejunium requiri. Prob. Id in jejuniis semper fuit observatum, tum apud Latinos tum apud Graecos, ut unica in die refectio sumeretur. Illius usus meminit S. Thomas 2. 2. q. 146. a. 6. ubi sic loquitur: *Ecclesia moderamine statutum est, ut semel in die à jejunantibus comedatur*; quia, ut ait, unica comestione concupiscentia refrenatur, atque simul naturae infirmitati consulitur. Eadem consuetudini patrocinatur lis, quam

Saeculo undecimo Latini Graecis intendant; quod serotinis horis cœnulam ex herbis & fructibus pararent.

Ecclesia igitur vult per jejunium corpus castigari, & concupiscentiam coerceri, ut tamen natura ipsa non notabiliter lædatur: multum autem læderetur, si una-refectio non permitteretur; & corpus non castigaretur, nec concupiscentia satis coerceretur, si permitteretur dux.

Hæc refectio debet esse continua, alioqui non esset una, sed repetita. Si quis tamen ob urgentis negotii causam ab illa nondum sufficienter sumpta discedat, potest, confecto negotio ad eam redire, eamque perficere; quia spectatis circumstantiis, & ex intentione censetur unica moraliter refectio: secus, si satis refectus ab ea discesserit.

Non licet autem diu protrahere prandium, nam hoc esset æquivalenter duplicem refectioem sumere: idem enim est in ordine ad nutriendum corpus sumere novam, aut diu continuare eandem refectioem, quæ re ipsa erit moraliter & virtualiter multiplex. Nec refert, quod non semper edatur, sed fiat confabulatio; nam Interea concoquit stomachus cibos sumptos, qui sufficiebant pro integra refectioe, & alii substituantur.

Igitur Cœnula seu Collatiuncula, quæ 23 præter dictam refectioem in diebus jejunii Ecclesiastici à plerisque, imò ferme ab omnibus fidelibus sumi solet, consuetudine est inducta, atque ab Ecclesia toleratur: ideoque ex probata piorum ac timoratorum consuetudine determinanda est secundum quantitatem & qualitatem ciborum. De quantitate id universim dici potest, eam debere esse valde modicam, imò parcissimam, quippe quæ adhibeatur ad refrigerium potius, quam ad sustentationem, re cœnula convertatur in cœnam; & juxta multos non debere esse eandem pro omnibus & ubique, sed diversam pro diversitate complexio-

plexionum, laborum, ac regionum, quarum alia aliis sunt calidiores: undè fit, ut alii minore cibo, quàm alii, indigeant. Quoad qualitatem prohibentur ii cibi, qui valdè nutriunt, qualia sunt ova, pisces, legumina cocta; quippe ignis coctio materiam nutritioni aptiorem efficit; ut proinde corruptela multis videatur, si sumantur legumina & pisces: nam cum lex jejunii unicam refectiorem permittat, inductaque sit consuetudine Cœnula, in hac iis solum cibis uti licet, qui ipsa consuetudine sunt approbati, quales sunt leviores, ut fructus, & pro more regionis, parum casei. Licet tamen sumere jusculum ex leguminibus coctis ob necessitatem, ita ut habeat rationem medicinæ potiùs, quàm cibi: nam ex S. Thomæ medicinam assumptio non solvit jejunium.

- 24 Quæritur etiam hic, an ille jejunium violet, qui extra refectiorem consuetam & Cœnulam aliquid bibit, vel comedit?

Respondet S. Thomas 2. 2. q. 147. art. 6. ad 2. his verbis: *Jejunium Ecclesia non solvitur nisi per ea, qua Ecclesia interdiciere intendit instituendo jejunium. Non autem intendit Ecclesia interdiciere abstinentiam potus, qui magis sumitur ad alterationem, licet aliquo modo nutriat. Et idè licet jejunantibus pluries bibere (a). Si autem quis immoderate potu utatur, potest peccare, & meritum jejunii perdere: sicut etiam si immoderate cibum in una comestione assumat. Et ad 3. Eleſuaria (b) etiamſi aliquo modo nutriant, non tamen princi-*

paliter assumuntur ad nutrimentum, sed ad digestionem ciborum. Undè non solvunt jejunium, sicut nec aliarum medicinarum assumptio, nisi fortè aliquis in fraudem eleſuaria in magna quantitate assumat per modum cibi.

Porto juxta omnes violatur jejunium, si extra hæc tempora sumatur jusculum, lac, vel similis potio, quæ ad nutriendum principaliter ordinatur: quia ventantur ea omnia, quæ per se ac principaliter ordinantur ad nutritionem, sive ea comedendo, sive bibendo, aut sorbendo sumantur; nam hæc cibi nomine veniunt; idem dic de pomis, piris, uvis recentibus, & omnibus aliis fructibus: nam hæc & similia sumere est juxta communem sensum re vera comedere, non bibere, & ex se nutriunt. Licet tamen ob necessitatem aliquid in parva quantitate sumere per modum medicinæ, quamvis nutriat. Sic mane hujusmodi aliquid sumere licet ei, qui aliter sine gravi incommodo non posset jejunare, vel functiones animi aut muneris sua rectè obire: nam tunc id se habet per modum medicinæ, quæ non prohibetur diebus jejunii.

Item qui exiguum quid nutritivum sæpiùs eodem die sumit, & si sine proposito aliquid notabile sumendi, peccat mortaliter, cum ad quantitatem notabilem scientiæ pervenit. Quia imo. Alexander VII. damnavit hanc propositionem: *In die jejunii, qui sapiens modicum quid comedit, etsi notabilem quantitatem in fine comederit, non frangit jejunium.* 2do. Plura illa modica constant simul

(a) Celebres Theologi ajunt hic S. Thomam de eo tantum potu loqui, qui parum nutrit, ut est aqua; quique, ut ipsemet S. Thomas loquitur, non ad nutritionem, sed ad alterationem corporis & digestionem ciborum sumptorum assumitur. Hinc patet eos à S. Doctoris hujus mente, imò ab ipsa humana ratione alienos esse, qui censent, haustò pluries vinò, etiam utque ad ebrietatem, peccari quidem contra virtutem Temperantiæ, non verò contra jejunii leges.

(b) v. g. Thè, &c.

simul magnam quantitatem, & produ-
cunt notabilem effectum, in quo uniun-
tur, scilicet notabilem nutritionem.
Nam nutriunt perinde ac si magna quan-
titas continenter sumeretur; singulæ enim
partes cibi sive simul, sive interruptè
sumantur, addunt robur, & substantiam,
quæ reboratio manet simul post sumptas
omnes partes. Hinc non licet bibere
pro arbitrio, & toties aliquid exiguum
manducare, ne potus noceat; nam sic
sæpius modicum quid comedendo, per-
veniretur ad quantitatem notabilem,
ideoque violaretur jejunium. Nec à pec-
cato veniali excusatur, qui rogatus ab
amico exiguum quid comedit, ne inurban-
us videatur; nam non est hæc iusta ac le-
gitima causa solvendi ex parte jejunium;
nec unquam vel etiam leviter licet pec-
care.

25 2do. Dicendum, non licere jejunium
solvere nisi circa horam meridianam,
seu juxta antiquum Romanum compu-
tum, ante horam sextam aut circiter.

Prob. ex eo, quòd sic ferat, quæ
nunc servatur Ecclesiæ consuetudo, ex
cujus proinde mente tempus refectionis
lege vel consuetudine universali sta-
tutum, est conditio pertinens ad sub-
stantiam præcepti, vel ad illius modum
substantialem. Undè cap. *Solent de*
Consec. Dist. 1. Nullatenus jejunare cre-
dendi sunt, si autè manucaverint, quàm
vespertinum celebretur officium. Et ex
Concilio Rothomagensi an. 1072. cele-
brato cap. 21. Nullus, inquit, in *Qua-*
dragesima praveat, antequam hora nona
peractâ, Vespertina incipiat. Non enim
jejunat, qui ante manducat. Item, *Ha-*
ætenus, ait S. Bernardus Serm. 3. de
Quadrage. usque ad horam nonam jejunan-
tium soli. Nunc usque ad vespertum je-
junabunt nobiscum universi. Reges &
Principes, Clerus & populus, Nobiles &
ignobiles, simul in unum dives & pau-
per. Denique S. Thomas in 4. Dist. 15.
q. 3. a. 4. q. 3. Ille jejunium solvit,
P. Cartier Theol. Tom. III.

qui Ecclesiæ determinationem non servat.
Undè cum Ecclesiæ instituerit certum tem-
pus comedendi jejunantibus, qui nimis
notabiliter anticipat, jejunium solvit.
Equidem in determinatione horæ, qua
jejunium solvi possit modò discessum est
ab instituto veteris Ecclesiæ, prout pa-
ter ex allatis textibus, non tamen in eo,
quòd certa hora servetur, quam non
licet comedendo prævenire; adeoque
ille jejunium solvit, ut optimè notat S.
Thomas, qui Ecclesiæ determinationem,
juxta quam modò non licet solvere je-
junium ante horam meridianam, non
servat.

Undè multi celebres Theologi, qui-
bus tamen alii contradicunt, tunc
eos peccare, non tantum venialiter,
prout, spectata nempe hodierna Eccle-
siæ consuetudine, aliqui contendunt;
sed etiam mortaliter, qui sine iusta cau-
sa tempus refectionis notabiliter antici-
pant: atque jentaculum matutinis horis
adhibent, & comestione amplissimam
sub vespertam parant; nisi, ut diximus,
subsistat iusta causa, qualis est iter necessa-
riò faciendum; nam tunc juxta multos re-
fectionis anticipatio omni culpâ vacat.

Ad quartum quæsitum, scilicet Qui-
bus cibis jejuniorum diebus uti liceat? 26
Dicendum, Jejunantes carnibus, ovis,
ac lacticiniiis interdici. Nam hæc sunt
etiam prohibita jure communi, eo quòd
ex carne originem ducant, & multum
nutriant, Can. 6. Dist. 4. ubi *Par est*,
inquit S. Gregorius, ut quibus diebus à
carne animalium abstinentis, ab omnibus
quoque, qua sementiam carnis trahunt
originem, jejunemus: à lacte videlicet,
caseo, & ovis. Hinc Alexander VII.
damnavit hanc propositionem: *Non est*
evidens, quòd consuetudo non comedendi
ova & lacticia in Quadragesima obli-
get.

Verum hæc in re spectanda est ejus-
que Regionis legitima consuetudo, nam
quibusdam in locis usus ovorum, & la-

N n n

cticio-

Adiciunorum omnibus jejuniorum diebus prohibetur, in aliis verò solum in Quadagesima; imò in aliis, ut in Germania nostra, ne quidem in Quadagesima. In *jejunio Quadagesimali*, inquit S. Thomas, 2. 2. q. 147. a. 8. ad 3. *interdicuntur universaliter etiam ova & lacticia. Circa quorum abstinentiam in aliis jejunii diversa consuetudines existunt apud diversos* (existunt etiam circa ipsum Quadagesimale jejunium) *quas quisque observare debet secundum morem eorum, inter quos conversatur.*

- 27 Porro urgente causa justa, ut carnes jejuniorum diebus comedantur dispensare possunt cum secularibus Episcopus, vel etiam Parochus, juxta cujusque Diocesis consuetudinem; nam potestas dispensandi in hac lege sæpe occurrente potest ex consuetudine esse ei concessa, cum bonum animarum id postulet. Cum Regularibus verò Superior localis: quia in suos potestatem habet quasi Episcopalem. Confessarii autem, sicut & Medici, possunt solum declarare obligationem jejunandi non esse, ubi id constat, & causam dispensandi sufficientem esse, vel non esse: qui graviter peccabunt, si imprudenter, & nimia facilitate id declarant.

Denique apprimè notandum venit, 28 quòd, qui dispensantur, ut jejuniorum diebus carnes manducant, non idèò à jejunii lege liberentur. Ratio est imò. quia ii, qui, ubi abstinentia ab ovis & lacticiis jejuniorum diebus præcipitur, dispensantur, ut iis utantur, ob id non censentur eximi à jejunii lege. Ergo nec ii, quibus indulgetur, ut carnis utantur. 2do. Ecclesia & jejunium, & abstinentiam à carne prohibet. Atqui is cui duplex onus impositum est, & qui uno ex iis per dispensationem liberatus est, non censetur alio liberari. 3tio. Papa Romæ, & Episcopi in variis Diocesis, cum dispensant in abstinentia carnis ob causam pro ea sola sufficientem, declarantur se non dispensare in abstinentia à pluribus refectioibus, sed ejus obligationem relinquere. Et dicitur extare Authentica de hoc Innocentii XII. declaratio; ut & Benedicti XIV. nunc feliciter regnantis pro universa Ecclesia.

Cætera, quæ circa tum Prudentiæ, tum Fortitudinis, tum Temperantiæ virtutes morales Cardinales, eisque annexas, hic adhuc addi possent, sufficienter, nō fallimur, in sæpe citata Ethica nostra seu Philosophia morali explanavimus. Modò igitur ampliori tractatu nobis agendum est

De Justitia & Jure.

Justitia sumitur in S. Scriptura imò. pro complexione omnium virtutum: *Beati qui esuriunt & sitiunt justitiam*, inquit Christus Matthæi 5. 2do. pro quibuslibet pietatis operibus: *Attendite*, ait idem Christus Matth. 6. *ne justitiam vestram faciat coram hominibus.*

Idem *Justitia* nomen apud Patres accipitur imò. pro Deo, ut in se est, id est, sine ordine ad creaturam: *Quando timore panis, non amore Justitia, fit bonum, nondum bene fit bonum*, ait S. Augustinus lib.

2. ad Bonifac. c. 9. *Est ille summus Deus vera Justitia*, inquit idem S. Doctor Ep. 222. 2do. Sumitur *Justitia* pro virtute reddente alteri debitum ad æqualitatem: *Justitia est virtus, qua suo cuique tribuit*, ait S. Augustin. lib. 19. de Civ. Dei c. 21. De illa in isto sensu accepta hic differemus, atque tractationem nostram in quatuor Capita distinguemus. In primò de *Justitia ipsa*. In secundo de *Jure*. In tertio de *Contractibus*. Et in quarto denique de *Virtutibus Justitiæ annexis* agemus.

CAPUT



CAPUT PRIMUM

De Justitia in se spectata.

TRibus paragraphis præfens Caput absolvimus. In 1mo. investigabimus, Quid sit Justitia. In 2do. Quotuplex distinguatur. In 3tio. Quænam sint ejus causæ. Sic ergo

§. I.

De Essentia Justitiæ.

Justitiam, prout est Virtus moralis, in Ethica nostra sæpe cit. cap. 2. §. 3. ad mentem Jurisconsultorum definivimus, quod sit *Constans & perpetua voluntas jus suum cuique tribuendi*. Clariùs tamen & magis ad Logicæ regulas definiri potest, *Virtus moralis firmans voluntatem ad perpetuò reddendum alteri jus suum ad æqualitatem*.

Dicitur 1mo. *Virtus moralis*, quæ verba hujus definitionis genus expriment: enimverò *Virtutis* nomen ita Justitiæ competit, ut aliis quoque Virtutibus competat, etiam *moralibus*, undè additur *moralis*, quo vocabulo innuitur, eam secundum genus suum etiam convenire cum cæteris Virtutibus moralibus. Ergo Justitia est *virtus moralis*, *Virtus* quidem, *Virtus* enim, juxta S. Thomam 2. 2. q. 58. a. 3. est habitus naturæ modo, & rationi consentaneus, hominipemque & hominis opus bonum efficiens. Atquæ Justitia est talis habitus: Quid enim naturæ & rationi magis consentaneum, quàm ut homo omnem implendo justitiam, alteri reddat, quod ei

debet. *Moralis* verò: neque enim est Virtus Theologica, cum Objectum ejus immediatum non sit Deus, sed jus alteri reddendum, adeoque aliquid creatum & finitum; quod proprie est de ratione Virtutis moralis. Additur *Firmans voluntatem perpetuò*. Quibus verbis exprimitur propositum habituale constans & perpetuum voluntatis exercendi id quod naturæ modo, & rationi consentaneum est quod reliquis Virtutibus etiam ingeneratum est.

Dicitur 2do. *Ad reddendum alteri jus suum ad æqualitatem*; quæ vocabula illius differentiam expriment, atque eam ab omnibus aliis distinguunt virtutibus; quæ vel non sunt *ad alterum*, sed hominem disponunt in ordine ad semetipsum, ut *Temperantia*, quæ effectum, usumque proprii gustûs & tactûs moderatur; vel alteri jus suum *ad æqualitatem* reddere non possunt, ut *Religio*, & *Pietas*, quæ nunquam Deo aut parentibus tantum reddere possunt, quantum iis debetur; vel denique Objectum ab Objecto Justitiæ diversum habent, ut virtutes Theologicæ, quæ circa Deum versantur, cum Justitia circa jus alteri debitum tota occupetur.

Porro nota, *Jus* hic non sumi formaliter, prout est legitima facultas ad aliquid; sed objective, prout est debitum rigorosum, seu res alteri debita, propter illam, quam habet, facultatem ita de ea re in proprium commodum

Non 2

dispo-

disponendi, ut nemo alius de ea pariter, ipso rationabiliter invito, disponere possit, quin ad restituendum teneatur.

Per *aequalitatem* autem, quæ in Justitia servari debet, intelligitur commensuratio rei, quæ reddi debet, cum jure alterius. Hinc qui centum nummos solvit creditori suo, servat aequalitatem, quia reddit summam juri creditoris commensuratum; Atque ea est ratio, cur Justitia dicatur attingere *medium rei*, quod semper idem est respectu cujuscumque personæ: sive enim agatur de Principe, sive de homine plebeo, servat Justitiam, qui centum debens, centum reddit; At verò aliæ Virtutes servant *medium rationis*, quod, pro personarum varietate & diversitate, varium est & diversum: sic Temperantia infirmo aliter, aliter sano mensuram alimentorum determinat, quod enim uni, putà infirmo, nimium est in ratione potus, id robusto parum est & angustum.

Cæterum Justitia non tam est virtus, quæ semper reddat *ad aequalitatem*, quam quæ semper inclinet ad eam reddendam seu servandam: quapropter justè agere dicitur, qui centum debens, non reddit nisi quinquaginta, quia præ penuria nihil amplius reddere potest. Neque etiam vox ista *ad aequalitatem* grammaticè sumenda est, quasi semper exprimât duo, quorum alterum ab altero re ipsa distinguitur: unde æquale reddere dicitur, qui eundem, quem furatus est, equum, restituit.

§. II.

De Divisione Justitiæ.

31

In Ethica nostra cit. §. 3. dividimus Justitiam in binas Species, quas partes Justitiæ subjectivas nominavimus, quod Justitiæ universaliter sumptæ subjiciantur tanquam Species suo Generi, nempe in *Commutativam*, & *Distributivam*. Hic eis addimus Justitiam illam, quam *Legalem* vocant; quamvis hanc Justitiæ partem subjectivam, seu Speciem, aliqui tum ad alias virtutes, putà *Fortitudinem*, & *Prudentiam*, tum ad *Obedientiam*, & *Pietatem*, quæ Justitiæ annexæ sunt virtutes seu partes illius potentiales reducant.

Justitia ergo adæquatè dividitur in *Commutativam*, *Distributivam* & *Legalem*. (c) Totuplex enim est justitia, quotuplex est ordo, in quo statui potest æqualitas, quæ, ut §. sequenti dicemus, est de ratione Objecti formalis Justitiæ. Sed triplex tantum est hujusmodi ordo in Republica; totius nimirum ad partes, partium ad totum, & partium ad se invicem. Pro priori ordine statuitur Justitia Distributiva, quæ præmia aut bonum commune civibus dispensat. Pro altero constituitur Justitia Legalis, per quam unaquæque pars se gerit, prout bono totius expedit. Pro tertio tandem ordine est Justitia Commutativa, per quam pars Comparti, quod ejus est, tribuit.

Igitur Justitia Distributiva est Virtus moralis firmiter inclinans Communitatem, vel eum, qui ei præest eamque repræ-

(c) Theologi solam Justitiam commutativam propriè Justitiam esse dicunt, utpotè quæ propriè & adæquatè ad alterum sit. Justitia autem Legalis non est iustitior ad alterum; cum per Justitiam legalem civis ad communitatem, cuius est pars, & quatenus est pars, ordinetur: sicut nec Justitia Distributiva, quia officia & bona communia Reipublicæ non sunt stricto jure debita, &c.

repræsentat, ad servandam debitam proportionem inter ea quæ distribuuntur, & conditionem personarum, quas distributio respicit.

Duplex est *Renumeratoria* nempe, quæ in distribuendis officiis & præmiis juxta meritum occupatur, & *Vindicativa*, quæ circa irrogandas pœnas juxta modum culpæ versatur (d). *Æqualitatem* seu proportionem Geometricam duntaxat servat, prout in *Ethica* loc. cit. observavimus.

Justitia Legalis est virtus firmans voluntatem adtribuendum Reipublicæ debitum, scilicet procurando bonum Reipublicæ præ bono privato.

Duplex etiam est. Prima *Nomothetica* seu imperans dicitur: Altera exequens seu Ministerialis. Illa residet in Principe, vel in Magistratu, & Superiore, quatenus actus sibi subditorum dirigit ad bonum commune: Hæc verò in civibus & inferioribus, quando amore boni communis obediunt & observant ea, quæ legibus continentur.

Ergo sicut *Charitas* comites habet omnes virtutes, quia proprius ejus effectus est servare omnia mandata, juxta illud Joan. 14. *Si quis diligit me, sermonem meum servabit*; sic nec *Justitia Legalis* consistere potest sine cæteris virtutibus, cum omnes concurrere debeant ad bonum publicum.

Justitia denique *Commutativa* est Virtus moralis firmans privatum ad reddendum alteri quod suum est, seu quod ei debitum est in contractibus, permutationibus, aliisque ejusdem generis actionibus aut rebus, juxta proportionem arithmeticam, seu ad æquale, id est

numeri ad numerum, prout jam in *Ethica* nostra sæpè citatò §. 3 adnotavimus.

§. III.

De *Causis Justitiæ.*

32

Causa cujuslibet Virtutis, non secus ac cujuslibet Disciplinæ, Scientiæ, vel Artis, prout passim tùm in Philosophia nostra tùm in Theologia animadvertimus, quadruplex assignari solet; *efficientis* nimirum, *finalis*, *materialis*, & *formalis*.

Ex alibi tùm in Philosophia tùm in Theologia dictis, Causa efficiens est principium influens esse in effectum: Causa finalis est ipsemet finis seu ratio, cujus gratiâ aliquid fit: Causa formalis, seu forma, est ratio quidditatis, id est, ratio essentiae rei alicujus constitutiva: Causa materialis duplex adhuc distinguitur, nimirum *circa quam*, & *in qua*: prima nihil aliud est quàm Obiectum Virtutis; secunda est Subjectum in quo ea Virtus residet.

Causa efficiens *Justitiæ* est Deus, à quo omne donum descendit, & homo, quatenus Deo cooperatur. Causa finalis est ipsemet *Justitiæ* finis, seu actus *Justitiæ*, per quos unicuique jus suum tribuitur. Causa formalis ipsa *Justitiæ* definitione comprehenditur. Causa materialis *Justitiæ* circa quam, seu Obiectum illius duplex est, materiale scilicet, & formale. Materiale est res vel actio debita & reddenda. Illud enim est Obiectum materiale alicujus Virtutis, circa quod ea virtus ita versatur, ut circa id ipsum aliæ quoque virtutes versari possint.

N n n 3

(d) Sunt qui *Justitiæ* *Vindicativam* ad *Commutativam*, de qua mox agemus, reducant, quia, inquit, *Respublica*, seu qui eam repræsentat, puniens malefactorum, recuperat honorem, quem ille per legis infractionem læserat. At hoc non obest, quin tali pœna pro modo culpæ suæ distribuatur, seu irrogetur, & sic ad *Justitiæ* *Distributivam* reducantur, æque ac ad *commutativam*.

possint. Atqui iustitia circa rem debitam versatur, ita ut aliæ quoque virtutes circa eandem rem versentur; nam Religio, Pietas, Gratitude versantur etiam circa res Deo, patriæ, aut parentibus, & proximo debitas. Formale verò est res prout strictè debita, & ad æqualitatem reddenda: Nam Objectum formale virtutis alicujus est ipsum Objectum materiale, prout consideratur sub respectu quodam speciali, sub quo ab aliis virtutibus non attingitur. Atqui aliæ virtutes, quæ versantur circa rem debitam, non eam attingunt prout strictè debita eo, quo nunc intelligimus sensu: Pietas v. g. præcisè ut sic, versatur quidem circa rem maximè debitam, non ita tamen, ut qui contra Pietatem peccaverit, teneatur ad restituendum: qui enim parenti pauperi non succurrit, debet quidem succurrere in posterum ex Legibus pietatis, non autem tenebitur ad refundendum æquale pro præterito.

Causa materialis in qua, seu subiectum iustitiæ vel in quo iustitia residet, est ipsa voluntas. Enimverò iustitia nihil est aliud quàm firmum & constans propositum unicuique tribuendi quod suum est. Atqui, ut patet propositum hoc non ad intellectum sed ad solam voluntatem pertinere potest. Hoc suppositò queri hic solet 1mo. An in homine respectu sui ipsius, 2do. An inter Deum & hominem, 3tio. An inter Patrem & Filium sit iustitia propriè dicta, id est, quæ propriè & strictè ad alterum ordinetur. Qua de re sit

inter Patrem & Filium iustitia propriè & strictè dicta reperitur.

Prob. Stricta & propriè dicta iustitia tres condiciones ipsi essentielles includit; 1mo. debet esse ad alterum. 2do. debitum supponit. 3tio. debet constituere æqualitatem. Atqui prima non reperitur in eodem homine respectu sui ipsius; nec enim idem homo alter est à se ipso. Nec eadem conditio, ut & nec tertia reperitur inter creaturas & Deum, Filium & Patrem: Nam 1mo. Creaturæ sunt effectus Dei, Filii partes Parentum: ac proinde nec Deus, nec Pater sunt perfectè aliquid aliud ab ipsis. 2do. Nec creaturæ Deo, nec Filii Patribus æquale reddere possunt. Ergo.

Eadem ratio militare videtur quantum ad servos respectu Dominorum; servi enim sunt instrumenta Dominorum, adeoque hi etiam non sunt perfectè aliquid aliud à servis suis (e).

Nihil tamen obest quin imperfecta & improprie dicta iustitia inter eos intercedere dicatur. Nam 1mo. Patres assenserunt Creaturam per suum peccatum sibi, & Deo inferre injuriam, & consequenter infringere iustitiam. Ergo supposuerunt in Creatura respectu sui ipsius, Deumque inter & ipsam, iustitiam aliquam, & saltem secundum quid, reperiri. 2do. Filius, qui necessaria Patri negat, reus fit violatæ iustitiæ; quippè qui id elargiri detrectet, quod naturali jure debet. 3tio. Servus, qui, invito Dominò, fugit, incidit in peccatum furti, rapit enim bonum alienum (f), invito rationabiliter Dominò. Atqui surtum est contra iustitiam. Ergo, &c.

34

CONCLUSIO.

Nec ejusdem hominis ad se ipsum, nec inter Deum & hominem, nec denique

Solun-

(e) Idem quoque dicendum de marito & uxore qua talibus. quia sic sunt una caro & unum veluti totum, cujus vir est caput, & uxor corpus.

(f) Scilicet se ipsum, qui ad Dominum suum pertinet, estque illud non sui ipsius.

37 *Solvuntur Objectiones contra Conclusionem.*

Ob. 1mo. Contra 2dum. Membrum Conclusionis. Si in Deo respectu creaturæ non esset *Justitia* propriè dicta, tunc vel maximè idèò, quia id supremo, & perfectissimo, quod in creaturas habet, & quo se spoliare non potest, dominio repugnat. Atqui hæc ratio nulla est. Prob. Etsi Deus creaturis aliquid stricto jure deberet, perfectum tamen in eas dominium habere non desineret, quia dominium hoc ligatum non esset nisi ex Dei voluntate. Ergo sicut non definit dominium Dei in Angelos, ex eo quod Deus, ex suppositione sui decreti, non possit nunc Angelos destruere, sic nec desineret idem dominium in mercedem, v. g. Angelis destinatam, ex eo, quod Deus illam stricto jure iisdem Angelis deberet.

Resp. 1mo. neg. maj. arg. & dicimus, Nos asserere in Deo respectu creaturæ perfectam *Justitiam* non reperiri, quia Deus non est perfectè aliud ab ipsis, nec hæ ipsi æquale reddere possunt; quæ conditiones tamen requiruntur ad perfectam *Justitiam*; non præcisè quia Deus perfectissimum in creaturas habet dominium, &c.

Resp. 2do. neg. min. Ad ejus prob. neg. ant. Nam tunc Deus plenè & perfectè non haberet (g), quia jam re sua sine alterius injustitia uti non posset, in quo tamen consistit ratio plenè & perfecti dominii. Nec valet paritas, quæ additur: dominium enim non est facultas utendi re sua sine infidelitate, aut inconstantia; sed facultas utendi re sua sine alterius injuria. Quare licet Deus non possit promissam Angelis immortalitatem negare, quia infidelis esse non potest, perfectè tamen Dominus est, quia etsi per

impossibile vitam Angelis auferret, non auferret eis nisi id, de quo sine cujuscumque injuria disponere potest. Si homo qui die Veneris gallinam suam sine peccato inobedientiæ comedere non potest, non definit esse verè Dominus gallinæ, quia eam sine alterius injuria comedere potest.

Ob. 2do. Scriptura & Patres scripserunt Deo *justitiam* attribuunt. Sic 2. Tim. 4. v. 8. *In reliquo reposita est mihi corona justitiæ, quam reddet mihi Dominus Judex.* Heb. 6. vers. 10. *Non enim injustus est Deus, ut obliviscatur operis vestri.*

Eundem in sensum locuti sunt SS. Patres. Sic Augustinus lib. de nat. & grat. *Non enim injustus est Deus, qui justos fraudet mercede justitiæ.* Et S. Ambrosius in Psal. 118. Sermon. 7. *Fuit Deus conveniri, ut si quis . . . bene certaverit, fructum remunerationis expectet, quin etiam exigat.* Atqui hi omnes textus de *justitia* strictè sumpta intelligi debent: textus enim, qui tam frequenter idem dicunt, proprio & naturali sensu intelligi debent, nec ad metaphoram detorqueri possunt, nisi gravis urgeat ratio, quæ hic planè nullatenus occurrit. Ergo, &c.

Resp. diss. maj. Scriptura & Patres Deo attribuunt *justitiam*, ut expriment Deum id, quod justum est & bonum, & facere, imò & ad id teneri ex fidelitate, conc. Ut expriment Deum ad id faciendum teneri ex stricto creaturarum jure, neg. maj. Itaque Deus Sanctos remunerans multiplici sensu justus nuncupatur, 1mo. Ratione fidelitatis, quia, ut loquitur S. Augustinus, Sermon. 16. de verb. Apost. cap. 1. *Debitor factus est, non aliquid à nobis accipiendo, sed quod ei placuit promittendo.* 2do. Ratione æqualitatis, quam servat: quantum enim meren-

(g) Intelligi, supremum & perfectissimum in creaturas dominium.

merentur opera, tantum, imò plus retribuit, juxta illud S. Pauli Rom. 8. v. 13. *Non sunt condigna passionibus hujus temporis ad futuram gloriam, qua revelabitur in nobis.* Sed Deus non eo sensu dicitur justus, quòd creaturis quidpiam stricto jure debeat. Hinc S. Anselmus in Profol. cap. 10. *Justus es, inquit ad Deum, non quia nobis reddis debitum, sed quia facis, quod te deest valde bonum.* S. Bernardus Serm. 1 de Annuntiatione: *Si Deus merenti negaret, præjudicium nulli faceret.* Et demum S. Augustinus lib. 4. Confess. cap. 4. *Reddis debita, nulli debens.*

Ad prob. Resp. Scripturam sine metaphorâ explicari debere, quoties id rerum natura patitur. Atqui Dei natura non patitur, ut justitia, de qua loquimur, Deo adscribatur, cum ea imperfectionis aliquid includat, quatenus supponit Deum aliquid strictè debere creaturis: hæc enim debendi ratio supremi Dei dominii omnino subvertit: Si enim Deus alicui ex justitia obligatus esset, tunc sine injustitia non posset id, quod illi debet, in alterius dominio reponere, adeoque sine illius, cui illud debet, injuria, aut injustitia de eo ad libitum disponere, illudque ei denegare; quod supremo, & perfectissimo Dei in creaturas dominio repugnat, utpote de cujus ratione est, ut, quemadmodum jam adnotavimus, Deus de aliqua, imò qualibet re uti possit, ut nulli fiat injuria.

- 39 Ob. 3tio. In eo est justitia strictè sumpta, in quo est constans & perpetua voluntas unicuique jus suum tribuendi. Atqui in Deo est talis voluntas, cum ea nihil involvat imperfectionis. Ergo.

Resp. neg. min. Per eas enim voces, *jus suum*, intelligitur id, quod stricto jure debitum est: sed aliquid alteri stricto jure debere, imperfectionem arguit. Ergo.

Inst. Ideò jus illud quod ex debito Dei acquireret creatura, imperfectionem argueret in Deo, quia rem, quam deberet Deus, alto ejus dominio (b) subtraheret. Falsum consequens. Ergo. Prob. min. Non magis alto Dei dominio subtraheretur res, quam Deus creaturæ deberet, quàm alto Regis dominio subtrahatur res, quæ à Rege subditis donatur, aut venditur. Atqui res à Rege subditis donata, aut vendita, non ideò definit subjacere alto Principis dominio, cui semper licitum est de bono & personis disponere, prout excegerint Reipublicæ commoda. Ergo.

Resp. neg. min. ad ejus prob. 1mo. neg. maj. Longè enim majus est Dei dominium in bona creaturæ, quàm Principis in subditorum bona: de iis enim Princeps nonnisi certis in casibus disponere potest, extra quos illi committit scelus quod Achab, cum vineam Naboth vi & dolo occupavit, 3. Reg. cap. 21. Quis dominium Dei tam finito hominis dominio comparare auit? 2. Resp. neg. min. Nam Princeps etsi jus altum in vendita subditis bona conservet, amittit tamen dominium illud proprietatis, vi cujus eadem vendit bona; unde ea deinceps vendere nequit, nisi id postulet Reipublicæ utilitas. Ergo Princeps vendendo, aut donando quædam bona, excidit à quodam jure; ergo etiam Deus, si velut cogi posset ad rem in alterius dominio ponendam, potiora suppremi domini sui jura amitteret.

Ob.

(b) Dominium altum seu jus altum illud dicitur, quod juribus & dominis particularium prædominatur, atque illis derogat, quatenus, non obstante jure, quod habent particulares in sua bona, potest ille, qui communis seu Reipublicæ præest, priorum bonis & fortunis uti, prout postulat Reipublicæ utilitas.

41 Ob. 4to. S. Thomas. lib. 1. cont. Gent. cap. 93. sic loquitur: *Nom competit Deo commutativa Justitia: sed solum distributiva.* Ergo saltem in eo erit justitia distributiva respectu creaturæ.

Resp. dist. textum: Justitia distributiva latè sumpta Deo competit, conc. strictè, & ut à nobis hic accipitur, neg. ant. Itaque cùm frequenter satis per justitiam distributivam ea intelligatur, quæ multis secundum proportionem geometricam reddit id, quod ipsorum est, live id districto jure debeatur, live non; hinc est, quòd Justitia distributiva Deo facilius tribuatur, quàm commutativa, quia re ipsa reddit Deus unicuique secundum opera ejus. Eadem de causa Justitia vindicativa Deo inesse dicitur, non ut exprimat tantam Deo incumbere puniendi criminis necessitatem, ut si hoc condonet, injuriam alicui faciat; bene verò ut significetur eum tantum peccatori daturum esse luctus & tormenti, quantum glorificavit se, & in deliciis fuit, Apoc. 18. vers. 7. Utramque Justitiam hoc sensu in Deo locum habere lubenter fatebimur; sed tunc à strictiori utriusque idea recedendum erit.

42 Ob. 5to. Esto in Deo respectu creaturæ non reperiri justitiam strictè & propriè sumptam, ea tamen est in homine respectu Dei. Ergo malè dictum in Conclusionem eam non reperiri in creaturis respectu Dei. Prob. ant. Ex S. Augustino lib. 19. de Civ. Dei cap. 21. ubi sic loquitur: *An qui fundum auferit ejus à quo emptus est, & tradit ei, qui nihil in eo habet juris, injustus est; & qui se ipsum auferit dominantì Deo, à quo factus est, & malignis servit spiritibus, injustus est?* Unde sic conficitur argumentum: Quia hominem re sua spoliatur, strictè & propriè loquendo injustus est. Atqui ex S. Augustino qui se ipsum Deo subtrahit, ut malignis serviat spiritibus,

P. Cartier Theol. Tom. III.

se habet, ut ille, qui hominem fundò suò spoliatur. Ergo.

Resp. neg. ant. ad ejus prob. transmiss. S. Augustini textu dist. min. Qui se ipsum Deo subtrahit, &c. se habet quodammodò & secundum quid ut ille, qui hominem fundò suò spoliatur, conc. se habet omnino & secundum omnia, neg. min. Qui hominem re sua spoliatur, illius dominium omninè ab eo tollit: Qui verò per peccatum à Deo recedit, atque diaboli servus efficitur, à supremo Dei dominio se nec omnino subtrahit nec subtrahere potest. Similitudini ergo, quam hic affert S. Augustinus, idem accidit, quod cæteris plerisque evenit, nempe claudicat, atque in sensu latiori & cæteris paribus accipienda est.

Inst. In eo potest esse Justitia respectu Dei, qui verè & propriè potest esse in Deum injustus. Atqui homo in Deum injustus esse potest: ille enim in Deum injustus esse potest, qui jus Dei violare potest. Atqui homo &c. Sicut enim jus hominis violat, qui eum falsi criminis reum postulat; ita jus Dei violaret, qui eum injustitiæ & crudelitatis accusaret. Ergo tunc læderetur non solum Religio, sed etiam Justitia.

Resp. imo. neg. maj. Nam longè plura requiruntur ad perfectam & propriè dictam Justitiam, quam ad injustitiam; nempe ad perfectam Justitiam requiritur, ut sit ad alterum, & ut ponat æqualitatem, quæ in homine respectu Dei, minimè reperiuntur: ad injustitiam verò sufficere videtur læsio juris alieni. Unde etsi concederetur hominem in Deum verè & propriè injustum esse posse; non tamen ideò sequeretur, in eo respectu Dei propriam & strictam esse posse justitiam.

Resp. 2do. neg. min. scilicet hominem in Deum verè & propriè injustum esse posse, imo. quia non fit injuria seu injustitia propriè dicta nisi invito: Deus

O o o

autem



autem erga nullam eventum invitus eſſe poteſt propriè loquendo, quia quod per-
mittit, avertere poteſt. 2do. Quia per
injuſticiam propriè dictam juſ, quod al-
ter habet, eidem omninò tollitur. At-
qui homo per ſuum peccatum ſeu erga
Deum injuſticiam juſ, ſeu dominium,
quod Deus in illum habet, minimè au-
fert, aut auferre poteſt. 3tio. Sicut
juſticia perfectà & propriè dicta eſt ad
alterum, ſic & injuſticia propriè & ſtri-
ctè ſumpta. Atqui ex dictis juſticia,
quæ inter Deum & hominem intercedit
non eſt propriè ad alterum. Ergo nec
injuſticia.

- 44 Ob. 6to. contra 3tium. Concluſionis
membrum. Inter Patrem & Filium po-
teſt eſſe vera amicitia. Ergo & juſticia ſtri-
ctè ſumpta; non enim minùs amicitia eſt
ad alterum, quàm juſticia.

Reſp. neg. conf. Ratio eſt, quia ma-
jor diſtinctio requiritur ad fundamentum
juſtitiæ ſtriectè ſumptæ, quàm ad funda-
mentum amicitia; iſta enim aliquo mo-
do, per affectum ſcilicet, identificat per-
ſonam amatam cum amante.

- 45 Ob. 7mo. Filii per emancipationem
redditur alter à patre. Ergo ſaltem in
eo caſu in patrem & ipſum poteſt eſſe
perfecta & ſtriectè ſumpta juſticia.

Reſp. diſt. conf. In eo caſu poteſt eſſe
inter patrem & filium perfectà juſticia in
bonis civilibus, conc. in debitis jure
naturæ, neg. conf. Ratio eſt, quia eman-
cipatio non tollit unitatem naturæ: igitur
non efficit, ut in rebus, quæ ad
naturam pertinent, filius & pater ſint
perfectè diſtincti.

CAPUT II.

De Jure.

Juris nomen ſex præcipuè modis ſu-
mitur. 1mo. Pro Arte Juris ſeu Ju-

riſprudencia; quia quemadmodum ars
medicamentorum *Medicina* dicitur, ſic
Ars & Scientia Juris vocatur *Jur.* Juſ
autem ſic ſumptum deſinitur, *Arſ aequi
& boni, juſti & injuſti ſcientia.*

2do. Pro loco, in quo Juſ dicitur;
hoc paſſò dicimus aliquem in Juſ vo-
cari.

3tio. Pro Judicis ſententia, licet non-
nunquam injuſta; ſic Judex dum pro-
nuntiat, dicitur Juſ dicere.

4to. Pro lege, quæ eſt regula, qua
diriguntur actiones juſtitiæ; quo ſenſu
Juſ dividi ſolet in juſ naturale & poſiti-
vum, hoc eſt, in legem naturalem &
poſitivam, de quibus ſpeciali tractatu
egimus.

5to. Pro actione vel re juſta, ſeu
pro Objeſto juſtitiæ, quo ſenſu res ad
nos pertinens dicitur juſ noſtrum.

6to. Pro legitima facultate, quam habet
quis ad utendum re aliqua, atque eam
certò modò poſſidendam; ſic dominus
fundì dicitur habere juſ circa fundum.
Et hoc ultimò modò hìc ſumitur nomen
Juris.

Itaque Juſ, de quo nunc loquimur, 47
deſiniri poteſt, *Legitima poteſtas diſpo-
nendi de re aliqua tanquam ſua, per ſe
efficiens, ut nemo, nobis rationabiliter
invitiſ, de eadem re diſponere poſſit.*

Dicitur 1mo. *Legitima poteſtas* hoc eſt,
vel Legi conformis, quia alioqui viſ &
injuria eſſet, non verum juſ: vel con-
ceſſa è lege, ſive naturali, uti eſt juſ
ad tuendam vitam; ſive divinà, uti eſt juſ
ad percipiendâ Eccleſiæ Sacramenta; ſi-
ve demum humanà, uti eſt juſ præſcri-
bendi, item juſ hæreditarium, &c.

Dicitur 2do. *Poteſtas*, quæ eſt habitudo
ad id, circa quod juſ habere dicimur. Hæc
autem poteſtas, licet aliquando ſupponat
aliquid phyſici, ut patet in potentia do-
cendi, quæ ſcientiam ſupponit; per ſe
tamen non eſt aliquid phyſicum, ſed mo-
rale, prout ſecundum communem ho-
minum

minum æstimationem sufficit ad varios effectus producendos : unde pro effectu illorum natura nunc concipitur per modum potentie activæ ; ut cum agitur de jure, quod habet Judex ad ferendam sententiam : vel per modum potentie passivæ ; ut cum dicitur, filium habere jus, ut à Patre nutriatur : vel denique per modum potentie resistendi, quale est rei us, quo quis alium impedire potest, ne ædificet in tali loco, ne altius ædificet, &c.

Dicitur 3tio. *Disponendi de re tanquam sua*. Ubi nomen *Rei* latè sumitur pro eo omni, quod utcumque ad nos pertinere potest, sive sit ipsa substantia boni ; quo sensu dicitur filius habere jus in hæreditatem paternam : sive sit simplex rei usus ; quomodo dicitur jus habere in hortum, qui ejus usum habet à proprietate distinctum : sive sit mera functio, v. g. juris dicendi seu pronuntiandæ sententiæ : aut quasi functio, ut retinendi domini aut functionis seu conditionis, in qua sumus ; vel negatio functionis, ut non militandi, non solvendi tributum, ad quod alii obligantur. Per verbum *disponere* autem non id tantum significatur, quod actu possidemus possessione facti, ut ajunt ; sed id etiam, quod possidemus possessione juris, id est, quod ut nobis jam debitum & obligatum prosequi possumus.

Dicitur 4to. *Efficiens, ut nemo &c.* Si enim res verè mea sit, injuriam facit mihi, qui de ipsa contra voluntatem meam absque legitima causa disponit.

48 Jus ita definitum dividi solet in *Jus in re seu reale*, quod est *legitima potestas circa rem sibi obligatam, & suam factam* ; ideoque dat actionem in rem ipsam, ita ut possit res illa vindicari, ac repeti, ubicumque fuerit ; & in *Jus ad rem*, quod est *potestas legitima ad obtinendam, sibi que obligandam rem nondum sibi obligatam seu suam factam* ; ideo-

que non parit actionem in rem, sed in personam, quæ illam debet. Sive paulò brevius, Jus in re est *Jus, quod quis habet in re, ut jam sua facta*, & dat actionem realem. Jus ad rem est *Jus, quod quis habet ut res aliqua sua fiat*, & parit actionem personalem. *Actio* autem hic est *Jus prosequendi in judicio id, quod suum est, vel quod sibi debetur*.

Ad *Jus ad rem* velut species refertur 49 *Jus*, quod quis habet ad Beneficium per electionem, postulationem, & præsentationem ; de quibus egimus in Tractatu de Religione cap. 5.

Ad *Jus in re* verò tanquam species infimæ revocantur Dominium, Usufructus, Usus, Habitatio, Emphyteusis, Feudum, Libellus, Superficies, Servitus, Pignus, & Hypotheca, quibus accessus est possessio. De quibus omnibus duabus Sectionibus in varios paragraphos distinctis agemus, quarum prima de *Dominio*, utpote de quo plura scitu utilissima dicenda occurrunt ; Altera verò de Reliquis *Juris in re* speciebus tractabit.

S E C T I O I.

50

De Dominio.

Dominium generatim definiri potest, *Jus gubernandi vel disponendi de re aliqua tanquam sua*. Duplex est, *Jurisdictionis & proprietatis* : Dominium jurisdictionis est *potestas gubernandi subditos in illorum commodum, præcipiendo scilicet, prohibendo, judicando, puniendo, &c.* Illud quoque duplex est, aliud *politicum* seu *seculare*, quod est *potestas gubernandi subditos in rebus temporalibus*, qualis est in Regibus & aliis Principibus ; aliud *Ecclesiasticum*, quod est *potestas gubernandi subditos in ordine ad bonum spirituale*, qualis est in Papa & Episcopis, &c.

O o o 2

Domi-

Dominium proprietatis, de quo solo hic agimus, est *Jus disponendi de re aliqua, tanquam sua, seu suo nomine, arbitratu, & auctoritate, nisi lex vel pactum obstat*.

Dicitur 1mo. *Jus &c.* Quia Dominium verè est Jus aliquod &c. Dicitur 2do. *Nisi lex vel pactum obstat*. Quia ejus usus potest lege vel pacto impediri: sic pupillus non potest bona sua alienare, licet eorum sit Dominus, quia id ei legibus, quæ legitimis de causis manus eidem ligaverunt, vetitum est; nec debitor pignus potest alienare, quamvis sit ejus Dominus, ob pactionem cum creditore initam.

51 Dividitur 1mo. in *Altum*, quod habet Respublica, seu Princeps, disponendi de bonis & actionibus privatorum ad bonum commune; & in *Humile*, quod quisque privatus habet disponendi de suis bonis in proprium commodum.

52 2do. In *plenum* seu *perfectum*, quod est *Jus disponendi de re & fructibus ejus tanquam suis*; & *non plenum*, quod est *Jus disponendi vel de sola re, vel de solis ejus emolumentis*: undè subdividitur in *Directum*, quo quis habet *solan* proprietatem *rei sine jure percipiendi ejus fructus*, & in *Utile*, quod est *jus disponendi de fructibus & emolumentis rei, non de ipsa re*.

35 Porro ad acquirendum Dominium rei, quæ nullius est, sufficit sola rei apprehensio facta animò illam faciendi suam, quod enim nullius est, id ratione naturali occupanti conceditur. lib. 3. ff. *De Acquir. Rer. Domin.* Nisi aliter specialiter aliqua lege, vel consuetudine statutum sit.

54 Ad acquirendum verò dominium rei, quæ habet Dominum, jure naturæ sufficit mutuus consensus signò externò expressus; sed jure positivo duo ordinariè requiruntur, scilicet *titulus & traditio*,

ex lib. 20. Cod. de pact. *Traditionibus dominia rerum, non nudis pactis, transferuntur.* Juncta Lege 31. ff. *De Acquir. Rer. Domin.* Nunquam nuda traditio transfert dominium: sed ita, si venditio aut aliqua justa causa præcesserit, propter quam traditio sequeretur.

Titulus autem est fundamentum & 55 radix domini, sive ratio & causa, propter quam Dominium alicui competit, ut venditio; per eum tamen non habetur dominium aut jus in re, sed solùm jus ad rem, nisi accedat *traditio*, quæ est veluti conditio à jure requisita, ut vi tituli acquiratur dominium. *Traditio* verò duplex est, *alia realis*, quæ res ipsa datur in manus; & *alia fidei* seu *civilis*, quæ fit per instrumentum, ut per traditionem clavium, aut similem aliam actionem lege vel consuetudine institutam.

Dixi *ordinariè*, quia licet ad acquisitionem domini rei alicujus semper 56 requiratur *titulus*, tamen lex in sequentibus casibus ad eam *traditionem* non requirit. 1mo. In hereditate, cujus dominium acquiritur sola hereditatis acceptance, lib. 23. ff. *de De acquir. vel amitt. poss.* 2do. In Legato, cujus Dominium acquiritur, ubi primò hæres hereditatem adiit. Leg. 66. ff. *de furt.* 3tio. In Beneficiis, in quibus jus in re per solam collationem & acceptionem acquiritur. 4to. Ex titulo donationis, venditionis, aliove simili acquiritur Dominium civitatibus, Ecclesiis, aliisque similibus piis locis, ob speciale privilegium.

Circa Dominium proprietatis sic definitum & divisum tria præcipuè inquiri solent: 1mo. Quodnam sit illius Objectum. 2do. Quodnam Subjectum. 3tio. Quot & quibusnam modis Dominium rerum acquiratur. Quæ singulis paragraphis examinabimus.

Prius tamen quædam de Dominiorum origine ac divisione pauca præmittenda esse duximus.

- 57 Igitur velut certum & re ipsa constans supponimus factam esse rerum divisionem, ita ut quæ unus sunt, non sint alterius. Hinc tres nascuntur quæstiones: 1ma. an divisio rerum & Dominiorum iusta sit & conveniens? 2da. Quo tempore facta sit rerum divisio? 3tia. Quo jure ea rerum & terrarum divisio facta fuerit?

- 58 Ad 1mam. dicendum, justam & convenientem esse rerum & Dominiorum divisionem. Iusta quidem est, ut patet 1mo. ex S. Scriptura, quæ mentionem facit tum de divisione bonorum facta inter viros justos, v. g. inter Abraham & Loth; tum de emptionibus, donationibus, aliisque ejusdem generis; quæ bonorum divisionem supponunt. 2do. Ex damnatione *Apostolicorum* sæculi 12mi. hæreticorum (1), quorum error in eo situs erat, quod negarent, quemquam salvari posse, nisi omnibus divitiis & dominiis renunciaret. 3tio. Quia justum est, quod communi gentium consensu constitutum est; Atqui, ut mox dicemus, bonorum divisio sic introducta fuit. Ergo.

- 59 Deinde eadem divisio conveniens fuit. 1mo. Quia per eam paci & concordie consultum est: si enim Abraham & Loth, viri justii, *nequibant habitare communiter*, Genes. 13. vers. 6. eò quòd substantia eorum multa foret, & quasi indivisa, quid de aliis minùs piis futurum fuisset? Quot bella, quot lites, dum unusquisque rem communem, cum ea esset utendum, suam facere vellet? 2do. Quia agri inculti remanissent; homo enim naturà se-

gnis & tardus ad laborem, non ratò propria negligit, quantò magis communia negligeret?

Ad adam quæstionem dicimus, Re- 60 rum divisionem cepisse ab initio mundi, sive Adam & Noë, ut Patres omnium hominum, qui suo tempore erant, decretum de dividendis dominiis ediderint, quo eorum filii obligarentur; sive homines in eam divisionem unanimi consensu conspiraverint. Quidquid sit, videtur, quòd Abel & Cain Adami filii ex bonis sibi propriis sacrificia Domino obtulerint, ac proinde diversa habuerint Domina. Docet etiam S. Epiphanius hæ. 66. Noë, post diluvium, mundum in tres partes filiis suis divisisse, eosque juramentò obligasse, ut eorum nullus alterius possessiones invaderet (2).

Ad 3tiam. Respondemus, Rerum ter- 61 rarumque divisionem factam esse partim jure gentium, partim jure naturali; partim denique in variis regionibus jure civili & politico. 1ma. pars patet, quia jus gentium consistit in omnium populorum aliqua de re consensu. Atqui eo consensu vel expresse vel tacito factum est, ut alii hanc, alii istam terræ partem sibi retinerent, quam ipsi priores occupaverant, aut excoluerant. Ergo. 2da. pars prob. 1mo. Quia illud dici potest jure naturali factum, quod jus naturale vehementer suadet, & aliquatenus præcipit. Atqui talis est rerum divisio in præsentii miseriæ statu, in quo frater fratrem occidisset, nisi habuisset unusquisque partem aliquam boni sibi specialiter devinctam. Ergo. 3tia. pars habetur ex eo, quod Jus civile invenit primo-

O o o 3

geni-

(1) Sæculò Ecclesiæ 3tio, circa annum Christi 260. nempe, jam prædiere hæretici dicti *Apostolici* seu *Apotactici*. Matrimonium damnebant; bona omnia & divitias subdicebant. S. Epiph. hæ. 61. S. Augustin. heres. 40.

(2) Iniqua æqualis inter omnes facta fuit rerum divisio secundum proportionem Geometricam. Quod autem nunc & olim alii amplissimas opes habeant, & habuerint; alii fame & iediis consumpti pereant & perierint; id præscriptione, aut aliis titulis factum est, quibus, quod primò iniquum fuit, evasit æquum.

genitura, præscriptionisque Jura, necnon multas particulares leges, quæ in diversis locis diversas efficiunt dominiorum & bonorum divisiones. Ergo &c. modò sit

§. I.

- 62 De Objecto Domini; seu quænam sit Domini materia, id est, quænam res aut bona hominis Dominio subiaceant?

Velut certum supponimus, hominem in statu innocentie rerum sublunarium omnium dominum fuisse: id enim aperte innuit Scriptura, Genes. 1. *Faciamus hominem, ut præsit &c. Replete terram, & subjicite eam, & dominamini piscibus maris.* Psal. 8. *Omnia subjecit sub pedibus ejus.* Quod dominium, post hominis lapsum, in ipso humano genere permanet (1), non tamen in quolibet individuo; quia post peccatum facta fuit rerum divisio, quam leges humanæ, & consuetudo confirmarunt. Unde in statu naturæ corruptæ non omnes in omnia sublunaria habent dominium; nec etiam in iis, qui eo fruuntur, æquè perfectum est, ac erat prius.

Quæritur ergo hic præcipue 1mo. An homo respectu alterius hominis sit Objectum Domini, id est, an homo alterius hominis Dominus esse possit? 2do. An proprium corpus & fama respectu cujuslibet sit Objectum Domini; seu an homo sit proprii corporis seu vitæ suæ, & suorum membrorum, item famæ præcipue Dominus?

CONCLUSIO. I.

63

Homo potest esse Objectum Domini, seu potest esse servus & mancipium alterius hominis; adeoque homo alterius hominis Dominus esse potest; licetque homini hominem servum facere, aut habere.

Prob. 1mo. ex S. Scriptura tum veteri tum nova. In veteri quidem legimus, apud Judæos fuisse servos tam ex Israëlitis, quàm ex Gentilibus; cum hoc tamen discrimine, quòd isti jure hæreditario transferrentur in posteros, illi verò, expletò septenniò, deberent dimitti, Exod. 21. & Levit. 25. In novo autem Testamento: S. Petrus Ep. 1. cap. 2. præcipit, ut servi conversi ad fidem Domini, etiam discolis, obediant. S. Paulus 1. Cor. 2. hæc ait: *Unusquisque in qua vocatione vocatus est; in ea permaneat. Servus vocatus est, non sit tibi cura.* 1. Tim. 6. vers. 1. hortatur idem Apostolus, *ut quicumque sunt sub jugo servi, dominos suos omni bonore dignos arbitrentur*, sive fideles sint sive non. Unde etiam Onesimum Philemonis servum ad ipsum remittit, non remissurus utique, si servitus illicita foret.

Prob. 2do. Ex Conciliis, & Patribus. Nullum Concilium, nullus S. Pater ex iis, qui à Christo usque ad sæculum 12mum. scripsere, damnavit ut illicitam etiam apud Christianos, servitutem legalem. Vide in Jure Canonico Cauf. 12. q. 2. Cap. *Injustum* 55. & seq.

Prob. 3tio. Ratione. Ad majus & præcipuum bonum conservandum licet illud profundere, quod minus est. Ergo cum vita sit pretiosior libertate, licitum est

(1) Hoc indicant hæc Genes. 9. v. 2. *Terror vester ac tremor sit super cuncta animalia terræ. . . . tradidi vobis omnia.* Item hæc Psal. 113. *Terram autem dedit filiis hominum.*

est saltem ad conservationem vitæ, libertatem vendere.

64 Notandum hîc imo. Jus Dominorum in servos ultra rationabile servitium non extendi; undè injusta erat veterum agendi ratio, qui servos pro nutu morti dabant: imò S. Thomas, & post eum alii multi negant servum per vim & fraudem à contrahendo matrimonio impediri posse. Posset tamen impediri à suscipiendis Ordinibus, quia tunc efficeretur liber; posset & impediri ab ingressu Religionis, ad quem si transiret invitò Dominò, furtum sui Domino faceret, deberetque ei restitui, si ante finem triennii eum repeteret. *Caus. 17. q. 2. cap. Si quis III.*

Not. 2do. Aliquem alterius servum effici posse dupliciter, imo. *Voluntariè*. 2do. *Ex justa necessitate*. *Voluntariè* quidem, ut si homo se ipsum vendat, sive ut ab infeliciore statu se liberet, sive ut proximo succurrat, quod S. Gregorius refert factum fuisse à S. Paulino Nolano Episcopo, qui servum se fecit, ut viduæ ejusdam filium à servitute redimeret. Ex necessitate verò, quod tribus modis evenire potest, imo. Ratione nativitatis: sic jure communi filius matris ancillæ, etiamsi patrem habeat liberum, servus est, *Inst. Justin. L. 1. c. 3.* 2do. Ratione delicti, ut si quis servitute puniatur ob crimen, quod admisit, aut saltem in pœnam peccati publici, quomodo servi fieri possunt, qui capiuntur in bello. 3tio. Jure paterno, ut si pater ob ingruens famis periculum filium vendat, *Ex l. 1. & 2. ff. De patribus, qui filios suos distraxerunt*. Quod jus, utpotè odiosum, non solet ad matrem extendi. Compelli autem potest pater ad redimendum filium, si ad meliorem fortunam pervenerit.

Not. 3to. Christianos eximi quidem per charitatem à servitute Diaboli, non

tamen à servitute hominum; unde Christiani servi infidelium esse possunt. Et verò sit possint in bello justo infideles vitam auferre Christianis, cur non possint iisdem libertatem auferre?

Not. 4to. quòd, juxta Sylvium q. 66. a. 1. tametsi Hebræis olim licitum fuerit Hebræos servos emere, nulli tamen Christiano jam permissum sit emere Christianum.

Not. 5to. Olim multis modis servos 65 libertatem consecutos fuisse: v. g. per honorem mensæ: per Epistolam, per manumissionem, sive gratis, sive pretiò factam: per conversionem servi Judæi, vel Gentilis, Domino remanente infideli: item per *jus postliminii*, cùm servus bellò caprus fugiebat, aut in eas se recipiebat urbes vel Provincias, ubi liberi fiebant loci privilegiò, quicumque in eas confugissent.

Hac occasione quaeritur, an licitum 66 sit servis fugere? Porro quaestio hîc non est de servis, qui se in servitutem venderunt, aut ex matre aliter, quàm per bellum servâ, servitutem contraxerunt: ejusmodi enim servi tam numerantur inter res Domini sui, quàm ceteræ ejus possessiones. Neque etiam de iis sermo est, qui ad infidelitatem, ad fornicationem, aut quodlibet aliud mortale peccatum periculose sollicitantur, aut quos Dominus occidere vellet, vel quibus necessaria ad vitam auxilia denegaret: il enim omnes jus habent potius jure Domini sui, ad vitam suam seu corporalem, seu spirituales tuendam. Præcipua ergo difficultas est utrum servo, qui in bello captus est, *jure postliminii* fugere liceat. *Jus autem postliminii* est jus recuperandæ rei suæ ab extraneo, & in pristinum statum restituendæ. Pro quo sit

Servi bellò etiam iussò capti fugere possunt ad suos: non tamen Dominis persequentibus vi resistere.

Prob. 1ma pars 1mo. Ex Instit. lib. 2. tit. 1. *De rerum divisione* §. 17. Item ea: ubi sic loquitur Justinianus: *Si servi evaserint nostram potestatem, & ad suos reversi fuerint, pristinum statum recipiunt.* 2do. Quia servitutis, quæ communi gentium consensu introducta est, conditiones non magis onerari debent, quam consuetudine totius orbis sit receptum. Atqui consuetudo ubique recepta habet, ut servi bellò capti ad suos sine conscientie scrupulo fugere possint: is enim ubique est usus eorum, qui bella gerunt, ut nunquam petant, aut mitant pretium eorum, qui fugâ libertatem recuperavere. Ergo.

Dictum est in hac prima Conclusionis parte 1mo. *bellò etiam iussò &c.* Quia certum est eos, qui bellò, de cuius iniustitia postea constaret, capti fuissent, ad suos sine pretio remitti debere; ideoque à fortiori ipsis licitum esse, ut sibi fugâ consulant. 2do. *Servos posse fugere ad suos.* Hæc enit sola fuga permittitur, qua libertatem recuperare possint: non possunt autem libertatem recuperare, quamdiu intra hostium, à quibus capti sunt, confinia morantur.

Prob. etiam 2da. pars. Quia Dominus habet verum jus eos retinendi, quamdiu extra hostium fines non pervenerint. Ergo cum bellum utrinque iustum esse non possit, non possunt vi se tueri, cum supponere debeant se iussò bellò captos fuisse. Sic reus fugere quidem potest, non tamen iustitiae Ministris persequentibus vi resistere. Prout passim docent Theologi.

Homo nec vitæ suæ, nec membrorum sui corporis est Dominus: benè autem famæ suæ.

Prob. 1ma. pars. Homo non potest pro lubitu de sua vita, aut de membris sui corporis disponere. Unde Deus Deut. 22. hæc ait: *Ego occidam, & ego vivere faciam*, id est, solus ego sum vitæ & necis Dominus. 2do. S. Thomas 2. 2. q. 64. a. 5. asserit, quòd occidens se ipsum non solum peccet contra charitatem sed etiam contra iustitiam; nocet nimirum Reipublicæ, cujus est vita hominis privati.

Nihil tamen obstat, quin dicamus, hominem in vitam & membra sua habere dominium indirectum & utile: ad hoc enim satis est, ut homo sine cujusquam injuria vitæ & membris uti possit ad omnem usum lege permissum (m).

Prob. altera pars. 1mo. Auctoritate SS. Patrum. S. Ambrosius dicitur perditas mulieres excepisse propria domo, ne Mediolanensium Episcopus eligeretur. S. Hieronymus Ep. 47. lapsum suum scriptis mandavit. Varia sua occulta peccata S. Augustinus propalavit in libris Confessionum. Ergo illi SS. Patres existimârunt detrimentum voluntarium famæ non esse contra iustitiam, quæ enim sunt contra iustitiam, in nullo casu sunt licita. 2do. Ex S. Thoma 2. 2. q. 73. a. 4. ad 1. ubi docet, *in arbitrio uniuscujusque esse pati detrimentum sua famæ, nisi id vergat in alterius nocumentum.* 3tio. Ratione. Ille est famæ suæ Dominus, cui competunt primarii actus Domini circa famam. Atqui cuilibet homini &c. Potest enim homo famam proprio labore sibi comparare; ablatam proprio nomine ut rem suam repetere; ac deni-

(m) Hæc de re fusiùs infra in Appendice, ubi de homicidio.

denique ejus restitutionem sine cujusquam injuria condonare. Ergo &c.

69 Hoc tamen hominis in famam suam dominium aliquando ligatum est, cum nempe vergit in alterius nocumentum. Vergit autem imo. cum ex nostri diffamatione sequitur alterius infamia: sic fama patris, Superioris, Prælati vix violari potest, quin inde etiam infametur filius, vel communitas. 2do. cum ex læsione famæ sequitur scandalum proximi; & hoc maxime locum habet in Sacerdotibus, ad quos præcipue referri potest illud Eccli 41. *Cuius habet de bono nomine;* quique satis ponderare nequeunt hæc S. August. verba lib. de bono viduit. c. 21. *Nobis necessaria est vita nostra, aliis fama nostra (n).* Imo qui se ipsum infamat peccat contra charitatem sibi debitam, nisi id fiat imo. ad pertendum consilium. 2do. ad sui humiliationem, vel ad misericordiæ divinæ commendationem. 3tio. ad ædificationem aliorum, & ad satisfaciendum pro peccatis. 4to. ad vitandum peccatum imminens &c.

70

Solvuntur Objectiones.

Ob. 1mo. contra 1mam. Conclusionem. Servitus juri naturali est contraria, cum omnes homines nascantur liberi. Ergo est illicita.

Resp. Dist. ant. Servitus repugnat juri naturali sumpto pro prima hominum institutione, conc. Sumpto pro lege prohibente, neg. ant. Neque enim servitus est intrinsece mala, sicut est peccatum; unde nullum jus aut lex naturalis Servitutem prohibet, &c.

71 Ob. 2do. Servitus repugnat Legi Christianæ, dicente Domino Matth. 17. *Liberi sunt filii.* Ergo.

P. Cartier Theol. Tom. III.

Resp. neg. ant. Ad textum dicimus, libertatem, de qua Matth. 17. vers. 25. esse libertatem à peccato seu servitute diaboli; non autem à subjectione legali. Nec enim Lex nova jus gentium abrogavit, imò Christus suos illi subiecit Discipulos, dicens: *Reddite, quæ sunt Cæsaris, Cæsari.*

Ob. 3tio. Nulli videntur esse justi tituli domini in homines. Ergo &c.

Resp. neg. ant. 1mo. Licitus est titulus belli; nam cum bellum det jus interficiendi homines, qui hostes sunt, à fortiori dat jus redigendi captos in servitutem. 2do. *Æquus est* nativitatis titulus, quando quis nascitur ex matre serva; iusta quippe est hæc lex, *Pactus sequitur ventrem.* 3tio. *Æquus etiam est* titulus condemnationis ob delicta, quorum quis reus est. 4to. Denique Justitiæ legibus non repugnat titulus emptionis; nam cum quisque sui ipsius Dominus sit, potest se alterius obsequio mancipare.

Ob. 4to. contra Conclusionem 2am. 73 Non licet privare quempiam iusta sua possessione. Atqui servus fugiendo privat. Dominum iusta sua possessione; servus enim ante fugam, iustus, ut supponimus, belli titulo possidetur. Ergo.

Resp. dist. maj. Non licet aliquem privare possessione sua absoluta, si nempe res possessa jus non habeat recuperandæ libertatis, conc. Si res possessa jus habeat se in pristinum statum restituendi, neg. maj. &c. Iraque habent Domini jus in servos, ut eos retineant, iisque opportunitatem fugæ eripiant; sed non habent jus, ut servi ea, quæ aliquando se offerit, fugiendi occasione non utantur: jus enim Gentium eis concedit, ut libertatem, si possint, ambabus ulnis

P p p

ample-

(n) Addit adhuc S. Thomas 2. 2. q. 73 a. 3. fieri etiam aliquando non debere detractionis condonationem propter bonum ejus, qui contumeliam infert, ne de cætero talia atretet, juxta illud Prov. 26. *Accipere stulto juxta stultitiam suam, ne sibi sapiens videatur.*

amplectantur ; adeoque cum fugiunt , suo, Gentiumque jure utuntur.

- 74 Ob. 7to. Servus se ipsum suaque debet victori, qui ei vitam reliquit : servitus enim non tam à serviendo, quam à servando dicta est, ut monet S. Augustinus. Ergo peccat, si fugit.

Resp. Dist. ant. Servus se Domino suo seu Victori debet, ut ei fideliter serviat, quamdiu in manibus ejus est, conc. Ut ibi perpetuo remaneat, neg. ant. & conseq.

- 75 Ob. 6to. Non magis servus bellò captus fugere potest, vitam & carcere fugere possit malefactor morte vel exiliò damnandus. Atqui posterior fugere non potest absque peccato. Ergo &c.

Resp. 1mo. neg. maj. Longa enim est inter servum bellò captum, & malefactorem disparitas : hic dum plectitur, debitam criminibus suis poenam recipit ; ille verò non ut reus, sed armorum forte damnatus est servitute omnium minus ignominiosa : unde non valet illatio à malefactore ad servum, quorum tam diversæ sunt conditiones.

Resp. 2do. Dist. min. Atqui malefactor &c. fugere non potest &c. Si juraverit se non exiturum, conf. Secus, neg. min. Tuentur communiter Theologi reum carcere inclusum, nisi juraverit se non exiturum, fugere posse, etiam post justam judicis sententiam, qua damnaretur ad mortem ; trirèmes ; flagra ; carcerem perpetuum, non tamen temporalem. Ratio est 1mo. Quia reus tunc utitur jure sibi ad suam conservationem concessa à natura, cui nulla lex humana præjudicare potest. 2do. Quia nemo tenetur facere aliquid, unde sua mors sequatur ; imò debet, quantum & quamdiu potest vitam suam conservare ; ut qui à judice damnatus est, ut fame pereat, tenetur cibum clam oblatum lumere, ne se interimat.

Ob. 7mo. contra Conclusionem 3tiam. 76 Ex eo, quòd homo remittere possit restituendæ sibi famæ obligationem, non sequitur, quòd habet ejusdem famæ dominium. Ergo probatio in Conclusionem ultimò allata non valet. Prob. ant. Homo, qui passus est mutilationem membri, potest ejus restitutionem condonare. Atqui tamen non inde sequitur, hominem esse Dominum membrorum. Ergo à pari.

Resp. ad 1mum. neg. ant. Ad 2dum. dist. maj. Potest condonare restitutionem membri, secundum quod habet illius dominium, conc. secus, neg. maj. Homo habet dominium membri duntaxat utile, quatenus ad nutum membrò uti potest ; & secundum hoc potest nullam exigere reparationem ; at verò si membrum secundum se restitui posset, ille, cui membrum abscissum fuisset, non posset restitutionem ejus remittere, quia hoc esset membrum quasi iteratò abscindere, quod omnino non licet, quia nemini concessit Deus dominium in membra sua. Porro non ita est, cum agitur de fama : hæc enim secundum se restitui potest, adeoque verè illius Dominus esse debet, qui illius restituendæ obligationem remittit.

Ob. 8vo. Honor pretiosior est vitâ. 77 Ergo si homo non sit vitæ suæ Dominus, à fortiori nullum habet in famam Dominium.

Resp. dist. ant. Honor, qui in vera coram Deo justitia positus est, conc. Qui positus est in æstimatione & judicio hominum corrupti hujusce sæculi, neg. ant. Nam 1mo. hanc honoris speciem appetere non licet : *Sanius videt qui & amorem laudis vitium esse cognoscit*, inquit S. Augustinus, lib. de Civ. Dei cap. 13. 2do. Juxta S. Thomam licet occidere vitæ invaluorem, servato modamine inculpatæ tutelæ : non licet tamen interficere injustum honoris invalu-

rem,

rem, ut definisse videtur Innocentius XI. proscribens hanc propositionem: *Fas est viro honorato occidere invasorem, qui nititur calumniam inferre, si aliter hac ignominia vitari nequit. Idem quoque dicendum, si quis impingat alapam, vel fuisse percutiat, & post impactum alapam, vel ictum fuisse fugiat.*

78 Ob. 9no. Bona fama à nobis non pendet, sed ab aliorum hominum opinione, in quam nihil omnino possumus. Ergo &c.

Resp. neg. ant. Bona fama à nobis pendet casualiter, quatenus scilicet ea possumus agere, quæ ex se apta sunt ad illam conciliandam, & ad movendum proximum, ut bene de nobis opinetur.

§. II.

De Subjecto Domini.

79

Subjectum domini est illud omne cui competit habere dominium.

Supremum omnium rerum dominium Deo titulò creationis & conservationis competere certum est: res enim est illius, à quo accipit esse. Hoc Dei dominium dignè explicat Regius Pfalter his verbis: *Domini est terra, & plenitudo ejus.* Hinc summa ea Dei potestas, qua de rebus omnibus disponit ad nutum, juxta illud Job. 9. v. 17. *In turbine conteret me, & multiplicabit vulnera mea, etiam sine causa.*

Certum item ex dictis præcedentis §. initio ea ratione homini convenire post Deum hinc in terris rerum dominium, qua ibidem exposuimus.

80

Quæritur ergo hinc 1mo. An peccatores & infideles sint capaces Domini, Wiclefus namque & Hu. id negaverunt, quorum error his verbis conceptus, *Nul- lus est Dominus civilis, nullus Prælatas, nullus Episcopus, dum est in peccato mortali, proscriptus fuit à Concilio Constan-*

tiensi Sess. 8. 2do. An parvuli & amenes sint capaces Domini. 3tio. An Filii familias habeant in certa quadam bona dominium. 4to. Utrum maritus & uxor habeant dominia distincta. 5to. Utrum servi sint capaces domini. De Dominio Clericorum secularium egimus in Tractatu de Religione cap. 5. De Dominio autem Clericorum Religiosorum abundè tractatum est in Tractatu de Statu Religioso Philosophiæ nostræ præfixo, ubi vide. Cætera, quæ indicavimus, capita singulis conclusionibus prosequemur. Sit igitur

CONCLUSIO. I.

81

Peccatores & infideles sunt capaces Domini.

Prob. 1mo. ex S. Scriptura. Exod. 9. agnoscitur Pharo Dominus Ægypti, & quidem legitimus: *Posui te regem, ut ostendam in te fortitudinem meam.* Danielis 2. v. 37. dicitur Nabuchodonosori, *Deus celi regnum, & fortitudinem, & imperium, & gloriam dedit tibi* 1. Reg. 10. v. 1. Saul ex præcepto Dei à Samuele ungitur in Regem: *Ecce, inquit ad eum Propheta, unxit te Dominus super hereditatem suam in Principem.* Matth. 22. v. 21. jubet Christus consum dare Cæsari, quem velut Judæorum Principem agnoscit &c. Atqui peccatores & impii erant Pharo, Nabuchodonosor, Saul à Deo reprobatus, Cæsar, & alii id genus, & tamen ii omnes verum in Imperio quisque suo dominium habebant, ita ut v. g. de facto justitiam læsisset, qui Cæsari non reddidisset ea, quæ ipsius erant. Ergo.

Prob. 2do. Ex S. Augustino lib. 5. de Civ. Dei, cap. 21. ubi, *Deus, inquit, dat felicitatem in regno calorum solis piis; regnum verò terrenum & piis, & impiis, sicut ei placet, cui nihil injustè placet.* Item ex Concilio Constantien- si

P p p 2

p p 2

prà citato adductam ibidem Wiclefi & Joannis Hus propositionem damnante.

Prob. 310. Ratione. Si peccatores & infideles dominium non habent, tunc maximè ideò, quia fides & gratia essent fundamentum, & radix Domini. Atqui falsum consequens. Fundamentum enim Domini manifestum esse debet, ut Dominium probari possit. Atqui fides & gratia non sunt aliquid manifesti. Ergo nec fundamentum & radix Domini esse possunt, sed Dominium fundatur in successione, donatione, aut similibus manifestis titulis: sicut debita reverentia filii in patrem non in probitate, sed in paternitate fundatur.

Confirm. Si fidei aut Sanctitatis defectus aliquem Dominiò privent, jam licebit resistere Dominis, præsertim discoloris, iis poterit tributum negari: quia & eorum bona usurpare licebit, eo prætextu, quòd exiderint à gratia. Atqui hæc expressè tùm à Christo, tùm ab Apostolo, & passim in S. Scriptura sunt prohibita. Ergo.

82. Dices ex Apostolo Rom. 13. vers. 1. *Non est potestas nisi à Deo.* Sed impii non habent potestatem à Deo juxta illud Osce 3. v. 4. ubi *Ipsi regnaverunt*, inquit Deus, & non ex me. Ergo.

Resp. dist. min. Non habent potestatem à Deo inspirante & excitante, conc. A Deo permittente, neg. min. Deus quidem non promovet impios ad Prælaturas, quia indigni sunt, & prohibet indignos eligere; sed permittit eos eligi, & jam electos functiones sacras obire, sacrificia offerre, & Sacramenta ministrare, quæ quamvis illicitè, valide tamen præstant. Et hoc postulat divinæ providentiæ ordo, ne sub prætextu alieni peccati cuiuslibet liberum sit contra Superiores rebellare, res alienas invadere, & omnia miscere.

Ad textum Osce dicimus, quòd ibidem mali dicantur non regnasse ex Deo, non quia non fuerunt Reges legitimi,

sed quia non regnaverunt secundum Dei voluntatem: unde statim additur, *Principes extiterunt, & non cognovi*, id est, non approbavi. Adde, quòd Propheta aludere potuerit ad eos, qui ut Amri, & Sellum, tyrannicè regnum invaserunt. Hebraica lectio pro *Regnaverunt*, habet, *Reges faciunt*, id est, *constituunt*. Unde nihil ad rem.

CONCLUSIO II.

83

Parvuli & amentes sunt capaces Domini.

Prob. 1mo. ex Apostolo Galat. 4. v. 1. ubi *Quanto*, inquit, *tempore hæres parvulus est, nihil differt à servo, cum sit Dominus omnium.* Atqui hæres & Dominus sine dominio concipi non possunt. Ergo.

Prob. 2do. Ratione. Tùm quia parvulis & amentibus injuriam facit, qui eorum bona usurpat; tùm quia bona eorum nec sunt Reipublicæ, nec Principis, nec Curatorum, aut Tutorum. Ergo superest ut parvuli ipsi & amentes eorum habeant proprietatem.

Dices: Ad dominium requiritur potestas liberè utendi vel abutendi. Atqui infantes & amentes hanc potestatem non habent.

Resp. Sufficere ad dominium potestatem disponendi de re, sive per se, sive per alium, qui de ea non suo, sed alterius nomine disponat: hoc enim est evidens domini signum, si alter rem ut tuam tractet, non ut suam; tunc enim supponeris habere dominium, ille verò meram administrationem.

CONCLUSIO. III.

84

Filii - Familias seu non emancipati habent in certa quædam bona dominium, aliquando plenum, aliquando non plenum, aliquando autem solam eorum administrationem.

ministratiōem; scilicet in bona castrensis aut quasi castrensis plenum & perfectum; in bona adventitia proprietatem solam non usumfructum; in profecticia verò nec usumfructum, nec proprietatem, sed solam administratiōem.

Ita Jus commune, atque expressè definitum est Inst. lib. 2. tit. 9. & *Lege Cùm oportet. Cod. de bonis, quæ liberis*. Ubi derogatur antiquiori juri, atque illius severitas temperatur, quo bona filiorum in plenum pertinebant ad patres.

85 Hic ergo ad pleniorē postz Conclusionis intelligentiam notandum duntaxat venit, 1mo. Filium emancipari, cùm paternæ potestati subducitur atque definit esse Filius-familias: unde quamdiu paternæ potestati subest, non emancipatus vocatur, & Filius-familias. Porro duobus modis fit Emancipatio. 1mo. Expressè, cùm coram Judice postulat pater, ut filius extra paternam potestatem ponatur, suorumque jurium Dominus constituatur. 2do. Tacitè, cùm sit vel ratione Dignitatis à filio adeptus, vel propter lapsum ætatis, scilicet viginti quinque annorum, vel propter matrimonium, saltem jure communi; nam consuetudines aliquæ filium nobilem minorem viginti quinque annis emancipatum nolunt per matrimonium, nisi emancipatio expressa fuerit.

86 2do. Bona castrensis ea esse, quæ filius-familias in militia vel occasione militiæ acquisivit, qualia sunt stipendia militum, prædæ de hostibus, donativa Ducum aut commilitonum, testamenta & legata occasione militiæ, mobilia à parentibus vel ab aliis data eunti ad militiam intuitu militiæ. Castrense etiam dicitur id omne, quod acquirit filius-familias in obsequio & aula Principis, sive Principis largitione, sive propriâ industria; in castelli aut arcis custodia etiam tempore pacis, & quidquid ex iis bo-

nis provenit per contractum legitimum, ut si filiis-familias ex illis emat fundum frugiferum, ludat, negotietur, atque lucretur.

3tio. Bona quasi castrensis sic dicta, quia gaudent privilegio castrensis, acquiri ratione militiæ sacræ, vel litteraræ. In hoc ordine numerantur ea, quæ à filiis-familias post Clericatum acquiruntur, sive ex Beneficio Ecclesiastico, sive aliunde: unde quidquid in aliis filiis adventitium foret, illud post Clericatum quasi castrense est: bona tamen ante Clericatum possessa, post ipsum ejusdem sunt conditionis. Sunt etiam quasi castrensis ea, quæ acquiruntur ratione alicujus officii publici non mechanici, putà Judicis, Assessoris, Notarii, Advocati, Tabellionis, vel ex professione alicujus ex artibus liberalibus, multo magis Theologiæ, Jurisprudentiæ: item quod datur a Rege vel Regina, aut à supremis Principibus.

4to. Bona adventitia esse ea, quæ non proveniunt à patre, neque ejus causâ vel intuitu principaliter dantur filio. Talia sunt ea, quæ filius acquirit vel proprio labore non ex rebus patris; vel successione, vel donatione facta alio intuitu, quàm patris; vel quæ filio casu fortuito obveniunt, ut si inveniat thesaurum; aut quæ ex propria industria comparat, ut si ex pecunia mutuo accepta negotiando lucretur. Bona hæc dicuntur adventitia respectu patris, quia ab eo minimè proveniunt.

5to. Denique Bona profecticia ea esse, quæ filius acquirit, vel ex bonis patris, v. g. ex iis negotiando, aut ea administrando; vel intuitu patris, ut si quis, ob amicitiam aut obsequium patris, filio bona quædam largiatur; secus si hæc daret ob amicitiam filii, putà quia filium patris negotia strenuè gerentem amavit: tunc enim pater esset causâ nimis remota, ut bona hæc illius intuitu filio concessa judicarentur.

87 Igitur filius-familias de bonis castrensis & quasi castrensis potest pro nutu disponere, ea alienando, donando, &c. Pater verò, si quid ex iis subtrahat, tenetur ad restitutionem.

88 Sed de bonis adventitiis filius, secluso patris consensu, non potest dispo-
nere, quia eorum utilitas pertinet ad patrem: Pater verò, si eorum bonorum substantiam dilapidet, tenebitur ad restitutionem per se vel per heredes suos, quia proprietates eorum penes filium manent: quod si dilapidatio fructus tantum concernat, nulla erit restitutionis obligatio.

89 Excipiuntur aliqui casus, in quibus pater bonorum adventitiorum filii non habet usumfructum. 1mo. Si Pater talem usumfructum remittat filio. 2do. Si filio-familias relicta sunt illa bona, hac lege, ut usumfructus non acquiratur patri. 3tio. Si pater cum filio succedat alteri filio in bonis adventitiis; tunc enim pater non acquirit usumfructum in parte, in qua filius succedit, citata lege, *Cum oportet*. 4to. Quando pater noluit assentiri filio adeunti hereditatem: quia non est æquum, ut inde pater commodum reportet. 5to. Quando pater incestas nuptias contraxit, si factus fuerit Iudæus, vel Hæreticus, quia de re tamen videnda sunt locorum consuetudines. 6to. Si usumfructus alicujus rei filio relictus fuerit, tunc pater nihil habebit, quia sicut servitus servitutem non habet, sic nec usumfructus alterum usumfructum habere potest.

90 Porro filius, qui præ cæteris fratribus patri inservit, ac rei familiaris curam gerit, potest sibi retinere aliquid instar salarii, si sit emancipatus; quia filius emancipatus respectu patris, est veluti persona extranea. Secus verò si nondum sit emancipatus; quia talis filius debet patri ejusmodi servitia: si tamen protestetur vel expresse, vel tacite se velle salarium, nec teneatur patrem ale-

re, lucrum expetere potest ex suo labore, maxime si laboret aliis fratribus otiantibus. In qua hypothesi bona, quæ ex ejus labore proveniunt, dici possunt adventitia; quia ea acquirit suâ industriâ, quæ proprium est ipsius bonum.

Cæterum filius, qui bona patris usurpat & furatur, si notabilem eorum quantitatem usurpet, peccat mortaliter, colligiturque ex c. 20. Prov. ubi habetur: *qui subtrahit aliquid a patre suo, & a matre, & dicit hoc non esse peccatum, particeps est homicidæ*, id est, *nihil differt a latrone*: imò gravius peccat, si à parentibus indigentibus subripiat: quia non solum violat justiciam, sed etiam pietatem, ex qua parentibus indigentibus subvenire tenetur.

Qualis verò quantitas requiratur, ut filius hujusmodi bonorum patris usurpatione & furto mortaliter peccare censetur, id prudentis Confessarii est judicare. Habebit autem rationem status & conditionis personarum; nam si filius subtrahit patri prædixit, non statim damnandus est peccati mortalis, sicut damnandus esset, si res paterna esset angusta. Porro conveniunt omnes Theologi, majorem quantitatem requiri ad furtum mortale filii, quam extranei; si quia pater non est ita invitatus, ac si extraneus acciperet: si quia sapè non tam invitatus est ratione rei acceptæ, quam modi accipiendi, aut finis, ad quem accipitur, nempe ad ludum & computationes.

Filium etiam à bonorum fortune restitutione Theologi communiter eximunt 1mo. Si constet cæteros tantundem expendisse. 2do. Si fratres postea sibi invicem remittant. 3tio. Si tacite, vel expresse pater ipse remittat, ut ferè remittit, cum in ejus noticiam veniunt filii libidines. Sed notandum, aliud esse, remittit pater, si postulasset filius; aliud, remississet: primum non absolvit filium, quia pater re vera non remittit.

CON-

CONCLUSIO IV.

Uxor jure communi habet proprietatem & administrationem bonorum paraphernalium: In dotem verò proprietatem seu dominium directum duntaxat; maritus verò administrationem & usum fructum.

Prima pars habetur Cod. *de patris consentis*. Sed in hoc servanda est consuetudo locorum. Bona paraphernalia, sunt bona extra dotem; ut si uxor in contractu matrimonio sibi quædam referavit, non solum quoad dominium, sed etiam quoad usumfructum & administrationem. Paraphernalia etiam dicuntur, quæ uxor contractû matrimonio acquisivit, sive donatione, sive legato, sive alia ratione.

Prob. 1da. pars, quia matrimonii contractus est quædam species societatis. Atque in societate singuli habent proprietatem eorum bonorum, quæ contulerunt. Ex quo sequitur maritum peccare contra justitiam, & teneri ad restitutionem, si dilapidet dotem uxoris, eâ invitâ, aut ad consentiendum coactâ.

3tia. pars constat ex lege 7. ff. *De tuis fructum ad maritum pertinere debere aequitas suggerit*. Cum enim ipse onera matrimonii subeat, æquum est, cum etiam fructus percipere.

93 Ex his habetur imo. Etsi inter maritum & uxorem qua tales non possit esse justitia, prout jam suprà cap. 1. §. 3. dictum est; quia sic sunt una caro & unum veluti totum, cujus vir est caput, & uxor corpus; adeo ut viri sit regere familiam, uxoris verò subiacere viro, eique obsequi, quemadmodum membra subserviunt capiti, atque sub hac ratione vir & uxor non sint satis distincti, ut inter eos justitia intercedere possit; attamen inter eos justitiam intercedere posse, si considerentur, ut personæ distinctæ, quia sic habent jura distincta, putâ in pro-

priam vitam, membra, & famam, quia & per contractum matrimonii alter acquirit potestatem in corpus alterius; unde maritus injustus est, si uxorem occidat, mutilet, infamet, si adulterium committat, aut neget debitum conjugale: similiter & uxor.

2do. Habetur, uxorem peccare contra justitiam, & esse furti ream, si aliquid subripiat ex bonis communibus, sive etiam ex dote, inficiò, aut invito marito; quia etsi dotis proprietatem habeat, facit tamen contra jus mariti, ad quem administratio, & ususfructus pertinet.

3tio. Si eadem bona consumat in ludo, ornamentis superfluis, & nimis pretiosis, marito non consentiente, nisi quia aliter non posset obtinere pacem in familia, quomodo mutuo accipiens consentit in usuras, ne repulsam ab usurario patiatur.

4to. Maritum dilapidantem bona communis, illâ dote, & servatis bonis paraphernalibus, licet peccet graviter, tamen injustum non esse, nec ad restitutionem teneri, quia ex dictis est dominus illorum bonorum.

Nota tamen, sæpè à furto excusari uxorem, quæ, inficiò marito, disponit de bonis communis, imo. Si capiat, ut faciat elemosynas & donationes communes, quas scemine paris conditionis facere solent; quia his maritus consentire censetur, vel saltem non est rationabiliter invitus. Dicimus *communes*; nam excessum damnat S. Augustinus Ep. 199. relatâ cap. *Quod Deo*. Caus. 33. q. 5. his verbis: *Nihil ergo de tua veste, nihil de tuo auro vel argento, vel quacumque pecunia aut rebus terrenis tuis sine arbitrio ejus (viri) facere debuisti*. 2do. Si quid capiat ad vitandum damnum mariti; quia tunc mariti negotium utiliter gerit. 3tio. Si maritus amens sit, & curatorem non habeat; tunc enim administratio bonorum uxori competit. 4to. Si

4to. Si maritus ſit prodigoſus, poteſt uxor abſcondere, quod ſibi familiaeque eſt neceſſarium. 5to. Cùm maritus eſt abſens, nec cuiquam reliquit adminiſtrationem familiae, poteſt uxor re domeſtica uti, ſicut maritus uteretur. 6to. Poteſt mulier è bonis communibus aut è ſua dote ſubtrahere quod det pauperibus parentibus, aut filiis ex alio matrimonio natis, quia jure naturæ debet iis ſuccurrere, ſi poteſt, & illi juſ habent ad petendum ab ea alimentum. Tenetur tamen uxor ea, quæ ſic dedit in ſuam partem referre, cùm ad partitionem cum hæredibus mariti venit.

96

CONCLUSIO V.

Servi ſeu mancipia, etſi in propriam vitam & membra dominium non habeant, utpotè qui, quidquid ſunt, Domini ſint, unde poteſt Dominus illos vendere, donare, & iis uti, ut libet, ad propria comoda; tamen ſunt Domini alii cuſque capaces, ac proinde Domini poſſunt in eos eſſe injuſti. Nam 1mo. Servus eſt Dominus propriæ famæ. 2do. Bonorum ſpiritualium, qualia ſunt gratia, fides; & ſic injuſtè ageret Dominus, ſi ſervum ad peccatum cogeret. 3to. Dominus eſt eorum bonorum 1mo. quæ Dominus ei conceſſit. 2do. eorum, quæ ei data ſunt ea conditione, ut non acquirantur Domino. 3to. eorum, quæ ſervo reſtituuntur pro injuria ei illata in illis, quæ non ſubjacent Domini poteſtati, ut in fama. 4to. eorum, quæ ſervus de bonis ſuis ludo, aut aliqua negotiatione ſine præjudicio Domini acquiſivit.

§. III.

97 De variis modis acquirendi Dominium.

Bona quæ à nobis comparantur, multiplices generis eſſe dignoſcantur: enim-

verò quædam ſunt, quæ nunquam Dominum aliquem habuere, aut ſaltem nunquam habuiſſe cenſentur, ut feræ complures, Inſulæ hætenùs inhabitatæ, metalla, gemmæ, &c. Quædam verò ſunt, quæ Dominum habuerunt, vel jam pridem, ut theſauri; vel non ita pridem, ut bona defectu hæredum & teſtamenti vacante; item bona derelicta vel nuper amiſſa. Demùm quædam habent Dominum, & nihilominùs abſque ejus conſenſu in alterum tranſferuntur.

Bona quæ nullius fuerunt, dicuntur occupari: quæ jam pridem poſſeſſore carent, aut nuper amiſſa ſunt, dicuntur inveniri: quæ verò ſine Domini conſenſu ad alium deveniunt, dicuntur præſcribi. De hiſ atque aliis quibuſdam Domini acquirendi modis ſingulis titulis hic agere animus eſt.

I.

De occupatione animalium, gemmarum, venarum auri & argenti, theſauri, de pascuis & ſylvis. 98

Animalium ſeu Beſtiarum aliæ naturæ ſuæ feræ ſunt, ut Cervi, Lepores; aliæ cicures, ut Oves, Gallinæ; aliæ ex feris cicures ſunt, ut Cervi; aliæ verò ex cicuribus feræ evadunt, ut quandoque Capræ. Hiſ præſuppoſitis, circa animalium occupationem, cuſque præcipua ſpecies eſt venatio, varia quæri ſolent, 1mo. An liceat occupare beſtias naturaliter manſuetas & cicures. cùm effugerint? 2do. An feræ à nullo apprehenſæ, ſint primi occupantis? 3tio. An ii peccent, qui venantur, cùm venatio prohibita eſt ratione utilitatis, atque ad reſtitutionem teneantur? 4to. An ii quoque peccent, & ad reſtitutionem teneantur, qui in alterius fundo muris aut ſepe circumcluſo venantur? 5to. An etiam illi, qui invito Dominò venationis juſ habente, in ejus loco licet haud circumcluſo venantur.

6to. Cu-

6to. Cujus sit fera ab uno vulnerata, & ab alio capta. 7mo. Quibus potissimum personis venatio sit interdicta. 8vo. denique Quibus diebus sit prohibita. Ad quæ singula breviter respondemus, & quidem

- 99 Ad 1mum. Quæque animalia naturaliter mansueta & domestica, etiamsi Dominorum potestatem longius evaserint, occupari ab alio non possunt. Ita habetur Inst. lib. 2. *De rer. divis.* tit. 1. § *Gallinarum* 16. ubi dicitur furtum committere, qui hæc animalia detinet, cum effugiunt, adeoque ad restitutionem teneri. Idem sentiendum de animalibus cicuratis, quamdiu præsumuntur reversura; secus, si censentur recepisse priorem libertatem, nec amplius esse in prioris Domini potestate. Porro libertatem recepisse censentur, si non impeditur consuetis horis domum redire non soleant; quamvis facile judicari non possit, quandonam animalia revertendi animum exuerint; unde hoc viri prudentis arbitrio definiri debet. Columbarum, quæ tribus aut quatuor diebus continuis ad columbarium non revertuntur, videntur amisisse revertendi animum; secus dicendum de cervis, capreolis, apris, &c. qui etsi per dies aliquot juxta domum vagentur, & sponte non redeant, facile se reduci permittunt.

- 100 Ex his sequitur 1mo. Eos ad restitutionem teneri, qui horum animalium domesticorum, ut etiam cicuratorum, quæ revertendi animum nondum exuerunt, lanam, plumas, ova, sibi appropriare voluerint. 2do. eos, qui in columbario ponunt illebrebras, ut aliorum columbas retineant, etiam teneri ad restitutionem; secus verò si duntaxat melius pabulum columbis suis præbeant, aut columbarium in loco commodiori ædificent.
- 3tio. peccare rusticos etiam pauperes, qui sementis tempore columbas agros depascentes occidunt; unde potius eas includere, si capi possint, vel earum Dominum urgere, ut dampnum ab iis illa-

P. Cartier Theol. Tom. III.

tum reparet; eadem est ratio de cuniculis. Ratio est, quia, cum columbaria & vivaria cunicularia ob publicam Reipublicæ utilitatem jure Romano & communi licitum sit omnibus habere, rerum ordo & æquitas postulat, ut privati ex eis aliquid damni patiantur propter bonum publicum; hujusmodi enim onera censentur à Republica imposita; præsertim cum columbarum notabile damnum non pariant, sed non vulgarem etiam afferant utilitatem; utpotè quæ vescantur non tantum bonis, sed etiam malis feminibus, quæ satis suffocarent, ut loliò, melanshiò, &c.

Ad 2dum. Ferz à nullo apprehensa, 101 sunt primi occupantis, nisi lex peculiaris, aut loci consuetudo obstat; quia, ut ait Justinianus Inst. lib. 2. *suprà cit.* num. 12. *quod nullius est, id ratione naturali occupanti conceditur.* Diximus, nisi lex peculiaris, aut loci consuetudo obstat; nam aliquando leges prohibent in flumine publico piscari, & in agris venari, aut aucupari. Eadem est ratio de animalibus feris, quæ naturalem libertatem recuperaverunt; eam autem recuperasse censentur, quando difficilis est eorum persecutio, sicut antea erat, priusquam prima vice occuparentur. Ita Justinianus loc cit.

Ad 3tium. Peccant, qui venantur, 102 cum venatio prohibita est ratione utilitatis. Quia licitum non est communi bono nocere. Tenentur iidem ad restituendum, si damnum, quod inferunt Reipublicæ, ejusdem judicio magnum & grave sit: nam Respublica non censetur consentire in id, quod magnum sibi præjudicium affert.

Ad 4tium. Qui in alterius fundo ru- 103 ris, aut sepe circumcluso venantur, peccant, & tenentur ad restitutionem animalium, quæ ibidem capiunt. Ratio est, quia Dominus fundi verè Dominus est hujus.

hujusmodi animalium, quæ, cum vult, facile apprehendere potest, quæque naturalem libertatem re ipsa amiserunt. Hinc piscari in alieno stagno, vivario, & quolibet loco clauso, furtum est.

- 104 Ad 7m. Peccat qui invitò Dominò venationis jus habente, in ejus loco non circumcluso venatur; non tamen tenetur ad ferarum restitutionem.

Ratio 1mi. est 1mo. Quia alteri rationabiliter invito facit injuriam. 2do. Quia peccat, qui se gravi poenæ exponit; quam in hujusmodi venatores, germanicè Wild, Schützen, decernunt Principes, & Domini jus venationis habentes. Ratio 2di. autem est, quòd animalia, quæ ex uno fundo & loco in alium quotidie transmigrant, ut sunt feræylvaticæ, in sua naturali libertate constitutæ, re ipsa nullius Domini sint, nec sint fructus sylvarum aut agrorum, adeoque sint primi occupantis. Excipiuntur tamen columbæ, cuniculi, phasiani, & alia id genus, quæ & magis impensis aluntur, & non magis à dumetis suis discedunt, quàm columbæ à columbario: hujusmodi enim ferarum venatores fures esse, & alienæ rei invasores, adeoque ad restituendum obligati censentur.

- 105 Ad 6tum. Feram ab uno vulneratam, & ab alio captam capientis esse ait Justinianus: verùm hæc decisio nullibi, quantum scimus, viget, sed ubique fera censetur ejus esse, qui eam vulneravit, & persequitur; quia tunc censetur esse moraliter apprehensa: unde qui feram in proprio fundo vulneravit, eam potest in alieno insequi, donec vel capta sit, vel omnino evaserit. Cæterùm fera laqueo capta, ejus est, qui laqueum instruxit, non ejus, qui feram deprehendit in laqueo. Item fera, quam prosequor, si fortè in laqueum tuum incide-

rit, non desinet esse mea, si aliter hanc occupaturus eram; quod ex inflicto ei vulnere dijudicari potest: si verò occupaturus non eram, tua erit. In dubio melior est conditio possidentis, seu primò occupantis, juxta multos; juxta alios, tutius est cum altero dividere, quod tam alterius est, quàm tuum.

Ad 7mum. Jure communi Venatio, 106 quæ fit cum strepitu canum, armorum, & vocum, Clericis & Monachis est interdicta: ut patet ex cap. 2. (o) *De Clerico Venatore*, quod sumptum est ex Concilio Aurelianensi IV. cujus hæc sunt verba: *Episcopum, Presbyterum, aut Diaconum, canes aut accipitres, aut hujusmodi ad venandum habere non licet: quòd si quis talium personarum in hac voluptate sapius detentus fuerit, si Episcopus est, tribus mensibus; si Presbyter duplus; si Diaconus ab omni officio suspendatur.* Item ibid. cap. 1. hæc habet Nicolaus Papa (p): *Quorumdam relatione fidelium nostris auribus intimatum est, quod Landfredus Episcopus, qui & juvenis esse dicitur, venationi sit deditus: quod vitium plurimos etiam de Clericali catalogo, genere duntaxat Germanos, & Gallos irreverenter implicat. Verùm iste, si ita est, ut audivimus, meritò juvenis dicitur, qui juvenilibus desideriis occupatus, nulla gravitate constringitur. Nam ut beatus Hieronymus dicit ad cap. 5. Michea, & in Psal. 90. Venatorem nunquam legimus sanctum. . . . Oportet ergo fraternitatem tuam Synodale cum Episcopis, & Suffraganeis tuis convocare Concilium, & hunc salutaribus eloquiis Episcopum convenire, atque illi pastoralis auctoritate præcipere, quatenus ab omnium bestiarum vel volucrum venatione penitus alienus existat. . . . Quòd si parere contempserit, & . . . vobis ad-*
mo-

(o) Distinct. 34.

(p) Ep. ad Albinum Archiepiscopum.

monentibus obedire distulerit, à vestro collegio excommunicatus abscedat &c.

- 107 Innocentius III. (g) Venationem, inquit, & aucupationem universis Clericis interdicimus; unde nec canes, nec aves habere præsument.

- 108 S. Hieronymus relatus Dist. 86. cap. Esau, 12. in Psal. 90. Esau, inquit, venator erat, quoniam peccator erat. Et penitus non invenimus in Scripturis sanctis sanctum aliquem venatorem.

- 109 Concilium Moguntiacum an. 813. celebratum canone 14. qui refertur c. 1. (r). Ne Clerici vel Monachi &c. Ministri altaris Domini, vel Monachi, nobis placeat, ut à negotiis secularibus omnino abstineant. . . . Canes & aves sequi ad venandum, in omnibus quibuslibet sit causis superfluum esse. Ecce talia & his similia ministris Altaris Domini, necnon & Monachis omnino contradicimus: de quibus dicit Apostolus: Nemo militans Deo implicat se negotiis secularibus.

- 110 Concilium Nannetenfe an. 1264. celebratum, Quia nullum, inquit, venatorem invenimus sanctum, precipimus, ut Prælati solliciti sint & intenti in puniendo Clericos venatores, & præcipue Presbyteros, & Religiosos, de quibus majus scandalum generatur.

- 111 Concilium item Trecentfe (s) jam antea Templi militibus seu Templariis, eo quod Religiosi essent, interdixerat, ne in bosco cum arcu aut balista jaculari auterent, & ne cum illo, qui hoc fecisset pergerent. Quanto magis id censeri debet prohibitum Clericis, qui armorum usum & consuetudinem, ut Templarii, non habent.

- 112 Concilium Viennense an. 1311. sub Clemente V. celebratum speciali consti-

tutione quæ refertur Clementinarum lib. 3. tit. 10. cap. 1. §. Porro. Specialiter Monachis Benedicinis, seu, ut tunc vocabantur, Nigris sub pœna suspensionis omnem venationem prohibet his verbis: Ne in agro Dominico, sacra videlicet Monachorum nigrorum religione indecorum aliquid obrepat, aut vitiosum quicquam perniciosè in segetem coalescat. . . . à venationibus & aucupationibus omnes semper abstineant, nec eis interesse, aut canes, vel aves venaticas, per se, vel per alios tenere præsument, nec à familiaribus secum morantibus teneri permittant, nisi saltus, vivaria, vel garenas (t) proprias, vel jus venandi in alienis haberent, . . . quo casu eis permittitur: dum tamen intra Monasteria seu domos, quas inhabitant, aut eorum clausuras, venaticos canes non teneant, nec venationi præsentiam exhibeant personalem.

Concilium Ravennatenfe IV. an. 1317. 113 Rubrica 17. sic loquitur: Licet ex dictis Summorum & ex Scriptis Conciliorum omnibus servis Dei venationes cum canibus & avibus sint interdictæ: nonnulli tamen Religiosi, sicut fide dignorum relatione accepimus, hoc minus pensantes, honestatis laxatis habenis, monachali modestiâ prorsus abiectâ, monasterii claustrum abhorrentes; sine quo Monachus vitâ carere describitur, sicut pisces vitâ carent sine aqua; more laicorum ipsi intendunt, in gravem Religiosis offensam, opprobrium & scandalum plurimorum. Volentes igitur prædictorum statui periculoso & detestabili salubriter occurrere, hoc sacro approbante Concilio, districtius inibemus Religiosis omnibus, cujuscunque status, conditionis, religionis, vel ordinationis existant, ne de cætero venari, seu ad venandum exire præsument. Si quidem Ab-

Q 992

(g) In Concilio Oecumenico Lateranensi IV. an. 1215. celebrato Can. 15.

(r) Lib. 3. Decret. Greg. Tit. 50.

(s) Annò 1128.

(t) Garène idem ac vivarium conicularium.

bates, Priores, vel Prapoſiti, ſeu alias adminiſtrationes habentes fuerint, per annum ipſo facto ſint ſuſpenſi ab omni adminiſtratione, donec ad mandatum Ordinarii plenè ſatiſfecerint. Inferiores verò ſint ineligibiles, & ultimi ſemper in choro habeantur; donec ad mandatum Abbatis, Prioris, vel Prapoſiti, ſufficienter poenitentiam egerint de commiſſis.

- 114 Conciliū Aquileienſe an. 1596. Can. 11. de vita & honeſtate Clericorum: *Dicit Canon, inquit, Eſau venator erat, quia peccator erat: quum verò modeſtiā clericali indignum, qui paulò ante Breviarium manibus trahebāt, & ſacra lectionis ſtudio intendebat. . . . eum inter canum latratus & multitudinem verſari, & incomptis obſtrepere vocibus; ſacri Canones declarant, omnes verò faciliè intelligunt. Conſequitur autem, ut panis, qui miſerorum pauperum viſui ſufficeret, panis, inquam, de redditibus Eccleſiaſtiſſis collectus, quod eſt patrimonium Chriſti, ad beſtiarum cibum indignè tranſferatur: cujus criminis ratio diſtrictè in die Domini reddetur. Quid ut longè à Clericorum vita & honeſtate removemus, omnibus Clericis cujuſcumque conditionis & gradus ſint, venatorium ſtudium interdictimus, & diſtrictè prohibemus: ac in eos gravius per illorum Ordinarios procedendum ſtatuiſimus: ac ſi contumacia fuerit obſtinator, & inhibitiōis mollioris ratio contemptui eſſe cepit, graviori etiā animadverſione proſpiciendum mandamus.*

- 115 Neque hic prætermittendum eſt Concilium Germanicum auctoritate S. Bonifacii celebratum an. 742. *Venationes, inquit Can. 2. & ſylvaticas vigationes cum canibus omnibus ſervis Dei interdicimus, &c.*

- 116 Denique ut complura alia tūm Conciliorum tūm Summorum Pontificum decreta prætermittamus, Concilium Tridentinum ſeſſ. 24. de Reſorm. cap. 12. *Ab illicitis venationibus, inquit, abſtineant Clerici. ſcilicet a clamorſis illis venatio-*

nibus, quæ cum ſtrepitu canum & armorum ſunt, atque toties repetitis ſacrorum Conciliorum & Summorum Pontificum decretis tam ſeverè prohibitz ſunt.

Prob. etiā rationibus Theologicis, ex adductis SS. Conciliorum & Summorum Pontificum decretis præcipuè depromptis. 1mo. Quia hæc venatio multū abſtrahit ab officiis divinis, tempus optimū & curas tribuit inſectandis, & capiendis ſeris; cūm è contrā Clericorum, præcipuè Religioſorum, munus unicum ſit, ut omne tempus & curas ſuas in id duntaxat impendant, quo tūm propriam tūm proximi ſalutem promoveant. 2do. Quia huiusmodi venatio dedecet gravitatem ac modeſtiam Clericorum, atque ſcandalo occaſionem præbeat. 3tio. Quia præſertim ſeriatem aliquam & crudelitatem, necnon belli ſpeciem manſuetudini & quieti Clericalem ſtatum præprimis decenti minùs convenientem. 4to. Quantum ad Religioſos: quia cūm Religioſus, per tria ſolemnia vota, Religionisquæ ſuæ profeſſionem, ſe Religioni & Dei obſequio totum mancipaverit, alia opera exercere nequit, quàm ea, quæ ſacra, quam profeſſus eſt, Religio ab ipſo exigit, quæ profeſtè longè alia ſunt, quàm ſeras venatione clamorſa perſequi, & venari. 5to. Quia ſi Clericus ſecularis, qui adhuc in mundo vivit, nec ſtatum poenitentiz arripuit, nihilominùs ab illicitis venationibus, prout præcipit Concilium Tridentinum, abſtinere debet, quantò magis ab iisdem ſe continere debet Religioſus, qui ſecularem penitètiā reliquit, ſtatu poenitentiz ſe mancipavit, ac totum ſe divinis obſequiis conſecravit. 6to. Denique, quia Religioſus ſub gravi mortaliquæ peccato tenetur tendere ad perfectionem: at ubi inveniemus Monachum venationi deditum, qui non magis ſollicitus ſit, quomodò capere ſeras poſſit, quàm apprehendere virtutes, & eradicare vitia; imò verò

verò dum totam diem , imo plures
feris capiendis & trucidandis impen-
dit , ne aut ne vix quidem momen-
tum piis exercitiis ac animæ suæ salutem
concedit. Merito sane post S. Hierony-
mum inquit Summi Pontifices , *Esu
venator erat, quoniam peccator erat. Et
penitus non invenimus sanctum aliquem
venatorem.*

Mittimus hic alias contra hujusmodi
clamoriam & frequentem venationem as-
ferre rationes, quas quisque, qui judicio
118 utitur, facile apprehendere potest, quas-
que docet experientia.

Equidem, si ad ea, quæ hodie dum
contra allatos Ecclesiæ Canones & De-
creta, passim à Clericis tam secularibus,
quam Religiosis factitantur, tantisper
animum advertere quis velit, dubitare
posse videtur, num Doctrina modò
tradita teneat; ut quæ Canonibus sulta
sit, qui, propter plerorumque Ecclesiasti-
corum, sive secularium sive regularium
etiam Episcoporum & Prælatorum
praxim & usum iisdem è diametro
contrariam, haud amplius vigere vi-
119 deantur.

Verum dubium istud ultrò solvi vi-
detur: 1mo. Quia Doctrina, quæ Clericis
venationem prohibet, ab omnibus
Theologis & ubique adhuc traditur, nec
vel unus invenitur, qui eidem contradic-
tar, quamvis eam, prout insinuasimus,
paululum emollire aliqui videantur. 2do.
Quia rationes, quæ Patres impulere, ut
venationem Clericis interdicerent, etiam
num hodie adhuc subsistunt. Et verò an
nunc Clericos præsertim Religiosos mi-
nus decet gravitas, modestia, mansue-
tudo, tranquillitas? an minus nunc ob-
sequio divino adstringuntur? an minus
proprie & proximi salutem prospicere &
incumbere tenentur? verbo, an nunc mi-
nus sunt Clerici & Religiosi, quam prio-
ribus illis, quibus hæc contra Venato-
res Clericos lata sunt decreta & Leges,
temporibus? apagè ineptias. 3tio. Quia,

licet à multis Clericis laudati Ca-
nones de facto & in praxi non serven-
tur, sed eis contraveniatur, non tamen
sequitur eos esse abrogatos, nec am-
plius vigere: nisi simul dicere quis ma-
lit, multos alios Canones non modò Ec-
clesiæ disciplinam, sed & mores fidemque
ipsam spectantes etiam abrogatos esse,
necnon in desuetudinem abiisse, eò quod
etiam à multis haud servantur; quod di-
cere quàm absurdum sit, ne quid ampliùs
dicamus, nemonon videt. Ergo Cano-
nes isti, quibus Clericis venatio interdi-
citur hodie adhuc vigent, & abolita esse
minimè dici possunt, præsertim, cum
jure novo Concilii Tridentini suprà cita-
ti confirmata esse perhibeantur. Sola
ergo temporum iniquitas, Ecclesiasticorum
licentia, &c. illorum observationem
improbè negligit, & detrahit; Superio-
rum verò ignavia, ne quid ultrà adda-
mus, illos urgere non sinit. 4to. Quia
etsi dubium foret, cum Canones illi ad-
huc vigeant, tamen eos servare tenerentur
Clerici. In dubio enim, prout in Tract.
de Aq. Hum. c. 4. §. 3. ostendimus, lex
est servanda, juxta illud essatum: *In
dubio melior est conditio possidentis: Lex
autem præsumenda est possidere, quando
non probatur eam fuisse abrogatam.*

Porro, tenent communiter Theologi 120
memoratos Canones, quibus Clericis ve-
natio interdicitur, obligare sub mortali;
quæ, inquit, gravitas peccati colligitur
tùm ex gravitate pœnæ, quam lex
imponit, aut minatur, aliàs esset injus-
ta; tum ex modo, quo præcepti execu-
tionem urget Legislator. Atqui citati
Canones gravem minantur pœnam &
censuram, illiusque præcepti execu-
tionem omnibus modis urgent, ut eos le-
genti patet, &c.

Notandum tamen 1mo. Pœnam illam
seu Censuram non esse lætæ sententiæ sed
ferendæ duntaxat. 2do. Non esse ulli
infigendam, nisi frequentius hac voluptate
121
Q 9 9 3 deti-

detineatur. 3tio. Citatos Canones de venatione clamosa loqui : conveniunt enim omnes cum S. Raymundo, non prohiberi Clericis ponere laqueum vel rete in silentio, dummodo tamen divinum officium, Scripturæ sacræ lectio, Theologiae studium, infirmorum visitatio, pia exercitia quotidiana, &c. non negligantur. 4to. Quietam venationem passim etiam à Doctoribus permitti Clericis, nec obscurè indulgere Tridentinum loc. cit. ubi non omnes, sed tantum *illicitas* statumque Clericalem dedecentes venationes & aucupia prohibet : quamvis in quo hujusmodi quietà venatio consistat, non exprimant, nec dicant an sclopètò, ut ajunt, ea exerceri possit. 5to. Denique ajunt quidam non exiguae notæ Theologi, quòd consuetudo Venationem etiam clamosam, si non sit nimis frequens, careat scandalò, & fiat sine magno dispendio temporis ad Officium cultumque divinum ordinati, & pro recreatione, excuset saltem à peccato mortali : cùm Venatio etiam clamosa, de se & ex natura sua non sit mala, sed indifferens.

- 121 Ad 8vum. Denique Respondemus. Venationem quamcumque prohiberi imò diebus jejuniorum cap. *An. titatis*. Dist. 86. *An. putatis*, inquit S. Ambrosius, *illum jejunare, fratres, qui pennis diluculo non ad Ecclesiam vigilat, non beatorum Martyrum sancta loca perquirat, sed surgens congregat servulos : disponit retia : canes producit : saltus, sylvasque perlustrat : servulos, inquam, secum pertrahit fortasse magis ad Ecclesiam festinantes ; & voluptatibus suis peccata accumulat aliena, nesciens reum se futurum tam de suo delicto ; quàm de perditione servorum*. Et cap. *Quid prodest*, ex eodem S. Ambrosio, *Quid prodest jejunare visceribus, & luxuriari venatibus ; abstinere à cibis, & errare peccatis*. 2do. Prohibetur etiam diebus festis, colligiturque ex cap. *Licet*, tit. *de servis*, ubi *Inulgemus*, ait Alexander III. Archiepiscopo Triburienſi, *ut liceat pavo-*

ebianis vestris diebus Dominicis, & aliis festis (præterquam in majoribus anni solemnitatibus) si balecia terra se inclinaverint, eorum captioni ingruente necessitate intendere, ita quòd post factum captivam Ecclesis circumpositis, & Christi pauperibus congruum faciant portionem. Ergo ex his Canonibus habemus, venationem non convenire sanctificationi diei festi, & pœnitentiæ, quæ observari debet diebus jejuniorum, adeoque prohibitam esse. Adde quòd plures graves Theologi censcant venationem per se esse opus servile.

Quod occupationem gemmarum, ve- 122
narum auri & argenti spectat dicimus, Lapillos & gemmas, & cætera, quæ in litore maris inveniuntur, jure naturali & gentium fieri inventoris. Ita Justinianus lib. 2. tit. 1. §. 18. Idem dicendum venit de venis auri & argenti, etiamsi in alieno agro reperiantur ; quia æquum non est res pretiosas accedere fundo vilissimo. §. *littera*. Inst. *De rerum divisione*. Jure tamen civili in variis locis venæ auri & argenti in fundo privatorum repetz, sunt partim Principis, partim inventoris. Possunt autem Principes ob bonum commune sibi jus hæc metalla effodiendi vindicare, & concedere privatis jus ea inquirendi ubilibet etiam in agris alienis, & eruta fisco applicandi ad sustinenda onera Reipublicæ compensato solo damno, quod loco inferitur. Hæcque de omnibus metallis etiam sunt intelligenda.

Thesaurus autem jure naturali & gen- 123
tium totus est inventoris : nam quæ nullius sunt, fiunt jure naturali & gentium primi occupantis. Thesaurus autem nullum habet dominum, nam leg. *Nunquam* 31. ff. *De acquirendo rerum dominio*, definitur, *Vetus quædam depositio pecuniæ, cuius non extat memoria, ut jam Dominum non habeat*. Ubi per pecuniam intelliguntur quævis opes mobiles, ut vasa, gemmæ, annuli, catenæ aureæ, &c. Dicitur autè *vetus depositio*; nam si non sit vetus, non censetur

setur thesaurus, sed res inventa, quæ, ut mox dicemus, Domino, & in ejus defectum, illius hæredibus, restitui debet, qui si cognosci inqueant, impendi debet in usus pios, quia sunt bona incerta.

- 124 Jure tamen civili communi obligante in conscientia hæc statuta sunt de thesauro. 1mo. Thesaurus est totus illius, qui eum in proprio fundo reperit. *Inst. de Rev. Dom.* Si tamen arte magica ibi inventus sit, totus pertinet ad fiscum, saltem post sententiam Judicis. 2do. Qui fortuito thesaurum in fundo alieno reperit, sit Dominus dimidii, alterum verò dimidium tenetur ante sententiam Judicis tradere Domino speciali fundi, sive sit Princeps sive privatus, ex *Inst. de rev. divis.* quæ dispositio non est pœnalis, sed definitiva proprietatis rerum. 3tio. Thesaurus de industria quæsitus in fundo alieno sine consensu Domini totus est Domini leg. *Unica Cod. de thesauris.* Varii tamen putant inventotem non teneri, ante sententiam Judicis, tradere nisi dimidium, ob hæc verba Legis ex ea parte pœnali: *totum locorum Domino reddere compellatur.* 4to. Si thesaurus inveniat in platea, foro, vel via publica juxta multos dividi debet cum fisco, juxta alios totus est inventoris. 5to. Qui emit agrum, in quo est thesaurus reconditus, si ante emptionem invenit thesaurum, putà fodiendo, media ejus pars pertinet ad Dominum fundi; quia thesaurus inventus est in fundo alieno: si autem scivit, sed nondum effodit, quando emit, multi existimant, quòd talis acquirat dominium totius thesauri; quia re vera in proprio fundo invenit thesaurum. Et hoc ipsum Christum innuisse dicunt Matth. 13. his verbis: *Simile est regnum calorum thesauri abscondito in agro, quem qui invenit homo, præ gaudio vadit, & vendit universa, quæ habet, & emit agrum illum.* Item quia pretium agri & rei cujuslibet non præcisè ex majori ejus utilitate, sed

ex communi hominum æstimatione sumi debet. Sed qui emit agrum, de quo nunc agitur, supponitur pretium ejus secundum communem hominum æstimationem solvere. Alii tamen id negant. 6to. Sarcinator, qui in veteri ad alium pertinente veste gemmas invenit, suppositò, quòd ille, ad quem vestis pertinet, ignoret hujus thesauri originem, mediam illius partem retinere sibi potest; quia nihil refert, an thesaurus in terra lateat, an in re mobili; quandiu enim latet nullus est.

Atque hæc de thesauris dicta sunt secundum jus commune; cum enim thesauri propriè nullius sint, possunt per aliquam legem particularem Principi aut Reipublicæ appropriari. In his ergo sicut & in aliis spectandæ sunt speciales locorum leges, vel consuetudines, & servandæ.

Circa passionem attendendum est, quatenus ferat consuetudo cujusque regionis; nam alicubi, nisi ager sit circumscriptus, Dominus non potest prohibere passionem post primam herbam sublatam, aut segetes collectas. Nihilominus Respublica sive Princeps potest prohibere passionem & ligationem in pascuis & sylvis ad Urbem, communitatem, aut Rempublicam pertinentibus; quia id aliquando expedit bono publico. Notant quidam Theologi, tùm non esse obligationem restituendi, cum urbs aut pagus, cujus sunt pascua, non solet exigere damni reparationem, sed ei satisfic, si comprehensam multam luant.

Pauperes verò, qui ligna cædunt in sylvis privatorum, si domini consentiant, non peccant, nec ad restitutionem tenentur, cum eis volentibus non fiat injuria. Sed si eis invitis cædant, tunc peccant, & ad restitutionem tenentur, quia auferunt alienum invito Dominò. Excipe, nisi sint in extrema necessitate, tunc enim omnia sunt communia, adeoque nec peccant, nec ad restitutionem tenentur.

Adver-

127 Advertendum etiam, eos, qui possident sylvas, prohibere aliquando, ne pauperes colligant ligna inutilia, non quod velint ea sibi retinere; sed quia timent, ne colligentes damnum inferant sylvis, & cadant ligna utilia, in quo casu pauper, qui talia inutilia ligna in sylva sine damno Domini proprietarii colligeret, ad restitutionem non teneretur.

II.

128

De rebus inventis.

Agitur hic de bonis seu rebus nuper amissis, quorum Dominus ignoratur. Quae de re dicimus imò. Res inventa non transit in dominium inventoris, quando Dominus inveniri potest; imò huiusmodi res inventa non est inventoris, etsi Dominus inveniri non possit; sed impendenda est in pauperum, aut piorum locorum usus; nisi exter aliqua lex municipalis, quae illam tribuat Domino territorii, in quo inventa est. Prima pars habetur Deut. 22. his verbis: *Non videbis bovem fratris tui aut ovem errantem, & praevertis: sed reduces fratri tuo, etiamsi non est propinquus frater tuus, nec noli eum; duces in domum tuam, & erunt apud te, quandiu quærat frater tuus, & recipiat: similiter facies de asino, & de vestimento, & de omni re fratris tui, quæ perierit. Si inveneris eam, ne negligas quasi alienam. Et Leg. Nunquam §. Inventoris, tit. De acquir. rer. Dom. Donec probari potest Dominus rei inventa, in alterius potestatem transire nequit. Unde S. Augustinus Hom. 6. lib. 50. Homiliarum sic scribit: *Si quid invenisti, & non valididisti, rapuisti: quantum potuisti, fecisti; quia plus non invenisti, ideo plus non rapuisti. Qui alienum negat, si posset, tolleretur, quod non tollis, timor te cohibet.**

129

Secunda pars prob. imò. ex Authentica *Omnes peregrini*, Cod. *Communis*

De success. ubi statuitur ut, si peregrini intestati decesserint, ad hospitem nihil deveniat; sed bona ipsorum per manus Episcopi loci, si fieri potest, heredibus tradantur, vel in pios causas erogentur. Atqui eadem est ratio de bonis inventis, ut patet. Ergo &c.

Prob. 2do. ex S. Carolo Borromeo, qui in Concilio Mediolanensi IV. præcipit, ut res inventa pauperibus, aut piis locis erogetur, si Dominus diu requisitus non appareat. Idem expressè statuit Catechismus Romanus part. 3. num. 7.

Prob. 3tio. Ratione. Ut res inventa pauperibus erogari debeat, duo sufficiunt: imò. ut, qui rem amisit, remaneat ejus Dominus, 2do. ut legitime præsumatur, hanc esse illius voluntatem, ut res illa pauperibus distribuatur, aut in pios usus impendatur. Atqui utrumque verum est, imò. quidem qui rem amisit, illius rei amissæ Dominus remanet: eam enim non spoliatur vel lege aliqua, nulla enim citari potest, quæ rei perditæ dominium transferat in inventorem; vel per propriam voluntatem, nam quantum est de se vult, ut res sua sibi reddatur, & si eam ipsi reddi contigerit, reddenti gratias habebit. Deinde non potest assignari temporis spatium, quo rei suæ dominium amitteret: an post rem perditam mense uno? an anno uno vel duobus? neutiquam utique. Ergo. 2do. Legitime præsumitur eam esse perditoris voluntatem, ut res amissa pauperibus distribuatur; legitime enim præsumitur eam esse Domini voluntatem, ut res, quam recuperare nequit, expendatur apriori modo, sibi quæ & Republicæ utiliori. Atqui sic expenditur, cum datur pauperibus; pessimè è contrà expendetur plerumque, si remaneret penes inventorem, qui de bona fortuna gaudens, eam ut plurimum abuteretur, aut certe ita uteretur, ut nihil inde perditus, vel Republica perciperent utilitatis. Ergo &c.

Dici-

130 Dicimus igitur 1do. Rei inventæ Dominum sedulo inquirendum esse. Ita moner Concilium Cenomanense annō 1284. habitum. Hæc autem inquisitio fieri debet expensis rei restituendæ, si agatur de possessore bonæ fidei; si verò de possessore malæ fidei, impensis ejusdem possessoris qui damnum, quod patitur, sibi debet imputare.

Neque inventor sibi aliquid pro præmio inventionis retinere potest, nisi labor in rei inventionem impensus fuerit; Ratio est, quia nullum justum habet titulum sibi quidquam retinendi. Potest quidem Dominus, si appareat, dare aliquod titulo gratitudinis; sed inventor id non potest exigere; imò nec præmium, quod Dominus fortè inventori promissit, si rem perditam deferat, etiam ultrò oblatum acceptare, nisi omnimodam libertatem Domino reliquerit gratificandi vel non; ratio est, quia communiter præmium illud est secundum quid involuntarium, offerturque à Domino, qui timet rem perditam omnino amittere, nisi hoc modo alliciat inventorem; & hoc explicari potest exemplò lucri ultrò oblato ab eo, qui mutuo indiget, quod, qui mutuo dat acceptare non potest, nisi constet illud ex mera gratitudine offerri.

Acque hanc fuisse primorum Christianorum praxim patet ex historia quam S. Augustinus Serm. 21. de verb. Apost. & lib. 83. quæst. quæst. 71. refert de homine pauperissimo Mediolanensi, qui ibidem ducentorum solidorum faculum invenerat, his verbis: *Memor ille legis, proposuit pittaciis publicè, Qui solidos perdidit, veniat ad locum illum & quærat hominem illum. Ille, qui perdidit, lætò pittaciis venit ad hominem... & quærens vicem rependere, tanquam decimas obtulit illi viginti, quos noluit accipere; obtulit vel decem, noluit accipere; saltem rogavit, vel quinque acciperet, noluit. Ille stomachabundus homo projecit sacculum, nil perdidit, in-*

P. Cartier Theol. Tom. III.

quit, si non vis aliquid à me accipere. Victus tandem ille, quod offerebatur accepit, & continuò totum pauperibus erogavit, unum solidum in sua domo non dimisit. Exemplum hoc, quod auditoribus suis imitandum proponebat S. Præsul, utinam & ea, qua vivimus, ætate posset utiliter proponi!

III.

131

De bonis vacantibus & derelictis.

Bona vacantia sunt ea, quæ relinquit aliquis ab intestato decedens sine hæredibus, qui ei juxta legem ab intestato succedant.

Bona derelicta verò sunt ea juxta Justinianum lib. 2. t. 1. n. 46. quæ Dominus ea ratione seu animo abjicit, ut ea in numero rerum suarum esse nolit; ideoque statim Dominus illorum esse desinit. Censetur autem nolle, si faciliè possit rem suam recuperare, & taceat, ac negligat. Quòd si dubium sit de ejus voluntate, non est præsumendus rem à se abdicare. Unde sequitur bona, quæ naufragantur, vel quæ per incendium ejiciuntur, vel quæ eluvione aquarum auferuntur, non habenda esse pro derelictis; quia Dominus ea abdicare non censetur. Idem dicendum de rebus certò perituris, nisi è periculo eriperentur, ut frumentum e. g. farina &c. è flumine erepta, aut ovicula è laucibus lupi vindicata; quia res nostra, quantumcumque periclitetur, sub nostro dominio est, quamdiu subsistit.

Bona vacantia Fisco applicantur, ex leg. *Vacantia*. Cod. *De bonis vacantibus*. Bona tamen mobilia peregrinorum per Episcopum loci ad pios usus sunt distribuenda, ex Authentica *Omnes peregrini* sup. cit.

Bona autem derelicta Jure Romano sunt primi occupantis, nisi aliter jura privata statuant. Patet ex Inst. *De rerum divis.* §. *Alia sanè.*

R r r

De

IV.

132 De usucapione seu prescriptione.

Usucapio & *prescriptio* minimè inter se differunt sed sunt termini Synonymi; nonnullis tamen *usucapio* est circa mobilia, *prescriptio* autem circa immobilia: verùm hoc falsum esse videtur ex *Inst. De Usucapionibus*. Sanè Theologi utranque communiter accipiunt.

Porro nobis hic de *prescriptione* agentibus sermo non est, de illa *prescriptione* latè sumpta, quæ alio nomine *exceptio* dicitur, seu ratio, quæ opponitur ad excludendam *actionem* ab *allore* seu *accusatore* intentam contra *reum*: quæque duplex est, *dilatatoria* nimirum; ut si opponas *Judicem* non esse competentem, testes esse infames, auctorem excommunicatum; & *peremptoria*, v. g. si opponas, te solvisse quod petebatur, & sententiam fuisse executam. Sed de *prescriptione* strictè sumpta, & ea *exceptionis* specie, qua quis contra petitionem alicuius defendit id, quod per certum tempus quoddam legitime possedit; unde definitur *Acquisitio dominii & juris, per possessionem legitimo tempore continuatam ex legis prescriptio*.

133 Circa eam varia resolvenda veniunt. Ac 1mo. quidem, num per *prescriptionem* acquiratur dominium rei alienæ, tam in foro interiori & conscientiæ, quàm in foro exteriori; ita ut, qui legitime *prescripserit*, non teneatur restituere priori Domino repetenti rem *prescriptam*, & probanti certis rationibus illam ad se olim pertinuisse.

Et si quidam id negent ex rationibus infra adducendis, videtur tamen quòd sic. Atque prob. 1mo. ex allata *prescriptionis* definitione omnibus Theologis probata, & ex qua id patet. 2do. Quia legitimum est illud dominium, quod ut legitimum approbant Jus Civile & Canonicum. Atqui dominium, quod *prescriptione* comparatur, ut legitimum approbant Jus Civile, & Canonicum.

Jus Civile quidem Leg. 1. ff. de *Usucapionibus* seu *prescriptionibus*. Ubi hæc habentur: *Constitutionem promulgavimus, qua cautum est, ut res quidem mobiles per triennium, immobiles vero per longi temporis possessionem, id est, inter presentes, decemio, inter absentes viginti annis, non capiuntur, &c.* Eadem habentur Leg. ult. ff. *Pro suo*. & Leg. 3. de *usucap.* Jus verò Canonicum causâ 16. q. 3. de *prescriptionibus*. & alibi passim. Sic cap. *Ad aures* 6. de *prescript.* Alexander III. ab Episcopo Mauritanie consultus super decimis, quas una parochia præ altera possidebat: *Tua*, inquit, *fraternitati innotescat, quod de jure divino & humano melior est conditio possidentis, quia quadragenalis prescriptio omnem prorsus actionem excludit.*

Prob. 3tio. ratione. Illud dominium legitime transferitur, quod transferitur auctoritate Reipublicæ seu Principis, iisque in casibus, in quibus Respublica seu Princeps illud potest. Atqui Dominium, quod quis *prescriptione* acquirit, in eum transferitur 1mo. auctoritate Reipublicæ seu Principis, nempe per leges ab ea vel ab eo conditas. 2do. Transferitur in iis casibus, in quibus Respublica seu Princeps id potest: nam Respublica &c. privatis sua bona auferre potest, cum id bonum commune & civium pax posulat; cum id necessarium judicant ii omnes, qui pietate & scientia, tum in Ecclesia tum in Sæculo primas partes obtinent. Atqui transferri *prescriptione* dominium ab uno in alterum possulant bonum commune; tum ut puniatur eorum socordia, qui res suas ab aliis possessas repetere negligunt; tum ut tollatur incertitudo dominiorum alioqui futura, si res ab aliis diu possessas repetere liceret, sæpè enim legitimi possessores suis deturbarentur & privarentur bonis; quia non raro contingit, ut quò quis magis legitime rem possidet, eò minus possit possessionis suæ validitatem probare, cum antiquarum conventionum

tionum contractus & instrumenta sæpè excident, & pereant, nihilque sit facilius, quàm falsa instrumenta pro veris supponere. Ergo par & æquum fuit, ut Respublica seu Princeps, induc-ta præscriptionis lege, tot malis, tot injustis litibus occurrent. In hanc autem legem conspirarunt undequaque non populi solum, sed & Romani Pontifices, ac ipsa demùm Ecclesia, quæ causas tribunali suo oblatas semper diremit ex præscripto legum Imperialium. Ergo dominium, quod per præscriptionem comparatur, legitimè tam in interiori conscientiæ, quàm in exteriori Justitiæ foro comparatur.

- 134 Qui verò contrariam tuentur opinionem, qui hodieum paucissimi sunt, ob. 1mo. Sine culpa nemo re sua est privandus, ex Regula 23. Juris in 6. Ergo.

Sed Resp. neg. ant. S'c enim habet citata Regula: *Sine culpa, nisi subsit causa, non est aliquis puniendus*. Atqui mox probatum est, multiplicem esse causam, cur homini præscribendo res sua auferatur.

- 135 Inst. Ex Reg. 48. ibid. *Locupletari non debet aliquis cum alterius injuria vel jactura*. Atqui id per præscriptionem fit. Ergo.

Resp. dist. textum regulæ: Locupletari non debet ex jactura alterius facta per injuriam & auctoritate privata, conc. Locupletari non debet utendo beneficiò legis. neg.

- 136 Ob. 2do. SS. Patres negaverunt præscriptione legitimum conferri dominium. Sic S. Augustinus relatus causâ 33. q. 5. cap. 4. *Si, inquit, unquam tenuisses ejus assensum, numerus te nullus defendisset annorum*. Et lib. de fide & oper. cap. 7. *In jure pradiorum tamdiu quisque bona fidei possessor rectissime dicitur, quamdiu se possidere ignorat alienum; cum verò sciverit, nec ab aliena possessione recesserit, tunc mala fidei perhibetur, tunc justè injustus vocatur*. 2do. S. Ray-

mundus, de hac quæstione in sua Summa agens: *Consulerem, ait, ei, qui aliquid bona fide præscripsit, ut restitueret, saltem propter ambiguum duplicitalis: si nollet acquiescere, non anderem illi dare securitatem, quòd sit in statu salvandorum*. Ergo cum in dubiis pars tutior tenenda sit, prout offendimus in Tract. de Act. Hum. cap. 4. §. 3. non licet uti beneficiò præscriptionis.

Resp. 1mo. Certum esse, quòd varias in partes abierit Theologi circa præsens negotium: verùm prævaluit opinio affirmans, Pontificum & Principum legibus omniumque hominum agendi ratione comprobata.

Resp. 2do. Quod objicitur ex S. Augustino nullius est momenti. In primo enim textu non loquitur de bonorum exterrorum dominio, sed de mutua, quam in corpora sua conjuges habent, potestate, quæ nisi uterque consenserit, semper perseverat. Hinc post objecta verba sic pergit: *Si post quantumlibet tempus me consulisses, nihil aliud tibi responderem, nisi quod ait Apostolus: Uxor nam habet potestatem corporis sui, sed vir*.

Ad id, quod additur ex lib. de fid. & oper. Resp. Adverbium istud *tamdiu* intelligendum esse ante legitimam præscriptionem; quia id, quod post hujusmodi præscriptionem possidetur, non dicitur alienum; *Certè, enim, ait idem S. Augustinus Ep. 54. Hoc alienum non est, quod jure, id est, legum auctoritate, possidetur*.

Ad auctoritatem S. Raymundi Resp. 1mo. eum quæstionem de qua agitur, dubiam reliquisse, nam statim post verba ex illo objecta addit: *Non audeo etiam præcisè definire eum temeri, vel esse propter hoc in statu damnandorum; tacetur insuper, quòd opinio affirmans videatur servari per univ. Orbem, quocumque se diffundit Ecclesia*.

Resp. 2do. Quòd, si nonnulli auctores S. Raymundi ætate præscriptionis legem, quoad forum interius non valere

cenfuerint; alii, & quidem infiores, qui poftea fcripferunt, contrarium docuerint; inter quos fic loquitur S. Thomas quodlibet 12. art. 24. *Dicendum eft*, inquit, *quod fi quis prafcribat, bona fide poffidendo, non tenetur ad refstitutionem, etiamfi fciat alienum fuiffe poft prafcriptionem.* Scotus vero in 4. Diff. 17. q. 2. *Si lex iufta*, inquit, *potuit iufte determinare prima dominia, & non minor eft auctoritas legis poft divisionem dominiorum quam antea: Ergo propter eandem caufam, & eundem finem poft iufte transferri dominium. Ex hoc dico, quod prafcriptio in immobilibus, & ufucapio in mobilibus eft iufta translatio.* Hos binos Scholæ Principes omnes propè Theologi, qui poft eos fcripferunt, fecuti funt.

137 Inft. Ex mox citato S. Thomæ textu fequitur ad fummum, tunc valere prafcriptionem, cùm Dominus in recuperanda re fua negligens fuit; ftatim enim caufam fubjungit, cur talis qui per prafcriptionem aliquid poffidet, illud reftituere non teneatur, fcilicet, *quia, inquit, lex potefit aliquem pro peccato & negligentia punire in re fua, & illam alteri dare.* Ergo fublata hac negligentia, non licet, etiam juxta S. Thomam, uti prafcriptione.

Resp. neg. ant. Nam S. Thomas unam affignans caufam, propter quam prafcriptione res iufte acquiritur, non negavit alias, quæ funt ne dominia maneant incerta, ne lites multiplicentur, ne viri titularum & instrumentorum fictores aliena bona invadant. Atqui finis ifte non obtineretur, fi attendendum effet ad culpam illius, contra quem prafcribitur; femp enim, aut fere femp incertum remaneret, an alter effet in culpa, necne.

138 Ob. 3tio. Non magis, qui, poft elapfum prafcriptionis tempus, rem alienam effe cognofcit, eandem retinere potefit, quam poffit quis rem judiciali fententiâ fibi adjudicatam retinere, cùm

agnofcit non effe fuam. Atqui non potefit rem retinere, quantumvis judiciali fententiâ fibi adjudicatam, qui agnofcit eam non effe fuam, fed alterius. Ergo. Min. conftat. Maj. facilè probatur: quia in utroque cafu prafcriptionis, bona fides per aliquod tempus; in utroque etiam cafu reperitur Judicis aut Legis auctoritas. Ergo par utrobique ratio.

Resp. neg. maj. Judex enim per fententiam nec transfert, nec intendit transferre dominium rei ab uno ad alium, fed folum pronuntiat ad quem fecundum allegata pertineat res, de qua litigatur: at verò lex prafcriptionis, ob varias rationes, quæ bonum commune fpectant, verum in prafcribentem transfert dominium; unde patet difparitas Legem inter & Judicem, qui falſa nititur prafumptione.

Inft. Ideò non potefit quis retinere 139 bonum fibi à Judice adfcriptum in cafu propofito, quia fententia Judicis nititur falſa prafumptione. Atqui pariter lex in qua fundatur prafcriptio, nititur falſa prafumptione; nam ea lex fupponit hominem potuiſſe impedire ne curreret prafcriptio. Atqui fuppoſitio hæc plerumque falſa eft, putà fi quis nescierit fundum ab altero poffeffum effe fuum. Min. patet. Maj. prob. Quia ex ipſa lege contra impotentem & legitime impeditum non currit prafcriptio. Ergo.

Resp. neg. min. ad ejus prob. neg. maj. ad illius prob. diff. ant. Contra impeditum & impotentem non currit prafcriptio in cafibus jure exceptis, v.g. fi quis mente captus fit, fi quis fit pupillus aut minor, conc. In cæteris cafibus, neg. ant. Quapropter non teneris reddere rem ei, qui invincibiliter ignorans eam effe fuam, non impedivit, quominus prafcriberes; atque fi prafcriptionis beneficium ignorans, eam reddidiſſes, poſſes eam repetere ut tuam.

Ob. 4to. Proferri non potefit ratio, 140 propter quam Imperatores Legem de prafcriptionibus iufte condere poterint. Ergo &c. Resp.

Resp. neg. ant. cujus falsitas patet ex dictis præsertim prob. 3tia. argumenti affirmativi. Nam promulgata fuit illa lex, ut jam diximus, propter bonum publicum, quietem scilicet civium & familiarum. Cum antiquarum conventionum instrumenta non raro evanescant; cum nihil sit facilius, quam falsa instrumenta pro veris supponere, mortuis scribâ & testibus; par fuit, ut Principes præscriptionis lege, tot tantisque malis occurrerent, impedirentque, ne iniqui injustis litibus, & falsis testibus cives & familias vexarent.

- 141 Ob. 7to. Est de jure naturali, ut Respublica invito civis bonis non spoliatur, nisi in duplici casu, 1mo. Cum ipsa Respublica civium suorum facultatibus ad bonum commune indiget. 2do. Cum cives propter nefandum aliquod scelus bonorum jacturâ multari debent. Atqui si in foro conscientie valeret præscriptionis lex, sine prævio delicto, & sine urgente Rempublicam necessitatis casu, invito nonnunquam suis bonis spoliarentur, ut patet. Ergo, &c.

Resp. neg. maj. Hinc argumento jam passim responsum est, præsertim in responsione ad ob. 1mam. Enimvero præter duplicem hic in Objectione allatum casum est adhuc tertius, nempe cum id exposcunt pax & tranquillitas publica, ut re vera exposcant in causa præscriptionis: est enim de jure naturali, ut bonum privatum publico postponatur.

- 142 Ob. 6to. Probationes ex jure Civili & Canonico in favorem præscriptionis supra allatæ solum probant eam valere in foro externo, nihil autem concludunt pro interiori conscientie foro. Ergo.

Resp. neg. ant. Nam Gregorius Papa cap. *Sanctorum*. 3. *De præscript.* statuit; *Secundum SS. Patrum sanctiones, ut bona præscripta quiete & sincere perpetuo teneantur*: sed quod in foro conscientie retineri non posset, nec quiete nec secundum SS. Patrum sanctiones teneretur, aut possideretur. Et certè proprius Canonum finis est, ut vitetur peccatum coram Deo, quod etiam SS. Pontificum sanctiones præcisè attendunt: & ideo in Concilio Lateranensi (u) decernitur, ut nemo rem mala fide possessam præscribere audeat, quia hoc sine peccato mortali fieri non potest. Ergo Concilium istud supponit, bonæ fidei possessorem rem præscriptam sine peccato retinere posse; alioqui monere debuisset possessorem bonæ fidei non magis esse in conscientia tutum, quam possessorem malæ fidei; utrique enim favebant leges Civiles, quas dum Synodus abrogavit quoad possessorem malæ fidei, tutas esse supposuit respectu possessoris bonæ fidei.

2do. Resolvendum venit, quænam conditiones ad legitimam præscriptionem requirantur. Quinque passim numerari solent.

Prima est, ut res sit præscriptibilis, id est, ut res, quæ præscriptione acquiritur, à jure prohibeatur præscribi: nam ff. *De Usucap. & Usurpationibus*; & tit. *De præscript.* nonnulla præscribi nequeunt: ut 1mo. non præscribitur adversus hominem liberum, ut fiat servus, ex Leg. *Usucapionem*, ff. *De Usurpationibus & Usucapionibus*. 2do. Nec etiam adversus Superiorem præscribitur; quia subditi tenentur obedire Superiori jure naturali, adversus quod non.

R r r 3

(u) Concilium Lateranense IV. an. 1215. celebratum est. In eo Can. 41. decernitur ut nemo rem mala fide possessam præscribere audeat &c.

non præscribitur, *cap. ult. de consuetudine*, in Decretalibus. Hinc subditi non possunt præscribere adversus Prælatum, ut non visitentur; quia Prælatus non potest absolvi à sollicitudine erga subditos, quem ut præstet, necessaria est visitatio. Similiter non præscribunt subditi, ut non solvant procuracionem Prælato debitam, dum ab eo visitantur, ex *cap. Cum ex officio*. Tit. *De præscrip.* Potest tamen ex eodem capite Prælatus adversus alium Prælatum præscribere, ut ad ipsum ejus subditi pertineant. Item potest aliqua Ecclesia, v. g. Collegiata præscribere adversus Archidiaconum, ut ab eo non visitetur, quia ejus dignitas non est juris divini, sed humani. Atqui adversus jus humanum præscriptio valet. 3tio. Non præscribitur res publicis usibus deputata, ut sunt viæ, fontes, &c. 4to. Jus decimarum, primitiarum, oblationes, aliaque jura spiritalia à Laicis non præscribuntur, tit. *De præscrip. Cap. Causam*. Et ratio est, quia hæc à Laicis possideri non possunt; de ratione autè præscriptionis est legitima possessio rei præscriptæ. Eadem verò jura præscribi possunt à personis Ecclesiasticis; cum ea possidere possint. Porro quævis contra decimas præscribi non possit à Laicis, potest tamen præscribi contra quantitatem earum, & solutionis formam; ad quod requiruntur. 40. an. Denique sunt decimæ quædam, quæ *inscudata* dicuntur, quæ à Laicis ante Concilium Lateranense III. sub Alexandro III. an. 1179. celebratum possessæ, ab iis legitime retinentur. 5to Non præscribuntur tributa, functiones publicæ, census, jus appellationis, &c. quæ Principi solvuntur aut competunt in signo supremæ potestatis, ex Leg. *Comperit*. Cod. *De præscrip. tri-*

ginta & quadraginta annorum. Nihil enim præscribitur, nisi permittat lex Civilis, vel Princeps: at Principes non consentiunt præscriptioni iuribus suis contraria. 6to. Non præscribuntur res sacre. Et enim si res Principi propriæ non præscribuntur, à fortiori ea, quæ Dei sunt, quæque alienare vetat. Imperator in Institutis §. *Sacra res*, tit. *de rer. divis.* 7mo. Præscribi non possunt res ejus, qui ad eum impotens est, aut impeditus, ut rem suam in judicio petere non possit. Hinc, prout supra jam dictum, contra mente captum, minores viginti quinque annis, filium sub potestate patris existentem, & uxorem, cujus vir administratione privatus non est, non præscribitur. 8vo. Non præscribuntur fines Provinciarum, Episcopatum, & Parochiarum, quando constat de eorum limitibus, ut habetur Cap. *Dilectio* 16. q. 3.

Advertendum, multa, quæ dicuntur non præscribi, intelligenda esse de præscriptione, quæ fit ordinario tempore, nempe spatio decennii, aut viginti annorum, nam præscribuntur præscriptione longissimi temporis, puta triginta, aut plurium annorum; tales sunt res fisci, fundus in dotem datus, & res furtivæ, leg. *Omnes*, & leg. *Sicut in rem*, Cod. *de præscrip. triginta annor.*

Secunda ad legitimam præscriptionem conditio est, ut res, quæ præscribitur, possideatur; nam si ne possessione præscriptio non pro-
cedit, ex Reg. 3. de Reg. Jur. in 6. 144

Possessio autem definitur, *Rei actualis, vel juridica detentio*, seu *Actus, aut jus detentionis rei*. Actus detentionis vocatur *possessio facti*; jus detentionis vocatur *possessio juris*. Res autem detenta, seu

Secunda ad legitimam præscriptionem conditio.

seu possessa, vel corporalis est, ut ager, domus, &c. vel incorporea, ut beneficium, census, servitus, &c.

Possessio facti est rei detentio adminiculò corporis, & animi, & juris. Dicitur 1mo. *Detentio*; id est, apprehensio vel prima, vel continuata. 2do. *Rei*; quo nomine intelligitur quidquid possideri potest. 3tio. *Adminiculò corporis*; quia ut res incipiat possideri, debet aliquo modo corporaliter apprehendi vel verè seu apprehensione vera, quæ sit vel manibus vel pedibus; vel *filia*, ut est ea quæ sit oculis, quibus vel etiam eminùs res possidenda aspicitur, vel cum traditur scriptura seu instrumentum, in quo cum res ipsa contineri videatur, & ipsa quoque videtur apprehendi. 4to. *Animi*; quia rem non possidet, nisi qui eam apprehendit, & occupat animò possidendi: hinc depositarius non dicitur possidere depositum, quia illud non detinet animò sibi retinendi. 5to. Denique *Adminiculò etiam juris*: quia ad possessionem requiritur, ut Jus seu leges non impediant, ne detentio rei censeatur possessio ejus: Unde detentio rei sacræ à Laico facta, ne quidem est possessio facti, lege id prohibente. Detentio autem rei furtivæ prophanz, licet injusta, est tamen vera possessio, quia Jus non impedit ne detentio talis rei sufficiat ad possessionem.

145 *Possessio juris, est jus insistendi rei tanquam suæ, non prohibita possideri.* Dicitur *Jus*, nempe verum vel præsumptum, prout nimirum oritur ex possessione facti vel iustis in se, vel quæ iusta præsumitur in foro externo, licet in se iusta non sit. Item *Jus insistendi rei &c.* id est, rem ut propriam perseveranter tenendi, in ea se manutene-

nendo contra perturbantes. Additur denique, *Non prohibita possideri* per Juris dispositionem scilicet, per quam prohibetur v. g. ne locus publicus à privato, vel sacer à Laico possideatur.

Possessio sic exposita multipliciter dividitur. Nam 1mo. alia est quæ sit *proprio nomine*, ut in proprietario, alia est quæ sit *nomine alieno*, ut in depositario. Alia est *præcaria*, quæ supplicatione & precibus obtinetur. 2do. Alia est *iusta*, quæ fundatur in titulo, qui iustus sit sive in se, sive ex bona fide; alia est *injusta*, quæ legitimo titulò destituta est. 3tio. Præcipue, alia est *Civilis*, alia *Naturalis*. Prior est detentio rei adminiculò solius animi: quamvis enim ad inchoandam possessionem civilem requiratur adminiculum corporis simul & animi, ad eam tamen continuandam sufficit solus animus retinendi rem, & ab ejus possessione non desistendi: hinc verè possidet is, qui, corpore absens à rebus suis, eas tamen animò retinet & occupat. Possessio hæc *civilis* dicitur, tum quia fundatur in Jure Civili, secundum quod dicitur quis possidere rem, à qua procul distat; tum quia parit effectus civiles, nempe rei usucapionem, & dominium fructuum.

Possessio naturalis est ea, quæ res corpore simul & animò occupatur; ut cum quis rem occupat de facto, quam etiam retinere cupit. Possessio naturalis sæpè separatur à civili; nam fur v. g. rem meam possidet naturaliter, ego autem civiliter. Possessio naturalis, etsi infirmior sit civili, ad hoc tamen valere potest, ne possessor deturbari possit ab extraneo, & interdum ne ab ipso quidem Domino sine publica auctoritate.

Addunt

Addunt hic aliqui tertiam possessionis speciem, quam civilissimam vocant: hæc autem possessio ex sola legis dispositione acquiritur, etiam ab incio, adeoque sine corporis & animi adminiculo: Sic hæres parvulus defuncti hæreditatem possidet. &c. His prænotatis

147 Dicimus 1mo. Necessaria est ad præscriptionem possessio. Nam sine possessione præscriptio non procedit, ut supra dictum, ex Reg. 3. Jur. in 6. 2do. Requiritur possessio, quæ sit proprio nomine: hinc tutor, curator, aut Monasterii procurator, quia non sibi sed aliis possident, non sibi sed aliis præscribunt. 3tio. Non sufficit possessio precaria; quia quod accipitur precario, non possidetur ut proprium. 4to. Non sufficit possessio naturalis: nam depositarius, colonus, creditor habens pignus, imò & fur, naturaliter possident; nec tamen præscribunt. 5to. Requiritur possessio continuata per totum illud, quod lex exigit, tempus. Præscriptio enim, quæ Jure solum positivo acquiritur, acquiri non potest nisi cum conditionibus in Jure expressis. Atqui una è conditionibus à Jure expressis est, ut res præscribenda certo quodam continuato tempore possideatur. Ergo. Hinc si quis re, quam per aliquod tempus legitime possedisset, justè privaretur, & eam iterum obtineret ac possideret, non posset prioris possessionis annos computare, & conjungere cum annis subsequentis possessionis, quia possessio non esset continuata. Non est tamen necessarium, ut possessio ab eadem persona continuetur; potest enim secundus possessor annos, quibus possedit, conjungere cum iis, quibus possedit auctor ejus seu prædecessor.

Tertia ad legitimam præscriptionem conditio est *titulus legitimus*, sive verus, sive probabiliter præsumptus, id est, qui bona fide putetur validus, etiam in rei veritate talis non sit. *Titulus* definitur, *Ratio legitima, propter quam quis censetur jussè possidere rem aliquam*; v. g. habeo hunc librum, quia bona fide illum emi.

Ad legitimam igitur rei alicujus possessionem requiritur *titulus*: nam translatio domini sine causa ad translationem sufficienti non fit; hæc autem causa est *titulus*. Circa quem

Not. 1mo. Titulum, ut mox dictum, alium esse verum, ut si à vero Domino emeris; alium præsumptum seu coloratum & apparentem; qui scilicet verus prudenter judicetur; ut si emeris ab eo, quem probabiliter putas verum Dominum.

Not. 2do. Duplicem esse præscriptionem, aliam longi temporis, aliam longissimi: illa est triennii, decennii, & vicennii; ista verò triginta, quadraginta & aliquando centum annorum. His præsuppositis

Dicimus 1mo. Ad præscriptionem longi temporis requiritur *titulus*; quia sine titulo possessio non censetur legitima seu civilis, quæ necessaria est, ex dictis, ad præscribendum.

2do. Ad præscriptionem longissimi temporis ordinariè non requiritur *titulus*; quia difficilius probatur, quia ratione inierimus possessionem, in qua sumus à tam longo tempore. Diximus *Ordinariè*, quia aliquando ad præscriptionem longissimi temporis requiritur *titulus*, nempe quando juris præsumptio est contra præscribentem.

Hinc

Hinc si Episcopus v. g. velit præscribere decimas in altera Diœcesi sitas per 40. annos, sine titulo non præscribit, ex cap. 1. de præscrip. in 6. Igitur vel exhibere debet titulum, vel probare possessionem immemorabilem. Possessio immemorialis est ea, cujus initium non extat memoria apud seniores, qui testantur & asserunt, se nunquam aliter vidisse, vel audivisse, & talem semper fuisse famam, communemque loci opinionem.

- 150 Advertendum, quod is, qui, titulo hereditatis, bona fide possidet rem à defuncto mala fide possessam, nunquam præscribat, si sit hæres universalis: ita habetur L. Cum hæres ff. de divers. temp. præscrip. Cum hæres in jus omne defuncti succedat, ignoratione sua defuncti vitia non excludit. Et L. Vitia. 11. Cod. lib. 7. tit. 32. quæ sic habet: Vitia possessionum à majoribus contracta perdurant, & successorem auctoris sui culpa comitatur. Item §. Diutina Inst. lib. 2. tit. 6. De Usucap. Si defunctus justum initium non habuit, hæredi & bonorum possessori, licet ignoranti, possessio non prodest. Ratio est, quia hæres (x) & defunctus efficiunt unam personam, atque hæres defuncti personam ita repræsentat, ut in omnia ejus onera succedat, adeoque & damna per eum illata rescire debet; acque fictione juris mala fides censetur in successore, sicut in eo, qui succedit; unde rem ab eo mala fide detentam, nec ipse quantumvis diu possessam retinere potest.

- 151 Diximus, Hæres universalis; nam Legatario, seu hæredi particulari mala fides auctoris nocere non potest, valetque ipse, si bonam fide.

P. Cartier Theol. Tom. III.

dem habeat, præscribere, præscriptionem incipiendo scilicet à sua propria possessione. Porro nomine Successoris particularis intelligitur ille, qui in re succedit quocumque titulo, sive gratuito, sive oneroso, sive ex testamento, sive inter vivos, dummodo hæres non sit. Quod verò prædecessoris vitium ei non noceat, inferri solet ex Leg. An vitium. §. ff. de De divers. temp. præscrip. ubi hæc habentur: Denique usucapere possum, quod auctor meus usucapere non potest. Quæ cum de successore universali vera non sint, de particulari sunt intelligenda.

Quarta ad legitimam præscri-^{Bona}ptionem conditio est bona fides; ¹⁵² fides. nam possessor malæ fidei nullo tempore præscribit. Bona fides autem nihil aliud est, quam persuasio, quæ quis prudenter existimat rem, quam possidet, esse suam, etsi forte sua conditio non sit. Igitur

Dicimus 1mo. Bona fides ad legitimam præscriptionem est omnino necessaria. Prob. ex cap. finali de præscrip. desumptò ex Concilio Lateranensi IV. sub Innocentio III. an. 1215. cujus hæc sunt verba: Quoniam quod ex fide non est, peccatum est; Synodali judicio definimus, ut nulla valeat absque bona fide præscriptio tam canonica, quam civilis; cum generaliter sit omni constitutioni atque consuetudini derogandum, quæ absque peccato mortali non potest observari. Unde oportet, ut qui præscribit, in nulla temporis parte habeat conscientiam rei alienæ. Et ex Reg. 2. juris in 6. Possessor malæ fidei ullo tempore non præscribit. Quibus iuribus ab-

S s s

rogan-

(x) hæres definitur Defuncti successor in universum jure ejus

rogantur leges civiles admittentes præscriptionem non mala fide.

Prob. 2do. Ratione. Si valeret præscriptio cum mala fide, possent Simoniacus, Usurarius, fur & latro res ablatas, & diu possessas retinere. Atqui hoc est contra æquitatem omnino omnem, contra bonum commune æque ac privatum, contra jus naturale, quod vetat ne fraus & dolus patrocinentur. Ergo.

- 153 Dices 1mo. Is, cujus bona per legem pœnalem addita sunt fisco, potest statuto tempore præscribere. Ergo potest præscribi cum mala fide.

Resp. neg. conf. Nam in tali est bona fides, cum tamdiu bona fide possideat, quamdiu bonis suis per sententiam Judicis privatus non est; lex enim pœnalis ante Judicis sententiam non obligat.

- 154 Dices 2do. Potest aliquis præscribere contra eum, qui habet jus servitutis rusticæ in suo prædio, v. g. transendi per suum prædium, quamvis sciat eum jus illud habere, Leg. *Hac autem. ff. De servitutibus urbanorum prædiorum.* Atqui in illo casu est mala fides. Ergo.

Resp. neg. min. Qui enim præscribit in casu proposito, non impedit, quominus alter jure suo utatur, sed tantum permittit, ut non utatur, quod utique permittere potest; non enim tenetur admonere alterum, ut per campum suum transeat; ergo nihil facit contra jus alterius; ergo non habet malam fidem; ergo bona fide agri sui libertatem recuperat. Ratio ulte-

rior est; quia ad præscribendum contra servitutem rusticam non requiritur à legibus nisi possessio naturalis: unde bona fides debet solum esse de possessione naturali; adeoque satis est, ut qui præscribit, credat se licite posse nativam rei suæ libertatem recuperare, absque eo, quod admoneat alterum de jure suo: at in aliis rebus requiritur possessio civilis, id est animus retinendi rem ut suam, quem animus cum bona fide habere non potest, qui cognoscit id, quod præ manibus habet, alienum esse, non suum.

Dicimus 2do. Is, qui malam fidem habet, sed solum ex ignorantia, quia nempe credit non licere sibi id præscribere, quod possidet, cum tamen hoc licitum sit, non præscribit. Ratio est, quia non videtur bona fide possidere: & ita habetur Leg. *Si fur, ff. de Usucap. Si quis id, quod possidet, non putat sibi licere per leges usucapere, dicendum est, etsi errat, non procedere tamen ejus usucapionem, vel quia non bona fide videtur possidere, vel quia in jure erranti non procedat usucapio.*

Dicimus 3tio. Nec satis est, quod fuerit bona fides, quando res coepit possideri, sed requiritur bona fides continuata: habetur ex Concilio IV. Lateranensi sup. citato: & ratio est, quia nulla possessio cum mala fide est legitima.

Dicimus 4to. Dubitatio (γ), quæ omnem possessionem præcedit, impedit bonam fidem; cum quia quod non est ex fide peccatum est, ut

(γ) Non hic nobis sermo est de dubitatione speculativa, dum scilicet quis in genere dubitat an res, quam possidet vel vult possidere, sit sua an aliena: sed de dubitatione practica, dum scilicet quis hic & nunc dubitat, an possit licite rem retinere. Vid. Colleg. Juris Canonici l. 2. t. 26. §. 2. n. 536.

ut *suprà* ex Apostolo aiebat Concilium Lateranense; tùm quia in dubio favendum est reo potius quàm actori: qui autem possidere incipit, esse velut actor; & qui antea possidebat, veluti reus. Ergo huic favendum est, adeoque judicandum res illius esse.

At ubi possessioni bona fide inchoatæ dubitatio supervenit, tùm dividuntur Theologi. Quidam putant bonam fidem, adeoque præscriptionem, in hoc casu reperiri, imo. quia in pari causa *potior est conditio possidentis*, ex Reg. 65. Jur. in 6. 2do. Quia ex cap. *Si virgo*, caus. 34. q. 1. *tandiu quisque bona fidei possessor rectissime dicitur, quandiu se possidere alienum ignorat.*

178 Alii non pauci verò existimant, eum, qui dubium habet non leve & temerarium, sed grave & probabile, an res, quam possidet sua sit nec ne, eo ipso non habere bonam fidem, proinde nec præscribere posse. imo. Quia ad bonam fidem requiritur, ut quis quietè & tranquillè judicet rem, quam possidet, esse suam. Sed in dubio fundato & probabili, de quo loquimur, non potest quietum & tranquillum hoc judicium efformari, sed vacillans tantummodò. 2do. Quia non licet se exponere periculo rem alienam retinendi. Sed qui dubium grave & discretum habet, se exponit periculo rem alienam retinendi. 3tio. Quia non satis explicatur, cur non liceat possessionem inchoare cum dubio, liceat verò eandem cum du-

bio continuare: si enim momenta, quæ possessioni jam inchoatæ superveniunt, ejusdem sint naturæ, ac ea, quæ possessionem præcedunt, eundem parere debet effectum; cur enim peccabo apprehendendo rem, quam probabiliter judico esse meam(s), & non peccabo retinendo rem, quam probabiliter judico esse alienam? Equidem illius, qui rem cum dubio retinet seu possidet, melior seu potior est conditio; tùm quia non tenetur statim rem abdicare, sed eam tandiu retinere potest, donec adhibitâ diligentia sufficienti noscere possit, an sua sit, an alterius; & ad id sub peccato teneri eum, etiam teneatur contrariæ opinionis assertores; tùm quia in foro exteriori pro ipso præsumitur, quia supponitur, virum probum non acquirere possessionem rei, nisi iustò titulò; unde leges non sinunt, ut è possessione sua ejiciatur, nisi sufficientia contra eum momenta adducantur. Deinde falsum est, quòd, qui probabiliter dubitat, an alienum possideat, ignoret se alienum possidere, sed dubitat duntaxat, quod est aliud quàm ignorare, nam *ignorare* non modò cognitionem certam, sed & dubiam excludit, prout patet in cit. Can. *Si virgo*, secus enim sequeretur, quòd virgo, quæ dubitat an maritus suus alteri sit conjugatus, censeretur conjugium hoc ignorare, nec peccaret, si ab eo debitum peteret; quod tamen falsum est ex cap. *Inquisitioni*, 44. *de sententia excommunic.*

S s s 2

Undè

(2) Si probabiliter judico rem, quam apprehendo, esse meam tunc etiam à consensu probabiliter judico eam non esse meam, sed alienam, adeoque dubito cujus sit, an mea, an alterius.

Unde colligunt hi Theologi, eum, qui de ſua poſſeſſione bona fide inchoata dubitat, non poſſe rem totam ſibi retinere, ſed debere vel eam dividere pro ratione dubii, vel aliquam cum altero compoſitionem inire, vel controverſiam ex arbitratorum mutuo conſenſu electorum judiciũ definiendam tradere.

159 Dicimus denique ſto. Ignorantia vincibilis tam *juris*, qua ſcilicet lex ipſa ignoratur, ut ſi quis nesciat requiri auctoritatem tutoris, ut aliquid validè à pupillo accipiat; quàm *facti*, cum lex quidem cognoscitur, ſed ignoratur, hoc factum huic legi eſſe contrarium; ut ſi cognoſcas illicitum eſſe aliquid emere à fure, ſed nescias eum, à quo emis, eſſe furem, impedit præſcriptionem; impedit & ignorantia ſeu error etiam invincibilis *juris clari & evidentis*; non tamen eam impedit ignorantia ſeu error inculpatus *facti*. Ratio imo eſt, quia re ipſa bonam fidem impedit: nemo enim cenſetur bona fide ignorare id, quod poteſt, & debet ſcire. Ratio adi. eſt, quia vis præſcriptionis ex legum diſpoſitione pendet. Atqui Leges non admittunt, ſed potiùs excludunt præſcriptionem fundatam in ignorantia etiam invincibili *juris*: ut colligunt Doctores ex leg. *Juris*, 4. ff. de *juris & facti ignorantia*. *Juris ignorantia negatur in uſucapione prodeſſe: facti verò ignorantiam prodeſſe conſtat*. Item ex leg. *Nunquam*, ff. de *Uſucap*. *Nunquam in Uſucapionibus juris error poſſeſſoribus prodeſt*. Ergo qui aliquid uſuario contractũ acquiſivit, item qui munus accepit à Religioſo, illud præſcribere non poteſt, etiamſi ſupponatur, eum bona fide credidiſſe contrarium eſſe: illicitum:

atque id etiam valet pro foro interno, quia in eo tenenda eſt *Juris Civilis diſpoſitio*. Diximus *Juris clari & evidentis*, quia plures Theologi exiſtimant ignorantiam invincibilem *juris dubii* non impedire præſcriptionem. Verùm cum præſcriptio inducta ſit lege humana, nec lex diſtinguat inter *jus clarum & obſcurum*, certum & dubium; ſed abſolutè decernat in uſucapionibus nunquam *juris errorem poſſeſſoribus* prodeſſe, præſerenda videtur ſententia affirmans ignorantiam etiam invincibilem *juris ſive perſpicui*, & indubitati, ſive obſcuri & dubii, impedire præſcriptionem, igitur habetur ex mox citata Leg. *Juris* in qua dicitur, quòd *facti ignorantia in uſucapione proſit*. Idque patet ex ipſa præſcriptionis natura, quæ ſemper aliquid erroris ſupponit.

Quinta denique ad legitimè præſcribendum conditio eſt *Tempus*. 160 Ubi nota, res alias eſſe mobiles, alias immobiles. Mobiles ſunt res corporales, quæ locò moveri poſſunt, ut animalia, veſtes, naves, &c. Ad res mobiles reducantur debita, & actiones ad illa obtinenda. Immobiles ſunt res corporales, quæ locò moveri non poſſunt, ut domus, fundus, &c. Ad res immobiles revocantur incorporeæ, ut ſervitutes ad aliquid non ſemel, ſed iteratis vicibus faciendum, jura & actiones ad immobilia; item beneficia, cenſus, redditus, jus patronatus, uſufructus, &c. his præſuppoſitis.

Dicimus imo. Res mobiles alicujus privati, vel etiam cujuſvis Eccleſiæ cum titulo per poſſeſſionem triennem bona fide continuatam præſcribuntur. Inſtit. §. 1. tit. de *uſucap*. Item Authentica. Si quis actiones. Cod. de ſacraſanctis Eccleſiis.

sis. referturque Cap. Placuit. Caul. 16. q. 3. Diximus cum titulo. quia res mobiles sine titulo non præscribuntur nisi spatiò 30. annorum, ex Leg. Sicut in rem, Cod. de præscrip. triginta vel quadraginta annorum.

162. Dicimus 2do. Res immobiles privatorum inter præsentès decennio, inter absentes viginti annis cum titulo præscribuntur, ex Instit. tit. de usucap. ubi dicitur inter præsentès decennio, inter absentes viginti annis res immobiles usucapi.

Dictum est 1mo. *cum titulo*; quia, si desit titulus, inter præsentès requiritur possessio triginta annorum; inter absentes quadraginta: Leg. *Si quis emptionis*, §. *Quod si quis*, Cod. de præscrip. 30. vel 40. annorum. Ex Authentica autem, *Quod si quis*, Cod. de præscrip. longi temporis; si quibusdam annis præsens sit Dominus, quibusdam verò absens, adjiciuntur ei super decennium tot anni, quot ex decennio fuit absens; nimirum si per triennium abfuerit, præscriptio 13. tantum annis absolvetur.

Dictum est 2do. *Res immobiles privatorum*; nam ex cap. Illud, cap. Quia, & cap. Ad aures, de præscrip. requiruntur 40. anni ad præscribendum contra Ecclesiam distinctam à Romana: dicimus, *distinctam à Romana*; nam citatè Authentica, *Si quas actiones*, Cod. de sacrosanctis Eccles. adversus Ecclesiam Romanam non præscribitur nisi per possessionem centum annorum. Debent autem res illæ, quæ tantum centum annis præscribuntur, pertinere immediatè ad Ecclesiam Romanam; nam si pertineant ad Inferiorem, quamvis indè aliquo modo præjudicetur Ecclesie Romanæ, 40. annis præscribuntur.

Ad Ecclesias revocantur hospitalia, Monasteria, & quæcumque loca, quæ habent bona ad pias causas relicta. Sunt quædam Monasteria & Collegia Regula-

rium, quorum res immobiles nonnisi 60. annorum spatiò præscribi possunt. Hoc privilegium concessit Eugenius IV. Ordini S. Benedicti.

Advertendum, majus tempus requiri, 163 quando præscriptio dormit, vel interrumpitur. Dicitur dormire, quando jam inchoata cessat; quod fit 1mo. tempore belli vel pestis, quando homines fugiunt in aliud territorium, vel quando jus non redditur. 2do. Quando Ecclesia caret Rectore; tunc enim contra eam cessat præscriptio. 3tio. Si is, contra quem agitur, non possit agere, qualis est pupillus durante pupillari ætate. Dicitur autem interrumpi præscriptio, quando postquam inchoata est, ita cessat, ut non debeat continuari cum præcedenti tempore, sive interrumpatur naturaliter, putà desinente possessione, aut bona fide; sive interrumpatur civiliter, scilicet per actum juridicum, putà litis contestationem, vel citationem. Discrimen hoc est inter tempus, quo dormire dicitur præscriptio, & illud, quo interrumpitur, quòd continuentur priores anni cum posterioribus dormientis præscriptionis, licet non numerentur anni, quibus dormit; at si fuerit interrupta præscriptio, non continuatur: si tamen actor rem non prosequatur, non interrumpitur præscriptio, quia qui litem sponte deserit, censetur ejus injustitiam agnovisse.

Cæterum datur adversus præscriptio-104 nem remedium, nempe restitutio in integrum (a), quæ conceditur 1mo. Minoribus, id est iis, qui annum 25tum. nondum expleverunt. 2do. Ecclesiis & pijs locis, etiamsi præscriptio sit 40. annorum; quia Ecclesia est instar pupilli & minoris. 3tio. Majoribus, non quidem in præscriptione 30. aut 40. annorum, sed in præscriptione 10. aut 20. annorum, modò probent præscriptionem, aut omnino sine negligentia sua, aut cum probabili sua

S s s 3

igno-

(a) Restitutio in integrum, est remedium, quo tribuitur alicui potestas suam rem sibi vindicandi.

ignorantia fuisse peractam: habent autem annos 4. postquam resciverint expletam esse præscriptionem, intra quod tempus à beneficio restitutionis in integrum non excluduntur. &c.

V.

165 De cæteris acquirendi dominiis modis.

Præter hæcenus acquirendi dominiis modos, adhuc alii numerantur, scilicet Alluvio, specificatio, accessio, commixtio, confusio, ædificatio, cultura, satio, & nativitas, alveus, Insula.

Alluvio dicitur, cum flumen ex uno prædio detrahit, & alteri adjicit; quod fieri potest vel paulatim, sensimque, & dicitur *incrementum latens*: vel subito & repentina vi fluminis, & dicitur *incrementum patens*.

Incrementum latens accrescit etiam usufructuario; patens verò proprietario duntaxat; quia in priori casu censetur remanere idem fundus: in posteriori verò æstimatur diversus. Feudatarius tamen & emphyteuta utriusque incrementi commodum capere debent, quia proprietarii vicem gerunt. *Instit. lib. 2. tit. 1. n. 20. & 21.*

166 Specificatio dicitur, cum res aliqua seu species vel opus aliquod ex aliena materia ab alio conficitur, ut si ex ligno vicini tui domum tuam ædifices. Refert autem utrum materia insumpta ad priorem statum reduci possit nec ne. In primo casu species seu opus pertinebit ad dominum materia: v. g. ex tuo argento à me fabricatum vas tuum erit. Altero casu ad eum spectabit, qui speciem seu opus formavit: v. g. vestis ex alienis lanis confecta pertinebit ad eum, qui formavit: si tamen mala fide species confecta est, à pristino domino vindicari poterit. *Instit. cit. loc. n. 25.*

167 Accessio dicitur, cum quid ornatûs causâ alteri rei adjicitur; ut si quis alie-

nam domum pinxerit, si partem aliquam toti addiderit, ut ansam vasi, pedem statuae, tunc accessionis jure adjectum cedit Domino rei, quia, ut fert Reg. 28. Jus in 6. *accessorium sequi congruit naturam principalis* Si tamen ornamentum rem, cui adjectum est, pretiò longè superet, ornamentum habebitur pro principali, & ad eum pertinebit, à quo prodit, ut si quis in aliena tabula pinxerit: siquidem *ridiculum esset picturam Appellis in accessionem vilissima tabula reputari*, ait Justinianus loc. cit. n. 34.

Commixtio & Confusio inter se differt in eo, quòd, quæ confusa sunt novam speciem pariant, sic vinum & mel confusa faciunt mulsam, quod est alia species liquoris; mixta verò in eadem remanent specie, ut grana tritici. Si res permixtæ separari possint, ut oves in grege permixtæ, debent separari; si non possint, ut mel & vinum semel confusa; seu casu fortuito, seu ex utriusque domini consensu confusæ fuerint, utriusque erunt.

Quod spectat ad ædificationem, culturam, sationem, & nativitatem; certum est imò. quod in nostro ædificatum est, nostrum esse; quia ædificium accedit solo. Sed attendendum est, an bona, an mala fide quis ædificaverit; si enim bona fide, ei solvendæ sunt impensæ, secus si ex mala fide. Si verò quis ex aliena materia in suo solo ædificaverit, si id bona fide egerit, atque materiâ alienâ usus sit, non tenetur nisi ad solvendam ejus æstimationem; si verò mala fide, tenetur insuper de omni, ut ajunt, interesse, de lucro cessante, de damno emergente, &c. 2do. Quod ex nostris agris nascitur, ad nos pertinere, sicut & quæ ex nostris animantibus proveniunt, nostra fieri, si tamen ex animantibus femine sexus; nam partus sequitur ventrem: hinc plantæ, quam invenimus in nostro solo radices egisse, nostra est, secus si radices non egerit. *Instit. loc. cit. n. 29. 30. 31. & 32. Item Leg. 38. ff. de rei vindicat.*

Si

- 170 Si fluvius alveo priori derelicto, alium sibi quarat, vetus alveus vicinis prædiis cedit; novus verò sit publicus, sicut flumen. Quod si fluvius novum hunc alveum derelinquat, & ad antiquum recurat; rursus novus alveus, à quo recessit fluvius, eorum esse incipit, qui propè ripam ejus prædia possident: ex æquitate tamen veteribus dominis restituendus esse videtur.
- 171 Insula, quæ in mari nata est, sit occupantis. Insula in flumine aut rivo nata pertinet ad eos, ad quos flumen vel rivus spectat.

SECTION II.

172 De reliquis speciebus Juris in re.

Inter alias Juris species numerantur Ususfructus, usus, habitatio, emphyteusis, iendum, libellus, superficies, servitus, pignus, & hypotheca, quibus affinis est possessio, de qua egimus paragrafo præcedenti.

§. I.

De ususfructu, & usu.

Ususfructus Leg. 1. ff. de Ususfructu definitur, *Jus utendi & fruendi rebus alienis, salvo earum substantia.*

Dicitur 1mo. *Jus*, ut distinguatur ab Ususfructu actuali, qui dicitur *usus facti*. 2do. *Utendi*, ut distinguatur à jure, quod habet creditor in pignore vel hypotheca, aut depositarius in deposito; his enim rebus uti non possunt. 3tio. *Fruendi*, ut distinguatur à mero usu: nam simplex usufructus habet solummodo usum rei, nec ejus fructus percipere potest, secus verò Ususfructuarius, qui enim habet ususfructum pecudum, habet etiam eorum foetus, lanam, lac, &c. *Instit. lib. 2. tit. 4. &c.* Dicitur 4to. *Rebus alienis*. Ususfructus enim est servitus, quæ non nisi in rebus alie-

nis constitui potest: *Nemini enim res sua servit, sed prodest jure domini.* l. 26. ff. De servit. præd. rustic. Dicitur 5to. *Salvo earum substantia*; quia usufructuarius debet rem integram proprietario reservare. Quare usufructus propriè non est in his rebus, quæ usu consumuntur, quales sunt vestes, numerata pecunia, vinum, oleum, &c. ex *Instit. §. Constituitur. tit. de usufructu*. Diximus propriè *ususfructum non esse in rebus, quæ usu consumuntur*: nam etiam impropiè cadit usufructus in res hujusmodi, quatenus scilicet alicui traduntur, qui cautionem dare debet, se rem, vel rei æstimationem præscripto tempore redditurum: atque ea usufructus species non differt à mutuo, nisi quia mutuum fidejussorem per se non exigit.

Sequitur 1mo. Eum, qui habet usumfructum totius armenti vel gregis collectivè sumpti, teneri restituere totidem capita in locum mortuorum ex foetu, quem percipit; quæ ubi substituta fuerint, cedunt in dominium proprietarii. *Inst. De rer. divis. §. 38.* Si tamen singulorum capitum divisim, non gregis collectivè sumpti, usumfructum habuerit, non tenetur ad illa substituenda capita in locum eorum, quæ perierint, ex Leg. 70. ff. De Ususfructu.

Sequitur 2do. Si quis sit usufructuarius vineæ aut sylvæ, locò arborum aut vitium demortuorum tenetur alias plantare, nisi tempestate, aut simili casu evenisse sint. l. 18. ff. De usufructu. & Leg. 59. cod. tit.

Sequitur 3tio. Si usufructuarius sit ædium, tenetur modicas expensas conferre de suo ad earum reparationem, ut integræ permaneant; secus si vetustate corruerint. Ei quoque incumbunt alia onera, vel tributa solvenda, quæ rei sunt imposita. Tenetur etiam ad rationabilem rei usum, & se gerere debet tanquam bonus paterfamilias, qui rem sibi & suis in postea-

posterum conservare cupit. *Inst. de rer. divif. §. 38.*

- 176 Ufusfructus dupliciter acquiritur imo. per dispositionem legis, & tunc dicitur legalis; & hoc modò pater habet usumfructum bonorum adventitiorum filii. 2do. Hominum voluntate, puta testamentò, venditione, stipulatione; hic dicitur *conventionalis*.

- 177 Finitur autem Ufusfructus imo. per mortem Uusufructuarii. 2do. Si res in qua ususfructus constitutus est, pereat, ut si domus incendiò consumatur; nec reviviscit, et si aedes denuò reficiantur. 3tio. Si usufructuarius tanto tempore jure suo non utatur, quantò opus est, ut dominus directus contra eum præscribat; id est trienniò, si agatur de mobilibus; si verò de immobilibus, decenniò inter præfentes, & vicenniò inter absentes 4to. Si usufructus ab usufructuario domino proprietatis cedatur. 5to. Si ad certum tempus vel ex Lege, vel ex conventionem constitutus sit, exactò eo tempore finitur: quod si relinquatur Ecclesiæ vel Civitati, absque ulla temporis determinatione, finitur post 100. annos, quia *is finis vita longævi hominis est*. Leg. 56. ff. de usufr. 6to. Per capitis diminutionem *maximam*, qua scilicet quis libertatem, civitatem & familiam amittit, ut ei evenit, qui ad operas, ad carcerem perpetuum, ad triremes (b), & ad mortem, cujus sententiæ executio differtur, damnatus est; & *mediam*, quæ civitatis & familiæ, non verò libertatis amissionem involvit, ut cum quis in exilium relegatur. Non verò *minimam*, quæ solam familiæ mutationem importat, ut si quis, relicta suâ, in aliam familiam per arrogationem migret. Per maximam & mediam igitur capitis minutionem cessat ususfructus, quia sic diminuti cives esse desinunt, & pro mortui habentur. Ergo exstinguitur ususfructus tum morte naturali, quæ omnia jura solvit, tum morte

civili; civiliter autem moriuntur, imo. Qui peremptoriò & ultimò judiciò ad mortem damnati sunt. 2do. Qui carcere pertuo, triremibus, exiliove ultra annos 9. duraturis mulctantur. &c. prout dictum.

Ufus definitur Jus utendi tantum rei 178 aliena ad suum, non verò ad alienum usum.

Dicitur *utendi tantum*, ut intelligatur, multò minùs juris competere usufruario, quàm fructuario; nam ut habetur *Inst. de usu & habitatione*, qui fundi nudum usum habet, nihil amplius habere intelligitur, quàm ut oleribus, pomis, floribus, fœnò, & lignis ad usum quotidianum utatur. Tandem qui usum ædium habet, ipse solus eas habitare potest, vix illi licet hospitem suscipere. Similiter qui solum usum pecorum haberet, lis quidem uti posset ad stercoreandum agrum suum; sed non posset uti agnis, lacte, lana, &c. quia ista sunt in fructu.

Ufus ab aliquibus duplex statuitur, 179 alius irrevocabiliter concessus, quomodò in mutuo conceditur usus pecuniæ, panis, & vini. Alius revocabiliter concessus, qualis est usus ciborum, & vestium, quæ Monasterii superior concedit Religioso subdito: ita enim horum usum concedit, ut ad libitum revocare possit.

Huc pertinet celebris quæstio illa, 180 quæ olim magno animorum æstu agitata fuit, an videlicet in rebus, quæ unico usu consumuntur, possit usus à Dominio distingui. Id contendunt Religiosi Fratres Minores dicti, atque profitentur se abjicere rerum omnium dominium etiam in communi, nudumque earum usum habere: ita ut panis, quem comedunt, vestes quibus vestiuntur, vel ad dantes, vel ad Romanos Pontifices pertinent, ex quo tum licentia bibunt & manducant.

Id fictitium aliqui existimant, quin & Joannes Papa XXII. in Extravagante *Ad conditorem* proficitur se abdicare à se & à Sede Apostolica omne dominium harum rerum,

(b) Qui ultra 9. annos duraturi sunt.

rerum, ne Fratres Minores prætendant illud esse apud Sedem Apostolicam. Et certe qui hujusmodi res unico usu consumptibiles eisdem Fratribus Minoribus dant, eas utique eisdem irrevocabiliter concedunt.

Quamvis igitur Joannes XXII. in citata Extravagante negaverit ejusmodi usum separari posse à dominio; tamen contrarium asseruit Nicolaus Papa III. cap. *Exiit, qui seminat, de Verb. significatione*. Ubi omnem proprietatem tam in speciali, quàm in communi à Fratribus Minoribus abdicari decrevit.

Hæcque sententia variis exemplis suaderi potest: 1mo. Religiosus peccaret contra votum paupertatis, si panem in usum sibi à Superiore concessum, vel alteri daret, vel Superiori repenti reddere nollet. Ergo cum de pane hoc non possit ad libitum disponere, sequitur ipsum ejus non habere proprietatem. 2do. Conviva habet usum ciborum sibi appositorum; nec tamen potest dici eorum habere dominium, utpotè qui aliis eos dare aut vendere non permittatur; imò ab illis sumendis semper prohiberi potest ab eo, qui illum invitavit, isque cibos jam mensæ impositos remove, aut pauperibus largiri potest. Ergo conviva usum habet sine dominio. 3tio. Apud Fideles primitivæ Ecclesiæ omnia erant communia. Ergo nihil habebant proprii, adeoque usum eorum, quibus vellebantur, habebant, non autem dominium. 4to. Denique suadet hæc opinio ex eo, quod dominium rei non habeat, nisi qui illud acceptare voluerit. Atqui possunt Fratres Minores nolle acceptare dominium rerum, quæ ipsis dantur, sed usum duntaxat pro dantis, aut alteris nutu revocabilem. Ergo.

Atque hanc Fratrum Minorum sententiam approbavit & confirmavit præter Nicolaum III. suprâ citatum tumini Pontifices Clemens V. & alii complures.

P. Cartier Theod. Tom. III.

§. II.

De Habitatione & Emphyteusi. 181

Habitatio definiri solet, *Jus habitandi in alienis domibus salvâ earum substantiâ.*

Habitatio domûs in Jure Civili distinguitur ab usu domûs: qui enim solum usum haberet domûs, eam per se habitare teneretur; qui verò Jus habitationis habet non solum in ea domo per se degere, sed etiam aliis locare potest, ex Inst. ubi sup. n. 5. Hinc patet habitationem proximè accedere ad usumfructum. Porro Jus habitationis totâ Legatarii vitâ perdurat, nisi aliter conventum fuerit.

Emphyteusis est *Contractus quo res aliis qua immobilis possidenda & fruenda sub certa & annua pensione traditur.* L. 1. ff. Si ager velig. Porro Emphyteusis vox græca latine idem significat ac *intro*, vel *confero*; quia hic contractus inventus est, ut agri steriles & inculti meliorerentur, quod fit ferendo, plantando, &c. Usus tamen obtinuit, ut etiam sæcundæ terræ in emphyteusim dentur.

Qui rem ipsam accipit, dicitur, Emphyteuta; quod traditur, res Emphyteutica; pensio quæ solvitur, canon; nec debet tanta esse, quanta perciperetur ex annuo censu; nec tam solvitur ob emolumenta, quæ à re emphyteutica percipiuntur, quàm in agnitionem directi, quod pene alium manet, domini: quapropter Emphyteuta pensionis hujus remissionem petere nequit, nisi re tota pereunte, vel ab hostibus capta, ex Glossa in cap. finale de locatione.

Emphyteusis ab Usufructu differt tripliciter, 1mo. Quia Emphyteuta potest transferre jus suum in alium, non Usufructuarius. 2do. Usufructus est in rebus mobilibus, non Emphyteusis. 3tio. Ob Emphyteusim debetur pensio, non ob Usufructum. Adde, quod Usufructus morte fructuarii finiatur, non semper

T t t

Emphy-

Emphyteuſis ; poteſt enim dari in perpetuum, vel ad plures generationes.

- 184 **Emphyteuta poteſt expelli**, ſi pro Eccleſiaſtica Emphyteuſi per biennium, pro ſeculari per totum triennium penſionem non ſolverit, L. 2. Cod. *De jure Emphyt. &c.* Sed expulſio hæc per Judicem, partibus vocatis, decerni debet. Expulſus autem Emphyteuta impenſas, quas in meliorando fundo fecit, repetere non poteſt : debet tamen Judex, habita meliorationum ratione, congruam dilationem Emphyteutæ concedere, ut vel ſolvere, vel Emphyteuſim ſuam alii vendere poſſit, quod ſine conſenſu Domini facere poteſt, L. 3. Cod. *De Jure Emphyt.*

§. III.

185 *De Feudo, Libello, & Superficie.*

Feudi nomen à *foedere*, vel à *fide* ſeu fidelitate, quam Vaſallus domino præſtare debet, derivatum videtur ; eſt enim quoddam genus clientelæ propter dignitatem, vectigal, vel prædium datum, ea lege, ut qui accipit, & ejus poſteri, beneficii auctorem perpetuo noſcant.

Definitur, *Contractus, quo rei immobiliſ dominium utile alicui ſub fidei, & obſequii conditione traditur à domino rei ejusdem proprietatem retinente.* Qui dat dicitur Infeudator : qui accipit Vaſallus ſeu Feudatarius : quod datur res feudalſ, aut etiam Feudum, ſive ſit prædium, ſive officium, aut quid aliud immobile, vel quod pro immobili habetur.

Multa olim erant Emphyteuſim inter & Feudum discrimina, quæ nunc non ſubſiſtunt, ex quo Feudum non ad majores ſolum ſed & ad ſcæminas devolvitur, & onera tam perſonalia quàm realia ſuſcipit.

- 186 *Libellus eſt contractus*, quo Emphyteuta, aut Vaſallus rem ſuam emphy-

teuticam aut feudalem ab aliquo acceptam cedit tertio in emphyteuſim aut feudum ; adeò ut ſit velut ſubfeudum, & ſubemphyteuſis. Qui rem ejusmodi accipit, dicitur libellarius.

Superficies eſt jus, quo quis ſuperficiem alieni ſoli poſſidet, & in eo ædificare poteſt. Qui eo jure gaudet dicitur ſuperficiarius : proprietas autem domus ſuperficiariæ pertinet ad dominum ſoli : ædificium enim cedit ſolo, in quo conſtruitur. Superficiarius tamen dominium utile habet ; unde uſufructuarius latius ſumptus dici poteſt.

§. IV.

De Servitute.

188

Servitus definitur *Jus, quod quis habet in re aliena, ut ſibi ſerviat* : dicitur *in re aliena*, quia res domino proprietatis propriè non ſervit, ſed prodeſt.

Duplex eſt, alia *realis*, *perſonalis* alia. Prior eſt ea, quæ à re debetur immediate alteri, ſeu per quam res rei ſervit ; ſic dominus domui ſervit, cujus ſtillantes aquas excipit, ſic ager tuus meo ſervit, quatenus ager meus dat mihi jus, ut poſſim per tuum tranſire. *Perſonalis* eſt ea, qua res perſonæ obligatur, vel perſona rei ; ut ſi jus habeam non propter agrum, ſed aliundè hac tranſeundi ; perſona verò rei ; ut ſi Titius agrum meum excolere debeat. Uſufructus, Uſus & Habitatio ſunt propriè ſervitutes perſonales.

Servitus Realis dividitur in *urbanam* & *ruſticam*. Urbana eſt, quæ urbano prædio debetur ; ruſtica quæ ruſtico. Prædium autem urbanum dicitur vel habitaculum, etiamſi villa ſit, vel hortus amœnitatis cauſâ ei annexus. Ruſticum verò ſunt agri, prata, pecorum ſtabula à domibus ſejuncta.

Servitutes urbanæ ſunt v. g. ut ædes non poſſint altius attolli, ne officiant vicini.

cini luminibus : fenestram in muro aperire non liceat. Hujusmodi servitutes dicuntur negativæ. Affirmativæ verò sunt , ut ædium mearum stillicidium in ædes , vel aream tuam recipiatur , ut lignum in tuam parietem mittatur , & ex domo mea in domum tuam transitus pateat.

190 Servitus rustica vel est nominata , vel innominata : Nominatæ species sunt ; iter , actus , via , aquæ ductus. Iter est jus eundi , ambulandi , non tamen agendi jumentum aut vehiculum per alterius fundum : Via est jus eundi , ambulandi , & agendi jumentum aut vehiculum &c. Atque ductus est jus aquæ ducendæ per alienum fundum. Ad innominatam pertinent aquæ haultus , pecoris ad alterius locum adpulsus , jus pascendi , calcis coquendæ , arenæ fodiendæ , &c. ex vicini prædio.

191 Servitus acquiritur seu constituitur , aut voluntate præsentium , aut emptione , aut donatione , aut testamento , aut contractu , ex §. ult. Inst. de servit. prædior.

Finitur autem 1mo. contrariis pactis , aut ipsa redditione servitutis : 2do. Exacto tempore , ad quod fuit concessa : 3tio. Præscriptione : 4to. Reductione prædiorum ad ejus dominium , cui serviebant , ex Leg. 1. §. *Quemadmodum servitutes amittantur.* 5to. Alluvione , quamvis servitus in pristinum statum restituitur cessante alluvione.

De pignore & hypotheca dicemus cap. seq. de Contractibus. Sit igitur

192

CAPUT III.

De Contractibus.

Contractus præcipui actus esse dignoscuntur , per quos Justitia exercetur ; quorum materia etsi quidem ex se ipsa ad juris peritos pertineat , ejus tamen noti-

tiam omnibus Theologis , præsertim verò Confessariis summopere necessariam esse , nemo est , qui , in animarum regimine tantisper versatus , ambigere possit : cum hac nostra ætate , si unquam , fraus , dolus , & avaritia adeo subtiliter se involvant , ut in errorem etiam ii aliquando inducantur , quibus nec scientia deest , nec ingens detegendæ veritatis cupido. Ergo de Contractibus præsentī capite agemus , quod propter materiæ amplitudinem in binas Sectiones dividemus , in quarum prima de Contractibus in genere ; in secunda verò de variis eorundem speciebus differemus. Sit igitur

SECTIO I.

De Contractibus in genere. 193

Ut omnia quæ ad Contractus generationem sumpti naturam pertinent complectamur , exponendum nobis est , 1mo. Quid & quotuplex sit Contractus. 2do. Quinam contrahere possint. 3tio. Quis consensus ad contrahendum requiratur ; an consensui huic noceant dolus , error , aut metus. 4to. Quam & quando obligationem pariat Contractus. * Sit

§. I.

De natura & divisione Contractus.

Contractus sic dictus est , juxta Scotum , quia duorum vel plurium voluntates in unum trahit.

Dupliciter sumitur latè videlicet , & strictè. Priori modò sumptus idem est ac pactum quod Leg. 1. ff. de pact. definitur. Duorum , pluriumve in idem placitum consensus , sãtem in alterutro obligationem pariens , ut subintelligant omnes Juristæ & Theologi. Strictè sumptus est Actus externus inter duos aut plures , ex mutuo eorum consensu ultro citroque obligationem pariens.

T t t 2

Dici-

Dicitur 1mo. *Actus externus*; actus enim merè internus, etsi respectu Dei cordium inspectoris sufficere possit, respectu hominis tamen non sufficit, quia ut talis nec cognosci, nec acceptari potest. Dicitur 2do. *Inter duos aut plures*; quia idem homo secum contrahere nequit. 3tio. *Obligatioem pariens*; obligatio enim est onus, quod mutuò sibi imponunt contrahentes, ut v. g. unus laboret, alter laboris stipendium solvat. 4to. *Utro citroque* seu ex utraque parte; & sic Contractus strictè sumptus distinguitur à Contractu latè sumpto seu pacto, quòd hoc præcündat à mutua obligatione, ut patet ex ejus suprà data definitione, ille. verò semper mutuam indicet.

194. Contractus dividitur 1mo. In *formalem* seu expressum, & *virtualem* seu implicitum. Contractus *formalis* seu expressus est ille, quo duo vel plures expressè conveniunt de eadem re cum obligatione mutua; vel saltem unius erga alterum, si nempe Contractus latè sumatur. Contractus verò *virtualis* est, quando tacitè & implicitè de aliquo convenitur: sic Judex, Medicus, Tutor, cum hæc officia suscipiunt, eo ipso se virtualiter & implicitè obligant ad præstandam operam omnem, quam adhibere solent ejusdem conditionis homines erga eos, in quorum gratiam hæc munera exercent; & il vicissim, si non expressè, saltem implicitè spondere censentur, se id retributuros, quod vi legis, aut consuetudinis sancitum est. Hæc tacitæ Conventiones vocantur *Quasi-contractus*, & vim habent ex iustitia obligandi, sicut & ipsi contractus expressi.

Dividitur 2do. in *nominatum*, qui nomen proprium habet, ut emptio, locatio, mutuum, &c. Et *innominatum*, qui proprium nomen non habet, sed genericum duntaxat contractus aut pacti. Hujus sunt quatuor species, scilicet, *do ut des, do ut facias, facio ut des, facio ut facias*, Leg. 5. ff. de præscrip. verb.

Dividitur 3tio. In *gratuitum*, & *onerofum*. Prior qui & lucrativus dicitur, est in quo aliquid accipitur & nihil reponditur, ut donatio, promissio liberalis, commodatum, &c. Atque hic contractus est latè sumptus, obligationem utrumque non pariens. *Onerofus* est ille, in quo utrimque aliquid datur & accipitur, ut emptio, locatio, &c.

4to. In Contractum *bonæ fidei*, & *stricti juris*. Contractus bonæ fidei sunt ii, in quibus servari debet non solum id, de quo conventum est, sed etiam id, quod æquum & bonum Judici videtur, quamvis non sit expressum in contractu; quia censetur tamen secundum bonam fidem eidem inesse: tales sunt emptio, locatio, conductio, negotiorum gestio, mandatum, depositum, commodatum, societas, pignus, permutatio, &c. Contractus stricti juris sunt, qui strictam verborum interpretationem postulant, ita ut obligatio secundum verba, & non amplius extendatur: tales sunt Emphyteusis, Censùs, Donatio, Mutuum, Supulatio, &c. Vota Deo facta sunt veluti contractus stricti juris, qui ultra voventis verba & intentionem non extenduntur. Hæc distinctio parum refert ad forum conscientie: & verò omnes penè actiones, non tam attentè verborum rigore, quam ex æquo & bono dijudicari debent.

5to. Dividitur in *nudum*, & *vestitum*. *Nudus* est mera conventio carens firmamento, quo pariat actionem in foro externo: talis est omnis contractus innominatus, antequam sit ex altera parte impletus, nisi accedat formula stipulationis, vel juramentum. *Vestitus* est conventio innixa aliquo firmamento, vi cuius pariat actionem civilem, qualia sunt Scriptura, testes, juramentum.

6to. In eos, qui re seu traditione rei perficiuntur, ut mutuum, commodatum, precarium, depositum, pignus: Et in eos, qui solo consensu perficiuntur,

cur, cujusmodi sunt emptio, venditio, locatio, conductio, societas, mandatum, emphyteusis, &c.

7mo. Demum in *purum*, cui nullam adjicitur accedens, nulla conditio; & *non purum*, cui additur aliquod accedens; & hic est quintuplex: 1mus. dicitur *ad diem*, cui prægitur dies: ut si dicas, promitto tibi centum nummos, sed non solvendo ante diem Paschæ. 2dus. dicitur *ad conditionem*: ut promitto tibi centum nummos, si artium lauream obtinueris. 3tius. *ad modum*, cum additur modus, sub quo contractus obliget: ut promitto tibi hanc summam, ut expensas studiorum sustinere possis. 4tus. *ad causam*, cum sit ob aliquam causam: ut do tibi pecuniam, quia pauper es. 5tus. *Ad demonstrationem*, cum apponitur aliquod signum ad rem vel personam ostendendam: ut do tibi centum nummos in tali arca reconditos, vel quos mihi debet Joannes.

§. II.

195 De causa efficiente contractus seu quinam contrahere possint.

Omnes consentiunt, quod omnes & soli rationis usu præditi, qui liberam habent bonorum administrationem, seu legitimam facultatem disponendi de illis, validè contrahere possint. Ratio est aperta: nam contractus est actus humanus, qui solum humanò modò, id est, cum advertentia & libertate fieri debet, adeoque requirit rationis usum; est etiam actus, quo de re aliqua disponitur, undè requirit quoque in contrahente liberam disponendi facultatem. Atqui positò liberò rationis usu, & jure disponendi non

ligato, nihil ultra potest requiri ad facultatem contrahendi. Ergo.

Verùm, ut mox dictum, in hoc omnes conveniunt, undè potius hic ex hoc communi Doctorum asserto deducendum venit, quinam ergo ad validè contrahendum sint inhabiles. Ac quidem

1mo. Inde in patulo est, quòd infan-¹⁹⁶tes, qui videlicet septimum ætatis annum nondum compleverunt, amentes, furiosi, ebrii, prodigi curatorem habentes, validè contrahere haud possint; quia illis defunt vel ex parte vel ex toto conditiones ad validè contrahendum requisitæ, quas mox memoravimus.

2do. Nec uxor potest contrahere, nec disponere de bonis familiæ, & dote ejusque fructibus, marito præsentè, & valente bona illa administrare, rationabiliter invito. Ratio est, quia quamvis totius dotis, & dimidiæ partis bonorum communium proprietates pertineat ad uxorem, tota tamen administratio bonorum familiæ & dotis pertinet ad virum, utpote caput familiæ. Potest tamen ipsa disponere de aliis bonis, quæ præter dotem attulit, & sibi reservavit, cum horum habeat & proprietatem & administrationem.

Diximus, *Marito præsentè &c.* Nam si sit absens, amens vel fatuus, tunc uxor bona familiæ dispensare potest. Si item maritus expressè vel tacitè consentiat in impensas vel contractus uxoris; vel si sit rationabiliter invitatus, ut si recusaret ea, quæ sunt necessaria ad suam, & familiæ sustentationem congruentem, potest uxor in his casibus uti bonis familiæ, sed prudenter & moderatè.

Modò quædam deducenda veniunt de¹⁹⁷ filiis-familiis, & pupillis, &c. Quæ de re in memoriam revocanda veniunt, quæ alibi jam adnotavimus (c); scilicet quòd

T t t 3

ii

(c) Physicæ particularis part. 2. cap. 3. tit. De corporis humani augment. diminut. Temperam. & ætat. differentiis

ii *Infantes* dicantur, quibus annus septimus nondum completus est. *Impubes* verò si mares sint, ii, qui necdum habent completos quatuordecim annos, aut duodecim si sint feminae; quæ cur citius puberes sint, hæc ratio ab aliquibus redditur, quòd mala herba crescat citius. *Proximi pubertati* ii dicantur, qui propinquiore sunt termino, in quo incipit pubertas, quàm in quo desinit infantia: unde filii, qui habent decem ætatis annos cum dimidio, proximi pubertati vocantur; filia verò fati est, si novem annos cum dimidio assecuta sit. Post pubertatem adeptam filii-familias utriusque sexus dicantur *Minores*, donec pervenerint ad annum 25um, quo completo *Majores* vocantur. Filius annis 25. minor extra patriam potestatem constituitur per *litteras emancipationis*, quæ ab anno 14to. obtineri possunt; quamvis communiter non obtineantur nisi ab iis, qui annum ætatis 18. attigerunt. Pupillus est impubes, qui desit esse sub potestate patris, propter ejus mortem, vel emancipationem. Jure Romano pupillis & impuberibus dantur *Tutores*, à tuendo vel tutando dicti; minoribus verò *Curatores*; prout alibi jam adnotavimus. Denique Paterna potestas est jus, secundum quod legitimi, filii ac filia, aliique descendentes per lineam masculinam, quoad certos effectus subjiunguntur patri & avo paterno. Quare si v.g. Petri filius legitimus, & non emancipatus filios & filias legitimè procreaverit; omnes erunt in potestate Petri. His ita præsuppositis

198. Dicimus 3tio. Filius-familias, qui pubes est, aut pubertati proximus, potest contrahere & se obligare tum naturaliter tum civiliter, modò contractus non sit in præjudicium patris, vel alterius, ex Lege *Filius-familias. ff. De actionibus & obligationibus*. Idem dicendum de minore & pupillo pubertati proximo. Quod si tamen læsus fuerit, uti poterit beneficio restitutionis in integrum.

4to. Filius-familias impubes, nec pu-299 bertati proximus, non obligatur ex contractu etiam circa bona castrensia, etsi accedat patris consensus. Ex Inst. *de inutilibus stipulat. §. Sed quòd* 10. Obligaretur tamen pupillus, si cum tutoris consensu contraxisset, quia recursum habet in tutorem, si malè auctoritatem & consensum præstet; at verò filius-familias patrem non habet sibi obligatum.

5to. Quamvis, ut suprà jam diximus, 200 Infantes validè contrahere non possint, quia vel rationis usum non habent, vel comparantur rationem non habentibus; tamen ex primùm cit. *§. sed quòd ff. de inutilibus stipul.* Pupilli infantes vel infantia proximi saltem in suum commodum contrahere possunt, sicut & pupilli pubertati proximi.

6to. Minores & pupilli pubertati pro-301 ximi sine auctoritate tutoris validè contrahunt cum Majore in suum commodum, non autem in suum incommodum, ex loc. cit. *§. Pupillus*. Quod jura statuerunt in utilitatem & favorem ætatis illius, ut scilicet Minoribus ætas in damnis subveniret, & in prosperè gestis non obesset. Hinc si pupillus sine auctoritate tutoris, aut Minor sine auctoritate curatoris, aliquid emerit, non potest venditor pupillum aut Minorem compellere ad dandum pretium: si tamen velie pupillum stare contractui, cogere potest venditorem actione civili ad tradendam mercem pro pretio constituto. Sed si venditor pupillo mercem tradidit non acceptò pretiò, potest repetere mercem suam, & pupillus seu minor tenetur in conscientia eam restituere; nam *nemo licitè locupletari potest cum alterius injuria vel jactura*, ex reg. jur. 48. in 6. quòd si dolo vel culpa pupilli aut Minores res tradita perierit, eamolvere cogitur, L. 1. ff. *de pos.* Si verò merx illa vel amissa, vel absque dolo consumpta fuerit, non plus in

in foro civili solvere compellitur pupillus aut minor, quam ditor factus est.

102 7mo. Res immobiles, aut etiam mobiles, quæ servando servari possunt, ut aurum, argentum, gemmæ, vestes, cæteraque mobilia pretiosa, à pupillis & minoribus, etiam cum tutoris auctoritate, alienari non possunt, nisi accedat iudicis licentia, & probatio causæ exigentis, ut hæc alienatio fiat, v. g. causa æris alieni solvendi, aut alimentorum necessarii comparandorum, &c. ex. L. 22. Cod. de administ. tutor. & curat. Secus de mobilibus, quæ servando servari non possunt, id est, per triennium sana & salva custodiri non possunt juxta Gloss. in Leg. unic. Cod. Si adversus usucapionem. Qualia sunt vinum, vestes usu detritæ, &c. quæ validè cum auctoritate tutoris, & non aliter, alienari possunt, ex Leg. Qua, Cod. de administ. tutor.

103 8vo. Pupillus vel minor pecuniam, quam sine consensu tutoris vel curatoris mutuam accepit, tenetur solvere, si eam in usus necessarios vel utiles impenderit, ex L. 5. ff. de Auctor. & consensu tutor. ibi: naturaliter obligabitur, in quantum locupletior factus est. Ex pecunia autem in tales usus consumpta factus est ditor, nam tantumdem rebus suis pepercit. Et verò, ut jam dictum est, iniquum est quemquam locupletari cum damno alterius, maxime bona fide mutuo dantis. At non tenetur, si eam in usus inutiles consumperit; quia Leges nolunt cum ullo modo obligari, ne ejus bona inutiliter consumantur, ex Leg. cit. & Leg. 53. ff. de oblig. & act. ibi: Pupillus mutuam pecuniam accipiendo, nequidem jure naturali obligatur. Excipe, nisi mutuans bona fide putaverit, pupillum eam pecuniam impendere vel le in suam utilitatem; nam tunc naturalis æquitas solutionem exigit: nec lex intendit privare debito alterum bona fide procedentem, & gratificari volentem.

Similiter Pupillus aut minor non tenetur solvere id, quod ludò, qui species est contractus, perdidit.

§. III.

De causa formali contractus, seu consensu.

Superfluum videtur quidquam de causa materiali, seu idonea materia contractus loqui; certum quippe est, omnia bona, quorum quis dominium habet & administrationem, quæque sub commercium cadunt, esse materiam contractuum; quia bona illa possunt transferri in dominium & administrationem, vel usum alterius. Superest ergo, ut de causa formali contractuum dicamus. Porro causa formalis, seu forma contractus consistit in consensu, & in verbis consensum exprimentibus. Videndum igitur 1mo. Quis & qualis consensus ad contrahendum requiratur. 2do. An consensus ille cum errore, dolo & metu conciliari possit.

Quantum ad 1mum. Ex communi, consensus debet esse 1mo. verus seu internus, ac mutuus, ut paret ex contractus definitione, ad quem requiritur duarum vel plurium voluntatum conventio. Atqui ubi deest consensus internus, ibi nulla esse potest voluntatum conventio: conventio enim voluntatis, ejusdem actum & assensum importat; cum autem voluntas negativè se habet, non consentit; à fortiori non consentit, cum positivè renititur. Ergo. Et certè consensus fictus non est magis consensus, quam homo pictus re ipsa sit homo, &c. 2do. Debet aliquo signo externo, id est, vel nutu, prout muti & surdi contrahunt, vel verbis, vel scripturâ exprimi; alioqui consensus unius non potest cognosci ab alio, nec proinde acceptari, &

& vicissim; sicque non possent convenire in idem, &c. 3tio. Debet esse liber, & plene deliberatus: nam sine plena deliberatione seu advertentia nemo censetur velle sulcipere in se obligationem ex genere suo gravem. Deinde quilibet contractus etiam latè sumptus debet esse actus simpliciter humanus. Qui ergo contrahit fidei, hoc est sine animo verè contrahendi, vel se obligandi, 1mo. peccat contra justitiam, & quidem, in re gravi, mortaliter, & reus est mendacii perniciosi: nam in quolibet contractu utrimque obligatorio lex justitiæ præscribit, ut uterque verè contrahat, & ne alter alterum decipiat. 2do. Quamvis non obligetur directè & immediatè vi contractus fidei, qui nullus est; tamen tenetur in conscientia, ratione injuriæ alteri factæ, impedire damnum, quod inde alteri posset oriri, & illatum refarcire, quia posuit ejus causam per injustam deceptionem. Imò tenetur tollere deceptionem ipsam, & verè contrahere, contractumque ut verum implere; nam ex justitia tenebatur verè contrahere, & sic injuriam fecit fidei contrahendo; nisi tamen excusaret alia justa causa, quo casu, semper damnum ex deceptione ortum refarciri debet.

206 Quantum ad 2dum. Not. (d) 1mo. quòd Error sit judicium falsum, seu estimatio falsi. *Errare*, inquit S. Augustinus relatus c. In quibus, causa 22. quæst. 2. est unum pro alio putare. Dolus malus est omnis calliditas, fallacia, machinatio ad circumveniendum, fallendum, decipiendum alterum adhibita. L. 1. ff. de dolo malo. lib. 4. tit. 3. Metus verò secundum Ulpianum est futuri & instantis periculi causa mentis trepidatio, seu inquietudo ac perturbatio.

2do Error vel dolus potest esse 1mo. Circa substantiam rei, de qua contrahitur, ut si emas vitrum pro gemina, vel

circa naturam contractus, ut si consendas in contractum, quem putas esse commodationem, cum sit locatio; vel circa motivum substantiale seu principale contractus, ut si Titio promittas mille aureos, quia putas esse consanguineum tuum cum non sit. 2do. Circa accidentem, seu accidentalem rei qualitatem, vel principalis motivi contractus. Porro in multis contractibus ratio personæ se habet tantum accidentaliter, ut in venditione, &c. In quibusdam verò habet se ut motivum substantiale, ut in donatione, & promissione liberali; vel ut substantia objecti, ut in matrimonio.

Not. 3tio. Illud censetur pertinere ad 27 substantiam rei in contractibus, ad quod ex communi hominum usu, vel dispositione legis præsumitur saltem implicite & virtualiter restricta contrahentium intentio, ita ut illo sublato tollatur intentio contrahendi.

4to. Duplex est motivum contractus, 208 unum intrinsecum ac substantiale, quod est id, in quod voluntas primariò fertur, dum contrahit, ut in matrimonio acquisitio domini in corpus conjugis, vel emptione acquisitio rei venditæ, &c. Et aliud extrinsecum contractui, estque causa tantum impulsiva ad contrahendum, ut nobilitas, divitiæ in matrimonio, &c.

5to. Not. Error vel dolus potest esse antecedens vel concomitans. Antecedens est, qui dat causam contractui, ita ut sine illo non fuisset initus Concomitans seu incidens est ille, qui non dat causam contractui, sed solum alicui conditioni ejus, aut circumstantiæ, in quantum scilicet sine illo contractus fuisset initus, sed alia conditione, v. g. viliori pretiò res fuisset emptæ, si aliquis defectus innotuisset.

Not. 6. Ex dictis tract. de act. hum. cap. 1. §. 2. Metus alius est gravis, alius levis. Metus gravis iterum est duplex, alius absolute gravis, alius respectivè. Metus

(d) Vid. c. 1. §. 2. Traçt. de Act. hum. ubi de ignorantia, metu, &c. voluntarium immutentibus.

Metus gravis absolute, qui ideo dicitur cadens in virum constantem, est mali alicujus in se gravis & instantis vehemens opinio: talis est metus diuturni carceris, exilii, jacturæ bonorum omnium, mutilationis, ac præsertim vicinæ mortis; nam mors distans non ferit, quippe omnes intelligunt se aliquando morituros, nec tamen inde cruciantur. Metus gravis respectivè est timor mali alicujus, quod etiam virum constantem nob commoveat, meritò tamen formidandum videtur certis quibusdam personis, quales sunt scemine, senes, pueri, aut homines à natura meticulosi. Metus verò levis est ille, quo timetur malum leve, vel grave quidem, sed non verisimiliter impendens. Ad metum gravem refertur metus reverentialis, seu timor habendi parentem aut Superiorem diu ac graviter inensos, quod præcipue locum habere intelligitur, cum præcedunt graves minæ, aut verbera.

211 Not. 7mo. Metum oriri posse vel ab intrinseco, ut ab infirmitate; vel ab extrinseco: extrinsecum verò illud vel est necessarium & naturale, ut naufragium, incendium; vel liberum, ut homo; homo autem vel justè metum incutit, ut Judeus, qui stupratori exilium minatur, nisi ei, quam corrupt, certam pecuniæ summam erogat; vel injustè, ut dum sicarius gladium intentat, nisi burfam porrigas.

212 Not. 8vo. Metus ab extrinseco vel incutitur ad obtinendum contractum, vel alia de causâ, & in alios fines. His prænotatis

Dicimus 1mo. Error vel dolus circa substantiam rei, vel naturam contractus, vel motivum intrinsecum ac substantiale irritum facit contractum. Ratio est, quia deest consensus in aliquid substantiale, quod ignoratur: voluntas enim

non fertur in incognitum, ex leg. 11. & 41. ff. de contrab. emp. & leg. 9. Cod. de jur. & facti ignor. ibi cum nullus sit errantibus consensus. Atqui sine consensu circa omnia substantialia contractus, nullus est contractus, utpotè à libera voluntate pendens, ut constat ex ejus definitione. Ergo &c.

Nihil autem refert siue error antecedens, quo scilicet sublato contractus non iniretur; vel concomitans, quo nempe etiam sublato, contractus adhuc fieret; quia illo posito non adest consensus substantialis, ob defectum cognitionis, cum non consentiant, qui errant: quid enim tam contrarium consensui, quam error? Leg. 15. ff. de jurisdict. Atqui nihil subsistit sine eo, quod est de illius substantia.

Ex his colligitur 1mo. Quod si puta-²¹³ rem tibi vendere agrum, & tu putares eum tibi donari, nulla est venditio, nã erratur in specie contractus. 2do. Venditio vasis ærei pro aureo nulla est. 3tio. Nullum est matrimonium cum Berta, quæ putatur esse Titia. 4to. Si emas oleum volens emere vinum, non valet contractus, etiamsi ita affectus sis, ut oleum etiam & fortè libentius emisisses quàm vinum; quia nullus fuit consensus circa oleum, sed circa vinum. Similiter si occidisti Petrum Clericum, quem ex errore invincibili putabas esse Paulum Laicum, excommunicationem non incurrisi, licet Petrum libentius occidisses, utpotè tibi inimiciorum.

Dicimus 2do. Dolus vel error circa²¹⁴ accidens seu qualitatem rei accidentalem, nec dans causam contractui non irritat contractum.

Ratio est, quia talis error aut dolus non tollit consensum verum & sufficientem; tùm quia necesse non est, ut,

Uuu qui

qui contrahit, omnes rei qualitates noscat, alioqui vix ulli forent validi contractus; tunc quia in tali contractu deceptus, non habet animum huic contractui expresse vel tacite repugnantem, vult enim actu contrahere, & id adhuc vellet, licet minori pretio, si rei qualitatem, quam nescit, perfectam haberet.

215 Ex his colligitur 1mo. Quod si rem pluris emeris, quam valeat, validus sit contractus; venditor tamentibi restituere tenetur excessum pretii non solum supra summum, sed etiam supra illud iustum, quo, sublato dolo, res vendita fuisset: quia excessus dolo fuit extortus, ideoque quoad illum facta est injuria.

2do. Quod contractus talis irritari a decepto non possit; quia dolus seu injuria non fuit causa contractus; & per restitutionem excessus pretii tollitur injuria, & deceptus constituitur in eo statu, in quo fuisset dolo sublato.

3tio. Imò etiamsi error vel dolus circa accidentalia, vel causas, quæ alliciunt, aut avocant à contractu, det causam contractui, non tamen invalidat contractum, ex leg. 5. Cod. de inutili stipul. & Leg. 5. Cod. de re vind. vendit. Quia cum error vel deceptio non sit circa substantialia, non impedit consensum substantialem, & sic pertinetur essentialiter contractus; accidentia enim & extrinseca non tollunt substantiam rei. Id quæ patet in contractu matrimonii, quod juxta omnes valet, etiamsi contrahatur cum paupere, eò quod putetur dives. Nec refert, quod si scivisses illam qualitatem, vel conditionem rei, non contraxisses; nam actus iste voluntatis, qui sub conditione talis cognitionis futurus fuisset, non est actus nec virtualiter, & sic nihil efficit, nec impedit consensum actualem absolutum & sufficientem:

aliàs omnes ferè contractus nulli essent. Error tamen circa qualitatem invalidat contractum, quando contrahens expresse vel implicite non vult contrahere, nisi Objectum sit tali qualitate affectum: nam tunc qualitas illa simul cum substantia rei ingreditur Objectum substantiale contractus: & non est voluntas contrahendi, nisi posita illa qualitate tanquam conditione.

Dicimus 3tio. Quoties error vel do-216 lus circa qualitatem dans causam contractui provenit à parte contrahente, contractus, etsi validus sit, ut dictum, potest tamen rescindi pro voluntate decepti, si solubilis sit: scilicet si talis error vel dolus aliunde & ipsa parte contrahente inficia proveniat.

Ratio 1mi est, quia decipiens injuriam facit, quam tollere tenetur, auferendo dolum, & restituendo deceptum in eum statum, in quo erat ante contractum, & sic reddendo omnia insecta, si deceptus velit. Deinde *fraus & dolus cuicumque patrocinari non debent. c. 5. de empt.* ac proinde deceptus habet jus dissolvendi contractum, & tollendi obligationem illam, si voluerit consensum revocare. Quare talis contractus obligat decipientem absolute & irrevocabiliter, cum sit validus, nec ipse jus habeat ipsum rescindendi; deceptum vero revocabiliter, & conditionate tantum, si nempe nolit contractum rescindere: quia si velit stare contractui, tenetur deceptor excessum pretii pro merce vitiosa accepti reddere. Diximus, *si solubilis sit*; nam iis, quæ constituunt statum ex natura sua firmum & irrevocabilem, qualia sunt matrimonium, & professio Religiosa, voluntas naturæ rei, de qua agitur, accommodat se & consentit absolute, irrevocabiliter, & independententer ab

ab aliis conditionibus, quæ non sunt de substantia talis contractus.

Ratio 2di. est, Quia pars contrahens non fecit ei injuriam, unde nec tenetur restituere alium in priorem statum, ac libertatem, sed solum reddere excessum pretii, ut reponatur æqualitas. Excipitur promissio gratuita, & liberalis donatio: nam possunt revocari pro arbitrio decepti, si error vel dolus circa notabilem quantitatem causam dederit, quamvis non proveniat à promissario, vel donatario. Quia in illis pactis unus solum se spontè & ex liberalitate obligat, ideoque pendet ab illius solius voluntate, ut pacto apponat conditionem, vel limitationem quam voluerit, qualis est hæc, ut nolit obligari saltem irrevocabiliter, si notabilis sit error, vel mutatio. Excipiuntur etiam Sponsalia, utpote in quibus major requiritur libertas, eò quòd ordinentur ad mutuum amorem, & ad contrahendum indissolubile matrimonii vinculum.

217. Dicimus 4to. Metus sive absolute, sive respectivè gravis etiam injustè incus-
sus ad extorquendum consensum non irritat contractum, adeoque contractus ex tali metu initus validus est saltem jure naturæ. (d)

Ratio est, quia metus etiam gravis, neque voluntarium neque liberum perimit, eo ipso, quòd non tollat usum rationis nec sufficientem deliberationem, prout in Tract. de Act. Hum. cit. c. 1. §. 2. & alibi offendimus.

Nec obstat, quòd contrahens nollet contrahere, si metus abesset, nam, ut supponitur, verè consentit; & conditio

nihil ponit in re, sed relinquit absolutam electionem ad vitandum majus malum. Et verò hæc duo diversa sunt, *vollo contrahere, & nollem contrahere, si metus abesset.*

Excipiuntur sequentes contractus, qui, si ex metu gravi & injusto fiant, ipso jure sunt irriti. 1mo. Matrimonium, cap. *Requisit. de sponsal.* quod communiter extenditur ad ipsa sponsalia. 2do. Professio religiosa, c. *Perlatum, de bis, quæ vi, &c.* 3tio. Contractus dotis promissæ, vel solutæ, Leg. *Si mulier*, 21 §. *Si dos. ff. de eo, quod metus causi.* 4to. Promissio vel traditio rerum ad Ecclesiam pertinentium, cap. *Peruenit*, 2. de *jurejurando.* 5to. Auctoritas seu consensus tutoris per metum extortus, leg. 1. §. ult. ff. *de auctor. tutor.* 6to. Jurisdic-tio metu extorta seu prorogata, leg. 2. ff. *de judiciis.* Quæ Glossa in cap. *Abbas, de iis quæ vi, &c.* sequentibus verbis exprellit:

Tutor, judicium, dos, sacrum, copula, votum.

Hæc ex vi facta, de jure scias fore nullas; Cætera jure patitur, sed postea restituentur.

Dicimus Jure saltem naturali, tanta enim est Legum Civilium hoc in puncto varietas, ut vix satis certò dignosci possit, an hujusmodi contractus Jure etiam positivo validi sint.

Porrò ex asserto nostro facillè colligitur, Metum gravem, sive ab intrinseco, ut est metus mortis ab infirmitate proveniens, sive ab extrinseco naturali, ut à tempestate & procella procedens timor est, sive ab extrinseco libero vel justè, ut cùm sub pœna excommunicationis, & illius metu, qui sponsalia contraxit, ad matrimonium

U u u 2

com-

(d) Vid. inf. p. 3. Encyclop. Exercit. 20. n. 64.

compellitur, vel injustè sed non ordinatò ad extorquendum consensum in contractum, sive ille fiat cum eo, qui metum iniecit, sive cum alio, incussum non invalidare contractum. Enimverò, si metus injustè ad extorquendum consensum, non invalidat contractum, eò minùs recensitæ metùs species cum invalidabunt.

- 218 Diximus 1^{to}. Contractus factus ex metu quocumque gravi injustè incusso ad extorquendum consensum, ad arbitrium illius, qui talem metum passus est, rescindi potest.

Habetur ex leg. 21. ff. *De eo, quod metùs causà*, ibi: *Si metu coactus adii hereditatem, puto me heredem effici: quia quamvis si liberum esset, noluissem, tamen coactus volui; sed per Prætorem restituendus sum, ut abstinendi mihi potestas tribuatur.* Et leg. ult. Cod. *De his quæ vi.* Ibi: *Venditiones, transactiones, donationes, quæ per potentiam extorta sunt, præcipimus infirmari.* Ratio est: quia æquum non est, ut qui injuriam fecit, ullum ex ea commodum reportet. Atqui qui gravem incutendo metum consensum ab alio ad contractum extorsit, fecit ei injuriam, quæ fuit causa contractùs aliqui non futuri. Ergo æquum non est, ut ullum ex ea commodum reportet. Ergo tenetur tollere ac rescire injuriam, & omnia incommoda inde manantia, & læsum in priorem statum libertatis restituere, omnique damna compensare etiam ante omnem Judicis sententiam: ac proinde metum passus habet jus recuperandi suam priorem libertatem independenter à sententia Judicis. Imò tertius possessor tenetur reddere metum passo rem metu injusto extortam, si hic eam repetat, ex leg. 14. ff. *de eo quod metùs causà*, &c. Quia revocato consensu res illa pertinet

ad priorem possessorem, & non potuit ad alium transire nisi vitio metùs affecta, & cum obligatione revertendi ad suum priorem Dominum pro ejus arbitrio. Id etiam locum habere videtur, etiamsi metus non à contrahente, sed à tertio incuteretur. Quia consensus per injuriam extortus non transfert rem solidè & irrevocabiliter, sed eo modo, ut maneat jus in rem, & non solum in personam, quæ injuriam fecit: par enim non est, ut quis per injuriam alterius jus omne in rem suam amittat. Deinde ratione injuriæ res est in priorem statum restituenda; ergo obnoxia est restitutioni ubicumque fuerit. Cæterum constat contractum hujusmodi metu gravi injustè incusso initum rescindi posse auctoritate Judicis, & dari actionem non solum in personam, quæ metum intulit, sed etiam in rem, ad quemcumque demum illa pervenerit, leg. 9. ff. *De eo, quod metùs causà*.

Diximus 1^{mo}. *Metu gravi*, nam me-219
tus *levis* qui in jure dicitur *vanus*, non præsumitur dedisse causam contractui, & ob hanc præsumptionem, & ne lites multiplicentur, in foro externo non admittitur exceptio, nec datur actio ad rescindendum contractum, ex Reg. 14. *de Reg. Jur. in 6.* ibi: *vani timoris jussa exceptio non est.* Tamen si metus levis injustus verè dederit causam contractui, ita ut, eo sublato, non fuisset datus consensus, juxta multos potest in foro conscientie rescindi contractus pro voluntate ejus, qui metum passus est: quia qui metu injusto, licet levi, extorquet consensum, facit alteri injuriam, quam proinde tenetur tollere ac rescire, restituendo coactum in priorem statum: unde hic habet jus ad hanc restitutionem, & redditionem rei suæ, si velit rescindere contractum.

220 Diximus 2do. *Ex metu quocumque gravi* id est, siue absolute siue etiam respectivè tantum gravi. Nam metus respectivè gravis idem præstat, quod metus absolute gravis; homines enim meticolosè indolis non minus commoveantur levibus malis, quam viri fortè gravioribus: ideoque metus respectivè gravis involuntariam sui repugnantiam aequè creat.

221 Diximus 3tio. *Injustè incussus*. Nam si metus fuerit justè incussus, contractus irritandus non est ex leg. Si mulier, §. de eo quod metus causa. Quare si quis ex iusta sententia iudicis cogatur matrimonium contrahere, valet matrimonium: item si filia in matrimonium consentiat, ex metu, ne patris id expectentis, sed non minitantis, indignationem incurrat, validus etiam est iure positivo ejus consensus; cum quia metus ille censetur levis; tum quia non est injustè incussus: pater enim nullam ei injuriam fecit proponendo tale matrimonium.

222 Diximus 4to. *Metu incusso ad extorquendum consensum*. Nam si metus fuerit alia de causa incussus ab alio tertio etiam injustè, contractus non potest rescindi: ut si quis in latrones incidens, metu ne ab illis occidatur, vel spoliatur, alteri, qui injuriæ particeps non est, promittat pecuniæ summam, ut eum liberet, tenetur promissa complere: quia tunc metus non est propriè causa contractus, sed solum occasio; nec contractus est metu extortus: sed cum metus ob aliam causam sit injectus, adhibetur spontè contractus tanquam medium ad metum illum pellendum. Qui tamen metum illum injustè incussit, tenetur ad restitutionem damnorum; nam est illorum prima causa, vel saltem injusta occasio, ex cap. ult. de injur. Idem dic de metu à causa naturali vel interna

orto; nam talis metus citra omnem injuriam provenit, & à nullo alio quis ad contrahendum compellitur nisi à se ipso; sed de hoc à nobis jam dictum.

§ IV.

Quam & quando obligationem pariat Contractus.

Obligatio generatim definitur, *vinculum, quo obstringimur ad aliquid dandum, aut faciendum, aut patiens, vel non dandum aut non faciendum.*

Generatim duplex est, alia quæ fundatur in convenientia, diciturque *antidotalis*, & inducit debitum non rigorosum; talis est obligatio, qua quis tenetur in suum benefactorem gratus esse, alia quæ fundatur in necessitate, & inducit debitum ex præcepto, seu charitatis, aut Religionis; seu justitiæ, hæcque posterior est effectus contractus.

Obligatio ex justitia triplex est, 1ma. 224 Naturalis tantum, quæ nascitur ex solo jure naturali, & semper obligat in conscientia, quamvis in foro externo non det actionem. 2da. Civilis tantum, quæ parit actionem in foro externo ob aliquam præsumptionem, quamvis in conscientia non obliget. 3tia. Naturalis & civilis simul seu mixta, quæ obligat tum in foro interno, seu conscientia, tum in foro externo, in quo parit actionem.

Obligatio ratione principii quadruplex assignatur in Instit. lib. 3. tit. 4. *De obligat. aut enim ex contractu, aut quasi ex contractu est, aut ex maleficio, aut quasi ex maleficio.* Obligatio ex contractu est ea, quam parit contractus quilibet, eaque quatuor modis fit, re, Uuu 3

verbis,

verbis, litteris, consensu, prout patet ex hactenus dictis. Obligatio quasi ex contractu est ea, quæ circa conventionem nascitur ex facto non turpi; ut cum quis negotia absentis gessit bona fide sine litteris ac mandatis, obligatus est ei dominus, cujus negotia gessit, ita ut tali administratori detur actio contra dominum, qua potest repetere ea, quæ insumpsit: Si verò malè rem domini gessit, huic contra administratorem datur actio damni illati. Instit. lib. 3. tit. 28. Obligatio ex maleficio est ea, quæ oritur ex ipso maleficio, v. g. ex furto, rapina, damno, injuria, &c. Instit. lib. 4. tit. 1. Obligatio denique quasi ex maleficio, seu ex quasi delicto illa est, quam v. g. Judex contrahit, qui cum litem alterius suam fecerit malè per imperitiam judicavit; aut ille, excus cœnaculo, vel proprio ipsius, vel conducto, vel in quo gratis habitat, defectum, effusumve est aliquid, quod alicui transseunti nocuit, &c. Instit. lib. 4. tit. 5. His ita prænotatis

- 226 Dicimus 1mo. Omne pactum validum, etiam nudum, parit obligationem in conscientia, licet in foro externo non tribuat actionem, nisi juramentò confirmetur. Ratio est 1mo. Quia ad talem obligationem, supposita materiæ capacitate & personarum habilitate, ex natura rei sufficit consensus mutuus signò externo declaratus; nam per illum datur alterutri vel utrique aliquid, quod violare non licet: nec plus jure gentium requiritur: *quid enim tam congruum Fidei humana, quam ea, qua inter eos placuerunt, servare?* L. 1. ff. de pact. 2do. Cap. 1. de pactis, generaliter deciditur, pacta esse custodienda, & ad id pacificentes censurâ compellendos esse. 3tio. Lex divina & naturalis obligat ad servandam fidem datam, eamque violare per se malum est: & re ipsa si

uniquique liceret pro nutu pactam fidem violare, periret humana societas, quæ sine tali fide stare nequit.

Diximus *validum*, nam omnis contractus jure positivo absolute irritus nullam parit obligationem in conscientia; quia re vera nullus est, & perinde se habet, ac si factus non esset; cum annullatus sit per legitimam potestatem, cui voluntates & bona subditorum subsciuntur. Quòd si contractus non sit ipso facto irritus, sed tantum irritandus, obligat in conscientia, donec à Judice irritetur.

Addidimus, hujusmodi pactum *in foro* 228 *externo non parere actionem, nisi juramento confirmetur.* Quia tunc definit esse nudum, transitque in vestitum, atque aliquo firmamento, juramento scilicet, nititur, vi cujus parit actionem civilem, prout sup. §. 1. adnotavimus.

Dicimus 2do. Contractus defectu 229 solemnitatis à jure requisitæ & imperatæ jure positivo invalidus non obligat in conscientia, atque nullus est in utroque foro.

Ante asserti hujus nostri probationem, Not. Solemnitates esse quosdam ritus, seu condiciones, quæ secundum leges in contractibus adhiberi debent, v. g. certus numerus testium, &c. nunc

Prob. assertum 1mo. Tam potest Princeps vel Respublica certas quasdam apponere contractibus condiciones, quibus sublati illi non valeant, quam id possint privati homines in privatis, quos inter se ineunt, contractibus. Atqui hujusmodi condiciones quotidie apponunt privati, quibus sublati non valeant contractus. Ergo.

2do. Ab actu ad posse legitima est consecutio. Atqui de facto appositæ sunt

sunt variis contractibus certæ conditiones, quarum defectu iidem non valent. Sic irritæ sunt etiam in foro conscientiæ certæ quædam maritum inter & uxorem donationes legibus contrariæ; sic non valent matrimonia clandestina; contractus pupilli sine tutoris auctoritate, &c. Et sanè hæc potestas, quæ in Ecclesia & Republica agnoscitur valde expedit, imò est necessaria ad bonum commune, & ad rectam administrationem; necnon voluntas & bona subditorum subjiciuntur potestati legislativæ in ordine ad bonum commune, & rectam illorum gubernationem.

230 Not. Non omnem contractum factum contra Legem esse invalidum, nam multa fieri prohibentur, quæ facta tenent; ut constat ex Jure. Sic valet venditio rei jam alteri venditæ, sed nondum traditæ, quamvis sit illicita.

231 Dicimus 3tio. Contractus vi, metu injusto vel dolo extortus, vel injuriam continens ab eo, cui juratur, illatam, non firmatur juramentò, ita ut rescindi non possit. Neque contractus jure naturali invalidus juramentò firmatur; ut & contractus solo jure positivo irritus, si irritatio facta sit immediatè & principaliter propter bonum commune, non firmatur juramentò.

Tres sunt hujus asserti partes, quæ antequam probentur, Not. 1mo. Aliud est juramentum esse validum, & aliud juramentò contractum firmari. Ut juramentum validum sit, satis est, ut possit & debeat servari ob honorem divini nominis; per hoc contingere potest, quamvis per illud nullum jus acquirat is, in cujus favorem juratum est; ut si juraveris te latroni, ne mortem inferat, certam pecuniæ summam esse soluturum; unde inducit solam religionis obligationem, quæ tota respicit Deum.

Ut verò juramentum firmet contractum aliquem, necesse est, ut eum validum efficiat, ideoque non solum inducit obligationem religionis, sed etiam iustitiæ, & jus alteri tribuit; ita ut ille, quocum contraxisti, præter obligationem juramenti propriam, quæ tota est in ordine ad Deum, jus habeat iustitiæ, & ex ea contractus executionem urgere possit, etiamsi juramenti relaxationem obtinuisse; quia relaxatio hæc tolleret quidem obligationem ex religione, non autem eam, quæ esset ex iustitia.

Not. 2do. Juramentum sive firmet contractum sive non, est validum & obligat, quando servari potest sine peccato & damno alterius. ex cap. 8. & 28. de Jurejur. Quia divini nominis reverentia exigit, ne Deus in testem falsitatis adducatur; quod fieret, si juramentum, quod sine peccato &c. servari potest, non obligaret. Quod si verò tale juramentum sine peccato aut præjudicio alterius servari non possit, tunc non obligat, ex Reg. Jur. 58. De Reg. Jur. in 6. ibi: *Non est obligatorium contra bonos mores præstitum juramentum.* Item ex recepto axiomatico, juramentum non est vinculum iniquitatis, nec quemquam cogere potest ad injustè, aut malè agendum. Atqui juramentum necessariò foret vinculum iniquitatis, si obligaret, cum sine peccato servari non potest. His prænotatis

Prob. 1ma. pars. 1mo. ex variis capitulis tit. 24. de Jurejur. in quorum 1mo. mandat Gregorius III. ut *Creditores ad juramenta, super usuris sibi solvendis præstita, relaxanda Ecclesiastica diffinitione compellantur.* In 2do. absolvitur à juramento Laudicen. Episcopus, quia *nesanda coactione juravit.* In 8vo. postquam dixit Alexander III. *Non est tutum quemlibet contra juramentum suum veni-*

venire, nisi tale sit, quod servatum vergat in interitum salutis aeternae: ostendit tamen Ecclesiam Romanam consuevisse à talibus juramentis absolvere. Ergo juramenta ad confirmandos contractus quocumque modo extorta, non ita eos firmant, ut non rescindi possint. 2do. Quia qui alii inulit injuriam, eam reparare & resarcire tenetur, & alium restituere in priorem statum & libertatem. Ergo jus illius non est firmum, cum ei renunciare debeat, qui ipsum extorsit, & possit jurans ob acceptam injuriam, quam juramentum nullatenus tollit, petere & obtinere juramenti relaxationem, qua obtenta cessat omnis obligatio. Hinc quamvis usurae juratae solvi debeant ex obligatione religionis, cap. 6. de *Jurejur.* cum licite solvi possint: tamen promissio illas solvendi non firmatur juramento, nec usurarius jus ullum ad illas acquirit, sed tenetur solutas restituere, ex cap. 6. de *Jurejur.* Idem dic de promissione facta furi ex metu ab eo injustè inculso.

233 Secunda pars patet ex eo, quòd juramentum, utpotè contractui extrinsecum, nihil in ejus substantia immutat. Ergo non efficit, ut quod ex se invalidum est, validum fiat, aut supplere defectum substantialem, propter quem contractus est irritus, potest.

234 Tertia pars prob. 1mo. ex cap. 12. de *foro compet.* ubi dicitur Clericus non posse etiam cum juramento renunciare foro suo, & promittere se compariturum coram Judice seculari, quia privilegium fori in gratiam Ordinis Clericalis statutum est; privata autem pactio publico juri derogare non potest. 2do. Quia talis contractus eo ipso vergit in detrimentum boni publici, adeoque juramentum, quod ei accedit, est de re

illicita, & sic nullum parere potest effectum.

Hinc non valet juramentum sponsalibus ex metu contractis appositum; quia inde sequerentur odia & lites, quae publicae paci adversantur. Pariter non valet juramentum quo Clericus donationem concubinae factam confirmare niteretur, quia hæc donatio prohibita est in favorem publicae utilitatis & honestatis: Nec etiam valet juramentum militis confirmans donationem ab eo meretrici factam; ob eandem rationem.

Diximus ibidem, si irritatio facta sit immediate & principaliter propter bonum commune. Nam si facta sit immediate ac principaliter propter utilitatem privatam duntaxat contrahentium, tunc talis contractus, etsi jure positivo irritus, tamen juramento firmatur, modo absit injustitia ex parte illius, cui juratur. Quia 1mo. tales contractus accedente juramento transferunt dominium, & dant actionem, tum ex Jure Civili, Leg. *Sacramenta*, lib. 2. tit. 18. Cod. Si adversus venditionem. ibi: *Sacramenta puberum sponte facta super contractibus rerum suarum non retrahendis, inviolabiliter custodiantur.* Tum ex Jure Canonico. cap. 28. de *Jurejur.* ubi statuitur contractum, quo uxor consentit in alienationem fundi dotalis, qui jure positivo irritus est, servari debere, si accesserit juramentum sine vi & dolo praestitum. Et cap. 2. de *passis* in 6. ubi statuit Bonifacius VIII. ut pactum patri factum à filia, dum nupti tradebatur, ut dote contenta nullum ad bona paterna regressum haberet, quamvis hoc improbet lex civilis; si tamen juramentum non vi nec dolo praestitum firmatum fuerit, ab eadem omnino servari debeat, utpote quod non vergat in aeterna salutis dis-

dispendium, nec redundet in alterius detrimentum. Igitur cum jura tunc negent jus repetendi, & reclamandi, quod concedunt, quando juramentum dolo vel metu extortum est, agnoscunt jus justitiae tunc oriri, & volunt valere contractum ob reverentiam juramenti. ad. Quisque renunciare potest favori pro se directo & principaliter per legem introducto, nisi aliunde hoc prohibeatur: licet enim nobis cedere juri & bono privato, cujus domini sumus: hac autem posita renuntiatione, perinde est ac si non extaret jus positivum. Atqui sublato jure positivo contractus ex se & ex natura sua firmus, ut supponitur, est, adeoque ex se obligat ex justitia. Ergo positò juramentò, quod propriam suam religionis obligationem inducit, renascitur, ut ita loquamur, obligatio ex justitia, quam contractus ex se & ex sua natura habebat: adeoque talis contractus juramento firmatur, id est, duplicem parit obligationem, aliam quidem ex Religione, aliam verò ex justitia.

Si tamen legislator ita talem contractum irritaret, ut eum nullam vim habere vellet in conscientia, quantumvis contrahentes velint, tunc non firmabitur juramentò: quia subditus non potest derogare potestati ac voluntati Legislatoris; & juramentum, cum sit accessorium contractui, non potest facere, ut id, quod non est, valeat.

- 236 Dicimus 4to. Contractus sub conditione non parit obligationem ante conditionis impletionem, si conditio illa sit honesta, possibilis, de futuro contingenti, & in ipsomet contractu adjecta. Ratio est, quia suspendit consensum, qui enim contrahit sub conditione, non intendit se obligare, nisi posita conditio.

Dicimus 5mo. *Si conditio illa sit honesta*; quia contractus factus sub con-

P. Cartier Theol. Tom. III.

ditione turpi, non inducit obligationem; nullus enim obligari potest ad id, à quo tenetur abstinere. ad. *Possibilis*: quia conditio impossibilis irritam reddit dispositionem. Excipitur tamen contractus Matrimonii Cap. finali *de conditionibus apposis*, ubi habetur: *Conditiones appositae in matrimonio, si turpes aut impossibiles fuerint, debent propter favorem ejus pro non adjectis haberi*, ac proinde non irritant matrimonium; adeoque illis non obstantibus valet matrimonium secundum praesumptionem fori externi supponentis tales conditiones non fieri adjecti. Valet etiam in foro interno, si contrahentes habeant intentionem generalem contrahendi secundum leges Ecclesiae praevalemtem alteri intentioni particulari. Idem statuitur in favorem ultimarum voluntatum, ut sunt testamentum, legatum, & donatio mortis causa. Nam etiam in illis conditiones impossibiles, vel turpes, ex juris dispositione habentur pro non adjectis, & dispositio testatoris manet absoluta & valida, ex leg. 1. 6. 9. & 14. ff. *De conditionibus institutionum.* & ex Instit. *De hered. instit.* Equòd intentio disponentis non censetur his conditionibus alligata. Quod etiam valet in foro interno, saltem nisi constet de contraria voluntate disponentis: nam homo rectè praesumitur voluisse validè & secundum leges disponere de rebus suis, nec voluisse mori intestatus, nec in re tanti momenti ludere & jocari faciendo actum irritum: & ideò merito censetur ex errore potius, quam joco talem conditionem adjecisse, putando esse possibilem & honestam, eoque fuisse animo, ut si impossibilem vel turpem esse sciret, eam non apponeret, aut saltem eam non exigeret, si alias dispositio esset nulla. Item in ultimis voluntatibus pro non adjecta etiam habetur haec conditio: *si non nupserit*, leg. 100. ff. *De condit. & demonstr.* Id-

Xxx

que

que in favorem matrimonii, ut Respublica augeatur. Sed postea jure Codicis hoc restrictum est ad primas nuptias, ita ut in secundis hæc conditio vim habeat, & si contra facias, legatum amittas, Authent. *Cui relictum*, Cod. *De indicta viduit.* Hæc etiam conditio, *si religionem non ingrediaris*, pro non adjecta habetur ex Authent. *De Sancti. Episcop. cap. 37.* in favorem Religionis, quæ est status majoris perfectionis. Hinc si mulieri relictum sint mille aurei, *si nupserit*, ei debent tradi, licet Religio- nem ingrediarur.

- 237 Diximus 3tio. *de futuro*; quia si conditio sit de præterito vel de præsentī, ut in hac hypothesi: *Do tibi si es meus consanguineus*, vel *si opus injunctum perfecisti*, jam conditio est impleta, nec potest suspendere consensum. Unde patet discrimen inter condiciones turpes de futuro, & inter condiciones turpes de præterito: quod condiciones turpes de præterito non tollant obligationem & validitatem contractus, cum non inducant ad peccatum, sicut inducunt turpes de futuro, sed supponant peccatum jam factum.

Diximus 4to. *Contingenti*; nam si conditio certò & necessariò futura est, non suspenditur consensus; quia hujusmodi conditio habetur tanquam præiens & jam impleta: ut *Do, vendo tibi, si es moriturus, si cras Sol oriatur.*

- 238 Diximus 5to. *& in ipsomet contractu adjecta*; nam si apponatur post contractum, non suspendit consensum; quia supponitur contractus jam validus.

Diximus 5to. Contractus *ad diem* statim inducit obligationem; cui tamen satisfacere non tenetur debitor ante præfixum diem. Contractus verò ad diem incertum, v. g. *cum nupseris, cum na-*

vis ex Indiis venerit, suspendit consensum & obligationem; nam resolvitur in conditionalem, v. g. *si nupseris*, &c. leg. 1. ff. *De condit. & demonst.*

Dicimus 6to. Contractus *sub modo* 239 statim obligat, nec irritus est, etiam si modus non impleatur, nisi contrahens aliter expresserit; quia ex dictis, modus est aliquid consequens contractum, supponitque donantem actu & de facto jam dedisse, adeoque perfectam dispositionem consequitur duntaxat, non verò illam suspendit.

Diximus, *nisi contrahens aliter expresserit*; quia si legans Ecclesiæ v. g. in legato addidisset, *aliquin donatio nulla*, modò non impletò corrumpit legatum.

Ex his sequitur, hæredes legantis non posse sibi vindicare possessionem rei legatæ, eo prætextu, quòd non fervetur modus, v. g. Missæ non celebrantur: sed solum jus ipsis competit ad cogendum legatarium, ut Missas celebret, vel celebrari curet.

Dicimus 7mo. Contractus seu dispositio facta *ad causam* nulla est, si causa finalis non subsistat: quia non est voluntas dandi seu alienandi, nisi sub conditione, si causa finalis subsistat; &, sublata causa volendi, non est volitio. Hinc res data ob causam retineri non potest, causa non subsistente. At valet dispositio, si sola causa impulsiva deficiat: quia dispositio non fit sub illius conditione, & subsistente motivo principali ac finalis volendi, subsistit dispositio.

Not. tamen donationem certis aliquando de causis fieri, quæ non impediunt, quominus ea valida sit, & absoluta. Sic si quid Cajo dederis, ut tibi negotium aliquod habenti faveat, va-

valet donatio, etsi Cajus tibi non faveat, quamvis sic hoc prævidisses, daturus non fuisses. Ratio est, quia quod dedisti, ideò principaliter dedisti, ut alterius animum in tuas partes alliceret. Condicio autem tacita contractum non annullat, aliàs omnes penè contractus in irritum abirent: si non dares alicui, si nosset eum postea tibi contrarium fore; non conferres Beneficium, si scires eum, cui confers, à pietate ad vanitatem, cum dives erit convertendum esse.

- 241 Dicimus 8vo. Error seu falsitas in *demonstratione* si sit circa substantiam aut personam, vitiat contractum; secus si non sit nisi circa accidentia. Utraque pars probata manet ex eis, quæ superius dicta sunt de errore in contractibus. Hinc non valet contractus, si Titio dones summam, quam tibi debet Petrus, hic autem tibi nihil debeat. Sed si Petrus mediam summæ hujus partem debeat, valet contractus, quia error est tantum in accidentibus. Valet pariter contractus, si dicas, „*Dono Titio equum quem Argentorati emi*, licet illum alibi emeris.

Quòd si verò e. g. quis dixerit, lego aureos decem, quos mihi debet Petrus, Petrus autem aureos centum debeat. Tunc observandum est, num demonstratio appositæ sit *taxatè*, id est, ad restringendum id, quod datur; ut si testator dicat: *Lego centum aureos ex tali arca, vel ex iis, quæ mihi debet Petrus*. Vel appositæ est *demonstrativè* solum, ad denotandam scilicet rem, quam legans vult dare; ut si dicat: *do pecuniam, quæ est centum aureorum in tali arca, vel quam mihi debet Petrus*. Si prius, tunc ille solum numerus debetur, qui expressus est, tunc enim constat mentem testatoris fuisse, ut non plura donarentur. Si verò secundum, debetur id totum, quod demonstratum est, v. g.

ducenti aurei, imò & trecenti, si eos debeat Petrus, aut si reperiantur in arca, quia error in illa demonstratione est solum accidentalis.

Porro hæc regula traditur ad digno-ascendum an *taxatè*, an *demonstrativè* solum apponatur demonstratio. Cum incipit dispositio à numero vel mensura, ut v. g. *do centum aureos in tali sacculo existentes*, vel *quingenta jugera talis prædii*: demonstratio censetur appositæ *taxatè*, nec plus, quam centum aurei vel quingenta jugera debentur, etiamsi amplius contineat sacculus vel prædium. Quandò verò dispositio incipit à re ipsa, quæ datur, deinde apponitur numerus vel mensura, v. g. *do debitum Petri*, quod est centum aureorum; vel *prædium*, quod constat centum jugeribus; tunc demonstratio apponitur *demonstrativè* tantum, dandumque est legatario, quidquid debet Petrus, etiamsi debeat plus quam centum aureos; & quidquid continet prædium, etiamsi contineat plus quam centum jugera.

SECTIO II.

De Contractibus in Specie. 243

Tot erunt hujus Sectionis Paragraphi, quot sunt Contractus in Specie. Incipiemus à contractibus onerosis, qui propriè magis, prout jam alibi annotavimus, contractus dicuntur. Ex contractibus onerosis autem, alii dominium rei transferunt, ut *permutatio*, *venditio*; alii retento rei dominio usum aut usufructum dumtaxat concedunt, ut *locatio*, *emptio*; *usufructus*.

Jam verò dominium tripliciter transferri potest per contractus onerosos imo. dando rem pro re, v. g. vinum pro oleo,

Xxx 2

&

& talis contractus dicitur *permutatio*. ad. dando pecuniam pro pecunia, ut argentum pro auro, & vocatur *Cambium*, aut *mutuum*. Denique dando rem pro pecunia, & est *venditio*, vel pecuniam pro re, & est *emptio*; de hac postrema contractuum onerosorum specie modò disceremus. Sit igitur

§. I.

De venditione & emptione.

Inter omnes contractuum species non occurrit celebrior & frequentioris usus, quam venditio & emptio. Venditio definiri potest *Passio mercis pro pretio*. Emptio autem *Passio pretii pro merce*. Accuratiùs autem & utraque simul sumpta definitur: *Contractus, in quo duo vel plures de merce pro pretio determinato; & de pretio pro merce determinata paciscuntur*. Nomine rei aut mercis intelliguntur omnes res mobiles, immobiles, jura, actiones, & quidquid pecuniâ æstimari, & compensari solet: nomine verò pretii intelligitur numisma Principis, seu pecunia. Porro pretium debet esse determinatum, quia si res vendatur pro pretio indeterminato, seu quod voluerit dare emptor, non fiat contractus, ex leg. 35. ff. *De contrab. emptione*. Ex pari ratione merx debet esse determinata vel in genere, vel in specie. Res autem seu merx sufficienter determinata censeri debet, etiam si ignoretur qualis aut quanta sit, ut cum emittur res in spe, putà lactentes agrorum spicæ, quæ multis modis spem emptoris fallere possunt; jactus retis in mare; item quod capietur in venatione. Est tamen hoc discrimen inter emptionem jactus retis, illiusve, quod capietur in venatione, & emptionem fructuum, quod, si piscator aut venator nihil ce-

perint, pactum pretium eis solvi debeat; non autem si ager aut arbor nullos fructus attulerit, quia ex dispositione Juris emptor hac solum lege contraxit, si fructus nascantur. leg. 1. ff. *De condit. & demonstr.*

Ex data venditionis & emptionis definitione patet etiam, utramque realiter esse unum contractum mutuum, qui absque traditione rei aut pretii perficitur solo partium consensu exterioris significato, quo se mutuò obligant, venditor quidem ad mercem tradendam, emptor verò ad pretium solvendum, ex Insit. lib. 3. tit. 24. *Emptio & venditio contrahitur simul atque de pretio convenerit, quomodo nondum pretium numeratum sit*. Idem repetitur §. 3. & L. 1. ff. *De contrab. empt. emptio consensu perficitur*. Tamen sine traditione non habet ultimum suum complementum, nec transfertur dominium, Leg. 20. Cod. *De pactis*. ibi: *Traditionibus & usucapionibus dominia rerum, non nudis pactis transferuntur*. At non ideò licet uni contrahentium alterò invitò ante traditionem à conventionem discedere, leg. 3. Cod. *De rescind. vendit.* nam pacta obligant in conscientia.

De Contractu hoc ita definito sequentia præcipuè exponi solent imò. Quis, & quænam possit vendere, & emere. ad. Quodnam sit justum rerum venalium pretium. 3tio. Ad quem pertineant fructus rei venditæ. 4to. Ad quem pertineat periculum rei venditæ. 5to. Quænam sint obligationes venditoris & emptoris. 6to. Denique quænam sint præcipuè species hujus contractus. Quæ singulis titulis expeditur.

L. Quis

I.

- 245 *Quis possit vendere aut emere, & Quanam res vendi possint.*

Certum est, quod ii omnes vendere & emere possint, qui contrahere valent. Quinam autem contrahere valeant, expendimus sup. cap. præced. §. 2. Unde conformiter ad ea, quæ ibidem statuimus, hic differendum venit. Unica sollet moveri difficultas, an videlicet quis cogi possit ad rem suam vendendam. Ad quod

- 246 *Resp.* Nemo potest auctoritate privata cogi ad rem suam vendendam. Patet imo. ex definitione Domini; qui enim facultas disponendi de re sua ut libet. 2do. Quia omnis contractus ex libero partium consensu fieri debet. Potest tamen cogi auctoritate publica ob publicam necessitatem, vel utilitatem, ut si fundus privati sit necessarius ad constructionem Templi, ampliacionem urbis, aut viæ publicæ.

- 247 Quantum ad ea, quæ vendi possunt, ex dictis constat ea omnia vendi posse, quorum quis dominium, & liberam administrationem habet, & quæ pretio æstimari possunt; nisi venditio ratione specialis prohibitionis invalida sit, aut illicita.

Hinc vendi possunt, non quidem res spirituales, aut spiritualibus annexæ, ut Beneficia, Jus patronatus, Olea sancta, Reliquiæ Sanctorum, sed res corporeæ & incorporeæ, actiones, & bona tunc præsentia, tunc futura, etiam hæreditatem nondum existentem, modo testator illius venditionis conscius sit, leg. ult. Cod. *De pactis*: secus non valet hæreditatis futuræ venditio, leg. 1. *De hæredit. vel Aq.* ubi statuitur eo casu nihil esse æsti, tunc quia in rerum natura

non sit, quod vanierit; tunc quia esset periculum, ne emptor infidetur vitæ illius, cujus hæreditatem emit. Præter nullitatem contractus, venditor talis hæreditatis ipsa privatur (intellige post sententiam iudicis) & hæc applicatur fisco, Leg. 2. *De his, quibus ut indignis.*

Non modò res per se malæ, & ad malum usum determinatæ, ut sunt maleficium, annuli, quibus dæmonia sunt alligata, libelli infamatorii, aut de turpi tractantes, & similia sine peccato mortali vendi non possunt, quia qui hæc vendunt, præbent *directè aliis occasionem peccandi*, ut ait S. Thomas, 2. 2. q. 169. a. 2. ad 4. Sed & neque res indifferentes, & quibus emptores bene aut malè uti possunt, sine peccato iis vendi possunt, quos venditor verisimiliter credit eisdem abufuros; quia qui hæc vendit, alterius peccato cooperatur.

II.

De Pretio.

248

Pretium est pecunia valori rei commensurata. Duplex est, aliud *legale seu legitimum*, quod lege publica seu Magistratus decreto constitutum est seu taxatum; & hoc pretium consistit in indivisibili, nec variari potest. Aliud *naturale seu vulgare*, quod ex hominum æstimatione independenter à lege positiva seu Magistratus decreto constituitur, & dicitur *pretium fori*. Hoc autem pretium non consistit in indivisibili, sed latitudinem, ut vocant, habet; quia varii homines variè de rebus iudicant, ita ut quod alii censent valere decem, alii æstiment undecim, alii etiam duodecim.

Theologi autem iusti pretii vulgaris latitudinem ita describunt, ut illud tri-

X x x ;

fariam

fariam dividant, nempe in *infimum*, quod *pium* vocant, infra quod iuste descendere non potest; *medium* seu *moderatum*, ultra quod iuste ascendere, & infra quod iuste descendere potest; & *supremum*, seu *rigorosum*, ultra quod iuste ascendere non potest. Quanta autem sit iusti pretii latitudo facile assignari non potest, potiusque taxanda videtur prudenti hominum iudicio, pensatisque omnibus, quæ concurrunt, quam certis & fixis limitibus constituenda. Hanc non pauci Theologi tradunt regulam, ut nempe res, quo vilior est, minus habeat latitudinis in pretio; plus verò, quò fuerit pretiosior. Unde si medium rei alicujus pretium sit 10. infimum erit 9. supremum 11. & erit duorum latitudo. Si verò rei pretiosæ medium pretium sit 100. infimum erit 95. supremum 105. & sic habebit latitudinem 10. Neque tamen iustitia definit esse in medio rei; id hoc enim non requiritur, ut medium sit prorsus indivisibile, sed satis est, ut pro diversis personis non sit mutabile: porro pretium vulgare, seu infimum sit, seu supremum, aut medium, respectu omnium idem est, seu juvenes sint, aut senes, nobiles, vel plebei.

- 250 Porro pretium rei alicujus seu mercis non repetitur solum ex physico ejus valore; cum enim ordine natura viventia non viventibus præponantur, inquit S. Augustinus lib. 11. de Civ. Dei, c. 16. plus valeret mus, utpotè vivens, quam margarita; non etiam ex comparatione cum usu rei, gemma enim modici est usus, & tamen pluris valet, quam ingens vini & frumenti copia; neque etiam ex rei necessitate, alioqui panis unus, sine quo vitam amplius protrahere non posses, pluris tibi vendi posset, quam pretiosa quæcumque fingi possunt suppellectilia: sed præcipua iusti naturalis seu vulgaris pretii ratio repe-

tenda est ex comparatione pretii cum re juxta communem hominum æstimationem considerata. Major autem vel minor æstimatio peti debet ex majori vel minori copia tum mercium, tum pecuniæ, tum emptorum, tum ex venditorum impensis, labore, periculis. Quin & modus vendendi efficit, ut res minoris æstimentur; viliori enim pretio vaneunt, quæ sub hasta, & voce præconis venduntur, quam apud mercatorem; quæ aversione (ubi: haupt, per Parfide) emuntur, quam quæ minutatim. Seclusis tamen fraudibus ac monopolis injustis, juxta Leg. pretia ff. ad leg. falcid. Pretia rerum non ex aestu, nec utilitate singulorum, sed communiter funguntur, id est, definiuntur.

Ex his deducitur 1mo. Quòd si nulum sit pretium legale, res vendi debeat juxta pretium naturale, seclusa omni fraude; qui aliter fecerit tenetur ad restituendum. Ratio 1mæ partis est, quia omnis venditio iusta esse debet. Atqui iusta esse non potest, nisi res & pretium commensurentur, atque pretium exæquet valore mercis, & vicissim: non autem commensurantur, si res non vendatur secundum pretium naturale. Ergo, &c.

Ratio 2dæ partis est, quia quisquis in contractu non servat æqualitatem, tenetur ad restitutionem. Atqui non servatur æqualitas, quoties pretium non commensuratur rei. Ergo contrahitur restituendi obligatio.

Diximus, seclusa omni fraude; quia peccat & tenetur ad restitutionem 1mo. ille, qui fraude & mendacio alium inducit ad emendum majori pretio, quam aliàs emisisset, quamvis non ultra summum pretium: quia emptor jus habet, ut dolo & fraude non adducatur ad rem rigorosò pretio emendam. Ergo venditor

tor tunc est causa iniqua cur lucrum cesset emptori. Excipiunt tamen aliqui communia & omnibus nota mercatorum stragemata, qui mendaciis & perjuriis affirmant rem tanti sibi constituisse, ut emptorem ad supremum pretium pertrahant; quibus quippe nemo decipitur, nisi qui vult; *volenti autem non fit injuria*. 2do. Ille, qui postquam rem pretio infirmo vendidit, occulte accipit supremum, emptorem decipiendo in pecuniæ numeratione, vel aliquid dere subtrahendo: Quia non licet agere contra conventionem, & contra jus alterius ex ea acquisitum. Atqui in casu præsentis, qui alium decipit, agit contra conventionem. Ergo. 3tio. Ille etiam, qui alicui rem pluris vendit, ob majorem ejus erga ipsam affectum: quia affectus, utilitas, & indigentia emptoris non cadunt sub dominium venditoris; ergo venditor non pluris rem suam æstimare potest, eò quòd alii sit necessaria. Et certe pretium rei ex communi hominum æstimatione, non ex particulari emptoris affectu, aut ex ejus necessitate repeti debet; alioqui quantò pretio emi possent medicinæ, quæ ad salutem sunt necessaria? Communis tamen ementium affectus pretium augere potest, quia communem hominum æstimationem, unde pretium pendet, adaugere potest.

253 Ex affectu etiam venditoris, si Mercator non sit, pretium rei ab ipso augeri potest, dummodò affectum suum intra rationis & moderationis terminos contineat; nec ipse rem suam ultrò vendendam offerat, atque emptorem moneat, cur rem illi pluris vendat, quàm valeat secundum se ipsam. Ratio est, quia tunc venditor non solum re sua se privas, sed commodò suò & delectatione; quæ pretio sunt æstimabilia.

Diximus 1mo. Si mercator non sit; is enim sub prætextu particularis affectus,

mercem suam carius vendere non debet; utpotè qui ratione muneris sui paratus esse debeat ad res suas iustò pretio alienandas. 2do. *Dummodò affectum suum &c.* ne scilicet talis affectus enormi pretio redimatur, quod illicitum est &c. 3tio. *Nec ipse rem suam ultrò vendendam offerat*, secus enim non potest quidquam ex justitia exigere pro damno emergente; quia non tenetur emptor avertere incommodum, cujus ipse causa non est, & quod alter spontè vult subire. 4to. *Atque emptorem moneat, cur &c.* Quia fortè nollet emptor venditoris incommodum redimere. A fortiori res pluris vendi potest, cum ex ejus venditione lucrum cessat, aut dampnum emergit venditori, ut si rem certò reservaturus erat in aliud tempus, quo verisimiliter pluris vendenda esset.

Res quoque, quæ venduntur sub hâta (durch Wirtgantung) ut in licitationibus publicis, emi possunt supra aut infra vulgare pretium, dummodò absint fraus & dolus. Ratio est, tum quia emens & vendens sufficienter hoc pretio sunt contenti; tum quia potestas publica illud pro iusto pretio extraordinarii hujusce fori æstimare censetur, quod in publico emptorum concursu, tanquam in quodam examine approbatum fuerit.

Diximus, *dummodò absint fraus &c.* 254 *dolus*, ut adesse solent 1mo. Si venditor occultos rei exposita defectus celet. 2do. Si fictos licitatores immittat, qui se emptores simulent, ut pretium augeatur. 3tio. Si proxenetæ seu factores merces eo tempore vendendas proponant, quo paucos emptores adfuturos esse præsentiant, ut res iis adjudicetur, quibus favere volunt. 4to. Si emptores monopolium faciant, & inter se conspirent, ne ullus tale aliquod pretium transgrediatur, ut res vilis pretio venundetur.

Ra-

Ratio patet ex dictis; nec *fraus aut dolus ulli patrocinari debent*, &c.

pretio comparare velit. Atqui hoc plane absurdum.

255 An verò res quæ nec habent pretium vulgari æstimatione determinatum, nec lege Principis constitutum, ut sunt gemmæ, equi pretiosi, canes, accipitres, eximie veteres picturæ, statuæ, &c. vendi possint quanti Dominus earum rerum volet, non convenit inter Theologos; multi affirmant, imò. Quia ex leg. 1. ff. *Ad Senatusconsult. Trebellian. Tantum valet res, quantum vendi potest*: quod non nisi in iis rebus, de quibus nunc loquimur, verificari potest. 2do. Cùm res nec naturale, nec legale pretium habent, justum illud esse oportet, de quo partes convenerint. 3tio. Quia cùm hujusmodi res humanæ vitæ inutiles sint, qui eas emere vult, spontè id dare velle censetur, quod alter exigit, & excessum gratis condonare.

Negant alii, & docent res hujusmodi vendi debere secundum communem hominum in hisce materiis peritorum æstimationem, quamvis major sit pretii harum rerum latitudo, quàm earum, de quarum valore nemo disputat. Quia imò. Res qualibet eo pretio vendi debet; quod inspectis omnibus ipsi commensuratum judicatur prudenter. Atqui tale est pretium, quod viri intelligentiores judicant respondere rei, quæ nec vulgari fori æstimatione, nec Principis edictò taxata est. 2do. Ut sit justum pretium debet esse prudens judicium, quo res æstimetur tanti valere. Sed nemo prudenter judicare potest, rem tanti esse valoris ex eo solùm, quod venditor eam tanti vendere possit aut velit. 3tio. Alioqui venditor, qui rem suam 100. valere judicat, posset eam vendere 1000. si videret eam alicui Principi placere, qui ipsam quocumque tandem

Ad adducta ab adversariis momenta respondent, & quidem ad imum. Lex citata intelligi debet intra latitudinem justii pretii, cùm pretii justii excessus aliis legibus reprobetur. Ad 2dum. Cùm res pretium naturale in foro non habet, recurrendum est ad eos, qui majorem rei notitiam habent, eamque tutius æstimare possunt. Ad 3tium. Emptor id, quod dat, non gratis, sed ut rei pretium tribuit: perperam ergo censeretur excessum condonare, nisi id evidentibus signis constaret.

Deducitur 2do. Si quod sit pretium 256 legale, merces juxta illud, & non aliter vendi debent.

Ratio est; quia justa Principis & Reipublicæ decreta servari debent. Atqui pretium legale justò Principis aut Reipublicæ decretò constitutum, & ad pretium naturale, quantum fieri potest, comparatum esse supponitur. Ergo decreto huic est obsequendum, adeò ut, qui taxam auctoritate legitima constitutam non servat, graviter peccet, & ad excessus restitutionem teneatur, etiam si Lex aliam poenam imponat. Ita omnes cum S. Thoma 2. 2. q. 57. a. 1. in Corp.

Cæterùm Lex Principis ex communi Doctorum sententia, semper justa præsumi debet, donec de contrario constet, quo casu non obligare videtur.

Quæri solet hîc, an mercator, qui 257 cognoscit magnam mercium copiam brevi tempore esse superventuram, ob quam earundem pretium & valor insigniter minuetur, possit merces suas pretio currente vendere. Item an emptor, qui scit mercium pretium brevi tempore ad-

augendum esse, possit eandem emere currenti pretiō, postea majori, quod superveniet, pretiō revendendas.

Affirmant multi cum S. Thoma, 2. 2. q. 77. art. 3. ad. 4. colliguntque id ex Genes. 41. ubi Joseph sciens futuram septem annorum sterilitatem, ob quam frumenti valor supra modum augendus erat, currenti pretiō ingentem illius copiam emit, & reclusit. Rationem autem assignant; quia iniquō pretiō non vendit, qui rem vendit secundum legitimum ejus pretium. Atqui mercator ille rem suam vendit juxta legitimum ejus pretium, scilicet quod ipsa habet ex communi hominum estimatione; nec privata unius aut alterius scientia rerum pretium auget, vel minuit. Item, sicut aliud est, Res brevi pluris valebit; ergo jam nunc pluris valet, ut patet praefertim in moneta propediem augenda; ita à pari.

Negant verò alii, quia inquit 1mo. in dicto casu merces re ipsa & verè non tanti valent, licet hoc alii ignorent. Ergo tanti vendi non possunt. 2do. Quia emptor mercium, quarum valor statim minui debet, eas involuntariè, & per errorem emere confetur; neque enim emeret, si futuræ diminutionis conscius esset. 3tio. Justus rerum valor sumitur ex prudenti hominum estimatione, consideratis circumstantiis omnibus, non praeteritis tantum & praesentibus, sed etiam futuris; sed in praedicto casu, quod tanti aestimentur merces, non provenit ex prudenti judicio, sed ex errore. 4to. Si sciret venditor mercem brevi corrumpendam, v. g. equum brevi moriturum, vinum brevi in acetum conversum iri, teneretur defectum exponere, aut saltem in pretio descendere. Ergo à pari &c. 5to. Sequeretur licitum esse alicui donum suum &c. vendere currenti pretiō, tamen si cognosceret, eam intra paucos

P. Carlier Theol. Tom. III.

dies ab hoste diruendam. 6to. Eum, qui sciret frumenti pretium edictō publico cras esse minuendum, posse totum currenti pretiō vendere. 7mo. Senatores, qui scirent brevī promulgandam esse legem, qua minueretur monetæ valor, aut ejusdem usus interdiceretur, posse totam, quam habent expendere, aut permutare. 8vo. Eum, qui prænoscit Principem cum curia sua ex hoc loco recessurum, posse domum suam inibi existentem tanti locare ad integrum annum, quanti ab ignorantibus Principis discessum aestimatur toto anno valitura. Atqui hæc omnia sunt absurda. Ergo.

Omnes tamen in hisce conveniunt, 1mo. Haud licitum fore Senatoribus vel legis promulgationem ex industria disferre, vel familiaribus suis præ aliis revelare, quam scirent circa minutionem monetæ v. g. brevi promulgandam. Quia ex officio suo tenent secretum servare, & efficere, ne unus præ alio gravetur. 2do. Eos injustitiæ reos esse, qui solitō longè vehementius urgerent emptorem, ut multo plures, quàm alias merces emeret; ut & illos, qui scientes brevī augendum pecuniæ valorem, magnas summas mutuo acciperent, quas alioqui non acceperunt. Ratio est, tūm quia ex communi hominum sensu, qui ita se gerunt, proceptoribus habentur; tūm quia populus, à quo pender pretium naturale, non ita consentit in pretium certo tempore promeritis constitutum, ut illud justum esse velit, quando grave inde sequitur emptoris detrimentum, nisi bona fides, cujus magna habenda est ratio, venditorem excuset.

YYY

III. AD

III.

IV.

Ad quem pertineant fructus rei venditæ.

Ad quem pertineat periculum rei venditæ.

259 Secluso titulò lucri cessantis vel damni emergentis, venditor fructus & utilitates rei venditæ percipere non potest, si rem emptori tradiderit pretiò promissò, quamvis necdum solutò. Ratio est, quia tunc rei dominium translatum est absolutè in emptorem, ex leg. 19. ff. *De contrab. empt.* Res autem Domino fructificat, nec licet quidquam exigere præcisè ob dilationem solutionis: quod verum est, etiamsi emptor sit in mora culpabili solvendi pretiù, quia non desinit idcirco esse Dominus rei, ac proinde etiam fructuum. Sed tunc tenetur compensare interesse, quod ex dilatione pretiù venditor patitur. Hinc quando venditio absoluta dissolvitur ex mutuo consensu, fructus sunt emptoris, cum tempore intermedio fuerit Dominus rei. Imò non potest venditor accepta solùm de pretio fide, fructus rei venditæ percipere, etiamsi res emptori non fuerit tradita, nec persolutum pretium: quia, perfecta venditione, sicut rei emptæ periculum & incommodum, prout mox dicemus, spectant ad emptorem, ita & fructus atque commoda ad eum pertinere debent: alicui inæqualis esset contrahentium conditio, ideoque injusta. Et ita statuitur Instit. *De empt. & vend.* ubi hæc ratio additur: *Nam & commodum ejus esse debet, cujus periculum est.*

Per rei periculum hîc intelligimus²⁶⁰ vel rei interitum, vel ejus deteriorem.

Dicimus imò. Si res vendita pereat post traditionem, fide de pretio data, perit emptori, etiamsi pretium nondum solverit; quia emptor est illius Dominus, cum per traditionem suppositò titulò Dominium rei acquiratur, res autem perit Domino suo.

Dicimus adò. Si res pereat ante traditionem, sitque res determinata ac certa, ut hic equus, hic grex, &c. similiter perit emptori, ex variis legibus, & ex *Instit. de empt. & vendit.* Ratio est legum dispositio, quæ etsi impediunt dominium ante rei traditionem; tamen statuunt, ut effectus ex eo profluentes, & omnia rei commoda ac incommoda post perfectam venditionem pertineant ad emptorem, perindè ac si jam translatum esset dominium rei, ex leg. 1. Cod. *De peric. & commod. rei vendit.* Et leg. 12. Cod. *De act. empt.* Emptio autem & venditio perficitur solo consensu mutuo contrahentium, seu simul atque de merce tradenda, & solvendo pretio determinato convenerint, dum sine scriptura res agitur, ex *Instit. sup.* Si tamen morâ vel culpâ etiamnum levi venditoris, qui rem custodire tenetur, donec tradiderit, res fiat deterior, vel pereat, vel si ita conventum sit, ipse tenebitur de damno. Item si venditio fiat sub conditione, & res pereat ante conditionis eventum, perit venditori: quia venditio sub conditione ante conditionis eventum non est perfecta, leg. 7. ff. *De contrab. & empt. &c.* ibi: *Conditionales*

nales venditiones tunc perficiuntur, cum impleta fuerit conditio. Ideoque ante illius eventum periculum & detrimentum rei pertinet ad venditorem, leg. 10. ff. *De jure dotium.*

V.

De obligationibus venditoris, & emptoris.

262 Dicimus 3tio. Si res sit indeterminata quoad individuum, seu, ut ajunt Juristæ *speciem*; ut si emanent sex modii tritici ex granario, sex oves ex grege; vel si res determinata sit quoad numerum tantum vel mensuram, v. g. hunc gregem taxato pretio in singula capita, totum acervum tritici unò aureo in singulas mensuras taxato &c. tunc ante traditionem, aut numerationem vel mensurationem res perit venditori, qui proinde tenetur restituere pretium, si erat solutum. Quia ejusmodi venditio censetur fieri sub tacita conditione, si venditor tradiderit tot oves, mensus fuerit tot modios tritici, &c. Ita leg. 35. ff. *De contrab. empt. &c.* Si tamen constitutus fuerit terminus, in quo res numeranda, vel mensuranda esset, & emptor monitus in mora sit, periculum rei deinceps emptoris erit: unde pereunte toto grege, vel acervo tritici, emptor pretium amittet, leg. 5. ff. *De peric. & commod. rei vendit. & Leg. 2. Cod. eod. tit.*

263 Dicimus 4to. Cum ex duabus rebus una disjunctivè venditur, v. g. ex duobus equis unus, non determinando utram, si ambæ pereant post venditionem absolutè factam, emptor teneturolvere pretium promissum, licet nihil receperit. Si verò alterutra duntaxat pereat, perit venditori, qui tenetur alteram tradere, leg. 34. ff. *De contrab. empt. & vendit.*

Præcipuæ emptoris obligationes sunt, 264 1mo. Ut pretium integrum solvat tempore constituto. 2do. Ut restituat quantum minoris rem emit. 3tio. Ut si venditor rei pretium ignoret, eum moneat, vel generaliter dicendo, rem pluris valere, vel etiam, si opus fuerit, specialiter assignando justum pretium, licet infimum assignare possit, quia infimò emere potest. Verùm hæ emptoris obligationes nullam habere videntur difficultatem, atque de iis jam alibi differuimus.

Obligationes verò venditoris hænu-265 merari solent. 1mo. Ut rei venditæ dominium tradat, prout conventum est. 2do. Ut quamdiu eam servat, servet quali suam. 3tio. Ut rescindat venditionem vi, metu, aut dolo factam, aut emptoris damnum debitò modò compenset. 4to. Ut emptorem de occultis defectibus admoneat. 5to. Ut evictio-nis lege teneatur. De 2da & 3tia. nulla hic occurrit difficultas, atque de iis jam egimus alibi. De cæteris ergo hæc nobis agendum est.

Circa 1mam. igitur queri solet, cui-266 nam res debeat, quæ successivè duobus fuit vendita.

Ad quod Resp. Si res neutri tradita sit, debetur priori emptori: quia res illa non poterat vendi alteri sine injuria prioris emptoris, qui jus ad illam prius habet, leg. 26. ff. *Locat.* Si verò res tradita sit secundo emptori; hujus est, quia per traditionem acquisivit ejus dominium, leg. 15. Cod. *De rei vindic.* Priori autem competit solum actio in

Yyy 2

ven-

venditorem, ut, vel rescisso secundo contractu, rem sibi tradat, vel compenset interesse: nam secundum leges solo contractu sine traditione non acquiritur Dominium.

Excipe, nisi res vendita vel donata sit civitatibus aut Ecclesiis, vel locis piis, aut ad pias causas: nam per solam emptionem aut donationem ante traditionem rei, ejus acquiritur dominium. Potest tamen prior emptor rem evincere à posteriore, si hic emit mala fide, hoc est, sciens rem jam alteriesse venditam: imò posterior tenetur rem spontè priori tradere, receptò pretiò, si impulerit venditorem ad sibi iterum vendendum, sciens rem jam esse alteri venditam: quia violat jus prioris emptoris, & est causa injusta venditionis & damni inde secuti; unde tenetur injuriam à se illatam tollere, & rescarcire.

Not. Hoc idem procedere in aliis contractibus, v. g. in locatione: nam si secundo conductori res locata tradita fuerit, is præfertur priori: quia habet tunc rei detentionem, à qua expelli non debet.

- 267 Circa 4tam. Resp. 1mo. Si emptor quærat, an res careat vitio, venditor tenetur ex justitia aperire rei vitia, præsertim occulta. Quia aliqui emptorem injustè deciperet: nam emptor habet jus cognoscendi rem, quam vult emere, & ut ei secundum veritatem respondeatur, idque bona fides contractus postulat. Quare si venditor asserat rem carere vitio, quæ occultum habet, & idèd illiciat emptorem ad eam emendam, aliàs non empturum, tenetur ad rescindendum contractum, si emptor velit; quia dolus illi causam dedit. Si verò eam emisset quidem, sed minoris, venditor

tenetur restituere ei ex pretio, quanti minoris justè emisset, nam eatenus eum decepit, eique fecit injuriam, leg. 13. ff. *De actione empt.* Quòd si venditor puraret manifesta vitia non deprehendi ab emptore, teneretur etiam illa aperire, quia generatim rogat de omnibus.

Resp. 2do. Si res putetur noxia, vel 268 inutilis ad usum, ad quem petitur, venditor, etiam non rogatus, tenetur ejus vitium aperire; alioqui tenebitur ad restitutionem pretii dati, & damnorum inde secutorum, ut si vendat, etsi pretiò modicò, corium fragile, vel panum adustum pro durabili; equum segnem pro generoso; animal infirmum pro sano; domum ruinosam pro firma; semina corrupta pro recentibus; carnes infectas; ovem morbidam, ex qua grex morbum contrahat; tigna vitiosa, unde ædes corruant; &c. Constat 1mo. ex leg. 13. ff. *De act. empt. & aliis.* 2do. Quia eo casu censetur emptor involuntarius, & quasi dolò ad emendum inductus, cum putet mercem bonam & sibi utilem offerri, talemque solum emere velit; & tamen noxia ac inutilis offertur. 3tio. *Venditor ex hoc ipso dat emptori damni vel periculi occasionem, quòd rem vitiosam ei offert, si ex ejus vitio damnum vel periculum incurvere possit*, ait S. Thomas 2. 2. q. 77. a. 3. *Sed qui occasionem damni dat, damnum dedisse videtur*, cap. ult. *de injur.*

Idem dic, si rem vitiosam vendas emptori 269 revendituro, quia eris causa periculi vel damni aliis emptoribus obventuri ex ignorantia vitii. Imò si res sit notabiliter minus utilis, quam rationabiliter exoptet emptor, tunc venditor tenetur ei defectum rei detegere; quia tenetur cum emptore secundum voluntatem ejus rationabilem contrahere, id enim exigit bona fides in contractibus

bus servanda. Sic merces, quæ diu servari nequeat, non licet vendere quærenti res diu servandas.

270 Porro venditor ignarus vitii occulti suæ mercis, tenetur eo cognito vel rescindere contractum, vel rescire inæqualitatem, restituendo excessum pretii. Nam injustum est retinere pretium majus, quam res valeat. Non tenetur tamen compensare alia damna inde secuta, modo absit culpa lata & levis: quia non est causa injusta illorum, cum ignorantia invincibilis cum excuset, sed se habet ut possessor bonæ fidei; & aliunde tenetur ex contractu de sola culpa lata & levi.

271 Not. Quamvis, dum vitium rei est manifestum, censetur notum emptori; si tamen venditor sciat emptorem illud non advertere, & esse periculosum, tenetur ei declarare, etsi non rogatus. Nam tunc respectu emptoris est occultum, & error dat causam contractui: deinde bona fides in contractibus debita id exigit. Idem dicendum, si vitium adverteretur intentioni, quam actu habet emptor in emendo, quamvis ex incuria illud non advertat; quia emptoris incuria nullum dat jus venditori, & nihilo minus verum est, quod emptor non vult, nec intendit emere rem cum tali vitio.

272 Resp. 3tio. Si vitium non reddat rem noxiam, nec periculosam, nec notabiliter minus utilem, quam emptor rationabiliter exoptet, nec venditor interrogetur de vitio, is non tenetur aperire vitium etiam occultum, modo minuat pretium pro ratione vitii: quia tunc nulla fit emptori injuria, nec damnum; & aliàs non possent conservari commercia in Republica: Nam si defectus omnes non notabiles in se,

nec relatè ad usum emptoris detegerentur, multi ab emendo detererentur in magnum venditorum detrimentum, vel multum de pretio justo detraherent.

Si tamen venditor probabiliter judicet emptorem rem eam esse revenditurum tantò pretiò, quantò si defectu seu vitio careret, tenetur ei aperire defectum saltem post initum contractum: quia hoc ipso, quod rem suam exponat venalem cum occulto vitio, tenetur ex officii sui lege cavere ex parte sua, ne quis inde aliquod damnum patiatur; & aliàs daret occasionem damni aliis inferendi. Imò si emptor non aliter consentiat in contractum, nisi posita conditione, quod res careat tali vitio licet non noxiò, & venditor expressè id cognoscit aut ex verbis emptoris, aut verisimiliter ex aliis signis aut conjecturis, quocumque pretio res vendatur, fit injustitia erga emptorem accipiendo pretium non detectò vitio: quia tunc contractus est nullus, cum consensus emptoris fuerit conditionalis, & desit conditio, cui alligatus erat.

Circa 5tam. Not. *Evictio* dicitur rei, 273 quam quis emit, aut donò accepit ab eodem abductio per Judicis sententiam facta; unde si domum vendideris Petro, à cuius potestate eam extrahit Titius, probans te eam non potuisse vendere, quia tua non erat, sed Titii, teneris Petro de evictione, & debes ei pretium reddere, quanti scilicet res evictionis tempore æstimabitur: debes insuper eidem interesse refundere, in quantum ejus intererat rem illam non evinci. Ex leg. 70. ff. De evict. *Evicta re exempto, actio non ad pretium duntaxat recipiendum, sed ad id, quod interest, competit.*

Yyy 3

Vca-

274 Venditor non tenetur de eviſione, niſi cū rem, quam vendidit, cognovit eſſe alienam; quia quod ſine culpa factum eſt, in damnum vocari non debet: unde tunc tenetur tantummodò conſentire in reſciſſionem contractūs, & pretium reſtituere.

275 Eviſio locū habet non ſolū in venditione, ſed etiam in permutatione, & in quolibet alio contractū oneroſo; ut ſi creditori rem aliquam dederis in ſolutum pro debito aliquo. Item locum etiam habet in uſufructu eviſio, quia eſt quāſi pars rei venditæ.

276 Si res vendita in eodem ſit ſtatu cū evincitur, ac cū vendita fuit, ſufficiet, ut venditor reſtituat & ſolvat 1mo. pretium acceptum. 2do. impenſas contractūs. 3tio. quod ad rem obtinendam ſolvendum fuit, ut jura cenſualia.

277 Si rei valor imminutus ſit vel ab extrinſeco, quia minoris nunc venduntur res ejusdem naturæ, quā tempore contractūs; vel ab intrinſeco, putā quia ex mille jugeribus traditis ducenta flumen abſtulit, non tenebitur venditor niſi valorem præſentem refundere; in hoc enim ſolū valore conſiſtit damnum quod patitur: *Quod perit*, ait Juſ, *damnum emptori, non venditori*, attulit, Leg. 64. ff. *De eviſ.*

278 Multi ſunt caſus, in quibus venditor de eviſione non tenetur, ut ſi emptor non ei denuntiet motam eſſe litem ſuper illa re, ut videat an eam defendere velit. Item ſi expreſſum fuerit in contractū, ut venditor bonæ fidei de eviſione non teneretur; aut ſi venditore abſente emptor non appellaverit, &c.

VI.

De diſiſione emptionis & venditionis, & præcipuis ejusdem ſpeciebus.

Venditio multipliciter dividitur. 1mo. 279 Ratione rei, alia eſt rei mobilis, ut librorum; alia rei immobilis, ut fundi; alia rei ſe moventis, ut equi, &c. 2do. Ratione modi, quo perficiuntur contractus, alia eſt abſoluta, alia conditionalis, alia cum pacto retrovendendi, additionis in diem, legis commiſſoriæ, &c. 3tio. Ex parte loci & modi, quo ad executionem reducitur, alia eſt quæ ſit ſub haſta voce præconis; alia quæ palam non ſit; item vel ſit mercibus minutim, vel in cumulo venditis. 4to. Ex parte finis; vel enim emitur res, ut revendatur, ſive mutata per artem & induſtriam, ſive nullatenus mutata, & eſt negotiatio; vel non ſit ob hunc finem, & eſt communis venditio. 5to. Ratione pretii, in eam, quæ ſit creditō; & eam quæ ſit numeratā pecuniā in præſenti; ac denique, quæ ſit anticipata ſolutione. 6to. Ratione perſonæ, in eam, quam venditor per ſe exequitur, & eam, quam facit per alios, ut per proxenetas, ſeu fautores. 7mo. In eam, quæ ſit taxatō ad nutū venditoris pretiō, & dicitur monopolium; & quæ ſit ſine hujusmodi conventionē.

De quibusdam hiſce venditionum ſpeciebus jam egimus, cæteras perfequimur. Atque 1mo. de venditione & emptione cum pacto factis agemus.

I. Venditio & emptio fieri potest cum triplici pacto. 1mo. Retrovenditionis vel redemptionis. 2do. Legis commissoriae. 3tio. Additionis in diem.

280 De Venditione & emptione cum pacto factis. Venditio cum pacto de retrovendendo est contractus, quo res aliqua venditur eo pacto & conditione, ut cum venditori placuerit, debeat emptor hanc illi revendere. Venditio verò cum pacto de redimendo, est contractus, quo res aliqua venditur cum pacto & conditione, ut cum emptori placuerit, debeat venditor eam ab emptore redimere. Prior venditio fit in favorem venditoris; altera in favorem emptoris. Fieri etiam potest in favorem utriusque, cum contrahentes inter se conveniunt, ut quoties venditor reddiderit pretium, reddatur ei res vendita; & e contra quoties emptor reddiderit venditori rem emptam, reddatur ei pretium.

281 Contractus cum pacto retrovenditionis in favorem solius venditoris licitus est; modò frequentibus conditionibus vestitus sit: 1mo. Ut contrahentes veram habeant intentionem emendi & vendendi; si enim malint mutuum exercere, quàm vendere & emere, non carent usurà. 2do. Ut rei venditæ dominium pertineat ad emptorem, qui fructus ut suos percipiat, & subeat rei periculum, prout res unaquæque Domino perit. 3tio. Ut servetur identitas rei venditæ, ut si vendatur vacua, vacua revendatur, si cum fructi-

bus, cum fructibus redimatur. 4to. Ut non vendatur pretiò nimis vili, quod reprobatur Cap. *Ad nostram, De empt. &c.* non ergo reprobatur, si pretium justum fuerit & sufficiens. Debet tamen res cum pacto retrovenditionis vendita minùs vendi quàm valeat secundum se, quia onus illud & gravamen, quo rem non possides incommutabiliter, sed aliquando eam revendere cogaris, debet minuire ejus pretium; quanti minoris verò res ob tale gravamen vendi debeat, prudenti judiciò determinandum videtur. 5to. Nec addi debet pactum, quòd res minoris revendatur, cum possit plurius valere cum revendatur, quàm cum empta est.

Licet autem esse hujusmodi contractum habetur 1mo. ex S. Scriptura ubi approbatur, imò & quasi præcipitur, Levit. 25. v. 24. 2do. Ex Jure Civili, Leg. 2. Cod. *De pactis inter emptorem & vendit. &c.* 3tio. Ex Jure Canonico, ubi approbantur census redimibiles, de quibus infra; qui census semper annexum habent pactum redimendi in gratiam venditoris.

282 Aliter dicendum est de contractu venditionis cum pacto redimendi, in favorem solius emptoris; is enim in praxi tutus non est, sed procul amandari debet, utpotè qui usuram sapiat; ut patet ex hoc exemplo: Petrus emit à me pratum centum florenis, hoc pacto, ut quando voluerit, pratum redimere

mere cogar, interim prati fructus colligit, & postea vult ut centum florenis illud redimam, dum interim prati mei fructus instar lucri supra sortem percepit. Possè tamen talis contractus permitti nobis videtur, si fructus percepti in partem pretii computentur, & à forte abducantur.

- 283 Contractus denique cum pacto retrovenditionis in favorem utriusque, licet minus periculi habeat, satis tamen habet mali, ut permitti non debeat; præsertim cum facilius sit emptori rem reddere perceptis ejus fructibus, quam venditori reddere pecuniam: solent enim, qui bona sua sic vendunt, vel vendere simulant, in magnis angustiiis esse.

- 284 Hic adiungimus contractum, quem Hispani *Mobatra* vel *Baruta* vocant, ut & Retractum gentilitium ob suam cum contractu cum pacto retrovenditionis &c. connexionem.

Contractus *Mobatra*, est ille, quo quis pecuniâ indigens emit creditò à mercatore merces majori pretiò, easque statim ipsi vendit villiori pretiò. Illicitus est talis contractus, utpotè usurarius, & damnatus in Concilio Mediolanensi sub S. Carolo; necnon ab Innocentio XI. anno 1679. *Contractus ille*, inquit S. Antoninus 2. part. tit. 1. c. 8. §. 8. *usurarius est, & omni malignitate & duplicitate plenus.* Hinc non obediunt sunt antiques, qui vendunt vasa aurea vel argen-

tea cum pacto retrovendendi, non habita ratione laboris & industriæ. Secus si eadem vasa alia data occasione redimerent; quia, secundum communem hominum æstimationem, vasa argentea non tanti valent in manibus privati hominis, quanti in manibus aurificis.

Retractus gentilitius verò seu 285 redhibitio gentilitia (*Zugrecht*) est Jus concessum proximo venditoris consanguineo intra certum tempus rescindendi, & ad se revocandi venditionem rei immobilis eodem oblato pretio, quo illa ab extraneo, vel remotiore consanguineo empta fuerat.

Dicitur 1mo. *Jus*, ut ostendatur peccare contra iustitiam, qui fraudibus impedit consanguineum, quominus ad se revocet rem venditam. 2do. *Intra certum tempus*; quia leges municipales terminum præfixerunt, extra quem consanguinei jus non habent rescindendi venditionem. 3tio. *Revocandi venditionem*; quia si per donationem, per mutationem, aut alium contractum res fuerit alienata, consanguinei eam retrahere non possunt. 4to. *Rei immobilis*; quia redhibitio gentilitia non extenditur ad res mobiles. 5to. *Eodem oblato pretio*; non enim licet emptori exigere à consanguineis, sicut posset ab extraneis, plus quam solvit venditori.

Licetum esse Retractum gentilitium vel hinc patet, quòd
om-

omnium ferè nationum moribus, Principum & Legum auctoritate, populorum consensu introductus fuerit & concessus eapossimum ratione, quòd satis lugalubre sit, possessiones paternas & avitas ad alienas manus devenire, ut habetur Leg. 22. §. *Nec verò*, Cod. *De administratione tutorum*. Quare extraneo nec vendi nec cedi potest.

Ex dictis sequitur Eum contra justitiam peccare, 1mo. Qui simulata permutatione, aut alio contractu occultat venditionem in fraudem consanguineorum. 2do. Eos, qui fingunt se majori pretiò emisse, quàm re vera emerint, ad deterrendum consanguineum à repetenda paterna possessione. 3tio. Eum, qui nomine consanguinei precibus lecti, aut premiò conducti ab emptore rem emptam vindicat; & in hoc casu tam extraneus, quàm consanguineus ad restitutionem tenentur, cum uterque sit causa injustitiæ. 4to. Eum, qui rem emptam retrahit, ut majori pretiò vendat; tùm quia venditor, cum sit rei Dominus, jus habet illam vendendi, quo voluerit pretiò; nec in hoc læduntur consanguinei, sicut nec læderentur, si eam gratis donaret: tùm quia consanguineus hac iterata venditione censeretur extraneo jus suum vendere, quod tamen alienare non potest.

- 287 Venditio cum pacto legis commissoriæ, est ea, qua vendens ea lege aliquid vendit, ut nisi emptor intra certum tempus pretium ejus sol-
- P. Cartier Theol. Tom. III.*

vat, res sit inempta, & contractus irritus. Contractus iste licitus est, tùm quia approbatur in Jure civili; tùm quia nemi nisi infert injuriam.

Venditio cum pacto adjectio 288 nis in diem est ea, qua aliquid venditur ea conditione, ut si alius intra tempus definitum meliorem offerat conditionem, sive pretio aliquid addendo, sive solvendo tempore & loco opportuniore, sive aliter, res maneat inempta. Hæc venditio iisdem de causis justa est & licita, propter quas licitam esse diximus venditionem cum pacto Legis commissoriæ; modò absit fraus & dolus, putà si venditorem pœniteret contractus, & fictum emptorem induceret, qui majus pretium offerre simularet.

2do. Dicendum nobis est de 289 II. ea venditionis specie, quæ *Negotiatio* nuncupatur seu *Mercatura*, estque emptio rei cum intentione eam integram & immutatam vendendi lucrì gratià.

De Negotiatione seu Mercatura.

Dicitur 1mo. *Cum intentione vendendi*; quia si quis emeret pannum v. g. aut equum, sive instrumentum in proprios usus, licet fortè data occasione alteri venderet, non esset negotiator aut mercator, quia ista non emisset cum intentione vendendi. Dicitur 2do. *Eam integram & immutatam*. Qui enim emit ferrum vel frumentum ad clavos, vel panes coificiendos, mercaturam non exercet, sed artificium; à quo denominatur artifex.

Z z z Ne-

290 Negotiatio per se licita est, ut habetur Dist. 88. cap. Fornicari (c). Fornicari hominibus semper non licet, negotiari vero aliquando licet, aliquando non licet. Etratio est, quia lucrum intendere ad honestum finem, v. g. ad sustentandam familiam, per se est honestum. Unde S. Augustinus in Psal. 70. *Negotiatio, inquit, hominem non facit malum, sed iniquitas & mendacium.*

Nec obstat cap. *Ejiciens*, cit. dist. 88. ubi hæc habentur: *Ejiciens Dominus vendentes & ementes de templo, significavit, quia mercator nunquam potest Deo placere; & ideo nullus Christianus debet esse mercator; aut si voluerit esse, projiciatur ex Ecclesia.* Nam verba hæc ex auctore Operis imperfecti in Matthæum, quod Opus perperam S. Chrysostomo adscribitur, desumpta sunt, quod Opus non pauca à fide aliena continet. Quod si quis benignam adhibere velit interpretationem, dicendum est cum S. Thoma, hic sermonem esse de negotiatione, quatenus in lucro per eam quaesito finem ultimum quis constituit, aut qualiter nimis communiter exercetur, scilicet cum mendacio & perjurio, ut dicitur cit. cap. 11. *Ejiciens.*

291 Et certè omnes fatentur, negotiationem plerisque hominibus adeo esse periculosam, ut facile non sit alicui persuadendū, ut eam exerceat: id enim penè in-

tendunt negotiatores, ut divites fiant, porro qui volunt divites fieri, incidunt in tentationem & in laqueum Diaboli, & desideria multa inutilia & nociva, quæ mergunt homines in interitum. 1. ad Tim. 9. Eodem pertinet illud Ecclesi. 26. v. 28. *Dua species difficiles & periculosa mihi apparuerunt, difficile exiit negotians à negligentia, salutis nempe, ut intelligunt Doctores, & efficacius probat experientia; & non justificabitur caupo, sive venditor, à peccatis labiorum.* Unde Negotiatio Clericis & Religiosis strictè interdicta est, quia commercium periculi plenum, quale est Negotiatio, quod hominem implicat negotiis secularibus, eumque à Deo penitus avocat, Clericis & Religiosis, qui se suaque Evangelio consecraverunt, permixtum esse non debet, cum vix laicis licitum sit, ut diximus. *Antequam Ecclesiasticus quis sit, sunt verba Can. 10. Dist. 88. licet ei negotiari; factò jam non licet. & Can. 6. Ne Clerici vel Monachi &c.* Sic loquitur Alexander III. *Sub interminatione anathematis prohibemus ne Monachi vel Clerici, in sacris constituti scilicet vel Beneficarii, causâ lucri negotientur;* quod arguit hujusmodi peccare mortaliter; quia major excommunicatio, non nisi ob peccatum lethale, incurritur.

3tio,

III. De venditione que fit creditò vel anticipata solutione.

292 3to. De venditione, quæ fit creditò, vel anticipata solutione nobis agendum. Dicimus ergo: non licet iustò pluris, id est ultra pretium summum vendere creditò seu ob dilatatam solutionem pretii; nec iustò minoris, id est, infra pretium infimum emere ob anticipatam; nisi addit alius titulus, ut lucrum cessans, vel damnum emergens. Ratio primi habetur ex c. 6. & 10. *De usuris*. ubi statuitur, eos, qui taliter vendunt, ad restitutionem efficaciter esse inducendos. Item, quia carius vendere ob concessam solutionis dilationem est mera usura; idem enim est, ac pecuniam, ex qua solvendum erat pretium, mutuum date emptori, & pro ea maiorem accipere pecuniæ summam. Ratio adi. est, quia, ut loquitur S. Thomas, *ista anticipatio solutionis pecunia habet mutui ab emptore dati rationem, cujus quoddam pretium est, quod diminuitur de iusto pretio rei emptæ*. Adeoque qui solutionem pretii ita anticipat, idem præstat, ac si nunc mutuum daret pecuniam usque ad tempus mercis accipiendæ; ratione autem mutui aliquid ultra valorem rei exigere injustum ac usurarium est.

Hinc injustum est nunc emere pretio corrente triticum primum eo tempore tradendum, quo plus valiturum speratur. Licet tamen merces emere minori pretiò, quam valeant, cum emuntur, si verisimiliter putetur eas minus valituras tem-

pore quo tradentur, nam aliàs emptor damnum pateretur.

Mercatoribus tamen, qui creditò vendunt, plerumque non licet aliquid supra iustum pretium exigere sub titulo lucri cessantis; quia rarò lucrum eis ideò cessat, imò ordinariè augetur: nam sic vendendo plures emptores habent, & plures merces vendunt, quàm si exigent solutionem præsentem, & liberi sunt à periculo, & labore conservandi merces.

Diximus: *plerumque*, nam mercator carius vendere potest creditò, cum pretium suum obtinere non poterit sine expensis, quia expensæ faciendæ locum habent damni emergentis, ut si emptor absens esse debeat, aut si non soleat solvere nisi post mortem venditoris ad eum itinera, &c.

4to. Occurrit venditio creditòrum, chyrographorum, & censuum; atque quæritur, an licitum sit ea minoris emere, quàm contineant; v. g. an jus ad centum nummos solvendo intra annum emi possit numeratis tantum nonaginta?

Communis autem est Doctorum sententia, quòd seculò lucro cessante, vel damno emergente, non liceat credita & chyrographa liquida ac secura minoris emere, quàm contineant. Ratio est, quia in huiusmodi contractibus non servaretur æqualitas pretii cum re emptæ; ut enim æqualitas in

Zzz a

ta-

IV. Venditio creditòrum, chyrographorum, & censuum.

tali contractu non servari dicatur, sufficit, quòd v. g. centum nummi post sex menses certò solvendi tanti valeant, quàm centum nummi actu existentes & præstes. Atqui centum nummi post sex menses certò solvendi tanti valent, quanti centum nummi præstes; si enim minùs valerent nummi centum post menses sex certò numerandi, tunc utique ob dilationem temporis. Atqui valor eorum ob solam temporis dilationem minui non potest, alioqui licita esset usura, quæ ob solutionis dilationem aliquid accipit supra sortem. Et verò qui creditum aut chyrographum centum nummorum post sex menses certò solvendum emit nummis nonaginta præsentibus, idem facit, ac si nonaginta nummos actu mutuo daret ea conditione, ut post sex menses centum reciperet. Atqui hoc est mera usura.

- 294 Ob eandem rationem non licet census jam constitutos nulli periculo expositos emere infra pretium lege vigente taxatum. Alioqui emerentur viliius iustò; cum pretium legitimum sit indivisibile, & census jam constitutus nulli periculo ac difficultati expositus tanti valeat, quanti novus. Quod si lex sit abrogata per consuetudinem legitime præscriptam, vel revocata ex consensu saltem tacito Principis, ita ut census constitutus habeat pretium vulgare (ut varii dicunt ex consuetudine habere) potest infimò pretio emi census, qui summò ven-

ditus fuit, cum utrumque justum sit.

Si tamen hujusmodi credita, &c. sint litigiosa, vel si eorum solutio sit incerta, aut cum difficultate & molestiis exigenda, tunc licet emuntur minoris quàm contineant: nam tunc in æstimatione communi minus valent, quod enim est tantum in spe, minoris valet, quàm quod est in actu; atqui quod dubium est, est sicut id, quod est in spe, & quod est certum, sicut quod est actu. Hinc ex leg. *Minus. ff. De Reg. Jur. Minus est actionem habere, quam rem*, quæ scilicet certò & sine molestiis haberi nequit. Non licet tamen ipsis debitoribus ea sua debita minoris emere, cum ipsi sint causa eorum minoris æstimabilitatis, & teneantur ad integram solutionem.

§to. Pauca dicenda veniunt 296 de venditione per proxenetas, & eà, quæ sit accepta arrhâ.

V. Venditio per proxenetas, & ea, quæ sit accepta arrhâ

Per proxenetas seu factores ii intelliguntur, quibus aliquid committitur vendendum aut emendum nomine committentis.

Proxenetæ igitur debet totum pretium rei venditæ Domino dare. Ratio est, quia nullum habet titulum iustum aliquid ex pretio retinendi: non ratione rei, quia ejus non est; non ratione industrie, aut laboris, quia vel pro eo accipit, vel gratis id se facturum testatus est.

Similiter si alterius rem emit infra pretium sibi præfixitum, non

non potest residuum pretium sibi retinere : quia præscribens pretium non intendit excessum donare, sed solum vult, ut res non pluris ematur. Hinc Sartores peccant retinendo excessum pretii datii ad emendum pannum; vel si faciliores sint in licitando, eo quod à mercato- re aliquid obtineant; nam tenentur aliorum negotium à se susceptum utiliter gerere perinde ac suum : & hoc ipso, quod quis alterius mandatum suscipit, se obligat ad ejus commodaprocuranda; nec aliter res gerenda alteri committitur. Neque possunt operam impensam occultè compensare; nam sufficienter compensatur per hoc, quod iis præ aliis vestis facienda committatur, & communi pretio persolvatur. Deinde qui negotium alterius suscipit, nihil petendo, censetur velle suam operam gratis præstare, ex leg. 1. ff. *Mandat, &c.*

Arrha.

297 Quod spectat ad Arrham, describi potest Species quædam pignoris, quod ab emptore venditori datur, sive ut ostendat se venditionem habere pro perfecta, sive ut rei emptæ pretiū solvere incipiat, seu demū in multam, si forte contractui stare nolit. Hinc arrhæ suum, prout facta est conventio, effectum habent, quia licet regulariter arrhæ sint perfectæ emptionis & venditionis argumentum, aliquando tamen sunt argumentum emptionis & venditionis contrahendæ, prout ex variis legibus colligitur. Quod si qualis esse debeat arrharum effectus nulla expressa conven-

tione declaratur, is, qui recusat adimplere contractum, si emptor est, perdit quod dedit; si verò venditor stare contractui nolit, duplum restituere compellitur, Instit. lib. 3. tit. 24.

6to. Denique venit Monopolium, vox græca, quæ unius venditionē sonat, estque conventio unius vel pluriū mercatorum ut soli, vel certò, quo voluerint, pretiò mercem aliquam vendant.

Monopolium publica aucto- 299 ritate constitutum licitum est si fiat ob justam causam & justò pretiò: quia hoc interdum postulat bonum commune; ne scilicet deferatur rerum aliquarum negotiatio, vel artificium: sunt enim aliquæ merces, quæ sine magnis sumptibus comparari nequeunt, quos sumptus ob damni periculum nemo vellet in se suscipere citra privilegium, vi cuius eas solus vendere possit, prout liquet in Librorum impressione. Præterea id potest Princeps, cum ipse ob bonum commune necessaria est pecunia; sed tunc moderatè taxari debet pretium illarum mercium, præsertim si sint communiter necessariae ad commodè civiliterque* vivendum: nam aliàs daretur occasio privatis alios pro arbitrio gravandi, magnòque damno afficiendi. In eo ergo nemini fit injuria, modò curent Magistratus vel Princeps, ne mercatores aut artifices, prætextu privilegii, pretium immoderatum exigant.

Monopolium verò privata 300 auctoritate constitutum prohibitum est non solum lege humana, Cod. *De Monopol.* Sed etiam

Zzz 3

di-

298 VI.
Monopolium.

divinâ naturali : nam imo, est contra charitatem vctantem, ne quis impediatur commodum aliorum, & efficiat, ut proximus rem carius emat, quam esset empturus; nemo enim vellet id sibi fieri. 2do. Contra bonum commune, cum monopolium multis noceat. 3tio. Contra iustitiam commutativam, ideoque monopolæ tenentur ad restitutionem : nam populus habet jus, ut privata auctoritate & ob bonum privatum pretia rerum non augeantur, vel caritas variis machinationibus inducatur. Atqui per tale Monopolium populo & civibus jus illud aufertur, hique coguntur, ut eo, quo voluerint, etiam summô & rigorosô, imô suprâ adhuc, Monopolæ, pretiô merces emant; quod juri naturali divino repugnat. Ergo &c.

301 Quomodo autem fieri debeat restitutio propter Monopolium, communiter relinquitur judicio viri prudentis. Æqualitas tamen videretur reponi reduciendo contractum ad pretium mediocre seu medium.

302 Ad monopolium refertur imo. Quando mercatores supprimunt merces suas, ut inde earum pretium crescat : injustus tamen non esset, qui suas merces servaret in illud tempus, quo cæteræ rariores essent, modò ex illa suppressione non oriretur caritas; si inde oriretur, peccaret contra iustitiam, quia esset causa injusti pretii rerum venalium. 2do. Quando aliquis congerendo omnes ferè merces, inducit earum raritatem & ca-

ritatem : secus si non induceret. 3tio. Si quis vi vel fraude impediatur, ne merces aliunde advchantur, unde oritur caritas. 4to. Si Mercatores disseminant rumorem subversas esse naves, quibus merces erant impositæ, vel aliundè eas periis, unde rerum pretium augeatur. 5to. Si opponatur fictus licitator, ut alter & verus licitator majori pretiô emere, ac sic pretium augere cogatur. 6to. Si multi conveniant, ut opus ab uno inchoatum, alter non perficiat; quod expressè prohibetur *Leg. Jubemus, Cod. De Monopolis.* 7mo. Si artifices conveniant non docere artem suam, nisi filios & nepotes, aut nisi certò pretiô injustò.

Cæterùm si ex monopolio 303 aliorum mercatorum raræ factæ sint merces, licet mercatori monopolii non participi vendere suas pretiô per monopolium constitutò; secus verò si rariores non sint; quia pretium à monopolis impositum est injustum.

§. II.

De Mutuo.

Mutuum secundùm nominis 304 etymologiam significat id, quod ex meo tuum fit : secundùm nominis usum aliquando sumitur pro re ipsa, quæ mutuo datur, ut cum dicitur dari vel reddi *mutuum*. Frequentius accipitur pro contractu, quo ea res alteri datur; atque hæc *mutui* acceptio præsentis est instituti ;

mut-

mutuum verò sic sumptum definiri potest *Contractus, quo res numerò, pondere, vel mensurà constans traditur eo animo, ut statim fiat accipientis, cum obligatione reddendi similem in specie, & bonitate, post lapsum temporis.* Ex leg. 2. ff. *De rebus credit.* Et Instit. lib. 3. tit. 15.

Dicitur 1mo. *Res numerò &c.* Mutuum enim versatur circa res, quarum alix in numero dantur, ut pecunia, oves, fructus; alix in pondere, ut panis, caro, æs, argentum, aurum, &c. alix in mensura, ut vinum, oleum, aliaque liquida, vel arida. 2do. *Traditur;* quia mutuum traditione perficitur, quo distinguitur ab iis contractibus, qui non requirunt traditionem rei, quales sunt ii, qui verbis perficiuntur, ut emptio, venditio, locatio, &c. 3tio. *Ut statim fiat, &c.* Nam per mutuum dominium rei transfertur; & sic etiam distinguitur ab iis contractibus, quibus dominium non transfertur, quales sunt depositum, conductio, locatio, &c. 4to. *Cum obligatione;* per hoc differt à certis contractibus gratuitis, puta donatione. 5to. *Reddendi similem &c.* per hoc differt tum à commodato, locato, & conducto, quatenus scilicet res reddenda alia esse debet, utpote in quibus quia usus rei tantum conceditur, non autem substantia, res eadem percepto usu, reddi debet; tum à permutacione, quatenus nempe hæc res reddenda, licet alia in individuo, eadem tamen est specie; permutacio autem rebus potissimum diversæ speciei perficitur. 6to. *Post lapsum temporis.* Nam est mutuo intrinsecum, ut non statim reddi debeat, alioqui esset inutile mutuatariorum: & per hoc differt à cambio, ubi v. g. pro moneta aurea statim redditur argentea ejusdem valoris.

Obligaciones mutuatoris sunt 1mo. 305
Ut moneat mutuatarium de vitio rei, si quod ei insit; aliqui tenebuntur de damno, cum ei causam dederit. 2do. Ut non repetat mutuum ante tempus præfixum. Quod si non sit constitutum, non potest repeti nisi post aliquod tempus iudicio prudentis assignabile, spectatis circumstantiis & sine, ob quem datur; quamvis teneatur illud ante tempus præfixum recipere. 3tio. Ut non plus exigit; quam valeat res mutua: nam mutuum est contractus essentialiter gratuitus, & aliqui esset injusticia & usura.

Mutuatariorum verò ex natura mutui 306
tenetur 1mo. Reddere mutuum tempore statuto; quod si non sit constitutus terminus, quando mutuator rationaliter repetet. 2do. Si ex culpa sua non reddat tempore debito, tenetur compensare mutuantem damnum inde secutum, & lucrum cessans, cum sit illius causa injusta; nisi ex eo, quod mutans tunc non repetierit mutuum, prudenter judicet terminum prorogasse. 3tio. Tenetur de omni casu fortuito, ita ut non liberetur, nisi cum mutuator mutuum re ipsa acceperit vel per se ipsum, vel per alium à se designatum; quia tunc res semper manet mutuarii, & sic ei perit. 4to. Tenetur reddere rem ejusdem speciei & bonitatis; nec sufficit, si solvat ejus pretium, nisi mutuator sponte consentiat; mutuum enim eadem bonitate, qua datum est, eodemque genere seu specie reddi debet, leg. 3. ff. *De reb. cred.* Neque enim mutuum est venditio aut permutacio.

Quæritur 1mo. In qua specie & boni- 307
tate res mutuata reddi debeat? Sed conclusa speciali conventionione iusta, certum est, quod non possit exigi pecunia eadem

dem in ſpecie phyſica, ſed ſolùm eadem in valore quem habuit tempore mutui, ſive interim valor monetæ auctus fuerit, ſive imminutus, ſaltem ſi tempore mutui hæc mutatio non fuit præviſa nec ſpectata: nam cum in pecunia per ſe ſpectetur ſolùm valor extrinſecus, non verò entitas phyſica, & exuſu conſequetur ſpeciem monetæ poſſiſſimùm deſumi ex valore, non ex materia, reddendo valorem, quem habuit tempore mutui, tantum reddiſſis, quantum accepſiſti. In aliis verò rebus, in quibus per ſe ſpectatur, & intenditur rei entitas, reſtitui debet in eadem ſpecie phyſica, v. g. triticum pro tritico, & quidem in eadem menſura, ſive pretium ejus creſcat, ſive decreſcat, quando tempore mutui hæc mutatio non prævidetur, nec ad eam attenditur: quia cum in iis rebus entitas, & bonitas intrinſeca ſpectetur, reddendo eandem menſuram ejusdem ſpeciei phyſicæ, & bonitatis intrinſecæ, tantum redditur, quantum acceptum eſt, & ſic ſervatur æqualitas.

308 *Queritur 2do.* An liceat paſcifici de reddenda re mutuata in eadem menſura, & quantitate, vel pecuniâ in eadem ſpecie phyſica? Si ſit dubium an res tempore reſtitutionis valitura ſit pluris aut minoris, licet paſcifici, ut reddatur par menſura rei æquè in ſe bonæ, & eam ſuo tempore accipere, quamvis interim pretium ejus valde creverit, ex cap. ult. *De uſur.* Quia tunc par eſt contrahentium conditio, & ſervatur æqualitas: nam erga utrumque eſt æqualis ſpes lucri, & æquale periculum damni. Idcirco licet etiam exigere tot in ſpecie phyſica nummos, quot dati ſunt, ſive valor mutetur, ſive non, quando utrumque eſt æquè probabile. Quòd ſi verò certum ſit vel ſaltem probabilius rem tempore ſolutionis plus valituram, quàm modò, vel valorem mo-

netæ augendum, non licet exigere parrem menſuram vel parrem numerum numerorum, ſed ſolùm eam menſuram quæ tunc æquabit valorem præſentem rei mutuatæ, vel pretium æquale monetæ mutuatæ: quia aliqui exigetur ultra id, quod æquivaleret rei mutuatæ, quod eſt uſura: res enim tempore ſolutionis pluris valebit, quàm eo, quo traditur. Hinc ſi ſex modii tritici nunc valeant duodecim aureis, non licet totidem exigere, ſi tempore ſolutionis valituri ſint quindecim.

Excipe niſi ſtatuiffes rem vel monetam tuam uſque ad illud tempus ſervare; nam tunc licet paſcifici, ut moneta in eadem ſpecie phyſica, vel res mutuata cum eo incremento reddatur, deducta æſtimatione laboris, periculi, & ſumptus, in ea re uſque ad illud tempus ſervanda; nam tunc id exigitur ratione lucri ceſſantis.

§. III.

De Uſura.

Quamvis ab aliquibus uſuræ tracta-
tio ad Traſſatum de peccatis, quò propriè pertinere videtur, rejiciatur, nos tamen de ea hîc ſtatim agere commodius eſſe cenſuimus, propter connexionem ſcilicet quam cum mutuo habet, utpote cujus quædam ſpecies eſt.

Uſura igitur ab utendo dicta idem ſignificat ac uſus ſive bonus ſive malus: unde uſura latè ſumpta eſt quodlibet lucrum ſive licitum ſive illicitum, vel fructus ex aliqua re perceptus. Stricte ſumpta, prout hîc eam ſumimus, deſinitur *Lucrum temporale præciſe ratione mutui perceptum, vel quaſitum: ſive Lucrum immediatè ex mutuo proveniens.*

Dicitur 1mo. *Lucrum temporale*, id est, pecunia, vel quilibet pretio æstimabile; nam, ut ait S. Thomas 2. 2. q. 78. a. 2. *Secundum Philosophum omne illud pro pecunia habetur, cujus pretium potest pecuniâ mensurari.* Hinc non est usura mutuare ad acquirendam amicitiam alterius; quia hæc non est pretio æstimabilis.

Dicitur 2do. *Præcisè ratione mutui seu ex mutuo immediatè proveniens.* Si enim lucrum aliunde proveniat, usura non est, etsi injustum sit & illicitum, ut cum aliquid venditur supra legitimum pretium. E contra quidquid pretio æstimabile ultra sortem reddendum, sive ante sive post mutuum datum exigitur, vel accipitur tanquam ex mutuo debitum, usura est. Mutuò tamen gratis datò, si quid sponte & liberaliter offeratur, id mutuans licitè accipit, non quasi exigens, nec quasi ex aliqua obligatione tacita vel expressâ, sed sicut gratuitum donum: quia etiam antequam pecuniam mutuasisset, licitè poterat aliquid donum gratis accipere: nec pejoris conditionis efficitur per hoc quòd mutavit, inquit S. Thomas, 2. 2. q. 78. a. 2. Sed in praxi non licet aliquid accipere à pauperibus, & raro ab aliis accipere licet: quia raro donant spontè ac liberaliter; sed plerumque dant solùm vel ad ulteriorem dilationem solutionis obtinendam, vel ex metu, ne aliàs mutuum deinceps recusetur.

310 Usura sic definita multiplex est, alia enim est realis, alia mentalis, aperta alia, alia palliata, alia pactionalis, alia actionalis, alia sortis, alia usurarum, alia notoria, alia occulta.

Usura realis est ea, quæ in mutuo vel apertè deducitur in pactum, ut si quis dicat expressis verbis *Mutuo ea le-*
P. Cartier Theol. Tom. III. -

ge, ut exactò annò des quinque supra centum; vel salem exterius insinuatur mutuum non dari nisi sub spe & voluntate aliquid recipiendi supra sortem, ut si dicat fœnerator, *vossum movem meum in mutuando*, &c. Mentalis est ea, quæ ex mutuo intenditur, & de facto percipitur, sed absque pacto quocumque exteriori. Hinc patet usuram non dici mentalem, prout pleraque peccata dicuntur mentalia, quia scilicet in sola mente consummantur; sed sicut Simonia, quæ licet exterius perficiatur, dicitur mentalis quando fit absque pacto.

Usura aperta seu formalis est ea, quæ percipitur ex contractu mutui cum pacto expresso lucri. Palliata verò seu virtualis est ea, quæ re vera provenit ex mutuo, sed velato aliquo honesto prætextu, puta donationis, cambii, societatis, venditionis, & emptionis, ut si quis vendat supra pretium rigorosum, ob dilatam solutionem, aut emat infra pretium infimum ob anticipatam solutionem.

Usura pactionalis est pactio usuraria nondum receptò lucrò. Actionalis autem est ipsa acceptio lucri usurarii.

Usura sortis est usura immediatè proveniens ex pecunia mutuo data. Usura usurarum verò est ea, quæ percipitur ex lucro usurario v. g. mutuatarius ex pacto inito cum mutuante debet solvere singulis annis quinque pro centum; non autem solvit per quatuor annos, & ita debet solviti, ex quibus mutuans recipit usuras.

Usura denique notoria seu palam nota duplex est, alia notoria notorietate facti, alia notorietate juris. Priore mutuans dat palam ad usuram, ita ut nulla tergiversatione celari possit. Al-

Aa 22

tera

tera est, quando mutuans de hoc crimine in iudicio est convictus vel propria confessione, vel idoneis testibus.

Circa usuram sic definitam & divisa varia occurrunt resolvenda, quæ singulis titulis ordine exponemus & explicabimus.

I.

311 An & quo Jure usura prohibita sit?

Varie prodierunt circa præsentem quaestionem opiniones. Prima est Judæorum, & Græcorum Schismaticorum, qui, posthabita Patrum Orientalis Ecclesiæ auctoritate, usuram quamlibet, sive à pauperibus, sive à divitibus exigatur, licitam & utilem societati existimant. Nituntur priores lege Mosaica, posteriores nonnullis Imperatorum legibus, qui collabente jam Imperio usuram non tam probaverunt, quam toleraverunt. Secunda est Calvinistarum, qui, post exprobratam toties Ecclesiæ Romanæ in doctrina laxitatem, opinionis Duce ac Magistro Calvino (f), usuram licere docent duplici hac conditione imo. Ut à pauperibus non exigatur. 2do. Ut quæ exigatur à divitibus, non nimia exigatur sed juxta modum legibus definitum. Quæ opinio in Germania etiam apud Catholicos invaluit. Plerique tamen docent, omnem Usuram omni jure divino nempe naturali, & humano esse prohibitam.

Et 1mo. quidem Jure divino, ut legitur Levit. 25. v. 36. ubi prohibetur usura his verbis, *Ne accipias usuras... nec amplius quam dedisti.* Et Deut 23. v. 19. & 20. *Non feneraberis fratri tuo ad usuram pecuniam, nec fruges, nec*

quamlibet aliam rem. . . . fratri tuo quidquid indiget absque usura commodabis, &c. Item Psal. 14. ubi quærit Propheta, *Domine quis habitabit in tabernaculo tuo?* . . . statimque respondet, *Qui pecuniam suam non dedit ad usuram.* Quibus verbis consonant ea quæ habentur ad Ezechielem c. 18. ubi v. 8. *Si vir, ait Dominus, ad usuram non commodaverit, & amplius non accipiet . . . vita vivet.* Et vers. 13. Ubi De dante ad usuram & amplius, quam dedit, accipiente, quærit num victurus sit, responderetque, *non vivet cum universa hac detestanda fecerit, morte moriatur.* Denique Luc. 6. v. 35. *mutuum date, inquit Christus, nihil inde sperantes.* Quibus locis usuram prohiberi agnoscunt Summi Pontifices, Patres & Concilia. Cum *usurarum crimen*, inquit Alexander III. cap. *Super eo* eod. tit. utriusque Testamenti pagina detestetur &c. Concilium Lateranense II. cap. 13. ait, *usuram divinis legibus in veteri & novo testamento prohibitam esse.* Idemque docet Conciliū Generale Lateranense III. c. 25. S. Ambrosius l. b. de Tobia c. 14. post relatum Deuteron. 23. textum, *Quodcumque forti accidit usura est, quod velis ei nomen imponas, usura est.* Et cap. 15. ad adducta Psalmistæ verba, *David*, inquit, *benedictum asseravit & dignum habitatione caelesti, qui pecuniam non dedit ad usuram: si ergo qui non dedit benedictus, sine dubio maledictus, qui ad usuram dedit.* Denique c. 18. ad relata Christi verba Luc. 6. Cum Dominus, inquit, *nihil ab iis, quibus mutuum dederimus, sperandum esse præcipiat.* Idem docent SS. Hieronymus in allatum Psal. 14. locum, & Augustinus serm. 3. in Psal. 36. & multi alii, ut Tertullianus, Basilus, &c. &c.

2do. Ju-

(f) In Commentario ad cap. 18. Ezech.

312 2do. Jure naturali : nam Jus naturale prohibet illud omne, quod æqualitatem tollit. Atqui usura æqualitatem tollit : ibi enim tollitur æqualitas, ubi plus exigitur, quàm datum fuerit : sed omnis usurarius plus exigit, quàm ab eo datum sit ; ut patet ; ubi enim dedit v. g. centum, recipit centum & decem, utique plus recipit, quàm dedit, adeoque in eo mutui contractu lædit æqualitatem (quam tamen servandam esse jus naturale & recta ratio dicit) adeoque & simul justitiam.

313 3tio. Jure humano tum Canonico, tum Cæsareo, Canonico quidem, id patet ex toto titulo de usuris, & ex penis contra Usurarios statutis. Cæsareo verò, ut patet ex Novella 83. Ubi Imperator agnoscit usuras juri divino adversari, & ideo fuisse proscriptas, quia Lege divina prohibentur. Nec mirum quòd ita de usuris fenserint Principes Christiani, cum vel ipsi Ethnici usuræ malum & iniquitatem agnoverint ; unde veteres Romani majori odio sceneratorem quam furem prosequerentur, & ita in legibus posuerunt furem dupli condemnari, sceneratorem quadrupli oportere, inquit Marcus Cato lib. de Rep. in præmio.

Solvuntur Objectiones.

314 Ob. 1mo. Deus permisit Judæis ut usuras acciperent ab extraneis, Deut. 23. v. 19. *Non fœneraberis fratri tuo ad usuram sed alieno.* Item ibid. c. 28. v. 12. *Fœneraberis gentibus multis, & ipse a nullo fœnus accipies.* Ergo licita est.

Resp. neg. conf. & dicimus 1mo. Usuram respectu alienigenarum Judæis fuisse permissam duntaxat ad duriciam cordis eorum, ut nempe vitaretur fœnus in fratres Judæos, non autem tan-

quam rem licitam. Ita S. Thomas 2. 2. p. 78. a. 1. 2do. Deus Judæis non permisit usuram propriè dictam, nempe lucrum ratione mutui proveniens ; sed ad summum ut supremus bonorum omnium Dominus occasione mutui Judæis concessit dominium rei additæ sorti, sicut tradidit illis vasa Ægyptiorum. Unde Judæi auctarium non vi mutui, sed vi donationis divinæ accipiebant. Porro hanc concessionem multi restringunt ad illos alienigenas, quibuscum Judæi justum bellum gerebant.

Adde, quòd ex adductis textibus, quantumvis rigorosè acceptis, id unum sequi possit, licitum fore Christianis usuram exercere erga alienigenas, Infideles scilicet, Turcas, aut Idololatrias, non autem erga Christianos, ut nec Judæis erga Judæos scenerari licitum erat. Imò ut ait S. Thomas loc. sup. cit. neque id erga quemquam Christianis licebit, *qui debent omnem hominem habere quasi proximum & fratrem, præsertim in statu Evangelii ad quod omnes vocantur.* Ergo ex data Judæis licentia, quæcumque ea fuerit, nihil colligere possunt Christiani.

Inst. 1mo. Quoties vetus Testamentum usuram prohibet, eam non vetat nisi respectu pauperum, Si, inquit Deus ipse Exod. 22. *pecuniam mutuum dederis populo meo pauperi, qui habitat tecum, non urgebis eum quasi exactor nec usuris opprimes.* Ergo saltem respectu divitum erit licita.

Resp. neg. ant. Contrarium patet ex generalibus, quos suprà adduximus, textibus sacræ Scripturæ, ubi indefinitè loquitur, nulla scilicet facta distinctione inter pauperes & divites, &c. Ergo hæc verba *populo meo pauperi* non continent restrictionem, alioqui & hæc

Aaaa 2 verba,

verba, *qui habitat tecum*, restrictionem quoque continent; ita ut Judæi exigere potuissent usuras etiam à fratribus suis egenis, modò in eadem civitate cum ipsi non habitassent; quod tamen nemo dicit. Ergo hæc verba *populo meo pauperi* non restringunt legem, sed exempli causâ posita sunt, quia plerumque contingit, ut pauperes magis, quàm divites opis cgeant alienæ.

- 316 Inst. 2do. Christus ipse Matth. 25. de servo pigro conqueritur his verbis: *Oportuit ergo te committere pecuniam meam nummulariis, & veniens ego recepissem utique quod meum est cum usura.* Ergo Usuram approbat.

Resp. neg. conf. In parabolis non tam spectandum est id, undè de-lucuntur, quàm id, ad quod significandum adhibentur; quia aliquando de rebus non laudandis trahuntur quædam similitudines, quæ ad opera laudabilia conducunt: Sic Christus non laudavit iniquum Judicem, qui nec Deum timebat, nec homines reverebatur; non etiam approbavit villicum iniquitatis, qui de Domini sui bonis amicos sibi fecit. Is ergo tantum est Christi parabolæ scopus, ut in bonis à Deo acceptis semper proficiamus, atque ut ad mensam Domini non ferrum, non plumbum, sed argentum igne examinatum deferamus, hæc enim est non pecuniæ, sed gratiæ fœderatio, ut docet S. Ambrosius Enartat. in Psal. 36. eamque solam, non primam Christus commendatam voluit.

- 317 Ob. 2do. Jus Civile multis Digestorum & Codicis textibus approbatum, Ergo.

Resp. neg. ant. Usuræ à Jure Civili non probantur, inquit S. Thomas, sed tolcrantur, seu non puniuntur ad impedienda majora mala, sicut tolerantur meretrices. Item Jus civile potest intelligi de usuris latè sumptis, nempe de pecunia, quæ ultra sortem accipitur ob aliquod interesse scilicet vel ob lucrum cessans, vel damnum emergens. Denique si quid in hac parte deficit Jus Civile, correctum fuit Jure Canonico, quod Usurariorum fautores Hæreticis annuerat, & usurarios gravibus subjecit pœnis.

- Ob. 3tio. Ex S. Thoma 2. 2. q. 78. 318 a. 1. ad 6. potest accipi pro usu pecuniæ. Ergo.

Resp. S. Thomas ibi loquitur de usu pecuniæ locatæ, non autem mutuatæ; *Usus principalis pecuniæ*, inquit, *est distractio pecuniæ in commutationes: unde non licet ejus usum vendere. Tamen potest esse aliquis secundarius usus pecuniæ argenteæ; ut puta si quis concederet pecuniam signatam ad ostentationem, vel ad ponendum locò pignoris: & talem usum pecunia licitè homo vendere potest;* quia scilicet vendens non mutuat, sed locat; unde pecuniæ dominium & periculum retinet.

Ob. 4to. Montes, ut vocant, pietatis (g), qui sunt cumulus pecuniarum publica auctoritate institutus ad mutandum pauperibus, & indigentibus, approbati sunt à Concilio Lateranensi V. sub Leone X. & à Concilio Tridentino Sess. 22. de reform. c. 8. ubi Montes pietatis inter pia loca recenset. Atqui in illis exigitur aliquid supra sortem. Ergo, &c.

Resp.

(g) *Perfatz. Ambt.* Sic dictum germanicè, quia horum montium ministris pignus dari debet ab eis qui pecunias mutuo accipiunt, in earundem securitatem.

Resp. Dist. min. In illis exigitur &c. ratione mutui, neg. sub alia legitima ratione conc. min. & neg. conf. Illud autem in Montibus pietatis exigitur ratione damni emergentis, seu pro eorum impenſis, & indemnitate duntaxat, ut expreſſe declarat laudatum Concilium Lateranense: Nam ad conservationem & administrationem horum montium conducuntur Ministri, quibus debetur aliqua merces; quæ si fumeretur ex ipsa forte reddenda, brevi montes illi exhaurirentur: sicque damnum emergeret ex mutuo. Cum autem montium conservatio, indemnitas & administratio ordinetur ad utilitatem accipientium mutuum, ut semper paratam pecuniam invenire possint absque necessitate ad eundi usurarios cum majore suo damno, æquum est, ut pro ea aliquid conferant; nam *qui commodum sentit, onus quoque sentire debet*, ex Reg. jur. 55. in 6.

- 320 Ob. 5to. Jus naturale permittit, ut homo pretium accipiat pro eo, quod non tenetur facere. Atqui plerumque, qui dat mutuo, ad id faciendum non tenetur, Ergo.

Resp. neg. maj. quæ generaliter vera non est. Nam v. g. qui vendit vinum, aut aliquid aliud, facit etiam id, ad quod non tenetur. Atqui tamen non potest aliquid exigere seorsum à pretio vini, & supra ejus valorem; ergo à pari, qui dat mutuo, non potest aliquid exigere supra id, quod dedit: Nam mutuatio pecuniæ est virtualis venditio illius pro alia simili suo tempore solvenda; sicut ergo pro gratia, quam quis vinum vendendo facit, nihil exigipoteſt, præter ipsum vini pretium, ita à pari in mutuo.

- 321 Ob. 6to. Mutuans privat se potestatem utendi & fruendi re mutuata, quam

aliàs haberet. Ergo ex hac causa licebit ei aliquid supra sortem accipere.

Resp. neg. conf. Nam sicut potestas illa non habet æstimabilitatem distinctam ab æstimabilitate illius rei: ita privatio illius potestatis non habet æstimabilitatem distinctam ab æstimabilitate privationis rei ipsius. Privatio autem rei sufficienter compensatur redditione ejusdem, cum mutuanti, ut supponitur, ex privatione rei nullum lucrum cesset, nec damnum sequatur.

- Inst. 1mo: Saltem potest aliquid exigi propter usum rei mutuatae. Ergo.

Resp. neg. ant. Nam per se injustum est vendere alteri usum rei non suæ, sed hujus alterius; per mutuum enim transfertur in mutuatarium rei mutuatae dominium; ac proinde usus rei pertinet ad illum, præsertim cum usus rerum, quæ mutantur, non sit æstimandus seorsim ab illis, sitque illarum consumptio, vel alienatio.

Inst. 2do. Licitum est pro usu vasorum; argenteorum & aureorum, quæ non sunt aliud, quam aurum & argentum in vasa conversum, item pro usu domus aliquid exigere. Ergo à pari licitum est pro usu pecuniæ aliquid exigere; argentum enim monetatum, quod est pecunia, non differt specie ab argento in vasa formato.

Resp. neg. conf. & parit. Disparitas est, quia in data hypothesi nec hujusmodi vasorum commodatorum, nec locatarum domus dominium in alterum transfertur, consequenter, cum quævis res Domino suo fructificet, etiam & hæc Domino suo fructificent oportet, præsertim cum semper ex hujusmodi vasorum & domus usu, eorum proprietarii dam-

damnum aliquod obveniat, ut patet, nec enim ea in eo, quo concessa fuerunt statu & valore recipit: hinc ei licitum est pro eorumdem usu aliquod recipere: At contra evenit in pecunia mutuo data, illius enim dominium transfertur, adeoque & mutuuario fructificare debet non mutuatori; atque post certum tempus, non eadem duntaxat, sed similis & ejusdem omnino valoris reddi debet. Longa ergo est inter hæc disparitas.

- 324 Ob. 7mo. Pecunia numerata seu præfens est pretiosior numeranda & absente: nam potest quis per primam negotiari, non per secundam; & re ipsa nemo est, qui aureos centum præfentes plaris non æstimet, quam aureos eentum post annum habendos. Ergo nonaginta aurei præfentes æquivalent aureis centum post annum numerandis; adeoque centum accipere post annum, non est accipere supra sortem, nec proinde usurarium. Ita Caramuel lib. 2. Theol. moral. n. 279.

Resp. neg. ant. Nam damnata est ab Innocentio XI. hæc propositio: *Cum numerata pecunia pretiosior sit numeranda, & nullus sit, qui non majoris faciat pecuniam præfentem, quam futuram, potest creditor aliquid supra sortem à mutuuario exigere, & eo titulo ab usura excusari.* Et re ipsa aurei centum per se, & seclusi omni, quod ex iis fieri posset, lucrò, non plus hodie valent, quam post annum; neque possidentibus sunt utiliiores, si in arca otiosi mansuri sint: quòd si mutuant ex iis certò moraliter lucrum facturus erat, haud dubium est, quin aliquid ratione lucri hujus sibi cessantis possit supra sortem exigere: verum ratione pecuniæ ipsius nihil exigere potest; alioqui cum in omni mutuo essentialiter detur pecunia præfens, non nisi in futurum reddenda, nullum est

mutuum, ex quo non posset aliquid recipi supra sortem, quod Scripturæ, Patribus & rationi esse contrarium supra probavimus.

Ob. 8vo. Iniquum non est, si lucrum, quod partim ex pecunia mutuantis, partim ex industria debitoris profisciscitur, ita inter utrumque dividatur, ut eadem sit ratio lucri ad lucrum, quæ est pecuniæ ad industriam, aut industriæ ad pecuniam; est enim hæc negotiatio societas quædam, quæ, ut dicit Justinianus Instit. lib. 3. tit. 26. *ita coiri posse non dubitatur, ut alter pecuniam conferat, alter non conferat, & tamen lucrum inter eos commune sit, quia sæpe opera alicujus pro pecunia valet.* Atqui lucrum, quod facit mutuarius, partim ex ejus industria, partim ex mutuantis pecunia profisciscitur. Ergo iniquum non est, si lucrum illud mutuantem inter & mutuarium certò modò dividatur.

Resp. Dist. maj. Iniquum non est ut lucrum &c. dividatur &c. Si pecunia remaneat in dominio creditoris seu mutuantis, ut accidit in vera societate, conc. Si pecunia transeat in dominium mutuarii, ejusque periculum ad ipsum pertineat, neg. maj. Porro pecunia per mutuum transit in dominium debitoris seu mutuarii, qui ejus periculum subit, quocumque modo pereat, ergo totum lucrum ejus esse debet. Contra verò ille qui committit pecuniam suam vel mercatori, vel artifice per modum societatis ejusdam, non transfert dominium pecuniæ suæ in illum, sed remanet ejus, ita quod cum periculo ejus mercator de ea negotiatur, vel artifex operatur: & ideo sic licitè potest partem lucri inde provenientis expetere tanquam de re sua, inquit S. Thomas cit. q. 78. a. 2. ad 5.

II.

Quibus ex titulis à mutuatore possit aliquid exigere supra sortem.

326 Duo sunt tituli mutuo extrinseci, ob quos licet aliquid supra sortem exigere, qui nomine *interesse* comprehenduntur. 1mo. est *Damnum emergens*, cum scilicet quis, quia mutuo dat, in bonis jam acquisitis jacturam patitur: ut si pecuniam refectioni ædium, vel solutioni debitorum destinatam mutues alteri eam petenti; unde deinde evenit, ut ædes tux deteriores fiant, aut omnino corruant; vel si ipse sub usura cogaris pecuniam accipere ad debita solvenda. Ratio est 1mo. Quia non teneor damnum pati, ut alteri beneficium præstem. Atqui paterer damnum ex beneficio alteri collato, si jacturæ, quam propter mutuum feci, compensationem exigere non possem. 2do. Quia postulat æquitas, ut si rebus tuis consulam; tu vicissim indemnitati meæ consulas. Atqui non consuleres, si damnum, quod tui causâ patior, non refarcires. 3tio. Si quis à mutuuario exigat impensas in transmittendo ad eum mutuum factas, non peccat, quia hoc unice agit, ut scilicet se præstet indemnem. Ergo à pari in proposito.

327 2dus est *Lucrum cessans*, cum nempe mutuans ob mutuum privatur lucro iusto, quod certo vel probabiliter facturus fuisset ex pecunia mutuo data, v.g. merces, fundum, censum, aut quid simile emendo, vel aliter negotiando. Ratio est, 1mo. Quia vetat æquitas, ne quis dispendium patiatur, unde videtur præmium meruisse. Cap. 2. De Fidejussoribus. Sed si non liceret aliquid exigere titulo lucri cessantis, haud dubie quis dispendium pateretur ob gratiam alteri præstitam. 2do. Ut aliquid titu-

lò lucri cessantis recipere liceat, satis est, ut pecunia negotiationi, aut alii lucro certo vel probabili destinata, & per hoc fructifera, pluris valeat, quam ipsa eadem secundum se præcisè spectata. Atqui pecunia sic destinata pluris valet; valet enim præter se ipsam id, quod valet spes lucri probabilis. Atqui spes lucri probabilis per se pretiò æstimabilis est; cum constet spem probabilem e. g. capturæ piscium iusto pretiò vendi posse, ut alibi jam diximus.

3tio. Ex communi omnium sententia licet aliquid ultra sortem recipere, propter damnum emergens. Atqui lucrum cessans est damnum aliquod emergens; quia non ille solus damnum patitur, qui perdit aureos centum, quos habet de facto; sed ille etiam, qui ab eorum quos habiturus erat consecutione impeditur; atque sicut suum & spem alii vendere poterat; sic & ei vendere potest, cui mutuum donat. Ergo &c. &c.

Ut autem ratione damni emergentis aliquid præter sortem accipiat, & potissimum requiruntur conditiones. 1mo. Ut mutuum certa sit, ac vera causa damni, non autem culpa mutuantis. 2do. Ut summa, quæ præter sortem exigitur, major non sit detrimentò, quod accidit mutuanti. 3tio. Ut mutuarius de damno illo moneatur, ita ut penes ipsum stet pecuniam reddere, aut censu aliquo damnum redimere.

Et ut ratione lucri cessantis aliquid ultra sortem accipi possit, requiruntur 1mo. Ut pecunia, quæ mutuo datur, negotiationi exposita sit, aut rei frugiferæ destinata. 2do. Ut mutuans nullas alias habeat pecunias otiosas; si enim habuerit, vi mutui detrimentum lucri cessantis non patitur, cum habeat, unde

dè illi occurrere possit. Ad hoc tamen non est necesse illam pecuniam computare, quæ in alios eventus gravi ex causa seposita sit, ut est ea, quæ familiæ sustentationi, filiarum doti, ac inopinatæ casibus vitandis destinata est. 3tio. Ut lucrum sit probabile, nec satis est, quòd simpliciter sit possibile. 4to. Ut deducantur expensæ, quæ in re frugifera, quæ alioquin emeretur, colendæ aut conservandæ fieri deberent.

330 Præter hos duos titulos, varii adhuc à variis adduci solent, vi quorum in mutuo aliquid supra sortem accipi possit; adeò ut si ii verè sufficiant, nemon nisi stupidus & hebes usuram admittere nequeat: Sunt autem potissimum isti, labor in numeranda pecunia; carentia gaudii, quod parit pecuniæ suæ visus; obligatio non repetendi pecuniam usque ad certum tempus; difficultas recuperandæ fortis, ejusque amittendæ periculum; ac denique Statutum, vel consuetudo loci.

Hi duo ultimi tituli attentionem nostram merentur, cæteri verò, quemadmodum ii, quos supra in solutionibus Objectionum refutavimus, apertè futiles sunt & inanes, proinde haud sufficientes, ut vi illorum quidquam ultra sortem in mutuo recipi possit. Nam imò, labor in numeranda pecunia in omni mutuo reperitur, cum non detur mutuum v. g. pecuniarium, nisi numeratâ pecuniâ. Ergo leges, quæ prohibent, ne in mutuo accipiat aliquid supra sortem, nullam laboris hujus rationem haberi voluerunt; alioquin una manu subverterent, quod alterâ edificare conarentur, dum mutuum gratuitum esse juberent, & simul permetterent, ut quid exigeretur pro labore mutui dandi, sine quo tamen mutuum dari non potest.

331 2do. Carentia pecuniæ mutuo est ef-

fectualis, cum fieri nequeat, ut quis & pecuniam det mutuo, & eam simul retineat. Ergo cum propter ipsum mutuum non liceat aliquid supra sortem recipere, nec id quoque propter carentiam ejus licitum esse potest.

3tio. Obligatio non repetendi sortem ante certum tempus v. g. annum, est de intrinseca ratione mutui, ut patet; aliàs non distingueretur à precario, quod ad nutum concedentis revocari potest. Atqui, ut sæpius jam diximus, non licet exigere aliquid pro eo, quod est de intrinseca ratione mutui. Item, Non magis obligatio carenti re mutuata, eamque non repetendi ante tempus conditâ, est æstimabilis supra valorem rei mutuatae, quam obligatio carenti re vendita est æstimabilis supra valorem rei venditæ. Atqui obligatio carenti re vendita non est æstimabilis supra rei venditæ valorem. Ergo à pari. Undè ab Alexandro VII. inter 45. propositiones damnata est hæc numerò secunda. *Licitum est mutuanti aliquid ultra sortem recipere, si se obliget ad non repetendam sortem usque ad certum tempus.*

Circa periculum recuperandæ fortis 333 Not. imò, duplex in mutuo distingui posse periculum: generale unum, quod idcirco intrinsecum dici potest; aliud particulare seu extrinsecum. Periculum generale illud est, quod reperitur in omni mutuo vel secundum se spectato, ut quòd bona illius, cui datur mutuum, perire possint incendio, devastatione, similibusque casibus fortuitis; vel spectatò secundum finem, ad quem mutuum ordinatum fuit à Deo, ut quod mutuarius sit pauper, fideiussorem obtinere non possit, &c. Certum quippe est, ex Scripturis, mutuum in gratiam & levamen pauperis præsertim institutum fuisse, ut cui per eleemosynam succurrere

teneremur, et per mutuum aliquando opem feramus. Periculum particulare illud est, quod à mutuo separari potest, ut quod pecunia detur homini nullius conscientie, prodigo, litium amanti, naviganti in mari procelloso, commercium periculolum habenti, merces per hostium castra, aut vias latronibus obstitas deferenti.

Not. 2do. Mutuantem posse vel suscipere in se periculum jacturæ sortis, adeo ut illa pereunte sine mutuatarii culpa, mutuans nihil repetere possit præter premium sibi pro assuratione sua promissum; vel periculum illud mutuuario relinquere, ita ut mutuatarius rem restituere debeat, quocumque modo perierit. His prænotatis

334. Apertum est imo. non licere aliquid supra sortem accipere ratione periculi quod in omni mutuo secundum se spectato reperitur. Nam, ut jam sæpius inculcavimus, non licet aliquid accipere supra sortem pro eo, quod est deratione intrinseca mutui; alioqui præcisè vi mutui liceret aliquid supra sortem accipere. Atqui periculum generale est de intrinseca ratione mutui, ut ex ipsa ejus definitione patet. Ergo. Deinde periculum istud subiret ipse mutuans, etiam si rem suam mutuo non daret. Ergo & illud subire debet, dum eam dat mutuo; aliàs melior esset ipsius conditio, quam mutuatarii, atque hic non servaretur æqualitas; cum tamen deratione cujusvis contractus sit, ut plena in eo servetur æqualitas.

335. 2do. Jure saltem divino illicitum est aliquid ultra sortem recipere propter periculum, quod reperitur in mutuo spectato secundum finem, ad quem à Deo fuit ordinatum. Nam præcepit Deus ut mutuum pauperi gratis daretur, Exod. 22. v. 25. Et de pauperibus præcipue P. Cartier Theol. Tom. III.

intelligendum est, quod Christus dixit Luc. 6. *Mutuum date, nihil inde sperantes.* Atqui mutuum nunquam gratis dabitur, si liceat aliquid recipere ultra sortem propter periculum paupertatis, si ita loqui fas est, annexum, quia tale periculum à tali mutuo moraliter est inseparabile. Idque cederet in oppressionem eorum, qui sunt pauperiores, à quibus pro majori periculo plus solito accipere liceret, contra illud Exod. 22. v. 25. *Si pecuniam mutuum dederis... pauperi... non opprimes eum.*

3tio. Si mutuans in se sortis periculum recipiat potest eo titulo aliquid supra ipsam sortem recipere. Ratio est, quia præter contractum mutui, reperitur in hoc casu contractus assurationis, quæ assuratio, & molestia ac sollicitudo inde resultans, est pretiò æstimabilis, ad quam nemo tenetur in gratiam & securitatem alterius. Adde, quod in tali casu nihil exigatur ex mutuo sed ex contractu assurationis, ex quo licitum est cuilibet sortem assurantem exigere aliquid ab eo, pro quo præstat illam assurationem; cur ergo etiam mutuanti similem assurationem præstanti non liceat?

Nec obstat cap. *Naviganti, Deusu- ris.* ubi Gregorius IX. sic loquitur: *Naviganti vel eunti ad nundinas certam mutuans pecunia quantitatem, pro eo, quod suscipit in se periculum, receptorus aliquid ultra sortem, usurarius est.*

Nam imo. dici potest cum bene multis auctoribus haud certè contemnendis, in textu allegato ex incuria librariorum omissem esse particulam *non*, ita ut legi debeat *Usurarius non est censendus*: Atque hoc indicant hæc, quæ proximè sequuntur verba: *Ille quoque qui dat decem solidos... non debet ex hoc usurarius reputari.* Ubi particula

Bb bb

tacula

ticula quoque conformitatem prioris casus cum posteriore indicat; ergo sicuti hic ponitur particula *non*, ita & in præcedenti interferi debet, secus enim particula *quoque* hic non faceret bonum sensum & connexionem; sed potius poni particula *è contrà* deberet, sicque dici *Ille è contrà, &c.*

2do. Ideò dicit S. Pontifex mutuantem usurarium esse censendum, non ideo, quia periculum sortis in se suscipit, sed quia mutuatarium coegit, ut ei sub auctario illud relinqueret, cum tamen mutuarius alià viâ, nempe per pignus aut fidejussionem, sortem assecurare maluisset: vel quia periculum non tantum fuit, ut pro suscepta ejus assecuratione auctarium dare oportuerit: vel quia mutans non prius movit mutuatarium, quòd susceptò in se periculò propterea plus exigit. Quibus in casibus rectè præsumpsit Pontifex talem mutuantem animum gerere usurarium: qui animus tamen, si abfuisset, re ipsa in foro interno non fuisset usurarius censendus, quemadmodum usurarius censendus non est, qui pro pretio rei cujusdam assecurationem alteri præstat, &c.

337 4to. Denique potest sine usura aliquid supra sortem accipi propter periculum probabile extrinsecum sortis. Ratio est; quia res suas in gratiam alterius periculo exponere est quid pretiò æstimabile, & quidem eo majori, quo majus est periculum, quod nemo tenetur in alterius gratiam gratis subire: neque periculum istud est per se connexum cum mutuo. Confirm. 1mo. Licetum est pro assecuratione sortis, sortem perituræ, cujus periculum mutans in se pro mutuatario suscipit, aliquid exigere, ut primò diximus, & infra ubi de assecuratione disseremus, fusiùs ad-

huc probabimus. Ergo etiam licet aliquid exigere pro periculo sortis non recuperandæ, seu propter non factam aliundè assecurationem sortis à mutuatario, quam tamen, si peteret mutuos, assecurare deberet. Confirm. 2do. Fidejussor pro periculo, quod subit fidejubendo, ne rerum suarum faciat facturam, licetè aliquid exigit, leg. 19. §. 1. ff. *De donat.* Ergo & mutans pro periculo, quod subit amittendi res suas.

Attamen notant hic graves Theologi id in praxi vix sine usura evenire. Ratio est, quia, ut ratione probabilis extrinseci periculi sortis amittendæ supra sortem licetè aliquid exigi possit, variæ requiruntur conditiones, quæ rarò servantur. 1mo. Necessè est, ut absit intentio lucrandi ex mutuo; quia aliàs, etiam seclusò pactò, erit usura mentalis. 2do. Periculum debet esse verum, probabilibusque conjecturis fundatum; non autem fictum, prout facilè fingitur ab illis, qui lucrari amant. 3tio. Mutuatio liberum esse debet Fidejussorem aut pignus pro assecuratione sortis mutuanti præstare, nec debet cogi ad paciscendum de isto periculo. 4to. Ut mutans pro isto periculo non plus exigit, quàm vel ipse, vel mutuarius alteri dare vellet pro hujusmodi periculi assecuratione. 5to. Ita servandæ sunt justitiæ leges, ut non violentur ex, quæ sunt charitatis: At conditiones illas pauci eorum norunt, qui mutuo dant, pauciores ad praxim redigunt; ita enim plerique lucro inhiant, ut seclusa ejus spe, mutuum non darent; cum probabile periculum sentiant, mutuo non dant; inter periculi qualitates non distinguunt, sed ab omnibus æqualiter exigunt; Fidejussores aut pignora recusant, ut quocumque tandem modo aliquid supra sortem recipiant, &c. Rarum igitur est.

est, ut in eorum agendi ratione, non irrepat usura fuligo.

339 Nunc tandem de famigeratissimo illo ultra fortem aliquid in mutuo exigendi titulo, qui præcisè à statuto & locorum consuetudine petitur, nobis est differendum. Titulus iste, primum quantum arbitramur, à Calvino, prout initiò jam annotavimus, in orbem Christianum invehctus est, quem deinde totis viribus propugnarunt ejus sequaces Acatholici, à quibus in Catholicos derivatus, atque ab iis etiam universim saltem in Imperio Romano Germanico adoptatus est, ubi adhuc obtinet; quamvis communiter à Theologis rejiciatur, qua in re tamen adversarios patiuntur juris-Consultos Civiles penè omnes, Ecclesiasticos autem saltem in Germania non paucos, imò haud paucos præstantes Theologos.

Certè de facto in Imperio Romano existit hujusmodi Statutum & Consuetudo permittens quincunces seu quinq; pro centum usuras ex mutuo, qui probari debeat ullus alius titulus damni emergentis, lucri cessantis, periculi amittendæ fortis, &c. ut patet ex Reversibus Imperil de anno 1500. 1530. 1548. Augustæ, & annò 1570. sub Maximiliano II. & 1600. sub Rudolpho II. uti & ex communi praxi.

Sanè stante hocce titulo, & si ex Statuti vel Consuetudinis capite duntaxat licet in mutuo aliquid ultra fortem exigere, non opus videtur, multum esse sollicitum, an penes mutuante[m] adfit damnum emergens, lucrum cessans, vel alius ex illis, quos allegavimus, titulis, utpotè quos omnes evacuat hicce Statuti & Consuetudinis titulus; nisi forte dicere velimus memoratos titulos firmitatem obtinere in iis locis, ubi

Statutum & Consuetudo permittens aliquid ultra fortem non viget; item in iis locis, ubi plus exigi potest pro ratione damni, lucri cessantis, &c. quam sit illa determinata quantitas v. g. 5. pro 100. à Statuto vel consuetudine.

Porro qui tuentur licitum esse titu-
lò Statuti vel consuetudinis in mutuo recipere aliquid ultra fortem; auctarium istud vocant *usuram minus strictè sumptam*, eò quòd talis usura seu auctarium à Statuto vel consuetudine permittum, non tam ex mutuo, quam occasione mutui ex dispositione Juris videatur recipi posse; ferè sicut usura seu auctarium compensatorium, quod accipitur ratione damni emergentis, vel lucri cessantis, non est propriè & in stricto rigore usura, eòquod non immediatè ex mutuo, sed ex alio titulo justè, qualem & quoque Statutum vel consuetudinem esse dicunt, auctarium istud petatur.

Præterea, prout jam initiò annota-
vimus, volunt ut usura hæc seu auctarium, quod titulò Statuti vel consuetudinis exigitur, sit moderatum, nec ita excessivum, ut causa publica, spectans bonum Reipublicæ, illud permitendi verè adhuc subsistat; verbò ut sit juxta modum à legibus definitum. Deinde ut à pauperibus non exigatur, juxta illud Exod. 22. Suprà à nobis relatum; ne per hujusmodi usuras ad mendicitatem inevitabili necessitate redigantur; & sicut Jure divino & naturali, atque lege charitatis iis mutuum dare oportet, ita etiam lege divina, naturali, & charitatis ab iis usuras exigere prohibitum est. His præmissis igitur

Dicunt. Usura lucratoria minus
strictè sumpta, & Jure divino & naturali prohibita, probabiliter non est ita

B b b b 2

ab-

absolutè prohibita, ut à Magistratu humano per Statutum (idem est de Consuetudine, lege non scripta, quæ vim suam habet à consensu Legislatoris humani, & à causa, ex qua redditur rationabilis) in quibusdam circumstantiis & ex causa publica permitti non possit tanquam licita, modò sit moderata, & aliundè non repugnet charitati erga proximum à Jure naturali & divino præceptæ, ut supra dictum est.

343 Prob. 1mo. Penes Rempublicam datur dominium alium rerum & bonorum ad privatos pertinentium, ita ut, ex causa publicum bonum spectante, de iis citra ullius injuriam Magistratus disponere possit, prout bono communi utile vel necessarium est, ut nemo negaverit. Ergo si adest causa publica, idque bono communi vel utile, vel necessarium judicatur, etiam potest disponere, ut ex mutuo datis rebus lucrum aliquod moderatum obveniat mutuanti, eique fructificent res non amplius suæ, sicut per usum earum, quem alteri sponte concessit, fructificant mutuatorio. Ergo Jus naturale & divinum conditionatè tantum, & non omnino absolutè, prohibuit usuras, sed sub conditione, nisi nempe Respublica, vel Magistratus, in cujus dominio alto res & bona privatorum existunt, aliud ordinandum judicaverit propter bonum commune.

344 Prob. 2do. Deus rectè permittit Judæis usuras exigere ab alienigenis, quia habet supremum dominium & absolutum in omnes res hominum, quo patet, usuras Jure naturali absolutè non esse prohibitas. Atqui Magistratus Humanus habet etiam in omnes res priva-

torum hominum Reipublicæ 'memborum dominium altum, licet ad existentiam causæ publicæ restrictum. Ergo etiam propter bonum publicum rectè potest permittere usuras moderatas.

Prob. 3tio. Quamvis Jus naturale³⁴⁵ generatim vetet aliquem locupletari ex alieno, & rei alienæ per illius possessionem fieri dominum; tamen Magistratus humanus ob dominium altum scilicet, quod habet in quoslibet privatos homines tanquam Reipublicæ membra, per legem præscriptionis dominium rei alienæ debito tempore & modo possesse transfert à Domino in possessorem, ita ut iste in utroque foro tam interno, quam externo eam retinere, & sic ex alieno locupletari possit (b). Ergo etiam, quamvis Jus naturale generatim usuras prohibeat, seu lucrum ex re non amplius sua, rectè tamen illas permittit Magistratus seu Respublica ex causa publica, & ob dominium suum altum, per Statutum vel consuetudinem; adeoque sicut in causa præscriptionis Jus naturale conditionatum est non verò absolutum, ita est etiam conditionatumtaxat quod usuras, nec eas pro omnibus circumstantiis prohibet.

4to. Igitur sicut lex præscriptionis³⁴⁶ quamvis ei repugnare videatur Jus naturale, nihilominus ob justas & publicas causas rectè stabilita à Republica manet, ita & ab eadem Republica Statutum vel Consuetudo usuras permittens moderatas, ob justas & publicas causas, seu publicam utilitatem vel necessitatem spectantes introduci & stabiliri rectè potuit. Atqui ob hujusmodi causas justas & publicas &c. tale Statutum &

(b) Vid. sup. c. 2. sect. 1. §. 3. ubi de præscriptione egimus.

& Consuetudo introducta & stabilita est à Republica. Ergo.

Prob. min. enumeratione causarum illarum. 1ma. *Evitatio litium* (quæ etiam communiter assignatur, & pro sufficienti habetur in Præscriptione) si enim necessariò requireretur titulus lucri cessantis, damni emergentis, periculi amittendæ fortis, &c. aut prævia probatio *interesse*, litium non foret finis, cum talis titulus deberet probari, & à mutuatariis, qui ægrè solvunt usuras, adesse passim negaretur. 2da. *Facilitas obtinendi mutuum*, quæ sicut bono communi & Reipublicæ membris est valde utilis, & in casibus indigentia necessaria, ita est valde optabilis communitati & Reipublicæ, consequenter & Statutum vel Consuetudo hanc facilitatem procurans: si enim homines nihil lucri reportarent ex mutuo dato, vix reperire esset, qui necessitatem patientibus, refrigerante nimium charitate, dare mutuum vellent; sed malent pecunias etiam otiosas, habere apud se, retento earum dominio, quam apud alium translatò; quod Reipublicæ summopere noxium foret. 3tia. *Subsidium* ex usuris obveniens Ecclesiis, Locis Religiosis, viduis, pupillis, & personis miserabilibus, quæ per se ipsas non possunt negotiando lucrum capere ex suis pecuniis: si tamen eas dent aliis, qui ex earum usu lucrum faciunt, sustentari & conservari possunt; quas personas sustentari & conservari Reipublicæ apprime interest. 4ta. *Tranquillitas conscientiarum*; cum aliàs, si necessarius foret alius titulus, facillè multi orirentur scrupuli. 5ta. *Præsumptio generalis*, eaque duplex, quarum una præsumitur in mutuantem regulariter & ordinariè adesse iustum alium titulum aliquid accipiendi ultra

sortem. Recept. Imper. Spirens. de an. 1600. §. 152. leg. 7. §. 3. ff. *De administ. tutor.* per alteram verò præsumitur adesse in mutuatario opportunitatem lucrum faciendi ex re mutuo accepta; nam neque pecunia ita sterilis est, ut, accedente hominis industria, non minus fructificare possit, & utilitatem afferre, ac domus, equus, ager, fundus, &c. qui etiam sine opera hominis steriles sunt: adeò ut etiam in pecunia quasi ususfructus constitui valeat, leg. 1. l. 2. ff. *de usufr. ear. rer. qua us. consum.* Atqui Lex vel Statutum fundatum in præsumptione generali, ac in ordinariè contingentibus, rectè fertur, & vim habet pro omni casu, etsi in quibusdam casibus particularibus cesset illa ratio, in qua fundatur universaliter illud Statutum vel lex, prout communiter docent Juris periti, & nos annotavimus in Tract. de Legibus part. 2. cap. 1. sect. 4. §. 5.

Igitur juxta hos Doctores sicut Jus naturale, quod vetat, ne quis re aliena locupletetur, in lege præscriptionis exceptionem patitur, ita etiam idem Jus circa usuras moderatas ex mutuo percipiendas in Statuto & Consuetudine Reipublicæ patitur exceptionem.

Nos qui de hoc ultra sortem aliquid 347 in mutuo accipiendi titulo sentiendum sit, virorum prudentum ac sapientum arbitrio relinquimus. Id pro certo asserere possumus, quòd in nostra Germania neque Judices examinent, an in casu mutui adfuerit titulus lucri cessantis &c. neque fideles etiam timorati, & Religiosi attendant, utrum adit alius titulus, puta lucri cessantis, quando dant mutuas pecunias, cum quibus non negotiarentur, sed asserarent otiosas, & inde lucrum accipiunt 5. pro 100. & solum tunc putant se peccare, & puniuntur

piuntur, quando ultra hoc lucrum, Statutò & conſuetudine permiſſum, abſque alio titulo aliquid accipiunt (i).

vatione, reparatione, cultura, à mutante factis.

- 348 Queritur hîc etiam an mutuans non poſſit fructus pignoris ſibi pro mutui aſſecuratione traditi ultra fortem exigere & accipere? Pignoris autem nomine intelligitur res quæcumque ſive mobilis ſive immobilis creditori tradita in aſſecurationem debiti.

Si ergo v. g. Petrus à Titio recepit domum, fundum, equum, & ſimilia in aſſecurationem mille florenorum, quos eidem Titio dedit mutuos, queritur an fructus è domûs locatione, aut equi conductione prodeuntes, poſſint à mutuatore percipi, donec mutuarius ſolvat; an verò uſurarius ſit contractus, quo horumce fructuum perceptionem exigit mutuator. Hujusmodi contractus alio nomine vocatur *Anticreſis*, id eſt, *uſus contrarius*, prout creditor pecuniæ ſuæ locò rebus alienis fruitor.

- 349 Sanè hujusmodi contractus omninò uſurarius eſt, ac proinde illicitus. Conſtat imò. ex cap. 1. & 2. atque 8. *De uſuris*. & Lib. 1. Inſtit. Cod. *De pignorat.* 2do. Quia ex dictis, contractus, in quo vi mutui aliquid accipitur ſupra fortem, eſt uſurarius. Atqui talis eſt contractus de quo loquimur; in eo enim accipiuntur redditus, qui verè alieni ſunt, cum res quælibet Domino ſuo fructificet. Ergo ut contractus ille ab uſura immunis reddatur, fructus percepti in fortem, vel, ut alii dicunt, in fortis diminutionem computari debent, deductis tamen expenſis tam neceſſariis, quàm utilibus in rei conſer-

Excepe imò. Feudum in pignus debiti Domino directò datum; quia ex Juris diſpoſitione ea eſt feudi natura, ut ſi Domino in pignus detur, poſſit is interim ejus fructus percipere, modò feudatarius eo tempore liber ſit à ſervitio præſtando, juxta cap. 1. *De feudis*. 2do. Fundum, qui locò dotis in pignus datur, ex cap. 16. *De uſuris*. Quia fructus ejus tenent locum dotis, & neceſſarii ſunt ad ſuſtinenda matrimonii onera.

III.

De pactis, quæ mutuo addita uſu-350 tam parere poſſunt.

Quatuor præſertim ſunt pacta, quæ mutuo adjungi ſolent, & ut onera mutuario imponi. 1mum. eſt amicitia, vel condonationis injuriæ. 2dum. eſt remutuandi. 3tium. eſt pœnæ conventionalis. 4tum. eſt de re reddenda in eadem quantitate, ſpecie vel numero, cum mutuans ſcit eam pluris deinceps valituram; verùm de hoc ultimo pacto jam ſuprà ſufficienter diſſeruimus; undè ſolùm de tribus, aliis agemus.

Amicitiam in pactum deduci poſſe pro mutuo nemo àmbigit, utpotè quæ ex iis non ſit bonis, quæ pecuniâ æſtimantur. Idem eſt de iis amicitia & urbanitatis ſignis, quæ abſque mutuatarii moleſtia & incommode exhiberi poſſunt.

At

(i) Vid. infra §. 6. de cenſibus circa finem n. 386.

351 At verò qui exigit, ut mutuarius condonet reparationem injuriæ, ad quam mutans vel alius jam à Judice condemnatus est, vel condemnari debet, quamque mutuarius nec ex iustitia, nec ex charitate remittere tenetur, usuram committit.

Ratio primæ partis de reparatione per Judicem jam decreta, quia hoc nihil est aliud, quam debitum pecuniarium & quidem legitimum extinguere velle vi mutui, quod est velle pecuniam supra sortem ex mutuo. Ratio secundæ partis est, quia usurarium est imponere alicui vi mutui onus pretiò æstimabile: sed impedire ne quis reparationem, ad quam jus legitimum habet, juridice obtineat, est eidem imponere onus pretiò æstimabile, seu efficere, ut juri suo renuntiet. Ergo.

352 Quantum ad 2dum. Solent, qui mutuo dant, exigere, ut mutuarius ipse remutet, quoties mutans indiguerit; vel ut iustò pretiò emat apud mutuantem, in molendino ejus molat, domum ejus locet, &c.

Id iustum esse ac proinde licitum asserunt multi; negant alii ex ratione, quia quòd quis remutuare debeat, est pretiò æstimabile, ut patet ex eo, quod quis accipere possit pretium pro obligatione mutuum dandi, quoties id alius exigit. Ergo talem obligationem ex mutuo exigere ut debitam, & ex vi pacti, est lucrum ex mutuo reportare. Idem dicendum volunt de obligatione molendi apud mutuantem, aut emendæ apud eum mercis, quia licet non sit gravamen ratione pretii, quod iustum supponitur, est tamen gravamen ratione libertatis, quæ etiam est pretiò æstimabilis. Ita S. Thomas & post ipsum alii innumeri.

353 Tertiū pacti sensus est, an videlicet

in mutuo licita sit hæc pactio, ut mutuarius, si ad terminum præstitutum non restituerit, aliquid solvat in pœnam suæ moræ.

Communitè tenent Doctores, hujusmodi pœnam conventionalem absque usura mutuo apponi posse, modò adsint certæ conditiones. Ratio est, quia hæc pœna apponitur ex contrahentium consensu, & ob finem legitimum, nempe ut contractuum firmitati consulatur, & puniatur negligentia, vel iniquitas mutuatarii, qui mutuum invito benefactore suo retinet: in quo nihil est iniqui.

Conditiones verò requisitæ hæc sunt: 1mo. Ut id non fiat in fraudem usurariam, sed ex sola intentione vera & sincera sortem suam tempore statuto recuperandi. Unde si non cures, utrum solvatur tali tempore, an non: vel si optes non solvi; vel si eum terminum, intra quem scis mutuum reddi non posse, constituas, tunc pœna appositæ est velamen usuræ, & re vera lucrum ex mutuo principaliter intendis. 2do. Ut debitor verè sit in culpa non solvendo notabili tempore post transactum terminum: nam sine culpa nulla potest iustè imponi nec exigi pœna, ex c. 2. *De constit.* & Leg. 22. Cod. *De penis.* Hinc pœna non debetur, si debitor sine sua culpa tempore præfinito non solverit propter moralem impotentiam, hoc est, difficultatem tantam, ut creditor censeatur non posse esse rationaliter invictus circa solutionis dilationem.

3tio. Ut pœna sit moderata secundum mensuram culpæ & reimutuatæ, alioquin esset injusta, & iniquè cogeretur mutuarius in eam consentire. Hinc in contractu mutui pactum legis commissoriæ, quo pignus à mutuantē retine-

tur

tur in pœnam moræ mutuarii prohibitum est, L. 1. & 3. Cod. *De pactis* & cap. 7. *De pignoris*. Excipe nisi pignus non excedat notabiliter debitum, & ita censeri possit esse pœna moderata. Quod si pars debiti solvatur, non potest tota pœna exigi, sed tantum pro ratione partis non solutæ, c. 9. *De penis*. Idem dic, si mora non sit notabilis; nam si per biddum vel hebdomadam ultra terminum præfinitum solutio differatur, ordinariè non debet æstimari culpa digna pœnâ constitutâ, saltem totâ.

354 Pœna autem conventionalis positâ his conditionibus debetur ante omnem Judicis sententiam: quia debetur ex vi pacti iusti; & hæc est intentio contrahentium, ut ipso jure transgressor pœnam solvere teneatur sine necessitate Judicem adeundi cum sumptibus & molestiis; saltem si petatur; nam multi putant talem pœnam solvi non debere, antequam petatur expressè vel tacitè: quia mutuans, si non petat solutionem pœnæ, cum faciliè possit, censetur eam condonare; & pœna videtur imponi sub hac tacita conditione, *si petatur*.

IV.

355 *De iis, qui ratione lucri usurarii ad restitutionem tenentur.*

Quæstio hic est imo. de Usurario reali. 2do. De Usurario mentali. 3tio. De eo, qui bona fide contractum usurarium celebravit, vi cujus auctarium percepit, quod alio, ut lucri cessantis, titulo hic & nunc percepturus fuisset, nisi ex bona fide aliam contrahendi viam inisset. 4to. De tutore, qui pupilli pecuniam dedit ad usuram. 5to. De

hæredibus usurarii, & quidem an teneantur in solidum. 6to. Demum de iis qui usuræ cooperati sunt: quæ omnia paucis investigabimus.

Quantum ad 1mum. Certum est, 356 quod usurarius realis ad restitutionem teneatur. Ita passim habetur totò tit. *De usuris*. Et Ratio est, quia usurarius alicum habet Dominò rationabiliter invitò, quod ad inducendam restitutionis obligationem sufficit. Neque enim acquirit dominium rei per usuram obtentæ; nam contractus usurarius, cum ut talis nullus sit jure naturali, divino, &c. dominium transferre non potest; & qui usuras accipit, non magis earum dominium acquirit, quàm latro, cui viator, ne ab eo interimatur, marisupium tradit, ejusdem dominium acquirit.

Quantum ad 2dum. Non minùs, 357 certum est Usurarium mentalem, id est, qui sine pacto ullo etiam implicito aliquid supra sortem recipit, teneatur ad restituendum. Ratio est, quia in eo sita est usuræ pravitatis, quod speretur vel recipiatur aliquid, quod ille, qui dat, non debet, nec intendit transferre in accipientis dominium. Atqui usurarius etiam mentalis recipit ex hypothesi aliquid, quod sibi non debetur. Ergo tam usurarius est, quàm qui recipit ex pacto, adeoque, sicut & ille, restituere tenetur. Atque hoc expressè tradit Urbanus III. cap. 10. *De Usuris*.

Quantum ad 3tium. Qui bona fide 358 contractum usurarium iniiit tenetur ad restitutionem auctarii percepti. Ratio est, quia qui dominium auctarii non acquisivit illud restituere debet. Atqui qui bona etiam fide contractum usurarium iniiit, auctarii dominium acquirere non potuit: Non enim potuit ratio-

ne contractus, utpotè qui nullus fuit; non etiam ratione bonæ fidei, nam, prout infra dicemus, bonæ fidei possessor tenetur ad restitutionem. Ergo.

Atque ad eam restitutionem tenetur, quamvis aliter contracturus fuisset, si prioris contractus injustitiam cognovisset, atque sic sub alio iusto titulo, puta lucri cessantis, idem auctarium percepisset; quia conditionalis ista nihil hic & nunc ponit in re; aliàs qui mala fide iniisset contractum usurarium, posset ex eo lucrum retinere, saltem in casu, quo voluisset iusto contrahere modò, si quem novisset; quod tamen falsum est.

Advertendum tamen usuram non esse, si contrahens expressè intendat omni, quo potest, titulò iustò contrahere; aut si virtualiter & implicitè iustum aliquem titulum intendat, puta si eo velit contrahere modo, quo viri pii & artis periti contrahunt; aut non alium reportare lucrum, quàm quod mercatores iustè reportant; sed semper hic cavendum est, ne hæc duo confundantur, *Volo sic contrahere; & voluissèm sic contrahere, si cogitassèm*; quamquam enim prius sufficere possit, non tamen posterius.

359 Quantum ad 4tum. Tutores restituere tenentur id, quod ex pupillorum denariis usurariè comparaverunt. Ratio est, quia ex dictis Usura per se & intrinsicè mala est & illicita. Ergo non magis in pupillorum, quàm in aliorum gratiam exerceri potest. Ergo qui eam exercent tutores ad restitutionem ejus, quod ex ea comparaverunt, tenentur.

360 Quantum ad 5tum. Hæredes usurarii tenentur restituere. ex cap. *Tua nos. tit. De Usuris*. Et ratio est, quia hæres repræsentat personam defuncti. Ergo in defectu ejus tenetur restituere. *P. Carlier Theol. Tom. III.*

Verùm lis est Canonistas inter & Theologos; num hæredes hujusmodi teneantur in solidum restituere.

Certum est, si res accepta esset apud unum hæredem, eum teneri eam restituere, ita tamen, ut actionem haberet de evictione contra cæteros, adeoque deberent refundere pro rata. Difficultas solum est, quando res accepta non exstat. Canonistæ communiter affirmant hæredes teneri in solidum, quia ex cit. cap. *Tua nos*, cogendi sunt hæredes ad restituendas usuras ea distinctione, qua parentes eorum, si viverent. Atqui ipsi usurarii restituere cogentur usuras omnes ex residuis bonis. Ergo similiter & hæredes.

Contrà Theologi communiter negant teneri; quia in successione hæreditatis sicut bona defuncti dividuntur inter hæredes, ita etiam ejus obligationes personales & debita: Equum enim est, inquirunt, ut qui tantummodò commodum ex parte percipit, onus quoque duntaxat sentiat proportionè servata.

Ad Cap. autem *Tua nos* respondent, ibi tantum significari totam obligationem restituendi transire ad hæredes simul junctos, ita tamen, ut singuli non teneantur nisi ex parte. Hinc posteriori sententiæ omninò ad hærendum est.

Quantum ad 6tum. Qui cooperantur ad usuras ad restituendum tenentur, sicut & illi, qui furo cooperantur. Sunt enim illarum causa; adeoque & damni.

Inter cooperatores autem numerantur imò. Consulentes & suadentes usuras, aut pecuniam præbentes ad eas exercendas. adò. Domini temporales,

C c c c

Ju.

Judices, Advocati, qui edictò, præceptò, aut aliter causæ sunt, ut vel solvantur usuræ, vel solutæ non restituantur, adversus quos fertur excommunicatio, Clementinâ unicâ, *De usuris*. 3tio. Ministri principales usurarii, ut proxenetæ, negotiorum gestores, factores, correspondentes, notarii conficientes instrumenta requirente usurario, vi quorum solvendæ sunt usuræ. &c.

Diximus 1mo. *Ministri principales*: nonnulli enim ita remotè concurrunt, ut censeri non possint causa damni mutuuario illati: tales sunt famuli, qui recipiunt pignora, eaque asservant; qui numerant pecuniam; qui referunt omnia in libris rationum: qui autem cogunt ad solutionem usurarum, inter principales sunt numerandi; quia re vera mutuuario injuriam inferunt.

Diximus 2do. *Notarii conficientes instrumenta requirente usurario*; si enim postulante mutuuario conficiant, peccant quidem, & perjuri sunt; sed minime injusti, quia volenti & roganti non injuriam, sed solatium attulere.

V.

362 De prænis Usurariumum.

Usurarii publici & notorii sunt in fames Cap. *Infames* Caus. 3. q. 7. & Leg. *Improbum famus*. Cod. *Quibus ex causis infamia irrogatur*. ac per consequens irregulares & inhabiles ad officia & beneficia. Ad communionem altaris non sunt admittendi, nec Ecclesiasticæ sepulturæ tradendi, nec eorum oblationes accipiendæ; Cap. *In om-*

nibus tit. De usuris. Non admittuntur ad confessionem antequam satisfecerint, vel cautionem dederint, si possint; aliàs si periculum moram non patiatur, admittendi sunt sub juramento se non posse satisfacere, nec dare cautionem, cap. *Quoniam*, *De usuris* in 6.

Usurarii etiam occultis, sic compellendi sunt ad restitutionem, ut beneficium ab solutionis eis denegetur, nisi restitutionem faciant plenam, quantum potuerint, aut dilationem petierint ab his, quibus restituere tenentur, si nempe actu restituendo impares sint. Ita S. Thomas Opusc. 78. c. 16. Et hæc severitas tunc præcipuè adhibenda est, cum in præcedenti Confessione moniti, promissam restitutionem executioni non mandaverunt.

VI.

An liceat mutuum petere vel accipere 363 re sub usura?

Non licet mutuum petere sub usuris: quia non licet petere ab alio, quod licitè facere non potest; nam hoc esset eum inducere ad peccandum. Tamen ex communi, licet ob gravem necessitatem propriam vel alienam petere mutuum ab eo, qui prævideretur non daturus nisi sub usuris, si aliter haberi nequit, intendendo solum mutuum, & habendo se permissivè ad usuram: quia licet petere ab alio id, quod licitè præstare potest, quamvis ex malicia sua peccaturus sit, modò adsit justa causa non impediendi ejus peccatum, qualis est hic: nam mutuarius non tenetur cum suo gravi damno malitiam mutuantis impedire,

re, ait S. Thomas 2. 2. q. 78. a. 5. At seclusa necessitate (saltem rationabili non licet mutuum petere ab usurario, & accipere sub usuris; quia lege charitatis quisque tenetur sub mortali impedire peccatum mortale proximi, ejusque executionem, quando sine notabili suo incommodo, seu damno id potest. Ita iterum S. Thomas Opusc. 67. de empt. & vendit.

§ IV.

364 De Contractu Societatis.

Contractus Societatis definitur, *Conventio duorum vel plurium contribuendi ad commune lucrum & damnum secundum proportionem rerum contributarum.*

Dicitur 1mo. *Conventio*, honesta scilicet & in negotiatione licita; 2do. *contribuendi ad commune lucrum & damnum.* quæ contributio multis modis fieri potest, ut 1mo. si unus pecuniam, animalia, naves, conferat; alius industriam & laborem. 2do. Si ambo partim pecuniam conferant, partim industriam, &c. 3tio. *secundum proportionem*, &c. In hoc enim servatur æqualitas, & justitia, si is, qui plus ad societatem confert, sicut majus damnum pateretur, si quod confert, periret; ita etiam majus lucrum ex ejus fructibus percipiat.

365 Contractus Societatis sic definitus dividitur in *purum & non purum*. Prior est contractus, qui non est admixtus aliis contractibus; quod potest fieri multipliciter: vel enim unus confert tantum pecuniam, aut animalia; alter

verò industriam & operas: vel ambo conferunt pecuniam, animalia, industriam & laborem. Non purus verò est ille, cui admixti sunt alii contractus; ut cum ei additur contractus pignoris pro securitate capitalis, si forte alterius focii culpa pereat; vel duo alii contractus *affecurationis* scilicet, quo conferens operas affecurat sortem capitalem, ita ut ipse solus ejus periculum etiam fortuitum subeat, ea tamen conditione, quod alter, cuius pecuniam affecurat, certam lucri partem remissurus sit; & *emptionis*, quo scilicet affecurans emit lucrum incertum: Spes est v. g. lucrandi ex societate centum nummos; affecurans emit ab altero socio illam spem decem nummis, quos solvet, etiam si illa spes concidat, & societas nihil pariat.

Contractus Societatis purus est licitus; quia honestum est convenire ad captandum lucrum ex pecunia & industria, modo servetur æqualitas, quæ requiritur in definitione contractus.

Licitus etiam est contractus societatis cum contractu pignoris; quia cum socius possit pecuniam alterius inutiliter consumere, aut in proprium commodum convertere, æquitas postulat, ut det alteri pignus, quo possit reddi indemnitas.

Licitus quoque est contractus societatis, si ipsi addatur contractus emptionis lucri incerti majoris pro minore certo: v. g. cum dantur vaccæ aut apes in societatem ita ut, si sine culpa operas conferentis pereant, pereant danti; at verò, quamdiu vixerint illa animalia, is, qui eorum curam gerit, sin-

Cc cc 2

singulis annis solvat pro vacca, aut alveolo, certum quid. Ratio est, quia spes lucri est pretio æstimabilis. Ergo licite potest vendi & emi. Cum autem quæ sunt in spe minoris æstimentur, quam quæ sunt in re, v. g. spes capiendi decem pisces ex uno rectis jactu, non tanti valet, quanti ipsi decem pisces; ut fervetur æqualitas in contractu emptionis hujusmodi, ita iniri debet, ut quo majus est periculum non lucrandi, minus pro spe lucri solvatur.

369 Certum est illicitum esse contractum societatis, si eo tempore, quo celebratur, alter è sociis affecuret capitale, & lucrum incertum emat certo lucro minori: v. g. Petrus confert in societatem centum aureorum capitale, ex quibus se triginta lucraturum probabiliter sperat; sed quia veretur ne hoc suum capitale pereat, ex his speratis triginta aureis decem cedit socio, ut sibi suum capitale affecuret; rursus cogitans melius esse, si lucrum certum habeat, hos residuos speratos viginti aureos pro decem certis socio vendit. Contractus iste vocatur triplex, eo quod tres in eo reperiantur contractus, Societatis videlicet, Affecurationis, & denique Emptionis. Certum, inquam, est hujusmodi contractum illicitum esse. Et constat ex Bulla Sixti V. edita an. 1586. quæ incipit *Detestabilis*, in qua tunc triplicem contractum velut omnino usurarium damnat &c. Ratio est, quia illi duo ultimi contractus societatis contractum omnino destruunt, cui intrinsicum est & essentiale exponere rem suam periculo, ut patet ex ejus definitione. Unde qui non vult inire societatem, nisi certus sit de lucro, propriè intendit murare, & ex mutuo lucrari sub specioso nomine societatis.

Diximus, si alter è sociis affecuret, 370 nam omnes Theologi consentiunt, licetè posse affecurari fortem capitalem per alium tertium, qui non sit de Societate, v. g. vectornavis potest in proprium periculum pro pretio suscipere merces Smyrnæ deferendas, ubi, qui societatem contraxerunt, sunt negotiaturi.

Diximus etiam, si eo tempore, quo celebratur societatis contractus; nam controversia est inter Theologos, utrùm, constituta jam societate, possint socii inter se de securitate fortis & lucri pacisci. Alii enim id asserunt, modò pactum illud fiat diverso tempore: alii verò negant; quia, inquit, pactum illud, quovis tempore fiat, destruit societatis contractum, & in mutuum convertit. Haud dubiè usurarius esset, qui nollet inire societatem, nisi certus esset socium vel per se, vel per personam interpositam capitale affecuratum.

Porro sic dividenda est societas: 371
1mo. Æstimandus est valor fortis. 2do. Ratio est habenda periculi, cui exponitur vel fors ipsa, vel qui præstat operas. 3tio. Æstimanda sunt industria, labor, & impensæ ejus, qui confert operas. Quare si suscepit animalia pascenda, spectandum est, utrùm pascua sint spatiosa, pingua, & commoda: nam multò minus deberet lucrari, quàm si pascua essent angusta, sterilia & difficilia. In posteriori hypothesis medietas fructuum fortè non responderet labori pascensis: in priori verò superaret, nec pascens gravaretur ex pacto ea conditione inito cum animalium Domino, quod v. g. ex centum agnis, qui essent fructus gregis,

gis, certus numerus, putà quatuor vel sex substituerentur in locum ovium mortuorum, etiam sine culpa pascensis. Ut ergo divisio sit æqua & iusta, totum referendum est ad iudicium viri prudentis in qualibet regione.

à quo mutuet pecuniam; negat ille mutuum petenti, sed offert cambium Francofurti restituendum, quamvis sciat illud post temporis lapsum reddendum esse Argentinx. Cambium reale est illud, quod non fingitur, sed verè sit, ut cum pecunia præsens cum præfenti, vel præfens cum distant commutatur.

§. V.

372

De Cambio.

Cambium idem est ac permutatio; cambire enim est unum permutare cum alio, quodcumque illud sit. Hic verò strictius sumitur cambium pro permutazione pecuniæ cum pecunia. Qui dat pecuniam, dicitur *Campfor*; qui recipit, *Campfarius*. Definitur autem Cambium, *Contractus quo pecunia pro pecunia commutatur cum lucro campforis*. Differt à venditione, in qua pecunia commutatur cum merce; à deposito, in quo dominium non transfertur, & eadem numerò res reddi debet; ac demùm à mutuo, quod ex lucri intentione fieri non potest, cum è contrà campfor, qui ab aliis *colibista*, *nummularius*, & *bancarius*, dicitur, possit lucrum intendere, ut docet S. Thomas, Opulc. 73.

373 Cambium sic definitum dividitur imò. in *fictum*, & *reale*. Fictum, quod & *fictum* appellatur, quia caret humore, quo fructum sive lucrum parere possit, illud est, quo pecunia re ipsa non permutatur, sed permutari fingitur; ut cum datur pecunia recipienda non eo loco, quo fingitur, sed eo loco quo datur, quamvis alio tempore: tale cambium fit si quis mercatorem adeat Argentinx,

Cambium reale dividitur in *manuale*, *le, locale*, & *temporale*. *Manuale* seu *minutum*, est illud, quo præfens pecunia actu & de manu ad manum pro alia diversæ speciei mutatur, ut aurea pro argentea, Germanica pro Gallica. *Locale*, quod & dicitur *cambium per litteras*, est permutatio pecuniæ præfentis cum distant; ut si hic des pecuniam Campfori, ut eam per litteras cambii amico tuo Romæ restituendam curet. *Temporale* verò, id est, quod ad certum diem constituitur, est illud, quo hodie v. g. datur pecunia, puta centum nummi, ut post tres aut quatuor menses reddatur eadem pecunia cum aliquot nummis supra centum; quod si post elapsum tempus istud non solvantur, renovatur cambium, & auctarium, quod jam debitum esse supponitur, capitali additur, ita ut debeat solvi usura usuræ, quod quidem tunc vocatur *recambium*. Atque illud est celebre cambium quod alii Lugdunense, Francofordiense alii nuncupant, vel etiam Nannetense, quod in iis civitatibus sit in usu. His præmissis ponuntur sequentes Resolutiones.

1ma. Cambium reale sive manuale fit, sive locale, per se licitum est servatis servandis. Ratio est quia Rej. publicæ est utile, nec quidquam mali
Cc cc 3 in

in se continet. 1mo. Reipublicæ utile est, imò necessarium; cum Cambii ope multorum indigentia subveniat, multorumque damna & incommoda vitentur; multi enim indigent pecuniâ minutâ; multi pecuniis, quæ in aliis, ad quæ peregrinaturi sunt, Regnis currunt; multi suas sine magno latro- num metu deportare non possunt: his verò incommodis per cambium subveni- tur. 2do. Cambium nihil mali con- tinet. Si quid enim in eo redargui pos- set, hoc utique, quòd vi cambii ali- quid supra sumam à campfore datam reci- piatur. Atqui hoc culpari non po- test, quia iustò sit titulo, impen- sarum scilicet, laboris & operæ, sine quibus non potest Campfor omnis generis monetas colligere, ut cui- libet indigenti satisfaciatur; correspon- dentes habere, ministros, domum, alia- que id genus huic commercio necessaria conducere, ut optimè docet Auctor opusculi. 73. apud S. Thomam; & sequi- tur ex iis, quæ suprâ diximus de Mon- tibus pietatis.

376. ada. Cambium sicum illicitum est. Ratio est, quia est usurarium; utpote in quo præcisè ex mutuo, sine ullo alio titulo lucrum percipitur.

377. 3tia. Similiter Cambium temporale, prout à nobis explicatum est, etiam illicitum est; Ratio est 1mo. Quia in eo auctarium non exigitur nisi pro ca- rentia pecuniæ ad certum tempus, & pro solutionis dilatione; unde quo ma- ior est dilatio, majus exigitur auctarium.

Atqui pro carentia pecuniæ, aut dilata- tione solutionis aliquid supra fortem exi- gere mera est usura, ut alibi dictum est. 2do. Quia ne quidem negotia- toribus licitum est usuras usurarum exi- gere; quæ tamen in temporali Cam- bio exigitur. 3tio. Quia id eo li- citum est Campforibus, ut aliquid su- pra fortem exigant, quia varios ha- bent id faciendi titulos, ut modò di- ximus. Atqui hi tituli locum non ha- bent in Cambio temporali; ibi enim non dantur litteræ cambii pro aliis re- gionibus, &c.

§. VI.

De Censibus.

378

Census nomen à verbo *censere* deri- vatum videtur, quia ab Imperatoribus Romanis censebantur seu æstimabantur bona privatorum, ut in tributis im- ponendis iustitia distributiva servaretur. Hæc æstimatio *census* dicebatur, sicut & ipsum tributum, ut patet ex cap. 22. Matth. ubi, *Licet*, inquit Phari- sæi ad Christum, *censum dare Casa- ri, an non?*

Hic *Census* nomen pro proventu seu redditu accipitur (k); atque triplex est. 1mo. idem est ac jus certam exigendi pensionem (l). 2do. est hæc ipsa pen- sio. 3tio. sumitur pro contractu, quo emitur aut venditur jus hujusce pen- sionis seu proventus.

De

(k) Germanicè *Gefälle*, *Zins*, &c.

(l) Pensio à pendendo idem est ac datio à dando.

379 De censu secundum primam acceptionem hic nobis præcipue sermo est; atque definitur, *ius percipiendi annuam pensionem ex re vel persona alterius utili vel fructifera.*

Dicitur imo, *Ius* seu facultas *exigendi pensionem*, quam qui debet dicitur *censualius* & *venditor*, quia pro certa, quam mutuo recipit, pecuniæ summa, aut alia re æquivalenti, constituit & vendit alteri jus certam quotannis, vel definito alio tempore, pensionem recipiendi: is verò, cui ea debetur, dicitur *creditor*, *censualista*, & *emptor*, quia jus illud pecuniâ suâ emit; pensio debita dicitur *canon*, necnon *reditus*, quia quotannis, vel definito tempore reddit & redditur. Dicitur 2do. *Ex re vel persona alterius*; quia jus huius pensionis non tantum in re aliqua fundari potest v. g. domo, agris, vinea; sed etiam in persona, modo sit fructifera, & aliquid sive ex officio, sive labore & industria lucrari possit.

380 Census ita definitus dividitur in *Reservativum*, & *Consignativum*. Prior est jus seu facultas percipiendi certam pensionem, quam quis sibi reservat in re utili & fructifera, cujus plenum alteri dominium tradit. Ad hanc speciem pertinent Censui Dominicales (*Herrschastliche Geseßen / Zinsen*, &c.) qui Dominis competunt, eò quod translata in aliquos particulares fundorum quorundam proprietate, aliquam sibi ex iis pensionem reservaverint quasi in recognitionem. Census verò *Consignativus*, de quo hic sermo, est jus percipiendi annuam pensionem ex re vel persona alterius sub pretii constitutione; seu est jus, quod quis datò & constitutò alteri personæ pretiò ab eadem emit certam

quotannis sibi dandam pensionem, juxta taxam Principis & leges locorum.

Census *Consignativus* subdividitur 381
1mo. ex parte fundamenti, seu rei, super qua constituitur, in *realem*, *personalem*, & *mixtum*. 2do. ex parte pensionis in *pecuniarium*, & *fructuarium*. 3tio. ex parte temporis, quo durat, in *temporalem*, *vitalitium*, & *perpetuum*. 4to. ex parte modi, quo creatur, in *redimibilem*, & *irredimibilem*.

Census *realis* est, qui constitutus est super re aliqua fructifera, puta domo, agro, vinea, &c. eamque immediate afficit, ac perpetuò comitatur, adeo ut, ad quemcumque res illa transeat, simul & transeat ei annexum pensionis onus. Census *personalis* ille est, qui immediate constitutus est super persona, quæ sibi, vel suis etiam hæredibus obligationem imponit solvendi ex industria, & labore suo, vel etiam ex bonis, si quæ habeat, certam pensionem. Hic census non transit in realem, quamvis pro ejus assecuratione detur hypotheca, quia res hypothecata primò loco non obligatur, sed duntaxat in defectum personæ.

Mixtus est, qui tam super re, quam personâ constitutus est, ita ut re etiam pereunte persona maneat obligata. *Pecuniarius* est ille, qui solvendus est in pecunia; *Fructuarius*, qui in fructibus, ut vinò, frumento, &c. *Temporalis*, qui ad certum tempus, ut annos viginti constituitur. *Vitalitius*, qui ad vitam hominis. *Perpetuus*, qui in perpetuum constitutus est, ita ut per se nunquam expiret. *Redimibilis* est, qui redimi potest ad nutum vel censuatii, vel censualistæ, vel utriusque.
fr-

Irredimibilis est ille, qui non potest redimi. His præmissis modò exponendum venit an, & qua conditione prædicti census liciti esse possint.

- 382 1mo. Census reservativus omninò licitus est. Constat ex Genes. 47. ubi Joseph hujusmodi census reservativos adhibuit; cùm Egyptiis bona ipsorum prius in Pharaonis dominium assera restituit annua super iis pensione Pharaoni reservata. Ratio est, quia sicut quis potest rem suam tradere vel non tradere, ita & tradere reservato sibi jure pensionis; quod omninò æquum est.

- 383 2do. Census consignativus realis etiam est licitus; imò & personalis. Prima pars constat ex unanimi hodie Ecclesiarum omnium, Monasteriorum, Fidelium, imò nationum omnium consuetudine, à quibus prædicti census approbantur, & exercentur; item ex auctoritate summorum Pontificum Martini V. Calixti III. Nicolai V. & aliorum, qui hujusmodi census licitos declararunt. Ratio est 1mo. quia tam potest homo alteri vendere jus ad pensionem sive fructuariam, sive pecuniariam ex re sua annuatim recipiendam, sive in perpetuum, sive ad tempus; quam possit alteri illud jus legare, vel donare. Atqui posterius potest. Ergo & prius. 2do. Jus illud est pretiò æstimabile. Ergo vendi potest. 3tio. Illa emptio & venditio licita est, in qua nulla est inæqualitas. Atqui nulla est inæqualitas in venditione census realis. Si enim in ea aliqua reperiretur inæqualitas, tunc vel maximè ideo, quòd emptor census certam singulis anni pensionem recipiendo, post temporis lapsum plus recipiat, quam dedit. Atqui hæc ratio non probat ullam esse inæqualitatem; nam etiam qui sum-

dum fructiferum emit, pretium, quod pro eo dedit, post aliquot annos recuperat, & ulterioris temporis lapsu summam consequitur majorem eâ, quam venditori dederat, nec tamen ullius injustitiæ acculatur. Ratio utriusque hæc est, quòd, ex communi hominum sensu, summa per multas partes divisa, nec recipienda nisi successive, & sic variis incommodis & periculis exposita, non tanti valeat, quanti illarum partium collectio simul possessa, quæ & nullis penè obnoxia est incommodis, & ad quodlibet lucris, negotiationisque genus longè utilior est & commodior.

Secunda pars etiam, quæ nunc communiter ab omnibus Theologis recipitur, prob. 1mo. Quia potest quis alteri gratis concedere jus annuæ pensionis super persona sua. Ergo & vendere, quia pretiò æstimabile est, adeoque & vendibile. 2do. Quia persona non minùs per artem & industriam suam potest esse fructifera, quam ager & domus. Ergo sicut vendi potest pensio super agris aut prædiis, sic & vendi potest pensio ex lucro, quod persona suo sibi labore acquireret & comparabit.

Nec obest Bulla Pii V. an. 1569. emissâ, quæ incipit, *Cùm onus*. in qua statuit, censum nullo modo constitui posse, nisi in re immobili, aut quæ pro immobili habeatur, de sua natura fructifera; adeoque omnes census personarum excludit. Nam cùm in illa Bulla non explicetur jus naturale aut divinum, sed jus humanum duntaxat fanciatur, ea non obligat nisi in locis temporaliter Sedi Apostolicæ subiectis, imò nec in iis servatur; cùm etiamnum Romæ census personales sint in usu; Multa quoque alia in eadem Bulla præscribitur sum.

summus Pontifex, quæ stando juri naturæ prorsus sunt libera. 1mo. Rem, in qua creatur census, debere esse immobilem, determinatam, & certis finibus designatam. 2do. Pereunte re illa, censum etiam perire emptori. 3tio. In ipso contractu numerandam esse pecuniam, ita ut pro pretio non possit emptor cedere venditori debita, quibus erga ipsum astringebatur. Hæc autem nullibi in usu sunt, & ubique census constituuntur super omnibus etiam bonis venditoris; adeo, ut pereunte re specialiter in contractu consignativo designata, cætera bona venditoris obligata emptori maneant. Nec tenetur emptor numerare pecuniam, quando venditor aliunde illi debet, sed censetur solvere abdicando jus exigendi debitum: nec in his quidquam repugnat legi naturali aut divinæ, modò æqualitas servetur.

384 3tio. Census redimibilis ad nutum venditoris est omnino licitus. Ratio est, quia venditio census redimibilis, nihil est aliud, quam venditio rei cum pacto de retrovendendo in favorem venditoris. Atqui talis venditio est licita, prout suprâ §. 1. num. 281. probavimus, ubi de contractu cum pacto retrovendiionis egimus. Ergo.

4to. Quid de censu ad nutum emptoris redimibili sentiendum sit, etiam ex his colligi potest, quæ cit. §. 1. n. 282. diximus; ut & de censu ad nutum emptoris, tùm venditoris redimibili.

385 Cæterùm ut census consignativus licitus sit requiritur, ut iustus pretiò, id est, lege vel consuetudine constituto ematur, & venditor census possit suâ operâ vel industriâ lucrari, aut habeat

P. Cartier Theol. Tom. III.

bona in re vel in spe certa, ex quibus pensio duci possit, &c.

Unum hic non prætermittendum ar-
bitramur; scilicet eos Theologos & Canonistas, qui timentur licere titulò Statuti & consuetudinis locorum ex mutuo auctarium recipere, ab iis, quæ modò de licitate censuum consignativorum juxta omnium penè Theologorum mentem stabilivimus, validum in suæ opinionis fulcimentum desumere argumentum. Ajunt enim, in censu personali pecuniario idem fieri, quod in mutuo itidem pecuniario; atque ut in mutuo licitum sit aliquid ultra sortem accipere, nihil opus esse, nisi ut nomen *mutui* in nomen *census* mutetur. v. g. ut mutuarius mutuatori dicat vendo tibi pensionem quinque florenorum, annuatim à me percipiendam pro pretio centum florenorum mihi modò numerandorum, &c. (m)

§. VII.

De Locatione & Conductione. 387

Locatio & conductio sunt unus idemque contractus, ut venditio & emptio, qui quidem ex parte locantis *locatio*, & ex parte locatarii *conductio* appellatur.

Locatio est *Contractus quo usus vel fructus rei aut persona ad certum tempus pro pretio traditur*. Conductio autem est *Contractus, quo accipitur ille usus vel fructus, &c.* Qui accipit dicitur *Conductor*; qui vero rem utendam aut fruendam dat, *Locator*. Utrique sunt suæ obligationes:

D d d d

1m.

(m) Vid. Colleg. Juris Can. lib. 5. tit. 19. num. 2175. ubi dicitur hujusmodi contractuum pactum assicuracionis intervenire debere &c. ut scilicet licitum sit.

388 Imo. Locator efficere debet, ut conductor re uti vel frui liberè possit, Leg. 25. ff. *Loc.* Non tenetur tamen Locator de vi majori, ut si Princeps domum locatam usurpet, si ea casu fortuito peccat, Leg. 23. ff. *De Reg. Jur.* 2do. Locatur occultum rei locatæ vitium aperire debet, ut si domus ruinosa sit, si spiritibus vexata, aut vexari dicta; si equus aut mulus onera abjicere & excutere consueverit: unde tenetur de damno, si scienter vitium celaverit, Leg. 19. ibid. Si res inutiles sit, Locator nihil accipere potest; si utilis quidem sit, sed minus, quàm pactus est conductor seu Locatarius, minuenda est pensio. Et hæc in foro conscientie vera sunt, siue defectus evidens sit, siue non, modò eum sciverit locator, aut saltem scire potuerit. 3tio. Debet Locator impensas in re factas, necessarias nempe & utiles, solvere, nisi aliter conventum sit. 4to. Rcm ante tempus constitutum repetere non potest, nisi id exigant, necessitas reficiendi domum, mali Conductoris mores, solutionis defectus, &c. Item si Locator domo sua verè indigeat, &c.

389 Conductoris seu Locatarii varia sunt onera. 1mo. Re conducta uti non debet, nisi in usum, pro quo eam conduxit; sic equò ad vehendum onus uti non potest, qui ad eum ferendū hominem conduxit; nec majus onus imponere, qui de minori pactus est. 2do. Tenetur de dolo, culpa lata & levi non sua tantum, sed & sublocatariorum ac famulorum, Leg. 25. ff. *Locali*, &c. 3tio. Culpæ Locatarii etiam adnumeratur, si propter inimicitias ex sua culpa procreatas res locata à vicino ipsius vel alio damnum passa sit; secus verò si nullam in iis culpam habeat, nam tùm æquum non est, ut id ipsi in damnum imputetur.

Aliæ conditiones, ut quòd pensio conventa solvi debeat, res locata constitu-

to tempore restitui, ut ante illud tempus res sine causa non deferatur, parum difficultatis habent. Pensio solvenda est, etiam si ex parte Conductoris, absque ejus culpa, contingat, ut re locata, v. g. equò, uti non possit: secus si equus morbo afficiatur, aut domus corruat, vel ob bellum inhabitari non possit. Idem dicendum de eo, qui operas suas locavit; is enim totius temporis mercedem accipere debet, si per eum non stetit, quominus operas præstaret, Leg. 38. ff. *loc.* Qui malè aut segnitè laborant, ad restituendum tenentur, prout majoris aut minoris damni causa fuere.

Cæterum res locari non potest ei, qui prævidetur eà abusus: unde peccas, si arma cuiusdam elocaveris, quem iis usurum putas ad occisionem: peccas quoque si meretrici loces domum. Ratio est, quia non licet alteri procurare occasionem, & commoditatem peccandi.

Ut autem domum meretrici locare non licet, sic nec eam quis pati potest in domo sua, quam sceleris puram crediderat, & postmodum meretricem esse comperit. Si quis (inquit Justinianus Novell. 14. *De Lenonibus*) patiatur in domo sua lenonem . . . Et non ex domo sua expulerit, sciatur se & decem librarum auri sustinere poenam, & circa ipsam periclitaturum habitationem.

J. VIII.

De deposito, commodato, precario, & mandato.

Depositum, commodatum, &c. sumuntur hic pro contractu; licet sæpè sumantur pro ejus materia, scilicet re deposita, commodata, aut data precario,

Deponi-

Depositum definitur, *Contractus*, quo res custodienda traditur alteri, ab eoque suscipitur reddenda eadem non solum specie sed etiam numeris. Ad depositum non sufficit mera traditio, sed requiritur susceptio ex parte depositarii, qui alioqui non tenetur de deposito, nisi forte ex officio custodire teneatur, ut caupones, stabularii, aurigæ, &c. qui tenentur de rebus eorum, quos etiam gratis receperint. Leg. 6. ff. *Nautæ*, &c.

392 Ad depositum velut species refertur *Sequestrium*, quod est contractus, quo res, de qua est controversia, alteri tertio custodienda traditur, eo fine, ut postea ei reddatur, cui adjudicabitur.

393 Quilibet ratione utens, sive pupillus, sive fœmina sit, sive etiam Religiosus, nisi privata Ordinis sui lex resistat, potest esse depositarius. Ubi circa Religiosum nota, quod Monasterium hujus rei, etiam si Religiosi depositarii dolo vel culpa pereat, periculum in se suscipere non censetur.

394 Depositarius porro non potest sine Domini consensu expresso aut tacito, vel saltem prudenter præsumpto, uti re deposita; quia usus rei concessus ei non fuit, sed tantum custodia. Hinc tenetur ad restituendum, si usus sit re, ut equo, veste, cujus usus pretio æstimabilis sit. L. 3. Cod. *Depos.*

Quod si Depositarius utatur vinò aut tritico apud se depositis, certo sciens se res ejusdem pretii & valoris habiturum eo tempore, quo depositum repeti debet, tunc deponentis negotia utiliter gerit; quia, si res istæ casu fortuito

perirent, damnum pertineret ad deponentem. Videtur etiam, quod Depositarius uti possit pecuniâ, quæ sibi traditur sacculò nec clausò, nec obsignatò, modò certus sit, se eam redditurum, cum exigetur; modò etiam non consistat in veteri moneta, quæ curiositatis magis, quàm usus gratiâ conferretur.

Obligationes Depositarii hæ sunt: 1mo. tenetur Rem depositam servare ac custodire eâ curâ ac diligentia, quam homines diligentes solent in simili re propria adhibere, Leg. 32. ff. *Depos.* Quod si res deposita pereat, vel deterior fiat, tenetur solum de dolo & culpa lata (n). Leg. 1. Cod. *Depos.* &c. Si tamen depositum cedat in commodum utriusque, ut si depositarius mercedem pro custodia accipiat, tenetur etiam ex culpa levi (o). Hinc sartores, molitores, aurigæ, caupones, & similes tenentur ex culpa levi, nam tenentur ex officio sibi & aliis utili, quod annexam habet eorum, quæ ipsis traduntur, custodiam, res apud se depositas custodire, vi contractus virtualis ac impliciti in utriusque partis commodum cedentis. Si verò depositio cedat in commodum solius depositarii, ut si apud ipsum deponatur pecunia eo solo fine, ut possit eâ uti, si egeat; tunc tenetur de culpa levissima (p). Ex cap. unico, *De commodato*. Ratio est; quia postulat æquitas, ut in custodia rei alienæ, quam quis in solam sui utilitatem accepit, summam, ne quid Dominus patiatur detrimenti, adhibeant diligentiam. Item si se ipsum obtulit ad custodiendam rem maximâ diligentia, vel promiserit, ex cap. 2. *De Deposito*. Imò etiam ex culpa

D d d d 2

pa

(n) Culpa lata, contrahitur ex omissione illius diligentie, quam prudentes ejusdem conditionis homines in hujusmodi rebus adhibere solent.

(o) Culpa levis est omisso diligentie, quam adhibent diligentiores.

(p) Culpa levissima est omisso ejus diligentie, quam prudentissimi & solertissimi in rebus ejusdem nature adhibent.

pa levissima tenetur de casu fortuito, si ex pacto ad casum fortuitum se obligaverit, si depositum transulerit in locum periculosum, si fuerit in mora non reddendo, cum reddere poterat & debebat. Ratio est, quia contractus ex conventionne legem accipiunt, Leg. 1. ff. *Depositum*. atque ita decernitur cap. 2. *De deposito*. ibi: *Pactio culpa vel mora precedentibus, casus etiam fortuitus imputatur.*

396 *ado.* Tenetur depositum repetendi statim reddere, cap. 2. ubi sup. & leg. 1. ff. *Depos.* nam aliqui retineret rem alienam invito Domino. Excipe nisi eam reposcat in suum vel aliorum damnum; ut si furens enssem repetat: nam tunc deponens non est rationabiliter invitatus: vel nisi res deposita sit furtiva, & Dominus eam repetat; tunc enim Domino restitui debet, Leg. 31. ff. *Depos.*

Porro si Depositarius alteri, quam Domino, reddiderit depositum, & illud perierit, non tenetur ad restitutionem, modo bona fide & prudenter, licet falso putaverit eum esse Dominum, vel aliquem ab eo missum ad illud repetendum; quia tunc abest fraus, dolus, & culpa lata, ex quibus solum tenetur de damno.

397 *Commodatum est contractus, quo res alteri gratuito conceditur ad certum usum pro tempore determinato, ante quod repeti non potest.* Unde si quis ante praefixum tempus rem commodatam retrahat, tenetur de damno, quod inde patitur commodatarius, nam ut habetur cap. unic. *De commod.* non oportet nos beneficio decipi, sed juvari. Existimant tamen non pauci, quod, si commodanti simile damnum ex rei suae carentia inopinatio immineret, posset illam repetere, etsi commodatario idem incumberet damnum; quia nemo intendit contractum merè gratuitum cum tanto suo incommodo subsistere debere.

Tenetur commodans aperire viciū rei commodatae, si sit periculosum; aliqui tenebuntur de damno inde secuto, lib. 18. & 22. ff. *Commod.* quia dedit illius occasionem. Debet etiam extraordinarias impensas facere: commodatarius verò tenetur ad modicas & ordinarias circa rem commodatam sustinere.

Insuper Commodatarius non potest uti re in alium usum, quam cuius gratia ei data est, nisi Dominus id permisissum credat. Insistit *De obligat. quae ex delicto.* Item tenetur rem commodatam finito tempore restituere, etiam si non repetatur, cum dies statuta pro Domino interpellat, cap. ult. *De locato.* Alioqui tenebuntur omne lucrum cessans & damnum inde proveniens compensare, cum sit illius causa iniusta: nam non habet jus utendi re aliena, eamque restituendi ultra tempus sibi concessum, sed Dominus habet jus illam tunc possidendi, & ea utendi. Denique tenetur maximam diligentiam ac curam ad rem commodatam integrè & in bono statu conservandam adhibere; ex leg. cit. & Insistit: *Quibus modis, &c.* Quare si res pereat vel deterior fiat, ex culpa etiam levissima, tenetur ad restitutionem, nam contractus cedit in ejus solius utilitatem, ex cap. unico. *De commod.* Quod si in utriusque commodum res fuisset commodata alteri, hic tenebuntur solum de culpa levi: si verò in solius commodantis, de culpa lata; ut supra de Deposito dictum; quae & alia ibidem dicta huc etiam referri possunt.

Precarium est gratuita solius rei usus concessio ad nutum revocabilis. Unde non differt à commodato, nisi quod possit quovis tempore repeti à concedente, non tamen in continenti; alioquin esset inane & illusorium, non beneficium. Solvitur ipsius rei alienatione, & morte accipientis; cap. ult. *De Precar.*

Man-

401. *Mandatum non activè, ut nomen sonare videtur, sed passivè sumitur, estque officium gratis susceptum in gratiam & commodum alterius; sive est obligatio aliquid agendi in commodum alterius gratis suscepta, v. g. negotium aliquod gerendi, aliquid ipsi emendi, &c. Nam si pretiò suscipiatur, est potius locatio operæ quàm mandatum. Mandatum autem non potest esse nisi de re licita, leg. 6. ff. Mandat. & re integra solvitur morte mandantis, leg. 15. Cod. Mandati.*

402. *Obligationes Mandatarii & cujusvis negotiorum gestoris vel procuratoris sunt imo. Ut alterius negotium diligenter & utiliter gerat tanquam proprium; nam ad hoc se obligavit acceptando mandatum, nec ei aliter negotium commissum fuisset, ex leg. 21. Cod. Mandan. 2do. Ut negotium susceptum concitiat: voluntatis est enim suscipere mandatum, necessitatis consummare, leg. 17. ff. commod. Nam ad id se obligavit, illud suscipiendo. 3tio. Tenetur saltem de dolo & culpa lata, si mandatum in solius mandantis utilitatem gratis susceperit, leg. 3. ff. De negot. gest. Delevi, si id etiam in suam utilitatem cedat, vel si se obtulerit, cum alius diligentior præstò esset. De levissima verò si maximam diligentiam promiserit, vel hanc res exigit. 4to. Non potest fines mandati sui transire; diligentior enim fines mandati custodiendi sunt, leg. 5. ff. Mandati. Unde non potest v. g. aliquid pluris emere, aut minoris vendere, quàm ei præscriptum sit. 5to. Non potest mercedem exigere, nisi promissa sit, vel priùs petierit (quo casu locatio operæ est potius quàm mandatum, prout jam dictum) nec ei licet operam suam occultè compensare, aliqui tenetur ad restitutionem. Nam hoc ipso, quòd mandatum suscipiat nihil petendo, censetur velle alteri gratificari, & operam suam gratis ex amicitia præstare, leg. 1. ff.*

Mandat. ibi: Mandatum nisi gratuitum nullum est; nam originem ex officio atque amicitia trahit. Contrarium ergo est officio merces: interveniente enim pecunia res ad locationem & conducti- nem potius respicit.

Mandantis verò obligatio hæc est, ut 403 Mandatario præbeat necessaria ad mandati executionem, & sumptus solvat, ex cap. 6. De procurat. nam id æquitas & justitia exigit.

Qui verò absens & ignorantis nego- 404 tium gerit sine mandato perinde ac mandarius tenetur negotium alterius in se susceptum diligenter administrare tanquam suum; & damna ex sua culpa lata, imò & levi, saltem si alius diligentior negotium illud suscepturus fuisset, absenti illata rescire, Instit. De obligat. & Leg. 20. Cod. De negot. gest. Quia is, qui alterius negotium suscipit, diligentiam suam ac industriam promittere censetur, quam proinde saltem ordinariam adhibere tenetur.

Absens verò tenetur ei impensas & damna ex negotii administratione secuta compensare, & operæ mercedem congruentem solvere; & si recuset, datur actio contra eum, Leg. 2. ff. De negot. gest. idque etiam si negotium malè succedat, modò negotii gestor prudentiam & diligentiam debitam adhibuerit; nam cum res ipsa, & bonum commune postulet, ut res & negotia absentium administrantur; æquum est impensas ea de causa factas, operas, & damna secuta compensari ei, qui talia negotia gessit. Hic autem rationem expensis & recepti reddere debet, Instituit. De obligat.

§. IX.

405 De fidejussione, affecuratione, pignore, hypotheca, transactione.

Fidejussio est contractus, quo quis in se suscipit obligationem solvendi debitori alterius, si debitor ipse non solverit.

Varie sunt fidejussionis condiciones. 1mo. Non obligatur fidejussor, si invalida sit, aut extincta principalis debitoris obligatio; quia non intendit se obligare pro eo, qui re ipsa non debet. 2do. *Fidejussores ita obligari non possunt, ut plus debeant, quam debet is, pro quo obligantur: nam eorum obligatio accessio est principalis obligationis; nec plus in accessione debet esse, quam in principali re.* Instit. De fidejussor. 3tio. Fidejussor non potest conveniri à creditore ad solvendum, nisi prius à principali debitore debitum repetitum fuerit, & is solvere non possit: hæc enim est veluti conditio hujus contractus, nisi aliter conventum fuerit, aut fidejussor renuntiaverit juri, quod habet, ne ante debitorem conveniatur; aut etiam debitor procul absit, &c. 4to. Fidejussoris obligatio transit ad ipsius hæredes. 5to. Tenetur solvere ante sententiam Judicis, sicut & ipse debitor, cuius in locum ipse succedit. 6to. Peccat graviter, qui certus de sua impotentia ad solvendum pro alio, ejus fidejussorem se constituit, putans fieri posse, ut debitor non sit solvendo: nam creditorem injustè decipit, & falsam ei securitatem offerendo, & dat ei occasionem periculi ac damni.

406 Præcipua Fidejussoris jura sunt 1mo. Quod possit agere contra debitorem, ut restituat sibi tum illud omne, quod solvit, tum damna quæ passus est. Debitor enim vi contractus fidejussorem debet indemnem servare. 2do. Cogere po-

test creditorem, ut sibi cedat omnem actionem, cum personalem, tum hypothecariam, quam contra debitorem habet. 3tio. Ut non maneat obligatus, si creditor debiti petitionem suo tempore neglexerit, & debitor postea factus sit impotens; quia non tenetur fidejussor damnum rescire, quod creditor suæ tantum culpæ patitur. 4to. Juxta probabiliorum multorum sententiam potest licite pro fidejussione sua pretium aliquod exigere à debitore, & de eo cum ipso pacisci pro ratione quantitatis debiti & periculi. Quia obligatio solvendi debitum alterius seu fidejussio est onus pretiò æstimabili, quod fidejussor non tenetur gratis in se suscipere. Neque id exigit pro solutione pecuniæ alterius locò datæ vel dandæ; nam hoc esset usurarium; sed pro subeunda obligatione solvendi debitum alterius; proinde fidejussio non est mutuum virtuale; quia non consistit in traditione rei, sed præcissione in susceptione obligationis rei alienæ.

Affecuratio est Contractus, quo quis rei alienæ periculum in se suscipit, obligando se vel gratis vel pactâ pretiò ad eam compensandam, seu ad solvendum ejus pretium, si perierit. Quando hæc obligatio pretiò suscipitur, est contractus similis venditioni: nam venditur obligatio præstandi Domino rem indemnem, quæ est pretiò æstimabilis.

Ad ejus justiciam requiritur 1mo. Ut pretium respondeat quantitati periculi. 2do. Ut periculum subsit saltem probabiliter, vel saltem subesse ab utroque judicetur; hinc peccaret contra justiciam, qui affecuraret navim, quam cognovisset jam ad portum pervenisse; aut qui sciens rem suam jam periisse, de ejus affecuratione cum aliquo pacisceretur. 3tio. Ut ille cui merces affecurantur, servet condiciones, de quibus justè convenire potuit, v. g. ut navis talem viam teneat, si fieri possit, aliis oneribus non grave-

gravetur, 4to. Ut assicurans habeat, vel habere possit, unde solvat; aliàs insignis est nebulo, qui perdere non valens agit, ut lucretur; & restituere debet, si quid receperit, etiamsi res incolumis ad metam devenierit.

409 *Pignus est Contractus, quo debitor rem mobilem aliquam tradit creditori ad securitatem debiti, pro quo sic obligata est, ut ex ea solutio peti possit, si debitor non solverit.*

410 *Hypotheca verò est Contractus, quo res immobilis obligatur creditori ad securitatem debiti, ut ex ea pariter, si debitor non solverit, peti possit solutio.*

Differunt inter se *Pignus* & *Hypotheca*, 1mo. Quòd in pignore res tradatur creditori, in hypotheca verò res sola conventionione obligetur sine traditione. Interdum tamen mobilia sine traditione hypothecantur. 2do. Quòd pignus sit rei mobilis, hypotheca verò rei immobilis. Hæc tamen nomina passim in Jure idem sonant, & sumuntur etiam pro ipsa re alteri obligata ad securitatem debiti, & pro jure petendi solutionem ex re sic obligata.

411 *Pignus dividitur in pratorium, quod Judicis Scaturit; conventionale, quod ex partium consensu, & legitimum; quod ipsa Legis dispositione constitutum est vel consuetudine; etiamsi de eo nulla facta sit in contractus mentio: sic bona tutoris & curatoris sunt hypothecata pupillo & minori pro administratione bonorum, bona mariti pro dote uxoris, &c. Eadem est divisio hypothecæ, quæ insuper adhuc dividitur in universalem, per quam bona omnia cum præsentia, tum futura obligantur; & particularem, id est, unius vel plurium rerum in specie, & hæc rem semper afficit ad quemcumque perveniat, donec debitum solvatur.*

Obligationes illius, qui aliquid in 412 pignus seu hypothecam assignat sunt 1mo. Ut res, quæ pro multis debitis non sufficit, pro iis omnibus in hypothecam non detur; quia aliqui debitores omnes ex ea solutionem capere non possent. Quòd si posteriores creditores priorem aliorum hypothecam cognoverint, iis, utpotè scientibus & volentibus, non fit injuria. 2do. Debet refundere creditori impensas, quas iste in pignoris seu hypothecæ conservatione fecerit; quia aliqui creditoris conditio deterior fieret ex pignore seu hypotheca. 3tio. Non potest rem oppignoratam seu hypothecatam cuiquam vendere, nisi prius emptorem monuerit; quia cum hypotheca sit onus rem afficiens, deciperetur emptor, si rem emeret onere gravatam, quam liberam putat.

Obligationes verò illius, qui pignus 413 accipit aut hypothecam sunt 1mo. Ut ea diligenter servet, & curet ne pereant; tenetur enim de culpa lata & levi. Potest autem creditor ipsum pignus oppignorare, ex Leg. 1. Cod. *Si pignus pignori datum sit*. 2do. Ut statim restituat pignus, debito integrè solutò. 3tio. Ut ipsum non vendat, nisi debitor sit in mora solvendi, & eo prius monito; quòd si illud pluris vendat, quam sit debitum, excessum debet restituere debitori. &c.

Transactio denique definiri solet Pa-414
tio inter duos vel plures utrimque onerosa de re dubia, & lite incerta five mota five movenda.

Igitur ad ejus iustitiam tria requiruntur. 1mo. Ut res, super qua transigitur, sit dubia saltem probabili existimatione utriusque partis; aliqui fieret injuria parti jus clarum habenti, quæ transigendo non componere, sed vexationem injustam redimere censeretur. 2do. Ut conventio sit cum aliquo onere

re utriusque partis : alioqui esset donatio, non transactio. 3tio. Ut per eam lis componatur vel dirimatur ; nam ad hoc est instituta.

Ubi semel facta est Transactio vix datur locus restitutioni in integrum ; quia sicut in ludo, alisque fortis contractibus, ita & in Transactione pacificentes incerto eventui se sponte & reciproce comittunt, adeoque queri de latione non possunt, nisi ea tam enormis sit, ut dolus præsumi queat.

X.

415 De Ludo & Sponsionibus.

Quamvis sæpius confundantur *ludus*, *jocus*, & *lusus*, differunt tamen, quia *ludus* propriè dicitur in factis ; *jocus* in verbis ; & *lusus* magis sit voluptatis gratiâ, quàm spe lucri.

Ludus ergo generatim sumptus, & prout jocum etiam & lusum complectitur definiri potest, *Exercitatio non seria ad animi defatigati quietem ordinata*. Dicitur 1mo. Exercitatio ; quæ si in verbis consistat, vocatur *jocus* ; si in factis, propriè est *ludus*, qui si magis voluptatis gratiâ fiat, quàm spe lucri, *lusus* nuncupari potest. Dicitur 2do. *Non seria* ; quæ enim seriò sunt, cum aliquam animi contentionem requirant, ad laborem pertinent, qui naturaliter defatigationem parit : ludus verò est contentionis relaxatio. Dicitur 3tio. *Animi defatigati* ; quia ludus est quoddam remedium, non propter se appetibile, sed propter aliud, nempe propter animi defatigationem tollendam, quæ est malum quoddam, quatenus impedit serias & necessarias actiones. Assumendus est ergo ludus ad levandum ani-

um, quemadmodum cibus aut somnus ad refocillandum corpus. Dicitur 4to. *Ordinata ad quietem*, id est defatigationem. Aliiter quippe animus quiescit, aliter corpus. Corporis quies est cessatio ab opere : animus verò sine operatione esse nequit ; atque etiamnum quiescente corpore intendi & defatigari solet. Quies ergo animi est defectio. Dupliciter autem defectio capari potest. 1mo. Mutando opera seria, & transcundo à difficilioribus ad faciliora, & magis delectabilia ; ut videre est in iis, qui pietatem impensius colunt cum firma satis corporis valetudine : hi quippe ab omnibus cæteris ludis abstinentes, animum refocillare solent quibusdam duntaxat jocosis confabulationibus, in quibus aliquid boni ingenii reluceat, ut ait Cicero lib. 1. de Officiis. 2do. Indulgentia ludicris exercitationibus quandoque necessariis iis, qui frequenter & diu seriis operibus intendunt, quibus mens corpusque defatigantur nimium ac debilitantur.

Alii, quod ad idem redit, *Lutum* generatim definiunt, *Jucundum aliquod dictum vel factum ad animi relaxationem ordinatum*.

Ex utraque hac Ludi generatim sum-415 pti definitione patet 1mo. Ludere aliquando non minù honestum esse, quàm comedere, bibere & dormire, quia illud, æquè ac ista, est vitæ necessarium. 2do. Sicut virtus sobrietatis, quæ Temperantiæ species est, necessaria est, ut quis licitè & honestè utatur cibo & potu, &c. Sic ad tenendum modum in ludo requiri aliquam virtutem, quam S. Thomas & omnes Philosophi communiter *Eutrapeliæ* (9) vocant, quæ & altera Temperantiæ species est ; atque idem est ac Urbanitas quædam.

Itt

(9) Höflicher, zierlicher, artiger, geselliger Sobritz, und Spiel.

416 Ut autem Ludus generatim sit licitus, hæc ex communi sententia requiruntur. 1mo. Ut Ludi genus nullo jure sit prohibitum. 2do. Ut non sit occasio peccandi; nec scandalum, aut damnum ullum cuiquam pariat. 3tio. Ut modus debitus, decorum, & omnes circumstantiæ debitæ serventur, ita ut congruat personæ, tempori, & loco, &c. Nam bonum ex integra causa, malum ex quolibet defectu. 4to. Ut nec sapius nec diutius ludatur, quàm exigat necessitas reficiendi vires animi, & eum expeditionem reddendi ad debita officia. Necessitas enim est mensura ludi, sicut cibi & potus. *Parum autem de delectatione sufficit ad vitam quasi pro condimento, sicut parum de sale sufficit in cibo*, inquit S. Thomas 2. 2. q. 168. 2. 4. 5to. Denique, ut Ludus necessarius referatur ad finem honestum, nam homo semper propter finem honestum agere tenetur.

417 Ludi sic definiti & explicati varia sunt genera & species, ut spectacula seu ludi theatrales; choreæ; sermones seu confabulationes jocosæ; Itemque ludi in quibus exponitur pecunia.

Spectacula & ludæ theatrales histronici & comici ab Ecclesia severè prohibentur velut illiciti, hujusque histronicæ & comicæ artis professores (reclament licet suos theatrales ludos ab omnibus obsecratis expurgatos) excludit tum à perceptione Sacramentorum, quamdiu in illa professione vixerint; tum à sepultura Ecclesiastica, si in ea usque ad mortem obstinati permanserint. Nam quænam in illis spectaculis audiuntur, nisi amatoria? Quid cernitur nisi pompa Satânica? nimirum viri & mulieres ad seducenda spectantium corda compositi, qui libidinis ignes injiciunt, dum se produnt, qui impudicorum passiones excitant, dum describunt & exaggerant.

P. Cartier Theol. Tom. III.

Duplici ergo ex capite peccant, qui ad illa spectacula conveniunt: 1mo. Quia peccandi periculo ultrò se exponunt. 2do. Quia participes sunt ludi exitialis, & ab Ecclesia prohibiti. Hac de re legi possunt SS. Patres, præcipuè autem Tertullianus, lib. de Spectaculis.

Inter exitiosos ludos SS. Patres & 418 Theologi choreas numerant, nec immerito. Unde enim impotens ille saltandi pruritus, nisi ex mutua masculi & femine ad invicem concupiscentia? Satisfactio quippe nullatenus per se delectat, frigetque, nisi in ea locientur viri & mulieres; imò insanire videntur, qui seorsim à mulieribus saltant. Et verò si ex improvviso occurrens momentaneus femine aspectus velut sagittas alienis oculis conjicit; & concupiscentia, quamvis honestatis jugo compressa, inde tamen commovetur & subsilii: quomodo tum quiescet, cum illi laxantur habenæ, cum ex professo delectatio capitur ex consortio cum mulieribus præparatis ad capiendas animas, ut dicitur Prov. 7. An non laqueos animarum dixeris splendentes corporis ornatum, capitis & pectoris demutationem, compositos pedum gressus, suavem vocis modulationem, manuum contractionem? Ad ludi enim hujus leges pertinet, quod alibi turpe censeretur, nempe mulieres manus præbere viris, nonnunquam & oscula. Ita SS. Patres & Theologi illi.

Nihilominus censendum videtur cum multis, honestas choreas, temporibus & diebus illis, qui poenitentia, & abstinentia, necnon cultui divino specialiter non sunt consecrati; sed quibus aliis decenter jucundari & lætari licet, permitti posse; tum quòd ludi isti ex se sunt innocentes, nec aliud exhibeant, quàm publicum virorum & mulierum simul tripudantium conventum; tum quòd

E e e

per

per eos occaſio præcludatur privatis & clanculariis utriusque ſexus congreſſibus, qui utique ſunt longè periculoſiores, & vix unquam ſine peccato finiuntur. Unde ad vitandum majus malum inſtituti videntur. Certè non magis, imò multò minùs hujusmodi publici chorearum ludì, ad concupiſcentiam allicere viros & mulieres videntur, quàm quilibet alius eorum congreſſus & aſpectus. Quamvis in illis, ſicut in iſtis, magna cautione opus fore cenſeamus, ne dum circa exteriora eſſuſi, non advertant, quid in ſecreto cordis agatur, ſicque etiam velut inopinatò iſtis delictum ſubrepat; ſerioque cogitent, vel minimam delectationem veneream plenè voluntariam eſſe peccatum lethale. Unde concludit Gerſon, *ſcrrm. in Dom. 3. Adventus, Choreas, ob fragilitatem hominum, difficile ſine diverſis peccatis haberi, & omnia peccata choreiſare in choreis.*

419 Non eſt, quòd de illa Ludi ſpecie, quam conſabulationem jocofam & jucundam nuncupant, quidquam hic dicamus: ultrò enim omnes admittunt eam eſſe licitam, dummodò conditionibus illis, quas ſuprà recenſuimus ornata ſit.

420 At de ludo, in quo exponitur pecunia, paulò fuſiùs hic nobis agendum eſt, ut qui non modò temperantiæ ſpecieſ eſſe dignoſcatur, ſed etiam, atque præcipuè, ad Juſtitie virtutem pertineat, necnon ſub ejus Objecto contineatur, quippe cùm contractùs ſpecies ſit; atque huc propriè ſpectet.

Ludus ergo ſumptus pro contractùs definitur, *Certamen ad animi relaxationem inſtitutum, quo ludentes inter ſe paſcuntur, ut victori res aliqua, quaſi præmii loco, cedat.* Triplicis ſpeciei eſt ſeu generis. Sunt enim ludi qui merè pendent ab induſtria ludentium, &

nihil, aut ſerè nihil à fortuna ſeu caſu habent, ut ludus pilæ: alii merè pendent à fortuna, & nihil, aut ſerè nihil ab induſtria, ut ludi taxillorum, multi chartarum ludi, alique quotquot dicuntur alea (*Wag. Spiel, Glücksspiel*) alii demùm mixti ſunt, & partim à fortuna, partim ab induſtria pendent, ut plures chartarum ludi.

Equidem jure naturali nullus ex hiſ421 ludis eſt prohibitus; quia ſicut poteſt unusquisque rem ſuam alteri ſimpliciter & abſolute donare, ſic & eam poteſt in alterum transferre ſub aliqua conditione, ſive à fortuna ſolùm, ſive etiam ſimul ab induſtria, ſive denique à ſola induſtria pendeat ea conditio.

At verò Jure Civili & Eccleſiaſtico ludus omnis aleæ, ſeu qui aleæ quidpiam admixtum habet ſeverè interdictus eſt, ſaltem ſi frequens ſit. De Jure Civili patet ex toto titulo *De aleatoribus. ff. & Cod.* De Jure Eccleſiaſtico non minùs eſt evidens Cap. *Episcopos.* qui ex Canonibus Apoſtolorum deſumptus eſt, Diſt. 35. ſic habetur: *Episcopus, aut Presbyter, aut Diaconus alea . . . deſerviens, aut deſinat, aut certè damnetur. Subdiaconus aut Lector, aut Cantor ſimilia faciens, aut deſinat, aut communione privetur. Similiter & Laicus.* Concilium Illiberitanum, Can. 79. *Si quis fidelis, inquit, alea luſerit, poſt annum poterit communione reconciliari.* Concilium Quiniſextum Can. 50. *Qui alea luſerit excommunicetur.* Denique, ut plures alias tum Canonum, tum Conciliorum, tum SS. Patrum auctoritates prætermittamus, Concilium Tridentinum Seſſ. 22. cap. 1. *de reform.* innovat & confirmat antiquos Canones aleam prohibentes.

Hinc colligitur cum S. Raymundo422 de Pennafort, lib. 2. Summ. tit. 2. quòd peccatum eorum, qui alea deſerviunt, ſit

fit mortale, cum tales pœna, quas decernunt citatæ auctoritates, *non sint imponenda pro levi crimine*. Idem docet S. Antoninus 2. part. tit. 1. juxta quem tamen *Ludere quid modicum*, ut pueri faciunt, vel ob recreationem & moderatè, non videtur esse mortale, quæ exceptio regulam graviter confirmat. Et verò in ludò multa committuntur peccata, scilicet *fraus, mendacium, perjurium, blasphemia, scandalum, amissio temporis, & ira frequenter*; undè ludus satis videtur habere rationem peccati mortalis. Sunt verba S. Bonaventuræ in speculo.

Non modò qui aleâ ludunt peccant, sed & ii, qui ludentes eos inspiciunt (r). *Ludi inspectores mortaliter peccant*, inquit S. Bernardinus Senensis (intellige, si ludus ille moraliter malus sit) quod probat ex Authent. *De sanctiss. Episcop.* lib. 1. Cod. tit. 3. post leg. 17. qua interdicitur *Clericis omnibus ad tabulas ludere, aut ludentium inspectores fieri. . . Si quis autem ex his in hoc deliquerit, jubetur hunc tribus annis à venerabili ministerio prohiberi, & in Monasterium redigi.*

423 Verùm non obstantibus auctoritatibus ex Jure Civili & Ecclesiastico adductis, tamen Aleæ modicam exponere pecuniam recreationis gratiâ, & sub iis conditionibus, quas suprà initiò hujus §. num. 4. 6. recensuimus, aliisque, quas mox subnectemus, juxta plerosque non est grave peccatum; imò caret omni prorsus peccatò tam in Clericis, quàm in Laicis. Quia leges suprà laudatæ damnant duntaxat aleatores seu *alea deservientes*: aleator autem & aleæ deserviens dici non potest, qui rarò, moderatè, & recreationis gratia aleâ, vel

saltem aleâ, cui mixta est industria, ludit. Præterea dictæ leges permittunt modicam aleæ ludo exponi pecuniam. ff. lib. 11. tit. 5. & Cod. lib. 3. tit. 43. *De Relig. sumpt.* Non permittimus etiam in his ludis (aleæ) ultra unum solidum ludere, etiam si multum dives sit, ut si quem vinci contigerit, gravem casum non sustineat. Et ita sentiunt communiter Theologi, & ratio est, quia levitas materiæ à mortali excusat. Cùm ludit aliquis causâ recreationis, peccatis supradictis exclusis, non videtur habere rationem mortalis, inquit S. Bonaventura, loc. sup. cit. causas, autem, quas hic exclusas vult, suprà retulimus ibid.

Addimus nos nec tales rationem peccati venialis habere, si adhibitis, præter eas, quas suprà adnotavimus, his insuper conditionibus ludant. imò. Ut ludentes eorum, quæ exponunt, liberam habeant dispositionem, ex concessione Superiorum, si sint Religiosi, & id, quod exponunt, perdere possint, absque eo, quod desint suis officiis, ut elemosinæ in pauperes, debitorum solutioni, familiæ suæ sustentationi, &c. Hinc qui lucratur à filio-familias non habente castrensis, &c. ab uxore non habente paraphernalia, à Religioso, qui nihil, quod suum sit, possidet, &c. peccat & tenetur ad restitutionem, nisi hi quibuscum ludit, eorum à quibus pendent, sufficientem consensum obtulerint, aut nisi id, quod ab iis perditum est, sit quid modicum, de quo præsumi possit, quòd patres, tutores, superiores, &c. non curarent, inquit S. Antoninus apud Pontas verbò *Ludus*. Caf. 5. 2do. Ut summa, quæ ludo exponitur, sit modica, secundum uniuscujusque facultatem & statum, nec major, quàm

E e e e 2

opus

(r) Idem dicendum de iis qui aleatoribus domum suam ad ludendum commodant: quia occasionem & commoditatem peccandi aliis præbent. Idque Jure Cæsareo prohibetur.

opus sit ad animi delectationem, & ne ludus langueat : qui enim majores summas exponunt, præter multa, quibus se exponunt, peccandi pericula, lucro avidè inhiant, ipsique principaliter intendunt, quod si in Laicis mortale non est, saltem veniale; in Clericis verò semper mortale est. 3tio. Ut absit omnis fraus: undè mortaliter peccant, nisi materiæ parvitas exuefet, qui decipiunt in numero calculorum, cui chartas abscondunt, easve speciales, quo distingui possint, signò notant; & ad restituendum tenentur tùm lucrum hoc modò & arte acquisitum, quia iniquè acquisitum est; tùm id, quod alter certò aut probabiliter acquisivisset; Imò etiam in dubio, an lucraturus fuisset, quanti valebat spes viæ in eo, qui deceptus est.

Etsi verò fraus a ludo exulare debeat, non tamen astutiæ quædam, quæ ludi legibus & ludentium consensu permixtæ sunt, ut aspicere chartas, quas collusor non satis custodit; easdem à tergo dignoscere, modò eo sine signatæ non sint; fingere metum, ut alter sponsonem augeat. 4to. Ut adsit inter lutores sufficiens æqualitas: hujus defectu tenetur ad restituendum. Imò, qui certò sciens se alium peritiâ notabiliter superare, excessum silet; vel se ludum illum non callere simulat. 5do. Qui nihil amittere potest æquale ei, quod alter exponit, ut lis contingit, qui parati sunt lucrum recipere, si vincant non solvere, si vincantur, quia nihil habent. 6to. Ut absit coactio, & alter alterum ad ludum vel incipiendum, vel continuandum non pertrahat per injurias, fraudes, convicia, imò per preces ita importunas, ut malles rem tuam periclitari, quàm tantis affici molestiis. Unde qui sic alium ad ludum pertrahit, putà qui e. g. minatur se id, quod jam perdidit non soluturum, nisi alter in ludo persi-

stat, ad restituendum quod ab alio fortè lucratus est, tenetur, quia qui me invitum, aut quasi invitum ad ludum traxit, injuriam mihi intulit, & est illius, quod patior damni causa. Si verò ipse perdidit, non teneor restituere, quia verè & absque cujusquam injuria lucratus sum. Sic restituere debet, qui decipit in punctorum numeratione, non qui decipitur.

Quærent hîc Theologi an licitum sit 424 proprecibus ludere. Negant aliqui, quia, inquiunt, sancta sanctè tractari debent, nec decet religiosa ludicris misceri. Affirmant alii; idque probat piorum usus, & pietas, ut dum honestam aliquam in Ecclesia militanti recreationem sumunt, aliquid Ecclesiæ purganti levamen procurant; & verò tam piè & sanctè orat, qui preces ante ludum patâs fundit, quàm qui sine ludo orat.

Denique expendendum videtur, An 425 qui ludò vetitò, seu aleâ aliquid lucratus est, teneatur lucrum restituere, vel qui perdidit solvere; cùm nempe de magna summa agitur; nam juxta omnes qui modicum perdidit, tenetur solvere. Quia contractus ludi fuit justus, obligatque naturaliter; neque Leges, quæ vigent, prohibent modicum quid ludo per se & ex natura rei licito exponere, ac proinde lucrum modicum solum retineri potest, nec conceditur jus illud repetendi. Hoc supposito

Quantum ad imum. juxta commu- 426 nem sententiam, seclusa lege speciali loci irritante contractum ludi, magna pecuniæ summa jam acquisita ludò vetitò seu aleâ, servatâ aliunde justitiâ, potest retineri in conscientia, donec per sententiam Judicis exigatur restitutio: quia contractus ludi jure naturæ habet vim transferendi domini ex libero consensu ludentium, & jure positivo communi, vel saltem ex consuetudine,

su à contententibus accipiat & intelligatur; nam aliqui nullus esset contractus sponsonis, siquidem spondentes non consentirent in idem, si diversimodè rem intelligerent. 2do. Ut res, de qua contenditur, sit incerta contententibus; alioqui jam non esset æqualitas in spe & periculo, quæ ad iustitiam sponsonis requiritur; nam Sponsio est contractus onerosus, quo emitur spes lucrandi periculò perdendi.

Hinc si quis certus de rei veritate vel eventu, aliquid sponsonem lucratus est, tenetur id restituere, etiamsi de sua certitudine alterum monuisset, qui nihilominus vellet contendere; quia hic non vult donare, aut se punire, sed spondere, cò quòd putet rem non esse semper incertam, & alium falli, & ideo postea diligenter veritatem inquirat. Cùm autem in sponsonem ematur, & vendatur spes lucri periculò amittendi, veluti merx pretiò; si nullum sit periculum perdendi, nihil emitur nec venditur: ac proinde invalidus est contractus, sicut invalida est emptio gemmæ falsæ pro vera, etiamsi emens monitus fuisset falsam esse, sed credere noluisse. Hæc universim de contractibus onerosis dicta sufficiant; modò etiam dicendum est de contractibus gratuitis seu lucrativis, quo nomine intelliguntur promissiones, donationes, & ultimæ voluntates. Undè sit

XI.

De Promissione.

Promissio definiri potest *Contractus, quo quis per actum exteriorem se alteri homini ad aliquid licitum & possibile sponte & libere obligat.* Sive est *deliberata & spontanea fidei obligatio de re bona & possibili.* Quæ si fiat sub certa ver-

borum formula, qua unus rogat, & alter promittit, dicitur *stipulatio*, v. g. *Spondes te mihi daturum viginti aureos? spondeo.*

Dicitur 1mo. *Deliberata*: quia cùm promissio sit quidam contractus habens vim obligandi, postulat sufficientem consensum, ad quem perfecta & matura requiritur deliberatio, & advertentia, quæ ad mortale peccatum sufficiat.

Dicitur 2do. *Spontanea*, quo excluduntur fraus, vis, metusque etiam reverentialis, preces importunæ, & quidquid causa esse potest involuntarii etiam secundum quid; quia promissio debet esse omnino libera & voluntaria, utpote quæ sit liberalis & merè gratuita pollicitatio; debet etiam abesse error & dolus circa rei substantiam vel causam finalem; alioqui deesset consensus substantialis, adeoque voluntarium.

Dicitur 3tio. *Fidei obligatio.* Quo differt promissio à proposito; propositum enim quantumcumque firmum & efficax, nullam in suo conceptu formali includit obligationem; Unde qui dicit, *promitto*, si merum desiderium aut propositum significare velit, non censetur strictè promittere, adeoque nec obligari. Sic intelligendi sunt peccantes, quando promittunt se amplius non peccaturos, nec enim significant, se novam obligationem contrahere, aliàs recidendo dupliciter peccarent. Promissio ergo addit supra propositum intentionem se obligandi. Ut autem actu & de facto obliget, debet prius acceptari ab eo, cui fit. Est enim species contractus & pacti, quod sine utriusque partis consensu nullum est; definitur enim Leg. 3. ff. *De pollicit.* *Duorum consensus atque conventio*; qua deficiente nulla ex eo oritur obligatio, Leg. 1. ff. *De pact.* Deinde sicut promissio

missio vel obligatio onerosa tacitam hanc habet conditionem, *si alter vicissim se velit obligare*, qua sublata non obligat: sic etiam gratuita promissio hanc tacitam habet conditionem, *si acceptetur*: qui enim promittit, non censetur habere animum se obligandi, donec alter acceptet, & rem sibi gratam fore declaret, cum velit ei gratificari; quod scire non potest, nisi id alter innuat. Hinc promissio seu pollicitatio semper revocari potest ante acceptationem.

- 433 Porro juxta multos, ut hujusmodi gratuita promissio censetur acceptata, regulariter sufficit taciturnitas ejus, cui fit ex Reg. Jur. 42. in 6. *Qui tacet consentire videtur*. Quæ præcipue valet in iis, quæ tacentis commodum continent. Regula verò sequens: *Is, qui tacet, non futetur, sed nec utique negare videtur*, procedit in promissionibus onerosis acceptandis.

Juxta multos excipiuntur pollicitationes, quæ fiunt Civitati, vel Ecclesiæ, vel ad pias causas, quamvis enim jura non loquantur expressè nisi de pollicitationibus factis civitati ad restaurandas ruinas, &c. l. 3. & 4. ff. *De pollicit.* tamen id illi extendunt ad pollicitationes & donationes ad pias causas, quia hæc æquiparantur iis, quæ fiunt civitati, si privilegia spectentur, ex Leg. 18. & 23. Cod. *De Sacros. Eccles.* Hasque pollicitationes seu promissiones independentes ab acceptatione obligare tuerentur.

Cæterum sicut promittenti de acceptatione promissarii innoscere debet, sic & ipse ut promissione sua obligetur, eam exterius significare debet, nam alioqui non posset acceptari. Hinc si sit merè interna non obligat, nisi Deo sit facta, à quo, utpote cordium inspectore, statim acceptatur.

Dicitur 4to. *De re bona*; Omnis⁴³⁴ enim promissio & pactio de re mala & illicita facienda non obligat & nulla est jure naturali, saltem ante executionem; quia nemo ad peccatum committendum se obligare potest. Quòd si jurata sit hujusmodi promissio, juramentum est invalidum, cum non possit esse vinculum iniquitatis. Imò promissor tenetur statim retractare promissionem, utpote iniquam, & ad peccatum allicientem.

Diximus, *saltem ante executionem*; Multi enim docent, imò communis ferè est Theologorum sententia, post opus malum patratum obligari promissorem ad solutionem pretii promissi, si datio & acceptatio illius nulla lege sit prohibita, aut irritata. Quia imò. Promissio matrimonii facta puellæ sub conditione sui copiam habendi, quamvis ante copulam non obliget, ex dictis, post eam tamen ex justitia obligat promittentem ad servandam promissionem, quam si non impleat, puellæ, quæ ex parte sua conditioni stetit, injuriam facit, & inæqualitatem inter se & illam ponit. addo. In illis pactis intervenit duplex promissio, una absoluta faciendi rem illicitam, & hæc nunquam valet, nec obligat; altera est conditionalis, & ex suppositione conditionis positæ; & hæc bona est, utpote nulla lege prohibita nec irritata: sic si promittam pauperi & dicam, *si peccaveris, dabo tibi elemosynam*; hæc pactio perficitur posita conditione turpi, oriturque obligatio ex vi consensûs ut sequentis, non ut antecedentis opus malum. 3tio. Posita conditione impletio rei promissæ non est turpis, ut jam dictum, nec enim promissum impletur ob causam turpem, sed ut fides data servetur, &c.

Nec obflare videntur utriusque juris leges, quibus pactiones ob causam tur-

curpem absolute & indistincte decernuntur nullius esse momenti, nullam obligationem inducere, nullam vim habere, cap. ult. *De pact. Leg. 26. ff. De verb. obligat. & Leg. 6. Cod. De pact. &c.* Nam his legibus significatur tantum, tales passionibus non valere ante opus patratum, neque post patratum dare actionem in foro externo: per illas autem non tollitur obligatio naturalis, quæ ex promissionibus onerosis oritur.

- 435 Dicitur denique 5to. *De re possib.* ad impossibile enim nemo tenetur. Unde si id, quod tempore promissionis erat possibile, fiat postea impossibile, tollitur obligatio. Imò putant aliqui, quod, etsi id non fiat omnino impossibile, ad tollendam obligationem sufficit aliqua mutatio superveniens, quam si promissor prævidisset, non fuisset promissurus; atque hanc etiam esse S. Thomæ sententiam ajunt, 2. 2. q. 110. art. 3. ad 5.

Verum hæc regula limitatione indiget, 1mo. Quia locum non habet in promissionibus Deo factis: multi enim easitatem vovent & Religionis ingressum, qui si utriusque difficultates ab initio sensissent, nequitiam vovissent: & ii tamen non ideò à votorum obligatione solvantur, ut omnes fatentur; quia hosce eventus potuerant ac debuerant prævidere, & juxta Christi monitum, Luc. 14. vers. 28. sedentes, id est, non cursim, sed per otium computare, an sumptus haberent ad Evangelicæ turris constructionem necessarios. 2do. Quia etiam locum non habet in promissionibus onerosis homini factis, quæ quotidie corruerent, si obligatio mutatione rerum tolleretur; cum sæpè promissori aut promissario aliquid contingat, quod ab initio prævisum conventionem impedivisset. 3tio. Quia nec valere potest in ipsis quoque gratuitis promissionibus,

cum mutatio ab homine prudenter agente provideri potuit & debuit.

Promissio sic definita & explicata⁴³⁶ juxta communem in re gravi obligat sub mortali. Ratio est 1mo. Quia omnis contractus parit obligationem, idque ex justitia. Atqui promissio acceptata, ut supponitur, est contractus quidam jure gentium institutus. Ergo ejus obligatio in gravi materia gravis esse debet. 2do. Obligatio justitiæ est ea, quæ parit jus exigendi aliquid. Atqui promissio etiam gratuita jus illud parit: nam promittere non est solum affirmare se aliquid facturum, sed insuper se ad id faciendum alteri obligare, ideoque dare, ei jus exigendi, quod ipsi promissum esse: hinc queri solent homines illatam esse sibi injuriam, quoties quis datam & ab ipsis acceptatam fidem frangit. Ergo. 3tio. Juxta omnes promissio, quæ fit coram notario, testibus, aut in scriptis strictam & ex justitia parit obligationem, cum det actionem in foro externo, cujus sententia huc spectat, ut suum cuique jus reddatur. Atqui extrinsecus illæ formalitates novam promissioni obligationem non addunt, sed supponunt, atque majorem duntaxat securitatem inducunt; vis enim promissionis tota pendet à mente, non à verborum sono, signisve exterioribus. Ergo. 4to. S. Augustinus lib. 1. *de Doctr. Christi* cap. 36. generaliter ait: *omnis fidei violator iniquus est*. Tullius quoque, licet Ethnicus, lib. 1. *Offic. Fides*, inquit, *est justitiæ fundamentum, dictorum, conventorumque constantia*. Ergo qui in promissis fidem non servat, justitiæ fundamentum, quo pacta nituntur, evertit, & iniquus est; adeoque pro rei gravitate graviter delinquit.

Hæc tamen sic limitanda esse arbitri⁴³⁷ tramur. 1mo. Gravitatem obligatio-

nis,

nis, quæ ex promissione nascitur, pendere ab intentione promittentis negandum non est; quia promissio est quasi lex privata, quam sibi quisque imponit: unde sicut obligatio legis pendet ex legislatoris voluntate, adeo ut leviter, vel graviter obliget, prout ipsi placuerit, ita & promissio. 2do. Quantitas, vel in furto sufficit ad mortale, hic non sufficit, sed major requiritur; quia minus invitus censetur promissarius, quod res gratis promissa recusatur, quam si res propria aequalis valoris auferatur. Quidam hanc quantitatem quadruplò ampliorem statuunt; qui minimè sunt improbandi.

- 438 Porro promissiones plene jure irritæ hæce recententur. 1mo. Promissiones, quæ dant occasionem peccandi, ut per se patet. 2do. Promissiones, quibus admittitur libera potestas disponendi de rebus suis, v. g. promissio non condendi aut non revocandi testamentum, non instituendi alium hæredem, nisi talem; quia hæc omnia sunt contra bonos mores civiles, id est, eos mores, quos expedit in Republica bene instituta vigere. 3tio. Beneficii Ecclesiastici nondum vacantis promissio quovis modo facta est illicita & nulla ex Concilio Lateranensi III. cap. 8. etiamsi nulum in particulari promittatur, quia sic mortis aliena votum ingeritur, cap. 2. *De concess. præbenda & Eccles. non vacantis*, in 6. Unde nec licet illud petere, cum ejus promissio sit vetita.

- 439 Denique promissio acceptata & valida desinit obligare, 1mo. cum res promissa sit inutilis & noxia promissario, impossibilive aut illicita petenti; quia tunc cessat materia promissionis. 2do. Cum promissarius obligationem remittit; quia tunc cedit juri suo. 3tio. Cum promissio facta est ob cau-

sam, quæ non fuit aut non est; ut si promiseris quidpiam alteri, quem errore facti credideras de te bene meritum esse; quia non promissisti nisi ex hac falsa suppositione, & est error in causa finali, seu motivo substantiali. Item si dotem promiseris egenæ virgini, cui ampla contigit hæreditas; nam tunc causa finalis tuæ promissionis cessat, nec, nisi ea tempore executionis subsistente, intendisti te ad dandum obligare. 4to. Cum duo sibi vicissim promiserunt, & prior promissus stare non vult; tunc quia fragrantem fidem fides servanda non est; tunc quia, cum paria sint utriusque partis jura, locum hic habet compensatio. 5to. Cum status rerum & personarum ita mutatur, ut promissor juxta prudentum judicium non censetur voluisse se obligare in tali eventu; tunc quia promissio non obligat ultra intentionem promittentis; nec habet vim nisi ex intentione, quam expresse vel implicite habet, dum promittit; tunc quia sicut ex Reg. Jur. 18. in 6. *In generali concessione non veniunt ea, quæ quis non esset verisimiliter in specie concessurus*, si in speciali peterentur: ita neque in promissione comprehenduntur illi eventus, qui judicio prudentum fuissent excepti, si menti occurrissent.

Hinc non tenetur stare promissis 1mo. qui rem promissam, quam vilioris pretii esse crediderat, multò majoris esse deprehendit, præsertim si tanta promissio vires ejus superet. 2do. Qui promissus se tali die culturum esse proximi vineam, & uxoris aut filiorum, qui gravi morbo torquentur, curam gerere debet. 3tio. Qui puellæ, quam virginem existimabat, nuptias promissit, haud promissurus, si nosset esse corruptam. 4to. Qui pollicitus erat, se pecuniam mutuo daturum, & eâ, ob

improvisam necessitatem, indiget, &c. Atque hoc extenditur etiam si promissio fuerit jurata; quia juramentum promissionem non firmat, nisi eo, quo facta est, sensu: undè si promissio tacitum habeat conditionem, sive ex mente promittentis, sive ex natura rei, aut dispositione juris, juramentum eam non tollit, sed solum, secundum eam, promissionem confirmat: neque enim additur juramentum, ut promissio aliter accipiatur, quam per se accipi solet, sed ut eo modo intellecta, quo sollet intelligi, non possit revocari.

§. XII.

De Donatione.

440

Donatio definiri potest, *Liberalis rei alicujus alteri collatio*. Dicitur 1mo. *Liberalis*; quia ad donationem donator non movetur ex debito justitiæ, aut aliquo alio, etiam gratitudinis, debito; Nam si donatio ex debito gratitudinis procedat, tùm donatio simpliciter dici non potest, sed cum addito, nempe *remuneratoria*, seu *antidotalis*.

Dicitur 2do. *Rei alicujus collatio*, id est *traditio realis*, patiens dominium & jus in re; quo differt à promissione, in qua res ipsa non traditur. *Donatio*, quæ *verbalis* appellatur, ut cùm quis alteri dicit, *do tibi equum meum*, qui *absens est*, non tam est donatio quam promissio, aut saltem non est perfecta & completa donatio.

Ut *Donatio* valeat, debet esse *de-liberata*, spontanea, & acceptata, &c. ut de promissione diximus, ob easdem rationes: nam *nec ignorans*, *nec invitatus quisquam donat*, Leg. 10. Cod. *De donat.*

Dividitur donatio in *donationem inter vivos*, & *donationem mortis causæ*. Prior est ea, qua quis donat cum intentione, ut res se vivò sit donatarii; Altera verò, qua quis sic donat, ut nolit rem nisi post mortem suam esse donatarii; ut si quis dicat: *Do tibi hanc rem post mortem meam*, vel *cùm moriar*, vel *quia timeo, ne moriar*.

Donatio inter vivos de se irrevocabilis est, nisi in certis casibus, quos infra adnotabimus. At *Donatio mortis causæ* essentialiter est revocabilis, ex Leg. 4. ff. *De adimendis*, &c. ibi: *In supremis enim dispositionibus hæc regula subio procul obtinet, ut ambulatoria sit hominis voluntas usque ad extremum vita*.

Ad *Donationis* sic definitæ & divi-442
fæ validitatem quatuor requiruntur conditiones, quarum prima se tenet ex parte donantis: secunda ex parte donatarii: tertia ex parte rei quæ datur: quarta demum ex parte formalitatum, quæ nisi adsint, caduca est, & nulla donatio.

Itaque 1mo. ad donationis validitatem requiritur, ut donator sit ad donandum habilis: undè generaliter loquendo ii soli donare possunt, quibus contrahere licitum est, quique liberam & Legibus non ligatam habent de re sua disponendi facultatem. Hinc 1mo. non possunt validè donare ii omnes, qui non possunt contrahere, de quibus suprâ Sect. 1. §. 2. 2do. Quæ à natura sunt muti simul & surdi, ita ut nec scripturâ, nec voce voluntatem suam certò exprimere valeant. 3tio. Religiosi professi, utpotè civiliter mundo mortui. 4to. Qui præstant communitatibus, putà civitati, Monasterio, item tutores & curatores ex bonis pupillorum & minorum possunt solum fa-
cere

cere eleemosynas, & donationes remuneratorias moderatas, in quibus censentur utiliter rependere, non liberaliter propriè donare. 5to. Maritus ex bonis communibus nihil potest invita uxore donare saltem sine legitima causa, ob quam uxor non sit rationabiliter invita: quia marito sola potestas ea administrandi competit, quoad partem ad uxorem pertinentem: ac sub facultate administrandi non continetur facultas donandi, nam donatio non est rei administratio, sed amissio, ex Leg. 7. ff. *De donat.* 6to. Donationes conjugum inter se jure communi non sunt validæ saltem irrevocabiliter, adeoque ad arbitrium donantis revocari possunt, exceptis quibusdam casibus Leg. 1. & 3. ff. *De donat. inter vir. & uxor.* & C. ult. *De donat. inter vir. & uxor.* ubi Gregorius IX. sic loquitur: *Donatio, quæ constante matrimonio, inter conjuges dicitur esse facta, firmitatem non habet, nisi donatoris obitu confirmetur, &c.* Ratio est, ne conjuges mutuo amore se se bonis spoliarent cum damno liberorum & parentum; & ne concordia videatur præiudicium conciliari. Donationes tamen inter conjuges non revocantur confirmantur alterius obitu, ex Leg. 32. ff. & L. 3. Cod. hoc tit. & cap. cit. modò eæ non impediunt, ne liberi suas legitimas partes accipiant, ex Leg. 1. Cod. *De inoffic. don.* 7mo. Donatio patris facta filio nondum emancipato, quæ jure ff. erat nulla, jure Cod. est tantum revocabilis, exceptis paucis casibus: unde non revocata confirmatur morte patris, vel etiam emancipatione filii, si res est tradita; quia quamdiu Filius est sub patria potestate, censetur veluti una persona cum patre quoad effectus civiles. Valet autem donatio Matris in Filium, quia Filius non est in potestate Matris, scilicet civili, & in ordine ad effectus civiles.

Porro in his omnibus & similibus, ubi agitur de dispositione bonorum, spectandæ & servandæ sunt leges ac consuetudines speciales locorum rationi consentaneæ, quæ sæpè à jure communi Cæsareo discrepant: nam, cum voluntates subditorum eorumque bona subjiciantur potestati legislativæ in ordine ad bonum commune, nemo potest de suis bonis disponere licitè contra Leges justas, quæ semper obligant in conscientia, imò nec validè, si sint irritantes. Vid. cit. Sect. 1. §.

Secunda conditio est, ut donata 443 rius recipere non prohibeatur. Hinc donatarii esse non possunt imò. qui certam in alios habent auctoritatem; sic nullæ sunt donationes in vivis, vel testamentariæ, factæ à pupillis, &c. in gratiam tutorum, curatorum, eorumque uxorum, nisi tutores rationes suas jam reddiderint. &c. &c.

Tertia conditio est, ut res, quæ 444 darur, dari permittatur. Hinc imò. non valet donatio in fraudem creditorum facta. 1do. Donario excedens quingentos solidos seu florenos invalida est quoad excessum, nisi insinuetur, Leg. 36. Cod. *De donat.* Excipiunt multi quamlibet donationem ad causam piam: quia donatio ad redemptionem captivorum non eget insinuatione, *leg. cit.* & legata ad causas pias non indigent solemnitate per leges ad legata profana requisitâ. Porro nomine donationis venit remissio debiri liquidi. 3tio. Donatio omnium bonorum tam futurorum, quam præsentium inter vivos est invalida; quia per talem donationem homo privat se potestate testandi, quod leges improbant velut contra bonum ordinem, quem in Republica esse decet, Leg. 61. ff. *De verb. oblig.* valet tamen si fiat mortis causâ, quia

F f f f 2

quia

quia cum possit arbitrio donantis semper revocari, non aufert testandi facultatem.

- 445 Denique quarta conditio quibusdam formalitatibus ad validitatem donationis requisitis, & sine quibus ea non subsistit, continetur. Tres numerari solent.

1^ama est *Acceptatio*, ex leg. *Hoc jure ff. De donat.* ibi: *Non potest liberalitas nolenti acquiri.* seu ut habet Regula 69. ff. *De diversis Regulis juris.* *Invito beneficium non datur.* Unde revocari potest donatio, ut v. g. fundatio Capellæ, quamdiu ab Episcopo acceptata non est, neque confirmata.

Hæc acceptationis necessitas locum habet in iis etiam donationibus, quæ sunt Ecclesiæ & minoribus. Minores viginti quinque annis valide non accipiunt sine curatorum consensu; sicut nec uxores absque mariti auctoritate: valet tamen donatio utrique conjugii facta, etiam à solo marito acceptetur. Acceptationis omissio jure Romano suppleri potest.

2^ada. formalitas ad donationis validitatem requisita est *Traditio*. Traditio autem est duplex *realis* & *facta*. *Realis* est, cum donator rei dominium directum & utile in donatarium actu & absolute transfert; *facta* verò, cum donator ita rei proprietatem transfert in donatarium, ut ejus usufructum sibi retineat, &c. Traditio facta in plerisque consuetudinibus sufficit; sed non sufficit in iis consuetudinibus, quæ expressè requirunt, ut donator re sua penitus se exuat, ut donatarium eam quasi induat.

3^atia. demum formalitas est *Insinuatio* qua nempe donationes in Acta publica referuntur; quia omnium interest

donationes non esse ignotas, præsertim eas nosse creditorum interest, quibus præjudicium ex donationibus creari posset. Igitur 1^{mo}. Insinuari debent tum donatio, tum acceptatio: nam insinuatio solius donationes irritam eam faceret. 2^{do}. Insinuationi obnoxie sunt donationes, tum inter vivos, tum causâ mortis: item minoribus sunt necessariae. Tamen juxta communem sententiam donationes ad pias causas insinuatione non indigent, prout supra annotavimus; neque etiam donatio summæ pecuniariæ de manu ad manum facta; quia nulla lex generatim prohibet eam donationem, quæ ab homine vivente sit brevi manu, sed certis duntaxat personis, puta marito, vel uxori, &c.

Nunc etiam dicendum, quibus causis donationes tum inter vivos tum mortis causâ factæ possint revocari.

Igitur Donatio inter vivos revocatur⁴⁴⁶ ob quatuor causas. 1^{mo}. Ob ingratitudinem donatarii leg. ult. Cod. *De revoc. donat.* & cap. ult. *De donat.* Ut si donatori atroces injurias, vel grave rerum ejus damnum, vel vitæ periculum intulerit. Item si inopiâ pressum non aluerit. Sed ante sententiam iudicis hæc poena pon debetur, & si donans antequam ingratitudinis actionem intenderit, moriatur, eadem actio ab hæredibus ejus intendi non poterit. 2^{do}. Ob prolem postea susceptam; ut si quis prole carens magnam suorum bonorum partem donarit, & postea ei nascatur proles, Leg. 8. Cod. *De revocand. donat.* quia tunc donatio habet saltem ex dispositione juris hanc conditionem, *si proles non nascatur*: id etiam locum habet in eo, qui filios illegitimos, non tamen ex adulterio, procreatos habet, & eorum matrem accipit in uxorem: nam talis per hanc spurie

spuriæ proles legitimæ comparatur ei, cui proles supervenit; adeoque factam alicui tertio donationem revocare potest. 3tio. Si sit inofficiosa, hoc est facta contra officium pietatis debita liberis vel parentibus, ut quando per eam filii privantur suâ legitimâ, id est, parte hæreditatis sibi debita secundum leges, L. 1. Cod. *De inoffic. donat.* 4to. denique, Si quid donatum sit ob causam non secutâ causâ.

- 447 Donatio verò facta mortis causâ in tribus casibus revocari potest. 1mo. Si donatorem illius pœniteat, sive expressè, sive etiam implicite, ut si rem illam alteri donet; quia talis donatio ex dispositione juris habet hanc tacitam conditionem, *nisi revocetur.* 2do. Si ante donatorem moriatur donatarius, tunc donatio est ipso jure revocata, nisi donator promississet se eam non revocaturum, nam tunc juxta multos transiret ad hæredes donatarii. 3tio. Si donator dederit intuitu instantis periculi mortis, censetur tacite revocata donatio, sublato periculo; quia censetur facta sub hac conditione, *si non evaserò.* ex tit. *De mortis causâ donat.*

- 448 Cæterum, quemadmodum paragrapho præcedenti de promissione diximus, dolus vel error circa causam finalem donationis eam irritat. Ratio est quia donatio, sicut promissio gratuita, fit sub conditione, si nempe causa finalis subsistat, & quia causa finalis est motivum substantiale donationis, sicut & promissionis gratuitæ, quo proinde non subsistente, non subsistit actus: nam actus voluntatis, sublato volendi motivo, nusquam est. Ergo si error sit circa causam finalem, deest tunc volitio donandi, sicut promittendi. Sic si qui falsò putans Titiam esse consanguineam, dotem ei promittat, vel donet,

quia est consanguinea, hæc promissio vel donatio nulla est.

Hinc tenentur ad restitutionem 1mo. 449 Qui fingit se habere aliquam conditionem, seu qualitatem, quæ requiritur, ut quis admittatur gratis in aliquod Collegium, vel Hospitale, vel ut accipiat aliquod pium legatum. Item qui fingit se pauperem, ut gratis recipiatur in Seminarium fundatum pro pauperibus alendis: nam adest dolus & error circa causam finalem & conditionem, qua non posita nulla est intentio donandi, nec ullum jus nascitur. 2do. Qui accipit aliquid ob causam fictam. 3tio. Qui se fingit pauperem, tenetur accepta titulo eleemosynæ restituere vel donatori, quia adhuc illius sunt; nam non fuit voluntas dandi nisi vero pauperi; vel pauperibus, quia dum non constat donatorem revocasse voluntatem, censetur perseverare in priori voluntate dandi pauperi: unde tunc ejus voluntatem exequitur. Secus si error sit solum circa causam impulsivam, quæ nempe tantum movet ad faciendum vel dandum promtius, facilius, non autem movet ad dandum simpliciter; quia, eâ etiam sublata, adhuc tamen est voluntas dandi: ut si Petro verè pauperi, sed pietatem simulanti, des eleemosynam principaliter ob paupertatem.

§. XIII.

De ultimis Voluntatibus. 450

Generatim ultimæ voluntatis nomen intelligitur *actus*, quo quis legitimè statuit, quid de rebus suis post mortem suam fieri velit. Qui actus aliud non esse intelligitur, nisi ipsa *Donatio mortis causâ*, de qua paragrapho præcedenti egimus; adeo ut Donatio hæc respectu cæterarum ultimarum voluntatum

Ff ff 3

rum genus esse dignoscatur, hæc verò illius species; quamvis non ignoremus esse jurisperitos, qui eam inter ultimæ voluntatis species collocent; qua de re hic disputandum nobis non esse censemus, ut qui, levibus omisissis, scria tractare semper aveamus.

451 Igitur quadruplicis generis seu speciei sunt ultimæ voluntates, nempe *Testamentum*, *Codicillus*, *Legatum*, & *Fideicommissum*. De quibus paucis admodum, & quantum Theologis f. est, stabilis scilicet generalibus duntaxat principiis agemus. Iis verò, qui adeo intricatæ rei hujus plenioris notitiam desiderant, auctores sumus, ut Juris-Consultorum libros & responsa adeant & evolvant.

452 Igitur 1mo. de Testamento agendum. *Testamentum* autem, ex eo appellatur, inquit Justinianus Instit. lib. 2. tit. 10. quod *testatio mentis sit*. Atque definitur, *Ultima voluntatis dispositio solemniter facta cum institutione hæredis*.

Dicitur 1mo. *Ultima voluntatis dispositio*, per quod convenit cum aliis ultimis voluntatibus.

Dicitur 2do. *Solemniter facta*, quia cum Reipublicæ multi intersit, ut qui de rebus suis disponunt, id liberè faciant, & non ex aliena suggestionem, certæ quædam Jure Civili institutæ sunt formalitates, quarum defectu nulla sunt Testamenta.

Dicitur 3tio. *Cum hæredis institutio*: est autem hæredis institutio, nominatio successoris in universum jus te-

statoris; eaque institutio in Imperio Romano ita necessaria est, ut sine ea non possint stare testamenta.

Testamentum jure communi dividitur in *solemne*, in quo scilicet servantur omnes solemnitates à Jure præscriptæ; & in *privilegiatum*, quod valet, etiamsi non omnes illæ solemnitates servantur; talæ est testamentum militis (1). *Solemne* subdividitur in *scriptum* seu *clausum*, quod fit scripto coram testibus requisitis; & in *nuncupativum* seu *operatum*, quod fit viva voce coram testibus requisitis, licet postea possit scripto mandari.

Circa solemnitates à Jure in Testamentis requisitas consuli debent leges, ac locorum consuetudines. Jure autem Cæsareo ad testamentum scriptum hæc requiruntur: 1mo. Ut hæres claris & expressis verbis instituat, illiusque nomen propria manu testatoris scribatur; vel, si aliena, ipse testator subscribat, & subscriptum ac involutum ostendat testibus, dicatque in eo suam ultimam voluntatem contineri. 2do. Ut adhibeantur septem testes rogati, masculi, puberes, idonei, hoc est, qui non excludantur à jure, quales sunt hæres, Filius-familias, furiosus, damnatus ob crimen, &c. (2) 3tio. Ut omnes & singuli testes nomen suum subscribant propria manu, & annulo seu sigillo obfignent. 4to. Demum ut id totum in uno eodemque loco & tempore, unoque contextu peragatur. Leg. 12. Cod. De Testamentis.

Ad

(1) Illud sola voluntate perficitur. Adhuc aliud recentetur à jurisperitis Testamentum *olographum* dictum, quod scilicet propria Testatoris manu scribitur; in quo alia solemnitates non requiruntur, quam testatoris scriptio & subscriptio.

(2) Jure Canonico tres sufficiunt testes idonei cap. Cum esset, tit. De Testam ubi expressè derogatur Juri Civili, & à lege divina. & à SS. Patrum, & à generali Ecclesiæ consuetudine alienum esse septem testes esse in Testamentum confessione adhibendos, pronuntiat Alexander III. Quodamen decreto Pontificum in Imperio Romano Germanico non obtinet, nisi quantum ad pias causas.

Ad nuncupativum requiritur solum, ut testator suam ultimam voluntatem tam circa hæredis institutionem, quam circa Legata coram seipsum testibus, masculis, liberis, puberibus, & ad id vocatis, declaret, distincta voce, & tali, ut possit audiri.

Testator autem tenetur hæredes instituire in portione legitima descendentes, & his deficientibus ascendentes, in recta scilicet linea, nisi justam exhæredandi causam habeat: undè hi dicuntur hæredes necessarii, §. 5. Instit. De exhæred. lib.

- 454 Testari verò non possunt, 1mo. Qui carent usu rationis, ut infantes, & perpetuò amentes. 2do. Filii-familias: si tamen pubes sit, potest testari de bonis castrensibus, & quasi castrensibus ad quaslibet causas, & de adventitiis ad pias causas, sed cum patris consensu, ex cap. 4. De sepult. in 6. 3tio. Testari non potest servus. 4to. Religiosi solemniter professi. 5to. Prodigii post interdictam administrationem. 6to. Qui commiserunt aliquod crimen, cui jure annexa est talis pœna, & morte damnati. 7mo. Clerici de bonis Ecclesiasticis, cap. 9. De testam. In multis tamen locis, imò in tota ferè Germania est contraria consuetudo, sed semper tenentur de iis in pias causas disponere: nam juxta communem sententiam tenentur jure divino naturali ea bona toto vitæ tempore sic impendere. Quare nulla consuetudo, nec potestas humana potest eos excusare vel dispensare.

- 455 Quæri hic solet an Testamentum sine requisitis solemnitatibus confectum, in quo tamen constat de Testatoris voluntate, in foro conscientie validum sit, atque hæredes illud exequi legata solvendo, &c. teneantur?

Profectò si agatur de testamento condito in iis Regnis & provinciis, quæ

Jure Cæsareo reguntur, ut in Germania nostra, una est Theologorum sententia, legata ad pias causas ab hæredibus esse præstanda, etsi testamentum præscriptis Jure Cæsareo solemnitatibus destituatur; modò tribus aut duobus legitimis testibus nitarur. Hoc expressè declaratur ab Alexandro III. lib. 3. tit. 26. de testam. cap. 11. Relatum: ubi: Mandamus, inquit, quatenus cum aliqua causa talis (de relictis Ecclesiæ loquitur) ad vestrum fuerit examen deducta, eam non secundum leges, sed secundum Decretorum statuta tractetis, tribus aut duobus legitimis testibus requisitis; quoniam scriptum est: In ore duorum vel trium testium stat omne verbum. Quam quidem Pontificis responsio, licet Judicibus Velletrensibus Romano Pontifici subditis directæ, tamen ubi viget Jus Cæsareum, obtinuit auctoritatem in legatis piis in foro tam externo quam interno, partim tacito Principum consensu pietatis intuitu annuentium; partim Jurisconsultorum & Theologorum frequenti calculo; partim ipso usu Ecclesiasticorum Judicum. Rationes hujus sententiæ sunt: 1ma. Ex ipsius Juris Cæsarei & ambiguitate & difficultate repetitur: Ex Ambiguitate quidem; quia jam à multis sæculis doctissimi viri dubitant, num solemnitates Juro Civili & Cæsareo præscriptæ ad testamenti validitatem spectent, an solummodò ad probationem in foro externo perficiendam, tùm quia ipsæ leges Cæsareæ jubent aliquando præstari legatum, ubi ex solemnitates defunt, si hæres de testatoris voluntate conveniat, Leg. 2. Instit. Tit. 23. §. ult. Et Leg. Questionem, Cod. De testam. tùm quia eas sæpè prætermitti sinunt; ut in Testamento inter liberos, eod. tit. leg. Hac consultissima, in fine. Et in testamento militis, Cod. De testamento militis. Unde sequi videatur peritissimis

mis viris leges Cæsareas in hac parte sola niti præsumptione fraudis, proindeque non habere locum, ubi de voluntate testatoris aliter constat. Ex difficultate autem eas omnes juris subtilitates & addiscendi, & in utrum revocandi, quam nemo prudens non sentit; testamenti verò, maxime in piis legatis, notitiam & usum perfacilem esse oportere ratio docet. Secunda ratio est, quia legatum ad pias causas non minùs favorabiliter excipi debet, quàm testamentum militis, quod valet absque iis formalitatibus, quæ à Jure præscribuntur. Ergo à fortiori valere debet testamentum ad pias causas. Tertia ratio sumitur ex ipsa piorum legatorum natura, quæ non debent censeri gratuita donationes, sed remedia quædam ad testatoris salutem veluti necessaria; sæpè etiam sunt restitutiones ex iustitia debitæ, & à Consensario præscriptæ. Hæc pro modulo nostro & instituto de Testamentis dicta sunt: modò de reliquis ultimis voluntatibus, *Codicillis*, nempe, *Legatis*, & *Fideicommissis* pauca subjungimus.

456 *Codicillus* est scriptura continens ultimæ voluntatis dispositionem circa ea, quæ quis vult fieri post mortem citra hæredis institutionem. Adhibetur ad legata ac fidei commissæ relinquenda, vel ad aliquid explicandum aut mutandum circa testamentum. Ad ejus valorem non requiritur solemnitas, undè in eo sufficiunt quinque testis, etiam non rogati, nec vocati; neque etiam requiritur, ut testator manu propria subscribat.

457 *Legatum* est ultimæ voluntatis dispositio, qua testator particulare donum ab hæreditate selectum directis verbis alicui relinquit. Sumitur etiam pro ipso dono sic relicto.

Fideicommissum non differt à *Legato* 458 to, nisi quòd in Fideicommissò verba dirigantur ad hæredem, ut aliquid donec tertio, v. g. *Volo hæredem meum solvere centum nummos Titio*; in Legato verò verba ad ipsum Legatarium diriguntur, ut, *Lego centum nummos Titio*.

Legatum sicut & Fideicommissum duplex est, *particulare* scilicet, & *universale*. *Particulare* est, cum alicui designatum aliquod bonum legatur, ut summa pecuniæ, tabella, villa. *Universale* verò, cum aliquis bona omnia sua legat, aut omnium bonorum partem, ut mediam, quartam, &c. Aut hæredis fidei committit alteri tradenda.

Jus Cæsareum concedit Fideicommissario quartam partem hæreditatis, quæ *Trebellianica* dicitur à Jureconsulto Trebelliano, ne inutiliter hæreditatem adicrit.

Similiter eodem Jure Romano à Legato universali detrahitur quarta pars, quæ cedit hæredibus, *Falcidia* dicta à Falcidio Tribuno plebis, quòd ipse primus eam invexerit. Hæc lex nullatenus differt à Trebellianica, nisi quòd ista de Fideicommissis dicatur, *Falcidia* verò de Legatis, vi cuius, non attentis testatoris legatis, hæredes quarta parte hæreditatis nunquam privari possint, adeò ut cum dispendio hujus quartæ partis legata, quibus fortè oneratum esset testamentum, solvere non teneantur.

At circa legata ad pias causas notandum, quòd non modò debeantur etiam non adita, id est, nec dictò nec factò acceptata hæreditate, sed etiam immunia sint à detractione falcidiæ.

Circa

461 Circa Fideicommissum quæri solet à Theologis , an valeat in foro conscientie in favorem ejus , qui per leges non potest hæres vel legatarius institui ? Ad quod communiter respondent , Et testatorem & eum , qui talis dispositionis executionem promittit mortaliter peccare : quia violant legem justam , quæ id graviter prohibet. Hinc S. Hieronymus Ep. ad Nepotianum ait : *Per Fidei-commissa legibus illudimus.* Legatumque illud sive à Fideicommissario , sive ab iis , in quorum favorem relictum erat , legitimis hæredibus restitui debet , quia nec pertinet ad Fidei-commissarium , cui donatum non fuit ; nec ad uxorem defuncti v. g. aut filium spurium , in iis Consuetudinibus , quæ hujusmodi personas ad hæc legata inhabiles esse decernunt.

462 Denique quinam & quibusnam legare valeant , colligi potest ex iis , quæ tùm de donatione , tùm reliquis ultimæ voluntatis speciebus elocuti sumus , utrobique enim par videtur esse ratio. Cætera , quæ hic tùm de legatis , tùm aliis ultimis voluntatibus , differi possent ac deberent , investiganda sunt in Utriusque Juris peritorum libris & responsionibus. Hæc pro instituti nostri ratione dicta nobis sufficiant.

CAPUT IV.

463 De Virtutibus justitiæ annexis.

IN Ethica nostra seu Philosophia morali cap. 2. §. 3. virtutes justitiæ annexas seu , ut eadem cum Scholasticis ibidem nuncupavimus , partes justitiæ potentiales duodecim imò tre-

P. Cartier Theol. Tom. III.

decim omninò recensuimus ; nempe Religionem , Pietatem , Observantiam , Veritatem , Gravitatem , Vindictionem , Liberalitatem , Amicitiam , Affabilitatem , Humanitatem , Comitatem , & Hospitalitatem. Quibus à Theologis junguntur Obedientia , prout ibidem in nota adnotavimus , & Pœnitentia. De Religione speciali Tractatu sufficienter egimus : De Pœnitentia autem differemus ubi de Sacramentis. De reliquis verò non est , quod iis , quæ circa illas in nostra Ethica cit. loc. differuimus quidquam addamus ; pauca duntaxat tùm de Obedientia , tùm de Veritate eique opposito mendacio hic dicere animus est.

Porro recensitæ virtutes ideò ad virtutem Justitiæ reducuntur , quia naturam rationalem inclinant ad actus , qui sunt ad alterum , quod de ratione Justitiæ est , ut quæ essentialiter & propriè non nisi ad alterum sit , prout patet ex iis , quæ suprà cap. 1. annotavimus.

Obedientia igitur generatim definiri potest virtus , qua quis voluntati Superioris se accommodat. Duplex est Strictè & propriè sumpta , & minus strictè seu latè accepta. Strictè sumpta dici potest Virtus inclinans ad observanda Superiorum præcepta. Ea iterum duplex est , Generalis nempe & Specialis. Generalis est Virtus inclinans ad observandum quodvis præceptum ex quovis motivo bono : & sic obedire pertinet ad quamlibet virtutem , ex cuius motivo mandatum servatur. Et opponitur inobedientia generalis , quæ est vitium generale consistens in ejusvis præcepti violatione ex quovis motivo ; ideoque est peccatum mortale in re gravi , veniale in levi , & includitur in omni peccato tanquam ratio generica.

G g g g

Spe-

Specialis verò est *Virtus inclinans subditum ad exequenda præcepta Superiorum*, quia *præcepta sunt*. Ei opponitur inobedientia formalis, quæ est *violatio præcepti*, quia *præceptum est*: unde semper est mortalis, etiam in re levi; quia est contemptus præcepti, ac potestatis præcipiendi; nam nolle obedire præcepto, eò quòd præceptum sit, est illud contemnere, & simul potestatem, undè manat.

Obedientia autem latè seu minùs strictè sumpta est *virtus, qua quis voluntati Superioris se accommodat, sive præcipiat sive non*; prout in *Ethica nostra* cit. loc. diximus.

464 *Veritas*, sive, ut alii loquuntur, *Veracitas* est, prout ibidem eam descripsimus, *Virtus, qua damus operam, ne quid à nobis aliter enuntietur, quàm sit, vel fuerit, vel futurum sit*. Seu brevius, est *virtus qua inclinamur ad semper loquendum conformiter menti nostræ*: undè facit ut rectè utamur signis ordinatis ad mentem nostram alteri patefaciendam. Ei opponitur mendacium, quod est *locutio contra mentem*. Circa illud duo hic nobis sunt resolvenda, imò. An omne mendacium sit intrinsecè malum. 2do. An aliquando liceat uti æquivocatione, vel restrictione mentali, ut vocant. Sic igitur

465 CONCLUSIO. I.

Omne mendacium est intrinsecè & per se malum.

Prob. 1mo. Ex S. Scriptura, quæ illud omninò prohibet. Eccli. 7. *Noli*

velle mentiri omne mendacium; assiduitas enim illius non est bona. Prov. 13. *Verbum mendax iustus detestabitur*. Collos. 3. *Nolite mentiri invicem*. Ephes. 4. *Deponentes mendacium, loquimini veritatem* (u).

Prob. 2do. ex SS. Patribus, pro omnibus sufficiat S. Augustinus, qui librò de mendacio mendacium nunquam esse licitum, atque intrinsecè malum asserit. Item Alexander Papa III. cap. 4. *de usuris*. Ubi ait, quòd *Scriptura sacra prohibeat pro alterius vita mentiri*.

Prob. 3tio. Ratione. Illud est intrinsecè malum, quod in se & intrinsecè continet aliquam inordinationem. Atqui mendacium in se continet aliquam inordinationem; nam pervertit naturalem institutionem & finem locutionis ad hoc hominibus concessæ, ut possint inter se communicare sensus suos: ac proinde per se evertit communicationem cum hominibus, & commercium vicæ socialis; estque deceptivum proximi. Ergo mendacium est intrinsecè & per se malum.

Idem dicendum de simulatione, nam 466 est verè & propriè mendacium in facto, mendacium enim, ut jam diximus, est locutio contra mentem. Per locutionem autem intelligitur actuum internorum significatio per quævis signa mentis significativa, sive sint verba, sive facta, gestus, nutus, sive scriptura, ut ait S. Thomas 2. 2. q. 111. a. 1. ubi his verbis concludit: *Unè simulatio propriè est mendacium quoddam in exteriorum signis factorum conficiens*. Non refert autem, utrum aliquis mentiatur verbò, vel quocumque alio facto. Unde cum

(u. Sap. 1. *Os quod mentitur, occidit animam*. Et Psal. 5. *Perdes omnes, qui loquuntur mendacium*.

cum omne mendacium sit peccatum, consequens est etiam, quod omnis simulatio sit peccatum. Unde etiam S. Augustinus lib. de mendacio cap. 3. ait: *Ille mentitur, qui aliud habet in animo, & aliud verbis, vel quibuslibet significacionibus enuntiat.*

- 466 Non tamen dicendum omne mendacium, quamvis intrinsecè malum sit, esse mortale. Nam, ut docet idem S. Augustinus in Psal. 5. Mendacium, quod nec proximum, nec Dei honorem graviter lædit, nec scandalum parit, nec est contra bonos mores, ut est mendacium merè jocosum, vel officiosum, veniale tantum est. At mendacium perniciosum, quod graviter lædit bonum proximi, vel honorem Dei, aut grave scandalum parit, est mortale. Ratio est; quia graviter repugnat Charitati Dei, vel proximi, aut etiam Justitiæ, vel Religioni: tale est omne mendacium contra Fidem, Religionem, vel bonos mores, in judicio, testimoniis, juramentis, contractibus, detractioe gravi, &c.

Equidem non ignoramus, quòd quidam ex antiquis Patribus, Ipseque S. Hieronymus, censuisse videantur, leviter mentiri, in gratiam majoris alicujus boni, ne quidem veniale peccatum esse. At vel benignè in hoc sunt interpretandi Patres isti; vel deservendi. Nam Scriptura, SS. Patres, Summi Pontifices, Ratioque ipsa docent omne mendacium esse peccatum.

- 467 Modò expedienda & solvenda venit difficultas de Amphibologia seu æquivocatione, & restrictione &c; an videlicet eà uti quandoque liceat.

Amphibologia vox græca, idem latine est ac *æquivocatio*, atque dicitur *sermo*

ambiguus, seu locutio habens sensum duplicem: ut v. g. istud Oraculi responsum, *Cræsus Halin penetrans magnam pervertet opum vim*: ambiguum est enim ex hoc Oraculo, an Cræsus fluvium Halin superans hostium opes subversurus sit, an verò propriarum opum jacturam facturus. Duplex est; alia *determinabilis* exterius, & latè dicta, cujus scilicet sensus verus à proferente intellectus potest per se cognosci ex circumstantiis aut inditiis exterioribus: alia *non determinabilis*, & *strictè* dicta, cujus sensus à loquente intellectus non potest ullatenus deprehendi.

Restrictio mentalis seu *tacita*, est 468 *mentis conceptus, quo verba exterius prolata ad alium, quàm quem præ se ferunt, sensum ab ipso loquente restringuntur*: ut si quis ei, qui mutuum petit, respondeat, exterius, *Non habeo pecuniam*, subaudiendo interius, *quàm tibi dare velim.*

Duplex etiam est; una *strictè*, altera *latè mentalis* vocatur. Prima residet in sola mente, nec ullatenus verbis, signis, aut aliis circumstantiis exterius manifestatur: Altera, vel ex modo loquendi, vel ex circumstantiis, vel ex consuetudine deprehendi potest & percipi ab audiente.

Fatentur nunc omnes, nunquam licitum esse sine justa causa uti restrictione etiam latè mentali, nec æquivocatione exterius determinabili. Ratio est, quia id nocet humanæ societati, & fini, ad quem verborum significatio & ipsa locutio fuit instituta; quandoquidem soleant homines verba, ut sonant, accipere, ubi non adest causa aliter accipiendi. Hinc S. Gregorius lib. 25. Moral. cap. 7. *Apud homines*, inquit, *cor ex verbis, apud Deum verò verba pensan-*

G g g 2

pendantur ex corde. His ita præmissis,
sic

469 CONCLUSIO II.

Nunquam licet uti æquivocatione
exteriùs non determinabili, nec restric-
tione strictè seu purè mentali.

Prob. 1mo. Ex Scriptura. Psal. 14.
*Domine, quis habitabit in tabernaculo
tuo? . . . Qui loquitur veritatem in
corde suo . . . qui jurat proximo suo,
& non decipit.* Psal. 23. *Quis ascendet
in montem Domini? . . . qui non ju-
ravit in dolo proximo suo.* Sed qui
jurat seu loquitur cum amphibologia &
restrictione, proximum decipit, & ju-
rat in dolo, ergo mendax est & perjuri-
us, cum perjurium, adeoque & men-
dacium, ut nequit decipere credentem,
Can. 1. Caus. 22. q. 2. Eccli. 38. *Qui
sophisticè loquitur odibilis est.* Atqui
qui utitur amphibologiâ aut restrictione
purè mentali sophisticam, id est ad de-
cipiendum compositam locutionem ad-
hibet, ut patet, Ergo.

470 Prob. 2do. Ex Patribus. Tertullia-
nus lib. 4. contra Marcion. cap. 38.
*Iusta, inquit, & digna præscriptio est,
in omni questione ad propositum inter-
rogationis pertinere debere sensum re-
sponsionis; ceterum aliud consulenti,
aliud respondere dementis est.* Sed qui
æquivocatione & restrictionibus utitur,
non respondet ad sensum interrogatio-
nis, sed aliud interrogatur, aliud re-
spondet. Ergo.

Sanct. Augustinus Enchirid. cap. 22.
*Verba, inquit, propter sunt institu-
ta, non per qua invicem homines sal-
lunt; sed per qua in alterius quisque
notitiam cogitationes suas perferat. Ver-
bis igitur uti ad fallaciam, non ad quod
instituta sunt; peccatum est.* Atqui

qui amphibologiâ & restrictione purè
mentali utitur in verbis, id facit, ut
alterum fallat, & ne in ejus notitiam
cogitationes suas perferat, adeoque uti-
tur verbis ad fallaciam. Ergo. Item
Ep. 135. alias 224. *Perjuri sunt, in-
quit, qui servatis verbis expectationem
eorum, quibus jurandum est, deceperint.*
Atqui expectationem hanc decipiunt,
qui amphibologias exteriùs non deter-
minabiles, aut restrictiones purè men-
tales adhibent, atque ita ambigüe ju-
rant & loquuntur, ut aliud ipsi sen-
tiant, aliud verò ab aliis intelligi ve-
lint. Ergo sunt perjuri & mendaces.

Denique, ut cætera brevitas gra-
tiâ omittamus, idem S. Doctor lib. con-
tra mendacium cap. 18. hunc sibi ca-
sum proponit: *Ecce gravi morbo pe-
riclitatur agrotus, cujus jam vires fer-
re non possunt, si ei mortuus unicus &
charissimus filius nuntietur; à te qua-
rit, an vivat, quem vitam finisse tu
nostii. Quid respondebis? quando quid-
quid aliud dixeris, præter unum de tri-
bus, aut mortuus est, aut vivit, aut
nescio, nihil aliud credit ille quàm
mortuum. . . . Ex illis autem tribus
duo falsa sunt, vivit, & nescio; nec
abs te dici possunt nisi mentiendo. Illud
autem unum verum, id est, mortuum esse
si dixeris, & perturbati hominis mors fuerit
subsecuta, abs te occisus esse clamabitur. . . .
Non me movet. . . . quòd, nobis mentiri
nolentibus, & hominibus verò auditò
morientibus, homicida dicatur veritas.*
Atqui si S. Augustinus licitum credi-
disset restrictionis mentalis usum, sal-
tem in casu tam perplexo, in quo agi-
tur de impedienda hominis morte, non
dixisset, *ex tribus illis duo esse falsa,
vivit & nescio, nec dici posse nisi men-
tendo.* Jam enim falsa non essent, nec
mendacia, si sine mendacio, & falsita-
te dici possent cum restrictione men-
tali;

tali; verè enim diceretur moribundo patri, *vivit filius tuus*, intelligendo *secundum animam*; vel diceretur *nescio*, subaudiendo, *ut tibi dicam*. Ergo.

- 471^a Prob. 3tio. Ex censura adversus sequentes propositiones lata ab Innocentio XI. annò 1679. Prima, quæ est inter damnatas 26ta. sic habet: *Si quis vel solus, vel coram aliis, sive interrogatus, sive propria spontè, sive recreationis causâ, sive quocumque alio fine, juret se non fecisse aliquid, quod re vera fecit, intelligendo intra se aliquid, quod non fecit, vel aliam viam ab ea, in qua fecit, vel quodvis aliud additum verum, re vera non mentitur, nec est perjurus*. Secunda, quæ est 27ma. inter proscriptas sic exprimitur: *Causa justa utendi his amphibologiis, est, quoties id necessarium est aut utile ad salutem corporis, honorem, res familiares tuendas, vel ad quemlibet alium actum virtutis, &c.* Tertia quæ est numerò 28va. sic sonat: *Qui mediante commendatione, vel munere, ad Magistratum, vel officium publicum promotus est, poterit cum restrictione mentali præstare juramentum, quod de mandato Regis à similibus exigi solet (scilicet nulla mediante commendatione, nullo munere ad illud officium ipsum pervenisse) non habito respectu ad intentionem exigentis.*

- 472^a Prob. 4to. Rationibus. 1mo. Quod per se deceptivum est proximi, & contra naturalem institutionem ac finem locutionis & signorum ordinatorum ad exprimendos conceptus mentis; id per se malum est & inordinatum; adeoque peccatum & illicitum. Atqui hujusmodi est æquivocatio exterius non determinabilis & restrictio pure mentalis. Ergo. 2do. Quod externum sermonem non corrigit, efficere non potest, ut qui loquitur non sit mendax respectu illius,

qui audit. Atqui amphibologia exterius non determinabilis & restrictio pure mentalis sermonem externum non corrigit. Ergo etiam efficere non potest, ut qui loquitur non sit mendax respectu illius, qui audit, adeoque ut non peccet. 3tio. Mendacium in nullo casu licitum esse potest, ut præcedenti conclusionem ostendimus, atque omnes fatentur. Atqui restrictiones pure mentales seu æquivocationes exterius non determinabiles vera sunt mendacia. Nam juxta S. Augustinum suprà citatum lib. de mendacio cap. 3. *Ille mentitur, qui aliud habet in animo & aliud verbis...* enuntiat, & qui hujusmodi æquivocationibus & restrictionibus utitur aliud habet in animo, &c. imò non utitur restrictionibus, nisi ut alter aliud concipiat, quam ipsummet concipit. Ergo. 4to. Illud nunquam licet, quod non minus Societati humanæ, & vocum institutioni adversatur, quam ipsummet mendacium. Atqui amphibologiæ & restrictiones hujusmodi non minus adversantur, &c. quàm ipsummet mendacium: an non enim æquè me fallit, qui dicit, *Non habeo pecuniam*, subintelligens tibi dandam, quam qui rotundè & palam dicit, *Non habeo pecuniam*. Et verò si hujusmodi amphibologiæ & restrictiones licitæ forent, profectò illarum usu tolleretur sermorum certitudo, nemo enim unquam certus esset de fide & mente alterius, omnibusque dolis pateret aditus; & sic everteretur auctoritas testimonii humani, & fides humana, ideoque & commercium inter homines corrueret.

*Solvuntur Objectiones
Contra secundam Conclusionem.*

473

Ob. 1mo. multi Scripturæ textus, qui declarare videntur, viros Sanctissimos, imò Christum ipsum, qui peccatum
G g g g 3

tum non fecit, amphibologiis restrictionibusque purè mentalibus, Deo non improbane, usos esse. Ac quidem 1mo. Genes. 12. vers. 11. Abraham voluit ut Sara uxor sua sororem suam se diceret, idque crediderant Egyptii. Idem fecit Isaac Genes. 26. dixitque interrogantibus Egyptiis uxorem suam esse sororem suam. 2do. Genes. 27. Jacob patrem suum induxit, ut crederet eum Esau primogenitum suum, *Ego sum primogenitus tuus Esau*. 3tio. Christus ipse Marci 13. interrogatus à Discipulis de die Judicii respondet v. 32. *De die illo, vel hora nemo scit, neque Angeli in celo, neque filius, nisi pater*. Quæ propositio vera non est, nisi cum restrictione mentali, ita ut filius hominis nesciat Judicii diem *ad prodendum*, id est aliis manifestandum. 4to. Joannis 7. v. 8. *Vos*, ait Christus ad fratres suos, *ascendite ad diem festum hunc, ego autem non ascendo*, ubi subauditur *vobiscum*, vel *manifestè*, prout postea factum est. 5to. Joan. 11. v. cod. ait Christus: *Lazarus amicus noster dormit, sed vado, ut excitem eum à somno*. Atqui hæc propositio æquivoca est, & sciebat Christus eam aliter à suis Discipulis intelligendam esse, ac ipse intelligeret. Dixerat enim Jesus de morte ipsius; illi autem putaverunt, quia de dormitione somni diceret. 6to. Joan. 20. vers. 19. *Solvite templum hoc, & in tribus diebus excitabo illud*, inquit iterum Jesus ad Judæos, qui hoc de Templo Jerosolymitano intellexerunt, Christus verò de suo corpore. Ergo &c.

Resp. 1mo. Ex rebus adeò sublimibus & Prophetice gestis nihil colligi potest in gratiam eorum, quæ in ulu quotidiano & commercio civili contingere solent; & quæ mystice, prophetice, parabolice, sive æconomice, ad insinuandam aliis veritatem dicta vel tacita sunt

in Scripturis sacris, cum vulgaribus gestis non sunt confundenda, inquit ab annò 1700. Clerus Gallicanus.

Resp. 2do. Ex factò Abraham, Isaac, & Jacob nihil firmi concludi potest, quia certum non est eos non peccasse, & ab omni etiam veniali mendacio immunes fuisse. Aliqui quidem Patres eos nihil hîc mali admisisse contendunt, alii verò eos plùs aut minùs deliquisse putant; & cum hæc horum Patriarcharum facta Scriptura referat, indè non sequitur ea Deo haud improbane facta esse. Vide quæ hac de re diximus in Tract. 1. Theol. nost. De S. Script. part. 2. cap. 1.

Quantùm ad textus ex Evangelio 474 desumptos negamus, ex iis quidquam colligi posse, quod amphibologiis aut restrictionibus mentalibus faveat. Quod Marci 13. dicat Christus se nescire Judicii diem, dicendum, cum agmine Patrum, & S. Augustino, Christum nescire diem Judicii, quia non expediebat, ut eam discipulis suis manifestaret; prout cit. Tract. de S. Scriptura jam adnotavimus. In hoc autem ne umbra quidem erat restrictionis mentalis, quia horumce verborum sensum statim intelligere debuerunt Apostoli, utpotè quibus perspectum esset, nihil esse, quod Christus lateret; quemadmodùm cum dixit Deus ad Abraham Genes. 22. v. 12. *Nunc cognovi, quòd times Deum*, statim sentire debuit Patriarcha ille, non tunc tantùm, sed semper notum Depuisse amorem, quo ipsum prosequeretur.

Ad id quod obijcitur ex Joan. 7. 1mo. Aliud est dicere *non ascendo*; aliud *non ascendam*. Primum dixit Christus, qui re ipsa non ascendit cum fratribus suis, imò nec fortè ascendit ad primos festi dies, ut colligitur ex v. 11. & 14.

At

At Secundum non dixit. 2do. Græci Codices pend omnes legunt, *nondum ascendendo*; Arabicus legit, *nunc non ascendendo*; Codex Donatiani, item Codex Constantiensis, ac vetustum exemplar Lovaniense, legebant, *ego enim nondum ascendam*, ut notat Erasimus: indè verò nihil contra nos.

Nihilò validius est argumentum, quod desumitur ex Joan. 2. Christus enim dicendo *Templum hoc*, corpus suum aliquo signo, ut manu ad pectus admotum demonstrabat, ut notant Cornelius à Lapide, Toletus, Ludovicus Capellus, & alii.

Quod spectat ad verba Christi de Lazaro, 1mo. Nihil à consuetudo & familiari Judæis sermone recessit Christus, quia Hebræi mortem dormitionis & somni nomine exprimere solebant; hinc illud toties repetitum in Scripturis, *Dormivit cum patribus suis &c.* idque faciliè intelligere debebant Apostoli, qui Christum audierant somni vocabulò uti ad significandam mortem, Matth. 9. 2do. Ullque adeò clara erant Christi verba, ut mirum sit hic aberrasse Discipulos: an enim probabile videri poterat, Christum confecturum esse longum & periculosum iter, ut hominem à communi somno excitaret? 3tio. Statim ut sensit Christus, verba sua ab Apostolis non intelligi eo, quo dicebat, sensu, mentem suam aperuit: *Tunc ergo dixit Jesus manifestè, Lazarus mortuus est.* Sanè non absumus, quin, ubi justa causa intercesserit, hujusmodi æquivocationibus, quæ exemplò Christi statim explicentur, uti liceat. Nec refert, quòd Christus, antequam ita obscurè loqueretur, seiverit verba sua alio, quàm intenderet, sensu, ab Apostolis intelligenda esse: multa enim dixit Christus, quæ male, vel minis benè interpretanda esse noverat, à quibus tamen propter audien-

tium maliciam vel tarditatem abstinere non debuit, quia si audientibus profutura non erant, saltem alii ex iis compendium facturi erant.

Ob. 2do. Doctrina, quæ restrictio-475 nes mentales prohibet innumera invenit incommoda. Nam e. g. ex ea sequitur 1mo. Confessarium interrogatum de crimine, quod in confessione audit, peccare, si respondeat, se nihil de hac re audivisse. 2do. Peccare eum, qui cum extraneas, à quibus visitatur, personas, recipere non potest, præcipit famulis, ut dicant, eum domo exiisse, subintelligendo *manè vel beri.* 3tio. Innocentem, qui morte damnandus est, non posse negare se fuisse in tali loco, ubi erat cadaver, tali noctis horâ, subaudiendo, se hic non fuisse, ut occideret. 4to. Eum, à quo repetitur certa summa, quam jam solvit, quique ad hanc iterum solvendam damnabitur, non posse uti æquivocatione, cujus ope elabatur, dicendo v. g. se mutuum non accepisse, intelligendo, se non accepisse ad mentem Judicis, qui non interrogat de mutuo simpliciter, sed de mutuo, quod adhuc restituendum sit. Ergo, &c.

Resp. 1mo. Doctrina, quæ mendacia officiosa prohibet, pluribus etiam incommodis obnoxia est, nec ideo tamen admitti debet.

Resp. 2do. ad singula incommoda in Objectione recensita. Ad 1mum. Confessarius vel interrogatur ab homine, qui Confessionis sigillum rangere nolit, vel ab homine, qui ita impius sit, ut de iis etiam interroget, quæ in confessione audiri poterint. Si primum, quod quidem inter Catholicos supponi debet, negare potest, & debet Confessarius, se quidquam de tali crimine audivisse, neque id negando mentietur; quia neque interrogatio, neque responsio attingunt

tینگunt res, quæ ex sola confessione cognoscuntur. Si secundum, Confessarius hoc unum respondere debet, nimirum impiam esse hanc interrogationem, seque nihil respondere posse, sive pœnitens crimen, de quo agitur, fecerit, sive non (x).

Ad 2dum. Inter viros probos usu communi & omnibus noto receptum est, ut hæc verba, *Dominus domi non adest*, hoc solum significant, eos actu videri non posse. Quod si hoc receptum non esset, mentirentur tunc Domini, tunc famuli, qui Dominos adesse negant.


Ad 3tium. Homo mori potius debet, quam mentiri; mentiretur autem, qui diceret se tali horâ, tali in loco non fuisse, quia uteretur restrictione purè mentali, quam Judex ex nulla circumstantia detegere potest.

Ad 4tum. Idem dicendum videtur; quia talis non interrogatur an mutuum reddiderit, sed an acceperit; cum autem negat se illud recepisse, nulla est


circumstantia, quæ restrictionem ejus aliquammodo judici manifestet.

Quod spectat ad restrictiones, quæ latè mentales dicuntur, negant communiter Theologi eas, si ex justa causâ adhibeantur, esse illicitas, quia vel ex consuetudine, vel modò loquendi, vel ex circumstantiis observari possunt; undè non impediunt, quominus sermo exterior, attentis omnibus circumstantiis, omninò verus sit, & cum animo consentiat. *Aliud enim est mentiri*, inquit S. Augustinus in Psal. 5. *aliud verum occultare*; nam *quavis omnis*, ait idem S. Doctor lib. contra mendacium cap. 10. *qui mentitur, velit celare, quod verum est, non tamen omnis, qui vult quod verum est celare, mentitur*. Et S. Thomas 2. 2. q. 110. art. 4. ad 4. *Licet*, inquit, *veritatem occultare prudenter sub aliqua dissimulatione*. Aliud est enim verum celare, & aliud falsum significare. Hic tantum cavendum est, ne in praxi nimia hujusmodi restrictionibus detur extensio, & ne latè mentales dicantur, quæ sunt purè & strictè mentales.

(x) Casus iste in nostra Germania locum habere non potest; ubi viri Ecclesiastici, præsertim in hujusmodi rebus & causis impune non parent secularibus iudicibus: Et sunt talem iudicem hujusmodi à Confessario querentem, longè ipse à se abigeret.



A P P E N D I X
DE
VITIIS ET PECCATIS
VIRTUTI JUSTITIÆ OPPOSITIS,
SEU
DE INJUSTITIIS VEL INJURIIS, AC
RESTITUTIONE EASDEM NECESSARIO
CONSEQUENTE.





APPENDIX

477 *De vitiis & peccatis virtuti Justitiæ oppositis ,
seu de injustitiis vel injuriis , ac restitutione easdem ne-
cessariò consequente.*

PROOEMIUM.

QUAMVIS materia de vitiis & peccatis virtuti Justitiæ oppositis, injuriis nempe seu injustitiis, propriè ad Tractatum de Peccatis, ad quem vitia & peccata cæteris virtutibus opposita etiamnum reservavimus, spectare videatur; tamen de iis hic per modum Appendicis agere consultum duximus; tum quia de Restitutione, quæ propriè ad Tractatum de Justitiâ, cujus pars est, pertinet, nullatenus differi potest, quin simul de vitiis, quæ eam pariunt, sermo instituat; tum quia, si de ea, præter eum, quem postulat ordinem, unâ cum vitiis, quæ ipsa necessariò consequitur, primùm in Tractatu de peccatis agere in animum nostrum induceremus, Tractatus ille, qui cæterorum vitiorum expositione jam satis amplius futurus est, in immensum cresceret, ac proinde

P. Cartier Theol. Tom. III.

æquò prolixior evaderet. Commodius igitur nobis visum est hîc de injuriis seu injustitiis, atque Restitutione agere.

Injustitiæ nomen autem vel latè sumitur, scilicet pro omnis legis violatione, quo sensu peccatores cujuscumque generis sæpè in Scriptura Sacra vocantur injusti; vel stricte & propriè, prout nempe opponitur justitiæ stricte sumptæ, de qua in præsentî Tractatu locuti sumus; quæ Injustitiâ, si consideretur, ut actus, definiri potest *voluntaria juris alieni violatio*: sicut enim per actum justitiæ jus suum alteri tribuitur, ita per actum injustitiæ hoc jus violatur. Si verò Injustitiâ consideretur ut habitus, definiri solet. *Prava voluntatis dispositio, ex actibus injuriis orta, & ad similes actus inclinans.* In patiente injustitiam dicitur *injuriam*, in faciente verò *injustitiâ*.

H h h h a

tia. Verùm definitioni Injustitiæ ut actus est, potissimum insitimus, utpotè ex qua sæpius frequentata primùm nascatur habitus illius.

Dicitur ergo 1mo. *Voluntaria*, quia si omninò & invincibiliter involuntaria sit, nequaquam Injustitia dici potest; undè qui ex tali ignorantia quidpiam, quod per se injustum est, agit, non ideo injustus dicendus est; injustus enim dici non potest, nisi qui injustè agit, injustè autem non agit, cui injuria nullo modo est volita.

Dicitur 2do. *Juris alieni violatio*. Quo habetur, quòd volentis jus non violetur, id est, quòd volenti non possit fieri injuria juxta receptam regulam 27. Juris in 6. *Scienti Et consentienti non fit injuria*. Quia ille solum injuriam pati potest, cujus jus violatur, ut patet ex allata definitione. Atqui violari non potest jus alterius nisi volentis, vel explicitè, si sciat; vel implicitè, si nesciat, & ita sit affectus, ut, si sciret, expressè nollet. Item quia hominis jure suo cedentis jus non violatur. Atqui qui vult &c. cedit jure suo.

Attamen ut talis injuriam non pati dicatur, oportet ut plenè consentiat; nemo enim negat, quin consentienti ex dolo, vi, vel metu injustè incusso; vel ex necessitate aliqua, ut qui sub usuras mutuo accipit, vera fiat injuria: quia ad tollendam injuriam non sufficit quolibet juris cessio, sed ea solum quæ injustiæ coactionis, doli, & omnis involuntarii expers fuerit: alioqui posset aliquis ex iniquitate & dolo commodum reportare; quod falsum est, quia ex communi regula nemini fraus & dolus patrocinatur. Ex his etiam colligitur 1mo. Usurarium strictam inferre mutuario injuriam, etiam hic enim sciens & volens

usuras solvat, non tamen ita volens jure suo cedit, ut non potius cuperet jus suum, si posset, servare illæsum.

Colligitur 2do. eum etiam pupillo injuriam inferre, qui est volenti quidpiam aufert; quia pupillus, quamdiu est sub tutore est moraliter non volens; quia secundum leges non potest cedere jure suo, & ita fit ei injuria, quando ab eo etiam physicè consentiente, aliquid aufertur. 3tio. Martyres à persecutoribus & tortoribus suis verè injuriam passos esse; quia quamvis volentes respectu Dei, propter quem pati se gaudebant, non tamen erant volentes respectu persecutorum, nec iis ullum in se ipsos jus tribuebant, nec tribuere poterant, cum ne ipsi quidem propriæ vitæ aut membrorum dominium haberent; sed respectu eorum permissivè duntaxat se habebant: unde retinent actionem injuriarum, quas passi sunt, ut patet ex Sap. 5. vers. 1. *Stabant justi in magna constantia adversus eos, qui se angustiarunt.*

Ex data Injustitiæ definitione etiam 478 facile habetur quodnam sit illius Objectum, cum enim oppositorum oppositæ sint rationes, Justitia autem versetur circa jus alterius prout servatur adæqualitatem, hinc è contrà Injustitia circa idem jus alterius, prout violatur versari dignoscitur.

Undè etiam Injustitia totidem mo-479 dis dividi potest, quot modis Justitia. Adeoque Injustitia alia est contra Justitiam generalem, alia contra Justitiam particularem. Sed ratione materiæ triplex potissimum distinguitur injustitia, pro triplici genere damnorum, quæ proximo inferri possunt in bonis animæ, corporis, & in iis, quæ externa dicuntur, seu famæ & honoris sunt, seu fortune.

tune. Hæc de Injustitiæ nomine, essentia & divisione, modò etiam præambuli locò pauca de Restitutione dispendenda veniunt.

- 480 Igitur Restituere juxta vim nominis nihil aliud est, quàm aliquem iteratò statuere in possessionem, vel dominium rei suæ. At quia quædam sunt bona, in quæ homo, qui ea amisit, iterum statui non potest, ut patet de eo, cui vita vel membra ablata sunt, idcirco Restitutionis nomen generalius à Theologis & Jurisconsultis accipitur pro qualibet illati damni compensatione, sive fiat per ejusdem rei restitutionem, ut cùm redditur alicui pecunia eidem furto ablata; sive fiat per aliquam compensationem, ut cùm familiæ hominis, quem occidisti, aliquis redditus, quo damnum ejus utcumque compenfitur.

Unde Restitutio definiri potest, *Restitutio rei debita vel in se vel in æquivalenti*. Dicitur imò. *Redditio*. Quia restitutio est actus Justitiæ commutativæ, quo constituitur æqualitas rei ad rem, inter datum & acceptum, inter jus personæ & rem, quæ illi personæ redditur.

ado. *Res debita*: seu res debeatur ex Injuria, furto v. g. vel rapina; seu debita sit alio titulo, depositi v. g. commodati, &c.

3tio. *In se vel in æquivalenti*: quia Restitutio fieri potest absque eo, quòd reddatur aut reddi possit illud numerò bonum, quod alteri ablatum est: ut

si pecuniæ summam ei conferas, cui membrum amputasti (quod alii Satisfactionem dicere malunt) Ut autem restitutio fiat æquivalenter, lucrum cessans & damnum emergens compenfitur debet, ut patebit ex dicendis.

Porro Restitutio differt imò. à Satisfactione. Satisfactio enim est injuriæ alicui illatæ reparatio; unde ea tantò major esse debet, quò dignior est persona offensa: at Restitutio imò. Necessariò non supponit injuriam, ut patet in redditione mutui & depositi. ado. Non respicit personam, sed rem; unde major esse non debet Restitutio, quæ sit nobili, quàm quæ sit plebejæ.

Differt ado. à Solutione. Nam imò. Solutio supponit rem, quæ solvitur diversam esse ab ea, pro qua solvitur; Restitutio verò ejusdem rei esse potest. ado. Solvi dicitur, quod debetur ex voto & juramento, non dicitur verò restitui; è contrario, depositum dicitur restitui, non verò solvi.

De Injustitiæ & Restitutione sic definitis & generatim expositis modò nobis fusiùs agendum; atque ut omnia ordine & citra omnem confusionem procedant; Tractationem nostram in duas partes, juxta primò locò datam suprâ Injustitiæ divisionem, dispescimus; in quarum prima de Injuriis & Restitutione in genere; in secunda verò de iisdem in particulari, juxta datam suprâ secundò locò Injustitiæ divisionem, agemus. Sit igitur



P A R S P R I M A

De Injuriis & Restitutione in genere.

Quinq; Capitibus hanc primam Appendicis nostræ partem concludimus, in quorum primo, de necessitate Restitutionis; in secundo, de Radice obligationis restituendi; in

tertio, de cooperantibus ad damnum; in quarto de circumstantiis restitutionis & ordine in ea servando; in quinto denique de causis exculantibus à restitutione vel ejus dilatione tractabimus. Sit

C A P U T P R I M U M.

De necessitate Restitutionis.

CONCLUSIO.

Restitutio in re aut in voto necessaria est ad salutem.

Prob. 1mo. ex Scriptura. Ezechiel. 33. v. 14. *Si impius fecerit judicium & justitiam, & pignus restituerit, rapinamque reddiderit . . . nec fecerit quidquam injustum, vitâ vivet, & non morietur.* Rom 13. v. 7. *Reddite omnibus debita.* Jacob. 5. v. 4. *Ecce merces operariorum . . . qua fraudata est à vobis clamat, & clamor eorum in aures Domini Sabaoth introivit.* Unde sic conficitur argumentum: Illud est ad salutem necessarium, quod ita in Scripturis præcipitur, ut ejus ommissio mortem animæ interat, & severam à Domino vindictam expectare debeat. Atqui in citatis textibus præcipitur restitutio eorum omnium quæ debentur, adeo ut qui illam omiserit morte æterna mori debeat, &c. Ergo.

Prob. 2do. Ex SS. Patribus, pro quibus omnibus in re evidenti sit S. Au-

gustinus Ep. 54. & refertur cap. *Si res 1. Caus. 14. q. 6. Si res aliena, propter quum peccatum est, reddi potest, & non redditur, penitentia non agitur, sed simulatur: si autem veraciter agitur, non remittitur peccatum, nisi restituitur ablatum . . . cum restitui potest.* Quæ ultima verba repetuntur Reg. 4. de Regulis Juris in 6.

Prob. 3tio. Ratione; Qui voluntariè perseverat in gravi peccato contra primariam legis naturalis præcepta, salutem obtinere non potest. Sed qui non restituit, cum restituendi facultatem habet, voluntariè perseverat in gravi peccato contra hæc legis naturalis præcepta, *Alteri ne feceris, quod tibi fieri non vis. Suum cuique reddendum est.* Hæc enim præcepta vetant, ne cuiquam injuria fiat, ne jus alterius violeatur. Atqui injuriam alteri facit, & jus ipsius violat, qui rem ejus subripit, aut subreptam penes se servat. Ergo.

Con-

Confirm. Quia omisso restitutionis est virtualiter furtum, est enim acceptio rei alienæ continuata. Atqui fur salvari non potest. Ergo nec qui rem alienam non restituit.

Diximus, *Restitutio in re aut in voto*, seu proposito; quia ei, qui restituere non potest, satis est, ut sincerum habeat propositum restituendi, cum restituere poterit.

483 Solvuntur Objectiones.

Ob. 1mo. Si restitutio esset necessaria, Christus eam præcepisset Phariseis, cum eos arguit rapinæ, & ad poenitentiam hortatus est. Atqui Christus altum filiet de restitutione, *Quod superest*, inquit Lucæ 11. v. 41. *date elemosynam, & ecce omnia munda sunt vobis.* Ergo.

Resp. neg. maj. Non enim omnia ad salutem necessaria in omnibus locis dicuntur, sed quædam uno quædam alio. Quod si salus apud Lucam tribuatur elemosynæ, intelligendum est id modo nihil desit cæterorum, quæ sint necessaria. Sic Matthæi 6. dicitur: *Si dimiseritis hominibus peccata eorum, dimittet & vobis Pater vester cælestis delicta vestra.* Si nempe non obstat defectus alicujus alterius ad remissionem peccatorum requisiti: an enim qui injurias sibi illatas condonat, adulterii, iræ, intemperantiæ, &c. remissionem statim obtinebit? &c.

484 Ob. 2do. Qui rem habet alienam domino consentiente, aut irrationabiliter invito, non tenetur ad ejus re-

stitutionem. Atqui dominus consentit, aut consentire debet, ut res sibi ablata ab eo retineatur, qui eam abstulit, alioqui præferret rem suam temporalem æternæ alterius salutis, quæ periclitabitur, nisi consentiat, ut alter rem illam sibi retineat. Ergo (a).

Resp. neg. min. Si enim valet pia hæc subtilitas, jam unusquisque rem alterius invadere poterit: nulla erunt furta, nemini vel in judicio, vel alibi bona sua defendere licitum erit, ne fortè fratris sui animam iræ, aliusve vitis exponat. Apagè novum charitatis genus. Neque homo tenetur spirituale proximi bonum bono suo corporali anteferre, nisi cum proximus in gravi aut extrema necessitate constitutus est, à qua liberari non potest nisi per temporali boni nostri jacturam, aut periculum, prout in Tract. de Virt. Theolog. ubi de Charitate erga proximum, adnotavimus. At cum homo animæ periculum nonnisi propria voluntate subit, aliter est sentiendum; alioqui melior esset furum, quàm virorum frugi conditio.

Ob. 3tio. Rachel Genes. 31. furata 485 est idola patris sui. David 1. Reg. 27. legitur oves & boves abstulisse; idem Princeps mediam partem bonorum Miphiboseth dedit Sibæ. Atqui nec Rachel, nec David leguntur restituuisse, quod tamen fecissent, si ad salutem necarium fuisset. Ergo.

Resp. 1mo. Nec sancta fuisse omnia, quæ fecerunt viri sancti, nec scripta fuisse omnia eorum charitatis aut poenitent-

(a) Ita olim ratiocinabantur Græci, ut refert Alphonsus à Castro Verb. *restitutio*. Undè fures absoluebant, postquam oleo eos innoxissent, nulla lisdem imposta obligatione restituendi. Ita etiam propemodum sensit videtur ille, qui post fures, qui ipsi pecunia sua eripuerant, clamabat: *dona vobis omnia, &c.*

nitentis opera. Fieri potuit, ut restituerint, quamvis id Scriptura non expresserit.

Resp. 2do. Rachelem multi accusant turti domestici; alii verò existimant, potuisse Rachelem jure compensationis auferre Idola Laban, qui debiram filiabus suis dotem denegaverat, ibid. v. 14. *Nonne quasi alienas reputavit nos, & vendidit, comeditque pretium nostrum?* David verò abstulit oves & boves eorum, quos Dominus occidi jusserat: quibus autem vita eripi potest, iis & bona eripi possunt, nisi aliud obstat. Quantum ad Miphiboseth pro certo supponendum, quod ei idem restituerit, vel aliquid æquivalens: certè in restitutionis partem computari potest, quod David cum aluerit cibo regiò: quod enim prius ex liberalitate faciebat, hoc deinceps ex justitia facere potuit. Si verò non restituit, malè egit: ejus tamen culpa inde multum imminui videtur, quod veritatem faciliè comperire nequiverit.

test, quod quidem contingere potest absque injusta acceptione, ut si inter meas gemas, alterius gemmam, quam sine advertentia collegi, detexero, eamque restituere nolim, injustus ero detentor. 3tia. est injusta damnificatio, cum cupidus inferitur damnum absque ulla rei ejus acceptione, aut detentione, ut cum quis alterius aedes vel sata succendit. 4ta. denique oritur ex contractu explicito, vel implicito seu quasi contractu in assumptione officii, seu muneris, aut etiam mandati. Sic tenetur ad restituendum, qui pecuniam mutuo acceptam, fortuito casu amisit: Sic ei restitui debet, qui alterius abièntis negotia spontè gessit & utiliter, aliquid pretii æstimabile pro illis impendendo; ut si flammam à domo ejus removeris, si vindemiam ejus tempore congruo collegeris & expresseris.

Titulò injustæ acceptionis simul & 487 detentionis, restituere tenetur, qui rem injustè accepit & retinet, Possessor male fidei scilicet. 1mo. Tenetur rem ipsam restituere si extet; si verò non extet, qui eam vendidit, consumpsit, aut donavit, æquivalens ejus pretium reddere debet, ut & si ei fortuito perierit, aut ab alio rapta sit. Ratio est tùm quia nemo locupletari debet cum injuria alterius; tùm quia qui inæqualitatem in alterius bonis suâ culpâ posuit, eandem reparare tenetur, etiam si nihil inde perceperit emolumenti. 2do. Restituere debet fructus omnes cum civiles tùm naturales, & mixtos secundum eam partem, qua naturales sunt (b). Ratio est, quia res domi-

CAPUT II.

De Radicibus Restitutionis.

Quatuor assignari possunt restitutionis radices. 1ma. est Injusta acceptio, scilicet cum res aliena domino Rationabiliter invito usurpatur. 2da. est Injusta detentio, cum scilicet aliquis rem alterius nonnulli iniquè retinere po-

(b) Fructuum nomine intelligi solet omnis utilitas, quæ ex aliqua re colligi potest, deductis impensis, quæ fieri debent. Fructus alii sunt *naturales*, qui scilicet sola aut ferè sola operante natura producuntur: tales sunt fructus animalium, fructus arborum, &c. Alii dicuntur *industriales*, qui per hominis industriam proveniunt ex re merè sterili, tale est luctum ex negotiatione, &c. Alii *mixti*, suntque qui partim naturaliter partim ex industria proveniunt: tales sunt fructus agrorum, vinearum, &c. Alii denique *civiles*, suntque reditus, qui ex certo jure alicui concessio secundum leges percipiuntur: sic urbanorum prediorum pensiones: res fructibus accipiuntur, ex Leg. 36 ff. De usur. ut & vectura navium, Leg. 29 ff. De hered. pet. Idem dicendum de locatione præstationis, venationis, perceptionis tributorum, &c.

domino suo fructificat. 3tio. Tenetur adhuc idem malæ fidei possessor ad restituenda lucra cessantia, & damna emergentia; quia aliqui non constitueretur æqualitas debita. 4to. Non potest detrahare nisi expensas necessarias, id est eas, sine quibus res peritura erat aut deterior futura, leg. 79. ff. *De verb. signif.* item verè utiles seu eas, quæ licet necessariæ non sint, rem tamen meliorem faciunt, & ejus redditum adaugent; & eas repetere potest, si eas rei dominus facturus erat, aut sine rei detrimento separari possint; ut & eas expensas, quæ solius voluptatis causâ, & rem duntaxat ornant, nec fructum augent, factæ sunt, ut sunt viridaria, aquæ salientes, incrustationes, loricationes, picturæ, &c.

Quid de possessore dubiæ fidei, seu eo, vel qui rem acquisivit, de qua dubitabat, an esset furtiva; vel qui postquam bona fide acquisivit, dubitare incipit, an furtiva sit nec ne, hic dicendum sit facillè colligi potest ex iis, quæ hoc Tract. c. 2. Sect. 1. §. 3 n. 157. &c. de usucapione seu præscriptione elocuti sumus.

Ex titulo verò injustæ detentionis, Possessor etiam bonæ fidei, seu ille, qui aliquid possidet, quod sine dolo & fraude suum esse putat; quamprimum cessat in ipso bona fides, tenetur restituere 1mo. fructus naturales, si extant: si verò non extant, restituere debet, in quo statum est ditior. Ratio 1mæ partis est: Quia res quælibet domino suo fructificat, non alteri. Atqui possessor bonæ fidei, non est dominus rei, quæ ex hypothesi est aliena. Ergo res illa non fructificat huic possessori, sed vero ipsius domino. Ergo fructus ei sunt restituendi, deductis tamen expensis & æstimatione operarum, quæ præmitti solent ut hujusmodi fructus colligantur, &c.

P. Cartier Theol. Tom. III.

Prob. 2da. pars. Quia nemo justè ditior fieri potest ex alienis bonis. Ergo id quo quis factus est ditior, restituendum est, quia aliqui possideretur res aliena; saltem in æquivalenti. Unde leg. 1. Cod. *De petit. hæred.* dicitur: *Bonæ fidei possessor fructus reddere cogendi non sunt, nisi ex his locupletiores extiterint;* ubi corrigitur lex *Qui scilicet ff. De usuris.* Quæ contrarium innuere videtur.

Ditior autem factus censetur 1mo. Qui adhuc habet valorem rei alienæ, quam vendidit. 2do. Qui consumendo rem alienam pepercit suæ, quam consumpsisset, aut sumptibus, quos ex re propria fecisset; adeoque restituere debet, quantum rebus propriis pepercit.

2do. Ex dictis sequitur, fructus mixtos, sive adhuc extant, sive iis ditior factus sit possessor bonæ fidei, ab ipso restituendos esse secundum id, quod naturales sunt. Idem quoque dicendum de fructibus civilibus; quia fructus illi maxime accedunt ad naturales; unde non raro cum eis confunduntur. Et certè locatio vineæ, vel prati, parum exigunt industria; hic tamen deduci debent expensæ, si quæ fuerint.

Diximus, secundum id, quod naturales sunt; quia Possessor bonæ fidei non tenetur fructus merè industriales restituere. Nemo enim tenetur restituere id, quod suum est non alienum. Atqui fructus merè industriales non sunt alterius, sed illius, à cuius labore & industria prodierunt. Ergo qui alterius instrumentò usus est ad opus aliquod artificiale peragendum, opus illud sibi retinere potest, nec restituere tenetur. Imò hoc etiam extenditur ad possessorem malæ fidei: unde si quis ex aliena pecunia, etiam iniquè parta, lucratus

1111

fit,

fit, sive ludendo, sive mercaturam exercendo, non tenetur ad restitutionem huiusce lucri.

- 489 Titulò iniustæ damnificationis restituere tenetur, qui ex culpa aliqua Theologica, extra contractum aut quasi contractum, intulit damnum. Titulò autem contractus, aut quasi-contractus, qui ex varia, pro conditione contractus, culpa damnum intulit. Quæ ut clariùs à nobis definita intelligantur, priùs exponenda & velut repetenda sunt ea, quæ in hocce de Iustitia & Jure de culpa passim jam adnotavimus.

- 490 Culpa igitur duplex distinguitur, alia Theologica, quæ est peccatum mortale vel veniale: alia Juridica, quæ est omisso alicujus diligentia per ignorantiam, incuriam, aut inadvertentiam, ex qua alicui damnum creatur; nec refert an hæc culpa seu omisso peccatum sit, aut non.

Culpa Juridica est triplex, lata scilicet, levis, & levissima, quibus, ut completa sit gradatio, addunt aliqui latiore & latissimam.

Culpa latissima est communis diligentia, quam cæteri adhibere solent, omisso damnosa, ea intentione, ut alter decipiat, & damno afficiatur. Talis est culpa militis excubias agentis, qui dormit, aut dormire fingit, ut faciliorem hosti accessum præbeat. Hæc culpa est grande peccatum, & verus dolus: Dolus autem est quævis machinatio ad decipiendum.

Culpa latior est dolus præsumptus: ut si sciens, & valens impedire, non impediam tamen, quominus fur rem apud me depositam auferat, vel ne hostis urbem ingreditur.

Culpa lata est omisso illius diligentia & circumspeditionis, quam prudentes ejusdem conditionis homines in hujusmodi rebus adhibere solent. Talis est negligentia illius, qui librum sibi commodatum foris relinquere supra scamnum.

Culpa levis est omisso diligentia, quam prudentissimi & solertissimi in rebus ejusdem naturæ adhibent, ut librum, qui cubiculum reliquit in cubiculo, quod feris non occluserat.

Culpa levissima est omisso ejus diligentia, quam prudentissimi & solertissimi in rebus ejusdem naturæ adhibent, qualis est illius, qui cubiculum clausit, sed non probavit manu pulsando, an bene clausum esset. Ex his multa sunt, quæ sine ullo peccato contingere possunt, putà ex distractione involuntaria, ex oblivione naturali, &c.

His positis adhuc observandum est, non eandem esse rerum omnium, quæ alicujus culpa pereunt, conditionem. Quædam enim non supponunt contractum, ut si bestia tua de se stabulum meum ingressa, ibi cum iis, quæ meæ erant, subrepta fuerit. Quædam verò supponunt contractum, aut quasi-contractum. Contractus autem, ut jam alibi annotavimus, vel transfert dominium, ut emptio, mutuum; vel non transfert, ut locatum, conductum, & depositum. Contractus quilibet aliquando cedit in utilitatem solius accipientis, ut commodatum; aliquando in utilitatem solius dantis, ut depositum; aliquando tandem in utilitatem utriusque, ut locatum, conductum, emptio, &c. Quasi contractus sunt, ut supra jam insinuat, alienorum negotiorum gestio, tutela, cura, officium Judicis, Advocati, Medici, & alia id genus. His ita prælibatis,

Ratio primi asserti, scilicet, quòd, aut quis ob damnum illatum ad restituendum obligetur, sufficiat & requiratur culpa Theologica aliqua etiam venialis, extra contractum vel quasi contractum habetur 1mo. ex cap. 9. *De injuriis* lib. 5. tit. 36. *Si culpa tua datum est damnum, vel injuria irrogata, seu aliis irrogantibus opem forte tulisti, aut hac imperitiâ tua, sive negligentia eveni-*
runt,

runt, jure super his te satisfacere oportet. Atqui per peccatum etiam veniale, alicui injuria etiam formalis inferri potest. Nam ab eo formalis injuria infertur, qui sciens & volens jus alterius lædit. Sed qui peccat venialiter, non definit esse sciens & volens, aut saltem penes ipsum stat, quominus sciat & velit. Ergo. 2do. Quia si venialis culpa non sufficeret ad inducendam restituendi obligationem, nullum daretur veniale furtum, nullaque iis imponenda foret lex restituendi, qui per minuta furta magnam pecunie quantitatem congestissent. Atqui falsum consequens, ut per se evidens est. Ergo.

- 493 At in hoc nulla videtur esse difficultas inter Theologos; verum graviter disputant, an qui ex culpa veniali grave alteri damnum intulit, illud ex toto, an verò ex parte duntaxat reparare teneatur. Qui prius tuerentur, his potissimum momentis adducuntur: 1mo. Ad rationem injustitiæ satis est juxta omnes, ut aliquis inferat damnum, quod potuit ac debuit non inferre. Atqui per culpam venialem infert quis damnum, quod potuit ac debuit non inferre. Ergo totam, quam posuit, inæqualitatem refarcire debet. 2do. Quis per culpam venialem idem damnum inferre potest, imò majus quandoque infert, quam si peccaret mortaliter. Ergo ipsi eadem opus est reparacione. 3tio. Si ille, qui ex culpa levi duntaxat & veniali grave alteri damnum intulit, non teneretur illud ex toto, sed ex parte tantum reparare, tunc vel maxime quia ex levi & veniali peccato oriri non potest gravis poena & obligatio. Atqui hoc falsum est, nam obligatio subeundi gravissima Purgatorii tormenta est gravis, licet ex veniali culpa nascatur; sic etiam venialis vanitas Davidis punita fuit gravissimâ poenâ pestis, quæ septuaginta virorum millia absumpsit. Ergo.

Qui verò secundum propugnant has 494 asserere solent rationes. 1mo. Quia injuria venialis, citra contractum aut quasi-contractum, non debet tantam parere obligationem, quantam injuria gravis & plenè voluntaria: nam obligatio restituendi minus sumitur ex parte Obiecti, quam ex parte injuriæ formalis, seu culpæ Theologicæ; unde ubi est grave damnum, & nulla culpa Theologica, nulla etiam est restituendi obligatio extra contractum aut quasi-contractum scilicet. Atqui si teneretur quis ex culpa veniali ad restitutionem totius damni, injuria venialis tantam pareret restituendi obligationem, quantam injuria gravis, &c. Ergo, &c. Major quoad 1mam. partem est aperta; prob. quoad 2dam. scilicet, nullam esse restituendi obligationem, ubi quamvis grave damnum inferatur, nulla tamen est culpa Theologica. 1mo. Quia ex cap. 2. *De constit. lib. 1. tit. 8. Rem, quæ culpâ caret, in damnum vocari non convenit.* Atqui si posset quis absque culpa Theologica ad restituendum obligari, res, quæ culpa careret, in damnum vocaretur. 2do. Non tenetur quis ad restituendum nisi ratione alicujus ex radicibus restitutionis hujus Capituli initio recensitis. Atqui ubi deest tunc contractus, tunc quævis culpa Theologica, deest omnis radix, quæ restitutionis obligationem parere possit; nulla enim aliunde est injuria formalis, nulla rei acceptio, detentio, aut damnificatio formaliter iniqua; ut patet. 3tio. Tunc tantum exigere quis potest, ut sibi restitutio fiat, cum ei rationabiliter invito injuria fiat illata. Atqui nemo rationabiliter invitus esse potest circa actionem alterius, quæ nullam omnino culpam supponit; talis enim actio planè involuntaria est; quis verò mortalium de actione prorsus involuntaria rationabiliter conqueri potest?

2do. ajunt : Obligatio restituendi, licet non sit propriè pœna, pœnæ tamen rationem imitatur; est enim quoddam onus impositum delinquenti. Atqui pœna culpæ proportionata esse debet. Ergo si culpa levis sit, pœna levior esse debet, quàm si gravior foret culpa.

- 425 Concedunt tamen, quòd, licet quis non teneatur nisi ad illati ex culpa levi & veniali damni partem reparandam, ad id tamen teneri possit, sub periculo peccati mortalis; quia, inquit, tanta esse potest illati damni quantitas, ut pars culpæ veniali correspondens gravis sit momenti. Sed qui aliquid gravis momenti non restituit, peccat mortaliter. Ergo fieri potest, ut mortaliter peccet, qui damnum ex veniali culpa illatum non reparat.

- 426 Quantum ad 2dum. scilicet quòd titulo contractûs aut quasi-contractûs, qui ex varia, pro conditione contractûs aut quasi-contractûs, culpâ damnum intulit restituere teneatur, 1mo. Ad obligationem restituendi supposito contractû requiritur culpa lata, cum contractûs cedit in commodum solius dantis, ut in deposito; sufficit verò culpa levissima, si cedat in utilitatem solius recipientis, ut in commdato; requiritur autem & sufficit culpa levis, si cedat in utilitatem utriusque, dantis scilicet & recipientis. Vide dicta suprâ in Tract. cap. 3. Sect. 2. §. 8. ubi hæc jam discussimus. 2do. Ad obligationem restituendi supposito quasi-contractû requiritur aliquando culpa lata, aliquando sufficit culpa levis, aut etiam levissima. 1mo. Requiritur culpa lata, cum aliquis ex officio suo aliquid facit in utilitatem alterius, non accipiendo mercedem; qui enim gratis aliquid facit, non censetur majorem spondere diligentiam, quàm quæ à prudentibus in eodẽ casu communiter expectatur;

excipe si se obtulerit, alio diligentiore etiam se offerente; nam tunc etiamnum de culpa levi teneri videtur; quia censetur eandem promississe diligentiam, quam spondebat ille diligentior. 2do. Ex culpa levi etiam tenentur, qui ex officio aliquid faciunt mercede conducti, ut tutores pupillorum, curatores minorum, Advocati, Medici, Chirurgi, Artifices, Architecti, & alii ejusdem generis. Ratio est, quia qui ex officio suo aliquid percipiunt emolumentum, majorem adhibere debent diligentiam, quàm si nullum inde commodum reportarent. 3tio. Varii sunt casus, in quibus tenetur aliquis de culpa etiam levissima. Ut v. g. 1mo. Si quis se profiteatur diligentiorẽ & peritiorẽ aliis; tunc enim promittit saltem implicite, se plus præstiturum quàm alii. 2do. Si quis officium & operas locet in re, quæ tanti est momenti & valoris, ut ex natura sua summam cautionem, & singularem custodiam requirat, ut si agatur v. g. de lite, ex qua sequi debeat familiæ aliquis probrum & infamatio.

Hæc etiam locum habent in iis, ad quos ratione officii vel professionis spectat dare consilium, quales sunt Parochi, Confessarii, Concionatores, Theologi, Jurisconsulti, &c. si suò consiliò nocuerunt; ut patet; unde Confessarius v. g. tenetur ad restitutionem, cum ex crassa ignorantia, aut gravi negligentia obligat ad restituendum eum, qui non tenetur, vel non obligat eum, qui tenetur.

CAPUT III.

De Cooperantibus ad damnum. 427

Sicuti certum est ex Apostolo, dignos esse morte non solum eos, qui mala faciunt, sed etiam qui consentiunt facienti.

cientibus; sic certum est ad restituendum teneri non eos solum, qui per se & proximè damnum inferunt, sed & illos, qui ipsis cooperantur. *Si culpa tua,* inquit Gregorius IX. cap. ult. *De injuriis. datum est damnum, vel injuria irrogata &c. jure super his satisfacere te oportet.* & cap. Notum. Caul. 2. q. 1. *Facientem & consentientem par pena constringit.* Unde Innocentius XI. hanc proscriptit propositionem: *Qui alium movet aut inducit ad inferendum grave damnum tertio, non tenetur ad restitutionem illius damni illati.*

Nomine cooperatorum hic non eos intelligimus, qui facinus aliquod per semetiplos junctis cum alio viribus exequantur, putà si duo eundem hominem interimant; sed eos, qui jubendo, suadendo, &c. causa sunt, quod alius crimen aliquod exequatur; quod contingere potest novem modis, quorum sex sunt positivi, tres verò negativi his verbis expressi:

Jussio, Consilium, Consensus, Palpo, Recursus,
Participans, mutus, non obstans, non manifestans.

Hi sunt novem modi, quibus aliquis efficaciter & injustè alieni damni causa esse potest, ejusdem damno sciens & volens cooperando. Qui seorsim sunt explicandi.

Jussio,
seu Mandans.

428

Nomine mandantis intelligitur, quicumque explicitè vel implicitè præcipit, & præcipiendo movet ad exequendam actionem injustè damnificativam. Diximus *explicitè vel implicitè*, quia aliquid mandari potest non solum verbis expressis, sed etiam signis, nutibus, item

si manifestes inferiori, gratum tibi fore si actionem hanc exequatur. Implicitè mandant Magnates, cum in verba erumpunt, quæ vindictæ sitim & desiderium spirant.

Consilium,
seu Consulens.

Consulens dicitur ille, qui alium ad damnificationem movet consiliò, precibus, promissis, item hortando, motiva suggerendo, facilitatem ostendendo, &c.

Consensus,
seu Consentiens.

Consentiens hic dicitur, non qui interiorcm tantum præbet assensum, nam mentalis consensus in damnum alterius influere non potest, sed qui suffragiò, favore, & approbatione externa movet & efficaciter determinat ad inferendum alicui damnum.

Palpo,
seu Adulator.

Palpo seu adulator dicitur ille, qui laudibus, applausu, adulatione, ad damnum proximi provocat & accendit. Ad hoc genus referuntur, qui offensum irident, qui ei suam, si non ulciscuntur, ignaviam exprobrant, qui adulterium uxoris marito objiciunt, qui vitam alicujus pauperem despiciendo, ad eam, quam ipsi vel alii profitentur, furandi artem impellunt.

Recurfus,
seu Receptans.

Receptans seu recursum præstans ille est, qui sive ante, sive post illatum dam-

III 3

damnum, securitatem, fiduciam, & commoditatem præbet damnificatori ut vel malum inferat confidentiùs, vel illatum non reparet. Hinc receptantes sunt, qui malefactori, furi, sicario asylum in domum suam promittunt, aut iisdem, post scelus patratum, refugium præstant, sive personas eorum, sive res furtivas, sive demum maleficii instrumenta recipiendo & occultando; item, qui prædas emunt, aut servant.

Participans.

Participans aliquis dupliciter esse potest. 1mo. Ratione rei acceptæ, ut cum quis suam in præda & furto partem habet. 2do. Ratione actionis damnosæ, cum quis quoquo modo juvat ad actionem injustam, sive aliquid de præda & furto recipiat, sive non.

Mutus.

Mutus ille est qui tacet, cum loqui tenetur contradicendo, dissuadendo, prohibendo, clamando, &c. tales sunt v. g. Advocati, qui præ cupiditate, malitia, aut præsumptione, argumenta præmittunt, quibus partium causam obtinerent: Patres-familias, qui filios, aut servos suis consiliis, aut præceptis, non avocant à furto: Servus domesticus, qui silet, dum latro, vel servus Domini sui bona surripit.

Non obfians.

Non obfians dicitur ille, qui cum ex officio vel pacto teneatur damnum alterius impedire, seu obfistere v. g. dando subsidium ferendo operam, ne proximo noceatur, non tamen impedit, aut obstat. Tales sunt Duces belli, Ministri Justitiæ, custodes nemorum,

vinearum, gabellarum, & alii, qui contractu quovis expresso vel virtuali aliorum saluti invigilare debent, & impedire, ne quidquam detrimenti in suis rebus & bonis patiantur; nec tamen impediunt, aut obstant.

Non manifestans.

Non manifestans est ille, qui damnificatorem non manifestat, sive ante, ne inferatur damnum, sive post damnum illatum, ut resarciatur. Tales sunt adhuc custodes civitatum, montium, sylvarum, & quicumque ratione officii, vel stipendii tenentur ad damnificationis manifestationem.

Hî omnes & singuli, quia tanquam causa efficax & injusta sunt alieni damni, utpote qui eidem damno scientes & volentes cooperantur, ad restitutionem tenentur, non tamen eodem semper modo & ratione, prout ex sequentibus patebit.

1mo. Mandans, Consulens, Consentiens, laudans, vel receptans, &c. tenetur ad restitutionem totius damni, si causa fuit totius damni, partis verò, si solum partis causa fuit. Nam quisque tenetur resarcire totum & solum damnum, cujus causa injusta fuit: & quando ad idem damnum concurrerunt, tunc singuli tenentur in solidum modo & ordine infra explicando.

2do. Quoad participantes, cum plures cooperantur ad idem damnum inferendum, sic ut singuli sint causa actionis injustæ, seu conferant in actionem injustam; ut dum plures communi consilio, operâ, auxilio, domum, vineam, hortum spoliant, gregem abigunt, vel ædes incendunt, aut unus præ-

præbet aliis instrumenta, v. g. claves, arma, scalas, &c. tunc singuli tepentur in solidum, id est, unusquisque tenetur non solum restituere pro sua parte, sed etiam resarcire totum damnum, si alii non restituant, vel quia nolunt, vel quia non possunt. Nam singuli in totum damnum influxerunt communi conspiratione, operâ, & auxilio; & re ipsa actio damnosa est communis omnibus: ideoque singuli sunt causa totius damni, & quidem totalis totalitate effectus, cum totum damnum oriatur à singulis, licet sint partialis causa partialitate causæ, ex leg. 31. ff. *ad Leg. Aquil.* Ad obligationem autem ad solidum satis est, quod quilibet eorum sit causa, ex qua damnum illatum est, sive unus seorsim ad illud sufficeret, sive non: nam licet unus per se ipsum posset seorsim damnum inferre, tamen re ipsa hæc & nunc sine socio alius damnum non inferit, & sic uterque est causa damni in totum.

Nec obstat, quod concurrant ad totum damnum solum partialitate causalitatis; ideoque solum partialiter damnum à singulis proveniat: nam hoc probat singulos teneri tantum absolute ad partem damni, hypotheticè verò ad totum, seu ex hypothesi quod alii non restituant, qui tamen suam partem teneantur rependere alteri pro ipsis restituenti; cum actio damnosa verò à singulis manet.

Quandò verò plures ita damnum inferunt, ut singuli solum faciant partem damni independentem à se mutuo, ita ut unus non moveat, nec incitet, nec adjuvet alterum; ut cum plures separatim, sine communi consensu, conspiratione, & opera, damnum inferunt; tunc singuli non tenentur in solidum, sed solum pro sua par-

te & independentè à se invicem: quia tunc unusquisque non est causa totius damni, sed solum partis damni, quod per se intulit.

3tio. Causæ negativæ damni, seu non impediens damnum alterius, cum ex iustitia tenentur impedire, mutus nempe, non obstant, non manifestans, ex communi obligantur in defectum aliorum ad restitutionem in solidum: quia sunt causa iniusta totius damni post alios: nam causa permissiva damni contra debitum iustitiæ est vera illius iniusta causa, cum potuisset & debuisset ex iustitia impedire, nec tamen impedit, atque sic violavit jus, quod alter habebat, ut ejus damnum impediret, quod proinde merito ei imputatur.

Igitur inter obligatos in solidum hic³² ordo, ex communi Doctorum sententia, servandus est. 1mo. Et ante omnes tenetur in solidum restituere is, apud quem res aliena extat in se; nam qui rem alienam in individuo habet, tenetur eam restituere ratione rei acceptæ, ideoque primario: res enim aliena, quamdiu extat in se, per se Domino debetur, semperque clamat pro eo.

Quod si res aliena jam non amplius in se extet, & is, ad quem pervenit, eam mala fide, sciens, aut saltem dubitans esse alienam, consumpsit vel alienavit; tunc adhuc ante omnes tenetur ejus pretium restituere; quia *pro possessore habetur, qui dolò desit possidere.* Reg. Jur. 36. in 6. & quia nova injuria, quam fecit alienando, vel consumendo non liberat eum à restitutione primò locò facienda, sed cum adhuc ad eam adstringit perinde, ac si rem haberet. Deinde cum ex re aliena sciens ac volens præ cæteris commodum perceperit, æquum est ut præ cæteris restituere teneatur.

Si verò rem alienam habens eam bona fide, ignorans esse furtivam, consumpsit, vel alienavit, is non tenetur restituere nisi in quantum ex ea factus est ditior, cum fuerit possessor bonæ fidei. Ad hoc tamen primò locò tenetur, quia quoad hoc habet rem alienam in æquivalenti, & ex ea præ cæteris commodum percepit.

303 4do. In solidum restituere tenetur Mandans seu jubens: quia est causa magis principalis; executor autem se habet ut ejus instrumentum: nam damnum non solum jubentis monitione, sed etiam nomine & auctoritate necessitatem quamdam moralem executori imprimente fit. Item qui fraude induxit, vel metu aut vi coëgit, & cui alter non est ausus contradicere: nam injustè conjecit executorem in obligationem restituendi, eique ut & damnificato injuriam intulit: & sic debet executorem servare indemnem, ideoque prius rescire totum damnum indè secutum. Quare si Mandans, aut qui fraude &c. induxit alium ad damnum alicui inferendum, restituerint, nihil tenetur eis executor rependere.

304 Eodem etiam, quo jubens, loco tenetur is, qui suo nomine damnum fieri rogavit, aut suavit: nam hoc ipso quòd rogaverit, aut suaserit suo nomine fieri, censetur in se totum onus restituendi suscepisse, & se habet instar mandantis. Præterea is, cujus nomine fit damnum, est causa principalis, quæ instar finis & efficientis, & moralis movet cæteras. Ergo ante cæteras tenetur.

305 3tio. venit Executor, quia est causa principalis post mandantem, cæteri verò sunt cause secundariæ: nam magis suo nomine inluit in damnum, & illud immediatius attingit, quàm illæ aliæ

cause. Deindè quod hæ cause faciunt, id faciunt, ut quodammodò servientes executori. Si tamen plures inter se initò consiliò communem inimicum impetant, & unus ex eis illum occidat, vel ejus domum incendat, omnes æqualiter restituere tenentur; quia omnium nomine damnum factum est, & omnes sunt participantes.

4to. locò, & in priorum defectum, 306 cæteræ cause positivæ, nempe Consulens, Consentiens, Laudans, Receptans, Adjuvans, tenentur singulæ ad suam partem secundum proportionem suæ cooperationis, sine ordine inter se: quia una non est cooperata ad damnum mediante altera, & ut instrumentum alterius, vel illius nomine; sed unaquæque per se in suo ordine & in sua cooperationis ratione; undè una non est magis vel minùs principalis causa respectu alterius. Ergo si Mandans vel Executor non restituant, omnes istæ cause secundariæ tenentur pro rata restituere, majorem quidem portionem, quæ magis, minorem verò, quæ minùs cooperata est. Tenetur tamen quælibet totum restituere in defectum aliarum.

Si tamen executor nomine omnium damnum intulit, omnes simul tenentur primò locò; quia illorum causâ factum est, & consentiendo ut sic fieret, tacitè in se receperunt obligationem restituendi. Executor verò, ut Executor, tenetur tunc secundò locò, nisi etiam sit unus illorum, quorum causâ factum est, tunc enim tenetur simul cum aliis.

Ultimò loco, post omnes istas causas positivæ, & in earum defectum, tenentur cause negativæ seu privativæ, & non impediennes damnum contra debitum justitiæ, Tacens videlicet, Non Obstant, & Non Manifestans.

flans. Tùm quia causa negativa minus ac remotius ad damnum concurrir, quàm positiva; nam causa positiva re ipsa creat positivè physicè vel moraliter damnum; negativa verò solummodo non impedit influxum causæ positivæ. Tùm quia negativa non tenetur ad restitutionem, nisi cùm alius, qui damnum positivè intulit, non resarcit: unde damnum passus non potest petere restitutionem à non impediante, nisi priùs probaverit sibi damnum illatum esse, nec compensatum. Ergo priùs est alios non restituissè, quàm causam negativam teneri ad restitutionem. Ergo hæc tenetur solum in defectum positivæ. Si tamen contingeret damnificatorem ex consideratione præteritæ negligentie Superioris vel Custodis incitari ad damnificandum, tunc Superior vel custos non impediens non se haberet ut causa merè negativa, sed simul ut positiva; ideoque teneretur simul conferre in restitutionem cum causis positivis, & non post illas.

Porro inter causas negativas non datur ordo, quia nulla est instrumentum alterius, aut magis præcipua; nisi tamen una teneretur magis immediatè impedire damnum.

508 Quòd si causa magis principalis totum restituat, cæteræ omnes liberantur ab onere restitutionis, juxta communem Doctorum sententiam. Quia causæ minus principales tenentur solum restituere in defectum causæ magis principalis, & primariò obligatæ. Ergo hac restituente, aliæ sunt liberæ, nec tenentur ei quidquam rependere. Si verò causa secundaria restituerit, causa magis principalis, & primariò obligata tenetur ei totum rependere; quia causa minus principalis solvendo acquirit jus, quod damnum passus ha-

P. Cartier Theol. Tom. III.

bebat, exigendi solutionem à causa principiori, quæ primariò tenebatur; nec par est, ut sit pejoris conditionis, ex eo quòd solverit id, quod altera primariò tenebatur solvere, &, qua solvente, nihil deberet: sique utiliter ejus negotium gesserit, ex leg. 43. ff. de negot. gest. Præterea alioqui debitor principalis melioris conditionis esset ob suam iniquitatem, qua restituere noluit id, quod immediatè debebat, & non in defectum aliorum.

Hinc 1mo. Si Mandans restituerit, aliæ omnes causæ sunt liberæ; nam sunt minus principales. Executori verò restituenti solus Mandans tenetur totum rependere. 2do. Si alia causa secunda restituerit, jubens, &, in ejus defectum, exequens tenetur ei totum redde-; cùm executor sit causa magis principalis post jubentem. 3tio. Si causa positiva restituerit, libera est causa negativa; cùm hæc solum in defectum illius teneatur. E contrà si causa negativa restituerit, tenentur causæ positivæ secundum suum ordinem ei totum solum restituere. 4to. Si damnum passus remittat causæ magis principali, ut jubenti, vel executori, aliæ sunt liberæ; quia cum remissio extinguat debitum, debitor principalis liber est. Ergo & ii, qui solum in ejus defectum tenebantur, sunt liberi, perinde ac si causa principalis restitueret. Si verò creditor condonet uni causæ minus principali, tenetur adhuc restituere causam magis principalis; quia solum remittitur obligatio causæ secundariæ, non causæ principalis, quæ per se tenetur independenter à minus principali. Neque etiam liberantur aliæ, quæ in eodem gradu cum ipsa debeat, quia solum portio alterius, non harum, condonatur: aliæ tamen jam non tenebuntur solvere portionem illius, cui remissio facta est.

K k k k

Quòd

Quod si una ex causis æqualiter obligatis totum restituerit, aliæ in defectum causæ priori locò seu primariò & principaliter obligatæ tenentur singulæ pro sua portione ei rependere; quia aliàs non fervaretur æqualitas inter cooperatores illos, cum singuli æqualiter teneantur pro rata; & quia jus, quod habebat Dominus exigendi à singulis partem, translatus est in eum, qui prius totum solvit; neque enim pro lociis solvit, ut essent liberi a restitutione, sed quia, illis nolentibus, vel non valentibus restituere, tenebatur Domino restitutionem integram procurare; & sic habet jus repetendi ab illis, quod pro illis Domino solvit, & quod illi ipsi dare debuissent. Neque enim alii sunt melioris conditionis, quia non fecerunt id, ad quod tenebantur; nec ille debet esse peioris conditionis, quia prior solvit id, ad quod alii tenebantur, & sic ipsorum negotium utiliter gessit.

Si verò unus ex æqualiter obligatis nollet, aut non posset suam portionem restituere, ceteri tenentur hanc partem ferre, & æqualiter inter se dividere, v. g. Si tres teneantur æqualiter ad restituendum triginta aureos, & unus illos persolvat, cò quòd alii duo nolint, aut nequeant suas portiones restituere; postea verò alter eorum duorum velit restituere, hic tenetur priori ultrà decem adhuc quinque restituere tanquam dimidium portionis, ad quam tenetur tertius, qui non vult, aut non potest restituere: nam tenetur æqualiter cum eo, qui prius totum solvit, subire onus pro eodem tertio, cum sit æquè concussa damni.

509 Porro circa singulos hos ad damnum cooperatores sequentia adhuc no-

tanda veniunt. 1mo. (c) Mandans seu jubens non solum tenetur rescire damnum, quòd explicitè vel implicitè seu tacitè præcepit, sed etiam quod ex ipsius mandato, præter ejus intentionem secutum est, si res præcepta fuerit periculosa; quia tunc Mandans censetur causa culpabilis talis damni, aut saltem dedisse suâ culpâ tali damno occasionem, ex cap. ult. *De Homicid. in 6. ibi: Is qui mandat aliquem verberari, licet expresse inibeat, ne occidatur ullatenus, vel membro aliquo mutiletur, irregularis efficitur, si mandatarius fines mandati excedens mutilet, vel occidat, cum mandando in culpa fuerit, & hoc evenire posse debuerit cogitare.* 2do. Ex communi si Mandans ante damnum illatum mandatum revocet, idque mandatario innotescat, non tenetur restituere damnum postea illatum; quia jam non censetur causa damni, cum illud non proveniat ex mandato, quod amplius non extat; adeoque tunc alter non agit ex vi mandati nec Mandantis nomine, sed proprio suo nomine & motu. Secus si revocatio mandati ante damnum illatum non innotescat; quia tunc adhuc vi mandati damnum inferitur. Tenetur etiam Mandans ad restitutionem, licet mandatum renocaverit, si non impederit, cum potuit, ne damnum inferatur; tunc enim tenetur, ut Non obflans. 3tio. Si scias alterum paratum esse nomine tuo damnum inferre, nec impedias, cum possis cohibendo, vel significando te nullatenus id velle, teneris restituere; quia censetur mandasse saltem implicitè seu tacitè, atque taciturnitas tua censetur esse approbatio & consensus. Deinde quisque tenetur ex justitia impedire, ne nomine ipsius & tan-

tanquam aliquid sibi gratum proximo damnum insultu inferatur. 4to. Qui ratum habet damnum suo nomine factum, non tenetur restituere, si id neque expressè neque tacite mandaverit; quia talis nullatenus est causa damni; nam id, quod posterius est tempore, non potest esse efficiens causa effectus præcedentis. Nec obstat Reg. jur. 10. in 6. *Ratubationem retrotrahi, Et mandato non est dubium comparari*; nam intelligi debet præsertim de contractibus, qui alterius nescientis nomine celebrati, & à consensu ejus pendentes, subsequente ratificatione confirmantur. Ratubatio etiam comparatur mandato quoad culpam & poenas in jure expressas, non autem quoad obligationem restituendi, nisi ea sit causa efficax, cur damnum inferatur, vel illatum non resarciatur.

10 5to. (d) Si Consulens ante damnum illatum revocat consilium, ex communi tenetur adhuc resarcire damnum ex consilio suo postea secutum, si nempe consilium consistebat in ostensione utilitatis, vel delectationis inde percipiendæ, vel modi exequendi; quia tunc adhuc meritis censetur causa damni, cum sit culpabilis causa motionis impressæ, ex qua damnum oritur, & quæ revocatione non tollitur; nam hac revocatione non obstante consilium semper remanet in motivo suggesto vel via nocendi offensa; quemadmodum si ignem injeceris in res alienas, quæ postea incendio consumantur, teneris restituere, quantumcumque postea ignem extinguere coneris. Ex quo patet disparitas inter revocationem talis consilii, & mandati: nam revocatio consilii non tollit omnem ratio-

nem agendi à consulente propositam, nec proinde motionem inde ortam: at revocatio mandati tollit omnem rationem agendi à Mandante propositam, ac proinde omnem motionem ab ipso procedentem, cum Mandatarius non agat nisi nomine Mandantis, nec impellatur ad agendum, nisi ut ei obsequatur: hinc si Mandans mandato satisfactionem addiderit, tenetur, ratione consilii cum mandato conjuncti, restituere damnum post revocationem illatum.

Quòd si consilium consistebat in falsa doctrina, v. g. quòd talis contractus esset licitus, qui tamen illicitus est, & consulens ante executionem illud revocaverit aperiendo illius falsitatem, ex communi non tenetur restituere; quia tunc efficaciter tollit causam damni inferendi, & motionem à se impressam. Item qui precibus, blanditiis, vel promissis ad damnificationem induxit, & ante damnificationem ostendit sibi displicere, propositum mutasse, & promissa revocare, non tenetur restituere; quia non est causa moralis damni postea illati; nam tollit penitus omnem rationem agendi à se propositam, & motionem à se impressam.

6to. Qui minus malum consulit ad majus avertendum, non tenetur ad restitutionem, si consulit, ut minus damnum eidem inferatur, cui majus erat inferendum; quia per hoc consilium nullum damnum alteri inferit; imò majus impediendo, utiliter rem ejus gerit, & tunc propriè non consulit damnum, sed potius imminutionem damni: ut si quis v. g. Petro vaccam furari volenti persuadeat, ut vitulum duntaxat auferat. At tenetur, si illi,

K k k k 2 qui

(d) De Consulente.

qui paratus est majus damnum inferre Paulo, consulat, ut minus damnum potius Petro inferat, cui inferre non statuerat; quia consilio suo est causa injusta damni Petro illati, & injuria inferit Petro; nam quivis innocens habet jus, ne sibi inferatur damnum, etiam ad avertendum majus damnum alterius. Et verò Petrus tam habet jus ut servetur illæsus à minori illo damno, quàm Paulus ut servetur illæsus à majori. Excipe nisi damnum Petri sit tam leve, ut teneatur ex charitate illud pati ad impediendum majus damnum alterius pauperis; quia tunc non est rationabiliter iniquus.

§11 7mo. (e) Consentiens, seu qui suffragium injustum tulit ad damnificandum, ad sententiam, aut legem injustam, ad eligendum indignum in aliquod munus vel Beneficium, tenetur de damno, 1mo. Si suffragium dedit, antequam essent sufficientia ad id suffragia, non obstante, quòd tamen suffragatus non fuisset, idem damnum ab aliis factum fuisset; quia re vera fuit cum aliis causa injusta damni; nam sillo aut alia simili causa superventura non fieret damnum. 2do. Si ignoret esse sufficientem suffragiorum numerum, ut si secretò & per scrutinium ferantur, quia tunc fuit, quantum de se erat, damni causa. 3tio. Quamvis non dederit suffragium, nisi postquam malum jam sufficienter decretum erat, adhuc tenebitur, si tantæ erat auctoritatis, ut priores suffragatores à sua sententia deducere posset, & ad revocanda sua injusta suffragia adducere; tunc enim tenetur saltem tanquam Mutus & Non Obstant. Et certè ille tenetur de dam-

no, qui ad ipsum positivè & efficaciter concurrat: nam ille ad damnum positivè concurrat, ante cujus suffragium, damnum non erat irrevocabiliter decretum. Atqui, ex hypothesi, damnum non erat irrevocabiliter decretum. Ergo efficax hujusce damni resolutio, sigillum, ut ita loquar, ultimum habet ab hujusce suffragatoris voto. 4to. Denique, etsi major pars iniquum suffragium irrevocabiliter jam dederit, ita ut damnum amplius impediri nequeat; etiam tenebitur, quamvis injustum suffragium suum posteriori locò tulisset. Tum quia promptius & alacrius sententia iniqua executioni mandatur, cum omnes in eam consentiunt; tum quia illi omnes ad restitutionem tenentur, quorum nomine & auctoritate damnum inferitur. Atqui damnum posteriorum suffragatorum nomine & auctoritate etiam inferitur; omnes enim damni inferendi facultatem conferunt, omnes iniquam, quæ damni causa est, sententiam formant, & constituunt. Et sicut tertius aliquis, qui se duobus hominem occidentibus jungit, quemadmodum illi, homicida reputatur, quamvis duo priores morti inferendæ pares essent; eamque etiam sine ejusdem tertii auxilio intulissent, ut supponitur; sic à pari qui iniquam sententiam ferentibus suffragio suo etiam omnium postremo accedit, unà cum iis idem damnum inferre censendus est; adeoque & simul ad restitutionem tenetur.

8vo. (f) Palpones & Adulatores ad §12 restituendum obligantur, si contingat, ut quispiam ex his laudibus, vel vituperiis ad inferendum damnum moveatur; quia sunt moralis causa damni,

(e) De Consente.

(f) De Palpone.

ni, atque sæpè efficacius ad injustum aliquod facinus determinant, quàm si idem expresse consulerent. Et verò quid aliud est exprobratio ignaviæ viro nobili injuriam perpeffo facta, quàm vivum & efficax ultionis consilium? Porro necessarium non est, ut ii adulatores directè intendant alterius damnificationem; sed sufficit, ut prævideant, aut prævidere debeant eam ex iniqua hac agendi ratione sequi posse: & id satis ponderare non possunt illud hominum genus, qui susurrones dicuntur; il enim, falsa perindè ac vera referendo, malorum semen sunt: Unde Prov. 26. vers. 20. *Susurrone subtrahit jurgia conquiescent.* & vers. 22. *Verba Susurronis quasi simplicia, & ipsa perveniunt ad intima ventris;* id est, interiores animi medullas commovent, & ad omne malum potenter inclinant.

Quod si adulator hominem laudet de injustitia jam commissa, non tenebitur ad restitutionem; quia damni causa non fuit; nisi fortè alter hisce laudibus ad aliud damnum inferendum, aut ad non refarciendum jam illatum impellatur.

- 513 9no. (g) Ad restitutionem tenetur, qui recursum, securitatem & fiduciam alteri præbet ad damnum inferendum, vel ad non refarciendum illatum: ut si domi recipiat damnificatorem, & non alios passim; si rem furtivam custodiat, ut furi servet; si ipsum furem vel ejus instrumenta occultet, ita ut hinc incitetur ad damnificandum. Item caupo vel alius recipiens aliquem consumentem bona aliena, ut filium familias

impendentem bona parentum. Nam tales re vera cooperantur damno; quippe sine illis, aut aliâ simili causâ hoc damnum non fieret, ex leg. 3. ff. *De incendio.* ibi: *Non tantum qui rapuit, verum is quoque, qui recepit, ex causis suprà dictis tenetur: quia receptores non minus delinquant, quàm aggressores.*

Qui verò furem, dum à licitoribus quaeritur, occultat solum, ut ejus vitam conserve, non censetur ei cooperari, quamvis fur fortè è periculo elapsus, aliquando damnum sit aliis illaturus: nam damnum illud est merè casuale respectu occultantis, & præter ejus intentionem; illa enim actio per se solum ordinatur ad eripiendum miserum hominem ex præsentî vitæ periculo vel pœnæ corporalis: secus si furem ita occultaret, ut spem refugii in posterum daret, qua fur confusus furta continuaret.

10mo. (h) De Participante rationes 14 rei acceptæ idem dicendum est, quod de possessoribus bonæ vel malæ fidei dictum est; quemadmodum & de eo, apud quem res aliena extat. Nempè si rem furtivam bona fide acceperit, eam, si adhuc extat, restituere debet, si non existat, satis est, ut restituat, in quantum ditior factus est: Si verò mala fide, tunc rem, vel aliquid æquivalens, etiam si ditior factus non sit, refundere debet. Quòd si quis rem consumat, quam furtivam esse novit, sed in cujus furto nullam partem & societatem habuit, non tenebitur nisi de parte, quam consumpsit, non autem de damno, quod ex furto emergere

K k k k ; potuit: ..

(g) De Receptante.

(h) De Participante.

potuit : sic si Petrus gallinam pullos duodecim foventem occiderit, tenebitur de damno matris & pullorum, Paulus verò, qui gallinæ partem cum Petro manducavit, nonnisi de parte hac tenebitur.

De Participantibus in actione damnosa his, quæ jam supra adnotavimus hic nihil addendum; tenentur enim ad restituendum ea ratione & modo, prout ibidem insinuavimus; & hoc verum est, siue damnum sine eis nihilominus fuisset illarum, siue non, quia re ipsa hujusce damni causa fuere, & in ipsum influxerunt.

Ex hoc capite ad restituendum tenentur imo. Faber ferrarius, qui adulterinas claves fabricat. 2do. Qui furi scalam applicat, & tenet; quive ad furandum cuncti se comitem jungit, ut animos addat; aut qui vigilem vel exploratorem agit; portas aperit, aut effringit. 3tio. Institor seu factor Usurarii; Notarius usurarium instrumentum conficiens; testes, qui eidem scienter subscribunt. 4to. Qui venenum præbet ei, quem eo usurum esse novit, ut inimicum suum interimat; aut qui arma subministrat homini jam vulnerandum aut occidendum parato. 5to. Famuli etiam abstemii, qui aliis conservis Domini vina furantibus præsto sunt, eosque adjuvant, aut circumprospiciendo impediunt, ne deprehendantur, &c.

15 (i) Denique ex capite causarum negativarum damni restituere tenentur Principes & Magistratus, & Belli Duces, si non impediunt latrocinia, & injurias subditorum: nam ex justitia

tenentur conservare jura & bona subditorum; reditus enim, quos habent, sunt stipendia ad hoc instituta: idem dic' de Judice & Canonico, qui sine justa causa absunt, dum prævident aliquid iniquum in Consilio & Capitulo esse gerendum; nam ex officio illud impedire & contradicere tenentur. Item custodes agrorum, vinearum, sylvarum, &c. si non impediunt damnum, vel non manifestent damnificatores, ut refarciatur, non modò tenentur totum damnum refarcire, utpotè cum agant contra officium vel pactum, & juramentum, adeoque contra justitiam & Religionem peccent; ex officio enim vel pacto suâ custodiâ & delatione Dominum tenentur servare illarum; sed etiam, juxta probabiliorē sententiam, multas perolvere, quas Domini acciperent ex eorum delationibus, si fileant & non deferant; quia videntur constituti, tùm ut impediunt damna, tùm etiam ut deferant damnificatores, præsertim cum id expediat ad avertenda multa damna, quæ aliàs fierent, sublato multarum metu: unde non deferendo peccant contra officium & contractum, vel quasi - contractum; sicque restituere tenentur multas pecuniarias, quas perciperent Domini ex delatione sibi jure debita.

Porro qui solùm ex charitate tenentur impedire damnum alterius, si non impediatur, cum sine magno incommodo potest, peccat quidem contra charitatem; sed, ex communi, non tenentur ad restitutionem; quia non peccat contra justitiam, nec censetur causa injusta damni, cum alter non habeat jus, ut damnum ejus impediatur. Secus.

(i) De Muto, Non Obstante, & Non Manifestante.

cùs si quis positivè conferat ad damnum proximi; is enim tenetur de damno; nam quilibet habet jus, ne quis alter ad damnum ejus positivè cooperetur, cùm habeat jus, ne ei inferatur damnum sine justa causa & auctoritate.

Hinc ad restitutionem tenetur imo. Qui à fure pecuniam accipit, ne clamet, ne indicet, vel qui id gratis promittit, quamvis damnum ex sola charitate impedire teneatur; quia hoc promissio furem animosorem, ac securiorem reddit, & sic positivè concurrat ad damnum. 2do. Qui obligatum ex officio ad clamandum vel impediendum, quovis modo impedit; nam injustè impedit usum juris, quod habet tertius, ut talis clamet. 3tio. Qui clamare & obstitare volentem, licet ad id ex iustitia non obligatum, impedit per vim aut dolum; nam quisque habet jus, ne quis ejus defensionem & bonum impediatur per vim aut dolum, aliamve viam injustam.

nihil habet difficultatis; optimò enim modò restituit, qui, quod alteri debet, hoc reddit ad æqualitatem; sive per se, sive per alium: nihil etiam interest an palam, & an occultè, nisi agatur de restitutione famæ, cui si labes palam iniusta fuerit, palam refarcire debet, ut suò locò dicemus. Alias ergo circumstantias juxta ordinem, quem in adducto disticho servant, prosequimur. De causis verò à restitutione excusantibus speciali capite agemus.

J. I.

Cui facienda sit Restitutio. §17

Certum est rem à possessore malæ fidei ablatam, non ipsi, uspotè qui nullum in ea jus habet, sed domino esse restituendam; efficiendum tamen simul est, ut injustus possessor restitutionis iterum faciendæ periculo non exponatur; undè vel ipse, vel rei Dominus debitò modò est commonendus.

CAPUT IV.

§16 De circumstantiis Restitutionis, & ordine in ea servando.

Restitutionis circumstantiæ hoc disticho comprehendi solent:

Quis, quid restituat, cui, quantum, quomodò, quando,
Quo ordine, quove loco, quæ causa excuset iniquum.

Ex hæcenus dictis patet, *quis*, & *quid* restituere debeat, nempe qui damnum iniecit, illud refarcire omnimodè tenetur. *Quomodò* autem facienda sit restitutio,

Non minùs certum est, restitutionem rei vero ejus Domino, cùm cognoscitur, esse faciendam, nisi aliquod interveniat inconveniens; quia hic est naturalis æqualitatem reponendi modus. Sed quia fieri potest imo. Ut res eadem secundum diversos respectus diversis personis restitui possit. 2do. Ut legitimo Domino nonnisi periculose restituatur. 3tio. Ut verus Dominus non cognoscatur. Quid circa hæc sentiendum sit declarare oportet. Igitur sit

CONCLUSIO. I. §18

Res ordinariè ei reddenda est, à quo legitimò titulò possidetur, etsi non sit rei Dominus. Ratio est; quia restitutio

stitutio sic facienda est, ut jus alienum non lædatur. Sed si res domino, non autem legitimo possessori reddatur, jam læditur jus alienum. Sic si res commodata, deposita, locata non reddatur commodatario, &c. sed Domino, commodatarius, depositarius, &c. qui jus habent re illi utendi, læduntur. Ergo nisi ita fiat restitutio, peccatur contra justitiam, & contrahitur onus iisdem restituendi pro damno emergente, & lucro cessante.

Diximus, *ordinariè*; quia si possessor nihil detrimenti patiatur ex eo, quod restitutio fiat proprietario, nihil interest an uni vel alteri fiat.

§19 CONCLUSIO II.

Qui à possessore bonæ fidei accepit aliquid, quod alterius esse comperit, hoc vero ejus domino restituere debet, si gratis accepit; si autem oneroso titulo comparaverit, & certò sciat, rem hanc alienam in manu possessoris hujusmodi non periclitari, ut qui bonæ frugis vir sit, illud reddere potest possessori, & pretium suum repetere.

Ratio 1^{mæ}. partis est; quia ei facienda est restitutio, qui jus habet in rem, non ei, qui tali jure non gaudet. Atqui possessor in præsentī casu nullum jus in ea re habet, quam supponimus alienam esse. Ergo.

Ratio 2^{dæ}. partis est; quia unicuique licet bono proprio consulere, cum id potest sine alterius dispendio. Sed qui rem reddit ei, à quo emit, bono suo consulit sine alterius dispendio. Ergo.

Diximus, *Si certò sciat rem hanc alienam in manu possessoris non pericli-*

tari. Si enim noverit possessorem nullius conscientie virum esse; tunc teneri videatur eam Domino restituere; secus enim injuriam faceret eidem Domino; quia rem ipsius ex statu securitatis, in quo apud ipsum erat, ad statum periculi, imò amissionis reduceret; nam quod res sit in statu securitatis est quoddam illius melioramentum. Atqui res ad dominum pertinet cum omnibus suis melioramentis intrinsicis ac extrinsecis. Ergo qui illud melioramentum tollit, re ipsa Domino facit injuriam; aufert enim ab ipso, quod de jure ad ipsum spectat; remque ipsius in periculi, quam antea, cum scilicet penes ipsum esset, erat, statu reponit, quod licitum non est, sicut nec licet, ut rem ab incendio creptam postea in ignem conjicias, aut etiam scienter in eo loco reponas, ubi periculum est, ne flammâ consumatur.

Et certè Juris naturalis regula, quæ omnes penè conscientie casus resolvit, est, ut *Alteri ne feceris, quod tibi fieri non vis*. Atqui nemo vellet, ut res sua ab aliquo tertio etiam titulo oneroso accepta, ei redderetur, à quo eam probabilius, imò nequaquam recepturus esset. Ergo.

Idem à fortiori dicendum venit, ubi quis à fure quidpiam bona fide emit; id enim non furi, sed Domino restituere debet, quamvis pretiò, quod pro eo expendit, eum frustrari contingat.

Equidem durum est, quod quis pretium sincerè, & bona fide datum amittere debeat; sed si talis nullius conscientie vir, si fir ille obisset, si non inveniretur, si solvendo par non esset; tamen hujusmodi res, ex omnium confesso, Domino reddi deberet. Ergo &c.

Non

Non ignoramus, multos Theologos nobis hinc esse contrarios, atque tueri, quod ille, qui quidpiam à fure emit, illud ei reddere possit, ut pretium suum consequatur. Sed nihilominus nostram & tutiorem & probabiliorem censemus, adeoque sequendam.

520 CONCLUSIO. III.

Non semper licet rem vero ipsius Domino restituere, puta cum ex hac restitutione grave ipsi aut alteri imminet nocumentum spirituale aut temporale, quod quis sine gravi proprio detrimento impedire potest.

Ratio est; quia unusquisque damnum alterius quantum potest avertere tenetur; tùm quia mandavit Deus unicuique de proximo suo; tùm quia eò potissimum tendit lex fraternæ dilectionis, ut proximi ruinam impediamus. Sed qui Domino reddit rem, quam prudenter iudicat ipsi aut alteri perniciosam fore, vel in spiritualibus, vel in temporaneis, damnum ejus, quantum potest, non avertit. Ergo peccat, qui v. g. reddit pecuniam ei, quem cognoscit eam usurum, ut Beneficium emat, mulierem corrumperet; item qui alicui reddit clavem adulterinam, aut scalas, quibus eum scit ad furta & rapinas esse usurum. Licet enim hæc omnia per se non ordinentur ad peccatum, ordinantur tamen ad illud ex prava recipientis intentione, quam, si possum, impedire teneor. Dicitur *si possim*; non enim teneor grave subire detrimentum, ut alterius peccatum avertam; ipse sanè maliciam suam sibi imputet, hæc mihi perperam imputaretur; cum id unum intendam, ut rebus meis consulam, easque à damno liberem. Cavendum tamen, ne quis

P. Cartier Theol. Tom. III.

rem suam, etiam levis momenti, alterius salutem anteponat, ut si faciunt, qui fragilis amicitia debet servi, amicis suis media & vias ad scelus sternunt, ne eos contristent.

Sed quæri hic potest, cui ergo facienda sit restitutio, si Domino ipsi fieri non possit?

Resp. Id definiri non posse nisi ex circumstantiis, quæ innumeræ esse possunt. Sic deferri debet restitutio, si spes assulgeat, futurum, ut rei Dominus ad meliorem frugem revertatur; sic operariis hujus Domini in summa miseria positus, & qui debita mercede privantur, fieri deberet, &c.

Bona quorum Dominus aut Domini hæredes, post diligentem inquisitionem cognosci non possunt eandem subeunt rationem ac bona inventa, atque sicut ista, pauperibus sunt eroganda, aut in pios usus impendenda. Vide quæ de bonis inventis diximus in Tract. cap. 2. Sect. 1. §. 3. n. 2.

§. II.

Quantum & quando restitui debet. 522

imo. Tantum restitui debet, quantum ablatum est; non plus aut minus.

Ratio est; quia is est Restitutionis scopus, ut lædentem inter & læsum reducat æqualitas. Atqui ea reducit, si tantum quis reddat, quantum abstulit.

Si quis rem alterius in individuo habeat, eam etiam in individuo restituere tenetur, nec satisfacit obligationi suæ, si aliam, licet æquæ bonam
LIII invi-

invito Domino reddat ; quia sic Dominus , præsertim quando specialem in rem suam affectum habet , gravem patitur injuriam ; multa sunt enim , quæ , ab amicis , aut majoribus accepta , sibi eripi viri etiam sancti molestissimè ferunt.

Si tamen eadem res in specie restitui nequeat , quin inde peccator occultus manifestandus sit , satis est , ut reddatur æquivalens . Quod si res non extet eadem numero , tunc restitui debet valor ejus , si notus sit ; si verò ignotus sit , sive quia generatim assignari non potest certus ablatæ rei valor , v. g. famæ , honoris ; sive quia rei destructæ quantitas ignoratur , ut si quis domum variis suppellectilibus instructam combusserit , aut vites incertæ adhuc spei succiderit , ad hærendum est judicio viri prudentis , ita ut , re plus inter & minus æstimata , vel attingatur æqualitas , vel ad eam quàm proximè accedatur.

523. 2do. Restitutio fieri debet statim , & quamprimùm moraliter fieri potest . Nam præceptum restitutionis , quamvis secundariò affirmativum sit , utpote quod restitutionem imperet ; est tamen primariò negativum , vetat enim detentionem rei alienæ vel alteri debitz invito rationabiliter Dominò , ac proinde obligat semper & pro semper . Igitur debita ratione rei acceptæ aut injustæ detentionis statim , quantum moraliter fieri potest , sunt restituenda ; debita verò ex contractu , tempore secundùm pacta aut leges determinato : si verò tempus præfixum non fuerit , restitutio facienda est vel cùm eam fieri exigit creditor , vel cùm à debitore fieri commodè potest . Hæc omnia sequuntur ex dictis alibi , ubi de mutuo &c.

§. III.

Quo ordine facienda sit Restitutio. 524

Nihil hic de eo ordine , quo injusti damnificatores restituere tenentur , disseremus , quippe de quo sufficienter cap. præced. egimus . Sed hic nobis duntaxat sermo est de debitore , qui multis creditoribus diversi ordinis debet , nec omnibus satisfacere valet ; ubi enim bona debitoris sufficiunt ad restituendum omnibus creditoribus , potest ipse , quò voluerit ordine restituere , modò tempus , quo restituere tenetur , non prætereat . Per creditores intelligimus hic eos omnes , quibus aliquid debetur , vel quia vendiderunt , vel quia mutuo dederunt , vel quia damnum aliquod passi sunt , &c.

Debita autem multiplicis sunt generis . Nam. 1mo. Alia sunt certa , ut si certò noveris , te Titio centum debere aureos : alia sunt incerta , quod dupliciter contingere potest , 1mo. Si noveris te aureos centum debere alicui , sed quis tandem ille sit , in mentem revocare nequeas . 2do. Si ambigas & dubites an alicui debeas .

2do. Alia sunt , quæ in dominium tuum transeunt , ut pecunia à te mutuo accepta , sive expensa sit , sive non ; merces à te emptæ , sive adhuc extent apud te , sive non extent amplius : Alia sunt , quorum verum & plenum dominium non habes , ut pignus , depositum , commodatum ; & à fortiori à te furto subrepta .

3tio. Debita alia sunt realia , cùm bona creditoris sunt creditori obligata per hypothecam seu generalem , seu specialem : alia personalia , cùm creditor in personam debitoris , non verò imme-

immediatè in ejus bona habet actionem.

- §16 4to. Debita seu realia, seu personalia, vel sunt privilegiata, ut loquuntur; vel simplicia, sive ordinaria, prout creditores sunt hypothecarii; vel chirographarii; & utrique vel habent privilegia quædam, quibus præ aliis creditoribus solvantur, vel hisce privilegiis carent.

§to. Debita vel sunt ex delicto, ut si debeas, quia furatus es; vel ex contractu, ut si debeas, quia mutuò accepisti, &c. Item alia sunt ex titulo gratuito, v. g. liberali promissione, legato, &c. Alia ex titulo oneroso, puta emptionis, &c. His prænotatis sequentia stabiliuntur.

- §27 1mo. Debita certa prius sunt solvenda, quam incerta; tùm quia creditor incertus, cùm nequeat per se immediatè recipere rem debitam, non est rationabiliter invitatus, ut ipsi præferatur creditor certus, qui immediatè damnum pateretur ex omissione restitutionis, quippè habet jus immediatum ac determinatum exigendi solutionem: tùm maximè, quia in hoc creditor incertus consentire meritò præsumitur, cùm sit opus pium ac Deo gratum subvenire debitori indigenti & gravato ære alieno, ut possit se liberare à creditoribus certis eum prementibus, remanente onere postea debita incerta solvendi pauperibus, cùm facultas aderit.

- §28 2do. Debita ex delicto vel titulo oneroso prius solvi debent, quam debita ex titulo gratuito. Habetur 1mo. ex Leg. Inter eos. 19. ff. De re judicata. ibi: *Qui ex causa donationis convenitur, in quantum facere potest, condemnabitur & quidem solus, deducto ære alieno.* Ratio etiam est; quia in

omni donatione vel legato hæc semper subintelligitur conditio, *Si res executioni mandari possit sine præjudicio tertii, vel nisi rerum mearum status mutetur*: quia aliqui donatio iniqua foret, tùm respectu tertii, cui præjudicium fieret; tùm respectu dantis, qui ex hac sui liberalitate in summam egestatem redigi posset.

3tio. Debita certa, quæ extant, & §29 non transferunt in dominium debitoris, prius sunt restituenda. Ratio est, quia hujusmodi debita non numerantur inter bona debitoris, sed sunt in dominio creditoris. Hinc ante omnia restituenda sunt deposita, pignora, commodata, res per furtum, rapinam, usuram ablatae, &c.

4to. Debita realia prius sunt solvenda, quam personalia. Ratio est, quia debita realia jure majori debita sunt quam personalia, cùm illorum solutioni non solum persona debitoris, sed etiam ejus bona specialiter sint obligata. Atqui sola persona propter debita posterioris generis obligata est. Unde colligitur creditores hypothecarios præferendos esse creditoribus chirographariis; nam illi non solum personam, sed etiam rem aliquam, hi verò solum debitoris personam obligatam tenent. Ita habetur leg. *Eos, qui acceperunt*, Cod. *Qui potiores in pignore.* & ex Reg. 25. de Reg. Jur. in 6. *plus cautionis in re est, quam in persona.*

§to. Inter creditores hypothecarios §31 præferendi sunt, qui priores sunt tempore, quia potiores sunt in jure, ex Reg. 25. de Reg. Jur. in 6. *Qui prior est tempore, potior est in jure.* Ratio etiam est; quia obligatio posterior tollere non potest jus alteri in re jam acquisitum.

Cæterum nonnulli posteriores hypothecarii sunt, qui prioribus præferuntur. Ut 1mo. Qui pecuniam credidit ad emptionem prædiorum, ædificationem ædium, atque jus pignoris in iis pactus est. 2do. Qui ad conservationem ædium, priori creditori specialis hypothecæ nomine obligatarum, pecuniam mutuò dedit. 3tio. Qui similiter pecuniam dedit ad conservationem aliarum rerum, v. g. navis, mercium, &c. quique jus pignoris sibi in iis constituit. 4to. Bona mariti tacite obligata uxori ejusque liberis pro dote; adeò ut aliis creditoribus etiam prioribus habentibus tacitam duntaxat hypothecam (quia habentibus expressam ex communi non anteponuntur) præferantur. 5to. Si ex pecunia pupilli res aliqua comparata sit, in ea tacitam hypothecam pupillus acquirit, & juris prælationem. Idem dicendum, si ex pecunia Ecclesiæ ab ejus Administratore res aliqua comparata sit; Ecclesia enim jure minoris debet semper illæsa servari, &c. Hi enim censentur hypothecarii privilegiati: hæc autem est hypothecariorum ratio, ut qui sunt privilegiati, cæteros antecendant, quamvis tempore sint posteriores.

§ 32 6to. Ex debitis personabilibus, ea prius sunt solvenda, quæ privilegiata dicuntur. Tale est 1mo. Privilegium Sponsæ de futuro in bonis Sponsi ratione dotis traditæ, non secus matrimonii, ex leg. *Quasitum*, §. *Si sponsa*, ff. *De privilegiis creditorum*. 2do. Ejus, qui deposuit pecunias apud nummularium, non percipiens inde usuras, ex leg. *Si hominum*, §. *In bonis* ff. *De privilegiis creditorum*. 3tio. Ejus, qui ad navem extruendam, instruendam, emendam, pecuniam credidit, ex leg. *Qui navem*, & leg. *Quod quis navis*, ff. tit. eodem. Quod privilegium extendunt nonnulli ad quamcumque rem

aliam comparandam, rescindendam, &c. Alii tamen putant esse privilegium concessum in gratiam navigationis, quæ Reipublicæ utilissima est.

7mo. Si creditores nec reales sunt, § 33 nec privilegiati, singulis pro rata satisfaciendum est, sive priores sint, sive non, sive ipsis debeat ex contractu, sive ex delicto. Ratio est, quia nulla lex, nullum jus sive naturale sive positivum prælationem constituit inter hujusmodi creditores; nam illa regula, *Qui prior est in tempore, potior est jure*, creditoribus tantum hypothecariis applicatur. Unde si debitor uni creditorum, non privilegiato, aut hypothecario, etiam priori spontè, & non requisitus solveret totum debitum, & aliis creditoribus nihil possetolvere, in fraudem cæterorum ageret, iisque injuriam inferret, ac proinde teneretur de damno alterius creditoris æquale jus habentis, nisi cum juris vel facti ignorantia excusaret.

Diximus *Spontè*; quia si quis ex creditoribus personalibus exigat ante alios debiti solutionem, potest & debet debitor ei integrèolvere. Ratio est, quia *vigilantibus jura subveniunt*, & legibus constitutum est, ut qui diligentior est in recipiendo debito, cæteris præferatur, leg. *Pupillus* §. *Qua in fraudem creditorum*.

Neque etiam creditor personalis præ aliis creditoribus personalibus prælationis jus non habens, sed æquale duntaxat, debitum à debitore spontè offerente acceptum iis restituere juxta multos non tenetur in foro conscientiæ, nisi per fraudem affectus esset debitum, v. g. simulando gravem inopiam. 1mo. Quia non recipit, nisi quod suum est. 2do. Quia acceptio aliquando bo-

na esse potest, etsi datio mala sit, ut patet tùm in eo, qui in certis casibus à malo minitro Sacramenta recipit; tùm in eo, qui munus prodigaliter datum accipit.

Quibus tamen alii contradicunt; quia, inquiunt, creditor, qui in hac hypothesi totum, quod sibi debetur, accipit, cooperatur homini violanti justitiam. Item cooperatur injustæ aliorum creditorum damnificationi, in quantum efficaciter impedit, ne iis hic & nunc solvatur, quod ipsis, saltem ex parte, solvendum erat. Atque hæc secunda opinio nobis probabilior videtur. In re tamen intricata & multum-controversa facilè excusat bona fides.

534 In his omnibus tamen sequendæ sunt locorum consuetudines; quæ enim hætenus diximus secundum dispositiones juris communis accipiendæ sunt. Generaliter loquendo, prout ex dictis patet, triplex est creditorum ordo. Primus eorum, qui privilegia habent, & cæteris etiam hypothecam habentibus præferuntur. Secundus eorum, qui hypothecam habent, & creditoribus merè personalibus, seu simpliciter chirographariis præire debent. Tertius denique est eorumdem chirographariorum, qui æquali gradu concurrunt.

§. IV.

535 *Quo loco, quibus expensis, & cujus periculò sit restituendum.*

Quando restituendum est ratione injustæ acceptionis, restitutio faciendæ est impensis debitoris, idque eo loco, ubi Dominus illam possessorus erat, si ablata non fuisset. Ratio est, quia Dominus nullum damnum sentire de-

bet ex iniquitate alterius, sed lege justitiæ ita fieri debet restitutio, ut in pristinum statum restituatur, perinde ac si res ablata non fuisset. Ergo restitutio non debet fieri illius impensis, sed debitoris, qui sibi imputabit, quòd eas subire cogatur.

Ex quo sequitur, injustum debitorem teneri aliquando ad plures sumptus, quàm damnum secundum se æstimeretur; non quidem ut Dominus plus accipiat, quàm sibi detractum est; sed ut restituatur in rei ablata possessionem, & damnum ex alterius iniquitate non patiat.

Attamen non obligatur debitor ad 536 faciendas eas impensas, quas ipse Dominus facere debuisset; non enim tenetur illi cum lucro restituere; sed satis est, si creditor ex ablatione nihil damni sentiat. Item si res non possit sine magnis expensis restitui, potest ex eadem naturali æquitate differri restitutio, modò nihil inde Dominus vel parùm damni capiat. Si tamen is est rerum status, ut nisi modò restituias, possit nec ipsi Domino, nec ejus hæredibus restituere possis; omninò restituenda est nunc res ipsa, vel justum ejus pretium, quamvis magnæ expensæ essent faciendæ; quia Dominus non ideò debet in perpetuum re sua privari, quòd debitor tantos sumptus circa illius restitutionem impendere cogatur.

Quæ autem debentur ratione justæ 537 rei acceptionis, restituenda sunt in loco, ubi habentur, nec tenetur debitor ea suis expensis ad Dominum mittere. Ratio est, quia cum suo damno non tenetur Dominum in pristinum statum restituere, cum eum per injuriam non deturbaverit; sed solum tenetur ad custodiam, monitò interim
L l l l 3 Domi-

Dominò, ut significet, quo modo velit eam ad se transmitti, qua in re non tenetur debitor ullos sumptus facere. Imò, si contingat eum in alium locum migrare, nec possit eam commodè apud aliquem, qui restituat, deponere, sed cogatur eam transferre: potest expensas à Domino repetere, utpotè in ipsius utilitatem factas, ut habetur. Leg. 2. *De negotiis gestis*.

538 Quòd si res restituenda supponat contractum, restituenda est expensis dantis, si contractus in solum ejus commodum esset; neque enim par est, ut restitutio fiat expensis illius, cujus commodum non quaritur, alioqui gravaretur aliquis alteri favorem præstando. Expensis verò accipientis, si vertat in ejus utilitatem, idque eo loco ubi est tradita, nisi aliter justa aliqua pactione conventum sit.

539 Quantum ad quæstionem cujus periculò restituendum sit, ea vertitur de re, quæ ab ipso possessore immediatè Domino reddi non potest, vel quia est absens, vel quia possessoris interest, ut à Domino non cognoscatur: cum ergo ea res in via perit, seu culpà nuntii, cui commissa erat, seu casu fortuito, quaritur, quis illud rei damnum subire teneatur.

Antequam respondeamus, notandum volumus, hinc non agi de nuntio, quem creditor ipse elegerit, aut cujus eligendi libertatem debitori reliquerit: in utroque enim casu damnum cadit in creditorem; ut patet. Hoc prænotatò,

540 Resp. 1mo. Res, quam quis sine sua culpa habet, si in via pereat, Domino perit, non remittenti, si is sufficientem adhibuerit diligentiam. Ratio est; quia res, quæ sine mea culpa pe-

rit, non mihi sed Domino perire debet. Atqui in præsentì casu, res sine mea culpa perit tam præcedente, quia rem illam viâ iniquâ non possedi, sed legitimâ, ut supponitur: quàm concomitante; quia omnem, quæ necessaria fuit in ea remittenda diligentiam adhibui.

Resp. 2do. Restitutio rei per injuriam acceptæ seu ereptæ sit periculò debitoris. Ratio est imò. quia debitor iniquus Dominum prorsus indemnem servare debet. Ergo omne periculum subire tenetur. Hinc cap. ult. *De Depos.* statuitur, quòd culpa præcedente casus etiam fortuitus imputetur. 2do. Quia si res illa inter ipsas debitoris manus periret, debitori periret, ut omnes fatentur; ergo à pari eidem debitori perit, si pereat inter manus nuntii; quia nuntius rem ferens, personam gerit ipsius debitoris, à quo missus est, seu electus, ut suo nomine rem Domino ferret & redderet. Hinc, ex communi, si debitor adhibuit etiam maximâ diligentiam rem nuntio, quem putat fidelem, vel Confessario tradat restituendam Domino, & hi sive ex culpa sive absque culpa rem Domino non reddant; tenetur iterum ad idem restituendum, donec re ipsa Dominus accipiat. Quòd si pluries idem restituere teneatur, id sit per accidens, & sibi imputare debet, nam *Damnum, quod quis suâ culpâ sentit, sibi debet, non aliis, imputare.* Reg. Jur. 86. in 6.

Resp. 3tio. Res ex contractu debitoris perit creditori, cum creditor ejus dominium servat; perit verò debitori, si dominium ejus in debitorem translatum fuerit. Ratio utriusque partis est; quia res quælibet, sicut Dominum suum clamat, ita & eidem perit. Hinc cum eadem res numerò remittitur ad eum, à quo

à quo accepta fuit, ut contingit in commodato, deposito, &c. periculum pertinet ad commodantem, quia res nunquam desit esse commodantis; excipe, nisi aliqua ex parte commodatarii culpa intercesserit. E contra cum non eadem numero res redditur, sed tantum in genere aut in specie, ut sit in venditione & mutuo, periculum cadit in debitorem, utpotè qui per mutuum & venditionem completam, rei dominium acquisierit: excipe, nisi debitor eam tradidisset personæ ab ipso creditore designatæ, ut paulò ante dictum est, & habetur Leg. 39. & 49. ff. De Solut.

143

CAPUT V.

De Causis excusantibus à restitutione.

PER causas, quæ à restitutione excusant, intelliguntur, tum eæ, quæ restituendi obligationem tollunt, tum quæ restitutionem in aliud tempus debitori magis commodum differri permittunt. A restitutione liberant præscriptio, Creditoris condonatio seu remissio, & compensatio. Pleraque aliæ causæ permittunt tantum, ut differatur restitutio, non verò ejus obligationem omnino tollunt. De Præscriptione egimus in Tractatu; de Compensatione autem differemus hic part. 2. ubi de furto. Igitur

- 544 1mc. Remissio seu condonatio creditoris, si sit legitima, tollit restituendi obligationem; Ratio est aperta; nam creditor potest donare, quod suum est.

Diximus *si sit legitima*; secus enim non tollit obligationem. Ut autem legitima sit tria requiruntur, 1mo. Ut non sit à jure impedita, & annullata. Defectu hujus conditionis non potest Canonicus, qui officio non interfuit, retinere distributiones temporis, quo absens fuit, correspondentes, etiam si remissionem illarum obtinuerit; quia hæc remissio à Concilio Tridentino rescinditur Sess. 24. cap. 12. Pariter qui Ecclesias visitant, si quid accipiant præter necessaria ad victum pro diebus, quibus visitatio durat, duplum intra mensem restituere debent, non obstante quacumque remissione, liberalitate, vel gratia. Ita habetur cap. 2. De Censibus in 6. (k). Item nulla est remissio, quæ sit à pupillo, aut furioso, quia leges resistunt. 2do. Requiritur ut creditor possit debitum remittere, & condonare. Hinc filius - familias, quæ patri debita sunt, item procurator, quæ Domino debentur, condonare nequit. 3tio. Remissio debet esse perfectè voluntaria. Hinc remissio facta ex errore, vi, metu, vel fraude, nullius est momenti, aut saltem rescindi facili potest; prout fusè diximus, ubi de Contractibus egimus.

2do. Bonorum cessio, quæ, à le-545 gibus introducta, fieri dicitur, cum quis solvendi omnibus suis debitis impar, quod residuum habet boni creditoribus suis dimittit, ne detrahatur in carcerem, aut ut inde liberetur, non dispensat à restitutione debitorem; sed ei, qui bonis ita cessit, vera incumbit obligatio restituendi id, quodolvere non potuit, si quid postea acquisiverit. Habetur ex Leg. 1. Cod. *Qui bonis cedere possunt* ibi: *Qui bonis cesserint, nisi*

(k) Lib. 3. Tit. 20.

nisi solidum creditor receperit, non sunt liberati: in eo enim tantummodo hoc beneficium cessionis eis prodest, ne iudicati detrahantur in carcerem. Et ratio est, quia obligatio restituendi non tollitur sed suspenditur solum per impotentiam restituendi. Ergo cum cessio bonorum plus privilegii vel à natura vel à legibus non habeat quam impotentia, tollere non potest, sed tantum suspendere, restitutionis obligationem.

Attamen qui bonis cedit potest tutam conscientiam retinere, unde parum tenuiter vivat secundum suum statum. Ita Theologi & Jurisperiti communiter; quorum sententia omnino favet Lex *Qui bonis*, ff. *De cessione bonorum*.

545 3tio. Quæritur an ingressus in Religionem liberet debitorem à restitutione. Nota: quod apud omnes constet, validam esse professionem hominis debitis gravati; quia persona ejus est libera; nec jure positivo irritatur, ut declaravit Clemens VIII. an. 1602. quoad hoc punctum abrogans quod Sixtus V. statuerat. Uterque tamen Pontifex prohibuit, ne in Religionem recipiantur ære alieno gravati. Modò ad propositam quæstionem Respondemus

1mo. Si debitor habeat bona, tenetur ante ingressum restituere; nam nullam habet justam differendi causam. 2do. Secundum multos, si debitor possit brevi tempore v. g. paucis annis, consumis laboribusolvere debita saltem magna ex parte, tenetur differre ingressum, ut ea solvat; quia aliqui creditores essent rationabiliter inviti, & sic injuriam iis inferret. 3tio. Si debita sint incerta, ideoque in pia opera impendenda, debitor potest religionem ingredi, licet manens in sæculo possit solvere; quia poterit, saltem ex consi-

lio Confessarii, ea sibi tanquam pauperi applicare ad opus Deo gratum & meritorium, ut nempe possit ingredi Religionem. 4to. Si debitor non possit debita solvere, nisi longo tempore, vel insolitis laboribus, secundum multos potest licite Religionem ingredi, relictis omnibus suis bonis in manibus creditorum; quia in hoc casu debitor pateretur damnum in bonis spiritualibus longè majus quam sit commodum creditorum: unde hi non sunt rationabiliter inviti. Alii tamen non pauci id negant, cum quia jure naturalis debitor tenetur ex justa restituere, ideoque injuriam inferret, si voluntarie se impotentem reddat ad solvendum: obligatio autem justitiæ prævalet consilio; Religio autem est tantum de consilio. Tum quia sicut stuprator virginis sub promissione matrimonii tenetur abstinere ab ingressu Religionis, ut promissioni onerosæ satisfaciatur, sic etiam talis debitor tenetur abstinere ab ingressu Religionis, ut onerosis debitis suis satisfaciatur.

4to. Quæritur an immunis sit à restitutione, qui restituere non potest nisi cum dispendio bonorum superioris ordinis. Nota triplicem distinguere bonorum naturalium ordinem, supremum scilicet, medium, & infimum. In supremo ordine sunt vita, membra, virginitas, & libertas: in ordine medio honor, fama, & bonum nomen, quod melius est, quam divitiarum multitudo: in infimo autem, bona fortunæ, divitiarum, &c. his notatis

Resp. Debitor non tenetur restituere cum dispendio bonorum ordinis superioris, si hæc juxta communem prudentum æstimationem longè superent damnum, quod patitur creditor, cui non fiet restitutio: Si verò bona infimo-

terioris ordinis talia sint & in tanta quantitate, ut prudenter comparentur, aut prævalere iudicentur bonis ordinis superioris, tunc facienda est restitutio bonorum inferiorum etiam cum dispendio superiorum.

Ratio 1^{ma}. partis est; quia nemo credet hominem teneri vel vitam manifeste periculo obicere, vel se ipsum vendere, ut famam æqualis sui restituat; neque id exigi rationabiliter potest ab eo, cujus honor læsus fuit; & verò tunc non servaretur æqualitas, quandoquidem debitor longè plus pateretur detrimenti, quàm sit detrimentum creditoris. Hinc vulgò docent, mulierem, quæ ex adulterio prolem suscepit, non teneri crimen revelare, ne in bonorum divisione damnificetur filii legitimi, cum quibus dividet filius spurcius.

Ratio 2^a. partis est, quia etsi fama sit ex genere suo majus bonum quàm divitiæ; si quis tamen, vilis præsertim homo, magnam alienæ pecuniæ quantitatem subripuisset, quo nonnisi cum dispendio famæ raptoris restitui posset, certum est pecuniæ hujus restitutionem faciendam esse cum periculo famæ raptoris, modò nihil aliud esset timendum. Ergo bona ordinis infimi aliquando restitui debent per bona ordinis superioris.

debet ei recompensare, vel in pecunia, vel in aliquo bonore, considerata conditione utriusque persona secundum arbitrium boni viri. Et ad 2. *Si non possit famam restituere, debet ei aliter compensare, sicut & in aliis dictum est.*

Ratio est; quia pejor esse non debet conditio hominis, qui læsus est in bonis supremi ordinis, quàm illius, qui in bonis inferioribus læsus est. Atqui pejor foret ex omni parte conditio prioris, quàm posterioris; prior enim plus passus esset damni, & nullatenus compensaretur; posteriori verò, etsi minus passo, ad æqualitatem restituere-tur.

3^{to}. Quæritur an qui debiti immemor creditori gratis tantum donat, quantum ei debet, liber sit à restituendo.

Resp. negat. Quia tamdiu quisque debitor remanet, quamdiu debitum suum per justitiam non expunxit. Sed qui gratis donat, justitiz, quæ necessaria est, & cum liberalitate pugnat, actum non exercet. Ergo semper remanet debitor: unde & creditor debitum repetere potest, nisi ex manifestis conjuncturis colligat, debitorem donum suum habere voluisse pro soluto, si quid deberet.

Nec obstat, quòd, si debitor debiti sui meminisset, gratis non donasset. Nam aliud est *fecissem*, aliud *feci*, præsertim in pactis, in quibus non attenditur voluntas conditionalis, sed solum actualis, utpotè quæ sola operari possit.

6^{to}. Quæritur an immunis à restitutione sit, qui creditoris sui creditori solveret, quod debet.

M m m m

Resp.

549 Probabilius ac certius etiam videtur, quòd is, qui alium læsit in bonis supremi ordinis, teneatur restituere per bona ordinis infimi, cum aliter non potest. Habetur ex S. Thoma 2. 2. q. 62. 2. 2. ad 1. ubi sic loquitur: *Quando id, quod ablatum est, non est restituibile per aliquid æquale, debet fieri recompensatio, qualis possibilis est, puta cum aliquis alicui abstulit membrum,*

P. Galtier Theol. Tom. III.

Resp. Multi, affirmant, modò debita utriusque sint ejusdem naturæ, nec sint alii priores creditores privilegiati, & hypothecarii. Quia, inquit, solvendo fratri meo centum, quæ illi debes, emo & acquirò jus quod habebat exigendi à te centum : at jus, quod habeo in te, tanti valet, quanti illud, quod tu habes in me. Sed hæc ratio non omnes convincit ; & certè id non licet invito creditore : nam creditor habet jus exigendi, & accipiendi id, quod ei debetur, & debitor habet obligationem solvendi suo creditori id, quod ei debet ; nec debitoris est creditoris sui debitaolvere. Et verò in foro externo cogar iterum sulvere tibi, nisi meâ causâ factus sis debitor alteri, vel nisi ob rem alterius debitum contraxerim ; ut si gerens mea negotia mutuum ab alio acceperis, vel si conduxi à te domum, quam tu ab illo conduxisti.

552 7mo. Quæritur an inopia, necessitas, aut impotentia, restituendi obligationem tollant.

Resp. Per inopiam hominem liberari à restitutione, juxta tritam apud Germanos paræciam ; *mo nichts ist, hat der Kÿser das Recht verlohren. Ut & per impotentiam ; quia ad impossibile nemo tenetur ; intellige hic & nunc faciendâ, nempe quamdiu inopia illa & impotentia durant ; adeo ut restituendi obligatio per eas differatur, non verò omninò tollatur.*

553 Circa necessitatem verò, ad quam reduci possunt & sub ea intelligi inopia & impotentia, notandum, eam tripliciter distingui. Una dicitur *extrema*, quæ est status in quo persona usque adeo indigens est, ut periclitetur de vita, nisi ei subveniatur. Altera *gravis*, cum scilicet quis tam notabiliter

patitur in vita, ut vix eam sustentet ; aut obnoxius est periculo incurrendi morbi, magnive incommodi morte tamen minoris. Tertia nominatur *communis*, cum scilicet quis propter inopiam difficulter victitat. Hæ necessitatis corporalis definitiones ad necessitatem spirituales transferri, eique accommodari facillè possunt. His præmissis sequentia stabiliuntur :

1mo. Extrema necessitas tam corpora-⁵⁵⁴ rea quam spiritualis, sive nostra, sive proximi, causa est restitutionis differendæ, seu tollit hic & nunc obligationem restituendi. Ratio est ; quia ex vulgari axiomate, in extrema necessitate omnia, saltem quoad usum, sunt communia. Hinc si restituere nequeas nisi adigendo filias tuas in periculum prostitutionis, aut filios in periculum latrocinii, &c. potes & debes restitutionem differre ; graviterque peccaret creditor, nisi huic dilationi consentiret.

2do. Gravis necessitas & impoten-⁵⁵⁵ tia moralis, sive debitoris, sive eorum, quos alere tenetur, est etiam sufficiens restitutionis differendæ causa. Ratio est ; quia differri potest solutio, cum creditor est rationabiliter contentus, ut ea hic & nunc non fiat. Atqui in gravi debitoris necessitate præsumi potest, Dominum esse rationabiliter contentum, quòd hic & nunc restitutio sibi non fiat ; cum in tali casu teneatur unusquisque proximo opitulari, vel donando, vel mutuum dando. Ex Leg. 173. ff. *De Reg. Jur.*

Hinc colligunt Theologi omnes 1mo.⁵⁵⁶ eos non teneri ad restituendum hic & nunc, qui, ut restituerent, deberent vendere domum vel prædium multò minoris, quam valeat. 2do. Neque etiam teneri notarium, aut falsos testes,

res, qui falsum instrumentum condiderunt, damnum à se illatum statim reparare, si statim reparando magnæ infamiae periculum subeant. 3tio. Denique, nec eos statim restituere teneri, qui restituendo è statu, quem iustè comparaverunt, necessariò exciderent. Secùs dicendum de eo, qui rapinis, fraudibus, usuris ad statum altiore pervenisset: talis enim etiam cum jactura gradus illius sibi indebiti restituere debet; quia hoc non est statum amittere, sed dimittere alienum, & ad proprium reverti. Neque etiam dilationem merentur, qui ludis, commensationibus, libidinibus, impensisque omninò superfluis debita accumulante. ii enim dum, per debitorum solutionem, angustiori, quàm antea, modò vivere coguntur, ad frugem revocantur, atque prioris iniquæ vitæ infamiam abstergunt, & datum scandalum reparant.

557 3tio. Quòd si gravis sit utriusque debitoris & creditoris, necessitas, debitor tenetur restituere. Ratio est imò. Quia sola extrema necessitas omnia facit communia. 2do. Quia Dominus est, & esse potest rationabiliter invitus, quòd res sua ab alio detineatur in præsentì casu, atque id adhuc evidentiùs est, ubi debitum ex delicto contractum est; cùm ratio dicet innocenti potiùs, quàm reo favendum esse.

4to. Si verò debitor ac creditor in extrema necessitate ambo sunt constituti; ante omnia videndum est, an creditor in hanc necessitatem conjectus ex eo fuerit, quòd res sua sibi ablata fuerit, ut si Petro panem unicum, quo mortem vitaturus erat, abripueris: an verò extrema creditoris necessitas alia ex causa nascatur, ut ex casu fortuito, ex alterius, quàm debitoris, injustitia, &c. &c.

Si primum. Dicendum est, debitorem teneri ad restitutionem hujus rei, per cujus subtractionem creditor in extremas conjectus est angustias. Ratio est imò. quia in pari causa melior est conditio possidentis. Atqui creditor seu Dominus, non fur, ut quò rei ablatae injustus duntaxat est detentor, supponitur hic esse possessor. Ergo. 2do. Nemini unquam fraus sua patrocinari debet. Atqui fraus & crimen reo patrocinaretur, si circa rem, quam furto acquisivit, legitimo hujusce rei Domino anteponeretur. Ergo.

Si verò secundum, consent bene multi, debitorem in extrema constitutum necessitate, non teneri ad restituendum hic & nunc; quia imò. in extrema necessitate omnia sunt communia. 2do. quilibet tenetur magis ad propriæ vitæ, quàm ad alienæ, conservationem. 3tio. melior est conditio possidentis; quæ rationes, inquirunt hi Theologi, saltem valent, cùm agitur de eo, qui non est nisi causa innocens, cur alter in pari extrema necessitatis casu sit constitutus.

Diximus suprà *inopiam, impotentiam* 558 & *necessitatem gravem & extremam hîc & nunc, & quamdiu durat* (intellige cæteris, quæ deduximus, paribus) *eximere ab onere restitutionis, &c.* Nam transacta necessitate illa, propter quam dilata fuit restitutio, urget restituendi obligatio. Ratio est, quia tamdiu remanet restituendæ rei alicujus obligatio, quamdiu Dominus rationabiliter exigit, ut res illa sibi restituatur, ejusque dominium in alterum non transfert. Atqui transacta quæ extrema necessitate, rationabiliter exigit Dominus, ut res sua sibi restituatur; potuit enim legitime ejus usum concedere ea lege, ut ipsius restitutio sibi fieret, statim ac fieri posset. Ergo

M m m m 2

7mo.

§59 7mo. Denique, quaeritur, an qui differt solvere vel restituere id quod debet, teneatur creditori compensare lucrum cessans, & damnum emergens.

Resp. 1mo. eum teneri, quando debitum est ex delicto. Ratio est; quia debitor tenetur eum, cui debet, restituere in illum statum à quo eum injustè deturbavit. Atqui nisi compensaret lucrum cessans, &c. non restitueret creditorem in statum illum, à quo eum deturbavit. Ergo qui ex delicto debitum contraxit, etiamsi eo tempore, quo lucrum Domino cessat, aut damnum emergit, non sit par restituendo, tenetur tamen de lucro cessante & damno emergente; quia dum voluntariè eorum causam posuit, eorum quoque periculum subire debuit.

2do. Tenetur adhuc debitor de damno emergente, &c. quando etsi non fuerit debitor ex delicto, fuit tamen in mora solvendi, cum solvere poterat. Ratio est; quia in hoc casu, etsi non fuerit ab initio debitor ex delicto, fuit tamen deinceps quasi debitor ex delicto, quatenus eo, quo restituere potuit & debuit, tempore non restituit. Et verò talis homo propter iniquam restituendi moram adver-

sus justitiam peccat. Atqui ex violatione justitiæ nascitur obligatio restituendi. Ergo.

3tio. Si autem debitoris mora culpabilis non fuerit, probabilius est eum ad nullam restitutionem erga Dominum, qui damnum patitur, teneri. Ratio est; quia ad inducendam restitutionis obligationem requiritur, ut quis sit causa injusta damni. Sed ubi mora culpabilis non est; ibi nulla est, aut esse potest injusta causa damni, ut ex terminis patet. Ergo. Suffragatur Regula 41. Juris in 6. ibi: *Imputari non debet ei, per quem non fiat si faciat, quod per eum fuerat faciendum.* Atqui si teneretur debitor in casu proposito de lucro cessante, aut damno emergente; jam ei imputaretur quod non potuit facere. Ergo.

Si tamen quis differat solutionem, ut lucrum aliquod grave faciat, non autem ut à gravi & extrema necessitate se liberet; tunc ad restituendum obligabitur, si Dominus seu creditor damnum patiatur; quia non tenetur creditor damnum proprium pati, vel ut lucrum faciat debitor, vel ut ab aliquo detrimento indemnem se servet.



PARS SECUNDA.

160 *De injuriis, & restitutione in particulari.*

QUOT sunt bona, in quibus aliquis injuriam pati potest & exigere restitutionem, tot erunt hujus secundæ partis capita. Hæc autem bona quadruplicis sunt generis, scilicet bona spiritualia; bona corporis; bona honoris & famæ; ac demum ea,

quæ dicuntur bona fortunæ, seu opes aut divitiæ. De his seorsim igitur differendum nobis incumbit; generalia enim, quæ hæcenus stabilivimus, principia haud sufficiunt ad innumeros, quia in hac materia occurrunt, casus resolvendos.

CAPUT PRIMUM.

De injuria in bonis spiritualibus, eorumque restitutione.

BONA spiritualia latè hîc accipimus, atque hoc nomine non solum ea intelligimus, quæ immediatè conducunt ad salutem, ut gratia; aut mediatè, ut Religionis status; sed etiam quæ remotè ad eam ordinantur, ut bona animæ, seu naturalia sint, ut memoria & intellectus; seu acquisita, ut scientia & ars. Imò hac occasione etiam quæri solet, an restituendum sit id, quod quis accepit sive ad faciendum bonum, ad quod jam tenebatur, sive ad abstinendum à malo: seu denique ob factum vel faciendum actum turpem; verùm hac de re jam egimus in Tractat. cap. 3. §. 11. num 434. &c. &c. Reliqua hîc ordine expendimus.

§. I.

De Restitutione ob damnum illatum in bonis, quæ ad salutem immediatè, vel mediatè conducunt.

Doi hîc quæri solent. 1mo. An ad restituendum teneatur, qui alteri nocuit in bonis spiritualibus pertinentibus ad gratiam, seu ipsum ab operibus piis retrahendo, seu cum ad peccatum impellendo. 2do. An etiam restitutioni obnoxius sit, qui alium avocat à statu Religionis, aut eam jam professum ab illa abducit.

CONCLUSIO. I.

562

Qui alterum vi, metu, vel fraude, vel alio modo injusto, induxit in peccatum,
M m m 3

catum, vel abduxit à bono opere, vel virtute, tenetur ex iustitia ad procurandam damni hujus reparationem.

Prob. Quilibet habet jus ne injustè damnum pariatur in bonis animæ sicut in bonis corporis. Atqui qui alterum vi, metu, fraude vel alio modo injusto ad peccatum inducit, vel à bono opere vel virtute abducit, est causa injusta talis damni, eumque decipit in suis bonis spiritualibus, atque ei facit injuriam. Ergo lædit ipsum injustè in suo, quod habet jure; consequenter tenetur ex iustitia ad procurandam damni hujus reparationem.

Hinc sequitur 1mo. Eum, qui alium impellit ad peccatum alicui tertio nocivum, teneri ad restitutionem; prout suprà ubi de consulente diximus. 2do. Eos, qui aliis sunt petra scandalis & lapidis offensionis, graviter peccare non modò contra charitatem, sed & contra iustitiam, atque hujusmodi aliorum corruptores ad restituendum teneri, eo saltem sensu, quòd precibus suis efficere debeant, ut illi, quibus scandalo fuerè, Deo reconcilientur. 3tio. Eum, qui per metum aut vim proximum in hæresi, schismate, errore detinet, teneri amotis vi & metu eundem pristinæ libertati restituere. 4to. Hæreticum, qui alios decipit, teneri fraudem detegere, seu confitendo se hæresim docuisse, seu veritatem, quam ante palam impugnavit, palam etiam in Scriptis vel concionibus prædicando. Idem dicendum de iis, qui bona fide aliquid docuerunt, quod postea ab Ecclesia reprobatur.

363

CONCLUSIO II.

Qui sine vi, metu & dolo alium in peccatum induxit, non videtur ad restituendum obligari, nisi sit Superior.

Prob. Quia scienti & liberè consentienti non fit injuria. Sed qui sine vi & dolo ad peccatum inducitur, sciens omninò, & liberè volens consentit. Ergo.

Diximus, nisi fortè sit Superior; quia Superior, qualis est Pater respectu filii, Dominus respectu famuli, Prælati respectu subditi, tenetur ex officio, adeoque & ex iustitia subditorum salutem quærere.

CONCLUSIO III.

364

Qui vi, metu, calumnia, fraude, mendacio, aliove modo injusto impedit, vel avertit aliquem à Religionis ingressu aut professione, peccat graviter, & tenetur vim ac fraudem tollere, & ei suadere ingressum seu reditum, & Monasterio compensare quanti valebat spes commodi temporalis, quod ex ipsius donatione, labore ac industria expectabatur, si injustè abductus non fuisset.

Prob. Ibi est obligatio restituendi tum Religioni, tum ei, qui ab ipsa retrahitur, ubi gravis utrique infertur injuria. Atqui in casu præfenti utrique gravis injuria infertur. 1mo. quidem ei, qui Religionem ingredi proposuerat; quia ubi vis est aut fraus, &c. ibi est injuria. 2do. Religioni, quæ jus habet, ne quis per vim, fraudem, &c. ab ea divertatur aut extrahatur cum ipsius præjudicio, & damno etiam temporali. Ergo.

CONCLUSIO IV.

365

Qui alterum sine vi, fraude, mendacio, aliave via injusta, licet sine justa causa, avertit à Religionis ingressu, vel professione, non tenetur ad restitutionem.

Prob.

Prob. Qui taliter aliquem avertit &c. nec ipsi injuriam facit, cum hæc non fiat volenti; nec Religioni, quia quidquid boni ea à Novitio sperare potest, omnino ab ejus voluntate pendet; adeoque cum is voluntatem sponte & libere mutat, nulla Religioni infertur injuria. Ergo.

Diximus licet sine justa causa. Quia etsi talis non peccet contra justitiam, peccat tamen contra charitatem, retrahendo talem candidatum sine justa causa à maximo bono; unde Concil. Trident. Sess. 25. cap. 18. excommunicat eos, qui sanctam Virginem vel aliarum mulierum voluntatem veli accipiendi, quoquo modo sine justa causa impederint. At verò bonum opus operatur, qui legitimis de causis aliquem à Religionis ingressu dimovet, ut si quis videat quempiam Religioni ineptum; si in Religione, quam ingredi vult, non vigeat regularis disciplina, sed e contra amor sæculi & voluptatis, mundana politia, spiritus schismatis & erroris; si ejus parentes egeant; si qui Religionem amplecti cupit, longè plus boni in sæculo operetur, quàm in secessu operari possit.

566

CONCLUSIO V.

Qui Religiosum professum, etsi sine vi & dolo, sed solo consilio & precibus à Religione abduxit, videtur ex justitia teneri Monasterio, ex quo illum abduxit, compensare damna temporalia inde secuta.

Prob. Religio seu Monasterium habet jus retinendi suos subditos tanquam membra, & Religiosus per vota totum se tradidit Religioni in honorem Dei, & sic Religio habet jus ad commoda, quæ præstitisset, & quibus privatur per abductionem. Atqui qui

Religiosum professum à Religione abducit, jus illud Religionis seu Monasterii violat; Ergo eidem infert injuriam; Ergo tenetur ad restitutionem.

Confirm. Ex dictis alibi, Abducens servum à Domino tenetur ad restitutionem. Ergo à pari, &c.

§. II.

De restitutione facienda propter damnum in aliis bonis spiritualibus.

Item

De restitutione facienda ab eo, qui propter actum debitum aliquid accepit.

In aliis, quæ ad animam utcumque pertinent, bonis aliis alium triplici modo damnificare potest. 1mo. Lædendo eum in ipsa, si ita loqui fas est, animæ substantia, ut cum quis potione aliqua alteri rationis aut memoriæ usum aufert. 2do. Vel cum aliquid mali docendo in iis, quæ ad scientiam vel artem pertinent, vel eum negligenter instruendo. 3tio. Impediendo ne bonum aliquod spirituale aut spirituali annexum consequatur, ut officium, beneficium, dignitatem: quod, ut ex dictis patet, dupliciter impediri potest, nimirum vel vi, metu, & dolo, &c.; vel sine vi, puta precibus, blanditiis, suasionibus, &c. Quod hic de bonis spiritualibus dicitur, ad alia cujuscumque generis bona extendi facile potest.

CONCLUSIO. I.

567

Qui maleficiò, venenò, vel alio modo aliquem reddidit mentis, vel memoriæ impotentem, aut usu alterius potentiæ naturalis privavit, vel vi aut fraude pertraxit ad aliquid sumendum,

cx

ex quo tale damnum secutum est, peccavit graviter contra justiciam, & tenetur omne damnum, quod inde secutum est, restituere.

Prob. Qui causa est damni, damnum reparare tenetur. Atqui qui veneno &c. est causa illorum damnorum, per injuriam violando jus, quod proximus habet ad bona illa spiritualia, quodque non minus strictum est, quam jus ad cætera sua bona, quæ possidet. Ergo.

569

CONCLUSIO II.

Qui alium scientiam aut artem aliquam vel malè vel negligenter docuit, si ratione officii aut pacti alios instruere tenebatur, obligatur ad restitutionem.

Prob. Quia damnificator injustus ad reparationem damni tenetur. Sed qui ratione officii aut pacti tenetur ad docendum, est damnificator injustus, si alios, ut decet, non erudiat. Ergo.

Diximus *Si ratione officii aut pacti &c.* Qui enim ex mera charitate alium docet, quamvis id paulò negligentius faciat, non tenetur ad restitutionem; quia talis Discipulus nullum jus habet, ut ab eo diligenter doceatur; nisi taliter docens id dolose agat sciens & volens, noveritque alium Magistrum hunc docere volentem diligentius ultrò instituturum esse, tùm tenebitur ad restitutionem; quia jus hujusce Discipuli violat, quod habet, ne decipiatur.

570

CONCLUSIO III.

Qui alium impedit à consecutione boni, ut Beneficii, vel officii, quod dignus erat, vel alterius boni ex justitia non debiti, ut doni, legati, &c. tenetur ad restitutionem, si usus sit vi, aut dolo, &c.; secus si precibus tantum, suasionem & consilio.

Utraque pars probata manet ex dictis: unusquisque enim jus habet, ne alter à bono sibi faciendo per vim aut dolum avertatur, aut impediatur. Nemo autem habet jus impediendi, ne quis amico suo precibus, aut aliter persuadeat, ut bonum, quod uni destinabat, alteri conferat: hujusmodi enim preces non impediunt, quin alter liberè de sua re disponat, etsi eum determinent, ut de ea in hujus potius quam in alterius gratiam disponat. Et hoc verum est, etiamsi quis ex odio, vindicta, nocendive animo alium ab hujusmodi boni consecutione impediat; non enim charitatis, sed justitiæ violatio restituendi obligationem parit.

Diximus in 1^{ma}. parte Conclusio-
nis, *teneri talem, qui vi, dolo, &c. utitur &c. ad restitutionem*, non quidem æqualis rei alicujus ei bono, quod impedit; sed quanti duntaxat iudiciò prudenti ea, quam habebat, bonum illud obtinendi spes valebat. Ratio est, quia, ut ait S Thomas 2. 2. q. 62. a. 2. ad 4. *gratiam illam nondum fuerat adeptus, & poterat multipliciter impedi.* Quòd si nulla erat spes, non teneretur restituere damnum, cum re ipsa nullum intulerit: Si tamen exigua spes fuisset, compensanda est iudiciò prudenti.

Qui autem à consecutione Beneficii Ecclesiastici, vel officii, aliquem indignum impedit per vim & fraudem, licet peccaverit, non tenetur damnum illud restituere, quia non fecit injuriam, cum nullum jus ad illud habeat, utpotè indignus; similiter dicendum de eo, qui iniquà vià promovendus erat, &c.

CON.

371

CONCLUSIO IV.

Accepta pro actione vel omissione debita ex justitia restitui debent danti.

Prob. 1mo. Quæ accipiuntur pro actione vel omissione debita ex justitia, accipiuntur per injustitiam, nempe contra jus, quod habet proximus, ut id fiat vel omittatur sine sumptu suo. Atqui accepta per injustitiam restitui debent. Ergo. 2do. Nihil sine titulo seu jure ex justitia accipi & retineri potest. Atqui in presenti casu nullus est titulus seu jus accipiendi & retinendi; neque enim oritur ex contractu oneroso, cum hujus sit natura, ut utrimque obligationem pariat: nulla autem obligatio nova imponitur ei, qui jam ex justitia obligatus est: non item ex pacto gratuito, quia danti non est animus liberaliter donandi, sed dat coactè, scilicet ex metu injuriæ, & ne jure suo defraudetur. Ergo. Hocque verum est, etiamsi pretium tibi detur ab alio tertio, cui nihil debebas: nam ille verè dat pro re, quam gratis dare debes, & ad quam jus habet is, cuius causam gerit, & pro quo petit: ac proinde ei vendis mediante pretio ab amico dato id, quod ei ex justitia debes.

Hinc peccant contra justitiam, & tenentur restituere, qui aliquid accipiunt pro ferenda justa sententia; pro dicendo vero testimonio; pro restituendo deposito, commodato, invento, vel pro olvendo debito, vel ad ablinendum à furto, homicidio, & detractione, &c. cum hæc omnia ex justitia debeantur.

372

CONCLUSIO. V

Accepta pro opere debito ex charitate tantum, vel ex aliis virtutibus, quod P. Cartier Theol. Tom. III.

sine labore, sumptu, aut periculo, fieri potest, restitui debent.

Ratio est; quia communi hominum judicio talia opera non sunt pretio æstimabilia; nec omnino voluntariè ac liberaliter aliquid pro illis datur, sed coactè ob necessitatem.

Hinc, qui accipit pecuniam, ut furem indicet, &c. tenetur eam restituere.

Si autem opus illud ex sola charitate debitum fieri nequeat sine labore vel sumptu, vel periculo; aliqui docent accepta pro eo retineri posse: quia qui pro illo accipit vel exigit pretium, peccat solum contra charitatem, cum opus illud sit pretio æstimabile. Alii verò nihil distinguunt, & censent accepta quo quovis opere ex charitate vel ex alia virtute debito esse restituenda; quia inique exigitur & accipitur pretium pro opere, quod nullo oblato pretio præstari debet, ut dans coactè & rationabiliter invitus dedit, quippe timuit, ne alioqui non fieret id, quod debetur.

CONCLUSIO VI.

373

Quod spontè ac liberaliter, & per modum donationis omnino gratuitæ, præcès ad inclinandum accipientem ad bonum opus ex justitia vel charitate debitum faciendum, alicui concessum est, ab ipso non est restituendum, nisi leges donationem hanc reprobent.

Ratio est, quia licet unicuique per leges non impedito boni sui dominium in alium transferre; atque donatio gratuita ac voluntaria est justus titulus retinendi donum gratuitum.

Diximus, *Nisi leges donationem banc reprobent.* Lege positiva sancitum enim ne Judices munera, quantulacunque

N a n n
sint,

sint, etiam poculenta, & esculenta recipiant. Quin & Constantinus ultimò exitiò puniri voluit eos Judices, qui xenia & munuscula non rejicerent. Et re ipsa *xenia & dona excacant oculos Judicum*. Eccli. 20. vers. 31.

574

CONCLUSIO VII.

Qui aliquid accipit pro actione vel omissione, quæ solum cedit in suum commodum, vel in honorem Dei, non tenetur illud restituere.*

Ratio est, quia illud ex causa, vel sub conditione, omnino voluntariè & liberaliter donatum est: nemo enim emit ab alio actiones vel omissiones liberas ei soli utiles: ut si des alteri aliquid, ut sacrum audiat, jejundet, ne inebrietur, &c.

575

CAPUT II.

De injuria in bonis, quæ ad corpus spectant, necnon ut de eorum restitutione.

Duplici ex capite lædi possunt bona corporis. 1mo. Per homicidium, aut mutilationem, & alia ejusdem generis. 2do. Per stuprum, adulterium, & similia. De quibus distinctis paragraphis agemus.

§. I.

576 *Quid & quale peccatum sit Homicidium.*

Quintum Decalogi mandatum est, *Non occides*; quo homicidium vetatur; quod definitur: *Injusta hominis occisio, vel Corporis humani animati injusta peremptio.*

Dicitur 1mo. *Corporis*; nam occisio animæ, quæ fit per peccatum aut scandalum, non dicitur *homicidium* nisi metaphorice. 2do. *Humani*; qui enim bruta occidit, non peccat, ut falsò docebant Manichæi contra hoc Genes. 9. *Omne quod movetur & vivit erit vobis in cibum.* 3tio. *Animati*; neque enim homicida est, nec ut talis punitur, qui hominem mortuum transfodit. 4to. *Injusta*, ideoque deliberata, & ab eo facta, qui potestatem non habet: occisio enim licita non dicitur *homicidium*, quia homicidæ & homicidii nomina in deteriore partem sumi solent.

Occisionis nomine etiam veniunt 577 iniquæ mutilationes, torture, percussiones: per hæc enim membrum simpliciter aut dispositivè vitæ privatur; & hæc omnia memoratò quinto Decalogi præceptò prohibentur.

Homicidium ita definitum & expo- 578 situm est peccatum de se mortale.

Prob. Quod gravissimo adversatur præcepto, & hominem contra omnes charitatis & justitiæ regulas privat bonò omnium maximò, & planè irreparabili, illud gravissimum crimen censeretur debet. Atqui tale est homicidium. Ergo, &c.

Gravius autem potest fieri illud crimen ex circumstantiis. Ut si occisus sit Reipublicæ necessarius, si sit Sacerdos, consanguineus. 2do. Si occisus sit in loco sacro. 3tio. Si de industria quæsitus sit ad necem, si eum occidendi animus diu servatus fuerit, &c.

§. II.

An homini seipsum occidere sem- 579 per sit peccatum sit.

Homicidium, si sumptum pro omni occisione etiam justa, dividitur 1mo.

1mo in homicidium sui, & alterius. 2do. Homicidium alterius, in illud, quod fit auctoritate publica, & illud, quod fit privata. 3tio. Quod fit auctoritate privata, vel fit ob necessariam sui defensionem, vel non. 4to. Quod fit sine hac necessitate, vel est casuale, vel voluntarium. 5to. Voluntarium, vel directè volitum est, vel indirectè duntaxat. 6to. Quod est directè volitum, vel fit ex conducto, vel non fit ex conducto. Hic de suicidio seu sui ipsius homicidio agemus, de reliquis sequentibus paraphrasis.

Porro duobus modis potest aliquis se ipsum occidere: directè scilicet, ut si gladio se confodiat; & indirectè vel negativè, ut si se quibusdam periculis exponat, aut id omittat, quo vitam servare posset.

CONCLUSIO.

580

Non licet homini semetipsum directè & proprio motu occidere. Nec se mutilare extra casum necessitatis. At verò licet homini se indirectè & negativè occidere.

Prob. 1ma. pars. 1mo. Ex hoc Decalogi præcepto *Non occides*. Atqui per hæc verba, tam nostra, quam proximi occisio prohibetur, imò nostra magis quam proximi: tum quia non plus habet juris homo in propriam, quam in proximi vitam; tum quia hæc est charitatis benè ordinatæ conditio, ut à nobis ipsis incipiat, & hac de causa jubemur proximum sicut nos ipsos diligere. Ergo.

Prob. 2do. Ex S. Augustino lib. 1. de Civit. Dei cap. 17. cujus verba referuntur cap. 9. caus. 23. q. 5. *Si non licet privata potestate alicui hominem occidere vel nocentem, cujus occidendi li-*

centiam lex nulla concedit, profectò etiam qui se ipsum occidit, homicida est.

In eundem sensum loquitur Concilium Bracarense II. cap. 16. *Placuit ut hi, qui sibi ipsis aut per ferrum, aut per venenum, aut per suspensum, aut præcipitium, aut quolibet modo violentam inferunt mortem, nulla pro illis commemoratio fiat, neque cum Psalms ad sepulturam eorum cadavera deducantur.*

Prob. 3tio. Non licet facere id, quod Deo, parentibus, & Reipublicæ gravem injuriam inferat. Atqui sui ipsius occisio 1mo. gravem injuriam Deo, cujus jura usurpantur, inferat; *Tu es enim Domine, qui vitæ & mortis habes potestatem*, Sap. 16. vers. 13. & Deut. 32. vers. 39. *Ego occidam, & ego vivere faciam.* 2do. Eadem occisio non minus perniciosa est Reipublicæ, cui civem; & parentibus, quibus filium adimit. Ergo.

Prob. 2da. pars. Quia non magis homo 581
membrorum suorum constitutus est à Deo dominus, quam vitæ, cujus totalitas à membrorum integritate pendet. Atqui: Ergo. Et verò si licitum esset homini semetipsum mutilare Ecclesia hoc non improbasset. Atqui improbavit, ut patet ex Dist. 55. c. 4. quod desumptum est ex cap. 22. Canon. Apostol. *Si quis abscidit semetipsum, id est, amputavit sibi virilia, non fiat Clericus, quia est sui homicida.* Et cap. 6. *Qui partem cujuslibet digiti sibi ipsi volens abscidit, bunc ad Clerum Canones non admittunt.*

Quod verò Christus dicat Matth. 5. *Si oculus tuus scandalizat te, erue illum.* Verba hæc metaphoricè duntaxat sunt intelligenda, & significant eas peccandi occasiones, quæ oculis ipsis cariores forent, procul abjici debere. Hinc S. Chrysostomus per *oculum dextrum*
N n n n 2 intel-

intelligit mulierem amicam ; S. Augustinus amicum periculosum, alii aliud, quo in peccatum trahi possemus.

Similiter hæc Christi verba Matth. 19. *Sunt eunuchi, qui se ipsos castraverunt &c.* non ad litteram duntaxat, sed metaphorice & moraliter sunt accipienda ; nempe de coelibatûs proposito, aut castitatis perpetuæ voto ; prout SS. Patres & Theologi cæ interpretantur.

Ex his colligitur graviter peccasse Origenem, atque illius imitatores, qui hunc Matth. 19. textum ad litteram sumplerunt. Adde, quòd, ut docent SS. Patres Basilii, Chrysostomi, & Augustini, hæc mutilatio concupiscentiam non exstinguat, & carnis petulantiam non refrænet, proinde carnis tentationes non tollat, adeoque non sit remedium ad castitatem. Peccant etiam, qui pueros licentia consentientes abscindunt, ut eis vocis suavitatem etiam in Ecclesiæ obsequium conservent.

Graviter etiam peccaret, qui ex intentione, aut etiam advertenter jejuniis aut vigiliis sanitatem suam, aut vitam immoderatè læderet : tum quia faceret contra charitatem sibi debitam in re gravi ; tum quia, ut ait S. Hieronymus *nihil interest parvo aut magno tempore te interitus.* Undè cap. 24. Dist. 5. De Consecrat. dicitur post eundem S. Doctorem : *De rapina holocaustum offert, qui sive ciborum nimia egestate, vel somni penuriâ, corpus immoderatè affligit.* Inò ibidem prohibetur, ne propter abstinentiâ immoderatam, atque indiscretam Psalmorum vel Officiorum decantationem homo tristitiæ notam incurrat.

At verò qui corpus moderatè affligit, pietatis opus exercet, immo. Quia id facit, quod faciebat Apostolus, qui

1. Cor. 9. vers. 27. agebat : *Castigo corpus meum, & in servitutem redigo.* Atque ejus consilium sequitur, Coloss. 3. vers. 5. *Mortificate membra vestra.* 2do. Quia viri pœnitentiâ & vivendi asperitate celebres longè diutius vivere, quàm vivere soleant, qui carnis desideria sequuntur, & illius curam gerunt. 3tio. Quia tam licet jejuniò & abstinentiâ vitam minuire propter Christum, quàm liceat propter temporale lucrum artes profiteri, quæ vitam sensim atterunt.

Diximus in Conclusionem, *extra casum necessitatis*, quia ordo postulat, ut partem in gratiam totius resecare liceat. Hinc licet imo. Membra putridum amputare. 2do. Abscindere manum, si quis eâ ligatus aliter vincendum vitare non possit.

Prob. 3tia. pars. Quia licet hominibus 82 justa de causa variis se se periculis obicere. Licet etiam ei vel quædam omittere media, quibus vitam conservare posset, vel asperum vivendi genus amplecti, quo fieri possit, ut breviori tempore consumatur. Ergo.

Porro hi sunt præcipui casus, in quibus homo censetur se nonnisi indirectè occidere. imo. Cum agitur de bono totius Reipublicæ : unde nemo dubitat, quin miles possit & teneatur manere in statione sua, & in hostes irruere cum certo mortis periculo, si id patriæ salutis opportunitatem esse viderit. 2do. Cum avertendum est imminens eidem Reipublicæ damnum. Hæc de causa exculant aliqui eos, qui naves suas jam in potestatem hostium deventuras incendunt, etiam si flammis unâ cum navi consumendi sint. 3tio. Cum agitur de avertendo proximi damno sive spirituali, sive temporali. Hinc licitum non modò est, sed magnæ charitatis

ritatis actus est, peste aliove morbo infectis servire, eosque cum propriæ etiam valetudinis periculo consolari. 4to. Cùm vita propria nonnisi difficillimis mediis fervari potest. Sic non habetur ut sui homicida, qui abstinet à pretiosissimis medicamentis, in quibus profundi deberent opes patrimonii; item qui non vult gravissimos cruciatus, ut pedum vel brachiorum sectionem, pati, quò vitam diutius protrahat; cùm hujusmodi media moraliter sint impossibilia. 5to. Cùm quis, ut Deo & justitiæ faciat satis, ea non arripit media, quibus incolumem se præstare possit. Sic licet ei, qui justè ad mortem condemnatus est, ea, quæ ad mortem sunt præambula facere, ut imo. se offerre Judici. 2do. non egredi è carcere, etiamsi se offerat opportunitas, & noverit paratam sibi esse mortem: & re ipsa Martyres non crediti sunt sibi metipsis mortem inferre, cùm patentibus portis è carceribus non exierunt. Non tamen ei, qui damnatus est, ut venenum hauriat, aut venas sibi aperiat, hæc facere licet; quia sic seipsum immediate & directè occideret, quod naturæ repugnat; & Judex, qui hæc immania naturæque contraria præciperet, injustus esset.

583

Solvuntur Objectiones

Contra unam partem Conclusionis.

Ob. 1mo. Licet id facere, quod viri sancti sanctè fecerunt. Atqui viri sancti sanctè mortem sibi intulerunt. Sic Judic. 16. vers. 30. Samson concussis fortiter columnis semetipsum cum Philistiim obruit. 2do. Eleazar supposuit se Elephanti cuius mole oppressus interiit, 1. Machab. cap. 6. 3tio. Razias gladio se petiit, eligens nobiliter mori potius, quàm subditus fieri peccatoribus, 2. Ma-

chab. 14. Eadem fuit agendi ratio S. Apolloniæ, quæ se coniecit in rogam, quo consumpta fuit. Ergo.

Resp. Dist. min. Viri sancti mortem sibi sanctè intulerunt speciali Spiritus sancti instinctu, conc. motu proprio, neg. min. Itaque vel sancti non sunt, qui sibi metipsis mortem intulere, vel si sancti sunt, speciali S. Spiritus instinctu ad hoc determinati sunt; & hoc ultimum constat de Samfone, qui nonnisi post imploratum Dei auxilium columnas concussit, adeoque se cum Philistiis interemit, Spiritu latenter jubente, per quem miracula patrabat. Quod spectat ad Eleazarum & Raziam, quos Patrum aliqui redarguunt, aliqui plurimum commendant, vel à se ipsis mortem quæsierunt, & tunc mortui non sunt nobiliter, nisi juxta propriam opinionem; vel à Spiritu sancto impulsu fuere, ut de Samfone dictum est: quamquam Eleazarus mortem directè sibi non conscivit; sperare enim potuit elephantem in alterutram partem casurum, aut se recessurum, priusquam caderet. Idem dicendum de illis Christi sponis, quæ in flammis se dederunt præcipites: *Hoc enim fecerunt*, ait S. Augustinus lib. 1. de Civit. Dei cap. 26. *non humanitis decepta, sed divinitus jussu, nec errantes, sed obedientes, &c.*

Ob. 2do. Juxta S. Hieronymum in 584 cap. 1. Jonæ, *Non licet*, sunt ipsius verba, *propria perire manu absque eo, ubi castitas periclitatur, sed percutienti colla submittere.* Ergo saltem licitum est mortem sibi inferre servandæ castitatis gratiâ. Et re ipsa ex duobus malis illud eligi debet, quod minus est; at minus est perire corpus quàm animam, quæ perit, cùm violari sinitur castitas. Ergo.

N n n n 3

Resp.

Resp. 1mo. S. Hieronymum particulam hanc *absque eo* accipere non exclusivè, sed inclusivè, ita ut sensus sit *etiamsi custitas periclitetur*. 2do. Si S. Hieronymi verba, ut sonant, sumenda sunt, tunc videtur locutus fuisse ex aliorum sententia, prout sæpè facit in suis commentariis. 3tio. Clara S. Augustini auctoritas præferenda est obsecris S. Hieronymi verbis.

Ad id, quod additur, Resp. falsum esse, quod pereat anima, dum violatur corpus; *Corpus enim mulieris non vis suaculat, sed voluntas*. ait S. Hieronymus relatus cap. *De pudicitia* caus. 32. q. 5.

§. III.

585 *An licent auctoritate publica hominem occidere.*

Waldenses, ut refert Alphonsus à Castro, negabant licitum esse Principibus & Magistratibus malefactores morti addicere.

CONCLUSIO.

Licitum est Principibus & Magistratibus publica auctoritate præditis malefactores occidere.

Prob. 1mo. Ex S. Scriptura. Exod. 22. sic legitur: *Maleficos non patieris vivere; qui coierit cum jumento, morte moriatur*. Ex quo habetur hanc Dei legem *Non occides*. Exod. cap. 20. generalem non esse sed pati exceptionem, atque cum restrictione esse intelligen-

dam. Rom. 13. vers. 4. *Si malum feceris time*, ait Apostolus, *non enim sine causa gladium portat. Dei minister est, vindex in iram ei, qui malum operatur*. Ergo Princeps, ut Dei minister, gladio seu morte eos punire potest, qui mala præsertim Reipublicæ perniciofa operantur.

Prob. 2do. Ex Canonibus Ecclesiæ ut Caus. 23. q. 5. cap. 20. *Rex debet furta cobibere, adulteria punire, impios de terra perdere, parricidas & peccatores vivere non sinere*. Qui Canon desumptus est ex Cypriano.

Porro ad hujusmodi malefactores occidendos requiri publicam auctoritatem testatur S. Augustinus lib. 2. de Civ. Dei, his verbis: *Qui sine publica ulla administratione maleficum occiderit, velut homicida judicabitur; & tantò amplius, quanto sibi potestatem à Deo non concessam usurpare non timuit*.

Prob. 3tio. Ratione. Quia talis pos-⁵⁸⁶ testas necessaria est Reipublicæ ad bonum commune, & publicam tranquillitatem: ideoque à Deo Reipublicæ concessa est. Et quia pars noxia toti potest, ob totius conservationem exscindi, cum pars sit propter totum.

Ex his colliges, Patri non licere filiam aut uxorem in adulterio deprehensam vel ipsum adulterum occidere. Habetur 1mo. Ex cap. *Inter hæc & seq.* 33. q. 2. & ex S. Augustino lib. 2. *De adulter. conjug.* cap. 15. ibi: *Non licet uxorem adulteram occidere, sed tantum dimittere*. 2do. Quia non licet propria auctoritate, ut patet (1); neque

(1) Ex Matth. 26. *Omnes qui acceperint gladium gladio peribunt*. Et ex cap. *Quicumque* 23. q. 8 quia non licet occidere etiam peccatores, nisi auctoritate à Deo concessa propter bonum commune: ac proinde id ad eum solum pertinet, cujus est procurare bonum publicum.

que etiam ulla lege humana potest id licitum fieri : tùm quia ubi potest observari ordo judicii, iniquum est Reum inauditum, destitutum omni defensionis remediò, nullo servato juris ordine, & sine judicio punire, præterque executionem committere ipsi offenso, & quidem illicò, cùm scilicet animus recenti offensâ maximè perturbatus est. Hinc Reg. Jur. 136. in 6. *Non est singulis concedendum, quod per Magistratum publicè fieri possit.* Tum quia est contra charitatem line urgenti necessitate recusare Reo spatium ad prænitentiam, sed illum statim cum certo damnationis periculo occidere. 3tio. Quia Alexander VII. damnavit hanc propositionem : *Non peccat maritus occidens propria auctoritate uxorem in adulterio deprehensam.* Porro leges civiles, quæ hoc factum non improbant, id faciunt per meram tolerantiam, ne videantur favere adulteris, & ob justum ac gravissimum dolorem in tali casu, & vehementiorem iræ motum; quem quis facilè temperare nequit.

§. IV.

587 *An aliquando licet interficere innocentem.*

Certum est apud omnes nunquam licere innocentem occidere, nisi speciale accesserit Dei mandatum. Ratio est, quia hoc & natura vetat, & expressè prohibuit Deus Exod. 23. his verbis : *Insontem & justum non occides.*

Quòd si speciali revelatione præciperet Deus innocentis occisionem, ei sanè ut vitæ & mortis Domino esset obtemperandum. Hinc non peccasset Abraham, si filium suum immolasset. Neque peccarunt Israëlites, qui, Ama-

leccitas devastando, nec ætati nec sexui pepercerunt, quia Dei jussio urgebat.

Extra hunc casum, qui nunc raro, aut nunquam contingit, homicidæ sunt, qui in bello etiam justo interficiunt innocentes, cujusmodi sunt parvuli, mulieres, agricolæ, peregrini, Religiosi, Moniales, Clerici. Quòd si nocentibus innocentes permixti ab iis discerni non possint, licet alios cum aliis involvere, sed tunc tantùm, quando bellum justum aliter expediri non potest. Neque tamen liceret infantes captos ante patrum oculos jugulare, ut ii se dedant. Hinc colliges rabiosos non debere suffocari, ne aliis noceant, sed includi & alligari. Sic etiam cives non possunt propria manu eum occidere, cujus mortem petierit tyrannus civitatem obfidens : tùm quia generaliter vetat Deus, ne innocens occidatur; tùm quia et si civitas civium suorum vitam exponere possit jubendo, ut contra hostes pugnent, iis tamen auferre vitam non potest. Neque etiam si tyrannus petat, non quidem ut Respublica per se innocentem occidat, sed eum tibi tradat occidendum, id Reipublicæ licere multi tuentur, sicut eidem non liceret tradere tyranno virginem violandam; quia utrumque est intrinsecè malum. Quibus tamen alii contradicunt, atque hujusmodi innocentem tyranno extrema quæque Reipublicæ minitanti, nisi illum à se occidendum tradat, tradi posse putant. Quia homo ille tenetur ex charitate se ipsum offerre pro communi salute, & sponte sua ad tyrannum exire. Ergo Respublica id ei præcipere potest, adeoque & eum, ne effugiat, prævenire, ac ligatum tradere tyranno. Alii denique docent, innocentem nunquam posse à Republica tradi : sed addunt, quòd, nisi semetipsum tradat, ut ex chari-

charitate & iustitia Legali facere teneatur, reus fiat, præsertim si Superiores ejus ipsi præcipiant, ut se tradat; unde concludunt eum tunc posse tyranno tradi, ut qui jam non amplius sit innocens, quatenus & privatum bonum suum pluris æstimat, quàm commune, & Superioribus id, ad quod jam tenetur, præcipientibus obedire recusat.

588

§. V.

An liceat abortum procurare.

Abortus est ejectio præmatura fœtus, quem mulier in utero gestat. Is dupliciter intendi potest, directè nimirum & indirectè: directè quidem, ut si mulier sumat potionem eo fine, ut uteri sui fructum disperdat & ejiciat; indirectè verò, ut si aliquid faciat, unde per accidens sequi possit ejusdem fructus extinctio.

Circa Abortum ita expositum triplex proponi solet quæstio. 1^{ma}. Utrum puella, quæ honori suo aliter consulere non potest, liceat abortum sibi procurare, saltem cum fœtus nondum est animatus. 2^a. An peccet Medicus, qui aliter vitæ matris succurrere non valens, tradit ei potionem, ex qua moraliter certus est securam esse fœtus ejjectionem. Tertia; quibus poenus subjaceant qui abortum procurant. His præmissis

589 Ad 1^{am}. quæstionem Resp. quòd sic abortum procurare sit peccatum mortale; sive fœtus animatus sit, quo casu verum committitur homici-

dium, sive nondum sit animatus, quo casu scelus istud non est propriè ac strictè homicidium.

Prob. Responsio nostra 1^{mo}. ex Concilio Ancyrano (m), quod sic statuit: *De mulieribus, quæ fornicantur, & partus suos necant, vel quæ agunt secum, ut utero conceptos excutiant, antiqua quidem, Concilii Illiberitani (n), & aliorum, definitio usque ad exitum vitæ eas ab Ecclesia removet; humanius autem præfixos nunc desinimus, ut eis decem annorum tempus secundum gradus penitentiae largiamur.* Idem definiunt Concilia Moguntinum (o), & Wormatiense annò 868. celebratum, Can. 30. ubi sic loquitur: *Si aliquis causâ explenda libidinis, vel odii meditatione, homini aut mulieri aliquid fecerit, vel ad potandum dederit, ut non possit generare, aut concipere, vel nasci soboles, ut homicida teneatur.* Quæ verba referuntur lib. 5. Decret. tit. 12. De Homicidio volunt. vel casual. cap. 5. velut ex Concilio Guarmaciensi, quod idem est ac Wormatiense.

Prob. 2^{do}. Ex Patribus. *Nobis verò*, ait Tertullianus Apologet. cap. 9. *homicidii semel interdictò, etiam conceptum uterò, dum adhuc sanguis in hominem delibatur (hoc est, dum adhuc dubitatur, an concepta uterò semina coibunt in fœtum) dissolvere non licet. Homicidii festinatio est prohibere nasci: nec refert natum quis eripiat animam, an nascentem disturbet. Homo est & qui est futurus.* Atqui homicidii festinatio est peccatum mortale. Ergo.

Sanct. Basilii Epist. ad Amphilocho. cap. 2. *Qua*, inquit, *de industria factum*

(m) Celebratum est an. 314.

(n) Celebratum est an. 305. Can. 63.

(o) Celebratum an. 813. sub Leone Papa III. & Carolo Magno.

zum corruptit, cadis penas luet. Formati autem vel informis subtilitas à nobis non attenditur.

Prob. 3tio. ex censura, quam tulit Innocentius XI. annò 1679. adversus laxiores quosdam Theologos, quorum prima propositio, quæ inter 65. damnata est num. 34. sic concepta erat: *Licet procurare abortum ante animationem fætus, ne puella deprebensa gravida occidatur aut infametur.* Secunda verò num. 35. sic habet: *Videtur probabile omnem fætum, quamdiu in utero est, carere animâ rationali, & tunc primum incipere eandem habere, cum paritur; ac consequenter dicendum erit in nullo abortu homicidium committi.*

Prob. 4to. Ratione. Quia procurare abortum repugnat bono speciei humanæ, & naturali fini seminis humani, quod ex se ordinatur ad generationem, & speciei humanæ conservationem ac propagationem: ideoque ingens scelus est. Idque debuit in omni casu à Deo prohiberi; nam si id aliquando liceret, periculum esset ne homines copulæ delectatione contenti, partum proli negligenter, & sæpè impedirent ex aliquo prætextu, ut curis & laboribus proli liberarentur: quod cederet in detrimentum speciei humanæ, & occasio foret fornicationibus ac stupris, à quibus, præter Dei gravem offensam, tamen homines absterret & retrahit timor suscipiendi prolem.

590 Ad 2dam. questionem Resp. Non licere matri, etsi aliqui versetur in certo mortis periculo, præbere medicinam de se tendentem ad procurandum abortum, sive fœtus jam animatus sit, sive non.

Ratio 1mæ. partis est 1mo. Quia hoc esset directè cooperari ad occisionem. P. Cartier Theol. Tomi III.

nem innocentis, quod per se malum est. 2do. Quia ex sententia S. Ambrosii, quæ refertur 1. q. uest. 5. c. 10. *Si non potest subveniri alteri, nisi alter laedatur, commodius est neutrum juvari, quàm gravari alterum.* 3tio. Quia inde futurum est, ut infans spiritualement & corporalem vitam perdat; vel saltem dubium est, an non tali periculo exponatur. Atqui non licet periculo tanto quempiam exponere. Ergo.

Ratio 2dæ. partis, scilicet, quòd non liceat præbere &c. sive fœtus nondum sit animatus, est 1mo. Quia non magis licet mulieri abortum sibi procurare ad vitandum mortis periculum, quæ ipsi ab intrinseco impendit, quàm eidem liceat impedire conceptionem ad vitandum idem periculum, quod experta est sibi ex partu imminere, aut eidem ex detectione criminis imminet, si concipiat, & totus in lucem prodeat. Atqui non potest mulier in secundo casu conceptionem impedire, &c. Ergo nec in primo abortum sibi procurare potest. 2do. Non sunt facienda mala, ut evaniant bona. Sed abortum procurare per se malum est, ut suprà dictum est; Ergo.

Licetum tamen est matri ægrotant. •
ei porrigere medicinam ex se curativam matris, & non ordinatam ad abortum procurandum, quando aliter matri succurri non potest, & certum est fœtum nondum animatum esse, etiamsi indè abortus timeatur. Ratio est 1mo. Quia tunc abortus neque ex intentione operis, neque ex intentione operantis sequitur ex medicina. 2do. Quia potest homo certas quasdam operationes pati, etsi periculum sit, ne propter eas, irreperente v. g. gangrena, aut aliquo simili malo, pereat ille homo. Ergo à pari.

O o o o

At

At verò non licet matrem vivam secari, ut infanti succurratur, nisi probabiliter speretur futurum, ut mater vivat; quod cum fundamento sperari posse frequens docet experientia.

192 Porro hic adhuc notandum venit, Medicos inter se non convenire, quo tempore foetus animari incipiat: quidam enim, prout partis ada. Physicæ nostræ parte ada. seu Physicæ particularis part. 2. cap. 3. tit. De foetûs in utero formatione & animatione animadvertimus, animam jam in informe adhuc semen immitti, alii ipsius infusionem ad diem tertium constituunt, alii volunt animæ infusionem in ipsâ conceptione, hoc est, circa diem septimum fieri; communior tamen opinio est, corpus animâ informari die à conceptu 30mo, vel 40mo. pro mare, & 80mo. vel 90mo. pro femina. Hinc cum incertum sit animationis tempus raro abest periculum homicidii in procurando abortu.

193 Ad 3tiam. quæstionem, quæ est de pœnis, quibus subjacent ii, qui abortum procurant, Resp. Non solum eos, qui ex intentione directa hoc agunt, ut sequatur abortus foetûs animati, sed etiam eos, qui ex intentione interpretativa; ut si mulier experta se abortire, quando fert grave onus, illud tamen suscipit, nisi per inadvertentiam seu incogitantiam hoc faciat; aut si immoderatè saltet; item si quis uxorem prægnantem percutiat; ut & etiam illos vel illas, qui vel quæ ad hujusmodi abortum operam, consilium aut favorem dederint, sive scribendo litteras, sive aliter per verba, vel signa, vel quomodocumque, incurrere ipso facto excommunicationem, quæ licet olim Apostolicæ Sedi reservata esset à Sixto V.

nunc tamen ex moderatione Gregorii XIV. tolli potest à quolibet Confessorio tam seculari quàm Regulari ad Christi fidelium confessiones audiendas, & ad hos casus specialiter per loci Ordinarium deputatò. Verba sunt ejusdem Gregorii Papæ.

Qui verò foetûs inanimati duntaxat abortum procurant, aut mulieribus sterilitatis venena ministrant, aut qui consilium vel auxilium ad hoc præbent, post prædictam Gregorii XIV. moderationem, non subjacent excommunicationi: Nec etiam judicandus est irregularis, nisi qui jam formatò puerperio, seu foetu, abortum procurat, ait S. Thomas in 4. Dist. 31. *Quod si dubitatur, utrum ex percussione vel rei sumptione secutus fuerit abortus, vel alia ex causa, vel utrum puerperium esset formatum, vel non, si probabiliter dubitat, debet à promotione & ministerio abstinere, ne periculo se committat*, inquit S. Antoninus 3. part. tit. 28. cap. 2.

§. VI.

An liceat homini injustum aggressorem occidere in vita propria defensionem.

Quæstio hic procedit de aggressore seu invalore actuali: certum enim est, ante vel post moralem actum aggressionis non licere aliquem occidere; quia defensione opus non est, ubi non est aggressio, nec aliter vi uti licet, quàm ad vim repellendam. Hinc, ex communi, non licet occidere aut re-percutere eum, qui postquam aggressus est, fugæ se dedit, quive accepto vulnere, vel etiam, tormentò suò v. g. explosò jam, nocere amplius

plius non potest. Eadem de causa non licet prævenire eum, qui te ad occidendum querit, quia non est aggressor: aggressor tamen censetur, non modò, qui ad feriendum accedit, sed qui jam in præsentia parat se ad actum invadendum. Agitur etiam de invaluore, à quo quis occidendus est, si non occidat: qui enim fugiendo vitam tueri potest, fugere tenetur.

596 Porro circa hanc quæstionem duplex est Theologorum sententia. Alii putant licitum non esse injustum invalorem occidere. Alii verò longè plures numerò, & ex iis etiam, qui à laxioribus opiniunculis abhorrent, post Sanct. Thomam, imò etiam post veteres alios SS. Patres, ut ajunt, & quos pro sua sententia citant, credunt id licitum esse, si fiat cum conditionibus mox assignandis. Ut 1mo. occisio fiat cum moderamine inculpatæ tutelæ. Est autem moderamen illud observatio modi debiti; adeò ut nihil fiat, nisi quod necessarium est ad vitam servandam; nam non licet inferre majus damnum, aut uti majore vi, quàm necesse sit ad vitæ defensionem; alioqui jam non esset defensio, sed injusta ultio. Hinc si injustum invalorem armis spoliando, vel debilitando, aut vulnerando, possis mortem vitare, non licet illum occidere; cum tunc ejus occisio non sit necessaria ad vitæ defensionem.

597 2do. Ut actio iniqui invaloris sit vera per vim aggressio. Hinc non licet occidere iniquum Judicem, aut falsos testes, qui vitæ tuæ insidiantur. 1mo. Quia hic non occurrit vis illata, sed solum calumnia, quæ proinde juris ordine, non verò violentiâ debet propulsari. 2do. Quia aliqui aperiretur via homicidio; facile

enim sibi persuaderent homines se ini- que accusari, & mortem nonnisi accusatorum & Judicum morte vitare posse. 3tio. Quia damnata est ab Alexandro VII. hæc propositio: *Licet interficere falsum accusatorem, falsos testes, ac etiam Judicem, à quo iniqua certò imminet sententia, si aliud vi- d non potest innocens damnum evitare.*

3tio. Ut nihil ex odio, neque ex 598 animo vindictæ fiat, & ut non intendatur per se mors invaloris, sed sola vitæ propriæ conservatio per justam sui defensionem. Verùm haud satis scimus, an qui plumbeam glandem nonnisi in caput inimici sui explodere potest, mortem ejus non intendat: atque facile ab adversario præveniretur & occumberet, qui diutius ratiocinaretur, & expenderet, an hic vel ibi possit eum ferire, ut mortem ejus non ut medium intendat, sed ut defensionis effectum.

4to. Ut aggressor non sit persona 599 Reipublicæ necessaria, vel valde utilis ut Princeps, Dux exercitus, &c. Quia ex ordine charitatis bonum commune, utpotè bonum multorum, præferri debet bono privato, quod est bonum duntaxat unius vel paucorum. His præmissis conditionibus probant sententiam suam

1mo. Ex cap. 22. Exod. vers. 2600
ibi: *Si effringens fur domum sive suffodiens fuerit inventus, & accepto vulnere mortuus fuerit, percussor non erit reus sanguinis: quod si orto sole hoc fecerit, homicidium perpetravit.* Ergo licet occidere furem nocturnum, quia nescitur an veniat animò occidendi.

Prob. 2do. Ex SS. Patribus. S. Cy-601
rillus lib. 1. in Joan. cap. 35. Unde-
O o o o 2 nam,

nam, inquit, Petrus gladium habuit? Deinde respondet, Quia secundum legem gladio se defendere licebat, idcirco quoque gladium ferre licebat. Et supra: Nam si vi multitudinis invitus ad necem traheretur Christus, omni modo fortassis debuissent illum discipuli defendere.

Sanct. Ambrosius lib. 1. de Officiis cap. 36. Neque, ait, in inferenda, sed in depellenda injuria lex virtutis est: qui enim non repellit à socio injuriam si potest, tam est in vicio quam ille, qui facit; unde Moyses, cum vidisset Hebræum ab Ægyptio injuriam accipientem defendit, ita ut Ægyptium sterneret.

S. Augustinus q. 24. in adductum suprâ Exodi locum: Intelligitur ergo, ait, tunc non pertinere ad homicidium, si fur nocturnus occidatur; si autem diurnus pertinere. Hoc est enim quod ait: Si orietur super eum sol; poterat quippe discerni quid ad furandum, non ad occidendum venerit. Hoc et in legibus antiquis secularibus, quibus tamen ista est antiquior, invenitur impune occidi nocturnum furem quoquo modo, diurnum autem si se telo defenderit; jam enim plus est, quam fur. Ergo ex sententia S. Augustini licet occidere furem, siue nocturnum, quia præsumitur eum venire animò non solum furandi, sed etiam occidendi; siue diurnum, quando constat eum non ad furandum modò, sed & ad occidendum venire.

602 Prob. 3tio. Ex variis Romanorum Pontificum decisionibus in Jure Canonico passim relatis; quibus homicidium ad sui suæque vitæ defensionem pertractum tutò fieri posse, ac omni culpâ vacare, & legibus omnibus ac jurispermitti declaratur, Ut cap. Si-

gnificasti. 2. De homicidio voluntario. Ubi Innocentius III. expressè ait: Vim vi repellere omnes leges & omnia jura permittere; id tamen fieri debere cum moderamine inculpata tutela, non ad sumendam vindictam, sed ad injuriam propulsandam. Idem tradit Alexander III. cap. 3. De sententia excommunicationis. Si verò, inquit, Clericum vim sibi inferentem, vi quis repellat, vel ladat, non debet propter hoc ad Apostolicam Sedem transmitti, si in continenti vim vi repellat, cum vim vi repellere omnes leges omniaque jura permittant. Idem docet Constitutio Clementis V. in Concilio Viennensi cap. Si furiosus: Si furiosus, aut infans, seu dormiens hominem mutilat, vel occidat, nullam ex hoc irregularitatem incurrit: Et idem de illo censemus, qui mortem aliter vitare non valens, suum occidit vel mutilat invasorem.

Prob. 4to. Ex præcipuis Scholæ Do-603
ctoribus. Sanct. Thomas 2. 2. q. 64. a. 7. Si aliquis, inquit, ad defendendam propriam vitam utatur majori violentiâ, quam oporteat, erit illicitum: si verò moderatè violentiam repellat, erit licita defensio; nam secundum jura vim vi repellere licet cum moderamine inculpata tutela. Nec est necessarium ad salutem, ut homo alium moderatâ tutela prætermittat ad evitandam occisionem alterius, quia plus tenetur homo suæ vitæ providere, quam vitæ alienæ.

Sanct. Antoninus part. 2. tit. 7. cap. 8. §. 1. Cum quis, ait, occidit alium necessitate ductus inevitabili, quia scilicet invasus ab alio volente occidere, vel graviter vulnerare, sed defendendo occidit, servatò debitò moderamine, cum aliter non possit evadere manus ejus, non est propriè homicida, prout scilicet homicidium dicimus peccatum. Quod ulte.

ulterius probat mox adductis S. Thomæ verbis.

Sanct. Bonaventura Serm. 6. de Decem Præceptis, postquam dixit excusari a tanto, non à toto, qui fugere potuisset, sic pergit: *Si autem sit necessitas inevitabilis, ut homo occidat alium boninẽ, non amore vindictæ, sed amore conservationis vitæ & animæ. . . . & fiat hoc cum moderamine inculpate tutelæ, hoc concessum est personis etiã perfectis, non solum imperfectis.* Et hoc probat ex S. Augustino lib. de liber. arb.

- 604 Consonat Catechismus Romanus 3. part. cap. 6. num. 7. ubi explicans cædes quæ quintò præceptò non continentur, sic ait: *Quia etiã ratione si quis salutis suæ defendendæ causâ, omni adhibita cautione, alterum interemerit, hac lege non teneri satis apparet.*

Ratio denique est; quia homo habet jus conservandi vitam injustè oppugnatam, & illam præferendi vitæ injusti aggressoris, qui se ex mera malitia in hoc periculum mortis conjicit. Ergo.

- 605 Non tamen diffitendum, percussione & occisione injusti vitæ aggressoris in praxi rarò culpâ vacare, quia ferè nunquam servantur conditiones ad licitam defensionem requisitæ. Et ideo aliqui Patres occisionem sine publica auctoritate factam indefinitè damnant, scilicet ob periculum vindictæ, & excessus in modo defensionis, vel ob intentionem directam occidendi.

§. VII.

- 606 *An liceat occidere ad defensionem boni temporalis, bonom, & pudicitia.*
607 Quidam, imò multi ex Recentioribus Theologis, quamvis ultro con-

cesserint, non licere quemquam occidere in defensionem temporalium non magni momenti bonorum, tamen id licere ad tuenda magni momenti bona temporalia seu fortunæ asserere ausi sunt. At eorum opinio à sanioribus Theologis recipitur velut nullius auctoritatis. Sit contra eos

CONCLUSIO I. 608

Non licet propter bona temporalia seu fortunæ, etiamsi sint magni momenti, & aliter recuperari non possint, injustum eorum invasorem occidere.

Prob. 1mo. Ex S. Scriptura. Exod. 20. vers. 13. Quintum istud Decalogi Præceptum *Non occides*, generale est, & neque in Scriptura, neque in Patrum decretis, aut Jure Canonico limitatur, cùm de fortunæ bonis sermo est. Ergo homicidii reus est, qui pro illis bonis hominem occidit. Ibid cap. 22. prout paragraphò præcedenti jam adnotavimus, expressè prohibetur, ne fur diurnus occidatur, quia ut notat S. Augustinus ibidem adductus, & ex eo cap. 3. *De Homicidio*, poterat discerni, quod ad furandum, non ad occidendum venisset. Ergo eum, qui ad furandum duntaxat, non ad occidendum venit, occidere nullatenus licet.

Prob. 2do. Ex SS. Patribus & Ro-609 manis Pontificibus. Sanct. Augustinus lib. 1. de liber. arb. *Quomodo*, inquit, *apud divinam providentiam liberi erunt, qui pro his rebus, quas contemni oportet, humana cade polluti sunt.*

S. Gregorius lib. 3. Moral. cap. 8. *Plus*, inquit, *ipsis raptoribus debemus metuere, quam rebus irrationabilibus defendendis inhiare.*

00003

Alexan-

Alexander III. cap. 10. *De Homicidio*. Expediebat, inquit, potius post tunicam relinquere pallium, & rerum sustinere iacturam, quàm pro servandis vilibus & transitoriis rebus tam acriter in alios (Latrones scilicet) exardescere.

Denique Innocentius XI. damnavit has tres propositiones: 31ma. Regulariter occidere possum furem pro conservatione unius aurei. 32tia. Non solum licitum est defendere defensione occisiva, quæ actu possumus, sed etiam ad quam jus inchoatum habemus, & quæ nos posseuros speramus. 34ia. Licitum est tam baredi, quàm Legatario, contra injustè impedièntem, ne vel bareditas adentur, vel Legata solvantur, se taliter defendere (p), sicut & jus habenti in Catbedram vel Prabendam contra eorum possessionem injustè impedièntem.

610 Prob. 3tio. Ex Jure Civili. Leg. 4. ff. ad Leg. Aquil. non permittitur fur diurnus occidi, nisi telò se defendat, prout notat S. Augustinus paragrapho præcedenti relatus: unde solum vitæ periculum excipit. Et Leg. 9. ad Leg. Cornel. dicitur: furem nocturnum si quis occiderit, ita demùm impunè feret, si parcere ei sine periculo suo non poterit. Ergo haud impunè non feret, qui furem diurnum, cui parcere potest, occiderit.

Ratio denique est; quia iniquum est, & contra debitum ordinem charitatis privata auctoritate adimere proximo bonum superioris ordinis, & per se irreparabile nempe vitam, ad bonum inferioris ordinis, & per se reparabile conservandum. Verbo ordo charitatis postulat, ut vitam proximi propriis rebus præferamus.

Quantùm ad honorem & famam denuò Quidam recentiores Theologi asserere non dubitârunt licere aliquem occidere propter defensionem famæ & honoris; crudelis sanè doctrina contra quam sit

CONCLUSIO II.

611

Iniquum famæ aut honoris nostri invalorem occidere illicitum est.

Prob. 1mo. Ex S. Scriptura. Matth. 5. vers. 11. *Beati estis, cum maledixerint vobis homines, & persecuti vos fuerint, & dixerint omne malum adversum vos mentientes &c.* Ergo infelices & iniqui sumus nisi hominum maledicta, & persecutiones, ac injurias patienter toleraverimus, nec eas crudeli occisionis facinore ulciscamur. Ibid. vers. 39. *Ego autem dico vobis, non resistere malo, sed si quis te percusserit in dexteram maxillam tuam, præbe illi & alteram, tantum abest, ut tibi eum occidere liceat.* Luc. 6. *Benedicite maledicentibus vobis, & orate pro calumniantibus vos.* Si illis benedicendum & pro iis orandum; tunc utique non sunt occidendi. Joan. 5. *Quomodo vos potestis credere, qui gloriam ab invicem quaritis?* Ergo non credit, sed infideli est deterior, qui gloriam ab alio quarit, à quo injuriam passus est, eum occidendo. 1mæ. Cor. 4. *Mibi autem, inquit Apostolus, pro minimo est, ut à vobis judicer aut ab humano dic.* Hæc cujuslibet Christiani hominis agendi ratio esse debet. Denique 1 Petri 3. *Non reddentes malum pro malo, nec maledictum pro maledicto, &c.* Ergo, ex Apostolorum Principis sententia, ne quidem licet

(p) Id est, defensione occisiva.

licet convitiis convitiis, contumelias contumeliis repellere, quia hæc non est via ordinata & apta ad honorem defendendum. Ergo multò minùs occisio illius, qui famam aut honorem nostrum injustè invasit, erit via ordinata & apta ad illum recuperandum.

- 612 Prob. 2do. Ex SS. Patribus & Romanis Pontificibus. Pro omnibus sufficient S. Augustinus, qui lib. 5. de Civ. Dei cap. 19. *Virtutes habenti, inquit, magna virtus est contemnere gloriam.* Ergo summè flagitiosus ille est, qui ut fucatam gloriam tueatur alterum occidit.

Innocentius Papa XI. qui hanc propositionem proscripsit uti scandalosam, erroneam, & verbo Dei contrariam: *Eas est viro bono occidere invasorem, qui nititur calumniam inferre, si aliter hac ignominia vitari nequit; idem quoque dicendum, si quis impingat alapam, vel fuste percutiat, & fugiat.*

- 613 Prob. 3tio. Ratione. 1mo. Quia fama nihil est aliud, quàm judicium aliorum de nostra excellentia; honor verò est testimonium, quod alii nobis reddunt, se benè de nobis sentire, quod sit cultu & reverentia. Atqui hujusmodi judicia aut testimonia tanta non sunt, ut pro iis conservandis, aut repetendis proximum occidere liceat. Ergo. Minor constat ex adductis priùs S. Scripturæ testimoniis. 2do. Vita est bonum per se irreparabile, & majus honore ac fama; cum inter bona naturalia principem locum obtineat. Ergo iniquum est, & contra legem charitatis, eam adimere proximo ad

defensionem honoris & famæ, quæ sunt bona inferioris ordinis & per se reparabilia. Id etiam repugnat patientiæ, mansuetudini, & humilitati christianæ. 3tio. Percussio vel occisio in illo casu est vindicta, non defensio: nam non conducit ad servandum honorem, utpotè jam ablatum per injuriam, sed solum ad acquirendum alium honorem apud mundanos homines ob falsam fortitudinem, qua offensa vindicatur. Atqui nulli privato licet vindictam sumere de proximo suo, à quo fortè offensus est: *Mibi vindicta; ego retribuam dicit Dominus*, Rom. 12. v. 19. (q) Ergo. 4to. Illud absolutè illicitum est, quo posito mundanis hominibus, honoris fictiti amorè abreptis, via ad strages & homicidia aperitur. Atqui si ad defendendum honorem quis alium occidere impunè potest, stragi & homicidio via aperitur. Ergo.

Imò neque licet alapam pro alapa reddere. Defensio enim equidem licita est, sed non vindicta, ut primùm diximus. Atqui tunc non esset defensio, quæ locum non habet nisi in actuali aggressionem, sed mera vindicta, quæ non conducere ad servandum honorem, qui jam per injuriam ablatum esset, sed duntaxat ad acquirendum alium apud mundanos honorem, ex falso fortitudinis inhumanæ nomine. Prout jam probatione tertia diximus.

Id ergo solum contra iniquum famæ aut honoris nostri invasorem agere licet, nempe ut illatas contumelias verbis minimè contumeliosis repellamus, vel etiam actione injuriarum, si necesse sit, ad reprimendam alterius audaciam, vel ad dignitatem ac auctoritatem

(q) Vid. dicta in Tractat. de Virtutibus Theolog. part. 3. cap. 4. §. 4. conclus. 10. à num. 297.

tatem suam tuendam, sine odio tamen, & cum animo ab omni vindicta remoto, ac parato remittere hanc justam satisfactionem & plures alias injurias ferre, si salus proximi id exigat, &c. vide dicta cit. Tract. part. 3. cap. 4. §. 4. conclus. 10. num. 297. 298. 299. 300. ubi notatu digna, imò necessaria, hanc in rem præscribuntur.

- 616 Quoad pudicitiae defensionem denique Multi docent licere eum occidere, qui illam violare tentat, si aliter defendi nequeat Rationem afferunt, quia præterquam quòd in hac re sit periculum consensùs in delectationem, ideoque peccati, imò & depravationis; pudicitia & integritas est bonum maximi momenti, superioris ordinis, quàm sint bona fortunæ, imò in æstimatione multorum bono vitæ æquiparandum, & aliundè, ubi semel amissum fuerit, irreparabile. Idem ex iisdem rationibus docet S. Antoninus, part. 2. tit. 7. cap. 8. Sed alii negant quibuscum sit

617 CONCLUSIO III.

Non licet injustum pudicitiae invasorem occidere.

Prob. 1mo. Ex illo præcepto Decalogi Exod. 20. *Non occides*, quod generalem prohibitionem continet, à qua nec Scriptura, nec Patres, nec Concilia, nec summi Pontifices hunc pudicitiae defendendæ casum excipiunt.

- 618 Prob. 2do. Ex Evodio apud S. Augustinum lib. 1. de lib. arb. cap. 5. ubi, *De pudicitia*, inquit, *quis dubitaverit, quia ea sit in ipso animo constituta, quanvòquidem virtus est; unde à violento stupratore eripi nec ipsa potest? Quapropter legem quidem non reprobando, quia tales permittit interfici;*

sed quo pacto istos defendam, qui interficiunt, non invenio.

Prob. 3tio. Ratione quam submini-619 strant citatus Evodius, & SS. Augustinus lib. 1. de Civ. Dei cap. 18. & Hieronymus cap. *De Pudicitia causâ* 32. quæst. 5. relatus qui, *Corpus*, inquit, *mulieris non vis maculat, sed voluntas*. Si liceret interficere stupratorem, tùm utique ad tantæ virtutis conservationem. Atqui virtus castitatis aliter potest, quàm scelesti Invasoris morte defendi: ad hoc enim satis est, ut constanter dissentiat persona, quæ vim patitur; tunc enim etsi opprimatur exterius, id dicere poterit, quod olim S. Lucia tyranno dixisse memoratur: *Si me invitam jufferis violari, castitas mihi duplicabitur ad coronam*.

Prob. 4to. Rationibus superioribus620 Conclusionibus adductis, quarum hæc est summa: 1mo. Quòd bonum temporale æternæ alterius salutis præferri nec debeat nec possit. Atqui hoc fieret si pudicitiae invasor interimeretur; ei enim adimeretur poenitentiae & animæ salvandæ locus. 2do. Quòd, prout jam annotavimus, præceptum generale non occidendi nullibi restrictum videatur pro præsentī casu.

Tenetur tamen puella modis omnibus resistere, manibus, pedibus, fugiendo, clamando, &c. Et certè rarissimè fit, ut puella, si seriò velit, violationem impedire nequeat; rarissimè etiam contingit, ut vir turpem delectationem ab omnino invita captare velit.

Solvuntur Objectiones.

621

Ob. 1mo. contra Conclusionem 1mam. Cap. *Interfecisti* 2. Decret. Greg. lib. 5. tit.

tit. 12. De Homicid. volunt. Si te, inquit Pontifex, tuoque liberando (furem) interfecisti, non teneris ad pœnitentiam. Ergo propter bona fortunæ licet injustum eorum invaluorem occidere.

Resp. neg. conf. In his verbis te tuoque liberando, particula & non est sumenda disjunctivè, sed secundum naturalem suam significationem, scilicet copulativè, adeo ut sermo sit de fure, qui bona simul & vitam invaserat, quem qui occidit vacat à culpa, prout diximus paragrapho præcedenti.

622 Ob. 2do. Vim vi repellere omnes Leges & jura permittunt. Sed vim infert, qui bona temporalia vult eripere. Ergo.

Resp. dist. maj. Jura permittunt vim vi repellere per media legitima, conc. secus, neg. maj. Occisio autem non est medium legitimum, cum de solis fortunæ bonis agitur: si enim bona temporalia exponi debeant ad conservandam proximo vitam, prout ostendimus Tractat. de Virtut. Theolog. part. 3. cap. 4. §. 4. à fortiori occidere non licet ad hujusmodi bonorum defensionem.

623 Ob. 3to. Bellum justè inferitur pro fortunæ bonis, idque non sine multorum clade. Ergo.

Resp. neg. conf. Princeps sicut eos ex suis subditis, qui res alienas abstulerunt, legitime interficit, sic & iis, qui sua injustè detinent, legitime bellum inferit, quia hanc à Deo potestatem accepit: at nulli privato permittum est, ut auctoritate propria suos occidat.

624 Ob. 4to. Ex dictis paragrapho præcedenti licet pro tuenda vita injustum invaluorem occidere. Atqui vitam moraliter eripit, qui eripit bona, sine quibus vita conservari nequit. Ergo.

P. Cartier Theol. Tom. III.

Resp. 1mo. neg. min. Nam rarum est, quòd fur omnia auferat; quòd si autem id eveniret, tunc taliter à fure spoliatus potius eleemosynis vitam sustentare more aliorum pauperum deberet, quàm furem occidere.

Tamen concedi posse videtur, quòd, si fur omnia prorsus auferret, ita ut vitam moraliter auferre meritò censeretur, eo casu occidi possit, non ratione boni temporalis, sed ratione vitæ, quàm inique auferre vellet.

Ob. 5to. Contra Conclusionem 625 adam. Honor vel fama est quid præstantius vitæ: hinc Ecclesiastici 41. v. 15. dicitur: Curam habe de bono nomine. Et Sanct. Thomas Opusc. 9. De decem præceptis, præcep. 8. Nihil est, ait, tam clarum homini, sicuti fama. Ergo si ad defensionem vitæ quempiam occidere liceat; licet id à fortiori ad defensionem honoris vel famæ.

Respondimus huic Objectioni jam supra in Tractatu cap. 2. §. 1. in Responsione ad Object. 8. nempe Dist. ant. Honor vel fama est quid præstantius vitæ; Honor scilicet, qui in vera coram Deo justitia positus est, conc. Honor qui positus est in æstimatione & judicio imprudentum & stultorum corrupti hujusce sæculi hominum, neg. ant. Honor vel fama est bonum vitæ longè inferius, utpotè in alieno judicio positum, & quod propter se desiderare mera vanitas est; at vita est primum ac fundamentum omnium bonorum naturalium, & per se irreparabile, cujus Dominium solus Deus habet, prout in hocce Tractatu cit. cap. ostendimus; Deinde fama vera solâ nicitur verâ virtute. Cura autem boni nominis, quam Scriptura commendat, consistit in eo, quòd homo nihil turpe agat, nihil quod natura

P p p p

ram rationalem & dignitatem filii Dei adoptivi dedecet. Et hoc sensu etiam intelligendus est S. Thomas.

- 626 Ob. 6to. Calumnia & contumelia non vindicata reddit hominem infamem. Ergo.

Resp. neg. ant. Nam cum aliunde constat eum, qui calumniam aut injuriam passus est, esse virum probum aut fortem; ejus moderatio non ei vitio vertitur, sed laudi apud prudentes; nihil enim indecorum agit, qui injuriam non ulciscitur, sed patienter fert secundum præceptum & exemplum Christi, aut moderatè defendit in judicio. Imo condonatio injuriarum est præstantissimus fortitudinis actus, ac proinde summa laude digna. Præterea, ut jam diximus, occisio vel percussio calumniatoris aut percussoris non est medium aptum ad abstergendam infamiae labem, nisi juxta perversum judicium quorundam mundanorum hominum, à Deo reprobatur, & contemnendum; non enim ex calumniatoris occisione sequitur cognitio falsitatis ipsius calumniae, imò sæpè contrarium accidit. Demum si quis honorem suum & famam aliter recuperare nequeat, debet illius jacturam inter damna irreparabilia recensere, & æquò animò ferre propter amorem Dei id præcipientis sub poena aeternae damnationis, & remunerantis immenso vere gloriæ pondere.

- 627 Ob. 7mo. Contra Conclusionem 3tiam. Ex Sancti Ambrosii lib. 3. Offic. *Periculum pudoris bonis faminis est morte gravius.* Ergo si pro periculo vitæ liceat interficere, id etiam pro periculo castitatis licitum erit.

Resp. neg. conf. Vir enim nobilis mallet mori, quam honorem perdere, aut ad summam redigi paupertatem,

& tamen ad vitanda hæc incommoda, sibi vel alteri mortem inferre non potest, prout ostendimus; ergo à pari in proposito.

§. VIII.

De homicidio tum casuali, tum ex628 condito, quod est duellum.

Homicidium absolute & simpliciter casuale, quod scilicet nec in se nec in sua causa est voluntarium, non est peccatum, imò nec propriè homicidium, sed simplex occisio: quia peccatum est essentialiter voluntarium. Ergo quod nullo modo est voluntarium, nullatenus peccatum est.

Est autem homicidium simpliciter casuale imò. Cum nec in se, nec in causa sua volitum est: ut si quis in ebrietate inculpabilis alium occiderit; secus si ebrietas sit culpabilis, & hic casus prævideri potuerit. 2. Cum causa, etsi culpabilis, est tamen inefficax respectu homicidii; ut si quis alium leviter vulneraverit, & ex Medici negligentia, vel ex propria incuria, corruptum vulnus mortem attulerit. 3tio. Cum etsi causa efficax fuerit, adhibita tamen fuit omnis, quæ viri prudentis judicio adhiberi debuit diligentia: ut si quis in venatione, fistulâ explosâ, postquam satis circumspexit, num adesset aliquis, hominem occiderit.

Homicidium non omnino casuale peccatum est, plus vel minus grave, prout plus vel minus est voluntarium. Quapropter homicidii rei sunt imò. Qui actum, etsi licitum, tamen periculosum ponunt, non adhibita sufficienti diligentia; ut patet in venatore tenerè fistulâ explosente, & in nutrice, quæ relia-

relinquit infantulum in fenestra è qua decidere potest. 2do. Qui ponunt actum periculosum, nec in potestate habent, ut sufficienter diligentes sint. Hinc graviter peccant parentes, qui infantes tenellos in lecto secum reponunt, etiamsi eorum mors non sequatur; quia parentes à somno abstinere non possunt, & in continuo suffocandæ prolis periculo versantur. Can. 20. cap. 2. q. 5. Stephanus V. Homicidii reos declarat hujusmodi parentes, à quibus proles ita suffocantur. 3tio. Qui omittunt aliquod, ad quod ex justitia tenentur: unde homicidii reatum incurrunt, 1mo. Medici, quorum negligentia vel imperitia ægro mortem affert; tenentur enim scire, & aliis curandis cum ipsorum periculo se se non immiscere. 2do. Advocati, qui innocentem malè defendendo causa sunt, cur capite plectatur. 3tio. Principes, qui, cum possunt, non abigunt latrones viatoribus infestos, &c.

630 Homicidio casuali directè opponitur Homicidium ex condicito seu duellum, quod Græci *mosomachiam* vocant. Est autem Duellum *duorum vel paucorum certamen in certo loco, & tempore designato, cum vita vel mutilationis periculo ex mutuo consensu & auctoritate privata initum.*

Dicitur *privata auctoritate*, nam pugna paucorum auctoritate Principis in bello justo ob bonum commune suscepta non est strictè Duellum, & quandoque licitum est, ut 1mo. Cum suscipitur ad justum bellum conficiendum. 2do. Si tempore belli videtur necessaria talis pugna ad debilitandos hostium animos, suorum verò erigendos, & ad victoriam facilius consequendam, &c.

Ratio est; quia sicut in bello justo ob bonum commune auctoritate Principis licita est pugna inter multos, ita & inter paucos. Sic David auctoritate Saulis pugnavit cum Goliath.

Illicita tamen esset pugna inter duos vel paucos etiam auctoritate Principis inita 1mo. Si per eam victoria ad statum magis dubium, quàm per pugnam generalem redigeretur; quia tunc Princeps peccaret contra justitiam in subditos, spem victoriæ ferè certam commutando cum incerto Duellii eventu. 2do. Si ad delectationem quamdam, vel vanam ostentationem, aut privatam vindictam permetteretur; quia Principes non habent dominium vitæ suorum subditorum, sed solum convenientem usum ad bonum commune: unde non possunt eam exponere ob finem vanum, nec necessarium bono communi.

At Duellum privata auctoritate initum, de quo hic nobis præcipue est sermo, semper est peccatum mortale, unde illud nec offerre licitum est, nec oblatum acceptare.

Prob. 1mo. ex Conciliis. Lateranense III. annò 1179. sub Alexandro III. Can. 20. qui refertur lib. 5. Decret. tit. 13. cap. 1. sic statuit: *Felices memoria Papa Innocentis & Eugenii predecessorum nostrorum vestigiis inbidentes . . . torneamenta . . . in quibus milites ex condicito venire solent, & . . . temerè congregantur; unde mortes hominum & animarum pericula sæpe proveniunt fieri prohibemus. Quod si quis eorum ibidem mortuus fuerit, quamvis ei poscenti venia non negetur, Ecclesiasticâ tamen careat sepultura.*

Concilium Tridentinum Sess. 25. cap. 19. (r) *Detestabilem*, inquit, P p p 2 duel-

de illorum usum fabricante diabolo introductum, ut cruenta corporum morte, animarum etiam perniciem lucretur, ex Christiano orbe penitus exterminetur, &c.

Et lib. 5. Decret. tit. 35. De purgat. vulgari cap. 1. (†) *Cum tua fraternitas duxerit Sed. Apost. consulendam, utrum . . . duella debeant sustineri? tua duximus sollicitudini respondendum, quod in eo casu, vel aliis etiam hoc non debes aliquatenus tolerare.*

- 632 Prob. 2do. multiplici ratione. 1mo. Quia Deus solus habet dominium vitæ hominis. Ergo non licet eam destruire, nec illius destruendæ periculo se exponere sine auctoritate Dei. Atqui Deus hanc auctoritatem non dedit privatis, nisi ad necessariam vitæ propriæ defensionem: nam destructio rei propriæ auctoritate facta arguit Dominium in illam. Ergo. 2do. Quia Duellum repugnat charitati tûm nobis tûm proximo debita; nam utriusque decertantis vitam & æternam salutem morali periculo exponit. Ergo. 3tio. Quia Duellum nulla iusta de causa suscipi potest. Non 1mo. cum ad virum instantiam, inanemque gloriam suscipitur, ut factum est à Goliath; hæc enim gloria, & medium, quo procurari ipsa intenditur, perinde futilia sunt. Non 2do. cum agitur de lite terminanda, aut manifestanda veritate, detegendæ innocentia: Nam Duellum non est medium, quod ad hunc finem assumi possit; tûm quia medium hoc est nimis crudele; tûm quia horrenda superstitione plenum est; tûm quia sæpè contingit, ut in bello seu publico seu privato succumbant, quos iustam habere causam certum est. Non 3tio. si

fiat animò vindictæ; quia vindicta ad Deum pertinet, non autem est licita homini privato; imò nec liceret eam exercere ex publica auctoritate cum æquali periculo illius, qui injuriam passus est. Non 4to. ex animo satisfaciendi; quia occidere alterum non est modus satisfaciendi, sed est mera vindicta; nam est nocere alicui, absque eo, quod nobis aliquid emolumenti eveniat. Non 5to. ad vitandam ignominiam seu ignaviæ notam; hæc enim est falsa ignominia; nam apud Deum & homines verè sapientes ac probos, in quorum existimatione vera fama consistit, nullam incurrit ignominiam, sed magnam gloriam acquirit, qui, ut divinis humanisque legibus Duellum vetantibus pareat, injuriæ etiam affectus illud non offert, nec provocatus acceptat. Neque enim dedecus est, sed ingens honor ac gloria virtutem, & præsertim charitatem, ac fortitudinem, se ipsum, & iram vincendo; exercere, Christi patientiam ac mansuetudinem imitari, quippe *gloria magna est sequi Dominum*, inquit Ecclesiasticus cap. 23. Nam Dei præceptum, & virtus est sola regula veri honoris. Nec vir sapiens falsis improborum hominum iudiciis, sed recta ratione & fide divina duci debet. Igitur qualiscumque sit illa apprehensa ignominia, quæ ex sola perverso mundanorum hominum iudicio sequitur, est prorsus contemnenda, ne amittatur gloria Cœlestis ac Felicitas æterna, & contrahatur ignominia æterna, ac summa infelicitas. Neque enim ad ignominiam, quæcumque illa sit, vitandam licet vitam alterius, ac propriam periculo committere, contra legem divinam vetantem vitæ propriæ & alienæ destructionem, & proinde ejus pericu-

(†) Cœlestinus III. an. 1195.

periculum; nam solus Deus est hominum vitæ Dominus, & vita est superioris ordinis, quam honor & fama. Hinc Alexander VII. damnavit hanc propositionem: *Vir equestris ad duellum provocatus, potest illud acceptare, ne timiditatis notam apud alios incurrat.* Non denique 6to. ad vitandam summam etiam egestetur, ad quam e. g. Superioris ordinis miles, putà Centurio aliquis, qui se suamque familiam, uxorem nempe & proles, stipendiis, quæ à Principe suo percipit, unicè sustentat, redigetur, nisi Duellum vel offerat vel acceptet; tunc enim certò certius militiam deferere cogetur. Nam ad retinenda fortunæ bona etiam non licet Divinas humanasque leges violare, atque vitam, quæ, ut mox & alibi jam dictum, superioris est ordinis, periculo exponere. Talis igitur infortunium suum vel sibi imputare, vel divinæ providentiæ committere debet; ut quæ illum, pro animæ suæ bono ac æterna salute, in calamitate & egestate dies ducere permittere velit. Et si aliter vitam sustentare non valeat, tandem ipsi superare mendicitas, in quo vivendi genere multos numerabit socios.

633 Existimant quidam Theologi, licitum esse ei, qui ad duellum provocatur, ne ignavia notam incurrat, dicere provocanti, se quidem duellum non acceptare, sed paratum esse se defendere, si quis eum invaserit. At summopere timendum est, ne verba hæc indirectam duelli acceptationem complectantur, aliumque ad invasionem illius, qui sic loquitur, quodam modo compellant.

634 Duellantium pœnæ ex dictis præcipue hæc duæ sunt in usu. Prima est excommunicatio contra duellantes, eo-

rumque paternos, suos, &, ex composito saltem, spectatores Duelli, Principes & Dominos temporales, qui in suis terris locum aliquem ad ejusmodi pugnam conceperint, &c. De qua vid. Concilium Trident. Sess. 25. de reform. cap. 19. Secunda est privatio Ecclesiasticæ sepulturæ eorum, qui in tali conflictu decesserint, &c.

§. IX.

De Restitutione propter homicidium 635 & mutilationem faciendam.

Qui alterum occidit aut mutilat, duplex damnum eidem inferre solet, unum personale seu naturale, quod in vitæ aut membrorum privatione consistit; aliud temporale, cujus species seu partes præcipuæ sunt 1mo. Impensis factæ in curatione ægri. 2do. Lucrum inde cessans. 3tio. Damna, quæ patiuntur hæredes aut alii, quibus boni aliquid præstabat, aut debebat occisus.

Quæritur ergo hic, an & quo 636 modo ad hæc damna refarcienda teneatur injustus occisor. Diximus, *injustus &c.* Constat enim apud omnes, justum occisorem, eum v. g. qui ob necessariam sui defensionem alium occidit, non teneri ad restituendum, quia non peccat contra justitiam; modo non exceßerit inculpatae tutelæ moderamen; secus enim injustus occisor censetur; hinc etiam, qui potuit & debuit fugere, tamen non fugit, injustus occisor merito reputatur, quia alium sine necessitate occidit privata auctoritate; adeoque tenetur ad restitutionem.

637 Quantum ad damnum personale seu naturale probabilius videtur, quod occisor seu qui alium mutilavit, pro vita aut membro præcisè sumptis aliquid restituere debeat. Ratio est 1mo. Quia damnum omne, quantum fieri potest, compensari debet. 2do. Iustum non est, ut quis ab omni prorsus restitutione eximatur, eò quod nimium debeat, uti re vera nimium debet, qui vitam aut membrum, quæ nullo pretio redimi posse censentur, debet; sicque ille cui vita aut membrum iniuste ablatum est sit peioris conditionis, quam ille, cui fama aut fortunæ bona ablata sunt.

638 Quale autem pro vita & membro dandum sit pretium, id prudentum iudicio definiendum est. Vide quæ supra dicta sunt, ubi de restitutione bonorum ordinis superioris per bona ordinis inferioris.

639 Quantum ad damna temporalia seu realia; ea rescarcire tenetur iniustus occisor; quia unusquisque tenetur ad rescarcendam damna quæ intulit. Hinc tenetur ad restituendum hæredibus, 1mo. Expensas, quæ in occisi curatione factæ sunt. 2do. Cibos, quibus uti propter morbum coactus est, qui laesus fuerat, iis tamen deductis, quos alias consumpsisset. 3tio. Lucrum quod ex operis percepturus fuisset. Intelliguntur hic hæredes duntaxat necessarii, & quos occisus de jure necessario alere tenebatur, & alebat ex operis & quasi; non autem intelliguntur hæredes non necessarii, ut sunt fratres, nepotes, &c. quos defunctus ab hæreditate excludere potuisset; ii enim jus strictum ad hanc sustentationem non habent.

640 Probabilius etiam occisor restituere tenetur occisi creditoribus, quod pru-

denter judicari potest ab occiso restituendum fuisse. Ratio est 1mo. Quia occisor causa fuit cur creditores id non recuperaverint, quod sibi strictè debitum est, & quod aliqui recuperaturi erant. 2do. Quia creditores jus habebant, ne debitor extra restituendi potentiam constitueretur; quod jus homicida violavit. Intellige nisi occisus tantum hæredibus suis reliquerit, undè creditoribus satisfieri possit; tunc enim creditores ab hæredibus quod sibi debitum est, repetere possunt.

Occisor etiam restituere tenetur, 641 etiam si supplicium luat pro homicidio. Ratio est 1mo. Quia mors in homicida à JUDGE decernitur, non ut parti læsæ satisfiat, sed ut vindicetur illata Reipublicæ injuria, aliisque terrores incutiat. 2do. Quia fur patibulo suspensus non desinit teneri ad restituenda, quæ abstulit. Ergo a pari.

Id etiam tenet, etsi occisus mo- 642 riendo testetur se ei condonare. Ratio est 1mo. Quia condonatio simpliciter facta intelligitur quoad legem charitatis, quæ præcipit, ut diligantur inimici, non autem ut à restitutione eximantur. 2do. Quia in occisione alicujus duplex intervenit injuria: alia quidem, quæ inferitur patri occiso, & si hæc remittatur, occisor liber fiet à restituendo; alia verò, quæ inferitur filio v. g. patris occisi; hæc autem, cum sit ipsum jus filii, non potest à patre sed solum à filio condonari.

Imò etiam occisoris hæredes, in 643 ejus defectum, tenentur ad restitutionem. Sequitur ex dictis; & ulterior ratio est; quia hæredes, ut in omnia jura, sic & in onera omnia succedunt.

Etiam

644 Etiam ad restitutionem tenetur, qui v. g. Cajum occidit, quem putabat esse Titium inimicum suum. Ratio est 1mo. Quia re ipsa est injustus occisor. 2do. Quia qui ædes alicujus incendere voluit, & alterius incendit, non desinit obligari ad restituendum. Ergo à pari.

645 Is autem, qui occidit hominem paulò post ex infirmitate moriturum, vel justè à Judice occidendum, solum tenetur pro operis vel lucris cessantibus secundum breve tempus illud, quo supervicturus erat. Ratio est, quia tunc occisor non est causa nisi modici illius damni. Si verò ille, quem occidit, ab alio injustè occidendus erat; tunc ad totius restitutionem tenetur. Ratio est, quia damnum, prout injustè illatum est, totum pendet à tali occisore, qui illius damni reparandi obligationem dividere non potest cum eo, qui alioqui occisurus erat, quia is actu & de facto non fuit occisor; nec proinde ullum damnum intulit.

Similiter qui brachium amputavit alicui, qui paulò post non ex vulnere, sed alia occasione mortuus est; nisi pactum, aut Judicis sententia præcesserit, solum tenetur pro tempore, quo supervixit, non verò pro tempore mortem sequenti.

646 Probabilius etiam is, qui in Duello alterum occidit, tenetur ad restituendum tum creditoribus, tum uxori & filiis occisi, si indigent, & eos occisus ex quaestu suo alebat. Ratio est 1mo. Quia est vera & injusta causa omnium damnorum, quæ ipsi patiuntur. 2do. Quia ii jure suo nunquam cessarunt, nec illi pro ipsis renuntiare potuit, qui occisus est. 3tio. Quia ex suprà dictis patet, eos, quorum jus

per vim ab aliquo læsum fuit, posse strictam ipsius reparationem exigere. Atqui uxoris & filiorum jus per vim & injustitiam læsum est. Ergo.

Cæterum quoad æstimationem dam-
norum realium seu temporalium, quæ ex occisi morte consecuta sunt, spectanda est occisi conditio, sitne dives an pauper, juvenis an senex, doctus & ad laborem vigil, an in arte sua imperitus & segnus, innocens an propediem morti addicendus, sanus an morbo ad interitum vergente oppressus. Deinde attendendum id, quod est in spe ei, quod est in re, non æquipollere. Videndum etiam, an non solet tantum consumere, quantum lucrabatur, an non ex eorum numero foret, qui familiam suam ad Xenodochium trahunt, &c.

§. X.

De injuria per stuprum & similes 648

actus illata, nec non de ejus reparatione.

Septem vulgò numerantur luxuriæ species, nempe *fornicatio simplex*, quæ est copula carnalis solati cum soluta; *stuprum*, seu defloratio virginis invitæ; *adulterium*, sive illicitus concubitus conjugatorum, vel utriusque, vel alterutrius; *raptus*, seu violenta abductio personæ renitentis, explendæ libidinis causâ; *incestus*, seu copula carnalis consanguineorum vel affinium intra gradus prohibitos; *Sacrilegium*, seu commercium carnale personæ Deo sacræ; ac demum *peccatum contra naturam*. Hæ luxuriæ species totidem sunt immania & mortalia peccata (†).

cata (†). Sed quia non omne peccatum proximo injuriam infert, idcirco de iis solum impudicitiae speciebus loquimur, quae restitutionis obligationem pariunt. Et quidem

I.

649 De commercio carnali soluti cum soluta.

1mo. Is quis sine vi, fraude, dolo, vel promissione aliqua, sed ex libero virginis consensu, turpem corporis ejus usum obtinuit, nihil ei debet in foro conscientiae. Ratio est, quia scienti, consentienti, & jure suo ultro cedenti non fit injuria. Porro puella jure suo cedere potest, si non quoad claustrum virginale, saltem quoad reparationem damni.

Diximus in foro conscientiae &c. Nam in foro fori seu exteriori talis corruptor ad dotandam virginem condemnari solet, quia praesumitur virginem decessisse & seduxisse, nisi contrarium probet.

Probabile videtur, quod talis corruptor, etsi ex iustitia nihil debeat in foro poli seu conscientiae, tamen si dives sit, ex charitate saltem teneatur virginem desolatam pauperem dotare; quia ut plurimum virgines pauperes in sui desolationem non consentiunt, nisi sub spe dotis; quod in praxi videtur sequendum.

Diximus etiam nihil ei debet. Nam etsi corruptor nihil restituere teneatur ex iustitia, tamen parentibus ejus te-

netur reparare damnum, quod eis intulit corrumpendo eorum filiam sub ipsorum potestate adhuc positam.

Porro tenetur mulier alere prolem 650 à partu usque ad tertium annum. Ab anno tertio & deinceps ipse corruptor, donec proles possit sibi providere: imò ab ipso partu, si mater non possit, vel ipse ad id se obligaverit. Si verò duo eandem foeminam cognoverint, & dubitetur uter sit pater, uterque tenetur aequaliter hoc onus sustinere, cum aequale sit de utroque dubium, & uterque posuerit actionem per se generativam. Quodsi hospitali expolita fuit proles, debent parentes eidem hospitali restituere impensas: nam hospitali solum fundatum est pro pauperibus gratis alendis, non pro aliis, nisi ipsorum sumptibus. Ita communior & tutior sententia.

Si autem corruptor garrulitate sua causa sit, cur puella ab ipso corrupta diffametur, tenetur ad restitutionem pecuniariam. Ratio est, quia hac iniqua diffamatione, causa est damni, quod patitur puella in ordine ad statum susceptionem.

2do. Qui vi, fraude, vel falsis 651 persuasionibus virginem vitavit absque promissione matrimonii tenetur compensare omnia damna virgini, & ejus parentibus inde obvenientia: quia est illorum causa per injuriam. Ergo tenetur ea rescire pecuniâ, vel eam ducere, si aliter rescire nequeat. In foro autem externo in poenam obligatur ad eam dotandam, & ducendam, licet nuptias non promiserit, ex cap. 1.

De

(†) In Concilio Generali Viennensi sub Clemente V. Papa an. 1311. celebrato damnati fuerunt Beguardi & Beguinae, qui inter alios errores tuebantur simplicem fornicationem non esse peccatum mortale.

De adulter. Preces autem importune consentitur etiam vis quadam & seductio, præsertim si proficiantur ab eo, à quo puella pendet, & erga quem necti reverentia afficitur, timetque, ne quid mali ab ipso patiat, nisi consentiat.

Etsi puellæ ejusque parentibus ex ipsius defloratione nulla obvenerint damna; ut quia res mansit occulta, & ipsa æquè commodis potita est nuptiis; tamen, juxta probabiliorem sententiam, corruptor adhuc pro solo damno virginitatis injustè tenetur facere compensationem pecuniariam, vel aliam arbitrio boni viri: quia nempe damnum irreparabile in bono superioris ordinis compensandum est per bona inferioris ordinis, prout suprà dictum est. Quod si jam nupta damnum aliquod patiat, quia res v. g. innouit marito, atque ob id durius & deterius ab eo ipsa accipitur, &c. certum est corruptorem teneri hæc damna rescire, cum ex injuria, quam intulit per puellæ corruptionem, sequantur.

652 3tio. Qui Virginem, sub promissione matrimonii sive verâ sive fictâ, corripit, tenetur eam ducere. Ratio 1ma. partis est; quia hæc promissio fuit verus contractus onerosus, sub conditione, quæ fuit impleta ab una parte. Ergo altera tenetur illum ex sua parte complere, cum id licitè præstare possit. Ratio 2da. partis est 1mo. Quia qui exigit aliquid ab alio per fictam promissionem, injustè decipit, & facit injuriam, violando jus, quod quisque habet, ne per deceptionem aliquid ab eo exigatur: ac proinde deceptor tenetur injustam deceptionem ac injuriam tollere eliciendo verum consensum, atque, illo mediante, veram promissionem facere, & tactam

P. Cartier Theol. Tom. III.

præstare: Et verò aliqui infinitis fraudibus commercia humana paterent, & in illis esset inæqualitas. 2do. Quia nemini, ut jura loquuntur, fraus sua & dolus patrocinari debent. Atqui patrocinarentur, si falsus animus tolleretur obligationem puellam ita corruptam iudicem præstandi. Ergo qui fidè matrimonium promissit, non satisfacit pecuniam dando, si ipsa non consentiat; nam ipsa non consensit in copulam, nisi ut seductori nuberet. Nec huic licet ingredi Religionem: quia non potest nisi matrimonio injuriam rescire, ad quod ex justitia tenetur.

Excipiuntur tamen aliqui casus, 653 quibus corruptor non tenetur corruptam ducere, sive fidè sive verè id promiserit. 1mo. Si præsumatur, puellam deceptam non fuisse, sed temerè & insipienter matrimonii contrahendi spein concepis, quod præsertim contingit, cum magna est conditionum disparitas, ut si vir dives sit & nobilis, femina verò vilis & inops. 2do. Idem dicendum, si puella ex nimis exaggerationibus, inconstantia & ambiguitate verborum satis animadvertere potuerit promissionem fictam esse. 3tio. Si puella deinceps cum alio fornicetur, cum per hoc etiam sponsalia dirimantur. 4to. Si se virginem mentita fuerit, & jam corrupta fuisse deprehendatur; hoc enim casu non tam decepta est, quàm deceptor. Si tamen, qui cum ea rem habuit, aliunde jam novisset, se cum non virgine rem habere, tenebitur ad eam ducendam sive verè, sive fictè promiserit; quia re ipsa deceptus non est, & mulier ex parte sua contractum implevit.

II.

654 De adulterino carnali commercio.

1mo. Si ex adulterio proles secuta non sit, tunc adulter ad nullam restitutionem tenetur • tùm quia per adulterium præcisè non inferitur damnum, sed solum injuria, pro qua, si tamen publica sit, non tam debetur restitutio, quàm satisfactio; tùm quia ex *Leg. Transfigere. Cod. De transactionibus*, transigere vel pacisci pro adulterio prohibitum est, ne videatur maritus uxoris lenocinium facere.

655 Si autem ex adulterio certò moraliter proles secuta sit, ut si eo tempore maritus abfuerit, ægerve fuerit, ad matrimonium impotens, &c. debet 1mo. ali, aut restitutio fieri Hospitali, si ibi nutrita fuerit, juxta id, quod hac de re paulò ante de commercio carnali soluti cum soluta num. 610. diximus. 2do. Adulter debet pro parte sua compensare damnum, quod legitimi hæredes patiantur ex suppositione infantis spurii. Ratio est, quia adulter vera est hujus damni causa.

* Quòd si adulter sit in dubio an proles sua sit, ipse pro rata parte dubii ad restituendum teneri videtur. Ratio est 1mo. Quia iniquum videtur, ut in casu dubii, debeat unus, isque innocens, totum onus subire, dum alter, & quidem reus, ab eo planè immunis est. Atqui maritus innocens totum subiret onus alendæ prolis, quæ fortè sua non est, dum adulter pessimus nihil contribueret ad alendam eandem prolem, quæ fortè sua est. 2do. Adulter causa est, cur maritus filio incerto præbeat alimenta ut certo. Atqui nocumentum ex hac incertitudine

creatum est pretiò æstimabile. Ergo adulter, qui hujus nocumenti causa est, idem reparare debet. 3tio. Ille ad damni reparationem tenetur, contra quem est ejusdem damni præsumptio. Atqui contra adulterum est præsumptio damni; ubi enim constat de actione per se sufficienter damnificativa, ibi contra actionis hujus auctorem est præsumptio; unde ut à restitutione immunis sit, probare debet damnum ex actione sua non evenisse. Atqui adulter actionem de se damnificativam posuit, & non probat, ut supponimus, damnum ex hac actione sua secutum non esse. Ergo restituere debet tantò plus, quantò minus probat se damni causam non esse.

Adultera verò tenetur ad reparandam 656
da, quantum fieri potest, damna, quæ ex crimine ejus in maritum legitimosque filios derivantur. Hoc autem efficere potest, plus ex propriis bonis, si quæ habeat, legitimis filiis, quàm spurio, relinquendo. Si verò paraphernalia bona non possideat; cautè & prudenter persuadere conabitur patri putativo, ut legitimos filios pluribus instruat bonis quàm illegitimum. Item animum filii ad amplectendum Religionis statum flectere nitetur: si tamen idoneus sit, & divinæ vocationis signa præ se ferat. Denique rem domesticam majori quàm aliàs diligentia tractabit, de solitis corporis & vestium sumptibus detrahet, quantum status & valetudo permittent, &c. Nunquam tamen, generaliter loquendo, etsi his & similibus modis damna hæc compensare non valeat, crimen suum prodere tenetur. Ratio est 1mo. Quia vel illud revelaret marito, vel filio spurio. Atqui nec marito, nec filio illud revelare tenetur; tùm quia revelatio hæc fieri non potest sine magna mulie-

mulieris infamia, tùm quia eadem revelatio gravium malorum radix esse potest, ut quæ mulierem mortis periculo exponat, & maritum periculo uxoricidii, aut odii saltem perpetui; tùm denique quia filius matri non credet, nec fortè credere tenetur; aut si credat, vix probabile est, quòd ita perfectus sit, ut propter solum justitiæ amorem renuntiet hereditati, quam in exteriori foro retinere tutò potest. *ado.* Quia non est restituendi obligatio, cùm ille, qui debet, est in impotentia morali, ille verò cui debetur, non est rationabiliter invitus. Atqui mulier, quæ aliter satisfacere nequit, quàm immane crimen suum detegendo, est in impotentia morali, &c. Ergo. Undè *cap. 9. De penitentia* Innocentius III. decernit in tribunali penitentis absolvere mulierem, quæ ignorante marito ex adulterio prolem suscepit, idque marito suo detegere non audebat. Atqui si mulier teneretur ad detegendum crimen adulterii sui, jam absolutionis capax non esset. Ergo.

Hæc resolutio tamen limitatur imò. Cùm adultera jam antea famam suam publicè perdidit, quia tunc ex ipsa sua declaratione grave incommodum non patitur. Si tamen vel gravia inde mala sibi vereretur, vel prævideret sibi non credendum, rem pandere non teneretur. *ado.* Cùm agitur de bono communitali, ut si filius spurius regno succedere deberet, in magnum Reipublicæ damnum ob perditos illius mores, indolem pessimam, hæreses disseminandæ desiderium: tunc enim mulier, si legitime speraret impedienda esse per adulterii sui manifestationem hæc mala, teneretur illud manifestare, non solum cum periculo famæ, sed etiam ipsius vitæ, quia bonum publicum privato semper est anteponendum.

Si verò simpliciter ageretur de continuanda in legitimis hæredibus Regni successione, non obligaretur semetipsam mortis periculo exponere. *3tio.* Si mulier prudenter judicet spurium, utpote virum frugi, sibi fidem habiturum esse (quod tamen rarissimè præsumi potest) tunc enim infamia nocentis apud unum aut alterum minus habet incommodi, quàm gravissima innocentium damna.

At verò an filius teneatur credere? *677.* matri, quæ asserit eum illegitimum esse; non conveniunt Theologi; dicunt aliqui filium non teneri credere matri etiam juranti, nisi manifestis argumentis id probet, ut si demonstret patrem ante & post conceptionis tempus abfuisse. Quia, inquit, nemo unius, quamvis non suspecti, hominis testimonio credere tenetur in sui præjudicium; præsertim cùm testis ille turpitudinem suam allegat. Alii tamen docent, & quidem probabiliter, in hoc casu matri esse credendum, si probæ sit fidei, præsertim rectæ conscientie, & rem juramentò confirmet, in articulo mortis. Et certè quid vetat, ne turpitudinem alleganti habeatur fides, quando certum est eam nec ex odio, nec ex personarum acceptione loqui?

Porro hanc agendi rationem, quæ *678.* mater quæ ex filiis unum ex adulterio suscepit, illos omnes convocans declarat, unum ex illis esse illegitimum, queritque ab ipsis num velint, ut ipsa eum denominet, vel ut innominatus cum ipsis hæreditatem partiatur? iniquam reputamus, imò. Quia omnibus metum gravem injustè incurit, efficitque, ut omnes renuntient parti hæreditatis sibi certò debita. *ado.* Quia per eam proles legitima illegitimitatis suspicioni exponitur; facili enim continget,

tinget, ut qui spurius non est, ob certa oris & vultus lineamenta pro spurio habeatur.

659

CAPUT III.

De injuriis contra famam & honorem, earumque reparatione.

OCravum Decalogi præceptum, *Non falsum testimonium dices*, latius patet, quam verba præ se ferant: eo enim prohibetur non solum quidquid mali de proximo dici potest in judicio & extra judicium, quo pertinent Detractio, calumnia, contumelia, suffragatio; sed etiam judicium temerarium, item suspicio ac dubitatio temeraria, ac denique omne mendacium, illud præsertim, quod proximo nocet, ejusque famam & honorem lædit. Est autem fama, bona opinio sive existimatio de alicujus excellentia, quæ opinio efficit, ut habeatur pro bono vel absolute, vel relative, puta in ordine ad scientiam, scientiam, artes, &c. Honor verò est testificatio excellentiæ alterius, facta per externam reverentiæ aut submissionis exhibitionem. Hinc patet discrimen famam inter & honorem in eo situm esse, quod fama in interiori judicio posita sit, honor verò in exteriori estimationis signo consistat.

Quod autem fama & honor per detractorem aliaque vitia mox enumerata violentur, patet ex nudis eorum definitionibus, & infra amplius declarabitur.

660 Detractio definitur Injusta alterius famæ in ipsius absentia læsio, vel ademptio. Contumelia est alieni honoris injusta & aperta læsio seu ablatio;

estque peccatum Detractione gravior, ut quæ coram & in facie fiat, sicuti rapina est peior furto, ideoque in confessione exprimi debet. Calumnia est falsi criminis, vel defectus impositio; atque sub Detractione velut species sub genere continetur: Detractio enim octo modis fieri potest, ut docet S. Thomas: 1mo. Falsum crimen aut defectum imponendo. 2do. Amplificando illud quod verum est. 3tio. Occultum detegendo. 4to. Sinistrè interpretando, quod rectè ab alio gestum est. 5to. Negando aliquem certis quibusdam dotibus frui, rective aut boni quidpiam fecisse. 6to. Dotes illas aut bona imminuendo. 7mo. Taciendo iis in circumstantiis, in quibus silentium pro vituperio habetur. 8vo. Adeo frigide laudando, ut faciliè alii sentiant eum, quem laudas, parum laude dignum tibi videri. Hos detrahendi modos, quorum priores quatuor sunt directi, posteriores verò indirecti sequentibus verbis exprimuntur:

Imponens, augens, manifestans, in mala vertens,

Qui negat aut minuit, reticet, laudative renitit.

Suffragatio ad Detractionem quoque reducitur, estque alienæ famæ occulta læsio.

Judicium temerarium est mentis a-661
sensu sine sufficienti fundamento circa rem aliquam præstitus, qui, si sit cum formidine oppositi, dicitur opinio; Si sine tali formidine, est & vocatur judicium firmum.

Dubitatio temeraria pariter est suspensio animi assensum inter & dissensum sine sufficienti fundamento.

Suspi-

Suspicio est etiam inclinatio & pro-
pensio mentis ad assentiendum uni par-
ti sine sufficienti causâ, ita tamen ut
mens nondum plene & absolute assentia-
tur. De mendacio supra cap. 4. jam
sufficienter e. inus ; de reliquis ergo
contra famam & honorem proximi
injuriis sequentibus paragraphis tracta-
bimus.

§. I.

An & qualia, & quando Detra-
ctio, calumniâ, & contumelia, sint
peccata?

662

CONCLUSIO

Hæc tria sunt ex genere suo pecca-
ta mortalia contra justitiam.

Prob. 1mo. ex S. Scripturâ. Prov. 24.
vers. 9. *Abominatio hominum detractor.*
Eccli. 10. vers. 11. *Si mordet serpens
in occulto, nihil minus eo habet, qui
detrahit.* Rom. 1. vers. 30. *Detracto-
res & contumeliosi dicuntur digni mor-
te.* Et 1. Cor. 6. *Neque fures . . .
neque maledici regnum Dei possidebunt.*

Prob. 2do. ex SS. Patribus. Pro
omnibus sit Sancti Hieronymus, qui in
Psal. 100. docet Detractionem esse for-
nicatione pejorem, quia, inquit, *qui
fornicatur, se tantum occidit: ille au-
tem, qui detrahit, & se & illum,
qui audit, demergit.* Addit in Psal. 38.
illud peccatum longè gravius esse, cum
virum justum aggreditur, *Qui detra-
bit justis, inquit, diabolus est.* Et in
Psal. 149. *Non putent Monachi, in-
quit, se debere esse securos, dicen-
tes: grandia crimina non facimus in
Monasterio; non adulteror, non fur-
tum facio, non homicidium . . .
grande scelus est, quando detrahis fra-*

*tri tuo; linguâ tuâ fratrem tuum in-
terficias.*

Prob. 3tio. Ratione. Quod prox-
imum in fama & honore iniquè lædit,
grande crimen censeri debet, justitiæ-
que simul & charitati contrarium. At-
qui detractio in fama, contumelia ve-
rò in honore proximum iniquè lædit,
adeoque eum spoliât bonis, quæ divi-
tiis longè præstant, juxta illud Prov.
22. *Melius est bonum nomen, quàm di-
vitia multa.* Ergo.

Atque hæc intelligenda sunt non 663
solum de ea detractioe, quæ ex ma-
lo animo procedit, sed de ea etiam,
quæ ex loquacitate & levitate animi
oritur, absque intentione lædendi proxi-
mum: hæc enim detractio est injusta læsio
famæ proximi; tum quia indirectè sal-
tem est voluntaria, cum voluntaria dican-
tur ea, ex quibus per se sequitur læsio fa-
mæ alienæ; tum quia jus habet pro-
ximus, ne quis sive ex loquaci pruri-
gine, sive ex alio motivo ea afferat &
jacet, quæ nata sunt famam ejus im-
minuere.

Diximus in conclusione ex genere 664
suo. Nam possunt esse veniale pecca-
tum, 1mo. Ob defectum sufficientis ad-
vertentis. 2do. Ob materiam levita-
tem, ut si narretur levis aliqua al-
terius imperfectio. Imò docet Sancti
Thomas quest. 72. art. 2. ad 3. posse
aliquem disciplinæ causâ alteri, quem
debet corrigere, verbum aliquod con-
victiosum dicere: & hoc modo, ait,
*Dominus Discipulos vocavit stultos: &
Apostolos Galatas insensatos.* Hinc ex-
cusari possunt parentes & Domini, qui
erga filios & famulos verbis quibusdam
contumeliosis utuntur: his tamen ablin-
dere satius est, utpotè quæ frequenter
lædunt, & rarò emendant.

Qq 99 7

Igitur

665 Igitur Detraçtio & contumelia sunt culpa mortalis, quoties sine iusta causa graviter lãdatur fama vel honor proximi, licet absque animo graviter lædendi: nam peccatum mortale est damnum notabile sine iusta causa inferre proximo. Venialis verò, si non graviter lædatur; nam levitas damni excusat à mortali: nisi fiat ex intentione graviter nocendi, vel prævideatur gravem dolorem concitatura proximo.

666 Graviter autem vel leviter lædatur fama vel honor pro gravitate vel levitate materiæ, spectatis omnibus circumstantiis, præsertim personæ læsæ: nam gravitas vel levitas materiæ hinc præcipue spectanda est relatè ad personam læsam & ejus famam: fieri enim potest, ut, quod respectu unius est materia levis, sit gravis respectu alterius, si sit persona magnæ auctoritatis & famæ valde integræ, aut quæ obligetur ad majorem vitæ sanctitatem: ut si de puero vel vili famulo dicas, quòd sæpè mentiatur, censetur leve; ac si hoc dicas de Episcopo, Sacerdote, Religioso bonæ famæ, vel Laico honorato, est grave: nam per hoc graviter lãdatur fama illorum, cum ii, qui mentiri consueverunt, despici soleant, præsertim si ex statu, munere, officio, cæteris virtute præstare debeant.

667 Contumelia etiam in se levis potest esse gravis respectu personæ, cui infertur, ut si sit Superior, Pater, &c. Imò semper mortalis est, quoties fit ex animo graviter dedecorandi vel contristandi proximum; nam sola voluntas gravis mali proximo creandi sine iusta causa est mortalis. E contrà si convicium absolute ac in se grave sit, sed propter vilem personarum conditionem,

aut patrium loquendi morem, grave esse non censetur, veniale esse docent multi, qui mortalis peccati non damnant pueros, mulierculas, ac viros intimæ sortis, cum certis convitiis ac contumeliis apud plebejos usitatis se laceffunt: quia honor vilium personarum his injuriis graviter lædi non censetur, nec his fides adhibetur. Excipe nisi sit intentio graviter lædendi vel contristandi, nam hæc mortalis est.

Hinc imò. mortaliter peccat, qui 668 detrahit eum animo notabiliter lædendi famam proximi, vel absque tali animo eam notabiliter lædit, aut dat causam talis læsionis, advertens, vel advertere debens probabiliter ex suo dicto vel facto tale damnum inferri.

2do. Narratio defectus venialis est 669 plerumque solum venialis; quia non solet graviter lædere famam proximi; cum etiam iusti sine culpa veniali non vivant, *in multis enim offendimus omnes.* Jacob. 3. Est tamen mortale dicere de quibusdam personis in munere vel statu majorem perfectionem exigitè constitutis, v. g. Episcopò, Religioso, &c. quod habeat consuetudinem alicujus peccati venialis, v. g. quòd sæpè plus iustò bibat, sit vanus, &c. Nam in talibus id censetur magni momenti, & eorum fama multum inde minuitur, & ideò despicuntur.

3tio. Quamvis referre aut expro- 670 brare defectus naturales & involuntarios, ut ingenii, corporis, fortunæ, solum veniale esse possit, cum hi defectus non sint culpabiles, tamen mortale est, si fama vel honor inde graviter lædatur, vel si proximus graviter sit contemnendus, viliorque apud alios reddatur; ut si de viro honorato di-

cas ejus patrem suspensio occubuisse, tristem fuisse damnatum; vel occultum natalium defectum narres, aut eundem ei per modum convicti in faciem exprobes: hæc enim, quia gravem mærorem creant, mortalem culpam important: nam mortale peccatum est sine justa causa proximum graviter contristare, vel grave damnum ei inferre.

671 4to. Detrahitio, quæ generalibus nominibus vitiorum tam mortalia quam venialia comprehenduntur fit; ut si dicas aliquem esse avarum, iracundum, &c. mortalis est, quando cum damno notabili aut magno ejus periculo fit, aut coram talibus, qui probabiliter existimari possunt non levis sed gravis peccati ideam concepturi; quia tunc fama proximi graviter læditur, aut saltem, ne lædatur, grave est periculum. Aliter dicendum si audientes moneantur de levibus culpis, aut de sola animi propensione duntaxat sermonem esse.

672 5to. Peccant etiam mortaliter, qui licet generalibus utantur verbis, magni tamen sceleris suspicionem & ideam apud auditores excitant: ut si dicant, se de tali homine aliquid scire, quod de eo nemo facile suspicetur; aut se ei quædam exprobrare posse, quibus pudore suffundatur; aut se de eo quædam esse revelaturos, nisi ea æternò premi silentiò charitas juberet: hæc enim ambigua & generalis detrahendi ratio plius vulgò nocere solet, quam si singulares alicujus defectus exprimerentur.

673 6to. Multi docent, quòd, quando ratione conditionis personæ peccatum

aliquid mortale non censetur notabiliter lædere famam, illius revelatio non sit mortalis: ut si de milite narres, eum duellum commississe; vel referas ea delicta de personis, quas scis se de illis publicè jactare.

7mo. Irrisio, (u) quæ est species contumeliæ, mortalis est, quoties fit ex animo graviter confundendi proximum, vel exprobratur sine justa causa grave peccatum, aut defectus infamis, vel derisus graviter contristatur, aut contemnitur: nam ei grave malum infertur sine justa causa.

8vo. Detegere crimen verum sed occultum alicujus est peccatum mortale, siue persona, quæ illud perpetravit nominetur, siue solum communitas, ex qua illa persona est, quando Communitas inde gravem infamiam passura est, ut Monasterium, Capitulum, &c.

Ratio 1mæ. partis habetur ex dictis suprà in Conclusionè; quia crimen occultum in foro externo & apud homines, qui illud ignorant pro nullo censetur, atque per illius manifestationem gravis injuria, nempe famæ illius violatio, ei infertur, & irreparabile velut damnum creatur. Ratio 2dx. partis est; quia gravis infamia illi Communitati injustè infertur; enimverò quamvis Congregatio Regularium re ipsa non maculetur ex unius hominis nequitia, sicut nec Apostolorum Collegium ex scelere Judæ; maculatur tamen ejus fama apud homines præsertim simplices & imperfectos.

A fortiori peccat mortaliter, quod de aliqua Communitate in genere detrahit, v. g. si dicat de aliqua Communitate Religio-

(u) Irrisio est actio, qua factum alicujus seu ipsemet ad ridiculum trahitur aliorumque derisui exponitur.

Religiosa, nullam ibi esse disciplinam, aut de Civitate, eam esse plenam adulteris, usurariis, &c. nisi hac infamia sit publica ubi hoc dicit.

- 677 2^{no}. Sufurratio seu detractio in re gravi apud unicum personam & sub secreto, licet putetur non revelatura, est peccatum mortale. Ratio est, quia tunc injuste inferitur proximo grave damnum ablatione bonæ exultationis apud alium; atque diffamatio apud unicum per se gravem molestiam & dolorem creat, ut vel patet ex difficultate, quam ordinariè homo habet in aperiendo crimine suo soli Confessori, etsi sciat, hoc sibi salutare esse. Unde vix invenitur vir honestus, qui naturaliter non ferat molestius bonæ famæ amissionem apud unum virum gravem, quam jacturam summæ notabilis pecuniæ.

§. II.

- 678 *Quinam obnoxii sint restitutioni famæ.*

Imo. Dubium non est, quin Detractor teneatur ad famæ restitutionem; utpotè qui præcipuus sit injustitiæ auctor. Ratio est; quia jactura boni cuiuslibet, atque præcipue ejus, quod inter alia est præstantius, resciri debet; nam non dimittitur peccatum, nisi restituatur ablatum. Atqui per detractio- nem facit homo jacturam boni, ejusque inter alios præstantissimi. Ergo Detractor, qui bonum istud injuste abstulit, illud rescirc & restituere tenetur.

- Atque hæc obligatio urget imo. Quamvis quis non nisi ex ignorantia detraxerit, puta si occultum alterius crimen revelaverit, quia illud publicum esse putabat; aut si illud denuo narratum exultimavit, ac deinceps narravit, cum narraretur de alio. Ratio est imo. Quia

justitia obligat quemlibet ad impediendum, ne ex actione sua, etiam inculpabili, alteri damnum creetur, cum illud impedire potest. Hinc qui ignoranter alienæ domui vel legeti ignem applicuit, eum, statim ac animadvertit, extinguere debet. Atqui infamia tanquam ignis grassatur, viresque acquirit cundo. Ergo. 2^{do}. Quia etsi talis detractor ab initio non fuerit injusta alicui damni causa, incipit tamen injusta causa fieri, dum malam opinionem, quam injecit, & evellere potest, in alterius mente relinquit. Atqui quilibet tenetur omni ope efficere, ut injusta damni alicui causa non sit. Ergo. Excipe tamen, si diffamatus damnum jam passus sit, antequam Detractor ignorans errorem suum agnovisset; nam tunc hic restituere seu rescirc ablatam famam non tenetur; quia sic voluntaria ejus diffamationis causa confecti non potest. Excipiunt etiam aliqui; si quis verum crimen de aliquo dicat, alii verò (quod ipse ex sua locutione minimè prævidere potuit) qui audiunt, de alio dici putent, & de isto ulterius divulgent: Quia, ajunt, eo casu talis non est vera hujus damni causa, sed mala aliorum intelligentia, ejus occasio duntaxat ipse fuit. Melius tamen sentire videntur, qui docent talem non modò ex charitate, quod alii ultro concedunt, sed ex justitia teneri ad rescircendam famam diffamati. Ratio est; quia justitia quemlibet obligat ad efficiendum, ne ex actione sua alias damnum sine justa causa recipiat.

Urget 2^{do}. eadem obligatio reparan-
680
dæ proximi famæ etiam cum proprio famæ periculo; quia in pari periculo potior est conditio innocentis. Imò urget cum periculo vitæ propriæ, si ex infamia imminet innocenti periculum vitæ,

vitzæ, aut perniciæ, vel grave bellum Reipublicæ, quia damna, quæ tunc pateretur infamatus æquivalent, aut etiam præstant damno vitzæ infamatoris. Si tamen aliquis propriam revelans malitiam non esset innocentem liberaturus, tacere deberet; quia nemo tenetur ad onus inutile cum proprio gravi incommodo.

681 Urget 3tio. eadem obligatio, etiam si occultum crimen uni tantum viro probato ac taciturno detegatur; ex rationibus passim allegatis, & præcipuè supra §. 1. num. 9.

682 Urget 4to. Etiam cum defunctis detrahatur. Ratio est 1mo. Quia mortui, ut justè honorari possunt, sic & iniquè diffamari. 2do. Quia mortui ratione prioris suæ voluntatis, quæ juris & dominii fundamentum est, jus habent, ut fama, quam vivi habuerunt, superstes maneat.

683 Urget 5to. Si crimen sola facti vel famæ publicitate alicubi notorium in eo loco reveletur, quò fama illud perlatura non erat. Ratio est, quia tunc peccatur etiam contra justitiam, quando jus alterius sine causa violatur. Sed qui revelat crimen alterius in casu proposito, jus alterius violat sine causa; habet enim alter jus ad famam suam pro loco, in quo non est infamatus, cum eo jure nec per Judicis sententiam privatus sit, nec per naturam facti sui: Infamia enim facti non tollit jus ad famam, nisi quantum exigit notorietas facti. Atqui notorietas facti in uno loco non exigit, ut idem factum ubique divulgetur sine causa, ut hic nullam subesse supponimus. Ergo. Et certè, an non iniquum est, ut qui, amissa in uno loco famà, in alium se transfert, ut ibi piè & inculpate vi-

vat, de crimine, quod imprudens admisit, turpiter infametur, & vel infamis, vel exul vivere cogatur?

Urget 6to. Cum infamatus de uno crimine infamatur de alio occulto, quod isti annexum non est. Item cum crimen olim solà famà publicum, sed obligatione, vel conversatione sancta, bonisque moribus deletum, nescientibus narratur, aliisque in memoriam revocatur. Ratio 1mæ. partis est, quòd, qui famà excidit quoad unum crimen publicum, eandem conservet quoad alia, quæ sunt occulta. Ergo qui hæc revelat, eidem injuriam facit. Hinc graviter peccat, & ad restitutionem famæ tenetur, qui scienti mulierem adulterium cum Titio perpetrasse, narrat eandem similis cum Caio criminis, quod occultum erat, ream se constituisse: relapsus enim multum auget infamiam. Sed si crimen aliud cum alio connexum sit, non peccatur; ut si de homine publice ebrioso dicas, eum cum uxore rixari, pueros non alere, ut par est. Ratio 2dæ. partis est, quòd vel tempore, vel piis moribus res ad eum reducat, in quo erat, antequam publica foret. Atqui antequam publica foret, peccasset, qui eam revelasset sine causa. Ergo & cum priorem occultæ rei naturam induit, peccat, qui eam manifestat, ut peccasset, si eam, antequam publica foret, manifestam fecisset.

Urget 7mo. hæc reparandæ proximæ famæ obligatio, si quis crimen alicujus, ob quod quidem per Judicis sententiam non propriè publicam, sed juxta Judicis intentionem pro particulari duntaxat aliquorum noticia latam, damnatus & punitus est, qualis est sententia, quæ adversus Religiosum in Communicare fertur. extra Monasterium vel Collegium propalet; quia re ipsa Religioni nocet,

R r r

&

& hominem infamat coram iis, ante quos ne infametur jus habet. Secus dicendum de eo, qui juridicè per sententiam publicam infamatum in uno loco, infamat in alio, ubi crimen ejus ignoratur; quia reus per hanc Judicis sententiam omni in famam suam jure privatur pro omni loco: Judex enim jus habet & simul intentionem reum, quem publicè condemnat, famā spoliandi, sicut & cum vitā spoliare potest; ut nempe ceteris exemplo sit & terrori. Attamen talis infamans peccat graviter contra charitatem & primum illius principium, quod vetat, ne quis alteri faciat, quod sibi factum doleret: at verò quis velit, ut sibi auferatur fama, ad quam quidem jus non habet, sed quam sine dolo & fraude possidet; Excipe tamen, nisi sententia adversus reum in uno loco publicata, brevi esset in alio loco publicanda, sive per Judicem, sive per communem famam; quia sive paulò citius, sive paulò tardius fama destruat, parvi admodum est momenti, juxta communem hominum æstimandi morem; nisi ex anticipatione illa gravia damna infamato consequantur in officiis, bonis, &c.

- 686 Urget 8vo. Si sententia saltem materialiter injusta cognoscatur, quatenus hominem damnat ut criminis reum, quod ab eo admissum non esse cognoscitur; quia in hoc casu infamatur innocens, qui ex ipsa innocentia sua jus ad famam & nominis integritatem semper conservat.

- 687 Urget denique 9no. Si crimen revelatur, quod quidem jam confessum est, aut à testibus convictum, sed si nondum secuta sit Judicis sententia; quia revelatur crimen, quod, licet in ordine ad Judicem occultum non sit, in ordine tamen ad populum esse debet oc-

cultum. Et certè hujusmodi convictus vel confessus necdum famā suā per Judicem privatus est. Non tamen peccabitur, saltem graviter, si vel reus publicā, ut contingere solet, in loco, ubi crimen admisit, infamiā laboreat; vel Judicis sententia brevi post revelationem hanc tempore secutura certissimè cognoscatur.

IIIdo. Hæres tenetur ad restitutionem 688 damnorum, quæ ab eo, cujus est hæres, illata sunt proximo per detractiōnem. Ratio est; quia tale onus est reale. Ergo cum aliis oneribus sicut & commodis ad hæredem transire debet. Sed non tenetur retractare ea, quæ dixit infamator; quia hæc obligatio est personalis.

IIIIdo. Qui ita audit detrahentem, ut 689 fiat detractiōnis causa, putā hortando, incitando alium ad detractiōnem, significando sermonē detractoris sibi arridere; item interrogando, ut stimulos addat, peccat & contra charitatem & contra justitiam, unde idem contrahit restituendi onus, quod ipse detractor. Ratio est; quia tunc alium inducit ad peccandum, & iniquæ ejus actionis causa est, aut ei, saltem moraliter, cooperatur. Ergo non minus peccat, quā detrahens, imò *quandoque magis*, inquit S. Thomas hic q. 73. a. 4. *unde Bernardus dicit: detrabere, aut detrahentem audire, quid horum sit damnable, non facile dixerim.*

Quod si auditor interiùs de detractiōne 690 gaudeat, exteriùs tamen non significet eam sibi placere, adeoque ei sufficienter non cooperetur, quod rarum est, non tenetur ad restituendum; quia non est damni causa. Peccat tamen mortaliter contra charitatem, quia qui proximi damnum sine suo gravi incommodo repellere potest, peccat, si id non repellat.

pellat. Imò eo sensu peccat contra Justitiam, quòd gaudeat de actu injusto, tamen, ut supponimus, in eum non influat. Eodem modo peccat, qui, quam novit, calumniæ falsitatem, non aperit & probat, quantum potest.

- 691 Porro detractoribus tunc tantum resisti debet, cum id utiliter fieri posse prudenter judicatur, cavendumque, ne detractor potius inflammetur, quam coërceatur. Sed si resistere aperte nequeas, vel discedendum est, vel sermo aliò est convertendus, vel tristioris vultus specie ostendendum, te iniquitatis participem fieri nolle. Nam *ventus aquilo dissipat pluvias, & facies tristis linguam detrahentem.* Prov. 25.

At, proh dolor! Detractionis vitium nostris temporibus adeò commune est, ut, sicut pauci sunt, qui huic vitio detractionis renuntiant, juxta S. Hieronymum epist. ad Celant. ita pauci sint, qui benigniorem detractoribus aurem commodando animam suam non coinquant. Si cui tamen non placeant peccatum; sed ex timore vel negligentia, vel etiam verecundia quadam omittat repellere detractorem, peccat quidem, sed multò minus, quam detrahens, & plerumque venialiter, ait S. Thomas 2. 2. q. 73. a. 4.

- 692 IVto. Superiores, quales sunt Patres, Domini, Prælati regulares & sæculares, si Communicatem, aut aliquod ejus membrum, vel ab extraneis, vel à subditis suis infamari videant, & non obest, peccant contra justitiam, & in detractoris locum restituere tenentur. Ratio est imò. Quia Prælati ex vi officii contractus ipsum inter & Communitatem, ac singula ejus membra initi, tenetur ex officio conservare ea saltem Communitatis ac privatorum bona, quæ

majoris sunt momenti. Atqui in hoc ordine est fama. Ergo. 2do. Quia Superiores videntur in se suscepisse onus protegendæ suorum inferiorum famæ, non solum contra alios sibi pariter subditos, quos a peccato & ab injustitia cohibere possunt & debent; sed etiam contra extraneos. Hinc Magistratus eos, qui concives suos, missis in publicum famosis libellis, dilaniant, graviter punire debent: quantum verò ad alias minoris momenti detractiones, usus invaluit, ut Magistratus parti læsæ satisfactionem postulanti eam concedat, si diffamator dictum non probaverit; non verò ut, parte læsa tacente, ad restituendum cogat diffamatorem.

Vto. Jure naturali non licet librum famam proximi lædentem, & criminale licet vera, sed tamen occulta, sine justa causa pendentem, legere perinde ac audire detractionem; quia lector criminis auctoris libri quodammodo consentit, ac cooperatur, quemadmodum auditor detractioni. Deinde quisque rationabiliter cuperet, ut liber, contra ejus famam injustè scriptus, à nemine legeretur.

§. III.

Quomodo & coram quibus fama 694 restitui debeat.

Imò. Fama restitui debet quamprimum, & efficaciter, necnon coram iis omnibus, coram quibus ablata est.

Ratio imò. est; quia bonum, quod injustè detinetur, & quod ex hac ipsa injusta detentione quotidie in deteriori statu ponitur, necessario restitui debet, quamprimum id fieri potest. Atqui fama injustè semel ablata injustè detineri pergit, & nisi quamprimum restituatur, quoti-

quotidie in peiori, quàm antea, statu reponitur, quia infamia eundo crescit. Ergo. Ratio. adi. est; quia damnum quod inefficaciter reparatur, vel re ipsa permanet, vel saltem secundum se totum non desinit. Ergo.

695 Porro cum fama tollatur vel per impositionem criminis falsi, vel per revelationem occulti veri, aliter & aliter in utroque casu gerere se debet detractor. In primo expresse & aperte retractare debet id, quod dixit; imò & adhibere juramentum, aut rem coram Notario & testibus protestari. Ratio est; quia qui tenetur ad finem, tenetur etiam ad media, sine quibus finis haberi non potest: cumque necesse sit, ut amborum, infamati nimirum & detractoris, alteruter infamis remaneat, præstat, ut in pari jure melior sit innocentis, quàm fontis, conditio.

In secundo casu, cum nempe diffamatio facta est per revelationem veri criminis, longè major est difficultas. Docent aliqui, detractorem debere dicere se esse mentitum; neque sic eum mentiri, cum crimen occultum in foro externo & apud homines nullum sit; sed ipsis contradicunt alii. Volunt quidam, ut infamatus publicè laudetur: sed vel laudatur in ea materia, in qua fuit infamatus, ut, si quem adulterum esse dixisti, castum esse & uxori suæ fidelem dicas, & tunc in aliorum sententia mentiris: vel in diversa, ut si temperantem & devotum dicas, quem latronem dixisti; & tunc manet prior infamia, nec restituitur fama ad æqualitatem. Alii suadent, ut detractor dicat: *malè fui locutus, contempsì meliorem me, injussè proximum infamavi, mihi fides haberi non debet.* Atqui hic modus, etsi forte apud plebejos valere possit, vix tamen valebit apud prudentiores, qui no-

runt, si crimen falsum sit, dicendum esse, *Mentitus fui.* Ut ut sit diversus pro diversitate personarum, quibus facienda est famæ restitutio, restituendi modus adhiberi debet, qui si efficax esse nequeat, satius est, ut condonatio ab infamato humiliter petatur.

Ratio 3tia. est; quia fama à detractore aufertur non solum coram iis, quibus ipse alterius crimen immediatè revelat, sed etiam coram iis, quibus primi & immediati auditores, id, quod à detractore audierunt, retulere; nam est vera & culpabilis causa, quod infamatus tam apud istos, quàm apud illos damnum patiatur, atque bonum, quod fruebatur, nomen amiserit. Ergo coram iis omnibus famam proximi sui restituere debet, saltem in priorum defectum, si prævidit, vel prævidere potuit, eos, apud quos detraxit, rem propagaturos. Unde ab immediatis auditoribus tenetur quærere, an idem aliis retulerint. Imò etiam si probabilius putasset auditores immediatos audita non esse relatu-ros aliis, videtur adhuc teneri in horum defectum: quia tunc adhuc dedit injustè occasionem illi ulteriori infamæ: nam homines, etiam aliàs prudentes, faciliè data occasione, ex inconsiderantia, vel aliter, audita narrant. *Qui autem occasionem damni dat, damnum videtur dedisse.* Cap. ult. de injur. Hinc detractor retractationem suam, quantum Christianè fieri potest, publicam efficere debet, ut qui crimen didicerunt, criminis reparationem non ignorent.

Ido. Qui ablatam famam aliter com-
pensare non potest quàm summâ pecuniariâ, eam sic compensare tenetur, non solum post sententiam Judicis, sed etiam ante ipsam. Habetur ex iis, quæ suprà dicta sunt, ubi ostensum est, bona superioris ordinis, ut vitam & membra,
per

per inferioris ordinis bona compensari debere, cum compensari aliter non possunt. Verum quidem est, quod fama secundum se sit argentum pretiosior; potest tamen tantum pecunie dari, ut æquiparetur famæ, sicut argentum æquivalere potest auro, etsi aurum sit argentum pretiosius: atque hoc præsertim verum est hoc nostro tempore, quo *Et decus & famam regina pecunia donat.*

§. IV.

698 De causis à restituenda fama ex- cusantibus.

I. Impotentia physica excusat à fama restituenda; quia, ex recepto axioma, ad impossibile nemo tenetur.

II. Excusat impotentia moralis; unde qui famam alterius, quam læsit, sine suo longè majori incommodo reparare non potest, ad id non tenetur. Excipe nisi læsus iisdem exponatur incommodis ob amissionem famæ, prout suprà dictum.

III. Excusat inutilitas. Sic imo. qui revelavit crimen occultum, quod postea factum est notorium notorietate juris & facti, perperam hoc reparare niteretur. 2do. immunis etiam est à restitutione, qui licet alterius famam extinguere conatus fuerit, hoc tamen præstare non potuit, aut nonnisi inefficaciter, & ad tempus præstitit; vel quia nemo ipsi fidem adhibuit, vel quia ab ipso infamatus publicò judicio innocens declaratus est. Injuria tamen, quæ parte personalis est, personali satisfactio-
ne semper reparanda esse videtur. Imò si, quod frequenter evenit, detractio tua in hominum mentes naturaliter malevolas, & in judicia proximo no-

civa promptas & alacres dubii aliquid inieciisset, tuum esset malum hoc provirili reparare, sicut teneris ad refarciendum quicquid proximis passus est damni, antequam vel Judicis sententiâ, vel aliter famam suam recuperaret.

IV. Si detractio vetus sit, & infamia in oblivionem abiisse prudenter judicetur, satius est silentium servare, quam calumniam de se semper periculosam suscitare, inquirendo sollicitè, an adhuc vivat in eorum mentibus, qui eam audierunt. Quia tamen calumnia est ignis cineri dolofo, quem levior status excitat, sæpe superpositus, si probabiliter conjici possit ejus memoriam non tam extinctam esse, quam sopitam, efficiendum omnino esset, ut retractaretur.

V. Excusat etiam condonatio infamati; quia, ut supra in Tract. cap. 2. Sect. 1. §. 1. Conclus. 3. num. 68. ostendimus, homo famæ suæ, sicut & suæ pecunie dominus est, & sicut hanc, sic & illam remittere potest. Hoc tamen hominis in famam suam dominium, prout ibidem diximus, aliquando ita ligatum est; ut non liceat famæ jacturam detractori condonare, atque graviter peccet, qui seipsum infamat iis in circumstantiis, in quibus illatam sibi ab alio injuriam repellere tenetur. Vide dicta loc. cit. & passim apud Theologos.

VI. Non peccat, nec proinde ad restitutionem tenetur, qui iusta de causa alterius crimen etiam occultum revelat. Iusta verò causa ad esse censetur, cum nonnisi hac criminis detectione averti potest damnum nobis aut proximo impendens. Hinc imo. alterius crimen etiam sub secreto sibi commissum (modò extra confessionem, cujus sigillum etiam milli millies mori debeas,
R r r r 3 invio.

inviolatum servare debet) revelare potest, qui nisi revelet morte plectendus est. Ratio est; quia fidelitas non obligat, ut alterius famam & bona cum propria vitæ dispendio conserves. 2do. Ut innocens defendatur. 3tio. Ut communis damnum avertatur. Sic licet Medici, Advocati, Confessarii ignorantias & incuriam detegere. 4to. Ut auxilium accipias, illarum injuriarum reparationem consequaris, &c. alterius nequitiam potes amico tuo exponere. Imò non pauci id licitum esse credunt, si fiat, ut quis, atrocem injuriam passus, solatium dolorisque lenimentum recipiat; si præsertim grave sibi ex dolore nocumentum, puta morbum, veceatur; nam Ecclesi. 7. vers. 8. *Calumniæ conturbat sapientem, & perdet robur cordis illius.* Firmius tamen & sanctius sibi providebit, qui in Domino jactabit curam suam, & ad eum confugiet, qui consolatur nos in omni tribulatione nostra. 5to. Qui novit Petrum furem esse, periculose conversationis, proditorem, &c. si hoc cohabitantibus denuntiet, ut sibi caveant. Item qui puellæ jam inutiliter admonitæ denuntiat, eum, quem familiarius videt, corruptum esse. &c. Sed in his omnibus timidè & christianè incendum, & cavendum imò. Ne leves & infundatæ conjecturæ pro seriis mali probationibus habeantur. 2do. Ne plùs reveletur, quàm ad avertendum malum necesse sit. 3tio. Ne detegatur crimen, cum alià viâ, v. g. correctione fraterna damnum impediri potest. 4to. Ne pluribus detegatur, cum sufficit, ut aperiatur paucis.

701 VII. Quamvis certum sit imò. eum mortaliter peccare contra justitiam, qui, ut famam suam tueatur, falsum accusatori suo crimen impingit; quia est mendacium exitiale & injustum in materia gravi. Undè meritò damnata est

ab Innocentio XI. hæc num. 44. *propositio: Probabile est non peccare mortaliter, qui imponit falsum crimen alicui, ut suam justitiam & bonorum defendat: Et si hoc non sit probabile, vix ulla erit opinio probabilis in Theologia.* 2do. Eum etiam peccare graviter, qui ut præcisè illatam sibi infamiam compenset, infamatoris sui verum, sed occultum, crimen detegit: tùm quia hæc agendi ratio nihil aliud est, quàm vindicta prohibita Christianis, qui, juxta Apostolum 1. Pet. 3. reddere non debent *malum pro malo, nec maledictum pro maledicto*; tùm quia sicut non licet domum illius, qui tuam incendit, incendere, sic nec famam infamatoris tui auferre licitum est; tùm denique quia hæc recriminatio famam non restituit; an enim, si accusator tuus adulter est, tu ideo pro fure aut adultero non habebis?

Attamen, quia quisque jus habet propriam tuendi famam contra injustum invalorem, licet ea detegere, quæ ad labefactandum ejus testimonium inservire possunt: Unde non peccas, nec proinde ad reparationem teneris, si probes eum mendacem esse, aut perjurum; si enim ad advertendum grave proximi damnum, possis tertii crimen revelare, à fortiori id potes, si aliter damnum, quod tibi impendit, avertere nequeas. Quòd si vel juramento, vel ope testium, vel alià viâ purgare te possis, peccas contra justitiam revelando crimen tui accusatoris; quia ejus honorem sine justa & necessaria causa lædis.

VIII. Duo, qui se mutò denigra-702 verunt, possunt mutuo sibi remittere omnem restituendi obligationem, nisi eorum infamia in aliorum detrimentum vergat. Ratio est; quia ambo famæ suæ domini sunt: imò mutua hæc condona-

donatio faciliè supponitur, cùm hæc infamia fuit æqualis, & in eodem gradu; Imò in hoc casu, si unus ita malè & iniquè affectus sit, ut ex parte sua famam alterius restituere nolit, tunc probabilius hic valere videtur compensatio, & neque alter tenebitur hujus renitentis famam restituere. Ratio est 1mo. Quia *paria crimina compensatione mutua delentur*, ut ait Innocentius III. loquens de marito & uxore, qui ambo in adulterium lapsi erant: si autem compensatio in adultero locum habeat, habere potest & in detractioe. 2do. Quia fama est quoddam bonum humanum & temporale; unde fatetur omnes hominem ejus dominium habere. Atqui in rebus temporalibus, si alter tibi reddere nolit, quod debet, nec tu, quod ei debes, præstare teneris. Ergo. Attamen si detractores mutui isti vel diversæ sint conditionis, vel unus alterum graviore modò læserit, tunc locum habere non potest compensatio; sed qui plus læsit, tenetur ad restitutionem excessus à se positi, quia alioqui non reduceretur æqualitas.

703 Caterùm à peccato mortali non excusantur, qui, etiam ex mera loquacitate, narrant peccata de proximo audita vera vel falsa; quamvis id faciant sine affirmatione, imò addere soleant, se, quod audierunt, nec velle, nec posse credere. Ratio est; quia hujusmodi indiscretæ narrationes semper ex se malas suspiciones pariunt, ob hominum infirmitatem, qui malum de proximo facilius credunt, quàm bonum.

§. V.

704 De Judicio, Dubitatione, & Suspitione temerarii.

I. Judicium temerarium, si verè talo sit, & fiat cum sufficienti adverten-

tia, atque circa gravem materiam versetur, est peccatum mortale etiam contra justiciam.

Prob. 1mo. Ex S. Scriptura Luc. 6. *Nolite judicare, & non judicabimini; nolite condemnare, & non condemnabimini.* Jac. 4. vers. 11. *Qui judicat fratrem, detrahit legi*, id est, legem quasi malam damnat. Sed peccatum, quod qui facit à Deo judicari & condemnari meretur, grave est. Ergo.

Prob. 2do. Quod gravem proximò injuriam irrogat, non charitati solum, sed & justitiæ adversatur. Atqui judicium temerarium &c. An non enim gravis est læsio proximi, si sine causâ habeatur pro improbo? An non sicut habet jus ad famam suam apud alios, ita & apud te idem jus habet? Ergo *nolite ante tempus judicare, quoad usque veniat Dominus, qui & illuminabit abscondita tenebrarum, & manifestabit consilia cordium.*

Diximus, si verè tale sit &c. Judicium enim mentale contra proximum aliquando potest vel nullum esse peccatum, vel veniale tantum. Ut 1mo. Cùm temeritas non est notabilis, ut si talia ad judicandum motiva suppetant, quæ licet vera non sufficiant, parùm tamen distant à motivis sufficientibus; unicuique enim licet judicare secundum gravitatem motivorum, quæ habet: *Judicium de personis*, inquit S. Thomas Quodl. 12. art. 34. *licet quandoque sit falsum, non tamen semper est peccatum, nisi quando est omninò temerarium.* Adeoque si temeritas judicii levis sit, levis etiam erit illius culpa. 2do. Cùm deest sufficiens advertentia: imò nullum erit peccatum, si judices ex sola mentis promptitudine, absque ullo deliberato voluntatis consensu; tunc enim non tam erit judicium, quàm repentina cogitatio in mentem insiliens, quæ statim ac pro-

propius considerari incipit, rejici solet, & circa quam interrogatus homo, an id certo credat de proximo, sepius responderet, se nec credere certo, nec credere velle. 3tio. Cùm deest materia gravis & sufficiens. Illa verò materia hic generaliter censetur esse gravis, quæ in detractatione sufficit ad mortale, quæque, omnibus attentis, graviter præjudicat honori alterius.

706 II. Suspicio & dubitatio, si sint verè temerariæ, id est, cum sufficienti advertentia, atque circa gravem materiam versentur, non secus ac judicium temerarium, sunt peccata mortalia.

Prob. 1mo. ex S. Scriptura. 1. ad Tim. 6. v. 4. ab Apostolo inter gravia peccata numerantur *suspiciones mala*.

2do. Ex S. Augustino Epist. 117. *Ne malevolis animis de servis Dei falsa suspicio parentis, illud Apostolicum recordamini; Nolite ante tempus judicare.*

3tio. Ratione suprà, ubi de judicio temerario, adducta; quia nempe gravis fit injuria proximo per suspensionem & dubitationem temerariam: nam quisque habet jus, ne quisquam de ipso sine sufficienti causa malè opinetur, suspicetur, & de sua probitate dubitet, illudque jus tunc graviter violatur in re gravi. Et nullus est prudens, qui non putet gravem sibi fieri injuriam, indeque gravem molestiam sentiat; nec eum, qui ita de se suspicatur, habet in numero amicorum suorum. Imò in dubitatione illa continetur judicium: nam qui sic cum plena deliberatione dubitat, non solum suspendit assensum, sed etiam judicat, ambiguum esse probitatem proximi, nec eum posse prudenter judicari probum.

707 Porro sicut judicium si verè temerarium non sit, potest carere omni culpâ, vel venialis peccati lineam non excedere; ubi scilicet temeritas non est no-

tabilis; deest sufficiens advertentia, aut materia gravis & sufficiens: ita etiam ex iisdem motivis & causis suspicio & dubitatio possunt vel nihil habere peccati, vel solum veniales noxæ esse.

III. Suspiciones & dubia de personis 708 ad bonam vel malam exilimationem pertinentia semper sunt in bonam & meliorem partem interpretanda.

Prob. 1mo. Ex cap. *Ex parte*. De Scrutin. Ubi sic loquitur Innocentius III. *Illum, quem indignum esse non nosti, dignum debes estimare.* Sed quamdiu res est dubia, non novisti proximum esse indignum, seu malum. Ergo.

Prob. 2do. Ex SS. Patribus. S. Augustinus lib. 2. de Serm. Dom. in monte cap. 18. in hæc Matthæi verba, *Nolite judicare, ut non judicemini, &c.* sic loquitur: *Hoc locò nihil aliud nobis præcipi existimo, nisi ut in facta, quæ dubium est, quo animo fiant, in meliorem partem interpretemur. . . . de quibus temerarium est judicare, maxime ut condemnemus.*

Sanct. Bernardus Serm. 40. in Cant. *Etiamsi, inquit, perperam alium quid deprehendas, nec sic judices proximum, magis autem excusa; excusa intentionem, si opus non potes, putà ignorantiam, putà subreptionem, putà casum.* Sed qui dubia deteriolem in partem explicat, non excusat, quantum potest. Ergo.

Sanct. Thomas 2. 2. q. 66. a. 1. *Ex hoc ipso, ait, quod a iis habet malam opinionem de alio absque sufficienti causa, injuriatur ei, & contemnit ipsum.* Nul- lus autem debet alium contemnere, vel nocumentum quodcumque inferre absque causa cogente; & idè ubi non apparent manifesta indicia de malitia alicujus, debemus eum ut bonum habere, in meliorem partem interpretando quod dubium est.

Prob. 3tio. Ratione. 1mo. Juris naturæ est, quod tibi non vis fieri, alteri

teri ne feceris. Atqui nullus rationabiliter vult dubias suas actiones accipi in pejus, sed magis in melius. Ergo. 2do. Maxime cavendum est, ne fiat injuria proximo; & de possessione bonæ famæ injustè deiciatur. Atqui nisi proximi actiones dubiæ in bonam partem accipiuntur, non satis caveatur, ne ipsi fiat injuria &c. Ergo. 3tio. Nullus debet alium contemnere &c. ut ait S. Thomas mox citatus. Atqui contemnitur proximus absque causa cogente, cum dubia, quæ de illo emergunt, in malam partem accipiuntur: tunc enim pro malo habetur absque sufficientibus indiciis, quod sine contemptu & injuria ejus fieri non potest.

709 Sic autem dubia in meliorem partem sunt interpretanda. 1mo. Negative, ita ut in dubio etiam positivo nunquam judices, opineris, vel suspiceris proximum esse improbum vel peccasse graviter: alioqui peccares contra justitiam inferendo malum proximo, sine sufficienti & justa causa: quisque enim jus strictum habet, ne ei malum sine justa causa inferatur: haberi autem improbus est malum proximi grave, utpotè per se creans magnam molestiam. Et dubium etiam positivum non est sufficiens nec justa causa judicandi proximum peccasse: incertum enim crimen non est sufficiens & justa causa eum privandi bona existimatione, quam possidet. 2do. Positive, practice, hoc est, ut in praxi & vitæ civilis usu, ubi de cautela non agitur, affectu interno, & externo agendi modo proximus tractetur tanquam si re vera esset probus, ei præstando consueta honoris & urbanitatis officia, perinde ac si nullum esset de ejus probitate dubium: nam illis proximum ob dubium exortum privare iniquum esset, & contra has charitatis regulas: *Quod tibi non vis fieri, alteri ne feceris: Omnia quaecumque vultis ut faciant vo-*
P. Cartier Theol. Tom. III.

his homines, & vos facite illis. Item quoties pravus in proximum animi motus vincendus est, aut vis hic & nunc statuere apud te, quo loco sit habendus, aut periculum est, ne bona opinio de eo à te concepta minuat, si judicium suspendas; tunc judicare debes positive eum habendum ut virum probum, nec ob dubium exortum bonam de eo opinionem minuendam esse.

Diximus *De personis*. Nam dubia de personis, puta an contractus talis sit licitus necne, non sunt in meliorem partem interpretanda, sed suis momentis æstimanda: quia tunc id unum agitur, ut cognoscatur veritas, & vitetur illicitum, nec timendum, ne cuiquam inferatur injuria, & ex eo nihil boni vel mali rei accrescit.

Cæterum cum agitur de damno vitando, vel remedio adhibendo, dum non constat de probitate proximi, licet sibi & aliis consulere, & eam cautionem adhibere, quam prudentia diceret adhibendam, supposito quod esset malus; non tamen de eo malè judicando aut suspicando. Quia tunc nemini inferitur injuria vel damnum: licitum autem est sibi & proximo sine cuiusquam injuria providere. Hinc non peccas, dum excipiendo ignotum in ades tuas, ita caves rebus tuis, ac si dubia esset hominis probitas.

CAPUT IV. 713

De injuriis in bonis fortune, & necessaria restitutione.

Injurie circa bona fortune complectuntur omnes damnificationes, seu actiones & omissiones, quibus damnum in ejusmodi bonis injustè alteri inferitur, sive rem ejus usurpando, accipiendo, S & s decen-

detinendo, sive destruendo, sive deteriorando, sive exigendo id, quod non debetur, sive non solvendo id, quod ei debetur ex iustitia, sive quovis alio modo. Quæ omnia sub nomine furti latè sumpti comprehenduntur, & prohibentur præcepto *Non furtum facies.* ex Concilio Coloniensi, & Catechismo Romano. *A parte enim totum significavit, quidquid illicitè rerum proximi aufertur;* ait S. Augustinus in Cap. *Panale*, 14. q. 5. Et verò inferre quocumque modo damnum alteri, idem est, ac quidpiam ab ipso auferre. Quare quæ de furto strictè sumpto dicemus, applicanda sunt omnibus aliis modis, quibus proximo damnum creatur. Igitur de furto præsentis capite dicemus 1mo. Quid & quod duplex sit furtum. 2do. Quale sit peccatum. 3to. Quanam sint ejus causæ. 4to. Quid excuset à furto.

§. I.

713 *Quid & quod duplex sit furtum, & quomodo à rapina differat.*

Furtum quod aliqui à *furvo* aut *atro* dictum putant, quia plerumque in tenebris fieri solet tripliciter sumitur, 1mo. Latissimè pro omni injusta damnificatione in bonis alterius sive commissione sive omissione fiat. 2do. Latè pro omni injusta acceptione rei alienæ, sive ea sit fraudulenta, ut sit per contractus iniquos; sive occulta, ut sit per furtum strictè sumptum, sive violenta, ut sit per rapinam. 3tio. Strictè, & furtum sic sumptum vulgò definiri solet *Usurpatio seu ablatio occulta rei alienæ, invitò rationabiliter Dominò, vel ejus justo detentore.*

Dicitur 1mo. *Usurpatio seu ablatio*, ut distinguatur tum ab injusta damnificatione, qualis est domus alienæ per incendium destructio; tum ab injusta mora

solvendi creditorem, quæ propriè furtum non est. Quamquam *detinere id, quod alteri debetur*, & reddi potest, eandem rationem nocimenti habet cum *acceptione injusta*, & idèd sub *injusta acceptione intelligitur etiam* à S. Thoma 2. 2. q. 66. a. 3. ad 2. & aliis pluribus *injusta detentio.*

Dicitur 2do. *Occulta.* hoc est, quæ sit, aut saltem fieri intenditur, Dominò nesciente, & sine vi. Si enim Dominò præsentè, & cum vi fieret, non esset furtum, sed rapina.

Dicitur 3tio. *Rei alienæ.* Quo nomine à Theologis intelliguntur non solum res corporales & mobiles, sed etiam immobiles & jura, ut census, servitutes, usus ac possessio.

Dicitur 4to. *Invitò rationabiliter Dominò*, id est, sine consensu Domini saltem prudenter præsumpto. Si enim Dominus vel consentire meritis præsumatur, vel irrationabiliter consensum denegat, non est locus furto. Hinc, qui messis tempore spicas colligit, aut in extrema necessitate aliquid aufert, non furatur; quia in primo casu adest Domini consensus, in secundo adesse debet, & nonnisi irrationabiliter denegatur.

Dicitur 5to. *Vel ejus detentore justo*, id est, *Possessore*: nam furtum committitur, quoties aufertur res invitò eo, qui eam legitimè possidet, vel detinet, ut sunt conductor, commodatarius, &c. ex Leg. 10. & 11. ff. de furt. Quia tunc aufertur usus, possessio, vel securitas, quam alter per illam rem habebat. Furtum dividitur 1mo. ratione modi, 714 in manifestum, quando fur deprehenditur cum re furtiva; & occultum, cum non deprehenditur. 2do. Ratione temporis, in diurnum & nocturnum. 3tio. Ratione rei acceptæ in simplex & qualificatum: Simplex est illud, quod hæcenus definitum est; Qualificatum verò,

Verò, quod vestitum est specialibus quibusdam qualitatibus, quæ ipsum secundum leges majori poenâ dignum efficiunt, & quadruplex distingui solet: scilicet *Sacrilegium*, quod est furtum rei sacræ è loco sacro, vel non sacræ è loco sacro, ad quem ipsa aliquo modo pertinet; vel sacræ è loco non sacro, ut habetur Cap. 21. caus. 17. q. 4. *Peculatus*, seu furtum rei ad fiscum vel ærarium publicum pertinentis: *Plagiat*, cum vel mancipia à Dominis, vel homines liberi subripiuntur, aut vendendi, aut in servos retinendi; si enim fruendi causâ, dicitur *Raptus*: *Abigens* denique, cum auferuntur seu abducuntur pecora. Ex his furti speciebus *Sacrilegium* solum est, quod specie morali à furto differat; cætera enim non differunt nisi materialiter.

715 *Rapina est aliena rei usurpatio violenta, seu facta prasente & invito Domino.* Specie differt à furto in genere moris, quia ipsi furto specialem addit injuriam contra personam, cujus honor læditur, dum ei quasi è manibus res sua violenter & injuriosè auferitur. Unde fieri potest, ut quis non peccet mortaliter in ratione furti, & tamen peccet mortaliter in ratione rapinæ, ut si rem levioris momenti per vim à persona illustri auferat.

716 *Rapina cotuplex distingui potest, quotuplex vis personæ inferitur; sive vis inferatur armis, sive intentato mortis metu.* Ad rapinam etiam pertinent injustæ tributorum exactiones, quæ *Concussio* dicuntur; item exactio facta à viris potentibus, qui obsequia quædam postulant, quæ rogati ob metum recusare non audent. Rapinæ pariter rei sunt tum ii, qui stipendiò sibi publicè assignatò non contenti, plus aliquid exigunt; tum ii, qui alios cogunt, ut se cum inæquales contractus incant.

§. II.

An & quando furtum sit peccatum mortale.

Furtum ex genere suo est peccatum mortale. Prob. 1^{mo}. Ex S. Scriptura. 1. Cor. 6. *Nolite errare*, inquit Apostolus, *neque fures. . . neque rapaces regnum Dei possidebunt.* 2^{do}. Quia sine justa causâ & auctoritate inferre damnum proximo est tum contra charitatem, tum contra justiciam; quæ virtutes obligant sub mortali in re gravi.

Diximus ex genere suo, quia furtum potest esse veniale tum ex defectu cognitionis, tum ex levitate materiæ; nam per furtum rei leviss leve damnum proximo inferitur, nisi inde sequatur aliud malum.

Ut furtum censeatur peccatum mortale, ea quantitas requiritur, quæ spectatis omnibus circumstantiis inferat grave damnum, privatque notabili utilitate; damnum autem, quod respectu unius, putà divitis, leve est, respectu pauperis censeretur potest grave. Unde eadem quantitas in omnibus furtis statui non potest pro materia peccati mortalis.

Porro ad æstimandum damnum Theologi distinguunt quatuor genera personarum. Primum illustrium, quæ splendè vivunt: secundum earum, quæ vivunt ex suis redditibus, licet non ita splendè, quales sunt communes divites: tertium artificum, qui suò se sustentant artificio: quartum pauperum, qui mendicando sibi consulunt. Communiter statui potest ad furtum mortale respectu personarum primi generis, sufficere florenum cum dimidio; respectu personarum secundi generis florenum; respectu personarum tertii generis, si ars sit majoris lucri, qualis est mercatorum, medium florenum; si minoris, S s s s 2 quin.

quinddecim crucigeros: respectu personarum postremi generis, septem crucigeros.

- 720 Diximus *Communitur*; nam potest contingere, ut qui ex redditibus suis vivit, multò minùs commodè vivat, quàm Mercator, sicque minor summa majus illi detrimentum ailerat; item fieri potest, ut quis manibus suis operans decem tantùm aut duodecim crucigeros, aut etiam quinddecim vel viginti diebus singulis lueretur, quibus se aut familiam sustentet, ex quibus qui ei decem vel duodecim vel etiam octo auferret, non posset non censerì notabile & sufficiens ad peccatum mortale ei detrimentum asserre.

- 721 Peccat etiam mortaliter, qui ab uno vel pluribus leves summas furatur, quæ simul junctæ faciunt quantitatem notabilem, & quidem singulis vicibus, si ab initio voluntatem habuit per plura minima furta notabilem quantitatem auferendi, aut res suas ita paulatim notabiliter augendi; quia autem rem parvam cum intentione auferendi magnam. Hinc Deus detestatur eos, qui injustis mercenariis vendunt, Prov. 11. *Statere dolosa abominatio est apud Deum.* Deut. 25. *Non habebis in sacculo diversa pondera, majus & minus . . . Abominatur enim Dominus Deus tuus eum, qui facit hæc, & averfatur omnem injustitiam.*

- 722 Peccat etiam mortaliter, qui etiam si non habuerit intentionem aliquid notabile accipiendi, paulatim tamen notabilem quantitatem accipit, non quidem quocumque actu, sed eo demùm, & in omnibus sequentibus, in quibus habet notabilem summam. Constat auctoritate Innocentii XI. qui an. 1679. damnavit hanc propositionem: *Non tenetur quis sub pena peccati mortalis restituere quod ablatum est per pauca furta; quantumcumque sit magna summa totalis.* Ratio etiam est; quia minima furta colle-

cta grave damnum inferunt vel privato, si illum solum læserint, vel Reipublicæ, si in plures fuerint commissa. Undè hujusmodi fures à Magistratu severè puniuntur: quod gravem arguit culpam. Addi etiam potest, quòd si uni mercatori v. g. liceret absque peccato mortali minima corraderè à pluribus, id etiam liceret singulis mercatoribus, sicque spoliaretur tota Communitas absque peccato mortali, quod est absurdissimum.

Nec valet si dicas, multa peccata venialia non possè coalescere in unum mortale; non enim ex multis venialibus per minuta furta fit unum mortale; sed ex pluribus levibus summis fit una notabilis, quæ retineri non potest contra voluntatem Domini, absque peccato mortali. Hæc autem quantitas major esse debet ad peccatum mortale, si paulatim accepta sit, quàm si simul; quia Dominus nec tam invitus, nec tantum damnum patitur, quàm si simul illa quantitas erepta esset.

Nota. Requirit ad peccatum mortale, 723 ut minuta furta continuentur mortaliter; propterea excusandus est à mortali, qui numerando quot racemos in tota vita sua excerpterit è vineis alienis, deprehenderet se notabilem quantitatem abstulisse. Quantum verò temporis requiratur, ut miuta furta censeantur non conjungi mortaliter, definiri non potest; in dubio sentiendum est ea conjungi, & furem esse reum peccati mortalis.

Qui complet materiam sufficientem 724 ad peccatum mortale, furando ab eo, à quo novit alios jam modica quædam furatos esse, peccat mortaliter, si communi consiliò minima illa furta committantur; quia est causa gravis damni: secùs, si sine consilio communi, quia non cooperatur ad damnum ab aliis illatum.

§. III.

725 De causa efficiente furti.

Hic duntaxat quæritur an peccent filii, qui parentum; uxores, quæ maritorum; famuli qui Dominorum; Religiosi, qui Conventus bona sibi assumunt; de quibus jam aliqua tetigimus, tùm hic in Tractatu C. 2. Sect. 1. §. 2. tùm in Tractatu de Statu Religioso Philosophiæ nostræ præfixo, ubi de voto paupertatis Religiosæ, &c. sed pro majori adhuc & clariori harum rerum notitia, ponimus sequentes conclusiones.

CONCLUSIO. I.

Filii qui parentum bona subripiunt, aut quovis modo contra justam eorumdem parentum voluntatem dilapidant, peccant mortaliter, & ad restituendum tenentur.

Prob. 1mo. Ex S. Scriptura. Prob. 28.

Qui subtrahit aliquid à Patre suo & Matre, & dicit hoc non esse peccatum, particeps est homicidæ. Sed particeps homicidæ mortaliter peccat. Ergo.

Prob. 2do. Ratione. 1mo. Peccat & verè furatur qui rem alienam invito rei hujus Dominò rapit. Atqui filii rem paternam rapiendo, verè rapiunt id, quod alienum est. Filii enim etsi jussu habeant, ut alantur à parentibus, non tamen habent jus in bona paterna, aut eorum administrationem, quamdiu vivunt parentes. Ergo. 2do. Quia, ut initio Tractatùs ostensum est, patrem inter & filium datur justitia saltem improprie dicta. Sed justitia, ut ex una parte violari, sic ex alia restitutionis obligationem inducere potest. Ergo.

Hinc sequitur filios teneri oblata parentibus restituere, si possint; si nempe habeant castrensia & quasi castrensia. Si non possint, tenentur post patris mortem

ea in partitionem deducere cum aliis fratribus, nisi constet istos tantumdem paternis ex bonis expendisse; aut nisi pater debitum illud condonaveroit, ut facillè concedit rogatus, &c. prout in Tract. cap. 2. Sect. 1. §. 2. Conclus. 3. num. 91. adnotavimus, ubi vide.

Hinc etiam colligitur, quàm graviter contra justitiam peccent tot adolescentes, qui in computationes, ludum, turpes excessus impendunt pecuniam, quam eis parentes donant ad honestos tantum usus, quos præfiniunt. Meminerint hi juvenes, se non plus in pecuniam sibi à patribus missam habere juris, quàm patres dare intendunt. Atqui patres nullatenus intendunt iis pecuniam largiri, ut tempus otiosè consumant, à fortiori, ut in omni libidinum cæno se turpiter volent. Ergo.

Cæterum, ut cit. locò adnotavimus, major in filiis, imò domesticis ad furtum mortale requiritur quantitas, quàm in extraneis, &c. &c. vide dicta ibidem.

CONCLUSIO II.

726

Uxores etiam graviter peccant peccatò furti, si sine mariti consensu notabile quid accipiant de bonis communibus, aut quorum administratio spectat ad maritum.

Ratio est; quia accipiunt illud, cujus dominium habet maritus, vel saltem administrationem & usum fructum: licet enim uxor dotis totius & mediæ partis bonorum communium proprietatem habeat, horum tamen regimen & administratio ad maritum pertinet.

Excipiuntur tamen varii casus, in quibus uxor furti rea non sit, etiam cum quantitate satis notabilem subripit; ut si in honesta recreatione, & ad decorem sui ornatum & statum aliquid expendit. Et in aliis casibus loc. cit. Conclus. 4. num. 92. recensitis; ubi vide.

S s s s ;

Hic

Hic tamen duo notanda sunt. 1mo. Confessarios non debere de facili habenas laxare mulieribus, utpotè quæ ad inordinatas donationes, de se satis propendunt. 2do. Uxorem ea, quæ parentibus dedisset, debere suam in partem referre, cum ad partitionem cum hæredibus viri deveniendum erit; vide loc. cit.

- 727 Quod de uxore communitatis bona subripiente dictum est, dicendum etiam venit de marito, qui etiam ad restituendum tenetur. 1mo. Si bona paraphernalia uxoris capiat, id est, ea bona, quæ uxor sibi reservavit, seu quæ nec attulit in dotem, nec per contractum matrimoniale voluit esse communia. 2do. Si dissipet dotem; hujus enim proprietas penes uxorem permanet. 3tio. Si magnam bonorum communium partem seu quantitatem donet, aut consumat sine uxoris consensu, aut in ludo, vel in malos usus impendat, quod plerumque evenit, uxore viribus totis reclamante. Verum quidem est, quod horumce bonorum administratio ad maritum pertineat; sed mediæ eorum partis proprietas ad uxorem jure communis pertinet. Ergo contra justitiam uxori debitam peccat maritus, qui eâ rationabiliter invitâ illa dissipat. Nec refert, quod maritus in familia præcipuè laboret; nam & suæ sunt etiam uxori in hocce labore partes, sicque æqua esse debet pars descendendis ad prælium & remanentis ad sarcinas, i. Reg. 30. v. 14.

728 CONCLUSIO III.

Peccant peccatò furti famuli & ancillæ, qui herorum bona vel ipsi diripiunt, vel ab aliis diripi sinunt. Sequitur ex dictis, si enim peccent ipsimet filii-familias, qui paterna bona tollunt, quanto magis domestici circa quos Domini magis invidi sunt.

Excusantur tamen passim ii, qui subripiunt aliquid ad bibendum vel comedendum, quod, si à Domino peterent, iis ipse concederet: quia satis norunt Domini res suas, eas præsertim, quæ ad gulam pertinent, non ita administrari, ut nihil adherere soleat manibus contrectantium. Gravior tamen peccarent domestici, qui hæc caperent ad computationes, ad vendendum, aliisque donandum. Item qui iis uterentur dapibus & vinis, quæ herus sibi reservata esse voluit; ac ii demum, qui furando se se exponerent pœnæ mortis, quæ domestica furta non ita difficilè, saltem in Galliis, puniuntur.

CONCLUSIO IV. 729

Peccant mortaliter Religiosi, qui sine Superiorum licentia aliquid de Communitate expendunt, sive in suum, sive in aliorum usum. Idem est de iis, qui aliquid sibi collatum celaverint.

Prob. Quia disponunt instar Dominorum de re, cujus Domini non sunt. Adde, quod etiam peccent contra votum paupertatis.

Porro Religiosi circa quantitatem ad peccatum mortale necessariam solent æquiparari filiis-familias; quia Superiores non magis inviti sunt erga Religiosorum furta, quam parentes erga furta filiorum.

§. IV.

De causis à furto excusantibus. 730

CONCLUSIO I.

Aliena subripere in extrema necessitate furtum non est; secus in gravi.

Prob. 1ma. pars. 1mo. Ex communi omnium sententia, quæ docet in extrema necessitate omnia, saltem quoad usum, fieri communia. 2do. Quia bonorum divi-
fiq

sio casum extremæ necessitatis nec comprehendit nec comprehendere potest. 3tio. Quia rei Dominus rationabiliter invitus esse non potest, quod homo, qui aliter vitam suam suorumque conservare nequit, eam per media ordinaria conservet, utendo scilicet alienis bonis, cum non habet propria, quibus utatur.

Prob. ada. pars 1mo. Ex Cap. 3. De furto. *Si quis propter necessitatem famis aut nuditatis, furatus fuerit cibaria, vestem vel pecus, peniteat hebdomades tres.* Atqui penitentia peccatum supponit. Ergo peccat, qui in gravi necessitate duntaxat furatur: locus enim iste de extrema necessitate intelligi non potest, ut notat S. Thomas. 2do. Auctoritate Innocentii XI. qui an. 1679. damnavit hanc propositionem: *Permissum est furari, non solum in extrema, sed etiam in gravi necessitate.*

3tio. Ratione 1mo. Quia sola extrema necessitas facit omnia communia. 2do. Quia hæc opinio, quæ tuetur licere furari in gravi necessitate januam aperit innumeris furtis, estque Reipublicæ omnino perniciofa. Quot enim hodie homines gravi necessitate laborant? Quot facile sibi persuaderent, se in ea esse constitutos?

731

CONCLUSIO II.

Excusatur à furto, qui rem suam propria auctoritate sibi vindicat, dummodò adsint conditiones requisitæ; ut 1mo. Res illa verè, liquidò, & totaliter sua sit. 2do. Ut eam in judicio commodè obtinere non valeat. 3tio. Ut absit omne periculum scandalì: sæpè enim contingit, ut qui tollit quod suum est, vel proximo quasi injusto detentori infamiam procreet, vel sibi quasi injusto raptori labem aspergat. 4to. Ut non exponat proximum periculo rem illam

semel & iterum restituendi; ut non exponet, si quo convenientiori modo fieri poterit, ostendat sibi nihil deberi. 5to. Ut res actu debita sit; qui enim, ut ajunt, terminum habet, actu ut debitor vexari non potest. 6to. Ut res illa tibi debita sit ex justitia; neque enim sufficeret debitum antidotale seu ex gratitudine.

Prob. Conclusio. Quia talis tunc non rapit alienum, sed suum.

Quod si res hæc certò sua non sit; tunc eam auferre non posset; quia in dubio melior est conditio possidentis; Imò si res certò sua esset, sed eam alter justò titulò possideret, ut pignoris, aut commodati, non liceret eam propria auctoritate resumere, quia justum contractum absque rationabili causa rescindere non licet.

CONCLUSIO III.

732

Compensatio occulta, si adsint eadem conditiones Conclusionè 2da. re censitæ licita est.

Prob. Quia per eam nec violatur justitia commutativa, cum ii, qui compensatione utuntur, id solum accipiant, quod strictè suum est, ut supponimus: nec violatur justitia legalis, cum etiam supponamus ad Judicis auctoritatem commodè recurri non posse. Et verò si pauper famulus, cui ab hero debentur aurei centum, quos obtinere nequit, præ manibus habeat aureos ejus decem, quis eum ad restituendum obligare auit?

Verum cum allegatæ conditiones difficile concurrant, rarò admodum datur locus compensationi occultæ. Quare in praxi hæc observabit Confessarius. 1mo. Nunquam suadebit compensationem occultam propter periculum scandalì. 2do. Perenti an licita sit, respondebit Theologos communiter affirmare in recensitis circum-

circumstantiis; sed periculosissimum esse, ideoque se eam non posse consulere. 3tio. Si penitens propria auctoritate eam usus sit, examinabit, an occurrerint supra dictæ conditiones, an bona fide id fecerit; in qua hypothesi eum peccati non arguet, sed monebit periculi, cui se exposuit. 4to. Raro fidem habebit famulus, inquieto hominum generi, qui vix unquam contenti sunt.

733 **CONCLUSIO IV.**

Famuli, Sartores, & alii artifices non possunt absque injustitia retinere aut furripere de bonis eorum, pro quibus operantur, sub prætextu, quod merces, pro qua pepigerant, non respondeat eorum operibus.

Prob. 1mo. Quia damnata est ab Innocentio XI. hæc propositio: *Famuli & Famula possunt occultè veris suis subripere ad compensandam operam suam, quam majorem judicant salarii, quod acceperunt.* 2do. Quia cum pretium sive mercium, sive operarum, habeat quandam latitudinem, nec consistat in indivisibili, prout dictum est supra, ubi de Contractibus, justum duntaxat illud censetur, de quo inter partes ex æquo & bo-

no convenit per contractum, qui habet vim eas obligandi. 3tio. Quia compensatio licita non est, nisi debitum sit certum. Atqui debitum, quod hujusmodi personæ prætendunt, certum non est; cur enim ipsis potius, quam Dominis fides habebitur? Cur illud Salarium, si justò minus erat, acceperunt? Cur alium herum, qui plus daret, non quæsivere? aut si invenire non potuerunt, cur pro injusto habent pretium, quod communiter pro talibus operis datur, & quod Dominus augere noluisse, si eorum plus lucrandi voluntatem compertam habuisset? Quodsi tamen læsio manifesta appareat, pars læsa ad Superiorem recurrere poterit, ut rescindatur contractus; sed judicio ejus relinqui non potest, an, & quanta ei competat compensatio: aliàs nemo res suas tuto servaret; cum ferè nullus sit, qui non pluris æstimet operas suas quam alii; qui non putet vel vendidisse villori pretiò, vel emisse cariori; sicque inutiliter redderentur omnes contractus.

Quæ hinc adhuc differi possent jam alibi expendimus. Unde Universum de virtutibus moralibus cardinalibus hæc dicta sufficiunt.

Finis Tractatus quinti.



TOMI

TOMI TERTII
TRACTATUS
SEXTUS

DE

VITIIS ET PECCATIS.





INDEX

Titulorum Tractatus sexti Tomi tertii Theologiae universalis, de Vitiis & Peccatis.

Proemium - - Num. 1.

Pars I. De peccato originali 14.

Cap. I. Utrum existat peccatum originale. - 15.

Cap. II. Quid sit peccatum originale, & in quo consistat. - - 69.

§. I. *Quid de essentia peccati originalis sentiant Acatbolici.* - - 71.

§. II. *Exponuntur opiniones Theologorum Catholicorum circa essentiam peccati originalis.* - - 95.

Cap. III. Quomodo traducatur peccatum originale. - - 100.

Cap. IV. Utrum peccatum primi parentis transeat

ad omnes sine exceptione homines, qui via ordinaria ex ipso nascuntur. - - 105.

Cap. V. De pœnis peccati originalis. - - 122.

§. I. *De pœnis peccati originalis in hac vita.* - - ibid.

§. II. *De pœnis peccati originalis in altera vita seu post mortem.* - - 136.

Pars II. De peccato personali, ejusque subalternis, seu generalioribus speciebus. - - 166.

Cap. I. De iis, quæ generatim de peccatis expendere solent Theologi. 167.

§. I. *De distinctione peccatorum ab invicem.* - - ibid.

T t t t 2

§. II. *De*

§. II. De connexione peccatorum.	170.
§. III. De peccatorum equalitate.	171.
§. IV. De effectibus peccatorum.	173.

Cap. II. De peccato commissionis, & omissionis, præcipue autem de peccato Mortali, & Veniali. - - 174

§. I. Utrum detur peccatum mortale, & per quid constituitur.	175.
§. II. Utrum peccatum mortale non condonatum puniatur supplicii æternis; siue, utrum pænæ damnatorum sint in æternum duratura.	177.
§. III. Utrum detur peccatum ex natura sua veniale.	200.
§. IV. De regulis, quibus peccatum veniale potest à mortali discerni.	217.
§. V. Utrum peccatum mortale nonnunquam possit fieri veniale, & vicissim.	220.

Cap. III. De peccatis ignorantiae, infirmitatis, & malitiæ, &c. - 223.

§. I. De peccatis ignorantiae.	224.
§. II. De peccatis infirmitatis.	230.
§. III. De peccatis malitiæ.	234.
§. IV. De peccatis merè internis, seu cordis.	242.

Pars III. De reliquis peculiarioribus peccatorum speciebus. - - 254

Cap. I. De vitiis seu peccatis Capitalibus. 255.

§. I. De Superbia & ejus filiabus.	256.
§. II. De Avaritia.	266.
§. III. De Gula.	268.
§. IV. De Luxuria.	278.
§. V. De Ira.	316.
§. VI. De Invidia.	319.
§. VII. De Acedia.	323.

Cap. II. De peccatis, quæ opposita sunt Virtutibus Theologicis. - 326.

§. I. De peccatis Fidei oppositis.	327.
§. II. De peccatis Virtuti Spei oppositis.	347.
§. III. De peccatis Virtuti Charitatis oppositis.	353.

Cap. III. De peccatis Virtuti Religionis oppositis. 402.

Seç. I. De Superstitione, & ejus speciebus.	403.
§. I. De Idololatria.	408.
§. II. De Divinatione.	410.
§. III. De vana Observantia.	420.
§. IV. De Magia.	423.
§. V. De Maleficio.	427.
Seç. II. De Irreligiositate.	431.
§. I. De Blasphemia.	432.
§. II. De Tentatione Dei.	440.
§. III. De Sacrilegio.	443.
§. IV. De Perjurio.	453.
§. V. De Simonia.	481.

TOMI TERTII THEOLOGICÆ UNIVERSALIS TRACTATUS SEXTUS

De Vitiis & Peccatis.



PRO O E M I U M.

Expensis prioribus hujus tertii Theologiæ nostræ Tomi Tractatibus, Actibus humanis, eorumque regulis Conscientiæ & Legibus, item virtutibus Theologicis, Religione, & virtutibus illis moralibus, quæ Cardinales nuncupantur; modò instituti nostri & rerum ordo postulare videtur, ut priusquàm quartum Tomum, qui de Sacramentis erit, aggrediamur, de vitiis seu peccatis disseramus, atque præter ea, quæ hac de re passim jam, ubi scilicet tulit occasio, delibavimus, quæ actus humani, conscientia, legesque per delicta labefactari possint ostendamus; atque ea exponamus vitia, quæ memoratis virtutibus opposita sunt. Ut sic eorum exposita & detecta turpitudine, ad ea vitanda tantò faciliùs impel-

lamur, atque proximum nostrum, tùm exemplò, tùm verbò, pro ministerii nostri ratione, ab illis servemus incolumem, aut saltem retrahere valeamus.

Peccatum igitur generatim definiri potest, *libera violatio legis divinæ, sive actus liberè factus vel omisus contra Legem Dei.*

1mo. Est divinæ legis violatio, ex S. Ambrosio lib. de Paradiso, c. 8. *Quid est peccatum, nisi prævaricatio legis divinæ, & celestium inobedientia præceptorum.* Et ex S. Augustino lib. 22. contra Faustum c. 27. ubi describit peccatum, quòd sit *factum, vel dictum, vel concupitum aliquid contra Legem Dei aternam.* Ubi sub facto, dicto, concupito comprehenditur omisio: nam nomine actus

Tert 3

actûs in moralibus intelligitur etiam omisso, quia hæc habetur ut actio in ordine ad mores & culpam; & omit- tens id, quod facere tenetur, censetur moraliter facere contra id quod tene- tur facere. Imò omisso pura libera, si detur, est moraliter & interpretativè operatio, quatenus est virtuale & in- terpretativum libertatis exercitium, ut patet. Igitur, quia omnis & sola vio- latio libera legis divinæ est offensâ Dei, peccatum verò est offensâ Dei, pecca- tum est libera legis divinæ violatio.

- 2 Nec valet si dicas Multa esse peccata, quæ non sunt offensâ Dei, ut 1mo. Pec- catum merè philosophicum, quod scilicet soli rationi, non legi divinæ adver- satur. 2do. Peccatum veniale, quod non est contra, sed præter legem divinam. 3tio. Multi peccant contra leges huma- nas duntaxat.

Nam 1mo. Falsum est, quòd detur, aut dari possit peccatum merè philoso- phicum; nam qui peccat contra rectam rationem, simul & indivisibiliter pec- cat contra legem Dei, & sic Deum of- fendit; quia dictamen rectæ rationis est intimatio legis divinæ æternæ neces- sariò vetantis quidquid rationalem natu- ram dedecet, & præcipientis quidquid necessarium est ad vivendum decenter ac conformiter naturæ rationali ut ratio- nali. Et aliunde nemo ignorare potest, saltem invincibiliter, quidquid discon- venit naturæ rationali ut rationali esse prohibitum à Deo supremo auctore ac rectore naturæ rationalis. Quoties enim recta ratio dictat aliquid, disconvenire naturæ rationali, simul, saltem confu- se, dictat illud idem displicere supre- mo enti, naturæ rationalis auctori & rectori, cuius est eam convenienter sapientie ac sanctitati suæ regere. Hinc Alexander VIII. ut errorem damnavit hanc propositionem: *Peccatum philoso-*

phicum seu morale est actus humanus dis- conveniens naturæ rationali, & rectæ rationi: Theologicum verò & mortale est transgressio libera legis divinæ. Phi- losophicum quantumvis grave in illo, qui Deum vel ignorat, vel de Deo actu non cogitat, est grave peccatum: sed non est offensâ Dei, neque peccatum morta- le dissolvens amicitiam Dei, neque ater- nâ pœnâ dignum.

Porro peccatum philosophicum est actio vel omisso mala, considerata so- lum, ut est disformis rectæ rationi, & disconvenit naturæ rationali. Sic dici- tur, quia Philosophorum est actus morales considerare relatè ad rationem & naturam rationalem. Peccatum verò Theologicum est actio vel omisso mala, considerata, ut disconvenit seu adver- satur legi divinæ, & est offensâ Dei; quia Theologorum est res relatè ad Deum consideratè. Tamen omne peccatum philosophicum est simul re vera Theo- logicum; nam omne peccatum simul rectæ rationi & legi divinæ discon- venit, & est re vera offensâ Dei.

2do. Peccatum veniale est verè con- 3 tra Legem Dei: nam est actio vel omis- sio mala, si enim esset bona vel indis- ferens, jam non esset peccatum. At- qui omnis actio vel omisso mala adver- satur legi divinæ naturali, & per eam prohibetur; nam adversatur rectæ ratio- nis dictamini, quod est intimatio legis divinæ naturalis; & omne malum à Deo prohibetur. Ergo peccatum veniale est contra legem Dei, & ejus offensâ, sed levis & composibilis cum charitate.

3tio. Qui legem humanam violat, simul etiam violat legem divinam, quæ omnis præcepti humani legitimi obler- vationem præcipit.

4do. Dicitur in definitione, quòd pec- catum sit *libera violatio &c.* scilicet vel in se, vel in sua causa, aut periculo mo- rali,

rali, ita ut non sit ex ulla necessitate physica intrinseca, antecedente, & verè potuerit vitari. Nam, ut in Tract. de Act. Hum. ostensum est, ad demeritum seu peccatum, quod imputetur, requiritur libertas ab omni necessitate simplici. Ratio est, quia peccatum propriè dictum seu imputabile est actio vel omisso, propter quam agens vel omit- tens est dignus vituperiò & poenâ: nemo autem potest esse dignus vituperiò & poenâ propter actionem vel omissionem ei non liberam, sed planè necessariam, ut per se patet. Præterea omnes obligantur ad vitandum peccatum: nemo autem obligari potest ad impossibile.

- 5 Peccatum sic definitum generatim 1mo. dividitur in *peccatum Angeli & hominis*. De peccato Angeli agimus Tomo 2. Tract. 1. ubi de Angeli &c.

Peccatum hominis dividitur in *originale*, quod in ipsa nostra origine ab Adamo protoparente nostro in nos transmissum contrahimus; & *personale* quod peccantis voluntate physice propriè committitur.

Peccatum personale subdividitur in *actuale & habituale*. Peccatum *actuale* est peccatum spectatum ut actu existens, seu ut actu committitur. *Habituale* est peccatum spectatum ut jam actu commissum est, & physice præteritum, sed permanens moraliter; seu est macula ex actuali peccato consequens, & in anima remanens.

- 6 Peccatum actuale subdividitur 1mo. in peccatum commissionis, & peccatum omissionis. Prius est, quo præceptum negativum violatur, & consistit in actu aliquo prohibito; tale est v. g. mendacium. Alterum est, quo præceptum affirmativum violatur, & consistit in omissione culpabili alicujus actus præcepti;

tale est v. g. non audire Sacrum die festo, non jejunare tempore Quadragesimæ.

Item peccatum actuale 2do. aliud est *veniale*, aliud *mortale*. Peccatum mortale est illud, quod reddit hominem Deo odibilem, & dignum poenâ æternâ. Dicitur mortale, quia avertit mortem spiritualem animæ, privando illam gratiâ sanctificante, in qua spiritalis animæ vita consistit. Peccatum veniale est illud, propter quod Deus homini indignatur leviter tantum, & quod tantum inducit reatum poenæ temporalis, in hac vel altera vita exsolvendæ. Veniale dicitur, quia non dissolvit amicitiam hominis cum Deo, nec avertit mortem animæ: non enim est impossibile cum charitate, sed solum fervorem ejus minuit; neque excludit à cœlesti beatitudine, sed solum retardat illius affectionem.

3tio. Peccatum actuale aliud est *carnale*, aliud *spirituale*. Istud ultra delectationem spiritualem non progreditur, sed in sola anima perficitur; talis est invidia, superbia, &c. Carnale est, quod ex anima profectum sensus afficit, atque materialis organi actione consummatur; ut peccatum luxuriæ, gulæ, &c.

4to. Peccatum actuale aliud est *cordis*, quod in corde, ut odium Dei; aliud *oris*, quod voce, ut perjurium; aliud *operis*, quod opere, ut furtum, consummatur.

5to. Aliud est *ex ignorantia*, quod scilicet ab ignorantia culpabili tanquam à causa per accidens procedit. Aliud *ex infirmitate*, quod scilicet procedit ex motione appetitus materialis trahentis voluntatem ad consensum, non tamen libertatem tollentis. Et aliud *ex malitia*, quod fit ex pura & plena libertate; si- ve quod neque ex ignorantia aliqua, neque ex infirmitate seu passione anteceden-

dente, sed ex mera voluntatis electione committitur.

- 7 6to. Dividitur in peccatum *contra Deum*, seu quod Deum ut primam veritatem, ut summum bonum, & ut supremum Dominum, directe impetit, cuiusmodi est hæresis, qua fides; odium Dei, quo charitas; & supersticio, qua Religio evertitur, & læditur Divina Majestas: deinde in peccatum *contra proximum*, quo alteri fit, quod nemo sibi factum vult: tùm & in peccatum *contra se ipsum*, quod soli peccanti nocumento est.

- 8 7mo. Alia dantur peccata actualia; quæ sunt in *Spiritu sanctum*; alia in *calum clamantia*; alia denique, quæ dicuntur *capitalia*. Peccatum in Spiritum sanctum est peccatum ex malitia procedens, quo repelluntur impugnanturve spiritusalia gratiæ dona, quæ cum sint effectus amoris Dei erga homines, appropriantur Spiritui sancto, utpotè qui ratione processione suæ sit amor Patris & Filii. Sex huiusmodi peccata numerantur, nempe desperatio, præsumptio, impenitentia, obstinatio, impugnatio veritatis agnitæ, & invidentia fraternæ gratiæ; Peccata hæc non remitti neque in hoc Sæculo neque in futuro ait ipse Christus Matth. 11. scilicet, ut explicat S. Thomas, hic art. 3. quomodo morbus corporalis per se sanabilis, tùm curari non potest, cū phreneticus non admittit salubria remedia. Nam ex S. Augustino lib. 1. de Serm. Dom. in monte, qui sic peccat, humilitatem deprecandi non subit, nec spe veniæ, nec timore penæ movetur ad penitentiam, sed vel de se præsumit, vel desperatione deicitur: non acquiescit sanis consiliis, sed obstinato animo veritati resistit, aut detrahit: non accenditur aliorum exemplis, sed eorum gratiæ invidet. Porro si ne minima quidem peccata absque penitentia remitti queunt, quanto minùs graviora.

Peccata in cœlum clamantia dicuntur ea, quæ præ cæteris manifestam improbitatem continent, divinamque provocant ultionem. Ea verò quatuor numerantur in Scripturis, nempe homicidium voluntarium Genes. 4. Peccatum Sodomiticum, Genes. 3. 18. & 19. Oppressio pauperum, Exod. 22. Et Mercedis operariorum defraudatio, Deut. 24. & Jac. 5.

Peccata Capitalia, sic dicta, quòd ad ea cætera, tanquam ad radices, referantur, septem numerantur. Primum est *Superbia*, quæ definitur animi elata inflatio, se omnibus præcellere, & omnia sibi deberi censentis: hunc arrogantis affectum paucis exponit Sapiens Prov. 38. v. 9. ubi superbum sic exclamantem inducit: *Quis est Dominus?* Secundum, *Avaritia*, quæ dicitur ab Apostolo *Idolorum servitus*, & definitur immoderate res terrenas retinendi vel sibi comparandi cupiditas. Tertium, *Luxuria*, quæ est inordinatus libidinis, præsertim veneræ, præter Dei & naturæ leges affectus & usus. Quartum, *Invidia*, quæ est vehemens de bono alieno invidiosus, quo fit, ut collatas aliis dignitates, nominis famam, virtutum splendorem, & ipsas virtutes torvis & lividis oculis conspiciat quis; imò & odii immani prosequatur. Quintum, *Gula*, quæ definitur effrenata cibi potisque luxuries & cupiditas. Sextum, *Ira*, quæ est ulciscendi libido, seu ardor animi perturbatione incitati ad vindictam. Septimum, *Acalia*, quæ est de bono spirituali divinitus sibi commissio animi acerbitas propter consequentis inde laboris metum, aut vitæ inertis & voluptuariæ dimittendæ necessitatem.

Alia item sunt peccata, quæ *aliena* nuncupantur; quia nimirum aliorum operâ perficiuntur, & tamen nobis velut propria imputantur, quòd scilicet jubent.

bendo, suadendo, &c. illorum causa esse cessamus & re ipsa sumus: unde eorum malitiae rei sumus, non secus ac si à nobis ipsis perpetrarentur; atque novem modis hisce duobus versibus comprehensis perficiuntur:

Iussio, consilium, consensus, palpo, recursus,

Mutus, participans, irritans, & nihil obflans.

prout tùm in Tractatu de Doctrina Christiana part. 2. c. 2. §. 9. tùm autem præcipuè & fusiùs in Appendice ad Tract. de Virtutibus Cardinalibus, part. 1. c. 3. ubi de cooperantibus ad damnum proximi differuimus, explicatum est.

10 Ad hæc omnia peccatorum genera reducuntur etiam ea vitia, quæ tùm Virtutibus Theologicis, tùm Moralibus opponuntur, ut sunt infidelitas specificè sumpta, Hæresis & Apostasia, quæ Fidei; Præsumptio, Desperatio, & Incuria salutis, quæ Spei; Odium, Invidia, Discordia, Contentio, Schisma, Rixa, Seditio, Bellum, & Scandalum, quæ sub odio Dei & proximi continentur, atque Charitati opponuntur. Irreligiositas, sub qua velut sub suo genere species continentur Blasphemia, Tentatio Dei, Sacrilegium, Perjurium, & Simonia; ac Superstitio, cujus hæc sunt species præcipuæ, scilicet Idololatria, Divinatio, vana Observantia, Magia, & Maleficium; quæ Virtuti Religionis adversantur.

Ex his enumeratis peccatorum generibus, quædam, (præter alia, de quibus hic nullam mentionem facere duximus) sunt de quibus jã alibi differuimus, præsertim in cit. Append. ad Tract. de Virtutibus Cardinalibus; cætera hic discutere animus est. Atque ut omnia ordine fiant 1mo. de peccato originali tractabimus; deinde de peccato actuali & habituali, *P. Cartier Theol. Tom. III.*

eorumque subalternis speciebus; demùm de aliis infimis peccatorum speciebus singillatim disputabimus. Quocirca Tractatum nostrum in tres partes dissecemus.

Præsertim tamen rem ipsam aggrediamur, præmittenda esse censuimus ea, quæ vulgò Theologi de peccatis in genere tractare solent: Ut, quænam sit causa efficiens peccati; item quodnam sit ejus Subjectum, quodnam illius Objectum tùm materiale tùm formale, seu materia & forma.

Quantum ad 1mum. dicendum, quòd propriè & directè sola voluntas sit causa efficiens peccati.

Prob. 1mo. ex Scriptura. Matth. 15. & Marc. 7. *De corde enim, inquit Christus, exeunt mala cogitationes.... furta, &c.* Ubi asserit hominem non convinci, nisi actus exeat ex corde, hoc est, ex voluntate.

Prob. 2do. ex S. Augustino lib. 2. de Civ. c. 6. ubi sic scribit: *Mala voluntas efficiens est operis mali, mala autem voluntatis efficiens est nihil.* Et c. 7. *Nemo quarat causam mala voluntatis, non enim est efficiens (nempe mala voluntas) sed deficiens, quia nec illa efficiens est, sed deficiens. Deficere namque ab eo, quod summe est, ad id quod minus est, hoc est habere malam voluntatem.*

Prob. 3tio. Ratione. Illud solum potest esse causa directæ & efficiens peccati, quod potest physicè movere voluntatem ad peccatum: vel enim voluntas moveretur à Deo, vel ab Objecto, vel à judicio rationis, vel à Diabolo, vel ab hominibus, vel denique à concupiscentia, seu appetitu sensitivo. Atqui à nullo ex his moveri sic potest voluntas.

1mo. Non à Deo, quia ex dictis in Tract. de Deo part. 1. c. 9. §. 1. in respons. ad Object. non potest esse Auctor peccati;

U u u u

cari; id enim repugnat infinitæ bonitatis & sapientiæ ipsius, ut patet.

2do. Non ab Objecto, nec à iudicio rationis, quia voluntas est facultas libera, quæ, positis omnibus ad agendum requisitis, potest se determinare ad agendum vel non agendum. Atqui unum ex requisitis ad actum voluntatis est Objecti perceptio; voluntas enim non potest ferri in incognitum. Ergo nec ratio proponens Objectum, nec Objectum proponitum physicè voluntatem determinant.

3tio. Non etiam à Diabolo, nec ab hominibus seu mundo voluntas physicè moveri potest ad peccatum; quia Diabolus, & homines seu mundus voluntatem eatenus trahunt ad malum, quatenus suadendo eidem illud proponunt. Atqui, ex mox dictis, voluntas hominis viatoris quocumque proposito bono aut malo libera est, & sui ipsius determinativa. Ergo nec à Diabolo, nec ab homine physicè movetur, &c.

4to. Non denique à concupiscentia; quamvis enim iudicium rationis, & usum libertatis valde impediatur, absolute tamen non tollit; quia concupiscentiæ nomine vel intelligitur ipse fomes peccati, seu inordinatio radicalis ex peccato originali, etiam in renatis, permanens, quæ dicitur à S. Thoma lect. 2. in c. 7. ad Rom. generale malum, communiter se habens ad omnia peccata, sive spiritualia, sive carnalia; vel pressius sumitur pro motibus inordinatis appetitus sensitivi, quo sensu ab eodem S. Doctore vocatur *sensualitas*. Atqui Concupiscentia neutro modo physicè movet voluntatem: Non priori, quia ut sic est veluti merus habitus sine actu & causalitate, ut in parvulis & dormientibus: Non posteriori, & quatenus in actu; vel enim motus ejus ita præveniunt rationem, ut voluntas illos præcavere non potue-

rit, & tunc non sunt peccata, nisi materialiter; vel subsequuntur rationis advertentiam & iudicium, & tunc voluntas potest eis resistere, juxta illud Genes. 4. *Sub te erit appetitus ejus* (peccati scilicet) *& tu dominaberis illius*. Et Jac. 1. *Unusquisque verò tentatur à concupiscentia sua abstractus & illeceus: deinde concupiscentia cum conceperit, parit peccatum; peccatum verò, cum consummatum fuerit, generat mortem*. Quibus verbis Apostolus docet, motus concupiscentiæ esse tentationes duntaxat, donec ipsa conceperit; concipit autem antecedente voluntatis consensu, ut interpretatur S. Augustinus lib. 6. contra Julian. c. 5. Ergo sola voluntas est propriè & directè causa efficiens peccati.

Nihil tamen obest, quin dicamus ¹² Mundum seu homines, & Diabolum, necnon Concupiscentiam, imò Ignorantiam esse improprias, indirectas, & morales peccati causas.

Mundus enim, seu homines mundi amatores ad peccatum movent perverfis colloquiis, malis exemplis, externa vultus specie: hujusmodi enim illicitis mores vel optimos corrumpi quotidianè docemur experientiâ.

Diabolus verò ad peccatum movet rmo. transfigurando se in Angelum lucis, & sub ea forma consilia maxime nociva hominibus nonnunquam dedit. 2do. Licet animam seu voluntatem immediatè movere non possit, tamen sensus interiores & appetitum sensitivum immediatè & directè afficit, Deo ita permittente, phantasie species, quæ sunt cogitationum semina, commovet, sicque efficit, ut objecta velut præsentissima in imaginatione recurrant; spiritus quoque animales, & alios humores exagitando, appetitum sensitivum ad libidinem, iram, & alios inordinatos

ros motus accendit; quamvis voluntati nullam inferat necessitatem.

Concupiscentia etiam, quatenus est motus inordinatus appetitus sensitivi movet voluntatem ad peccatum, quatenus suâ vehementiâ eam ad illud trahere suis illiciis conatur, ut loquitur S. Jacobus mox citatus.

Ignorantia autem dici etiam potest causa moralis peccati, quatenus removel cognitionem, quæ si adesset, voluntas ad actum, qui à parte rei est contra legem, non ferretur, juxta illud Apostoli 1. Cor. 2. v. 8. *Si enim cognovissent, Dominum gloriæ nunquam crucifixissent.*

Quæ autem ignorantie species sint hujusmodi causa peccati, & quæ ipsa sit peccatum, jam ex parte indicavimus in Tract. de Act. Hum. ubi expendimus, quænam augeant, minuant, & tollant voluntarium; atque etiamnum dicemus infra, ubi de singulis peccati speciebus sermo erit.

13. Quantum ad 2dum. dicendum 1mo. Quodd materiale peccati sit quilibet actus humanus. 2do. Formale verò privatio debitæ rectitudinis. 3tio. Voluntas autem subjectum peccati formaliter sumpti.

Ratio 1mi est; quia peccatum ex actu humano physice constat; imò essentiali-

ter est actus humanus, cui, ut mox dicetur, deest debita rectitudo. Ratio 2di est; quia debita rectitudo actus humani non est aliud, quàm conformitas actus cum regulis morum; hæcque rectitudo & conformitas est formale actus humani boni. Ergo privatio hujus rectitudinis est formale peccati. Unde S. Augustinus supra laudatus, *voluntas mala*, inquit, *non est efficiens sed deficiens, &c.* Defectus autem aliud non est, nisi privatio illius, cujus est defectus. Ratio 3ti. est; quia peccatum, ut potè actus vitalis, recipitur in ea facultate, à qua producitur; ideo enim actus vitales dicuntur immanentes, quia manent in potentia vitali, ut cognitio in intellectu, & volitio in voluntate. Atqui, ex prius dictis, sola voluntas est causa efficiens peccati. Ergo sola voluntas est subjectum peccati formaliter sumpti.

Diximus, *formaliter sumpti*; quia si peccatum materialiter sumatur, sedem habet in aliis potentiis, & maxime in intellectu, necnon in appetitu sensitivo. Unde Theologi vulgò agnoscunt peccata in ratione & sensualitate.

Cætera, quæ hic adhuc de peccatis in genere discutere solent Theologi, commodius expediemus, ubi de peccato actuali nobis sermo erit.





P A R S P R I M A.

14

De Peccato originali.

TAntò accuratius hæc de peccato originali quæstio nobis pertractanda venit, quòd in mente S. Augustini Ep. 157. aliàs 89. cæterorumque Ecclesiæ Doctòrum, notitia peccati originalis, & Fides Redemptionis humanæ per Christum, sint duo velut cardines, circa quos vertitur Christiana Religio. Enimverò nemo, qui se sanum existimat, Medicum admittet; nec Redemptorem agnosceret, qui nescit se fuisse captivum. Ut ergo sciamus, quæ & quanta nobis

attulerit Christus, priùs noscamus oportet, quid in Adam amiserimus.

Hæc autem circa peccatum originale nobis sunt investiganda: 1mo. Utrum re vera existat. 2do. Quid sit, & in quo consistat. 3tio. Quomodo tradatur in Adæ posteròs. 4to. Utrum ità necessariò in omnes transmittatur, ut nullus excipi possit, ac de facto exceptus non fuerit. 5to. Quæ sint illius poenæ, tùm in præsentì vica, tùm in futura. Quæ singulis Capitibus absolvemus.

C A P U T P R I M U M

Utrum existat peccatum originale.

15 **S.** Augustinus lib. de Hær. n. 88. docet Pelagium, Cælestium & illius Discipulos negasse existentiam peccati originalis, & docuisse 1mo. Adamum peccando sibi solinocuisse, non posteris. 2do. Morbos, mortem, & concupiscentiam non esse effectus illius peccati, sed naturales humanæ naturæ defectus.

Postea tamen, ut refert idem S. Augustinus lib. 4. contra duas epist. Pelag. c. 2. & 4. Catholicorum argumentis oppressi, fateri coacti sunt, mortem corporis ex Adamo trahi; at semper negarunt mortem animæ seu peccatum ex eo trahi.

Cùm Pelagio originale peccatum ne-

gârunt postea, Sæculò nempe XIII. Albigenses, teste S. Antonino in Sum. Theol. Sæculò autem XVI. Anabaptistæ, Sociniani, & Zwinglius. Porro Anabaptistæ planè sentiunt & loquuntur cum Pelagio, negantes peccatum, mortem, & alia mala ex Adamo trahi. Zwinglius verò quadantenus ab eo discrepat: Nam docet 1mo. ex Adami peccato ad ejus posteròs derivari propensionem ad malum. 2do. Propensionem hanc esse peccatum metonymicè, quatenus est effectus & causa peccati. 3tio. Peccatum originale in hac propensione consistere, proindeque peccatum originale non esse nisi improprie peccatum. Contra hos omnes sit

CON.

CONCLUSIO.

- 16 Datur peccatum originale ab Adamo commissum, & per generationem transfusum in ejus posteros, qui viâ naturali ab eo descendunt, quo peccato constituntur in se verè & propriè peccatores, Deo odibiles, & æternæ damnationi obnoxii.

Prob. 1mo. Ex S. Scriptura. Job. c. 14. *Quis potest facere mundum de immundo conceptum femine? Nonne tu, qui solus es? Ubi significatur immunditia animæ, quippe quæ dicitur à solo Deo tolli posse, & hujus immunditiæ causa affertur semen immundum, id est, immunditia ex ipsa origine contracta. Ergo existit peccatum in ipsa origine contractum. Quare Septuaginta Interpretes sic hoc exprefferunt: Nemo mundus erit à forde, nec infans, cujus est unius diei vita. Nisi per immunditiam illam & sordem ineptè aliud intelligi velis, quàm peccatum; cùm tamen nullius rei natura per se sordida sit & immunda; nam, Vidit Deus, inquit Scriptura Gen. 1. v. 31. cuncta, quæ fecerat, & erant valde bona.*

Psal. 50. *Ecce enim in iniquitatibus conceptus sum. In Hebræo legitur, In iniquitate & peccato. Quid est, inquit S. Augustinus in hunc locum (1), quod se dicit in iniquitate conceptum, nisi quia trahitur iniquitas ex Adam? Septuaginta autem verterunt in numero plurali, tùm quia illud unum peccatum originale est omnibus & singulis hominibus, ideoque multiplex transfusione & imputatione: tùm quia illud unum peccatum est fons & origo omnium aliorum peccatorum personalium, maxime propter concupiscentiam ex eo contractam, quæ*

ad omnia peccata impellit, unde est causaliter multiplex.

Rom. 5. *Per unum hominem peccatum in hunc mundum intravit, & per peccatum mori, & ita in omnes homines mori pertransiit, in quo omnes peccaverunt. Ergo per unum hominem omnes homines constituti sunt rei peccati, morti obnoxii, quia verè omnes, Adamo peccante, peccaverunt.*

Nec dicant Pelagiani & Sociniani, peccatum ibi sumi improprie & metaphoricè. Vel peccatum intrasse in mundum imitatione tantum, non propagatione. Vel peccatum in mundum intrasse per Adamum, quia Adamo peccante peccatum coepit in mundo esse.

Nam contrà est 1mo. Quia Apostolus ibi loquitur de peccato, propter quod omnes sunt morti obnoxii: solum autem peccatum proprie dictum parit mortem, juxta illud eiusdem Apostoli Rom. 6. v. 23. *Stipendia peccati mors.* 2do. Si peccatum imitatione tantum intrasset in mundum, Apostolus debuisset dicere per duos homines, non autem per unum hominem: nam homines peccando, non solum Adamum, sed etiam Evam, quæ prior peccavit, imitantur. Item debuisset dicere, per diabolum, non per unum hominem, siquidem diabolus prior peccavit, & ad peccatum induxit ab initio: *Ab initio diabolus peccat*, 1. Joan. c. 3. v. 8. Deindè mors intravit per peccatum; cùm ergo ipsa in parvulos defæviat, sequitur peccatum in eos fuisse transfusum non imitatione, quatenus scilicet Adamus suo exemplo eos ad peccandum induxit, sed propagine. 3tio. Antequam peccaret Adamus, peccatum jam

U u u u 3

erat

(1) Enarrat. in Psal.

erat in mundo : nam ante Adamum peccavit Eva, & ante Evam diabolus.

- 17 Prob. 2do. ex omnibus Conciliis, quæ in Oriente & Occidente necnon Africa contra Pelagianos celebrata errorem, quem impugnamus, proseripservnt (b). *Ubique diffusos Christi exercitus*, inquit S. Augustinus lib. 3. contra Julian. c. 1. *debelleavit apud Carthaginem Cœlestium quando ipse non eram, & rursum Constanti- nopolim longe à regionibus Africanis. Adde & Diospolim in Palæstina, ubi sequentes Pelagii propositiones anathemate sunt percussæ: 1ma. Quodd peccatum Ada ipsum solum læserit. 2da. Quodd infantes nuper nati in illo statu sint, in quo Adam fuit ante pravariationem. 3tia. Quodd neque per mortem, vel pravariationem Ada omne genus hominum moriatur. 4ta. Quodd infantes, etsi non baptizentur, habeant vitam æternam.* Concilium Arausicanum II. an. 529. Can. 2. sic habet: *Si quis soli Ada pravariationem suam, & non ejus propagini asserit nocuisse, aut certè mortem tantum corporis, quia pœna est peccati, non autem & peccatum, quod est mors anima, per unum hominem in omne genus hominum transfusse testatur, injus- titiam Deo dabit, contradicens Apostolo dicenti, Per unum hominem &c.* tacemus & plura alia Concilia particu- lariora, ut & Oecumenica, putà Ephesi- num in sua Synodica Epistola ad Cœle- stinum Papam; Florentinum in sua defi-

nitione; quæ constanter eadem contra Pelagianos sanciverunt. Unicum Tri- dentinum audisse sufficiat, quod contra Anabaptistas & Zwinglianos Sess. 5. Can. 2. sic loquitur: *Si quis Ada pravariationem sibi soli & non ejus propagini asserit nocuisse . . . aut inquinatum illum per inobedientiam peccatum, mortem & pœnas corporis tantum in omne genus huma- num transfudisse, non autem & peccatum, quod est mors anima anathema sit.*

Omittimus etiam summos Pontifices, à quibus Pelagii errores, ubi primùm innouère, damnati sunt, scilicet ab Inno- centio I. in Ep. ad Concilium Mile- vitanum, Zozimo in Ep. ad totius or- bis Episcopos; & Cœlestino in Ep. 1. ad Episcopos Galliæ, &c.

Prob. 3tio. ex SS. Patribus, qui ante S. Augustinum floruerunt; in confesso enim est, quotquot à sancti illius Do- ctoris ætate tum in Oriente, tum in Occidente floruerunt, agnovisse in ho- minibus, qui viâ ordinariâ generantur, peccatum originale; ergo nonnullos dun- taxat Patrum, qui tribus prioribus Ec- clesiæ sæculis scripserunt, textus refe- remus ex eodem S. Augustino, quos ipse variis in locis, sed præsertim lib. 1. contra Julianum c. 3. & aliis, congestit, ut Pe- lagianorum, qui ipsum circa existentiam peccati originalis novitatis insimulabant, calumniam depelleret.

Nem-

- (b) Certè pro illustranda hac veritate nihil potest adduci validius, quàm totius Ecclesiæ ad- versus Pelagianos reclamatio, ubi prodire cepit eorum hæresis, quæ primùm, accusante Paulino Diacono Carthagenensî, damnata fuit Carthagine an. 411. Diospoli an. 415. & iterùm Carthagine, Aurelio Præsîde, an. 416. Milevi in Numidia eodem anno. Præsîde Sylvano. Item Romæ ab Innocentio I. Constantinopoli ab Attico Constantinopoli- tano. Thessalonice à Rufio. Alexandriæ à S. Cyrillo. Antiochiæ à Theodosio Anno 431. à Concilio Ephesino. Anno 529. ab Arausicana Synodo II. Can. 2. à Magni- niano, Can. 5. à Synodo Florentina in Decreto unionis. Et tandem à Tridentina Sess. 15. Can. 2. Unde verò tam unanimis fuit Antiquorum, & omnium Ecclesiarum confen- sus; nisi quis ita omnes à decessoribus suis instituti fuerant, & Traditio à SS. Patribus laudata erat in aperto?

Nempe laudat hic S. Doctor 1mo. Cyprianum, qui Ep. 59. sic loquitur: *Quantò magis prohiberi non debet infans (à baptismo) qui recens natus nihil peccavit, nisi quòd secundum Adam carnaliter natus contugium mortis antiqua prima natiuitate contraxit. Qui ad remissionem peccatorum accipiendam hoc ipsi, facilius accedit, quòd illi remittuntur, non propria, sed aliena peccata.*

Laudat 2do. Reticium Episcopum Augustodunensem, qui in Opusculo, quodjam non extat, asserit, *ignorantia prisca delicta per baptismum in infantibus deleri, eoque in illo veterem hominem cum ingentis sceltribus exuere.*

Laudat 3tio. Hilarium Pictaviensem, qui de hac Apostoli sententia, *In quo omnes peccaverunt*, sic loquitur: *In quo, id est, in Adam omnes peccaverunt. Manifestum in Adam omnes peccasse quasi in Massa; ipse enim per peccatum corruptus, omnes, quos genuit, nati sunt in peccato.*

Laudat 4to. S. Ambrosium, qui lib. 1. in Lucam asserit, *parvulos per baptismum à malitia reformari.*

Laudat 5to. S. Irenæum, qui lib. 4. adversus hæreses c. 5. & 6. asserit, *homines non salvari ab antiqua serpentis plaga nisi per fidem in Christum; non nisi per eam fidem resolvi eos vinculis, per quam protoplasti peccatò alligati erant.*

Laudat 6to. S. Athanasium, qui in Opere de Incarnatione Verbi, sic loquitur: *Ut lapsò Adamò in omnes homines peccatum dimanavit: ita Domino præcedente rigor ille in nos tandem transibit.*

Laudat 7mo. S. Basilium, qui Serm. 1. de jejuniis, hæc scribit: *Si jejunaſſet à ligno Eva, non isto indigeremus jejuniis: non enim opus habent valentes medicò, sed male habentes.*

Laudat 8vo. S. Gregorium Nazianzenum, qui in Oratione in Natalem Christi paulò post initium sic loquitur: *Sicut in Adam omnes mortui sumus: ita in Christo omnes vivificamur.*

Laudat 9no. S. Joannem Chrysostomum, qui in sua ad Olympiam Epistola sic loquitur: *Quando enim Adam peccavit, illud grave peccatum, & omne genus humanum in commune damnavit. &c.*

His Patribus adjungi potest Tertullianus, qui in libro de testimonio animæ c. 3. sic de Adamo loquitur: *Exinde totum genus humanum de suo semine infectum, sua etiam damnationis traducem fecit. In libro de anima, c. 2. scribit, ex fidelibus natos eo sensu ab Apostolo Sanctos vocari, quòd parentum fidelium curà baptismate sint ablundi. In libro 1. contra Marcionem, c. 22. supponit, & sibi & Marcioni persuasum esse, quòd omnes per primi parentis peccatum, peccati maculam contraxerint.*

Adjungi etiam potest S. Justinus Martyr, qui in Dialogo cum Tryphone expressè asserit, *totum genus humanum per Adam in mortem, seductionemque serpentis concidisse. Et in Apologia 2da. ad Antoninum ait, unumquemque in baptismo renasci.*

Origenes, lib. 2. Periarchon c. 9. Pelagianis quoad originalis peccati existentiam favisse quidem videtur, ubi hujus vitæ miseria non in peccatum originale, sed ad superiorem vitam in peccatis actam, quorum pœnas postea animæ in corpore darent, refundit. Verùm multis aliis in locis Catholicam de peccato originali doctrinam proficitur. Ut Hom. 8. in Leviticum, ubi expressè docet, uno excepto Christo, quemlibet hominem in peccato nasci: addit, baptismum parvulis dari in remissionem peccato-

TURBA

rum; hincque concludit esse aliquid in infantibus, quod indulgentiæ & remissioni indigeat: Cum utique, ait, si nihil esset in parvulis, quod ad remissionem deberet & indulgentiam pertinere, gratia baptismi superiua videretur. Item Hom. 14. in Lucam, *Parvuli*, inquit, *baptizantur in remissionem peccatorum*: quorum peccatorum? vel quo tempore precaverunt? aut quando potest ulla lavari in parvulis ratio subsistere? nisi iuxta illum sensum, de quo paulo ante diximus, nemo mundus a sorde, nec suavis diei &c. Et lib. 4. contra Celsum. *In Adamo*, ait, *omnes moriuntur, & damnati sunt in similitudine prævaricationis Adami*, nec tam de uno quopiam, quàm de toto humano genere Scriptura divina loquitur.

- 19 Prob. 4to. Rationibus, 1ma. Christus mortuus est pro omnibus hominibus etiam parvulis. Ergo omnes homines etiam parvuli mortui sunt per peccatum: nam Christus non nisi pro iis, qui mortui sunt, mortuus est: Si unus pro omnibus mortuus est, inquit Apostolus (c), ergo omnes mortui sunt. Et pro omnibus mortuus est Christus. Hanc rationem ex hoc Apostoli textu depromptam urgebat S. Augustinus adversus Julianum (d). Si autem, aiebat, secundum Apostolum, sicut putas, nullum delictum habent parvuli; unde ergo secundum Apostolum mortui sunt? quia, & secundum te, etiam pro ipsis mortuus est Christus: unus enim pro omnibus, ergo omnes mortui sunt, & pro omnibus mortuus est. . . . Et c. 138. Quicumque te veritas, ab originali peccato non alienabis parvulos, nisi eos negaveris mortuos: quod si feceris, mortuum pro eis Christum negabis: si au-

tem, ne hoc neges, mortuos parvulos commiseris; profecto in Adam mortuos non negabis.

2da. Baptismus est omnibus hominibus non solum adultis, sed etiam infantibus, ad salutem necessarius, ut constat tum ex illo Christi Joan. 3. *Nisi quis renatus fuerit ex aqua & Spiritu Sancto, non potest introire in Regnum Dei*: tum ex perpetuo sensu & usu Ecclesiæ; quæ semper summa sollicitudine curavit, ut infantes de vita periclitantes baptizarentur. Unde & ipsi Pelagiani hanc Baptismi necessitatem non negarunt (e). Ergo omnes etiam infantes indigent effectu Baptismi: nam Baptismus non est necessarius, nisi propter ejus effectum. Atqui effectus Baptismi est ablutio & remissio peccati, ut patet ex illo Ephes. 5. *Mundans lavacro aqua in verbo vitæ*; & ex ipsa forma Baptismi: *Ego te baptizo, &c.* Hoc est, *Ego te abluo*. Ergo omnes homines etiam infantes indigent ablutione & remissione peccati. Ergo contraxerunt verè peccatum, quod scilicet ab Adamo in eos per generationem naturalem transfusum est.

Ad hoc argumentum Pelagiani respondere, parvulos baptizandos esse, non ut remittatur illis peccatum aliquid, & vitam æternam consequi possint; cum illis, utpotè innocentibus, debeatur, & re ipsa sit retribuenda, etiam si moriantur sine Baptismo; sed ut regnum cælorum ingrediantur, quia solis baptismi hujus regni ingressus patebit.

Verùm cavillationem hanc eruditissimè confutavit S. Augustinus Serm. 14. de Verb. Apost. ostenditque regnum cælorum nihil aliud esse præter vitam æternam:

(c) 2. Cor. 5.

(d) Lib. 2. Oper. imperf. contra Julianum c. 133.

(e) Apud S. Augustinum, Serm. 14. de verb. Apost.

nam : quod enim Christus *regnum cælorum* nuncupavit *Math. 25. v. 34. Venite benedicti Patris mei, possidete paratum vobis Regnum &c.* Id *vitam æternam* ibidem *v. 46.* appellat, cum sententiæ executionem significat his verbis: *Ibunt* (impii, quos sub hædorum nomine indicat) *bi in supplicium æternum, Iusti autem in vitam æternam.* Ergo, inquit ibidem S. Augustinus, *est æterna vita extra regnum cælorum?* *Primus hic error averſanſus ab auribus, extirpandus à mentibus.* Hoc novum prius in Ecclesia inauditum est, esse vitam æternam præter Regnum Dei. Præterea in præſenti ſtatu nihil impedit Regnum cælorum, niſi peccatum.

3tia. Repetit idem S. Augustinus (f) ex cæremoniis in Baptismo adhiberi ſolit. Ubi parvulis Baptismus conferitur, ex perpetuo uſu Eccleſiæ, adhibentur exorcismi & ſufflationes, quibus Diabolus ab infantibus baptizandis expellitur. Ergo juxta perpetuum Eccleſiæ ſenſum infantes ante Baptiſmum ſunt ſub poteſtate dæmonis, & conſequenter ante Baptiſmum inquinati ſunt peccato aliquo, propter quod ſunt ſub poteſtate dæmonis : nam nemo ſervus dæmonis efficitur niſi per peccatum. Atqui peccatum illud, quo, ſecundum perpetuum Eccleſiæ ſenſum, inquinati ſunt infantes ante Baptiſmum, non poteſt eſſe niſi peccatum originale, id eſt, peccatum ex origine contractum : nam infantes peccati perſonalis ſeu actualis capaces non ſunt. Ergo juxta perpetuum Eccleſiæ ſenſum infantes naſcuntur cum peccato originali, & conſequenter exciſi peccatum originale.

Porro has cæremonias nunquam negare auſi ſunt Pelagiani ipſi, ut conſtat *P. Cartier Theol. Tom. III.*

ex S. Auguſtino lib. 6. contra Julianum, cap. 5. ubi eum ſic exagitat : *Id tu commemorare timuiſti, tanquam ipſe ab orbe toto exſufflandus eſſis, ſi huic exſufflationi, qua Princeps mundi à parvulis ejicitur foras, contradicere voluiſſes.* Neque etiam negare potuerunt illas adhiberi ad dæmonem abigendum. Nam, ut idem S. Doct. lib. 2. Oper. imp. n. 181. ait : *Propter hoc & infantes, cum baptizantur, eruuntur de poteſtate tenebrarum: alioquin cum magna injuria Dei, ſicut jam diximus, & ipſe dicendum eſt, exorcizatur & exſufflatur imago Dei, ſi non ubi ille exorcizatur & exſufflatur Princeps mundi, qui mittitur foras, ut ſit illic habitatio Spiritus ſancti.*

4ta. Petitur ex miferiis & calamitatibus tum animæ, tum corporis, quas unusquisque à nativitate ſua experitur. Atqui hæ miferiæ & calamitates, quæ tot mala ſunt, utique ſub juſto & omnipotente Deo non irrogarentur homini, qui eſt ejus imago, ſi nulla ex parentibus mala merita traherentur ; ſcilicet culpa originalis, inquit S. Auguſtinus lib. 3. contra Julianum cap. 3. Ergo cum infantes ipſi his miferiis & malis ſint obnoxii, certè ſubjacent peccato originali, nam ſub juſto Deo innocens miſer eſſe non poteſt. *Si enim propter morimur,* ait idem S. Doct. lib. 4. ad Bonifacium cap. 4. *quia ille (nempe Adam) mortuus eſt ; ille autem mortuus eſt, quia peccavit ; panam dicunt transire ſine culpa, & innocentes parvulos injuſto juſticiis puniri, trabendo mortem ſine meritis noſtris.* Et lib. 4. contra Julianum, c. ult. *Quid igitur reſtat, niſi ut cauſa iſtorum malorum, (tum animæ tum corporis, quæ à nativitate ad poſteri perferre coguntur) ſit aut iniquitas vel impotentia Dei, aut pana pri-*

X x x

111

(f) Lib. 1. de peccatorum meritis & remiſſ. c. 34. Item lib. 1. de Nugis & Concupiſc. c. 26. necnon lib. 6. contra Julian. c. 2.

mi, veterisque peccati? Sed quia nec injustus, nec impotens est Deus: restat quod non vis, sed cogitis fateri, quod grave jugum super filios Adam à die exitus de ventre matris eorum usque in diem sepultura in matrem omnium non fuisset, nisi delicti originalis meritum præcessisset.

19

Solentur Objectiones

Ex S. Scriptura petita.

Ob. 1mo. Illud Ezechiel. 18. v. 20. *Anima quæ peccaverit, ipsa morietur: filius non portabit iniquitatem patris &c.* Atqui si daretur peccatum originale, filius portaret iniquitatem patris. Ergo.

Resp. 1mo. Neg. min. Cum homines ob peccatum originale puniuntur, portant iniquitatem propriam: nam peccatum originale, licet sit ab Adamo, est tamen unicuique homini proprium ac intrinsecum; & totuplex est, quot sunt homines, qui per viam naturalem ab Adamo descendunt, nisi quis ex specia- li privilegio ab eo præservetur.

Resp. 2do. Dist. maj. Filius non portabit iniquitatem actualem Patris, conc. originalcm, neg. maj. Ezechielem non de ista, sed de illa tantum loqui evidens est; scilicet consolari voluit Judæos, apud quos invaluerat hoc proverbium: *Patres comederunt uvam acerbam, & dentes filiorum obdupsescunt.* At ea ratione Judæos solatur, ut si parentes iniquos non imitentur, pœnâ, saltem æternâ, qua parentes castigati sunt, ipsi minimè castigandi sint: Si autem, inquit, *impius egerit penitentiam ab omnibus peccatis suis, quæ operatus est, &c. vitâ vivet, & morte æterna non morietur.*

20 Ob. 2do. Scriptura passim dicit, quod *Deus reddet unicuique secundum opera ejus.* Atqui id falsum est, si detur peccatum

originale; nam tunc Deus unicuique reddet secundum opera aliterius, nempe Adami, qui solus malum operatus est, per suam inobedientiam. Ergo.

Resp. 1mo. neg. min. Nam, ut primum dictum, peccatum originale, quo habitualiter maculantur infantes, est moraliter opus illorum, quatenus est violatio præcepti facta voluntate Adami, quæ moraliter erat omnium posterorum viâ naturali ab eo descendentium voluntas in ordine ad observationem vel violationem præcepti de non comedendo fructu arboris scientiæ boni & mali. Unde peccatum Adæ, quod origine unum est, & prorogatione transfusum omnibus, inest unicuique proprium, ut ait Concilium Tridentinum Sess. 5. Can. 3.

Resp. 2do. neg. suppos. Nam in iis locis Scriptura loquitur de adultis; quibus singulis Deus juxta opera eorum retribuet vel mercedem vel supplicium.

Ob. 3tio. Rom. 4. v. 15. *Ubi non est Lex, ait Apostolus, nec prævaricatio.* Atqui infantes nulla lege tenentur. Ergo nec peccatô.

Resp. Dist. min. Atqui infantes nulla lege tenentur, quam voluntate physice propria violare possint, conc. quam violare possint, & re ipsa violaverint voluntate primi parentis, quæ moraliter illorum propria erat, neg. Quare infantes tenentur & rei sunt prævaricationis voluntate primi parentis, quæ moraliter erat illorum propria, commissæ: qua quidem prævaricatione constituuntur peccatores à primo instanti animationis.

Ob. 4to. Rom. 5. *Regnavit mors, 22* inquit Apostolus, *ab Adam usque ad Moysen, etiam in eos, qui non peccaverunt in similitudinem prævaricationis Adæ.*

Ada. Ergo mortem duntaxat, non peccatum, omnes ex Adamo trahimus.

Resp. Dist. textum. seu ant. *Regnavit &c.* qui non peccaverunt voluntate physice propria seu peccatō personali, &, ut loquitur Apostolus, in similitudinem prāvicationis Adæ, conc. Qui non peccaverunt simpliciter & voluntate Adami, quæ moraliter omnium ejus posterorum erat propria, neg. ant. Solutio patet ex jam dictis. Et verò mors, quæ regnavit usque ad Moysen est pœna justa. Atqui non esset justa, nisi supponeret peccatum. Unde Apostolus expressè dicit, *Usque ad legem peccatum erat in mundo: peccatum autem non imputabatur*, id est, non agnoscebatur; per legem enim cognitio peccati, ait S. Augustinus lib. 6. contra Julianum, cap. 4.

23 Ob. 5to. Ibidem subdit Apostolus: *Si unius delictū multi mortui sunt, multo magis gratia Dei... in plures abundavit.* Ex quibus sic licet argumentari: Plures sunt, juxta Apostolum, qui in Christo justificantur, quam qui in Adamo peccaverunt. Atqui plures illi in Christo justificati paucissimi sunt respectu Infidelium, & eorum, qui sine Baptismo decedunt. Ergo paucissimi admodum sunt, ad quos peccatum Adami transmittitur.

Resp. ad Arg. neg. maj. Nam 1mo. In Græco non habetur *plures*, sed *multos πολλοι*. 2do. Termini illi *multi, plures, omnes*, promiscuè hinc usurpantur ab Apostolo, ut legenti patebit; ait enim, *in omnes homines mors pertransiit: in quo (Adamo) omnes peccaverunt.* Item, *Si unius delictū multi mortui sunt, per unius justificationem in omnes homines in justificationem vita.* Et paucis interjectis, *Per unius obedientiam iusti constituentur multi.* Ad quæ, Cum dictum est, inquit S. Augustinus lib. 6. contra Julianum c. 24. *per unum*

in omnes transiit peccatum; & postea, per unius inobedientiam peccatores constitutos multos, ipsi sunt multi, qui & omnes. Nec singulare est Apostolo voces illas, promiscuè usurpare; nam, ut ibidem observat S. Doctor, Deus sic illas usurpavit Gen. 22. ubi dictum est, *Abrahæ: In semine tuo benedicentur omnes gentes, & patrem multarum gentium posui te.* Hic quippe eandem omnes, multos, inquit idem S. Doctor, & eandem multas, omnes esse monstratum est. Porro sensus Apostoli est: scilicet Redemptionem Christi per se majus ac utilius beneficium esse, quam Adæ peccatum perniciosum fuerit. Nam si Adami peccatō omnes mortui sunt, hoc est, incurrerent reatum mortis tum animæ tum corporis; longè tamen majora bona & dona nobis contulit Christi redemptio, quam Adam abstulit; nec, sicut Adam uno peccato omnes perdidit, ita redemptio ac gratia Christi omnes, quibus fuerit applicata, ab uno solo peccato liberat, sed à multis & variis peccatorum generibus, quæ Adami posteris addiderunt, & addent ejus peccatō. Item dici potest cum Esslio, per vocem *plures*, Apostolum non attendere ad multitudinem eorum, qui Christi gratiæ participes sunt, sed ad copiam gratiæ, quæ superabundavit, adeo ut plus nobis restituerit Christus, quam in Adamo perdidimus, scilicet donum perseverantiæ, auxilia efficaciam; hæc enim non fuerunt in statu innocentie.

Ob. 6to. Iterum Rom. 5. *Per unius 24 hominis inobedientiam peccatores constituti sunt multi.* Ergo homines sola imitatione constituti sunt peccatores per peccatum Adami: nam si propagatione, omnes, non tantum multi dicerentur constituti peccatores.

Resp. neg. conf. Quia vox *multi* non excludit omnes, sed, ut primum à nobis

X x x x

bis dictum est, has voces promiscue usurpat Apostolus. Sicut Scriptura dicit Christum mortuum esse pro omnibus, & pro multis; quia re vera illi omnes, pro quibus Christus mortuus est, multi sunt, & multi omnes sunt. Vide dicta in solutione ad præcedentem Objectionem.

25 Ob. 7mo. 1. Cor. 7. *Sanctificatus est vir infidelis*, ait idem Apostolus, *per mulierem fidelem, & sanctificata est mulier infidelis per virum fidelem*: alioquin filii vestri immundi essent: nunc autem sancti sunt. Ergo saltem infantes fidelium immunes sunt à reatu peccati originalis per non imputationem, ut docent Calvinistæ.

Resp. neg. conf. Quia vox *immundi* ibi significat idem, quod *illegitimi*, & vox *sancti* idem ac *legitimi*. Vel ad summum ibidem significatur sanctitas quædam moralis propter fidem unius parentis Deo per Baptismum consecrati & sanctificati. Nam filii ibi dicuntur sancti in eo sensu, in quo dicitur vir infidelis esse sanctificatus per mulierem fidelem, nempe morali quadam denominatione per conjunctionem cum uxore sancta: similiter filii parentum Christianorum sunt sancti denominatione quadam morali & intrinseca, quatenus oriuntur à parentibus Deo consecratis, & vi status sui sancti, quique per fidem disponuntur ad procurandam per Baptismum veram liberis suis sanctitatem: nam ibi Apostolus rationem affert, cur conjuges fideles non debeant deserere conjuges infideles pacifice cohabitare volentes, quia scilicet matrimonium non sit illegitimum per conversionem unius conjugis, nec polluitur per infidelitatem alterius; sed potius conjux infidelis per alterius conjugis fidem & sanctitatem morali quadam sanctitate consecratur, sicut res prophana per contractum rei sacræ sanctificatur: alioquin liberi ex ejusmo-

di matrimoniis nati, essent illegitimi: quod certè falsum est, nam sunt legitimi, & per parentis fidelis fidem morali quadam sanctitate consecrati.

Porrò hic Calvinistarum error, quo contendunt, infantes fidelium immunes esse à reatu peccati originalis per non imputationem, evidenter refellitur 1mo. Ex S. Scriptura: nam Psal. 50. David, qui ex parentibus fidelibus natus erat, testatur, se conceptum fuisse in peccato originali: *Ecce*, inquit, *in iniquitatibus conceptus sum, & in peccatis concepit me mater mea*. Ubi pluralis *concepit me* singulari ponitur per Synecdochen Hebræis familiarem. Et Apostolus Ephes. 2. de se & aliis fidelium parentum filiis dicit: *Eramus naturæ filii ira sicut & ceteri*: hoc est, eramus origine rei peccati, & digni odii Dei & vindictæ. 2do. Ex perpetuo usu & sensu Ecclesiæ, quæ semper judicavit Baptismum necessarium esse omnibus omnino infantibus etiam parentum Christianorum. Item ex unanimi Patrum consensu. 3tio. Ex Concilio Tridentino Sess. 5. Can. 4. ubi ait: *Si quis parvulos recentes ab uteris matrum baptizandos negat, etiamsi fuerint ab baptizatis parentibus orti; aut dicit in remissionem quidem peccatorum eos baptizari, sed nihil ex Adam trahere originalis peccati, quod generationis lavacrum necesse fuerit expiari ad vitam æternam consequendam... anathema sit*. Ratio est; quia illi omnes nascuntur rei peccati originali, qui peccaverunt in Adam, nisi primò instanti conceptionis gratiâ sanctificante ex speciali privilegio præveniantur. Atqui omnes omnino homines, etiam infantes ex parentibus fidelibus orti, peccaverunt in Adam, ut testatur Apostolus Rom. 5. *In quo (Adamo) omnes peccaverunt*. Nam peccatum Adam fuit secundum moralem æstimationem peccatum actuale omnium, quorum erat caput morale.

- 27 Instant Calvinistæ: Nemo potest transfundere id, quod non habet; Sed parentes fideles non habent peccatum originale. Ergo.

Resp. enim Dist. maj. Nemo potest transfundere per modum causæ id, quod non habet, conc. Per modum conditionis, qua posita fit transfusio, & qua non posita non fieret transfusio, neg. maj. Parentes solum transmittunt peccatum originale ponendo conditionem, quam merè per accidens sequitur transmissio peccati originalis. Hæc autem conditio est generatio naturalis.

- 28 Ob. 8vo. 1. Cor. 15. Apostolus hanc comparationem Adamum inter & Christum instituit: *Sicut in Adam omnes moriuntur, ita & in Christo omnes vivificabuntur.* Atqui non omnes in Christo vivificabuntur. Ergo neque in Adamo omnes moriuntur.

Resp. neg. min. In hoc quippe sita est Apostoli comparatio: *Sicut quotquot ex Adamo generantur, ii reatum peccati & mortis contrahunt; ita quotquot in Christo regenerantur, ii iustitiam & vitam supernaturalem percipiunt; & si perseverent, felicitatem æternam: & è converso, sicut qui ex Adamo viâ ordinariâ non nascitur, quemadmodum Christus, in Adamo non moritur; ita qui in Christo non renascitur, spiritua-liter non vivificabitur.*

- 29 Ob. 9no. 2. Cor. 15. *Omnes, inquit idem Apostolus, nos manifestari oportet ante Tribunal Christi, ut referat unusquisque propria corporis sui, prout gessit, sive bonum sive malum.* Atqui parvuli nihil mali in corpore gesserunt. Ergo nullam poenam referent.

Resp. 1mo. Extorquendo arg. contra Adversarios: Parvuli, qui decedunt sive

ante, sive post Baptismum, nihil boni in proprio corpore gesserunt. Ergo nullum præmium recipient, nec regnò cælorum, nec vitâ æternâ donabuntur; quod est longè absurdissimum, etiam in sententia Adversariorum.

Resp. 2do. Cum S. Augustino lib. 6. Contra Julianum c. 10. Apostolum hæc loqui de adultis baptizatis, ut patet ex verbis immediatè præcedentibus: *Nec contendimus, sive absentes, sive præsentibus placere illi. Omnes enim nos manifestari oportet, &c.* Præterea hæc verba, *ut referat unusquisque propria corporis,* non sunt exclusivæ; nec enim dicitur, *ut referat unusquisque tantum propria corporis.*

Solvuntur Objectiones

Ex Patribus petita.

Ob. 1mo. Justinus Martyr quæst. 88. 30 dicit, illud Job: *Nemo mundus à sorde:* non pertinere ad infantes. Ergo censet peccatum originale in parvulis non referri.

Resp. 1mo. Librum illum non esse foetum Iustini, qui circa medium sæculi secundi floruit (g): nam meminit Origenis, qui octoginta annis post Iustinum vixit, ut & Irenæi, qui primum circa annum 202. superfuit.

Resp. 2do. neg. conf. Ratio est; quia Auditor cit. quæst. 88. ait de peccato personali: *Porro, inquit, naturâ ad peccandum unatus est, qui per liberi arbitrii delictum sibi ipsi dux est:* ac proinde mirum non est, quod asseruerit, textum ex Job petatum ad infantes non pertinere, hoc est, non probare cum, infantes esse alicujus personalis peccati reos.

Xx xx 3

Ob.

- 31 Ob. 2do. Tertulianus lib. de anima c. 39. ait : *Sic & omnibus genii deputantur, quod demonum nomen est. Adde nulla ferè nativitas munda est, utique Ethnorum. Hinc enim & Apostolus ex sanctificato alterutro sexu Sanctos procreari ait, tam ex feminis prægativæ, quàm ex institutionis disciplina.* Ergo ex Tertulliano fidelium infantes carent peccatò originali.

Resp. neg. conf. Quia Tertulianus ibi solum vult, nativatem infantium Ethnorum esse propter superstitiones in ea usitatas immundam speciali immunditiâ, quæ caret nativitas infantium apud Christianos. Nam fidelium infantes procreantur sancti hoc sensu, quòd ex intentione & usu fidelium procreantur, ut postea sanctificentur per Baptismum : & eorum nativitas sancta est, quatenus Ethnorum superstitionibus caret, & per caeremonias sacras ii ad cultum Dei deputantur : prout patet ex iis, quæ adductis in Objectione verbis subdit. Præterea Tertulianus eodem libro agnoscit omnes omnino infantes ante Baptismum inquinatos esse peccatò originali ; nam cap. sequenti sic ait : *Ita omnis anima eousque in Adam censetur, donec in Christo recensatur : tamdiu immunda, quamdiu recensatur : peccatrix autem, quia immunda.*

- 32 Inst. 1mo. Tertulianus lib. de Baptismo, cap. 18. ait : *Veniant ergo dum adolescent, veniant dum discunt, dum quo veniant docentur, sicut Christiani, cum Christum nosse potuerint. Quid festinat innocentias ad remissionem peccatorum? Ergo innuit parvulos esse innocentem, adeoque à peccato omni, etiamque originali, immunes esse.*

Resp. neg. conf. Solum vult magis expedire, ut citra mortis periculum Baptismus non nisi adultis conferatur, quò

illum majore cum fructu recipiant. Infantiam autem appellat ætatem innocentem, non quia ab omni peccato est immunis, sed quia peccatis personalibus caret.

Inst. 2do. Idem lib. de Resurrectione carnis cap. 47. mortem quidem corporis refert in Adami prævaricationem, sed ad eandem non refert mortem animæ seu maculam animæ. Ergo Tertulianus non alium saltem effectum peccati Adami agnovit, quàm carnis, non autem animæ mortem.

Resp. Diss. ant. Tertulianus lib. de resurrectione carnis, animæ maculam non refert in Adami peccatum, & tamen refert alibi, conc. Et non refert alibi, neg. ant. Ideò in loco, qui nobis objectus est, Tertulianus de sola corporis morte loquitur, quòd ad quæstionem, de qua eo loci agebat, conferret, seu ad quæstionem de corporis resurrectione, quam negabat Marcion, quamque Tertulianus probandam susceperat : In eo autem positum est illius argumentum, quòd sicut antiquus Adam corpori mortem intulerat ; ita & novus, qui est Christus, vitam illi collaturus sit. Jam verò quòd idem Tertulianus animæ mortem seu maculam refuderit in Adami peccatū superius variis ex ipso laudatis testimoniis ostensum est ; quibus & addi potest illud cap. 8vi. lib. 7. de Resurrectione carnis, ubi Caro, inquit, in Baptismate abluitur, ut anima emaculetur.

Ob. 3tio. Clemens Alexandrinus lib. 3. Stromatum apertè negat peccatum originale. Scribens enim ibidem adversus Encratitas sive Tatianos, negat Adami peccatum infantibus imputari ; quem quidem articulum scilicet de existentia peccati originalis, suo dogmati tanquam basim substernebant : ex eo enim concludebant nuptias, seu actum conjugalem.

galem, per quem tantum malum propagaretur, esse malum : *Dicant ergo nobis* (Encratitæ sive Tatiani) *inquit, ubi fornicatus est infans-natus? vel quomodo sub Adâ cecidit execrationem, qui nihil operatus est? Resat ergo eis, ut videtur, consequenter ut dicant malum esse generationem, non solum eam, quæ est corporis, sed etiam quæ est anima, propter quam etiam corpus. Addit, Davidem ex conceptu nullum traxisse peccatum : Et quando dixit David: In peccatis conceptus sum, dicit propheticè quidem matrem Evam, sed Eva mater fuit viventium : Et si in peccatis fuit conceptus, sed non ipse in peccato, neque verò ipse peccatum. Ergo.*

Resp. ad 1. neg. ant. ad 2. neg. quòd Encratitæ peccatum originale tanquam basim suo dogmati subtraverint : è contrà dogmati suo substernebant peccatum personale in superiore vita commissum, & in cujus pœnam animæ corporeis vinculis illigarentur ; idque etiam apertè demonstrant verba, quibus Clemens Encratitas urget : *Dicant ergo nobis, ubi fornicatus est infans-natus?* Unde hæc alia ejusdem Clementis verba : *Quomodo sub Adâ cecidit execrationem?* intelligenda sunt de execratione, in quam per peccatum personale, quod in superiore vita, hoc est, ante unionem animæ cum corpore, admissum fuerit. Eadem ratione explicari debent hæc alia : *Sed non ipse David in peccato*, intelligenda sunt de peccato personali, de quo Clementem inter & Encratitas erat quæstio, non autem de peccato originali, de quo non agebatur.

35 Ob. 4to. Origenes Commentariò in Epistolam ad Romanos inter alia illud Apostoli *peccatum in hunc mundum intravit*, sic interpretatur, ut velit permundum intelligendos homines terrenos, qui exemplo & in similitudinem Adæ

propria voluntate legem transgrediuntur. Enimverò quomodo Origenes peccatum originale agnoscere potuisset, cum docuerit, animas deliquisse, priusquam infunderentur in corpora tanquam in carceres? Ergo.

Resp. 1mo. Origenis auctoritas parvi est momenti, cum conflct eum plures graves errores docuisset; atque S. Hieronymus Pelagii doctrinam ramusculum fuisse Origenis; necnon Pelagianos, qui ejus auctoritate gloriabantur, hisce sugillat lib. 1. contra Pelag. *Transite ad Amasium vestrum, qui praterita in calis & antiqua delicta solvi dicit in Baptismo.*

Resp. 2do. neg. ant. Origenes quippe in illo Commentario verba Apostoli pro more allegoricè exponit : allegoria autem non destruit sensum litteralem, quem luculenter confirmavit iocis suprâ in Conclusionè prob. 3tia laudatis. Unde in ejus sententia priora animarum delicta, & peccatum originale in Baptismo simul delentur.

Ob. 5to. S. Gregorius Nyssenus in 36 Oratione de infantibus præmatura morte abreptis, ab Hierio quæsitus, an infantes illi ad universale judicium vocandi essent, respondet, exclamans : *O altitudo! puellulus infans simplex, omnis malitia expers, sanitate, qua per purgationem contingit, non indigens.* Ergo Gregorius &c.

Resp. neg. conf. Gregorius Nyssenus eo loci loquitur de infantibus baptizatis, & de purgatione pœnitentiæ à personalibus peccatis; ut patet ex iis, quæ ibidem disserit. Nec obstat, quòd dubitaverit, an, qui infantes mortui sunt, in universali judicio sistendi sint coram Christo Judice. Nam sicut tempus, quo futurum est universale judicium, incertum est; ita & Gregorio

incertus fuit modus, quo Judicium illud fieri debet; unde cum Apostolo exclamandum duxit, *O altitudo!* Sed si Gregorii sententia ex aliis ejus operibus intelligitur, evidenter patebit, ei per suaviſimum fuiſſe, exiſtere peccatum originale. Inſtar omnium ſint hæc ejus verba in libro de vita Moſis: *Occultior quædam, inquit, traditio & verus ſermo ad nos uſque deſcendit, quo creditur, poſtequam in peccatum natura noſtra lapſa eſt, non omnino à Clementia divina neglectam, neque abſque ſuo patrocinio diſmiſſam.*

- 37 Ob. 6to. S. Joannes Chryſoſtomus hom. 1. ad Neophitos, ſcribit infantes idè baptizari, ut eis addatur ſanctitas, non autem ut abluantur à peccato: *Hæc de cauſa, inquit, etiam infantes baptizamus, cum vel quamvis non ſint coinquinati peccato, ut eis addatur ſanctitas, juſtitia, adoptio, hæreditas, fraternitas Chriſti, ut ejus membra ſint.* Ergo &c.

Reſp. Diſt. ant. S. Joannes Chryſoſtomus ſcribit, infantes baptizari, quamvis non ſint coinquinati peccato personali, conc. Peccato originali, neg. ant. Ratio eſt, quia græca Chryſoſtomi verba non habent peccatò in ſingulari numero, ſed peccatis in plurali: ſic enim latinè reddi debent: *Idè & infantes baptizamus, quamvis peccata non habentes.* Ita reſpondet S. Auguſtinus lib. 1. contra Julianum cap. 3. Quærenti verò Juliano, cur, ſi ea mens fuerit Chryſoſtomi, non addiderit, *propria*, hiſce verbis reſpondet Auguſtinus: *Quia diſputans in Catholica Eccleſia, non ſe aliè intelligi arbitrabatur: tali enim quaſtione nullus, vel nullus perſuadebatur, & vobis nondum litigantibus ſecurius loquebatur.* Certe in textu objecto ſupponere videtur peccatum originale, & illud agnoſcere in infantibus: nam agnoſcit parvulos ante Baptiſmum eſſe in

ſtatu, quo carent ſanctitate, juſtitia, & adoptione; cùm ait eos baptizari, ut eis addatur, id eſt, conſeratur ſanctitas, juſtitia, &c. proinde agnoſcit eos eſſe in ſtatu peccati, & damnationis æternæ; cùm non detur medium, inter ſtatum peccati, & ſtatum ſanctitatis ac adoptionis, in quo conſtituuntur infantes per Baptiſmum. Hic S. Chryſoſtomus, exemplò infantium, qui baptizantur, reſellit quosdam, qui dicebant in Baptiſmo ſolùm condonari peccata perſonalia per condonationem extrinſecam, ſine inſuſione gratiæ ſanctificantis.

Inſt. 1mo. Chryſoſtomus hom. 10. in 38 Ep. ad Rom. docet, mortem ex Adamo quidem in ejus poſteros tranſmiſſam fuiſſe, non verò peccatum inobedienciæ, cujus factus eſt reus: *Adamo, inquit, peccante, ac mortali effecto, & qui ex eo orti ſunt, eos tales eſſe nihil abſurdum.* At ex illius inobediencia alterum peccatorem extitiſſe, id verò quam, obſecro, congruentiam, conſequentiamque habet? . . . Quid igitur hoc loco verbum hoc, *Peccatores, ſignificat?* Mibi videtur tantumdem ſignificare, quantum illud, *Supplicio Obnoxii & Mortis Rei.* Ergo &c.

Reſp. Diſt. ant. Chryſoſtomus docet personale peccatum inobedienciæ, cujus Adamus factus eſt reus, in nos tranſmiſſum non fuiſſe, conc. Nam alioquin, ut ibidem ait Chryſoſtomus, ei, qui non peccaſſet, pœna infligeretur. Peccatum quod ſit personalis peccati Adam effectus, neg. ant. Mors ex Chryſoſtomo eſt pœna, quæ omnibus hominibus infligitur. Ergo ſupponit dèmeritum quod præceſſerit; pœna enim eſt correlativa ad dèmeritum: illud autem dèmeritum non eſt personale, cùm infantes, qui tamen morti obnoxii ſunt, incapaces ſint alicujus actus. Ergo eſt ori-

originale tantum & habituale. Igitur S. Chrysostomus solum vult, quod per unius personalem inobedientiam non possint alii constitui actu & personaliter peccatores. Nec negat, imò quoad sensum asserit, per unius peccatum posse alios constitui peccatores originaliter & habitualiter: nam ibi asserit, per unius peccatum posse alios constitui peccatores originaliter & habitualiter; scilicet, per unius inobedientiam multos constitui supplicio, ideoque odio Dei obnoxios ac mortis reos. Per unius autem peccatum multos constitui peccatores originaliter & habitualiter nihil aliud est, quam propter unius peccatum multos ex eo descendentes constitui obnoxios odio Dei, supplicio æterno, & mortis reos. Unde solum negat, propter personalem Adami inobedientiam ejus posteros constitui actu & personaliter peccatores. Præterea eadem Homilia clarè docet peccatum originale, ut infra dicemus; ut & Epistola ad Olympiam, prout supra prob. 3tia. ostendimus.

- 39 Inst. 2do. Hom. 17. in 1. ad Cor. ait: *Quid igitur faciam, inquis, propter illum (Adamum) pereò? Minime propter illum: neque enim tu sine peccato permansisti. Quod si non idem peccatum tamen aliud commissisti.* Ergo &c.

Resp. neg. conf. Hic alloquitur homines baptizatos; ac proinde rectè dicit, illos non posse perire propter Adami peccatum, cum originale peccatum iis per Baptismum jam condonatum esset, sed perire tantum propter peccata voluntate physice propria admissa. Rectè etiam dicit eos idem peccatum Adami non commisisse, soli enim Adam & Eva illud personaliter & actu commiserunt, atque in nos transferunt, &c.

- 40 Inst. 3tio. Hom. 39. in eadem Epist. P. Cartier Theol. Tom. III.

Quid igitur, dic mihi, num omnes in Adam morte peccati mortui sunt? Quomodo ergo Noë vir justus Sæculi sui fuit? Quomodo Abraham? Quomodo Job? Ergo &c.

Resp. neg. conf. Ibi loquitur de morte peccati irreparabilis, & solum vult, non omnes in Adam irreparabili morte peccati mortuos esse, ut patet ex exemplis, quæ asserit: alioqui malè ratiocinaretur. Nam ex eo, quod omnes in Adam peccaverint, non sequitur, aliquos ejus posteros non potuisse esse justos ac sanctos; siquidem hoc peccatum aliquo remedio à Deo instituto condonari potest, & re ipsa condonatur iis, quibus applicatur Baptismus.

Inst. 4to. Hom. 24. in Epist. ad Ephes. 41 *Corruptibile, inquit, nobis corpus, sed incorruptilis anima. Ne igitur & ipsam corrumpamus. Hoc primum primi hominis peccatum fecit: quod autem post lavacrum sit, etiam animam corrumpere potest.* Ergo in mente hujus S. Doctoris anima per peccatum Adæ minimè corrupta fuit seu maculata.

Resp. neg. conf. Ibi loquitur de baptizatis & sensus est: in nobis baptizatis est quidem corpus corruptibile, id est, necessariò corrumpendum, ob moriendi necessitatem, quam Adami peccatum fecit, & quam Baptismus relinquit. At anima etiam Adæ peccatò maculata fuerit, non tamen ita corrupta fuit, ut, quemadmodum corpus, necessariò periret & moreretur; nec modò etiam necessariò est corrumpenda morte peccati, sed potest manere incorrupta, si velimus gratiam baptismalem diligenter conservare, vitando quamlibet culpam mortalem, sicut potest corrumpi per peccatum mortale, nam Baptismus minimè inculpabiles nos reddit.

Harum omnium responſionum veritas confirmatur ex eo, quòd S. Chryſoſtomus peccatum originale clarè docuerit pluribus locis, ut 1mo. Epiſt. ad Olimpiam ſeu Olimpiadem ſupra prob. 3tia. citatam. Item ibidem, *Cùm Adamus*, inquit, *grave illud peccatum admiffiſſet, atque commune hominum omnium genus condemnaffet, labore tum multatus eſt.* 2do. Hom. 10. in Epiſt. ad Rom. ubi ait: *Quod Chriſto crux & ſepulchrum, hoc nobis baptiſma fuit, quamvis non iisdem in rebus. Ille enim carni & mortuus & ſepultus eſt, nos autem peccato utrumque.* Ubi diſertè dicit eos, qui baptizantur, mori & ſepeliri peccato per Baptiſmum: ac proinde agnoſcit infantes, qui baptizantur, mori & ſepeliri peccato, ideoque habere peccatum, non certè personale, cujus ſunt incapaces, ergo originale. 3tio. Eadem Hom. ait: *Liquet, quòd non ipſum peccatum, quòd à legis transgreſſione ortum eſt, ſed illud, quòd ab Adami inobedientia, ipſum illud, inquam, peccatum erat, quòd omnia perdebant.* Ubi præter peccatum personale agnoſcit peccatum ab Adæ inobedientia ortum, quòd omnes perdit, eos ſcilicet efficiendo obnoxios odio Dei, & damnationi æternæ. 4to. Hom. ad Neophytos. *Venit ſemel Chriſtus*, inquit, *invenit noſtrum chirographum paternum, quòd ſcripſit Adam. Sanè chirographum illud paternum, quòd ſcripſit Adam, & quòd noſtrum eſt, nihil aliud eſſe poteſt, quàm peccatum ab Adamo ut morali capite noſtro admiſſum, quòd etiam noſtrum eſt, eò quòd ejus voluntas eſſet moraliter noſtra: & ſic nos habitualiter à primo exiſtentia noſtræ inſtanti maculat, ac reddit debitores mortis.*

Scripturæ peccatum originale ſignificantes, ad mentem Pelagianorum explicat. Denique in libris Hæreticarum fabularum, omiſit eam, quæ peccatum originale negat. Ergo &c.

Reſp. neg. conf. Loquitur adducto textu Theodoretus de peccatis perſonalibus ſimul & originali; agit enim contra Meſſalianos hæreticos, qui contendebant ſola peccata perſonalia & actualia tolli per Baptiſmum, quaſi adhibita novacula, originale verò non per Baptiſmum, ſed per orationem dimitti; quòd quidem abſurdum eſſe Theodoretus probat ex praxi Eccleſiæ, quæ infantes abluit, quamvis rei ſint ſolius originalis peccati; ergo contendit non ſolum peccatorum perſonalium & actualium, ſed etiam originalis remiſſionem eſſe effectum Baptiſmi. Neque etiam omnes Scripturæ textus, quibus probatur peccatum originale, expoſuit, ut Pelagiani exponebant. Et quocumque ex motivo prætermiſerit hæreſim negantium peccatum originale, certè hujus peccati exiſtentiam agnovit; nam in expoſitione capitis 5. Epiſt. ad Rom. ſic ait: *Dicit itaque divinus Apoſtolus, quòd, cùm Adam peccaviſſet, & mortalis propter peccatum factus eſſet, utrumque ad genus pervenit (id eſt peccatum & mors) ad omnes enim mors pervaviſt, quatenus omnes peccaverunt: non enim propter primi hominis peccatum, ſed propter ſuum (quia ex Concilio Tridentino eſt unicuique proprium) unusquisque mortis decretum ſuſcepit.* Etiam infantes, quamvis voluntate phyſicè propria non peccaverint.

42 Ob. 7mo. Theodoretus lib. 5. Hæreticarum fabularum cap. 18. *Quorſum*, inquit, *infantes baptizamus, qui peccatum nondum guſſerunt.* Item textus

Solvuntur Objectiones

A ratione petita.

43 Ob. 1mo. Christi iustitia non prodest iis, qui non credunt. Ergo neque peccatum Adæ nocet non peccantibus. Atqui infantes non peccant, cum sint expertes libertatis. Ergo.

Resp. Dist. ant. Christi iustitia non prodest iis, qui non credunt voluntate tunc physicè tunc moraliter propriâ, conc. Qui non credunt voluntate saltem moraliter propriâ, licet physicè aliena, neg. ant. Dist. pariter conf. Ergo nec peccatum Adæ nocet non peccantibus voluntate tunc physicè tunc moraliter propriâ, conc. voluntate saltem moraliter propriâ, licet physicè aliena, neg. conf. Responsio patet ex passim dictis; estque S. Augustini lib. 3. de peccat. meritis cap. 2. ubi docet, quod sicut iustitia Christi prodest voluntate physicè aliena credentibus, eorum nimirum, à quibus aut offeruntur, aut baptizantur, aut ipsius Ecclesiæ: ita Adami iniquitas nocet iis, qui voluntate physicè aliena, in primo scilicet hominum parente, peccarunt.

44 Ob. 2do. Homines baptizati carent originalis peccati culpâ. Ergo etiam in posteros eam transmittere non possunt: nemo enim dat, quod non habet.

Resp. Huic objectioni jam satisfecimus supra in Responsionibus ad Objectiones ex S. Scriptura petitas in Resp. ad Ob. 7. &c. n. 27. & neg. conf.

45 Ob. 3tio. Si peccatum originale existet, matrimonium, & ejus usus essent mala, nam essent causa peccati. Falsum consequens. Ergo.

Resp. neg. sequel. maj. & prob. Nam peccati, quod per generationem naturalem transfunditur, causa est sola vo-

luntas Adami ut moralis capitis omnium hominum ab eo per viam naturalem descendendum: quæ proinde voluntas in estimatione morali fuit voluntas omnium hominum per viam naturalem ab Adamo descendendum.

Inst. 1mo. Peccatum originale sequitur ex usu Matrimonii. Ergo talis usus est illius causa.

Resp. dist. ant. Sequitur per accidens, conc. Per se, neg. ant. & conf. Peccatum originale non sequitur per se ex usu conjugii: nam in statu innocentie fuisset illius usus, nec tamen fuisset peccatum originale. Sed sequitur tantum per accidens: nam respectu conjugii & usus illius per accidens est, quod peccatum ab Adamo, ut morali generis humani capite, commissum fuerit moraliter peccatum eorum, qui per usum conjugii generandi erant, & hoc pacto per viam naturalem ab Adamo descendenti, & sic peccato illius à primo animationis instanti coinquinandi.

Inst. 2do. Sine usu conjugii non contraheretur peccatum originale. Ergo.

Resp. neg. conf. Quia inde sequitur tantum, quod usus conjugii sit per accidens conditio *sine qua non* respectu peccati originalis, quatenus Adamus relatè ad præceptum de non comedendo certo fructu, illos solum representavit, & sic pro illis tantum peccavit, qui ab eo per generationem naturalem descendenti, ideoque per usum conjugii generandi erant. Non idcirco autem privantur homines jure naturali, quod habent, matrimonium contrahendi.

Ob. 4to. Non peccat iste, qui nascitur, cum electionis capax non sit; non peccat iste, qui generat, alioqui illicitus est conjugii usus, quod primum negatum est; non peccat ille qui condidit: per quas ergo rimas inter tot

Y y y 2

præ-

prædicia peccatum fingis ingressum, aiebat Julianus apud S. Augustinum lib. 2. de Nupt. & Concup. cap. 18.

Respondet S. Augustinus: *Quid quæris latentem vimam, cum habeas apertissimam januam? Per unum hominem, ait Apostolus, per unius delictum, ait Apostolus, per unius hominis inobedientiam, ait Apostolus. Quid quæris amplius? quid quæris apertius? quid quæris inculcatius?* Igitur Dist. 1. mum membrum ant. Non peccat iste qui nascitur voluntate physice propria & personaliter, conc. Non peccat, id est, non habet peccatum voluntate physice aliena, & quæ tamen moraliter sit ejus propria, neg. ant. Voluntas & libertas Adami fuit secundum moralem æstimationem voluntas ac libertas infantum & omnium posterorum ab eo viâ naturali descendendum, in ordine ad violationem, sicut & ad observationem præcepti de non comedendo fructu arboris scientiæ boni & mali. Unde Adamo liberè tale præceptum violante, omnes ab eo per generationem naturalem descendenti censentur illud violasse, & graviter peccasse, & re ipsa à primo conceptionis instanti, gravi peccato inficiuntur, nisi quis gratia sanctificante eodem instanti donetur.

49 Inst. 1. mo. Peccatum est actio vel omisio libera contra legem Dei. Atqui infantes nihil possunt liberè facere vel omittere. Ergo nec peccare.

Resp. Dist. min. Nihil possunt liberè facere vel omittere voluntate physice propria, conc. voluntate physice aliena, sed quæ moraliter sit ipsorum voluntas, neg. min. Equidem, ut jam sæpius dictum, infantes voluntate physice propria legem Dei violare non possunt, cum careant usu rationis, ac proinde non possunt habere peccatum actuale seu personale: At etiam antequam essent, potuerunt violare, & re ipsa violârunt præceptum Dei, voluntate alterius, nempe

primi parentis, ut capitis moralis omnium ab eo per naturalem generationem descendens, quæ voluntas moraliter, seu secundum æstimationem prudentem erat eorum voluntas: Ita ut illo violante præceptum de non comedendo certo fructu, illi secundum prudentem æstimationem censentur idem præceptum violasse: ac proinde habent peccatum voluntate alterius commissum, quo à primo conceptionis instanti maculantur, sicque habent peccatum originale. In infantibus ergo inest, non quidem actus peccati, sed reatus & macula duntaxat peccati, & sic habitualiter peccatum originale, quod est verè ac propriè peccatum habituale.

Inst. 2do. Infantes nullum habent usum libertatis. Ergo nullum habere possunt peccatum.

Resp. neg. conf. Huic objectioni jam satisfecimus sup. in Resp. ad Ob. 1. & alibi passim. Infantes quidem nullum habere possunt peccatum voluntate physice propria commissum & personale. At possunt habere, & re ipsa habent peccatum voluntate physice aliena, quæ tamen moraliter sit eorum propria, commissum, & originale.

Inst. 3tio. Quando Adam peccavit, nondum erant posterii ejus. Ergo illo peccante non potuerunt peccare.

Resp. Dist. ant. Ejus posterii nondum erant physice & in se seu secundum entitatem suam, conc. Nondum erant moraliter, seu secundum prudentem æstimationem in ipso Adamo relatè ad præceptum de non comedendo certo fructu, neg. ant. Adamus licet esset unus in se, tamen omnes erat homines æquivalenter, & secundum prudentem æstimationem in ordine ad præceptum de non comedendo fructu arboris scientiæ boni & mali: nam omnes homines representabat

tabat in ordine ad ejus observationem & violationem. Unde illo uno hoc præceptum observante vel violante, omnes censentur illud observare vel violare.

fuisse peccatum originale, si Adamus hoc præceptum servasset, quamvis omnia alia præcepta violasset.

- 51 Ob. 5to. Nullum peccatum trahitur ab Eva prima omnium matre, & prius peccante. Ergo nec ab Adamo primo omnium parente: nam nulla potior ratio asserri potest pro peccato Adami.

Inst. 3tio. Non est potior ratio, cur violatio præcepti de non comedendo certo fructu fuerit peccatum posterorum, & non fuisset violatio aliorum præceptorum. Ergo &c.

Resp. neg. conf. Ratio autem, cur peccatum originale à solo Adamo trahatur, non ab Eva, est; quia solus Adamus, non Eva, constitutus est à Deo caput morale generis humani, & solus humani generis personam repræsentavit, ac sustinuit in ordine ad præceptum de non comedendo certo fructu. Hinc solo Adamo non peccante non fuisset, & eo solo peccante fuisset peccatum originale. Et verò præceptum Adamo impositum fuit ante formationem Evæ.

Resp. neg. ant. Ratio est, quia solum illud præceptum in persona Adami impositum fuit iis, qui ab eo per generationem naturalem descenduri erant: & sic voluntas Adami non fuit moraliter voluntas posterorum, nisi relatè ad violationem & observationem præcepti de non comedendo fructu arboris scientiæ boni & mali; ac proinde sola hujus præcepti violatio secundum moralem ætimationem fuit & esse potuit omnium Adami posterorum ab eo viâ naturali descendendum transgressio. Deus autem illud præceptum, non aliud, generi humano in persona Adami imposuit, quia ita voluit, & quidem sapientissimè, nam in hoc magis elucet hominis dependentia à Deo.

- 52 Inst. 1mo. Eccli. 25. dicitur: *A muliere initium factum est peccati, & per illam omnes moriuntur.* Ergo &c.

Resp. neg. conf. Id dicitur Eccli. 25. quia mulier fuit causa impulsiva peccati Adami: nam Eva Adamum induxit ad peccandum, quod peccante omnes peccavimus, & peccando facti sumus rei mortis animæ & corporis.

Ob. 6to. Si peccatum aliquod per generationem traheretur, illud esset vitium naturale. Falsum consequ. Nam aliqui adscribendum esset Deo, utpotè omnium naturalium auctori. Ergo.

- 53 Inst. 2do. Peccatum aliorum parentum non imputatur suis liberis. Ergo nec peccatum Adami imputari debet suis posteris.

Resp. neg. conf. Disparitas est, quod voluntas solius Adami, non autem aliorum parentum, sit moraliter voluntas posterorum suorum relatè ad violationem & observationem præcepti de non comedendo certo fructu; quia solus Adamus à Deo constitutus fuit caput morale posterorum suorum relatè ad hoc præceptum, & quidem solum: unde nullum

Resp. Dist. sequel. maj. Effet vitium naturale, id est, effet vitium, quod omni homini ab Adamo per generationem naturalem descendenti inest, seclusa speciali præservatione, conc. Id est, effet vitium, quod esset pars vel proprietas naturæ humanæ, neg. seq. maj. Peccatum originale non est vitium naturæ, nisi in hoc sensu, quod secluso privilegiò, omnes Adami posterì à primæ conceptionis instanti eo inquinantur, & cum eo nascantur; quia, Adamo peccante, omnes ejus posterì secundum moralem

ralem æstimationem peccârunt eodem actu illo, quo peccavit cum ejus voluntas esset secundum morale æstimationem voluntas omni ejus posterorum ab eo per viam naturalem descensurorum. Ac proinde peccato illo omnes Adami posterii, ubi primum possunt, hoc est, à primo instanti conceptionis suæ inquinantur, & eo inquinati nascuntur, nisi quis eorum speciali privilegio per gratiam sanctificationem præservetur, quod semper subintelligi debet. Quare peccatum originale non Deo, sed Adamo, tanquam auctori, adscribendum est.

Ob. 7mo. Peccatum ab Adamo commissum, comedendo fructum vetitum, fuit ei condonatum, antequam filios gigneret. Ergo transfundi non potest in posterum.

Resp. Dist. ant. Fuit condonatum Adamo, quatenus erat peccatum ipsius, conc. Quatenus erat peccatum posterorum ejus. neg. ant. Peccatum illud condonari potuit, ut erat peccatum Adami, quamvis non condonaretur, ut erat peccatum posterorum ejus: sicut nunc condonari potest, & re ipsa condonatur, prout est peccatum unius hominis, licet non condonetur, prout est peccatum alterius. Ratio est, quia peccatum illud, quod Adamus, ut caput morale generis humani, commisit, ita fuit unicum physicè, ut fuerit moraliter & æquivalenter multiplex, & totuplex, quot erant homines ab Adamo per generationem naturalem descensuri; siquidem ii omnes, Adamo peccante, secundum moralem æstimationem singuli peccârunt, & peccatum contrahunt ipso animationis instanti; nisi quis eorum speciali privilegio ab eo per gratiam sanctificationem præservetur.

57 Ob. 8vo. Posterii Adami non potue-

runt verè ac propriè peccare in Adamo peccante. Ergo.

Resp. neg. ant. Itaque omnes posterii Adami, per viam naturalem ab eo descendentes, verè ac propriè peccârunt in ipso violante præceptum de non comedendo fructu arboris scientiæ boni & mali: nam id expresse significatur his verbis Apostoli, Rom. 5. *In quo omnes peccaverunt.* Et cap. 3. *Omnes peccaverunt, & egent gloriâ Dei.* Omnes igitur etiam infantes peccaverunt, & egent Christo Redemptore. Ratio est, quia voluntas ac libertas Adami relatè ad violationem sicut & ad observationem præcepti de non comedendo fructu arboris scientiæ boni & mali fuit secundum moralem æstimationem voluntas ac libertas omnium hominum ab eo per naturalem generationem descensurorum. Undè, Adamo hoc præceptum violante, omnes ejus posterii secundum moralem æstimationem illud violârunt, sicque verè ac propriè peccaverunt in primo parente, ut capite morali, & persona illos repræsentante (b). Dicimus, omnes ejus posteros in Adamo, ut morali eorum capite, peccasse; non enim in eo peccaverunt, ut in capite physico eorum seu generis humani, quatenus scilicet præcisè ab eo per viam naturalem descensuri erant: aliqui enim peccassent omnibus ejus peccatis etiam venialibus, cum non esset potior ratio pro uno Adami peccato, quam pro aliis. Igitur omnes in Adamo peccante peccaverunt, quia in eo continebantur ut in capite morali & persona illos repræsentante vi decreti divini quoad violationem & observationem solius præcepti de non comedendo fructu arboris scientiæ boni & mali.

Inf.

(b) Ita S. Augustinus pluribus in locis, & præsertim, lib. 3. de peccat. merit. & remiss. c. 7.

58 Inst. 1mo. Gravis dicitur voluntas ac libertas Adami fuisse voluntas moraliter propria posterorum ejus. Ergo.

Resp. neg. ant. Ratio est, quia Deus in ordine ad observationem & violationem præcepti de non comedendo certo fructu inclusit in voluntate Adami voluntates posterorum ejus, qui ab eo per generationem naturalem descendenti erant: ita ut si præceptum observaret, consentirent ipsi observare; si verò violaret, consentirent violare. Deus autem id iustè potuit: nam si Principes iustè possunt includere voluntates subditorum suorum in voluntate unius in ordine ad aliquos actus & effectus morales jurisdictionem suam non excedentes, ut patet in pupillis, quorum voluntas in tutorum voluntate jure civili inclusa est in ordine ad certos effectus. A fortiori Deus, qui supremum & illimitatum in res omnes dominium habet, potuit in voluntate Adami includere voluntates posterorum ejus in ordine ad quoslibet effectus, ac proinde in ordine ad observationem & transgressionem præcepti de non comedendo fructu.

59 Inst. 2do. Gravis dicitur Deus inclusisse in voluntate Adami voluntates posterorum ejus in ordine ad observationem & violationem præcepti de non comedendo fructu. Ergo.

Resp. neg. ant. Nam hoc ipso inclusit, quod absolute & efficaciter voluit, ut Adamus posteros suos relatè ad tale præceptum apud se repræsenteret, ut, si observaret, si violaret, nomine omnium & pro omnibus observare vel violare consentiret, & verè per eum posteri ejus illud observare, vel violare consentirent. Deus autem hoc voluisse, sufficienter nobis declaravit hoc ipso, quòd revelavit in Adamo peccante omnes ejus posteros peccasse; siquidem ali-

ter explicari ac intelligi nequit revelata hæc veritas.

Inst. 3tio. Si Deus inclusit in voluntate Adami voluntates posterorum ejus, id fecit dependenter à consensu Adami. Falsum cons. Ergo.

Resp. neg. sequel. maj. Itaque Deus independenter à consensu Adami voluit, ut ipse esset eaput morale generis humani, & omnes ejus posteros apud se repræsenteret relatè ad præceptum de non comedendo fructu arboris scientiæ boni & mali. Nam hic modus volendi magis decet supremam Dei majestatem, & supremum ejus in omnes creaturas dominium. Porro quamvis ad hujus divini decreti efficaciam necessarium non fuerit, ut Adamo innotesceret, cum Deus ratione supremi sui in omnes creaturas dominii potuerit in voluntate Adami etiam nescientis & renitentis posterorum voluntates includere: re ipsa tamen videtur Deus hanc suam voluntatem Adamo revelasse, quo efficacius ad observandum præceptum excitaretur, eamque significasse his verbis, Genes. 2. *In quocumque die comederis ex eo, morte morieris*: quibus Adamo & posteris ejus tum animæ tum corporis mortem intentavit.

Inst. 4to. Si ita est, peccatum originale meritò imputabitur Deo ut auctori. Atqui &c. Ergo &c.

Resp. neg. maj. Quia Deus in Adami voluntate voluntates posterorum ejus non inclusit ea intentione, ut eo peccante peccarent, sed ex sincera voluntate, ut Adamus non solum pro se, sed etiam pro posteris præceptum observans, illis mereretur justitiam originalem.

Inst. 5to. Deus injustè inclusit in voluntate Adami voluntates posterorum. Ergo.

Resp.

Resp. neg. ant. Nam cum Deus supremum habeat in omnes creaturas dominium, potuit iustissime omnium hominum voluntates includere in voluntate unius relatè ad actum, à quo pendere volebat iustitiæ originalis transfusionem. Nam injustum non est, ut unius, qui sit aliorum caput morale, culpa etiam aliis tribuatur relatè cum ad carentiam bonorum aliàs indebitorum, quæ fuerant præparata in alio cum conditione, ut ille alius non peccaret: tùm etiam ad alios effectus morales. Et verò si inter homines non est iniquum, ut bonum vel malum, virtus vel culpa unius ad alios, quibuscum conjunctus est, quodam modo pertineat relatè ad honores, beneficia, privilegia, vel relatè ad infamiam, privationem bonorum, exilium, pericula, & alios effectus morales: à fortiori non est iniquum, ut, &c.

63. Inst. 6to. Deus Adami peccatum prævidens, non debebat illum constituere caput morale posterorum. Ergo &c.

Resp. neg. ant. Nam ejus & totius posteritatis lapsus iustus, licet occultò, iudiciò permittere potuit & voluit, ut ex hoc malo majus bonum eliceret, & ex ejus occasione plures perfectiones suas illustrius commendaret.

64. Inst. 7mo. Saltem hæc inclusio non decebat bonitatem Dei. Ergo.

Resp. neg. ant. Nam id per se & ex intentione Dei hominibus maximè erat utile: per hoc enim instituebat viam facilem, ut omnes homines iustitià originali donarentur, eorum voluntates in voluntate unius, quem maximis donis cumulaverat, includendo relatè ad præceptum observatum tam facile, & ad quod implendum maximis auxiliis eum præmunivit, adjunxitque propositò tanto sibi & posteris suis obedientiæ præmiò. Quod si in Adamo peccarunt omnes po-

steri, id non evenit ex intentione Dei, qui hoc peccatum duntaxat permisit.

- Inst. 8vo. Ergo Deus iniiit pactum aliquod cum Adamo & ejus posteris. Ergo.

Resp. Deus non necessariò iniiit pactum propriè & stricte dictum, quod consistit in consensu duorum vel plurium in idem. Nam independentèr à consensu Adami & posterorum ejus includere potuit voluntates omnium hominum in ejus voluntate. Undè sufficere poterat pactum quoddam virtuale, consistens in voluntate efficaci Dei, æquivalente pacto propriè dictò, qua independentèr à consensu Adami absolutè & efficaciter vellet, ut Adamus esset caput morale posterorum suorum, eosque repræsenteret in observatione vel violatione præcepti de non comedendo fructu, ea lege, ut, ipso præceptum observante, intunderetur illis iustitia originalis propter observationem præcepti, quæ secundum moralem æstimationem esset illorum: eo verò præceptum violante, omnes censerentur illud violare, & ideo conciperentur sine iustitia originali, & obnoxii odio Dei, ac damnationi æternæ propter transgressionem primi parentis, quæ secundum moralem æstimationem esset illorum transgressio. De hoc pacto virtuali intelligi debet S. Augustinus, lib. 16. de Civ. c. 27. in hac verba Genes. 17. *Pactum meum irritum fecit. Ubi ait: omnes in illo uno testamento Dei dissipaverunt, in quo omnes peccaverunt.*

- Inst. 9no. Ergo Christus debuit contrahere peccatum originale, nam est ex Adami posteris. Atqui &c. Ergo &c.

Resp. neg. maj. & ejus sequel. Quia Christus non descendit ex Adamo per generationem naturalem, quemadmodum ceteri homines, adeoque non eadem ratione

tione, ac illi, est ex Adæ posteris; sed supernaturali Sancti Spiritus operatione conceptus est. At ii soli peccatum originale contrahunt, qui ab Adamo, non qualicumque modo, sed per generationem naturalem descendunt, ut constat ex Concilio Tridentino Sess. 6. c. 3. ubi ait: *homines nisi ex semine Adæ propagati nascerentur, non nascerentur iniusti*. Ratio est, quia illorum duntaxat, non aliorum voluntates in Adami voluntate inclusæ erant.

- 67 Ob. 9no. Non nascimur ex Adamo secundum animam, qui peccatum inest. Ergo ab eo non contrahimus peccatum.

Resp. neg. conf. Nam ad peccatum illud contrahendum sufficit, quod homo, ejus pars est anima, oriatur ab Adamo. Nam Deus voluit, ut voluntates omnium hominum, qui ex Adamo per viam generationis oriuntur, includerentur in voluntate Adami tanquam capitis moralis generis humani in ordine ad observationem vel violationem præcepti de non comedendo certo fructu.

- 68 Ob. 10mo. Quidquid sit de Dei omnipotentia, ejusque supremo in omnes creaturas dominio; tamen non potest facere, quod repugnat. Atqui repugnat actionem ab alio elicitam sine meo consensu, quin & invincibiliter me ignorante, ex dispositione Dei ita esse in me voluntariam, ut ex ea sim vel laudandus & præmiò donandus, si bona sit; vel vituperandus & damnandus, si mala. Imò. Quia voluntarium definitur id, quod sit à principio interno cognoscente singula, in quibus est actio. Hinc actio alterius, quam non approbo, non est voluntaria respectu mei, quia est à principio mihi extraneo. Similiter, quod facio per ignorantiam invincibilem, non est in me voluntarium, multò minus quod sit ab alio, me prorsus ignorante.

P. Cartier Theol. Tom. III.

ado. Quid absurdius, magisque repugnans fingi possit, quàm me ideo vituperandum, & damnandum esse propter blasphemiam hominis apud Indos constituti; quia Deus pro suo supremo in omnium voluntates dominio, meam in illo homine reposuit, me non consentiente & ignorante? Ergo.

Resp. His Objectionibus jam passim occurrimus; & certè si nulla esset difficultas in explicando peccato originali, transactio ejus non esset mysterium, nec fide indigeremus ad illud credendum. Hic ergo sicut in aliis mytheris, agnoscenda est imbecillitas ingenii humani, exclamandumque cum Apostolo Rom. 11. *O altitudo divitiarum sapientia & scientia Dei, quàm incomprehensibilia sunt judicia ejus, & investigabiles viæ ejus! Quis enim cognovit sensum Domini, aut quis consiliarius ejus fuit? Nimirum ut rationem reddat eorum omnium, quæ infinita sapientia sua profert de thesauris suis.*

Porro argumenta in Objectione adducta concludunt duntaxat pro peccato personali, non pro peccato naturæ, quale est peccatum originale. Equidem ad peccatum personale requiritur usus & libertas propriæ voluntatis; sed ad peccatum naturæ, sufficit voluntas naturæ, seu capitis in quo erat natura. Ita S. Thomas in 2. dist. 30. q. 2. a. 2. ubi sic scribit: *Oportet quoddam secundum hoc, quoddamque rationem habet culpa, secundum hoc ratio voluntarii reperitur. Sicut autem est quoddam bonum, quod respicit naturam, & quoddam quod respicit personam; ita etiam est quoddam culpa naturæ, & quoddam persona. Unde ad culpam personæ requiritur voluntas personæ, sicut patet in culpa actuali, quæ per actum personæ committitur; ad culpam verò naturæ non requiritur, nisi voluntas in natura illa.*

Z z z z

Juxta

juxta quam doctrinam, & conformiter ad jam passim dicta in forma ad Objectionem Dist. min. Repugnat actionem ab alio elicitam sine meo consensu, esse in me voluntariam voluntate personali; conc. voluntate naturæ, neg. min. Quid enim repugnat naturam in capite peccatrice n., ideoque vituperabilem spoliari donis supernaturalibus, vulnerari in naturalibus, quatenus nempe propter peccatum originale appetitus sensitivus, & inferiores potestates sinuntur acrius impetere rationem, quam si homo in puris naturalibus conditus fuisset? Quod si cui durum nimis videatur, propter hujusmodi peccatum naturæ homines æterno igne cruciandos esse, responsio est in promptu, quod id fides à nobis non exigit, liceatque unicuique credere cum pluribus Catholicis, parvulos propter peccatum originale privandos duntaxat æterna beatitudine; sed de pœnis peccati originalis infra agemus, scilicet Cap. pto.

CAPUT II.

Quid sit peccatum originale, & in quo consistat.

- 69 EX dictis Cap. præcedenti habetur Peccatum originale esse peccatum ab Adamo ut morali totius humani generis capite esu fructus arboris scientiæ boni & mali vetito commissum, & per generationem transfusum in omnes ejus posteros, qui via naturali ab eo descendunt, nisi quis eorum speciali Dei privilegio ab eo sit immunis. Originale dicitur, quia posteros Adam, secluso speciali privilegio, ab origine, hoc est, à primo animationis instanti maculat, & peccatores efficit, hoc est, Deo odibiles, & obnoxios æternæ damnationi, tanquam

reos culpæ mortalis, quam, peccante primo parente, secundum moralem æstimationem communiferunt.

Quando igitur hinc quærimus, quid 70 sit peccatum originale, in id duntaxat investigamus, in quo scilicet præcisè consistat, & quodnam sit illius constitutum? seu quænam illius essentia? Qua de re, inquit S. Augustinus lib. de mor. Eccles. c. 22. Equidem hoc peccatū antiquū nihil est ad prædicandum notius, nihil ad intelligendum secretius. Hinc nascitur opinionum diversitas circa essentiam peccati originalis; nam ex Tertulliano varietas opinionum venit ex ignorantia veritatis. Certè ultrò profiteri nos non pudet, non nisi fidei divinæ adminiculo intelligi posse labis originalis existentiam, proinde etiam indubitanter fatemur imperviam nobis esse illius naturam seu essentiam; cum de illa sileant Scripturæ, sileat & Apostolica traditio. Ideoque libenter de hac quæstione taceremus, aut obiter duntaxat de ea ageremus, nisi Acatolici, qui hinc, sicut & circa multa alia Doctrinæ Christianæ capita, in immensum aberrare videntur, nobis essent refutandi. Igitur imo. eorum errores circa essentiam peccati originalis referendi & eliminandi sunt; Quid de ea sentiant Catholici, & quomodo in promendis opinionibus inter se se variant, postea exponendum.

§. I.

Quid de essentia peccati originalis sentiant Acatolici.

Ex Acatolicis Matthias Illyricus Lutheranus, & non ultimus ex Centuriatoribus Magdeburgensibus, in libello de justitia originali docuit, peccatum originale esse quandam malam substantiam, in

in quam, per primi parentis inobedientiam, anima posterorum illius immutata fuit; ita ut ex substantiali imagine Dei, facta fuerit substantialis imago Diaboli. Cæteri verò Lutherani & Calvinistæ docent communiter, peccatum originale per se & ex natura sua esse naturæ corruptionem, consistentem in ignorantia, difficultate ad bonum, & præsertim in concupiscentia seu propensione ad bona sensibilia contra rectam rationem, qualis etiam reperitur in baptizatis & iustificatis, licet credentibus non imputetur ad damnationem. Contra quos sit

CONCLUSIO I.

72 Peccatum originale non est substantia quædam à Diabolo producta &c.

Prob. 1mo. ex S. Scriptura, Joan. 1. *Omnia per ipsum facta sunt* (id est, per Verbum) *& sine ipso factum est nihil.* Ergo nulla datur substantia, nisi sit à Deo. Ergo peccatum originale non est substantia; alioqui esset à Deo, quod dicere impium & blasphemum esset.

Prob. 2do. Ex S. Augustino Concione 1. in Psal. 68. ubi sic ait : *Quia per iniquitatem homo lapsus est à substantia, in qua factus est* (iniquitas quippe ipsa non est substantia; non enim iniquitas est natura, quam formavit Deus : sed iniquitas est perversitas, quam fecit homo) *venit Filius Dei ad limum profundi, & non est substantia : omnia per ipsum facta sunt, & sine ipso factum est nihil : Natura omnes per ipsum facta sunt, iniquitas per ipsum facta non est; quia iniquitas facta non est.*

Prob. 3tio. Quia illa impia sententia olim damnata est ab Ecclesia in Manichæis, qui teste S. Augustino volebant malum esse aliquam substantiam naturæ nostræ admixtam.

Prob. 4to. Ratione. 1mo. Quia peccatum reduplicativè prout est peccatum, non est ens, sed debita rectitudinis privatio : hoc principio usus est S. Augustinus contra Manichæos agens, ut probaret, non existere primam aliquod substantiale principium nequam, ex quo mala omnia nascerentur. 2do. Quia inde sequeretur, peccatum originale non auferri per Baptismum, cum in illo nulla auferatur forma substantialis. 3tio. Matthias Illyricus falso supponit, animam substantialiter per primi parentis peccatum immutam fuisse : scilicet, mutatio in substantia spiritali fieri potest tantum per mutationem voluntatis aut intellectus : at illa mutatio non potest substantialiter animam immutare; siquidem non mutatur voluntas nisi per mutationem affectuum, nec intellectus nisi per subtractionem, aut augmentum luminis : sed nec affectuum mutatio, nec subtractio luminis possunt substantialiter animam immutare : sunt enim variz modificationes, quæ substantiæ in suo esse physico remanenti de novo accidunt; Ergo &c.

CONCLUSIO II.

Concupiscentia non est per se & ex 73 natura sua peccatum originale.

Prob. 1mo. ex S. Scriptura, Rom. 8. *Nihil ergo, inquit Apostolus, damnationis est iis, qui sunt in Christo. Jesu. Et c. 6. Qui mortui sumus peccato, quomodo vivemus in illo ? Item 1. Joan. 1. Sanguis ejus emundat nos ab omni peccato.* Quæ omnia falsa essent, si concupiscentia esset per se & formaliter peccatum originale, nam sic, quia ipsa remanet, etiam remaneret peccatum, & sic in nobis quidpiam damnationis esset, nec peccato mortui essemus, aut ab illo emundati, &c.

Z z z z

Nec

Nec dicant Adversarii, nihil esse damnationis in renatis, quia peccatum, quod ipsis inest, per iustitiam Christi tegitur, nec imputatur. Nam Apostolus Coloss. 3. dicit nos exuere veterem hominem, & induere novum, expoliantes vos, inquit, veterem hominem cum actibus suis, & induentes novum.

Deinde c. 6. v. 2. & 4. Ep. ad Rom. confert renovationem, quæ fit in Baptismo cum resurrectione Christi, Mortui sumus peccato, inquit, ut quomodo Christus surrexit à mortuis per gloriam Patris, ita & nos in novitate vitam habeamus. Atqui Christus resurgens corruptionem carnis & mortalitatem non texit per indumentum gloriæ, sed prorsus deposuit. Ergo pariter in mente Apostoli ita Christum in Baptismo induimus, ut omnem prorsus peccati maculam exuamus. Plura vide in Tract. de Gratia c. 4. de Gratia habituali seu sanctificante à num. 51. Tom. 2. Theol. nostræ.

- 74 Prob. 2do. Ex Concilio Tridentino Sess. 5. Can. 5. ubi sic definit: Si quis per Jesu Christi Domini nostri gratiam, qua in Baptismo confertur, ventum originalis peccati remitti negat, aut etiam asserit non tolli totum id, quod verum & propriam rationem peccati habet, sed illud dicit tantum radi, aut non imputari; anathema sit.... Manere autem in Baptizatis concupiscentiam vel fomitem, hæc Sancta Synodus fatetur, & sentit; quæ cum ad agonem relicta sit, vocere non consentientibus, sed utiliter per Christum Jesu gratiam repugnantibus non valet.... Hanc concupiscentiam, quæ aliquando Apostolus peccatum appellat, Sancta Synodus declarat, Ecclesiam Catholicam nunquam intellexisse peccatum appellari, quod verè & propriè in renatis sit, sed quia ex peccato est, & ad peccatum inclinatur. Si

quis autem contrarium senserit, anathema sit.

Prob. 3tio. Ex S. Augustino lib. 1. de nupt. & concupisc. c. 23. ubi sic habet: Nam ipsa quidem concupiscentia non est peccatum in regeneratis, quando illi ad opera illicita non consentitur, atque ut ea perpetrent à regina mente membra non dantur: ut si non sit, quod scriptum est, Non concupiscas, fiat saltem quod alibi legitur, Post concupiscentias tuas non eas. Sed quia modo quodam loquendi peccatum vocatur, quod & peccato factum est, & peccatum (si vicerit) facit; reatus ejus valet in regenerato: quem reatum Christi gratia per remissionem omnium peccatorum in regenerato (si ad mala opera ei quodammodo jubenti non obediat) valere non sinit. Sic autem vocatur peccatum, quia peccato facta est, cum jam in regeneratis non sit ipsa peccatum, sicut vocatur lingua locutio, quam facit lingua, & manus vocatur scriptura, quam facit manus. Itemque sic vocatur peccatum, quia peccatum (si vincit) facit, sicut vocatur frigus pigrum, non quod à pigris fiat, sed quod pigros faciat. Et lib. 6. contra Julianum c. 16. ubi sic eum alloquitur: Tu autem, qui putas, quod si malum esset concupiscentia, caret ea, qui baptizatur, multum erras. Omni enim peccato caret, non omni malo. Et lib. 1. contra duas Ep. Pelagianorum c. 10. Dicimus Baptisma dare omnium indulgentiam peccatorum, & auferre crimina, non rodere.

Prob. 4to. Ratione. Si concupiscentia esset per se & ex natura sua peccatum originale, cum in renatis remaneat concupiscentia, tunc peccatum originale non deleteretur per Baptismum. Consequens repugnat fidei: nam ut dicit Apostolus loco citato, nihil damnatio-
ne

ne dignum est in iis , qui per Baptismum regenerati sunt. &c. Ergo , &c.

Solvuntur Objectiones

- 77 Ob. 1mo. contra 1mam. Conclusio- nem. Peccatum originale hominem constituit Diaboli filium. Atqui homo non constituitur Diaboli filius, nisi per substantiam Diabolicæ similem : scilicet filius gerere debet substantialem patris similitudinem. Ergo , &c.

Resp. cum S. Augustino lib. contra Adimantum c. 5. aliquem tribus modis posse esse alterius filium : 1mo. quidem per naturam , sic Adamus est omnium hominum Pater : 2do. Per doctrinam ; eo sensu Apostolus Corinthios vocat filios suos : 3tio. Denique per imitationem , & in hoc ultimo sensu peccatum originale hominem constituit Diaboli filium ; juxta quem sensum distinguenda est Major propositio.

- 78 Ob. 2do. Sunt actus essentialiter mali & peccata formaliter , ut Blasphemia ; qui secundum esse materiale & physicum sunt à Deo , secundum verò moralem inordinationem à mala voluntate. Ergo à pari , absque injuria creatoris potest dari aliqua substantia essentialiter mala, producta quidem à Deo , si spectetur ejus entitas physica , quia ut sic est creatura : producta verò à voluntate mala sive Dæmonis , sive primi parentis , si nempe ratio habeatur moralis inordinationis , quæ in ipsa inest.

Resp. 1mo. Retorq. Argum. contra Illyricum : Omnis actus inordinatus secundum entitatem & physicè spectatus , est bonus. Ergo & omnis substantia. Ergo nulla est natura substantialiter mala , nec proinde peccatum formaliter.

Resp. 2do neg. conf. & parit. Inor-

dinatio consequens naturam humanam in origine vitiatam est ipsamet concupiscentia , quæ , quatenus legi & rationi repugnans , est mala ; sed ut sic non est substantia sed defectus , nec potest dici peccatum originale , nisi materialiter ; quia manet in renatis , in quibus deleta est macula peccati originalis.

Inst. Ex præcedentibus malis actibus generatur habitus erroris & vitii. Ergo & substantia mala.

Resp. neg. conf. & suppositum. Sanè quæstio est inter Philosophos , an habitus mali sint qualitates realiter distinctæ ; plures negant , contenduntque esse meras modificationes. Dato tamen , quod sint qualitates etiam realiter distinctæ , certè non sunt peccata formaliter , sed propensiones duntaxat ad peccatum , utpotè quæ aliquamdiu remaneant in homine à peccatis justificato : Quod autem sunt habitus vitiosi , idipsum est habitualis inordinatio concupiscentiæ , adeoque habitus rationem habet , non substantiæ.

Ob. 3tio. Peccatum originale dicitur 80 radix omnium peccatorum , corpus peccati , *Vetus homo noster* , inquit Apostolus Rom. 6. *simul crucifixus est , ut destruantur corpus peccati*. Atqui radix & corpus denotant substantiam. Ergo.

Resp. neg. min. Namque 1mo. Cupiditas , quæ sanè substantia non est , dicitur ab Apostolo 1. Tim. 6. *Radix omnium malorum*. 2do. Corpus peccati propriè est collectio plurium peccatorum , quæ destruitur per gratiæ adjunctionem , non per substantiæ interitum , ut loquitur Tertullianus lib. de Resurrectione carnis c. 47. *Uti evacuetur corpus delinquentia per emendationem vita , non per interitum substantia*.

- 21 Ob. 4to. Quod est divinæ legi contrarium, illud est peccatum propriè dictum. Atqui natura humana per peccatum originale viciata est legi contraria. Ergo est peccatum propriè dictum.

Resp. Dist. min. est contraria propter peccatum ipsi inhærens, conc. Est contraria per seipsam & propriam substantiam, neg. min. & conf. Solutio patet.

- 22 Ob. 5to. Imago Dei est substantia. Ergo & imago Diaboli. Atqui peccatum originale non est aliud quàm imago Diaboli. Ergo peccatum originale est substantia.

Resp. neg. conf. & parit. Ratio disparitatis est; quia imago Dei in homine est vis illius intellectiva: homo enim est imago Dei in quantum est substantia intellectiva & voluntate prædita: è contrà verò imago Diaboli aliud non est, quàm inordinatio voluntatis, hoc est, conversio ad bonum commutabile, & aversio à bono incommutabili: illa autem conversio, illa aversio non sunt substantia aliqua de novo producta, sed accidentales tantum animæ modificationes seu qualitates.

- 23 Inf. Atqui natura humana creata fuit imago Dei. Sed peccatum originale destruxit hanc Dei imaginem. Ergo &c.

Resp. dist. min. Destruxit imaginem Dei accidentalem, quæ consistit in donis supernaturalibus, conc. Imaginem substantialem, quæ consistit in anima rationali, quæ spiritalis est, intellectu & voluntate prædita, ut diximus, sicut & ipse Deus, neg. min.

Solvuntur Objectiones

Contra secundam Conclusionem.

Ob. 1mo. Concupiscentia prohibetur hac lege, *Non concupisces*. Ergo est peccatum.

Resp. neg. ant. Nam non prohibetur id, quod non possumus vitare, nec est in nostra potestate, ut eo careamus. Sed per hanc legem prohibetur liber consensus motibus inordinatis concupiscentiæ, & quodlibet malum desiderium. *Frustrà dictum est, post concupiscentias tuas non eas, si jam quisque reus est, quod tumultuantes & ad mala trahere nitentes sentit eas*, inquit S. Augustinus lib. 5. cont. Julian. c. 3.

Inf. Id quod per se impellit ad peccatum, prohibetur eodem præcepto, quo prohibetur peccatum. Atqui concupiscentia per se impellit ad peccatum. Ergo prohibetur eodem præcepto, quo prohibetur peccatum.

Resp. Dist. maj. Si illud, quod ad peccatum impellit, sit in nostra potestate, ita ut possimus pro nostro arbitrio illud assumere vel rejicere, conc. Si non sit in nostra potestate, ita ut illo carere non possimus, quantumvis id velimus, neg. maj. Concupiscentia autem seu pronitas ad malum, quacum nascimur, non est in nostra potestate; & velimus, nolumus, illà carere non possumus; nam etiam inviti experimur motus inordinatos ad peccatum nos impelentes.

Ob. 2do. Concupiscentia ab Apostolo 86 Rom. 7. vocatur peccatū. *Nam non ego inquit, operor illud, sed quod habitat in me peccatum*, id est, concupiscentia; Ergo &c.

Resp. Dist. ant. Vocatur peccatum metaphoricè tantum & improprie, conc. Verè

Verè & propriè, neg. ant. Concupiscentia ab Apostolo impropriè duntaxat & metaphoricè vocatur peccatum, quia nempe est à peccato Adami, quod moraliter nostrum est, & ad peccatum inclinat: sique est effectus peccati, & simul causa impulsiva peccati. Sapè autem in Scriptura nomen effectus pro causa & vicissim ponitur per metonymiam(1).

- 87 Ob. 3to. Debemus odisse concupiscentiam, nec possumus eam expetere propter bonum aliquem finem. Atqui solum peccatum tenemur odisse, nec illud expetere possumus etiam propter bonum finem aliquem. Ergo concupiscentia est peccatum.

Resp. neg. min. Quia licet concupiscentia propriè peccatum non sit; tamen tenemur illam odisse, nec illam expetere possumus, quia est languor animæ, & aliquid inordinatum, atque ad peccatum allicit, & inducit.

- 88 Ob. 4to. Concupiscentia est difformis legi mentis, cui repugnat. Ergo &c.

Resp. Dist. ant. Est difformis & repugnat legi mentis, prout est impulsio ad malum, quæ non est culpabilis, quandiu non est voluntaria, conc. prout peccatum propriè dictum seu culpa esse fingitur, neg. ant. Concupiscentia licet sit affectus inordinatus non est peccatum, nisi in quantum est libera & voluntaria, liberumque malum desiderium.

- 89 Ob. 5to. Deus omnia fecit præter peccatum. Atqui non fecit concupiscentiam. Ergo &c.

Resp. Dist. min. Deus non fecit concupiscentiam positivè, quatenus nempe non fuit auctor peccati, cujus concu-

piscentia est effectus, conc. Non fecit quasi negativè, nempe hoc sensu, quod propter peccatum hominem spoliaverit iustitiâ originali, qua caro Spiritui perfectè subiciebatur, & in homine sic spoliato rebellavit caro adversus Spiritum, neg. min. Hic nobis duntaxat sermo est de concupiscentia, prout est propensio inordinata & contra rectam rationem in bonum sensibile. Nam concupiscentia, prout est propensio ad bonum sensibile, quatenus conveniens naturæ rationali & honestum, est à Deo, nec non ab eo diligitur; ut sic enim est bonum quoddam naturale, & consentaneum naturæ rationali, atque etiamnum Adamo in statu innocentie competeat.

Ob. 6to. Christus concupiscentiam non assumpsit, non nisi, quia peccatum est. Ergo &c.

Resp. neg. seq. ant. Non quasi concupiscentia peccatum esset, Christum eam non assumpsit, sed ideo, quia repugnabat plenitudini gratiarum, ac donorum, quæ ei debebatur, & ad redemptionem nostram per se nihil proderat; sed potius oberat. Sic idem Christus non assumpsit ignorantiam, quamvis non sit peccatum, quamdiu est involuntaria.

Ob. 7mo. S. Augustinus docet concupiscentiam in non regeneratis habere reatum, quo reum facit hominem, & debitorem æterni supplicii. Nos eam (concupiscentiam) malam dicimus, inquit, & manere tamen in baptizatis, quamvis reatus ejus, non quo ipsa erat rea, neque enim aliqua persona est; sed quorem hominem originaliter faciebat, fuerit remissus atque vacuatus. Et lib. 1. de nuptiis c. 32. Hæc itaque remissio peccatorum, quæ-

(1) *Metonymia* figura Rhetorices, qua unum pro alio ponitur, v. g. causa pro effectu, & vicissim.

quandiu non fit in prole, sic ibi est lex ista peccati, ut etiam in peccatum imputetur, id est, ut etiam reatus ejus cum illa sit, qui eum tenent aeterni supplicii debitorem. Ergo ex S. Augustino concupiscentia ante baptismum est peccatum; consequenter etiam post baptismum, cum eadem omnino maneat quoad substantiam post baptismum.

Resp. Dist. ant. S. Augustinus docet concupiscentiam in non regeneratis habere reatum, &c. & qui ab ipsa oritur & in ipsa fundatur; ita ut, qui eam habet, reus sit, & aeterni supplicii debitor, præcisè quia eam habet, neg. ant. Et qui non ab ipsa oritur, neque in ipsa fundatur, sed in quo ipsa facta est, & à quo separari potest; ita ut, ipsa permanente, tolli possit ille reatus, conc. ant. & Dist. 1. conf. Ergo ex S. Augustino, concupiscentia ante baptismum peccatum est per reatum, qui ab ipsa oritur, & in ipsa fundatur, neg. 1. conf. Per reatum, qui ab ipsa non oritur, nec in ipsa fundatur, sed quo facta est, & à quo separari, ac sine quo existere potest, necnon post baptismum etiamnum existit, conc. 1. conf. & neg. adam. consequentiam.

- 92 Inst. 1mo. S. Augustinus docet concupiscentiam ante baptismum imputari in peccatum; ut patet ex loco primùm adducto. Ergo ex S. Augustino, ante baptismum re vera peccatum est.

Resp. Dist. ant. S. Augustinus docet concupiscentiam ante baptismum imputari in peccatum per se & ratione sui præcisè, neg. Imputari in peccatum ratione alterius, nempe reatus, quo facta est, & quocumque ante baptismum conjuncta est, conc. ant. & dist. conf. Ergo ex S. Augustino, concupiscentia ante baptismum re vera peccatum est per se & ratione sui præcisè, neg. Ratione

alterius, nempe ratione reatus, quo facta est, & quocumque conjuncta est ante baptismum, conc. conf.

Inst. 2do. S. Augustinus docet remitti concupiscentiam per baptismum; non nisi quia peccatum est ante baptismum: *Hæc concupiscentia*, inquit lib. 1. de nupt. cap. 21. *qua solo Sacramento regenerationis expiatur, profectò peccati vinculum trajicit in posteros, nisi ab illo & ipsi regeneratione solvantur.* Ergo, &c.

Resp. Dist. ant. S. Augustinus docet concupiscentiam remitti in baptismum per condonationem reatus, qui ex ipsa oritur, & in ipsa fundatur, neg. Per condonationem reatus, quo facta est, & sine quo esse potest, conc. ant. Igitur juxta mentem S. Augustini concupiscentia remittitur in baptismum quoad imputabilitatem scilicet, quatenus per baptismum definit esse imputabilis ad vituperium & poenam æternam, & reddere hominem Deo odiosum. Desinit autem per baptismum esse imputabilis ad vituperium & poenam, & reddere hominem Deo odiosum, quatenus per baptismum tollitur reatus, quo facta est, id est, quatenus per baptismum remittitur homini culpa, cujus concupiscentia est effectus & poena, & quæ culpa in homine tamdiu perseverat moraliter, quandiu per baptismum non condonatur, id est, quandiu homini jus Deus non relaxat, eum justificando per Sacramentum regenerationis, quod habet ad odiendum & puniendum eum poenâ æternâ.

Inst. 3tio. S. Augustinus concupiscentiam etiam post baptismum vocat peccatum. Ergo &c.

Resp. Dist. ant. vocat concupiscentiam peccatum verè, propriè & formaliter, neg. impropriè duntaxat & metaphorico.

phoricè, conc. ant. S. Augustinus ideo concupiscentiam in renatis vocat peccatum, quia nempe est pœna peccati in Adamo commissi, & causa impulsiva peccatorum personalium, cum extorquet consensum. Hæc omnia patent ex laudato cap. 23. lib. 1. de nupt. & concupisc. (k).

Igitur secundum S. Augustinum concupiscentia non est peccatum per se & ratione sui; quia propensionem habitualement ad malum habere præcisè, & sublatâ omni culpâ, cuius sit effectus, non est aliquid homini imputabile ad vituperium, odium Dei, & pœnam; sed est tantum peccatum ratione alterius, nempe peccati à nobis voluntate Adams, quæ moraliter nostra erat admissi, & idcirco nobis à primo instanti conceptionis proprii & intrinseci moraliter: nam sumus digni odiò Dei, & pœnâ æternâ, eò quod nostrâ gravi culpâ, quandiu scilicet ea non remittitur, habeamus propensionem habitualement ad malum. Hinc ex S. Doctore concupiscentia, quæ per se & ratione sui est duntaxat malum, languor, infirmitas, impulsio ad peccatum, est in nobis peccatum, quandiu nobis non remittitur peccatum voluntate Adams à nobis commissum, quo ipsa procurata est, & quo moraliter constituitur in esse peccati; quia concupiscentia ad vituperium, odium Dei, & pœnam æternam tandiu jure nobis imputatur à Deo, quandiu in nobis moraliter permanet gravis culpa, cuius est effectus. Sed hac gravi culpâ per Baptismum condonata, concupiscentia jam solum rationem mali, languoris, & infirmitatis habet, non peccati, quamvis eadem omnino quoad substantiam remaneat; quia per condonationem illam sublatæ sunt ejus imputabilitas ad vituperium, odium Dei, & pœnam æternam.

P. Cartier Theol. Tom. III.

§. II.

Exponuntur opiniones Theologorum Catholicorum circa essentiam peccati originalis.

Catholici explosis Aatholicorum erroribus circa essentiam peccati originalis opinionibus, ipsimet de ea inter se se non conveniunt, sed in varias abeunt sententias; quas exposuisse sufficit; cum enim, ut initio præsentis Capituli jam monuimus, imperviam nobis esse peccati originalis naturam & essentiam ultrò fateamur; neque, in quo ea consistat, vel earum opinionum ulla satis clare definire nobis videatur, temerè quodammodo agere meritò videremur, si uni præ alia manus dare, magis verò, si eas probare, quæ modò communi Theologorum censurâ velut erroneæ minusque solidæ rejiciuntur, in animum induceremus.

Porrò Quatuor præcipuè numerantur. Prima est eorum, qui reponunt peccatum originale in morbida quadam qualitate, quæ ex carne per peccatum infecta derivatur in animam. Verùm hæc opinio ab aliis rejicitur, quòd illa morbida qualitas prorsus ficticia & impossibilis sit; vel enim, inquit, naturaliter produceretur ex actuali Adæ peccato, vel supernaturaliter: non naturaliter; nihil enim speciale habuit prævaricatio Adams, quod non habeant ceteræ prævaricationes. Atqui aliæ prævaricationes, putà homicidia, adulteria, non producant qualitatem morbidam in corpore peccantis, quæ transeat ad ejus posteror. Ergo neque prævaricatio Adams. Non supernaturaliter; quia si supernaturaliter à Deo produceretur, Deus esset auctor peccati, quod impium est dicere.

Aaaaa

Se-

(k) Suprà Conclus. 2dâ. Prob. 2tiâ.

95 Secunda est eorum, qui definiunt peccatum originale esse denominationem extrinsecam petitam ab actuali prævaricatione Adami, in quo omnes eramus. Suamque opinionem fulcire fatagunt auctoritate Apostoli qui scribens ad Romanos asserit 1mo. Omnes peccasse uno Adami peccato. 2do. Judicium esse ex uno delicto in condemnationem. 3tio. Per unius hominis inobedientiam, & per unius delictum peccatores constitutos esse multos. Quæ loquendi formulæ significare videntur, unum in individuo esse peccatum Adami & posterorum ejus, quibus per modum denominationis extrinsecæ duntaxat inhæret.

Verum rejicitur communiter hæc opinio velut erronea, & in fide periculosa, quin & à quibusdam tanquam hæretica. Nam 1mo. adversatur S. Scripturæ. *Per unum hominem*, ait Apostolus Rom. 5. *peccatum intravit in mundum, & per peccatum mors.* Atqui peccatum actuale Adami, cum fuerit actus immanens non intravit in mundum. Ergo præter peccatum actuale Adami, datur aliquid intrinsecum ad posteros ejus transiens. Deinde Apostolus ibidem docet, peccatum, sicut mortem, in omnes transisse. Ergo sicut mors est in unoquoque, ita & peccatum; neque enim quis potest magis dici peccator peccato alterius, quam mortalis alterius mortalitate. Denique Apostolus eo loci comparat peccatum, quod trahimus ex Adamo, cum justitia, quam haurimus ex Christo. Atqui illa justitia non est formaliter ipsa Christi justitia, à qua extrinsecè justì denominemur, sed est justitia intrinsecè nobis inhærens. Ergo peccatum originale non est actuale Adami peccatum, à quo parvuli formaliter denominantur peccatores.

2do. Est contraria Concilio Tridentino, quod Sess. 5. Can. 3. sic definit:

Siquis hoc Alia peccatum, quod origine unum est, propagatione, non imitatione transfusum omnibus inest, unicuique proprium. Atqui ipsum actuale Adami peccatum non est unicuique proprium. Eadem Sacra Synodus ibid. can. 4. definit, *parvulos in remissionem peccatorum baptizari, ut in eis regeneratione mundetur, quod ex generatione contraxerunt.* Ergo in parvulis non est sola denominatio extrinsecæ petita ex præterito Adami peccato, sed verum aliquod & reale peccatum.

Ex loquendi formulæ, quas in suæ opinionis patrocinium adducunt memorati Theologi, non significant ipsummet actuale Adami peccatum, esse formaliter ipsum posterorum ejus peccatum, sed Adami peccatum actuale esse duntaxat causam peccati originalis, quod singulis illius posteris inhæret, estque illis proprium.

Quamvis, ut dictum, hæc opinio communiter velut erronea, & si non hæretica, saltem in fide periculosa rejiciatur; tamen benignam interpretationem suscipere potest hoc sensu, quod illi auctores docuerint, peccatum originale ita esse denominationem extrinsecam à peccato actuali Adami petitam, ut non negaverint inde consecutam maculam habituslem, quæ in unoquoque inest, nisi renascatur in Christo.

Tertia est plurium Theologorum, & 97 maximè Thomistarum, qui docent peccatum originale materialiter esse concupiscentiam habitualem seu inordinatam ad sensibiles & carnis voluptates propensionem & pronitatem; formaliter verò defectum justitiæ originalis. In quam sententiam inclinare videtur S. Thomas, 1. 2. q. 82. a. 3.

Sed contra hanc sententiam aliis videtur facere, 1mo. quia concupiscentia

in

in omnium sententia est pœna peccati originalis. Atqui omnis pœna præsupponit peccatum, & est quid ad illud consequens. 2do. Quia concupiscentia, ex Concilio Tridentino, manet in renatis, nec per Baptismum tollitur. Atqui, ex eodem Concilio, per Baptismum tollitur omne, quod habet rationem peccati. Ergo concupiscentia non habet rationem peccati, nec propriè est essentialis ejus materia.

98 Quarta denique sententia in Scholis admodum communis, statuit peccatum originale materialiter esse privationem justitiæ originalis seu gratiæ sanctificantis; formaliter verò esse ipsummet peccatum actuale, quod in Adamo & voluntate ipsius commissum, quodque moraliter in unoquoque permanet, tanquam vera macula, donec Baptismo fuerit absterfa. Nanque, inquiunt illi Theologi, peccatum originale est in posteris Adami per modum habitus. Ergo de eo idem sentiendum, quod de peccato habituali. Atqui peccatum habituale, ut infra dicitur, est privatio gratiæ sanctificantis propter actum malum, qui præcessit: *Homicidium*, inquit S. Augustinus, *transit actu, sed remanet rentu*, hoc est, licet percussio injusta præterita sit, præsens tamen est illius macula, à qua percussor denominatur homicida & peccator; nec deleri potest nisi per infusionem gratiæ sanctificantis. Ergo similiter peccatum originale, cum sit habituale, est privatio gratiæ sanctificantis propter actualem prævaricationem, cujus rea est posteritas Adam, in quo omnes unus homocrant, quæque in non renatis moraliter manet. Pressius dici potest in hac sententia peccatum originale esse privationem justitiæ originalis, quatenus est aversio habitualis à Deo propter prævaricationem, quæ præcessit in Adamo.

Verum quia S. Augustinus videtur constituiisse partialiter peccatum originale in concupiscentia ut parte illius materiali; quidam Theologi propter auctoritatem hujus S. Doctoris, eam hinc addi posse arbitrantur ut imputabilem ad odium Dei & pœnam æternam perreatum à se ipsa distinctum, nempe per culpam à nobis in Adamo commissam: quia nempe illa concupiscentia est quædam deformitas, quæ nobis est culpabilis ratione peccati à nobis voluntate Adam commissi, & consequenter nobis imputabilis ad odium & pœnam. Unde tunc peccatum originale tria complectetur, seu tria habebit constitutiva, scilicet peccatum à nobis voluntate Adam commissum ut constitutivum formale, privationem justitiæ originalis seu gratiæ sanctificantis, & concupiscentiam ut constitutiva materialia. Sed tunc dici debet, quod per Baptismum tollatur tota culpabilitas & imputabilitas concupiscentiæ, sicque per Baptismum concupiscentia non habeat amplius veram ac propriam peccati rationem.

Quamvis autem post Baptismum remaneat id, quod fuit pars materialis peccati originalis, tamen dici debet, quod non remaneat pars materialis peccati originalis; quia concupiscentia jam non manet in ratione partis materialis peccati originalis. Nam concupiscentia idèò solum ante Baptismum erat pars materialis peccati originalis, quia culpabilis erat & imputabilis ratione peccati Adam in nobis moraliter existentis: unde, remisso per Baptismum peccato Adam nobis moraliter intrinsecò ac proprio, concupiscentia desinit esse culpabilis & imputabilis, ideoque desinit esse pars materialis peccati originalis. Enimverò cum concupiscentia per se ac ratione suâ non sit peccatum, nec habeat imputabilitatem, sed solum ratione peccati

Adam

Adam

Adami in nobis moraliter existentis, donec condonetur, eo condonato concupiscentia non habet rationem peccati, nec ullam imputabilitatem.

CAPUT III.

Quomodo traducatur peccatum originale?

100 Jansenius lib. 1. de Statu naturæ lapsæ cap. 6. & multis sequentibus, negat peccatum originale traduci per generationem naturalem & seminalem propagationem, docetque unam causam, eamque physicam & necessariam transfusionis peccati originalis esse libidinem, seu parentum concupiscentiam in usu conjugii: merum autem commentum esse pactum illud sive virtuale, sive formale, quod à multis Theologis dicitur initum fuisse à Deo cum Adamo, ut capite morali totius posteritatis suæ; atque in Ecclesia Dei incognitum fuisse ante Scholasticorum tempora. Hanc autem doctrinam Jansenius mutuatus est à Luthe-ro in Pfal. 51 & à Calvino lib. 1. Instit. cap. 1.

Catholici verò omnes tuentur peccatum originale traduci per generationem naturalem & seminalem propagationem; si fortè unum aut alterum excipias (1).

CONCLUSIO.

Peccatum originale non traducitur seu transfunditur per libidinem; sed per generationem naturalem.

Prob. 1mo. ex S. Scriptura. Rom. 5. *Per unum hominem*, inquit Apostolus jam aliàs relatus, *peccatum in hunc mundum intravit, & per peccatum mors, & ita in omnes homines mors pertransiit, in quo omnes peccaverunt.* Hoc est, omnes homines nascuntur peccatores & injusti, quia omnes secundum morale æstimationem peccaverunt in uno homine, nempe in Adamo, quando scilicet comedit fructum vetitum; adeoque causa mortis, cui obnoxium factum est genus humanum, est peccatum originale; originalis verò peccati causa fuit unus ille homo, qui fuit primus Adam. Ergo secundum Apostolum causa transfusionis peccati originalis in Adami posteros non est libido, quacum concipiuntur; sed Adamus ipse, quatenus scilicet relatè ad præceptum de non comedendo fructu fuit morale caput eorum, qui ab eo per naturalem generationem descendenti erant; adeoque peccatum originale traducitur in posteros Adæ per generationem, & seminalem propagationem. Atque manifestè contradicunt Apostolo Lutherus, Calvinus, & Jansenius, cum causam peccati originalis in parvulis constituunt in libidine, quacum generantur.

Prob. 2do. Ex Concilio Tridentino 101 Sess. 6. c. 1. ubi, *Sicut*, inquit, *re vera homines, nisi ex semine Adæ propagati nascerentur, non nascerentur injusti, cum ea propagatione per ipsum, dum concipiuntur, propriam injustitiam contrahunt.* Ergo, ex Concilio Tridentino, propagatione per ipsum Adamum, dum concipiuntur homines, injustitiam, ideoque peccatum originale contrahunt. Ergo

(1) Franciscus le Feu Tractatu de Peccatis, q. 3. a. 4. & Gaspar Juenin Oratorii Gallicani Presbyter Instit. Theologicarum Tom. 6. Dissert. 7. de peccato origin. Quest. 3. tenetur cum Jansenio, Calvino & Luthe-ro per concupiscentiam seu libidinem propagari & traduci peccatum originale. At non placet hæc opinio; nam sic facile argui posset, concupiscentiam esse peccatum; quod tamen aperte falsum & erroneum est.

go peccatum originale ab hominibus contrahitur, ideoque in ipsos transfunditur propagatione per ipsum Adamum ex ejus semine, non verò per libidinem,

102 Prob. 3tio. Auctoritate S. Thomæ, qui 1. 2. q. 81. a. 4. *Peccatum originale, inquit, à primo parente traducitur in posteros, in quantum moventur ab ipso per generationem, sicut membra moventur ab anima ad peccatum actuale. Non autem est motio ad generationem, nisi per virtutem activam in generatione. Unde illi soli peccatum originale contrahunt, qui ab Adam descendunt per virtutem activam in generatione originaliter ab Adam derivatam, quod est secundum seminales rationem ab eo descendere; nam ratio seminalis nihil aliud est, quam vis activa in generatione. Si autem aliquis formaretur virtute divina ex carne humana, manifestum est, quod vis activa non derivaretur ab Adam; unde non contraheret peccatum originale; sicut nec alius manus pertineret ad peccatum humanum, si manus non moveretur à voluntate hominis, sed ab aliquo extrinseco movente. Hinc si Eva ex costa Adæ post ejus peccatum formata fuisset, peccatò originali non fuisset inquinata; quia non extitisset in Adam secundum seminales rationem. Ergo juxta S. Thomam peccatum originaliter traducitur per generationem naturalem & seminales propagationem; non verò per libidinem.*

103 Prob. 4to. Ratione. Si duo conjuges speciali Dei beneficiò generarent sine ardore libidinis, nihilominus transfunderent in prolem peccatum originale; & e contra si duo conjuges de novo crearentur, quamvis cum ardore libidinis generarent, proles tamen peccatum originale non contraheret, ut patet ex Concilio Tridentino loc. cit. Unde sic conficitur Argumentum. Per illud non traducitur pec-

catum originale, quo posito, potest non esse, & quo sublato potest esse peccatum originale. Atqui posito ardore libidinis in generatione, potest non esse; & sublato, potest esse peccatum originale. Nam in primo casu adhuc esset, & in secundo non esset. Ergo peccatum originale non per libidinem, sed per generationem & seminales propagationem in Adæ posteros traducitur & transfunditur. Perperam igitur ad libidinem recurrunt Adversarii.

Objicitur S. Augustinus, qui passimto4 docet non per generationem, sed per libidinem tradi peccatum originale.

Resp. S. Doctorem non ita loqui, quòd velit libidinem esse causam physicam & necessariam traductionis peccati originalis; sed ut significet, peccatum originale tradi non præcisè per generationem naturalem (nam in statu innocentie, ut & nature puræ fuisset generatio naturalis, nec tamen fuisset tunc peccatum originale) sed per generationem naturalem ex natura corrupta & vitiata, cujus certissimum indicium est ardor libidinis, sine quo etiam sanctissimi conjuges non solent generare. Unde cum S. Doctor inter alia lib. 5. contra Julianum, c. 9. ait conceptionem Christi Domini fuisse sine peccato, quia in ea nullus fuit motus concupiscentie; ex uno alterum certò concludit supposito hocce rerum statu; cum ergo conceptio Christi Domini fuerit sine ullo concupiscentie motu, S. Doctor colligit fuisse quoque sine peccato.

Vera itaque & propria ratio, cur Christus Dominus non peccaverit in Adamo, nec ab eo peccatum in sua conceptione traxerit, ea est, quòd in Adamo fuerit materialiter duntaxat, quemadmodum ipse Adamus fuit in limo, ex
A a a a a 3 quo

quo formatus est, & Eva in costa Adamini, ex quoeducta est. Ita S. Anselmus de Conceptu Virginis cap. 23.

Cæterum S. Augustinus nunquam sibi ipsi potuit satisfacere circa translationem, seu causam & modum transpositionis peccati originalis, ut patet ex lib. 5. contra Julian. c. 4. ubi ait: *Aut utrumque (nempe anima & corpus) vitiatum ex homine trahitur: aut alterum (nempe anima) in altero (scilicet corpore) tanquam in vase vitiatum corumpitur; ubi occulta iustitia divinæ legis includitur. Quid autem horum sit verum, libentius discio, quam dico; ne audeam docere, quod nescio.* Prima opinio, nempe animam unā cum corpore ex homine per generationem traduci, certò falsa est, prout in Metaphysica nostra ostendimus, atque à S. Thoma judicatur hæreticum; nam animæ à Deo erantur singulæ in singulis corporibus. Altera igitur vera est, nec ideo recurrendum ad libidinem: nam anima peccatò inquinatur hoc ipso, quòd uniatur corpori ex semine Adæ naturaliter productò; quia tunc fit homo, qui est filius Adæ per generationem naturalem, qui proinde peccatum in Adamo ab ejus posteris commissum contrahit.

CAPUT IV.

Utrum peccatum primi parentis transeat ad omnes sine exceptione homines, qui viâ ordinariâ ex ipso nascuntur?

- 105 CERTum est Deum posse speciali privilegiò aliquem eximere ab hac communi lege; quia quævis statutum sit omnibus semel mori, doccatque Apostolus, Rom. 6. mortem ab Adamo in

omnes homines pertransiisse, liberum tamen est Deo, stante illa lege, quæpiam à morte servare; quidni similiter & à peccato? sed difficultas est, utrum de facto aliquem tantò privilegiò donaverit, nempe Beatam Dei genitricem Virginem Mariam.

Qua de re notandum 1mo. Tribus modis posse dici aliquem in Adamo peccasse 1mo. Quatenus erat in lumbis Adæ secundum rationem seminalem, quando transgressus est legem. 2do. Quatenus in prima conceptione, priusquam anima rationalis infunderetur, vi generationis suæ fuit peccato obnoxius, utpotè viâ ordinariâ seminatus. 3tio. Quatenus conceptione jam perfectâ, accepit animam rationalem iustitiâ originali nudatam, & à Deo averfam.

Extra dubium poni debet Beatam Virginem Mariam primò & secundò modò peccasse in Adam. Habetur 1mo. ex S. Scriptura, quæ asserit omnes omnino puros homines, qui scilicet per generationem naturalem ab Adamo descendunt, in ipso Adamo peccasse, ut Rom. 5. *In quo omnes peccaverunt* Etc. 2. *Omnes peccaverunt, & egent gloriâ Dei*, id est, *Redemptore.* Item 2. Cor. 5. *Si unus pro omnibus mortuus est, ergo omnes mortui sunt.* Ergo omnes omnino, pro quibus mortuus est Christus, mortui sunt, nullo excepto, ut fide constat, ideoque pro beata Virgine. Ergo omnes omnino mortui sunt, ideoque etiam B. Virgo mortua est in Adamo, quando scilicet, primò & secundò modò à nobis expositò, in ipso peccavit, id est, quatenus ipso peccante peccavit, quia voluntas Adami relatè ad violationem præcepti de non comedendo fructu erat moraliter voluntas B. Virginis, sicut & cæterorum omnium, qui ab eo per generationem naturalem descensuri erant.

Ratio

Ratio suffragatur. B. Virgo verè & propriè à Christo redempta est : nam Christus verè & propriè Redemptor fuit B. Virginis. Atqui B. Virgo non fuit propriè redempta à Christo, nisi quia Christus ei meruit remissionem peccati, & pro eo satisfecit : nam Christus propriè redemit homines, quatenus eis meruit remissionem peccatorum, & pro eis satisfecit. Ergo Christus meruit B. Virgini remissionem peccati alicujus, nempe peccati ab ea in Adamo commissi.

Quæstio igitur est, num B. Virgo tertio modò in Adam peccaverit, atque perfecta jam conceptione animam rationalem acceperit usitaci originali nudatam & à Deo aversam, atque primum postea gratia sanctificante ornata, & sic à Christo redempta fuerit ; an verò animam rationalem acceperit gratia sanctificante ornata & ab omni peccati macula immunem ?

Catholici ferè omnes modò tuentur, Beatam Virginem primò quidem & secundò modò, prout jam diximus, peccasse in Adamo, sed à Christo redemptam fuisse, quatenus anima ejus in primo suæ creationis instanti fuit ornata gratia sanctificante, & ita à peccati macula liberata, quam quidem actu & de facto non incurrit, sed quam incurrisset, nisi gratiâ Dei per merita Christi fuisset præventa. Redempta est igitur : *Quemadmodum*, inquit S. Augustinus in Plal. 85. *si Medicus vident tibi imminentem agritudinem fortè ex aliquo labore, & dicat, parce tibi, requiesce: restè dicis Medico, liberaſti me ab agritudine, non in qua jam eras, sed in qua futurus eras. Nescio quis habens causam moleſtam, mittendus erat in carcerem: venit alius, defendit eum. Gratiâs agens, quid dicit? Eruiſti animam meam de carcere. Suspendendus erat debitor, solutum est pro eo,*

liberatus dicitur de suspendio. Similiter beata Virgo in Adamo contraxit debetum ; voluntas ejus, sicut cæterorum hominum, continebatur in voluntate Adami, vi conceptionis suæ, quæ fuit per generationem naturalem & viam seminalem, contractura erat peccatum ; sed per Christi merita actu & de facto non contraxit ; quia in primo instanti unionis animæ cum corpore jam organizato sanctificata est.

Notandum 2do. Ecclesiam hæcenus non definivisse, an B. Virgo eo, quo exposuimus, modo immunis fuerit à peccato originali, fueritque sine eo & immaculatè concepta. Habetur imo. Ex Sixto IV. qui Constitutione lata an. 1483. sub Anathematis pœna prohibuit tum affirmantibus tum negantibus B. Virginem immunem fuisse ab originali peccato, ne sibi invicem censuræ alicujus theologicæ notam inurant.

Hanc Bullam, quæ incipit *Graveminiſ*, confirmavit Concilium Tridentinum Sess. 5. ubi sic loquitur : *Declarat hæc ipsa Synodus, non esse sua intentionis comprehendere in hoc decreto, ubi de peccato originali agitur, beatam & immaculatam Virginem Mariam Dei genitricem, sed observandus esse Constitutiones felicis recordationis Sixti Papa IV. sub panis in eis Constitutionibus contentis, quas innovat.*

Sixtus IV. & proinde Concilium Tridentinum liberam cuique reliquerunt facultatem tenendi hac in quæstione partem affirmantem vel negantem, prout vel magis pium, vel magis probabile judicaverit. Idem docent Pius V. in Bulla edita an. 1570. quæ incipit *Super Speculam*, §. 1. Paulus V. in Constitutione, quæ incipit, *Regis pacifici* edita an. 1616. §. 6. & Gregorius XV. in De.

Decreto edito an. 1622. quod incipit *Sacrosanctissimus* §. 2.

Circa prædictas Bullas advertendum tamen, quòd, cum dissensiones & discordiæ circa Conceptionem beatæ Mariæ Virginis Ecclesiam turbarent, gravique scandala excitarent, Sixtus IV. primò prohibuit sub pœna excommunicationis, ut jam adnotavimus, ne quis crimen hæreseos impingeret assentientibus immaculatam Beatæ Virginis Conceptionem. Deinde Pius V. prohibuit sub pœna suspensionis, ne publicè, ubi promiscua virorum & mulierum multitudo convenire solet, sententia negans immaculatam Conceptionem propugnaretur: id tamen permisit in publicis Academiæ disputationibus, ubi nulla subest scandalii occasio. Idipsum postea præscripsit Paulus V. Sed cum ex ejusmodi disputationibus pax turbaretur, tandem Gregorius XV. prohibuit sub iisdem pœnis, ne in Scholis & privatis colloquiis quisquam auderet asserere beatam Virginem in peccato fuisse conceptam, nisi, inquit, aliquibus fuerit specialiter indultum. Cavent autem omnes illi Pontifices, ne quis ex prædictis Bullis & Constitutionibus colligat contrariam sententiam ab iis esse damnatam, aut improbatam. His prænotatis, sit cum omnibus ferè Catholicis Theologis & Academicis

CONCLUSIO

106 B. Virgo Dei genitrix Mariæ non contraxit peccatum originale, sed ab eo per gratiam sanctificationem, ejus animæ primò suæ existentie instanti infusam, præservata fuit per merita Christi.

Prob. 1^{mo} ex S. Scriptura Genes. 3. *Inimicitias ponam inter te & mulierem... Ipsa conteret caput tuum.* Ubi per mu-

lièrem ex communi interpretatione intelligitur B. Virgo, inter quam & dæmonem perpetuum fore bellum, & quam dæmonis potestati nunquam fore subjectam testatur Deus. Sed si B. Virgo peccatò originali vel uno instanti inquinata fuit, aliquando potestati dæmonis subjecta fuit, & dæmonis serva. Ergo. Luc. 1. *Ave gratia plena, Dominus tecum, benedicta tu in mulieribus.* Quæ verba ex communi Doctorum sensu significant B. Virginem a Deo accepisse omnia privilegia & gratiæ dona, quæ Dei Matrem decebant. At certè immunitas à peccato originali Dei matrem maxime decebat; & alioqui substantia, ex qua filii Dei corpus formatum est, fuisset aliquando peccatò inquinata; Decebat, inquam, cum B. Virgo sit tabernaculum, ex quo tanquam sponsum egressus est Christus: *Sanctificavit autem tabernaculum suum Altissimus*, Psal. 45. v. 5. Cum sit domus, quam sapientia sibi ædificavit: *Domum autem tuam decet sanctitudo Domine in longitudinem dierum*, Psal. 92. Cum sit arca de lignis Setim imputribilibus, Exod. 25. Et Porta, quæ nunquam aperta est ad peccatum, Ezech. 44. Cum denique Regina sit, de qua dictum est, Esther 15. *Non pro te, sed pro omnibus hac lex constituta est.* Et Cant. 4. *Tota pulchra es, & macula non est in te.* Quis enim non pie sentiat, Deum eam contulisse sanctitatem suo Templo atque Tabernaculo, quod non tantum divinam Majestatem erat contenturum, sed & ex quo corpus & humanam naturam se accepturum decreverat? Quamobrem passus non videretur Deus vel levissimam maculam tale Tabernaculum violari: & proinde Virginem sanctissimam ab originali peccato præservavit.

Prob. 2^{do}. Ex Patribus. Origenes 107 Hom. 1. de variis, ubi pluries B. Virginem

ginem vocat immaculatam. S. Ambrosius, Serm. 22. in Psal. 118. ubi de B. Virgine dicit, quod sit *Virgo per gratiam ab omni labe peccati integra*. S. Hieronymus in hæc verba Psal. 77. *Deduxit eos in nube diei*, dicit nubem illam esse B. Virginem, addens: *pulchrè dixit, diei, quia nubes illa non fuit in tenebris, sed semper in luce*. S. Sophronius, Ep. ad Sergium (m) ait, *B. Virginem Sanctam fuisse, & ab omni contagione liberatam & corporis & anima*. Certè ista Patrum verba sunt generalia, & excludunt à B. Virgine omne peccatum, ideoque etiam originale; & quamvis fortè de peccato actuali intelligi possent, ex iis tamen eruitur immunitas à peccato originali; cum tùm ex Scriptura, tùm ex Patribus constet, neminem ex iis, qui concepti sunt in iniquitatibus, esse sine peccato actuali. Nec desunt ex Antiquis, qui B. Virginem expressè eximant à labe originali. Sedulius 16to Sæculò hæc lib. 3. Paschalis operis de ea cecinit:

Et velut è spinis mollis rosa surgit acutis,

Nil, quod ladat, habens.

S. Joannes Damascenus Orat. 1. de natali B. Virginis sic loquitur: *Naturam gratiam antevertere ausa non est, sed tunc tunc expellivit, dum gratia fructum suum produxisset... è ventris Joachimi lumbos, è quibus immaculatum semen effluxit! è præclaram Anna vulvam, in qua tacitis incrementis formatus fuit sanctissimus Fetus! è Santissima, qua Principatus & Potestas fecundata, immaculata conservata in Dei sponsam. Ergo B. Virgo à primo fuzæ existentie puncto per gratiam sanctificata fuit.*

P. Cartier Theol. Tom. III.

Auctor cognomentò Idiota, qui initio 887vi Sæculi scripsit, c. 2. in contemplatione B. Mariæ, ait: B. Virginem totam pulchram esse, non in parte, sed in toto, & maculam peccati in ea non extitisse, sive mortalis, sive venialis, sive originalis.

In libro de Operibus Cardinalibus Inter Opera S. Cypriani, Mater Dei dicitur à cæteris differre, *quia naturam communicabat, non culpam*.

S. Anselmus lib. de conceptu virginali, c. 18. sic ait: *Dicenti erat, ut ea puritate, qua major sub Deo nequit intelligi, Virgo illa niteret, cui Deus Pater unicum Filium suum... ita dare disponebat, ut naturaliter esset unusdemque communis Dei Patris & Virginis Filius*. At si B. Virgo inquinata fuit peccato originali, certè facillè excogitari posset major puritas eâ, quam habuisset, nempe puritas ab omni labe peccati tùm personalis seu actualis, tùm originalis.

Neque prætereundus est S. Augustinus præclarum illud Ecclesiæ lumen. Igitur Sanctus hic Doctor lib. de natura & grat. c. 36. postquam docuit ex peccato originali factum esse, ut nemo vel sanctissimus possit esse sine peccato actuali, ab hac communi sorte eximit B. Virginem his verbis: *Excepta sancta Virgine Maria, de qua propter honorem Domini nullam prorsus, cum de peccatis agitur, habere volo questionem*. Inde enim scimus, quod ei plus gratia collatum fuerit ad vincendum omni ex parte peccatum, qua concipere ac parere meruit, quem conjat nullum habuisse peccatum.

Nec dicas, S. Augustinum agere duntaxat de peccato actuali. Namque i mo.

Bb bbb

Nul

Nullam vult habere quæstionem de B. Virgine, ubi de peccatis agitur: Hæc autem exceptio est generalis, atque tam ad originale, quàm actuale peccatum se extendit. 2do. S. Doctor B. Virginem excipit propter honorem Domini. Atqui honor Domini non minus postulare videtur, ut Mater ejus fuerit immunis à peccato originali, quàm ab actuali etiam veniali. 3tio. In mente S. Augustini non minus est universalis hæc precandi formula, *Dimitte nobis debita nostra*, quàm ista fidei regula, *Ece in iniquitatibus conceptus sum*. Atqui S. Augustinus non vult asserere illam precandi formulam beatæ Virgini fuisse præscriptam. Ergo in ejus mente hæc fidei regula peccatum originale spectans patitur in eadem B. Virgine aliquam exceptionem.

Denique idem S. Doctor ex peccato originali colligit illam impotentiam moralem, quæ inest in singulis, vitandi omnia & singula peccata venialia. Ergo cum concedat eam gratiam B. Virgini collatam, qua ex omni parte vinceret peccatum actuale, supponit similem ei negatam non fuisse, qua vitaret peccatum originale. *Propterea*, inquit lib. 5. contra Julianum c. 9. *nullus est hominum præter ipsum (Christum) qui peccatum non fecerit grandioris ætatis accessu; quia nullus est hominum præter ipsum, qui peccata non habuerit infantilis ætatis exortu*. In prioris comparationis membro non continetur B. Virgo, quia ipsanulum peccatum actuale etiam grandioris ætatis accessu unquam admisit, ut fatetur S. Augustinus cit. lib. de nat. & grat. Ergo nec in posteriori, adeoque nec infantilis ætatis exortu, seu in conceptione, peccatum originale habuit.

nis non esse In suo de peccato originali decreto comprehendere B. Virginem. Si Concilium istud Oecumenicum B. Virginem non comprehendit in decreto suo doctrinali de peccato originali, certè hoc ipso eam tacitè excipit, aut saltem meritò excipiendam judicat. Quis ergo fidelium eam in universali numero hominum peccatò originali inquinorum comprehendat? Ergo B. Virgo meritò ab universali peccati originalis macula est excipienda.

Idem Concilium Tridentinum Indulgentias Fidelibus Festum immaculatæ Conceptionis B. Virginis celebrantibus à Sixto IV. concessas approbat, & confirmat, & approbando ac confirmando inducit Fideles ad hoc festum devotè celebrandum. At si B. Virgo inquinata fuisset peccatò originali, Concilium induceret ad cultum objecti falsi, aut saltem approbaret & confirmaret gratias, quæ ad cultum objecti falsi, inducunt, quod est moraliter ad illud inducere: quod sanè repugnat infallibilitati absolutæ Ecclesiæ in rebus ad fidem, mores, & cultum divinum pertinentibus.

His adde quòd Patres omnes Concilii Tridentini, exceptis paucissimis, iisque, præter unum aut alterum, Dominicanis, sufragium dederint, ut ederetur decretum de immaculata B. Virginis Conceptione: quod tamen vulgatum non fuit ob instantissimas preces paucorum Episcoporum, & Theologorum Dominicanorum dilationem rogantium. Hoc constat ex Actis originalibus Concilii, quæ in Castro S. Angeli Romæ asservantur. Quare Concilium hanc quæstionem non definivit, & pro hac vice contentum fuit declaratione suprà allata.

108 Prob. 3tio. Ex Concilio Tridentino, cuius Decretum suprà retulimus pag. 47. ubi vide; & quo declarat suæ intentio-

Adjungi hic etiam potest auctoritas Concilii Basileensis; quod licet ut Oecumenicum ab Ecclesia nullatenus agnoscat, non omnia tamen, quæ sanxit ac definivit ab ipsa rejiciuntur, sed potius approbantur, inter quæ est præcipue ipsius de Immaculata B. Virginis Conceptione decretum, quod nedum à Summis Pontificibus & subsequentibus Conciliis fuit reprobatum, quin solemniter confirmatum. Sic ergo Concilium istud Sess. 36. de Conceptione B. Virginis statuit, an. 1439. *Doctrinam illam differentem gloriosam Virginem Dei genitricem Mariam præveniente & operante divini Numinis gratia singulari, nunquam actualiter subjacuisse originali peccato, sed immunem semper fuisse ab omni originali, & actuali culpa, sanctamque & immaculatam, tanquam piam, & consonam cultui Ecclesiastico, fidei Catholicae, revelationi, & Sacra Scriptura ab omnibus Catholicis approbandam, tenendam, & amplectendam definimus, & declaramus, nullique de cætero licitum esse in contrarium prædicare, & docere.*

309 Prob. 4to. Ex decretis Summorum Pontificum, quibus tum à quibuscumque actibus publicis; tum etiam à privatis colloquiis proscripta est opinio negans B. Virginis immunitatem à peccato originali, dum interea totius Orbis Catholicis Episcopis ubique approbantibus sententia affirmans immaculatam B. Virginis Conceptionem proponitur, defenditur, & probatur voce, Scripto, in scholis, & sacris pulpitis magno cum gaudio ac fructu totius populi Christiani, propositis indulgentiis in gratiam eorum, qui festum immaculatæ Conceptionis B. Virginis devotè celebraturi sunt. Nam 1mo. Sixtus IV. an. 1476. Constitutione *Cum præexcellens* immaculatæ B. Virginis Conceptionem devotè celebrantibus concessit easdem Indulgentias, quas Ur-

banus IV. concesserat devotè celebrantibus Festum Corporis Christi. Quam Constitutionem approbavit & innovavit Concilium Tridentinum supra laudatum. 2do. Paulus V. an. 1617. gravissimis poenis vetuit quibuscumque personis, ne in quibuscumque actibus publicis assererent B. Virginem conceptam fuisse cum peccato originali. 3tio. Gregorius XV. hanc Pauli V. prohibitionem an. 1622. sub iisdem poenis extendit etiam ad privata colloquia, folis Dominicanis concessa de contraria opinione privatim & inter se differendi & conferendi facultate. 4to. Alexander VII. an. 1662. Constitutione, quæ incipit *Sanctæ vetus*, postquam asseruit Sixti IV. Pauli V. & Gregori XV. Constitutiones editas esse in favorem sententiæ asserentis B. Virginem à peccato originali præservatam fuisse: Piam ac laudabilem esse hanc sententiam, & piam ac laudabilem secundum illam B. Virginem colere: In Romana Ecclesia olim solemniter celebratum fuisse, & etiamnum celebrari Festum Immaculatæ Conceptionis, per illam intelligendo sanctificationem B. Virginis primo instanti creationis animæ & ejus infusionis in corpus: ideoque sanctificationem B. Virginis pro primo illo suæ existentie instanti esse Objectum cultus, ad quem Ecclesia Fideles omnes præcepto celebrandi Festum Conceptionis B. Virginis obligat: Quæ omnia rectè perpena veritatem Immaculatæ Conceptionis B. Virginis efficaciter probant; tandem sub gravissimis poenis quibuscumque personis, nulla facta exceptione, prohibet, ne sub quovis prætextu, quovis excogitabili modo, directè vel indirectè, sive scripto, sive voce, sive publicè, sive privatim sententiam de Immaculata B. Virginis Conceptione, aut Festum seu cultum secundum hanc piam sententiam exhibitum impugnent. Atque clausulam à Paulo V. & Gregorio XV.

B b b b b 2

de

de non inferendo præjudicio contrariæ opinioni (directè scilicet, & visus prohibitionis) prætermisit. Atqui fieri non potest, ut error ita approbetur in Ecclesia, & ut ad illum amplectendum tantis beneficiis à Summis Pontificibus invitentur Fideles omnes, consentientibus totius orbis Episcopis, atque ut veritatis oppositæ prædicatio sub gravissimis poenis prohibeatur. Ergo &c.

- 110 Prob. 5to. Ex praxi & factis Ecclesiæ. Ecclesia Græca quidem jam à mille & pluribus annis; Latina verò jam à sexcentis celebrat solemne festum Conceptionis B. Virginis. Et quamvis dici possit, Festum illud fuisse institutum in gratiarum actionem, quòd Deus per hujus Virginis Conceptionem viam parat ad promissa complenda: quo sensu Conceptio Beati Joannis Baptistæ olim fuit festiva, maxime cùm Gregorius XV. in sua Constitutione caveat, ne in officio illius Festi voci *Conceptionis* quidquam addatur, quale esse possit nomen adjectivum *immaculata*; negari tamen non potest, quin Festum illud maximè favet sententiæ affirmanti Immaculatam B. Virginis Conceptionem. Quin S. Bernardus Epist. 174. scribit, ejusmodi festivitatem esse professionem publicam, B. Virginem sine peccato fuisse conceptam, quod privilegium illi adjudicat; undè totis viribus insurgit in Canonicos Lugdunenses, qui contra antiquum morem Festum illud instituerant. At prævaluit horum Canonicorum sententia & bona causa triumphavit, atque honor Immaculatæ Conceptionis B. Virginis in totum Christianum & Catholicum orbem propagatus est, ita ut Ecclesia non solum Fideles omnes ad cultum B. Virginis ut primò suæ existentie instanti san-

ctificatæ, & è peccato originali præservatæ Indulgentiis invitet, sed etiam cultum illum præcipiat, Festò ad hunc finem institutò & præceptò, ut patet ex Constitutione Alexandri VII. citata. Ergo cultus ille est cultus objecti veri, ideoque verum, B. Virginem primò suæ existentie instanti sanctificatam, & à peccato originali præservatam fuisse: Ecclesia namque non potest consulere, minùs præcipere cultum Objecti falsi, adeoque cultum falsum, vanum, & superstitiosum; quia est sancta, & infallibilis in rebus fidei & morum, ad quos pertinet virtus Religionis, & cultus Dei per preces & sacrificium, &c.

Ex hæcenus adductis & probatis factis clarè, nì vehementer fallimur, patet, piam hanc sententiam de Immaculata B. Virginis Conceptione, quamvis ab Ecclesia solemni decreto aliquo, prout initio annotavimus, tanquam de fide nondum definita sit, proximè tamen ad fidem accedere. Imò velut tacitè & intrinsecè definita jam videtur, ut quæ sit conclusio deducta ex duabus præmissis, quarum una est de fide, nempe istas Ecclesia est infallibilis in rebus Fidei & morum, nec potest consulere, & multò minùs præcipere cultum falsum & superstitiosum; altera est evidens & certa ex decretis Summorum Pontificum; quibus per Indulgentias invitant fideles ad cultum B. Virginis ut primò suæ existentie instanti sanctificatæ, & à peccato originali præservatæ, & hunc cultum præcipiunt, præcipiendo celebrationem Festi Conceptionis B. Virginis, intellectæ de primo instanti creationis animæ & ejus infusionis in corpus (n).

Sol-

(n) V. d. inf. ad calcem hujus Tract. Manualis Sfondratus, &c.

Solvuntur Objectiones

111 Ob. 1mo. De fide est B. Virginem in Adamo peccasse, & per Christum fuisse redemptam: At enim Apostolus, Rom. 5. *Omnes peccaverunt, & egent gloria Dei.* Et c. 5. v. 12. *In quo (Adamo) omnes peccaverunt.* Et v. 18. *Sicut per unius delictum in omnes homines in condemnationem, sic & per unius iustitiam in omnes homines in justificationem vita.* Item 1. Cor. 15. *In Adam omnes moriuntur.* Et 2. Cor. 5. *Si unus pro omnibus mortuus est, ergo omnes mortui sunt.* Ergo falsa est sententia, quæ negat eam non contraxisse peccatum originale, utpote ex qua sequatur eam nec à Christo redemptam fuisse.

Resp. Huic objectioni nos jam satisfecisse supra Not. 1. à num. 105. ubi explicavimus, qua ratione B. Virgo in Adamo peccaverit, atque à Christo Domino redempta fuerit, ubi vide. Igitur B. Virgo peccavit in Adamo quatenus erat in lumbis Adæ secundum rationem seminalem, quando transgressus est legem, & quatenus in prima conceptione, priusquam anima rationalis ipsius corpori infunderetur, vi generationis suæ viâ ordinariâ seminata erat, atque sic contraxit in Adamo debitum; nam voluntas ejus, sicut cæterorum hominum, continebatur in voluntate Adamæ, atque vi conceptionis suæ, quæ fuit per viam seminalem, contractura erat peccatum; sed per Christi merita actu & de facto non contraxit; quia in primo instanti secundæ conceptionis, seu unionis animæ ipsius cum corpore organizzato, sanctificata est, & ita à peccati macula liberata, adeoque à Christo Domino verè redempta. Unde ad objectionem conc. ant. & textibus Apostoli: neg. conf.

Diximus B. Virginem contraxisse in

Adamo debitum peccati originalis; non quod habuerit in se debitum contrahendi peccatum originale: nam cum primò suæ existentie instanti sanctificata fuerit, eodem illo instanti ei remissum fuit peccatum in Adamo ab ea commissum, ac proinde etiam debitum contrahendi peccati originalis. At debitum contrahendi peccati originalis habuit in Adamo, quia in Adamo peccavit sicut cæteri homines, ut jam diximus; & sic nisi à macula & reatu culpæ originali per gratiam sanctificantem præservata fuisset, illam culpam & maculam re ipsa contraxisset, sicut cæteri contrahunt.

Ob. 2do. Heb. 7. *Talis decebat, in-112* quit Apostolus, *ut nobis esset Pontifex, innocens, impollutus, segregatus à peccatoribus.* Ergo solus Christus caruit omni peccato.

Resp. ut priùs. & dist. conf. Solus Christus caruit omni peccato, ita ut nec peccatum nec debitum peccati, in quod incurrisset, nisi ab eo præservatus fuisset, habuerit, conc. Solus Christus caruit omni peccato actuali & originali, neg. conf. Nam etsi B. Virgo contraxerit debitum peccati originalis; tamen peccatum ipsum non contraxit, sed ab eo præservata fuit per merita Christi, Christus non solum vi unionis hypostaticæ, sed etiam vi generationis suæ supernaturalis, & quidem solus caruit peccato originali & ejus debitò; quia solus non per viam ordinariam, sed per supernaturalem Spiritus Sancti operationem conceptus est, siquæ solus in Adamo non peccavit, nec proinde contraxit debitum contrahendi peccati originalis. At B. Virgo peccato originali non caruit vi generationis suæ, utpote naturalis: undè verè peccavit in Adamo, habuitque debitum contrahendi culpam originalem, à qua immuais non fuit,

Bbbbb;

nifi

nisi ex meritis Christi, & ex speciali privilegio.

- 113 Ob. 3tio. Si B. Virgo caruit peccatō originali, tunc nunquam fuit sub captivitate peccati. Ergo nec à Christo redempta.

Resp. trans. ant. neg. conf. Nam B. Virgo per merita Christi redempta fuit à captivitate, inquam ex debito lapsura erat, nisi ab ea præservata fuisset per gratiam Christi Redemptoris, quamvis à captivitate, inquam re ipsa inciderit, redempta non fuerit; nam re ipsa in nullam incidit.

- 114 Inst. 1mo. Ad veram redemptionem requiritur captivitatis actualis liberatio. Atqui ex dictis in nullam actualem captivitatem incidit B. Virgo. Ergo nec redempta est, &c.

Resp. neg. maj. Duplex quippe redemptionis genus est, unum per modum liberationis, quo nempe quis liberatur à captivitate, inquam incidit: alterum verò per modum præservationis, quo nempe quis eximitur à captivitate, inquam necessariò lapsurus erat, nisi ab ea præservaretur. Hoc redemptionis genus est vera redemptio, & altero perfectius. Sic si Princeps Christianus magnam auri vim Turcarum Imperatori præberet, ut Christianos aliquos à captivitate, inquam certo lapsuri erant, eximeret, quamvis in eam nondum inciderint; an non illi Christiani à tali Principe verè redimerentur, & quidem perfectius, quàm si redempti fuissent, postquam jam in captivitatem incidissent? Hoc autem perfectiore redemptionis modo redempta est B. Virgo.

- 115 Inst. 2do. Zosimus Papa apud S. Augustinum Epist. 157. sic ait: *Nullus nisi qui peccati servus est, liber efficitur: nec redemptus dici potest, nisi qui verè per peccatum fuerit antè captivus*, Ergo &c.

Resp. neg. conf. Sensus adducti ex Zosimo textus est, nullum redemptionem dici posse, nisi qui verè per peccatum antea captivus fuerit vel re ipsa, vel debito certo. Nam qui debet esse, & certò futurus fuisset captivus, nisi liberatoris beneficiò à captivitate exemptus fuisset, is verè ac propriè redemptus dici potest, ut rectè docet S. Augustinus in Psal. 85. ad hæc verba: *Eruiisti animam meam de inferno inferiori*. supra relatus Not. 1. pag. 47.

Ob. 4to S. Ambrosius lib. 2. Com-116 ment. in Lucam ait: *Solus per omnia ex natis de famina Sanctus Dominus Jesus est, qui terrena contagia corruptele immaculati partus novitate non senlerit, & caelesti majestate depulerit*. Ergo &c.

Resp. neg. conf. S. Ambrosius solum vult unum Christum vi generationis suæ, quæ supernaturalis fuit, caruisse peccatō originali: ceteros verò omnes vi naturalis suæ generationis, qua ab Adamo descendunt, illud contrahere, vel, si quis non contrahat, vi generationis suæ contrahere debere, nec, nisi per gratiam, ab eo præservari posse.

Sic etiam intelligi debet Eusebius Emisenus, vel Gallicanus, cùm hom. 2. de natali Domini dicit: *A peccati veteris nexu per se non est immunis, nec ipsa genitrix Redemptoris*. Nam B. Virgo per se, & vi generationis suæ, utpotè naturalis, non est immunis à macula culpæ originalis, sed per merum gratiæ beneficium. Vel illi & alii alii Patres, cùm asserunt omnes, præter Christum, fuisse obnoxios peccatō originali, loquuntur de peccatō originali spectato etiam quoad debitum; vel intendunt omnes ei obnoxios fuisse vi generationis suæ, ita ut nullus ab eo eximatur, nisi ex speciali privilegio per gratiam Christi ab eo præservatus fuerit.

Ob.

117 Ob. 5to. Aliqui Patres agnoscunt in Dei Matre purgationem, liberationem, solutionem à peccato factam per Dei gratiam. Ergo etiam in ea agnoscunt peccatum originale.

Resp. neg. conf. Patres illi hoc intelligunt de purgatione, liberatione, & solutione à peccato originali quoad debitum; non quoad ipsum peccatum originale re ipsa contractum, sive à peccato in Adamo commissio, quod in se contrahere debebat, & à quo liberata fuit in se, seu præservata per gratiam sanctificantem. Nam hoc unum Patres intendunt, scilicet omnes eguisse gratiâ Christi, sine qua omnes peccato sunt inquinati.

118 Ob. 6to. S. Augustinus lib. 5. contra Julianum c. 15. ait: *Si sine dubio caro Christi non est caro peccati, sed similis carni peccati; quid restat, ut intelligamus, nisi eam exceptâ, omnem reliquam humanam carnem esse peccati?* Et lib. de perfectione iustitiæ sub finem: *Quisquis fuisse vel esse in hac vita aliquem hominem, vel aliquos homines putat, excepto uno Mediatore Dei & hominum, quibus necessaria non fuerit remissio peccatorum, contrarius est divina Scriptura.* Ergo &c.

Resp. neg. conf. Ad 1um textum S. Augustini: Caro B. Virginis fuit caro peccati, non quia peccato originali inquinata fuit, sed quia viâ naturali concepta fuit, sicque peccati debitum contraxit, & peccatum ipsum sine gratia præservante contraxisset. Ad 2um. Peccati remissio verè necessaria fuit B. Virgini, quippe quæ in Adamo peccaverit: unde huius peccati maculâ fuisset polluta, nisi primò existentie suæ puncto illud ex meritis Christi per gratiam sanctificantem remissum fuisset.

119 Ob. 7mo. S. Fulgentius lib. de Fide ad Petrum, c. 26. ait: *Firmissime tene,*

& nullatenus dubites omnem hominem, qui per concubitus viri & mulieris concipitur, cum peccato originali nasci. Ergo &c.

Resp. neg. conf. Hoc, quod dicit S. Fulgentius, intelligi debet, secluso aliquo gratiæ beneficio. Et sensus est, omnes homines, qui ab Adamo per generationem naturalem descendunt, vi suæ generationis peccatum originale contrahere, & cum illo nasci, secluso scilicet speciali privilegio, quo per gratiam sanctificantem ab illo præserventur, vel liberentur, antequam nascantur. Nam certum est aliquam exceptionem in illo textu subintelligendam esse, cum constet Joannem Baptistam in utero matris sanctificatum fuisse, ideoque sine peccato natum fuisse; Quidni dicatur B. Virgo sine peccato non modò nata, sed etiam concepta fuisse.

Ob. 8vo. S. Bernardus, qui Epist. 120. 174. contra Canonicos Lugdunenses, qui ut ibidem innuit, novitate aliqua & contra morem antiquum Conceptionis B. Virginis celebritatem invexerant, tuetur eandem B. Virginem non esse immaculatè conceptam. Item S. Thomas, qui pluribus locis docet B. Virginem in peccato originali conceptam fuisse.

Respondent nonnulli quantum ad S. Bernardum, piissimum hunc Patrem voluisse duntaxat B. Virginis conceptionem in suis primordiis, & ante infusionem animæ rationalis fuisse viciatam: non verò in ipso termino, hoc est, in ipsa infusione animæ rationalis. Verum nec verba nec scopus epistolæ pati videntur benignam ejusmodi interpretationem. Sanctus quippe Bernardus probare intendit contra Canonicos Lugdunenses Conceptionem B. Virginis non esse veneratione, aut ullo cultu dignam, ex eo, quod non sit sancta, *Quo pacto*, inquit,

quit, *Sanctus assereretur conceptus, qui de Spiritu Sancto non est, ne dicam, de peccato est? aut festus habebitur, quominus sanctus est?* Atqui ejusmodi ratio nullius esset ponderis in hypothesis, quod anima non fuerit infusa sine gratia sanctificante; in promptu enim fuisset Canonicoꝝ excusatio, se non celebrare immundam seminationem, in qua nondum erat B. Virgo, sed sanctificationem, à qua cœpit existere.

Pari ratione S. Thomæ textus illos, qui Immaculatæ Conceptioni B. Virginis contrarii esse videntur, interpretantur nonnulli, atque demonstrare conantur, adductos ex eo textus eadem ac S. Bernardi Epistolam esse intelligendos. Imò sunt, qui variis ex eodem S. Doctore congestis momentis evincere allaborant, eum pro sententia Immaculatæ Conceptionis B. Virginis illicisse; inter quos facile præcipuus videtur Cardinalis Sfondérati Benedictinus Sangalensis, in præstanti ac præcellenti opere suo, cui titulum fecit *Innocentia Vindicata, &c.* à nobis jam ante triginta & amplius annos in compendium contracto, quod in piorum B. Virginis Immaculatæ conceptæ Clientum gratiam ad hujus Tractatus calcem subjicimus.

Verùm quidquid tùm de S. Bernardi, tùm S. Thomæ, tùm aliorum, qui ipsorum ætate florebant, Ecclesiæ Doctozum, & Scholæ Principum, ut Ruperti, S. Anselmi (quem tamen pro nostra sententia superius adduximus) item Alberti Magni, Alexandri Alenſis, & S. Bonaventuræ, &c. hac in re opinione sit; certissimum tamen esse debet, eos, si hoc tempore, quo Ecclesiæ doctrinam Immaculatæ Conceptionis B. Virginis non modò recipit, sed & solemnè ritu celebrat, illam ultro suscepturos atque culturos.

Profectò S. Bernardus non impugnat

nostram sententiam tanquam perniciosam, & periculosa in fide, sed sobriè, & ut ita dicam, subdubitanter contra eam scribit: sic enim Epistolam suam concludit: *Qua autem dixi, absque præjudicio sanè dicta sunt sanius sapientis Romana præsertim Ecclesiæ auctoritati & examini totum hoc, sicut & cætera, quæ ejusmodi sunt, universa refero; ipsius si quid aliter sapiat, paratus iudicio emendare.* Quæ certissimam fidem faciunt, eum, quidquid prius sensisset, si modò viveret, Ecclesiæ Festum illud tanta solemnitate celebranti ultro assensurum esse.

S. Thomas verò 3. part. q. 27. a. 1. *Sed contrariè est, inquit, quòd Ecclesiæ celebrat nativitatem B. Virginis. Non autem celebratur Festum in Ecclesiâ, nisi pro aliquo Sancto.* Ergo B. Virgo in ipsa sua nativitate fuit sancta. Fuit ergo in utero sanctificata. Unde si nunc viveret, & videret Immaculatam B. Virginis Conceptionem ab Ecclesiâ celebrari, eodem modo pro ea dissereret, scilicet: Ecclesiæ celebrat Conceptionem B. Virginis: non autem celebratur Festum in Ecclesiâ, nisi pro aliquo Sancto. Ergo B. Virgo in ipsa sua Conceptione fuit Sancta. Ergo primò fuit Conceptionis puncto sanctificata fuit.

Ob. 9no. Mors est pœna peccati originalis, dicente Apostolo Rom. 5. *Per unum hominem peccatum in hunc mundum intravit, & per peccatum mors.* Atqui B. Virgo mortem subiit. Ergo B. Virgo incurrit pœnam peccati. Atqui omnis pœna necessariò supponit peccatum. Ergo B. Virgo contraxit peccatum originale.

Resp. Dist. maj. Mors est pœna peccati originalis, vel actu, vel quoad debitum contracti, conc. Actu, & de facto contracti, neg. maj. Porro ex dictis B. Virgo contraxit debitum peccati originalis.

Inf.

Inst. Sublatâ causâ tollitur effectus. Atqui peccatum originale est causâ mortis. Ergo sublatô peccatô originali tollitur moriendi necessitas, ut quæ sit effectus peccati originalis.

Resp. Dist. min. Causâ mortis est peccatum originale, vel in actu, vel in debito conc. In actu, neg. min. Quamquam illud axioma non est universaliter verum; sunt enim effectus, qui cum non indigeant continuo causæ influxu, permanent etiam sublatâ causâ; Domus enim stat defuncto Artifice: qui percussus & mutilatus est à latrone, ipso morte multato, manet mutilus. Undè absurdum non est, quod & parvulus, deletus per Baptismum peccatô originali, sit in natalibus vulneratus, & B. Virgo, licet in Conceptione immaculata, sit morti obnoxia propter debitum peccati, quod in Adamo contraxerat.

CAPUT V.

122 De pœnis peccati originalis.

Pœnæ seu effectus peccati originalis alii spectant corpus, alii animam, alii mortalem hanc vitam, alii futuram. Primum de pœnis peccati originalis, quæ tum corpus tum animam in hac vita spectant, agemus. Postea eas expendemus, quæ alterius vitæ sunt.

§. I.

De pœnis peccati originalis in hac vita &c.

Effectus seu pœnæ peccati originalis in hac vita aliz, ut primum dictum, corpus, P. Caytier Throl. Tom. III.

aliz animam sed mentem afficiunt. Circa pœnas corporis sit

CONCLUSIO I.

Morbi, labores, & cæteræ calamitates, imò & ipsa mors sunt pœnæ corporis in hac vita ob peccatum originale hominibus à Deo inflicte.

Prob. 1mo. ex S. Scriptura. Genes. 3. à Protoparentibus nostris infrastructa & violata Dei, de non edendo fructu vetito, lege, sic Deus Evam alloquitur, v. 16. *Multiplicabo arumnas tuas, & conceptus tuos: in dolore paries, &c.* Ad Adam vero ait, v. 17. *Quia audisti vocem uxoris tuæ.... maledicta terra in opere tuo: in laboribus comedes ex ea cunctis diebus vitæ tuæ.... In sudore vultus tui vesceris pane &c.* Indè Adam mortis factus est obnoxius, v. 19. *Quia pulvis es, & in pulverem reverteris.* Sap. 2. *Deus creavit hominem inextinguibilem, & ad imaginem similitudinis suæ fecit illum, invidiam autem Diaboli mors intravit in orbem terrarum.* Rom. 5. *Per unum hominem peccatum intravit in mundum, & per peccatum mors.* Item Eccli. 40. *Jugum grave super filios Adam à die exitus de ventre matris eorum usque in diem sepulture.* Per jugum autem intelliguntur omnes ærumnæ, ut morbi, aëris intemperies, sterilitas terræ, &c.

Prob. 2do. ex Patribus. Pro omnibus¹²³ sint Tertullianus, qui lib. de anima, c. 52. sic habet *Qui autem primordia hominis movimus, audenter determinamus mortem non ex natura secutum hominem, sed ex culpa, ne ipsa quidem naturalis* (o). Et S. Augustinus, qui lib. 1. de peccat. merit. c. 2. sic ait: *Si non peccasset Adam,* C'èccc non

(o) Ait hic Tertullianus mortem non ex natura secutum fuisse hominem, non quod homini mors naturalis esset, sed quia Deus hominem innocentem & in iustitia originali creatum in supra naturalem statum suum excrevit, ut immortalitate eum donasset, nisi peccasset; sed ob ipso culpâ admissâ, eum ad naturalem statum suum deprestit.

non erat expoliandus corpore, sed super-vestiendus immortalitate & incorruptio-
ne. Et lib. 4. contra Julianum, c. ult.
*Quid igitur restat, nisi ut causa istorum
malorum sit nota iniquitas, vel impoten-
tia Dei, aut poena primi veterisque pec-
cati? Sed quia nec iniustus, nec impotens
est Deus, restat quod non vis, sed co-
gis confiteri, quod grave jugum super fi-
lios Adam à die exitus de ventre matris
eorum usque in diem sepulturae in matrem
omnium, non fuisset, nisi delicti origina-
lis meritum praeceffisset.*

- 124 Prob. 3tio. Ex Conciliis, Diospolita-
nò, Carthaginensì, Milevitanò & Roma-
nò, necnon Arausicanò II. Quæ Pelagium
& Cælestium negantes mortem esse pœ-
nam peccati originalis, atque Adamum,
etsi in statu innocentiae permanisset, ta-
men morti obnoxium fuisse asserentes,
damnârunt. Denique ex Concilio Tri-
dentino, quod Seis. 5. sic definit: *Si
quis non constitetur primum hominem...
incurrisse... per offensum pravarica-
tionis mortem... quam antea illi commu-
natus fuerat Deus... anathema sit.*

Equidem, ut benè docet S. Augusti-
nus, lib. 1. de peccat. merit. & remiss.
c. 5. Si ex illa, in qua creatus fuerat, in-
nocentiae felicitate non decidisset homo,
mortalis quidem fuisset, sed non mori-
turus. Aliud est enim mori, & aliud
posse mori; sicut aliud est vulnerari,
aliud posse vulnerari: non enim ideo
vulneribus subiiciuntur, qui sunt vulne-
ribus obnoxii. Poterat quidem anima
hominis à corpore seungi; sed nunquam
hæc seunctio contigisset, nisi pro homi-
nis arbitrio: donatus enim fuerat alimen-
tò ad restaurandas vires idoneò, nempe
arboris vitæ fructu. Ubi autem in pecca-
tum lapsus est, pœnam illam expertus
est.

CONCLUSIO II.

Effectus seu pœnæ peccati originalis,¹²⁵
quibus subjacet anima hominis in hac vi-
ta, sunt privatio donorum supernatura-
lium & gratuitorum, & vulneratio ejus-
dem in naturalibus.

Igitur homo per peccatum originale
spoliatus est supernaturalibus & gratuitis
donis, quæ complectebatur iustitia ori-
ginalis, quæ privatus est, ut sunt gra-
tia sanctificans, & omnes virtutes infu-
sæ, scientia, sapientia, fides, prudentia,
charitas, quibus perficiebatur ejus in-
tellectus & voluntas, obedientia partis
inferioris ad superiorem, & membrorum
corporis ad nutum voluntatis: his, in-
quam, omnibus donis supernaturalibus
& gratuitis homo per peccatum origina-
le spoliatus fuit; prout ex hæcenus di-
ctis constat, omnesque Catholici ultro
concedunt & fatentur.

Deinde homo per peccatum origina-
le vulneratus fuit in naturalibus; hujus-
modi autem vulnera naturæ hominis
infligta, atque naturæ ipsius deprava-
tionem consequentia, quatuor à S. Tho-
ma 1. 2. q. 85. a. 3. recensentur: scilicet
recedente lumine *ignorantia* subit
intellectum. Item rectitudine subver-
sa in voluntate, *iniquitas* seu *malitia* ori-
tur. Partis quoque inferioris erga su-
periorem subjectione seu ordinatione de-
structa, exurgit in *appetitu sensitivo de-
fectio*, seu *concupiscentia*. Tandem ani-
ma robore sibi concessio destituta, seu inno-
centiæ dotibus privata, infirmatur, &
in calamitates incidit.

Prob. hæc 2da pars Conclusionis se-¹²⁶
cundæ contra quosdam, qui adversus
communem Theologorum doctrinam,
negant hominem per peccatum origi-
nale vulneratum fuisse in naturalibus,
atque contendunt eum nasci in eo statu,
in

In quo natus esset, si conditus fuisset in puris naturalibus. Ex S. Augustino, lib. de nat. & grat. c. 19. ubi, *Videte quæso*, inquit, *quomodo nesciens* (Pelagius) *nitatur evertere medicinalium eloquiorum voces saluberrimas*; ego dixi, *Domine, miserere mei, sana animam meam, quia peccavi tibi. Quid sanatur, si nihil est vulneratum, nihil sauciatur, nihil debilitatum, atque vitiatum?* Et lib. 22. de Civit. Dei c. 22. *Omnius mortalium progeniem fuisse damnatam, hac ipsa vita, quia dicenda est, tot & tantis malis plena testatur. Quid enim aliud indicat horrenda quadam profunditas ignorantia ex qua omnis error existit, qui omnes filios Adam tenebroso quodam sinu suscipit, ut homo ab illo liberari sine labore, dolore, timore non possit? Quid amor ipse tot rerum vanarum, atque nostrarum, & ex hoc mordaces cura, perturbationes, marores? Quis ignorat, cum quanta ignorantia veritatis, qua etiam in infantibus manifesta est, & cum quanta abundantia vana cupiditatis, qua incipit in pueris apparere, homo veniat in hanc vitam; ita ut si dimittatur vivere, ut velit, & facere, quidquid velit, in hac facinora & fugitia, qua commemoravi, vel cuncta, vel multa perveniat? Quid est, quod cum labore discimus, sine labore nescimus, cum labore meminimus, sine labore obliviscimur, cum labore strenui, sine labore inertes sumus? Nonne hæc apparet in quid velut pondere suo proclivis & prona sit vitiosa natura, & quanta ope, ut hinc liberetur, indigeat?*

Solvuntur Objectiones.

- 127 Ob. 1mo. Contra 1mam Conclusionem. Si peccatum originale esset mortis causa; sanè illo sublato in baptizatis, in illis etiam tolleretur mortis necessitas: sublata enim causa, tollitur effectus. At-

qui in Baptizatis minimè tollitur mortis necessitas. Ergo &c.

Resp. huic objectioni jam suprà Cap. præcedenti in Resp. ad Ob. 9. num. 121. quodammodò satisfecimus, ubi diximus & ostendimus, axioma istud, *sublatâ causâ tollitur effectus* universaliter verum non esse. Resp. adhuc neg. sequel. maj. Nam condonata etiamnum originali labe, mortis tamen necessitas à Deo misericorde variis de causis non tollitur; cum præsertim ex S. Augustino lib. 2. de peccat. merit. & remiss. c. 31. tùm ad huius exercitationem, tùm ad removenda mala plurima, v.g. hypocrisis, conducatur. Plures enim ad fidem accederent, aut pœnitentiam lapsi amplecterentur declinandæ mortis expectatione potius, quàm vitæ æternæ desiderio. *Quid enim*, inquit, *magnum erat, videndo non mori eos, qui crederent, credere se non morituros? Quânto est majus, quânto fortius, quânto laudabilius ita credere, ut se speret moriturus sine fine victurum?* Item non sublata est moriendi necessitas, ne scilicet scelus fieret immortale, atque peccatum nunquam intermoreretur, vel destrueretur, sicque homo in æternum Deo exosus esset; verbò ut vehementi mortis timore concutiamur, meliorisque vitæ desiderio teneamur.

Inst. Si morbi & aliæ calamitates essent pœnæ peccati originalis, omnibus æquè reis infligerentur, & æquales remanerent post Baptismum. Atqui hoc falsum est. Ergo.

Resp. neg. sequel. maj. Pœnæ ejusmodi variis de causis sunt inæquales, tùm ob temperamentî diversitatem; tùm ob insigniorem sanitatis neglectum; tùm ob privatorum peccata in variis graviora, & longè plura; tùm denique ad uberiorem exercitationem, & ut ampliori & majori merito sit locus.

C c c c c 2

Ob.

- 129 Ob. 2do. Mors & morbi naturæ mortalis sunt conditiones : ideò enim mortalis est homo, & morbis obnoxius, quia ex qualitatibus contrariis componitur. Ergo non sunt pœnæ peccati originalis.

Resp. neg. ant. Homo quidem, ut suprâ Conclusionem 1ma sub finem num. 124. ex S. Augustino retulimus, ex natura sua mortalis fuisse, non verò fuisse moriturus, licet ex elementis sibi invicem oppositis constaret. Ea enim erat virtus animæ integræ, ut corpus ab interitu, & à morbis servare posset, & usû arboris vitæ statûs sui perennitatem adversus varias elementorum commotiones tueri.

- 130 Ob. 3tio. Genes. 2. dicitur, Deum posuisse hominem in paradiso, ut operaretur. Ergo homo terram coluisset, etiam si peccatum non præcessisset. Ergo &c.

Resp. Dist. conf. Coluisset honesta animi voluptate, & in oblectationem, conc. Coluisset cum labore, & cum sudore, ac, ex necessitate vitæ sustentandæ, neg. conf.

- 131 Ob. 4to. Contra adam Conclusionem. Peccatum originale est privatio & defectus. Atqui privatio non potest producere effectum positivum, quale est vulnus. Ergo &c.

Resp. Dist. min. Privatio non potest producere effectum positivum positivè influendo, conc. Negativè, & quatenus est subtractio boni necessarii, quam sequitur naturæ corruptio, quemadmodum subtractio alimentorum solvit laudabilem corporis habitudinem, & inducit mortem, neg. min. Hæc solutio est S. Augustini, lib. de Nat. & Grat. c. 2.

Inst. 1mo. Atqui illud vitium naturæ 132 est ipsamet spoliatio justitiæ originalis, & donorum supernaturalium. Ergo nulla solutio. Prob. anteced. Quia sicut tenebræ nihil aliud sunt, quam privatio lucis; ita nec ignorantia aut mentis cæcitas aliud concipitur, quàm subtractio sapientiæ & intelligentiæ, quæ ex superius dictis sunt dona supernaturalia, quæ justitiæ originalis complectebatur. Ergo.

Resp. neg. ant. subsumpti. Ad ejus prob. dist. ant. Ignorantia & mentis cæcitas nihil aliud sunt, quàm subtractio luminis sapientiæ, & intelligentiæ statui hominis consentaneæ, & necessariæ in ordine ad ultimum finem, ad quem institutus est, conc. Minimè consentaneæ, nec pertinentis ad ejus statum, neg. ant. Nam ignorantia & cæcitas non est, sed mera nescientia, non cognoscere ea, quæ ad statum nostrum non pertinent (p). Porro per peccatum originale homo non solum spoliatus est donis supernaturalibus, ut rerum supernaturalium sapien-

(p) Dona supernaturalia & gratuita, quibus homo per peccatum originale spoliatus est, ad ipsius statum naturalem non pertinent, nec necessarij sunt in ordine ad suum ultimum finem naturalem, ad quem institutus est; unde pro illo naturali statu subtractio illorum donorum supernaturalium, quæ sunt sapientia & intelligentia rerum supernaturalium, &c. non potest dici ignorantia & mentis cæcitas, sed mera nescientia; proinde dici non potest, eum quod ea vulneratum fuisse in sua natura. Bene autem vulneratus est in bonis & virtutibus naturalibus, scientiâ scilicet & sapientiâ naturali, quas inter naturales intellectus humani virtutes in Logicæ nostræ proœmio §. 3. recensuimus. Alia igitur est scientia & sapientia rerum supernaturalium, qua homo spoliatus est per peccatum originale, alia verò scientia & sapientia rerum naturalium, in qua vulneratus est duntaxat per peccatum originale, ut diximus in contextu. Vide etiam infra in Resp. ad lult. 3.

tiâ & intelligentiâ, sed etiam damnum passus est in naturalibus suis dotibus, quales sunt rerum naturalium & statui suo consentaneorum, & ad ultimum suum finem naturalem assequendum necessaria-rum sapientiâ & intelligentiâ; prout suprà ex Augustino ostendimus.

433 Inst. 2do. Fingi non potest animam rationalem vulnerari sive in sua substantia, sive in suis potentiis naturalibus; nisi quatenus intelligeretur deperdere aliquid pertinens ad suam integritatem, quemadmodum vulneratur tibia, si os frangatur; vel recipere qualitatem pravam positivè eamdem malum inclinante-m, qualis potest esse habitus erroris, & vitii; vel denique amittere aliquam perfectionem extrinsecus ei superadditam. Atqui anima rationalis primò modò vulnerari nequit; est enim substantia spiritalis, simplex, nec composita ex partibus integran-tibus, nec potentia ipsi congenita suscipiunt majus aut minus: Unde auctor de divinis nominibus c. 4. scribit, naturalia in Dæmonibus manere integra. Neque etiam secundò modò anima rationalis vulnerari nequit; quis enim esset auctor illius pravae qualitatis, nisi Deus, qui intentator malorum est, Jacob. c. 1. Restat ergo ut dicamus, animam vulneratam esse tertio modò, quatenus nempe nudata est donis gratuitis.

Resp. neg. totum argumentum, & dicimus animam rationalem vulneratam fuisse in bonis naturalibus, in quantum scilicet naturalis ipsius ad virtutem inclinatio imminuta est. Notandum igitur cum S. Thoma 1. 2. q. 85. a. 1. duplex esse bonum naturæ: primum sunt principia naturalia, ex quibus natura ipsa constituitur; & proprietates à principis fluentes, nempe naturales animæ potentia. Secundum est inclinatio ad

virtutem, quæ dici potest bonum naturæ rationalis; quia naturaliter inclinatio natura humana ad vivendum secundum rationem, ac proinde secundum virtutem; agere enim ex ratione idem plane est ac agere ex virtute. Porro bonum prioris generis nec tollitur nec minuitur per peccatum; undè & manet integrum in Dæmonibus. Bonum verò posterioris generis, nempe naturalis ad virtutem inclinatio, minuitur per peccatum, quatenus Deus in pœnam illius finit causas secundas favere in filios iræ, solvere debitam appetitus sensitivi temperiem, ex quo contingit nonnullos nasci cum indole adeò prava, ut ad bonum vix flecti queant.

Inst. 3tio. Homo sine peccato conditus in puris naturalibus, hoc ipso, quo careret omnibus donis gratuitis, pateretur tenebras ignorantia, & inordinatos motus concupiscentia, gereretque corpus mortale, & doloribus obnoxium, nec propterea dicendus esset vulneratus in naturalibus bonis, cum haberet, quidquid ad naturæ humanæ constitutionem pertineret. Ergo à pari neque propterea dicendus est homo per peccatum in his naturalibus vulnerari.

Resp. neg. ant. Nam homo sine peccato in puris naturalibus conditus, non haberet quidem notitiam rerum supernaturalium, ut qui ad eas non esset ordinatus; sed eam intelligentiam haberet, unde se ipsum posset excolere, in virtute proficere, & ultimum finem adipisci; repugnat enim sapientiæ divinae, negare creaturæ innocenti media, sine quibus finem, ad quem illam ordinavit, consequi non posset. Deus igitur sicut Angelos instruxit speciebus, sine quibus nequidem objecta naturalia cognoscerent; ita provideret homini in statu naturæ puræ constituto, nec essentis

Peccat;

&

& impotens concupiscentia mentem obnubilaret & sensum perverteret, ut contingit in statu naturæ corruptæ, *in quo quidam tanta sunt fatuitatis*, inquit S. Augustinus, Ep. 166. aliàs 28. *ut non multum à pecoribus differant.* Cæterum dolores, &c. item mors, quibus homo, in puris naturalibus conditus, esset obnoxius, essent ipsi connaturales, & meræ pœnalitates: At in statu naturæ corruptæ & lapsæ sunt veræ pœnæ ob peccatum originale inflicte, quia nempe Deus statuerat, hominem ab iis, quamvis ei essent connaturales, contra naturæ exigentiam, servare immunem, si non peccasset. Vid. dicta Tom. 2. Theol. nost. Tract. 4. de gratia, cap. 3. §. 2. in Resp. ad Inst. 2. & 3. Ob. 1.

- 135 Ob. 5to. Ignorantia est conditio purè naturalis; & proinde in primi hominis peccatum non est referenda: non enim exigit infantilis ætas organa ad cognitionem humanam idonea, sed quæ decursu temporis apta fiant. Nihil quippe aliud à Deo naturalis ordinatio postulat, quàm ut infundendo animam Creator illam in corpore collocet quandoque futuro idoneo, ubi videlicet adoleverit, & organa debitam perfectionem fuerint affeuta.

Resp. Hanc differenti rationem ex hominis statu præsentis, non verò ex prima ordinatione repei: Nam homo recte creatus, in perfectione sibi concessa perseverans, ratione sua fuisset usus, suisque naturalibus facultatibus; nulloque nec in discendo, nec in retinendo molestiam passus fuisset, quamvis infans; et si ætate perfecta in lucem non prodisset. Sed luce deserta sibi derelictus cæcutiat necesse est. Calamitosus igitur hominis status in unicam hominis defectionem referri debet, qui sibi ipsi tam sibi status commoda & dignitatem volens eripuit.

§. II.

*De pœnis peccati originalis in altera 36
vita seu post mortem.*

Quæstio hic voluitur de parvulorum, qui sine Baptismo ex hac vita decedunt, statu post mortem; an videlicet, & quibusnam pœnis afficiantur.

Porro circa hunc parvulorum sine Baptismo decedentium in altera vita statum quinque à Theologis recenseri solent opiniones. Prima promittit illis regnum cælorum, contra expressum Christi testimonium Joan. 3. *Nisi quis renatus fuerit ex aqua & Spiritu Sancto, non potest introire in regnum Dei.* Ita olim sensit quidam nomine Vincentius, quem refellit S. Augustinus lib. 1. de anima & ejus origine, c. 9. & lib. 3. c. 13. Hanc opinionem tenet Zwinglius ut probabilem de filiis infidelium, & ut certam de fidelium parvulis, quod secundum amplectuntur Calvinus, Bucerus, & alii Sectarii.

Secunda excludit quidem parvulos si 137 ne Baptismo mortuos à regno cælorum, atque à vita beata Sanctis promissa, sed eis tribuit vitam æternam, & naturalem beatitudinem, absque ullo dolore vel molestia, procul à regno cælorum & damnatorum carcere. Ita sensit Pe-lagianos scribit S. Augustinus lib. de hæres. c. 88. ubi de illis ita loquitur: *Nam etiam si non baptiscentur (infantes) promittunt eis extra regnum quidem Dei, sed tamen æternam & beatam quandam vitam suam.* Per hanc autem æternam & beatam vitam, non intelligebant Pelagiani supernaturalem, quæ in intuitiva Dei visione consistit, sed naturalem beatitudinem: non enim parvulis illis promittebant vitam æternam simpliciter, sed solum *quandam suam vitam æternam.* Hanc tamen opinionem S. Augusti-

gustinus Pelagianam hæresim appellat, lib. 1. de anima & ejus orig. c. 9. Ad hanc Pelagianorum opinionem accedunt Catharinus & Pighius, quibus seadjunxisse videtur noster Cardinalis Sfonderratus in suo Nodo prædestinationis &c. contendentes parvulos illos post judicium extremum & generale habitaturos super faciem terræ, tanquam in Paradiso terrestri, plenos sapientiâ & virtutibus moralibus, itidemque fructuosos consortio Angelorum, &c.

aliorum Patrum sententiam probat Gregorius Ariminensis, in 2. sent. dist. 33. q. 3. & cum eo alii Scholastici Doctores, quos recenset Cardinalis Norisius, in Vindiciis Augustinianis, c. 3. §. 5. In hac sententia re ipsa fuisse videntur Patres Latini post exortam hæresim Pelagianam, ut infra exponemus. Quid nos circa has sententias & opiniones sentiamus, modò aperiendum. Sitigitur

CONCLUSIO I.

- 138 Tertia sententia docet parvulos sine Baptismo decedentes, æterna morte plecti in inferis, sed ita puniri pœnâ damni, quæ in privatione visionis beatificæ consistit (q), ut nullum sive internum sive externum dolorem patiantur. Ita docet S. Thomas q. 5. de malo, a. 2. & 3. & cum eo aliquot alii.

Parvuli, qui moriuntur sine Baptismo, 141 post hanc vitam in altera neque supernaturali neque naturali beatitudine fruuntur.

- 139 Quarta docet infantes sine Baptismo decedentes non solum puniendos esse pœnâ damni, sed etiam internum animi dolorem ex privatione beatitudinis æternæ percepturos, immunes tamen fore à pœnâ sensû, quæ in cruciatu ignis & vermis posita est. Ita Magister Sententiarum lib. 2. sent. Dist. 33. & cum eo alii non pauci.

Prob. 1ma pars ex S. Scriptura Joan. 3. v. 5. *Nisi qui renatus fuerit ex aqua & Spiritu Sancto non potest introire in regnum Dei.* Ergo infantes, qui non renati ex aqua & Spiritu Sancto, seu non baptizati ex hac vita decedunt, non poterunt introire in Regnum Dei, adeoque frui beatitudine supernaturali, utpote quæ est in Regno Dei seu cœlorum.

- 140 Quinta denique sententia parvulos raptos ante Baptismum docet in inferis propter peccatum originale utrâque pœnâ, damni scilicet & sensû, in æternum cruciandos. Hanc esse S. Augustini &

(r) Prob. 2da. pars. 1mo. Ex S. Scriptura Ephes. c. 2. *Eramus naturâ filii iræ sicut & ceteri.* Ergo infantes omnes etiam Fidelium ab origine sua sunt propter peccatum originale filii iræ, hoc est, obnoxii Dei odio & vindictæ, quam evadere non possunt nisi per hujus peccati remissionem. Sed qui sunt obnoxii pœnis

(q) Privatio visionis Dei intuitivæ simpliciter à Theologis vocatur pœna damni: quia est privatio summi boni: sicut enim Deus dicitur simpliciter ipsum bonum, non verò hoc aut illud bonum sed quidquid concipi potest nomine boni: sic privatio Dei non est quoddam peculiare damnum, quemadmodum pœna sensû, sed est ipsum damnum virtualiter completens quidquid significatur nomine damni. Tale quippe est damnum cum propositione, quale est bonum, quo privamur: Majus est v. g. damnum, graviorque pœna privari oculis, quàm digitò; quia oculi sunt quid digitò præstantius. Atqui Deus est omne bonum, seu bonum ipsum. Ergo privatio Dei est virtualiter omne malum, & damnum ipsum.

(r) Sequentes probationes etiam valent pro prima parte Conclusionis. Si enim parvuli decedentes sine Baptismo nulla naturali beatitudine fruuntur, multò minus supernaturali gaudere poterunt.

nis privantur omni beatitudine. Ergo. Item Apocalyp. 20. *Qui non inventus est in libro vite scriptus, missus est in stagnum ignis.* Ergo infantes sine Baptismo mortui, qui proinde non sunt scripti in libro vite, detinentur in stagno ignis : & consequenter nullatenus sunt beati.

- 142 Prob. 2do. Ex Concilio Carthagenensi apud S. Augustinum Ep. 90. ubi sic definit: *Quicumque negat parvulos per Baptismum Christi à perditione liberari; & salutem percipere sempiternam, anathema sit.* Item ex Concilio Florentino in Decreto Fidei, ubi declarat, *illorum animas, qui in actuali mortali peccato, vel solo originali decedunt, mox in infernum descendere, penis tamen disparibus puniendas.* Sed animæ, quæ sunt in perditione, & quæ in inferno puniuntur penis, carent sanè beatitudine non solum supernaturali, sed etiam naturali: nam beatitudo generatim sumpta, & prout præscindit à supernaturali & naturali, excludit omne malum. Ergo &c.

- 143 Prob. 3tio. Ex SS. Patribus; pro omnibus sit S. Augustinus, cæteri videri possunt apud Bellarminum lib. 6. de statu peccati. Igitur hic S. Doctor lib. 1. de anima & ejus origine, c. 9. *Non baptizatis, inquit, parvulis nemo promittat, inter damnationem regnumque celorum, quietis vel felicitatis cuiuslibet, atque ubilibet quasi medium locum: hoc enim eis barefis Pelagiana promittit.*

CONCLUSIO II.

- 144 Probabilius videtur parvulos, qui sine Baptismo decedunt, passuros esse internum animi dolorem propter privationem cælestis beatitudinis.

Prob. 1mo ex S. Scriptura Rom. 5. *Per unius delictum in omnes homines in*

condemnationem. Certè condemnatio significat pœnæ inflictionem, quæ sine dolore esse non potest. Item ex Apocalyp. 20. *Qui non sunt scripti in libro vite, missi sunt in stagnum ignis.* Nemo autem potest detineri in igne tartareo, quin indè dolorem saltem internum percipiat.

- Prob. 2do. ex S. Augustino, qui lib. 145. 1. de anima & ejus orig. c. 9. primum citatò docet, parvulos sine Baptismo decedentes nullum habere locum cuiuslibet quietis: At si nullum dolorem, ne internum quidem, paterentur, magna quiete in æternum fruerentur. Et lib. 6. contra Julianum c. 10. de parvulis illis hæc ait: *Si hoc eis non erit malum (quòd scilicet in æternum excludantur à regno cælesti) non ergo amabunt Regnum Dei tot innocentes imagines Dei? Si autem amabunt, & tantum amabunt, quantum innocentes amare debent Regnum ejus, à quo ad ipsius imaginem creantur, nihil ne mali de hac ipsa separatione patientur?* Infantes illos vocat innocentes, vel quia carent omni peccatò personali, vel quia Julianum fugillare vult, atque ex ejus doctrina loquitur, atque ejus verba assumit.

Adducuntur adhuc ab aliquibus alii Patres; ut S. Fulgentius lib. de Fide ad Petrum c. 3. ubi dicit infantes sine Baptismo mortuos interminabilia ignis æterni sustinere supplicia. S. Gregorius Magnus lib. 9. Moral. c. 12. ubi ait eos perpetua tormenta percipere. Sed hæc & similia non solum animi dolorem, sed pœnam sensus etiam innuunt.

- Prob. 3tio. Ratione. Quia dolor in æternus per se ac naturaliter sequitur ex beatitudinis privatione, & ex detentione perpetua in carcere infernali.

Ab absurdum proinde est, Deum miraculosè impediturum, atque suum concursum

sum denegaturum, ne parvuli ex hac damnatione internum animi dolorem ac tristitiam percipiant; si enim permittit parvulos ob solum peccatum originale cruciatus corporis in hac vita sustinere, à fortiori credendum est, eos in altera vita dolere ob amissionem beatitudinem.

Multò minùs verisimile est, parvulos sine baptismo defunctos ignorare se propter peccatum excludi ab æterna felicitate; nam ratio naturalis dicitur, eum, qui punitur, conscium esse debere peccati, propter quod pœnam meretur, alioquin videretur ipsi injusta. Hinc parvuli statim à morte subeunt Dei iudicium, interim reservati ad universale, in quo supremus Iudex sententiam publicè proferet in omnes peccatores, pusillos & magnos, quemadmodum docet S. Augustinus Ep. 166. cap. 8. & Serm. 294. aliàs. 14. de verbis Apostoli.

CONCLUSIO III.

147 Infantes sine Baptismo decedentes, immunes sunt à pœna sensûs seu à cruciati ignis sensibilis. Ita Theologi communiter à Sæculo XIII (s).

Prob. 1^{mo}. ex S. Scriptura. Quia ex Apoc. c. 18. v. 7. illicitæ delectationi perceptæ respondere videtur pœna sensûs; *Quantum glorificavit se, & in deliciis fuit, tantum date illi tormentum & lucrum*. Atqui infantes illi nullam experti sunt voluptatem. Ergo pœnis illis non videntur obnoxii. Item Isaïæ ult. & Marci 9. v. 45. ignis, quo damnati torquentur, conjungitur cum verme, seu cum conscientie morfu: *Vermis eorum non moritur, & ignis non extinguitur*. Atqui nullo conscientie

P. Cartier Theol. Tom. III.

stimulo torqueri possunt infantes illi. Ergo.

Prob. 2^{do}. ex SS. Patribus & Docto-148 ribus. S. Gregorius Nazianzenus orat. 42. de infantibus sine Baptismo decedentibus ait: *futurum existimo, ut postremi nec celesti gloriâ, nec suppliciis à iusto Iudice afficiantur, utpotè licet Baptismo consignati non fuerint, improbitate tamen (personali) carent*. Ibi tamen non negat eos plekti pœnâ damni; sed potiùs id agnoscit, cum ait eos celesti gloriâ privari, quam privationem per se & naturaliter sequitur dolor internus animi.

S. Gregorius Nissenus, Orat. de iis, qui præmaturè abripiuntur, in fine ait: *Immatura mors infantium, neque in doloribus ac mœstitia esse eum, qui sic vivere desiit, intelligendum esse nobis suggerit*. Ibi non excludit mœstitiam ac dolorem internum, qui per se & naturaliter ex beatitudinis privatione sequitur, sed dolores à Deo inflictos per cruciatum ignis, & mœstitiam inde ortam.

S. Thomas, q. 5. de malo, a. 2. *In peccato originali, inquit, non est conversio (ad creaturam) sed sola aversio (à Deo) vel aliquid aversioni respondens, scilicet destitutio animæ à iustitia originali; & ideo peccato originali non debetur pœna sensûs, sed solum pœna damni, scilicet carentia visionis beatificæ*.

S. Bonaventura, in 2. Diss. 33. a. 3. q. 1. ubi exposita opposita sententiâ, quam paucorum esse dicit, sic loquitur: *Sed cum valde durum illud dicere videatur, quod Deus tam durè & tam asperè agat cum parvulis sic decedentibus, qui omnino non potuerunt vitare nec mortem culpæ, nec mortem naturæ: præsertim cum videamus Deum cum impiissimis & sceleratissimis peccatoribus*

D d d d d

(b) Gaspar Juenin Instit. Theolog. Tom. 6. Dissert. 7. de peccato originali q. 5. c. 2. contrarium tenet.

ribus in multis misericorditer agere; id est est alia positio mitior, quæ magis concordat pietati fidei, & iudicio rationis, quod quia parvuli decedentes cum originali, carent iustitiâ, & Spiritus sancti gratiâ, quæ est pignus hereditatis æternæ, privantur in æternum Dei visione; quia verò in carne fuit feditas, id est ponitur in loco vili, ut potest infernali: sed quia non habuerunt in se actualem delectationem peccati nec in spiritu, nec in carne, id est non sentiunt poenæ ignis acerbitatem. Hunc modum dicendi magis approbant Magistri communiter. Eandem sententiam amplectitur Scotus in 2. Et in Scholis communis evasit.

149 Prob. 3tio. Ex Cap. Majores de Baptismo. ubi Innocentius III. Pontifex doctissimus sic ait: *Pœna originalis peccati est carentia visionis Dei, actualis verò peccati est (insuper) gehenna perpetua cruciatus.* Ubi discrimen statuit inter species poenarum peccati originalis, & actualis seu personalis; & dicit, poenam peccati originalis esse carentiam visionis Dei, & consequenter dolorem, qui per se ex ea naturaliter sequitur: poenam verò peccati personalis esse insuper cruciatum ignis.

150 Prob. 4to. Ex Concilio Florentino, in litteris unionis denniente, *illorum animas, qui in actuali mortali peccato, vel solo originali decedunt, mox in infernum descendere, poenis tamen disparibus puniendas.* Quibus verbis satis significat utriusque peccati poenas esse specie, & non tantum intentione, diversas; dicit enim *poenis disparibus, non æqualibus.*

Denique hanc doctrinam videtur supponere disciplina Ecclesiæ, quæ nullam in baptizandis adultis satisfactionem exigit. Si enim peccatum originale poenis tantis subditum fuisset; certè poenarum immunitatem omnibus baptizatis non indulsisset Ecclesiæ, nec eos alia lege ex-

cepisset ac suscepisset, quàm illos suscipiat, qui post Baptismum lapsi sunt.

Solvuntur Objectiones.

Ob. 1mo. Contra Conclusionem 1mam. S. Augustinus, lib. 3. de lib. arb. c. 23. sic scribit: *Quis novit, quid ipsis parvulis in secreto iudiciorum suorum bona compensationis re'eret Deus?* Ergo S. Augustinus agnovit possibilem esse medium locum inter regnum cælorum & damnationem.

Resp. neg. conf. Eo loci S. Augustinus contra Manichæos disputat, qui duo rerum principia statuebant, unum bonum, malum alterum: ex poenis autem, quas patiuntur parvuli, & ex præmatura eorum morte inferebant existentiam mali principii. Sanctus verò Augustinus hac ratione eorum argumentationem diluit, nempe Deum optimum maximum propter ejusmodi poenastemporales & transitorias remunerare posse parvulos in altera vita, ac proinde providentiam ejus in hac parte esse laudandam, nedum vituperandam. Sed nullatenus attingit questionem de peccato originali, quia nondum nata erat illa controversia. Ita se ipsum explicat Ep. 166. olim 28. ad S. Hieronymum. *Nam & de Baptismo parvulorum, inquit, in eodem libro non quidem sufficienter, sed quantum illi operi satis esse videbatur, utcumque respondi...* non tamen de damnatione eorum parvulorum, qui sine illo (Baptismo) ex hac vita migrant, tunc aliquid dicendum putavi: quia non, quod nunc agitur, agebatur. Cumque Semipelagiani eundem ipsum librum contra S. Augustinum postea urgerent, S. Doctor lib. de dono persever. c. 12. sic respondet: *Frustra itaque mihi de illius libri mei vetustate præscribitur...* Si enim quando libros de libero arbitrio *Laicus capi, Presbyter explicavi, adhuc de dam-*

natione infantium non venascentium liberatione dubitarem, nemo, ut opinor, esset tam iniustus, atque invidus, qui me proficere prohiberet, atque in hac dubitatione remanendum mihi esse iudicaret.

ignotum, nota non erit. Ergo nec de ejus privatione dolere poterunt: sicut enim nulla movet ignoti libido; ita nec molestiam infert boni non cognitum natura.

- 152 Ob. 2do. Contra Conclusionem adam. Parvuli sine Baptismo decedentes non patientur pœnam sensûs juxta nos. Ergo nec dolorem internum, seu tristitiam.

Resp. neg. conf. & parit. Disparitas est, quia nulla post hanc vitam esse poterit sensûs pœna, nisi à Deo directè infligatur. Arbitramur autem non convenire justitiæ & bonitati divinæ, ut directè infligatur pœna ei, qui non peccavit voluntate physice propria, sed tantum voluntate aliena, quæ independentè ab eo fuit ei moraliter propria, nec ullam habuit voluptatem, juxta illud Apoc. 18. *Quantum glorificavit se, & in deliciis fuit, tantum date illi tormentum & lucrum.* At dolor animi ex beatitudinis privatione ortus, non propriè ac directè infligitur, sed per se & naturaliter ex ea sequitur.

- 153 Ob. 3tio. Infantes sine Baptismo decedentes nec aptitudinem, nec jus habent ad Dei visionem beatificam, ut patet. Ergo de illius privatione dolere non possunt.

Resp. Dist. ant. non habent aptitudinem proximam &c. trans. saltem remotam, neg. ant. Esto parvuli illi non habuerint aptitudinem proximam ad visionem &c, quia non fuerunt Baptismi gratiam affectui: attamen habuerunt semper remotam. Dei enim gratiâ donari poterunt, cùm Deus eis gratias præparavit: imò & in eis erat jus ad illam visionem, saltem in primo homine adhuc innocente.

- 154 Ob. 4to. Parvulis Visio Dei intuitiva, utpote donum singulare naturaliter

Resp. neg. ant. Equidem divinâ tantum gratiâ in visionis divinæ cognitionem venimus; illo tamen dono in primi parentis pœnam orbari se intelligunt infantes sine Baptismo mortui ex judicio divino. Ut enim habet S. Augustinus lib. 3. contra Julian. c. 12. Exigit justitiæ ordo, ut qui judicium subit, judicis audiat sententiam, & sententiæ æquitatem, & proinde quæ pœna sit sustinenda, & quam ob causam; prout jam suprâ Conclus. 2. prob. 3. circa finem annotavimus.

Inst. Si parvuli illi post hanc vitam intellecturi sint juxta Dei ordinatione & judicio se privari beatitudine cœlesti, tunc vel hoc ipso non dolebunt; vel si doluerint, perversæ erunt voluntatis, & de divinis judiciis murmurabunt. Atqui perversæ non erunt voluntatis, nec de divinis judiciis murmurabunt. Ergo nec dolebunt.

Resp. neg. sequel. maj. quoad utrumque membrum. Nam necesse non est, ut qui justum Dei judicium in sua afflictione cognoscunt, aut non doleant, aut de eo obmurmurent: potest enim fieri, ut verè patientur, sed patienter, & sine querimonia. Enimverò etiam animæ in Purgatorio cognoscunt se justò Dei judicio pœnas acerbissimas, quas sentiunt, luere; nec tamen inordinatè agunt patiendi dolorem ex retardatione beatitudinis, nec de Deo conqueruntur.

Ob. 5to. Infantium pœna post hanc vitam erit mitissima, ut docet S. Augustinus lib. 1. de peccat. merit. & remiss. c. 16. ubi, *Potest, inquit, rectè dici parvulos sine Baptismo de corpore exeuntes in damnatione omnium mitissima futuros.*

D d d d d 2

Idem

Idem docet Enchirid. c. 93. Atqui talis non esset infantium pœna ob privationem visionis intuitivæ Dei; nam ex illius privatione profectus dolor summus non esse nequit. Ergo.

Resp. Dist. maj. Pœna infantum erit mitissima comparatè ad pœnam adultorum, qui peccato originali peccata personalia seu actualia addiderunt, conc. Absolutè & secundum se, neg. maj. Equidem inter dolores, qui in infernis sustinentur, gravissimus est ille, qui ex Dei visionis privatione oritur: *Perire à Regno Dei*, inquit laudatus S. August. Enchirid. c. 112. *exulare à civitate Dei, alienari à vita Dei, carere tam magna multitudine dulcedinis Dei, quam abscondit timentibus se, perficit autem sperantibus in se, tam grandis est pœna, ut ei nulla possint tormenta, quæ novimus comparari.* Infantium tamen cum originali peccatò decedentium pœna ab eodem S. Augustino dicitur omnium levissima; quia nemo, præter illos, in inferis est, qui pœnæ ad eò mitissimæ subijciatur. Pœna autem hæc parvulorum comparatè duntaxat ad pœnam adultorum mitissima erit; idque triplici de causa: 1mo. Quia adulti reprobi puniuntur pœnâ tùm damni tùm sensûs; infantes autem pœnâ solius damni. 2do. Adulti pœnæ damni annexum habebunt vermem conscientie, quo parvuli carebunt. 3tio. Adulti dolorem ex factura beatitudinis gravissimum percipient, infantes vero respectu illorum levissimum. Tantò enim dolor de re amissa gravior est aut levior, quantò quis majorem aut minorem ad eam rem consequendam dispositionem seu potestatem habuit. Nulli autem damnatorum minorem potestatem ad cœlestem beatitudinem habuerunt, quàm ii, qui ante usum rationis de vita migrarunt.

157 Ob. 6to. S. Augustinus lib. 3. de lib. arb. c. 23. *Non enim metuendum est, inquit, ne vita esse potuerit media quadam*

inter rectè factum & peccatum, & sententia Judicis media esse non possit inter præmium atque supplicium. Ergo.

Resp. neg. conf. Huic objectioni jam satisfecimus hic in respons. ad Ob. 1. S. Doctor ibi solum vult possibilem esse hypothèsim, in qua parvuli, antequam mereri & demereri possint, ex hac vita decedentes, nec præmiò nec supplicio afficiantur. Tunc autem de pœnis infantium tractare noluit, quia hoc necessarium non erat ad refellendum errorem Manichæorum de duarum naturarum contrariarum permixtione, ut ipsemet testatur, lib. de dono perseverantiæ, c. 12. his verbis: *Cùm verò rectius possit intelligi, non me propter de hac re dubitasse credi oportere, quia, contra quos mea dirigebatur intentio, sic mihi visi sunt resellendi, ut si pœna esset peccati originalis in parvulis, quod veritas habet; si vero non esset, quod nonnulli errantes opinantur; nullo modo tamen, quam Manichæorum error inducit, duarum naturarum, boni scilicet & mali, permixtio crederetur.* Vide dicta in Resp. ad Ob. 1.

Solvuntur Objectiones

Contra Conclusionem tertiam.

Ob. 1mo. Matth. 3. de Christo dici-158 tur: *Permundabit aream suam, & congregabit triticum suum in horreum, paleas autem comburet igni inextinguibili.* Atqui parvuli sine Baptismo morientes, non sunt triticum in horreum inferendum. Ergo sunt paleæ ignis æterni pabulum futuræ.

Resp. neg. supposit. Nam hic textus non spectat infantes non baptizatos; quia nomine areæ intelligitur Ecclesia Catholica, in qua sunt boni malis admixti, ut grana paleis, & in qua nunquam fuerunt infantes non baptizati.

Ob.

159 Ob. 2do. Matth. 13. dicitur : *Sic erit in consummatione Sæculi; exibunt Angeli, & separabunt malos de medio iustorum, & mittent eos in caminum ignis, ibi erit fletus & stridor dentium.* Atqui parvuli non baptizati erunt de numero malorum. Ergo separabuntur de medio iustorum, ut mittantur in caminum ignis, ubi erit fletus & stridor dentium.

Resp. iterum neg. suppos. Nam hic locus non spectat infantes sine Baptismo mortuos : sed ibi Scriptura loquitur de iudicio extremo, prout spectabit eos, qui fuerint in Ecclesia. Nam verba citata sunt conclusio parabolæ sagæ mixtæ in mare bonos & malos pisces congregante; quæ sagena non mundum universum, sed solum Ecclesiam significat, in qua sunt boni & mali, & in qua nesciam fuerunt infantes sine Baptismo mortui.

160 Ob. 3tio. Matth. 25. Dicturus est Dominus in sinistra collocatis : *Discedite à me maledicti in ignem æternum &c.* Illunt in supplicium æternum. Et Apocal. 20. *Qui non inventus est in libro vitæ scriptus, missus est in stagnum ignis.* Atqui parvuli non renati in sinistra sunt futuri, nec sunt scripti in libro vitæ. Ergo cum cæteris in ignem æternum detrudentur, atque in stagnum ignis mittentur.

Respondent aliqui, laudata Scripturæ verba non de infantibus sine baptismo decedentibus, sed de solis adultis esse intelligenda : hæc quippè sola damnationis causa profertur Matth. 25. *Esurivi enim, & non dedistis mihi manducare, &c.* Ejuscemodi verò criminis conficii nequeunt esse infantes. Et Apocalypsis 20. inquit textus : *Judicati sunt mortui ex his, quæ scripta erant in libris secundum opera eorum . . . judicatum est de singulis secundum opera ipsorum . . . qui non inventus est in libro vitæ scrip-*

tus &c. Nam parvuli non habent opera propria voluntate facta, secundum quæ judicentur; hic autem sermo est de operibus propria voluntate perperatis.

Respondent alii, & fortè melius, parvulos non baptizatos mittendos quidem esse in stagnum ignis, in ignem æternum, non ut ibi comburantur, sicut adulti reprobi, sed ut captivi detineantur in æternum.

Ob. 4to. Pelagiani docebant infantes sine Baptismo mortuos excludi à Regno cœlesti, & per vitam æternam, quam eis tribuebant, intelligebant solam immunitatem ab omni pœna sensibili. Ergo nostra doctrina est Pelagiana.

Resp. neg. ultimum membrum antecedit. Nam Pelagiani per vitam illam æternam, quam infantibus illis tribuebant, intelligebant naturalem quandam beatitudinem, quæ sanè non potest consistere in sola immunitate ab omni pœna sensibili, nec stare cum interno animi dolore orto ex privatione beatitudinis cœlestis, & ex detentione in tenebricoso inferni carcere, quo dolore dicimus infantes illos in æternum cruciatum iri in vindictam peccati originalis.

Ob. 5to. Infantes sine Baptismo mortui habebunt corpora passibilia, non gloriosa. Ergo in Inferno ignis actionem patientur.

Resp. neg. conf. Quia licet damnatorum omnium corpora futura sint passibilia, tamen non patientur, nisi secundum ordinationem divinæ justitiæ, & supernaturaliter. Nam cum post iudicium extremum cessabit ortus & interitus rerum naturalium, tolletur à corporibus vis agendi in alia corpora : undè si agent, agent tantum ut divinæ justitiæ instrumenta. Quare cum divinæ justitiæ ratio non exigit, ut infantium corpora ignem

D d d d d 3

pa

patiantur, immunia erunt à cruciatu ignis, quamvis aliqui non gloriosa, sed cæterorum damnatorum corporibus similia sint futura.

- 163 Ob. 6to. Infantes in hac vita puniuntur pœna sensûs propter originalem culpam: nam idè sunt obnoxii fami, siti, morbis, aliisque miseriis. Ergo in altera vita sic puniuntur.

Resp. neg. ant. Nam molestiæ quæ renatis infantibus in hac vita obveniunt, non tam pœnæ locum habent, seu iudicis imaginem referunt, quàm paternam Dei benignitatem commendent, utpote quæ proflint parvulis. Nam castigacionibus illis parentes, si piè senserint, momentur, qua sollicitudine infantibus sit consulendum, ut à peccatis, quæ tot calamitates invehunt, perpetrandis serventur, & quantò studiò salutis propriæ studere debeant. Vel negari etiam potest conf. Quia quamvis in tempore multis pœnis sensibilibus iustè puniantur, tamen divinam bonitatem, æquitatem, ac benignitatem non decet eos in æternum punire cruciatibus à Deo ipso directè influctis. Adde, quòd dolor, quem ex detentione in igneo & tenebricoso inferni carcere patientur, sit æquivalenter quædam pœna sensûs.

- 164 Ob. 7mo. Infantes baptizati fruuntur non solum possessione Dei, sed etiam bonis corporis, quæ Beatorum dotes vocantur. Ergo à contrario infantes non baptizati non solum privatione Dei, sed etiam pœnis sensibilibus corporis cruciabantur.

Resp. neg. conf. Disparitas est, quia infans per gratiam sanctificantem in Baptismo acceptam constituitur filius Dei adoptivus, hæres Regni cœlestis, & Cohæres Christi: unde ius habet non solum ad possessionem fructivam Dei, sed etiam ad dotes omnes corporum Beatorum, quæ connaturaliter illis debentur. At

infans non baptizatus, propter peccatum originale sufficienter punitur privatione possessionis Dei, & detentione in igne tartareo, nec insuper ei debetur cruciatus sensibilis ignis æterni.

Obijciuntur denique 8vo. Patres la-165 tini, qui magno consensu partem affirmativam, nempe infantes sine Baptismo mortuos non solum pœnâ damni, sed etiam pœnâ sensûs & ignis æterni cruciandos fore, post exortam Pelagianorum hæresim, tenuere. Ut 1mo. S. Augustinus variis in locis præsertim Serm. 14. de Verbis Apost. c. 3. ubi, *Venturus est Dominus, & iudicaturus de vivis & mortuis Sinistris dicturus: Ite in ignem æternum, qui paratus est. Dextris dicturus: Venite benedicti Nullus est reliquus medius locus, ubi ponere queas infantes; de vivis & mortuis iudicabitur. Alii erunt ad dextram, alii ad sinistram; non novi aliud. Si ergo dextra erit & sinistra, & nullum medium locum in Evangelio novimus.... Quid erit in sinistra? Ite in ignem æternum..... Certè habere non potest vitam æternam, qui non baptizatur; non erit in dextra, id est, in regno non erit.... Extrema autem sententia, ut doceret, quid sit regnum, & quid sit ignis æternus, tunc, inquit, abibunt isti in combustionem æternam, iusti autem in vitam æternam. Ecce exposui tibi, quid sit Regnum, & quid ignis æternus, ut quando confiteris parvulum non futurum in regno, fatearis futurum in ignem æternum. Ergo ex S. Augustino infantes sine baptismo mortui ibunt in combustionem æternam.*

2do. S. Hieronymus in tertio contra Pelagianos dialogo, sub nomine Critobuli hanc Pelagianorum contra Catholicos refert querimoniam: *Non possum ultra differre. Omnis vincitur patientia vestrorum iniquitate verborum. Oro te quid infantulus peccavere? ... Peccare non*

non possunt, & possunt perire. *Genua labunt, vagitus verba non explicant, balbutiens lingua non videtur, & æternæ miseræ cruciatus miseris præparantur.* Ad hanc autem querelam respondens Hieronymus, non negat hanc esse suam & aliorum Catholicorum sententiam, quòd parvulos non baptizatos in altera vita mancant æternæ miseræ cruciatus, seu æternum ignis supplicium; nam nihil aliud per æternæ miseræ cruciatus videtur intelligere. Sed torus est improbando, omnes homines, aut antiqui propagatoris Adam, aut suo nomine teneri peccatò obnoxios. Quod non videtur facere, nisi ut ostendat parvulos non baptizatos æternæ miseræ cruciatibus, seu æternò ignis supplicio dignos esse.

3tio. Auctor Hypognoſtici apud S. Augustinum lib. 5. contra Julian. inter cœlestem beatitudinem, & ignis æterni gehennam nullum fore medium asserit & inculcat. *Primum locum, inquit, fides Catholicorum divina auctoritate regnum credit esse colorum, unde, ut dixi, non baptizatus excipitur: Secundum gehennam, ubi omnis Apostata, vel à Christi fide alienus, æterna supplicia experietur: tertium penitus ignoramus, imò nec esse, in Scripturis sanctis invenimus. Finge, Pelagiane, locum ex officina perverſidogmaris tui, ubi alieni à Christi gratia, vitam requies & gloria possidere parvuli possunt. Dextera est iusti sedentis Judicis, & sinistra; regnum est & gehenna, vita est & mors, iusti sunt & iniqui. In dextera igitur iusti sunt constituti, in sinistra operarii iniquitatis. In regno requies baptizatorum, in gehenna pena incredulorum. Vita ad lætitiâ gloria, mors ad fletum & fridorem dentium. Iusti in regno Patris cum Christo, iniqui in igne æternò, parato diabolo & Angelis ejus. Sed hæc dicens, non divisiones multorum locorum dedi, nisi duorum tantum: quoniam ad duo, regnum*

videlicet & gehennam, hæc omnia referuntur, etiamſi plura dicantur.

4to. S. Avitus Viennensis in carmine ad sororem Fulcinam sic de parvulo sine Baptismo moriente ait:

Quique genitricis cùm cessat filius esse, Perditionis erit: tristes tunc edita nolunt,

Qua flammis tantum genuerunt, membra parentes.

Ecce apertè dicit parvulos non baptizatos, esse filios perditionis, & flammis urendos in inferno.

5to. S. Fulgentius, lib. de Fide ad Petrum c. 27. sic ait: *Firmissime tene & nullatenus dubites parvulos, qui... sine Sacramento sancti Baptismatis moriuntur, ignis æterni sempiternò supplicio cruciandos: qui etsi peccatum propria actionis nullum habuerunt, originis tamen peccati damnationem carnali conceptione & nativitate traxerunt.*

6to. Quindecim Episcopi Africani, in Sardinia exules, & quorum unus erat ipse Fulgentius, non minùs apertè loquuntur in lib. de Incarn. & Grat. apud eundem Fulgentium c. 30. asseruntque parvulos sine Baptismo mortuos æternis cruciatibus damnari, eosque interminubili deputatos incendio.

7mo. S. Gregorius Magnus lib. 9. moral. c. 12. ait parvulos, quos à culpa originis sacramenta salutis non liberant, & qui hic ex proprio nihil egerunt, illic (in altera vita scilicet) ad tormenta pervenire. ... perpetua quippe tormenta (nempe ignis æterni cruciatus) percipiant, qui nihil ex propria voluntate peccaverunt.

8vo. S. Isidorus Hispalensis lib. 1. disfer. Spir. num. 26. hæc habet: *Illud tamen tenendum est, parvulorum animas*
nexus

nexus peccati originalis esse astrictas, quæ nisi percipiant Baptismatis Sacramentum, regni celestis participes esse non possunt; sed cum carne & commune habebunt peccatum, & pari judicio damnabuntur in ignem æternum, id est, ad cruciatum ignis æterni.

9no. S. Anselmus, lib. de conceptu Virginis & peccato originali c. 22. sic loquitur: *Sed cum nemo dubitet, quia par pena non sequatur imparia peccata, in hoc tamen similis est & personalis & originalis peccati damnatio, quia nullus admittitur ad regnum Dei, ad quod factus est homo, nisi per mortem Christi, sine qua non redditur, quod pro Ada peccato debetur, quamvis non omnes pariter in inferno torqueri (id est igne cruciari) mereantur. Nam post diem judicii nullus erit Angelus aut homo, nisi aut in regno Dei aut in inferno.*

10mo. S. Ælredus Abbas in Anglia, qui floruit Sæculò XII. lib. 1. Speculi charitatis, c. 15. ubi agit de justa parvulorum non baptizatorum punitione per ignem inferni, sic loquitur: *Quid enim? injustum astimas, ut lignum inutile & infructuosum ignis depascat? Cogita quæso, totum humanum genus quasi lignum aridum, lignum infructuosum, lignum in ipsa radice vitiatum, utpotè venenò antiqui serpentis inficiatum, justissimè adlictum flammis, igni destinatum, ad iudicium damnationis.*

Respondent plerique (†) adductis locis, tum S. Augustinum, tum cæteros Patres, qui illius sententiam amplexi

esse videntur, solum intendere, infantes sine Baptismo mortuos igne æterno cruciatum iri sive per detentionem, sive etiam per combustionem, quod non definiunt. Atque re vera tormenta passuros esse, tum ex privatione cœlestis beatitudinis, tum ex sua in igne æterno detentione cum daemonibus & aliis reprobis.

Verum nimis aperta videntur esse eorum adducta testimonia, quàm ut hanc interpretationem suscipere facile possint. Undè dici posse arbitramur, quòd, quia hic non de re, quæ ad fidem pertineat & dogma Catholicum, utpotè ab Ecclesiâ nondum definita, sed velut de privato aliorum sensu agitur, & cum sententia nostra auctoritate Ecclesiæ Patrum S. Augustinò antiquiorum fulta sit, prout ostendimus; necnon brevè post Sæculum XII. sic invaluerit, ut eam omnes, aut scèrè omnes Doctores Scholastici sint amplexi, meritò deseri possint S. Augustinus, & qui illius amplexi sunt opinionem Patres reliqui; neque in hoc aliud præstamus, nisi quod ipse Augustinus præstitit, & præstandum significavit, cum de privato aliorum sensu, non de dogmate Catholico ageretur: *Alios*, inquit Ep. 19. ita lego, ut quantalibet sanctitate doctrinaque præpolleant, non idèò verum putem, quod ipsi ita senserunt. Et Epist. 111. *Talis ego sum in Scriptis aliorum; tales volo esse intellectores meorum.*

Certè videtur S. Augustinus, aliàs mansuetissimi ingenii pater, non omnino sua sponte in hanc paulò duriorém sententiam descendisse; sed ex duntaxat ratione, ne videlicet inde quid de-

tri-

(†) Post S. Bonaventuram in 2. dist. 33. art. 2. q. 1. ubi, *Dicendum*, inquit, *quod Augustinus in verbis istis quæ nos adduximus non intendit dicere, quod parvuli sensibilibus cruciuntur; sed intendit eorum penam manifestare quantum ad carentiam visionis Dei, & quantum etiam ad vililitatem loci. Et hoc valde abundanter exprimit, plus dicens, & minus v. sens. intelligi. Et S. Thomas q. 5. de malo a. 2. ad 1. Dicendum, ait, quod nomen tormenti, sulphuris, gehennæ, & cruciatus, vel si quid simile in dictis sanctorum invenitur, est large accipiendum pro pena, ut ponatur species pro genere.*

trimenti res Catholica pateretur; & ne Pelagianis ad arripiendum quidquid partibus suis faveretur utrumque videretur, industrii & paratissimi, exindè vel conficere possent, infantes non renatos quadam felicitate frui; quòd nimirum nullis subjacerent pœnis. Ut igitur Juliano & ceteris Pelagianis, qui demortuos absque Baptismo infantes à vita æterna non removebant, subterfugium omne præcluderet, & medium quietis & salutis locum, quem propugnabant, ubertius confutaret; aut pœnam æternam infligi, aut æternam vitam concedi ait. Non alià ergo de causa hanc sententiam amplexus est S. Augustinus, nisi ut Pelagianis omnem cavillandi locum præriperet, simulque conficeret, infantes ob peccatum originale sub Damonis potestate jacere, vitæque æternæ, quemadmodum & regnò colorum privari. Non sine causa (inquit S. Bonaventura in 2. dist. 33. a. 3. q. 1. *loquitur sic* (S. Augustinus) *hoc enim facit ad extirpandam illam barbesim* (Pelagianorum) *qua dicebat parvulos nulli pœnâ puniri. Undè sicut in moribus documentum est, quòd, qui vult ab uno extremorum pervenire ad medium, quasi debet declinare ad aliud extremum: sic etiam Beatus Augustinus, ut illam barbesim extirparet, qua dicebat parvulos ab omni pœna immunes, & ad medium reduceret, videlicet ad pœnam carentiæ visionis Dei, simpliciter asseruit eos cum aliis peccatoribus æternaliter damnari. Item autem suum intellectum explanavit in Euebiridio, ubi dixit pœnam eorum esse mitissimam. Et S. Thomas quæst.*

de malo 5. a. 2. ad 1. *Iddè autem Sancti* (Patres illi qui infantes non renatos gehennæ & cruciatibus æternis deputare visi sunt) *tali modò loquendi usi sunt, ut detestabilem redderent errorem Pelagianorum, qui asseriebant in parvulis nullum esse peccatum, nec eis aliquam pœnam deberi.*

Et quidem hanc suam opinionem eo fidentius tuebantur, quòd ad eam stabilendam in S. Scriptura invenire positiva argumenta viderentur; cùm tamen nostra ex eadem S. Scriptura non nisi negativum fundamentum cruat, quatenus nullus in ea locus reperitur, qui togat ad dicendum parvulos non baptizatos, pœnâ sensus in æternum puniendos esse.

Abist porrò à nobis, ut hanc sententiam nostram velut fidei dogma propugnare intendamus, ut quam solum opinionem Scholæ esse ultrò fateamur, quamque ea solummodo ratione cum communi Scholasticorum amplexi sumus, quia videlicet experientiâ constat, fideles ægrè admodum audire, parvulos sine Baptismate decedentes, mitti in ignem æternum cruciandos, & propter hujusmodi sermones scandala interdum oriri in Ecclesia.

Poterunt tamen animarum curatores data occasione prudenter uti severiori opinione contra matres, quæ ex negligentia, vel alio, quovis modo factus in utero suffocant, aut præmatùre effundunt: benigniore verò lenient dolore earum, quæ acerbius lugent filios suos sine gratia Christi decessisse.





P A R S S E C U N D A.

De Peccato Personali ejusque subalternis, seu generalioribus Speciebus.

Suprà in præmio nostri hujus Tractatus peccatum Hominis generatim divisimus in *Originale & Personale*. De Originale hæcenus egimus; modò igitur de Personali nobis tractandum venit. Illud ibidem divisimus in *Actuale & Habituale*. Actuale diximus esse peccatum spectatum ut actu existens, seu prout actu committitur: Habituale verò esse peccatum spectatum ut jam actu commissum, & physicè præteritum, sed permanens moraliter, seu esse maculam ex actuali peccato consequentem, & in anima remanentem. Unde nihil obstat, quominus dicamus peccatum Originale etiam rationem habere peccati habitualis, prout jam alibi animadvertimus: nam originale peccatum spectatur quoque ut jam actu commissum, ab Adamo nempe, & physicè præteritum; sed tamen in ejus posteris moraliter permanens; seu est macu-

la ex actuali Adæ peccato consequens, & in posterorum ejus anima remanens, donec per Baptismum deleatur. Ratio peccati habitualis igitur non modò peccatò personali, sed etiam originali convenire dignoscitur. Hic autem illud sumimus prout ab Actuali profuit; nec ab illo distinguitur, nisi quod physicè præteritum sit, moraliter autem adhuc existat ac in anima remaneat, velut macula, qua ipsa scedatur, &c. De peccato igitur personali hac secunda Tractatus hujus parte acturi solius actualis nomen usurpabimus; pauca admodum de habituali disserturi, ubi nempe de effectibus peccatorum generatim loquemur: scilicet mox Cap. 1. in quo ea expendemus, quæ de peccatis actualibus generatim discutere solent Theologi; deinde ad generaliores eorumdem species, ordine suprà in Tractatù nostro præmio indicato, descensuri.

C A P U T P R I M U M.

167 *De iis, quæ generatim de peccatis expendere solent Theologi.*

Quatuor potissimum generatim de peccatis actualibus expendere hic solent Theologi, scilicet 1mo. Eorum ab invicem distinctionem. 2do. Eorum con-

nexionem. 3tio. Eorum inæqualitatem. 4to. Denique eorum effectus. De quibus singulis Paragraphis agemus.

§. I.

De distinctione peccatorum ab invicem.

Ex dictis in Tractatu de Actibus humanis, Actus ab invicem distingui possunt, vel numero, vel specie: Numerò quidem in quantum sunt actus individuales: specie verò in quantum diversis specie virtutibus opponuntur: Sic furtum differt ab alio furto tantum numericè; sicè contra furtum specie differt ab adulterio.

Ex eodem Tractatu c. 3. plura sunt ex quibus peti potest sive numerica, sive specifica peccatorum distinctio; nempe interruptio, Objectum materiale, finis operantis, & circumstantiæ.

168 Distinctio numerica peccatorum sumitur aut ex interruptione, aut ex objecto materiali circa quod peccata versantur. Nam 1mo. quantum ad interruptionem: Ab eo sumitur distinctio numerica peccatorum, ex quo fit, ut actus non unus sit sed multiplex. Atqui ex interruptione fit, ut actus sit multiplex: sic, qui hodie furatur, distinctum numerò peccatum admittit ab eo, quod heri admisit furando; nec mirum, actus enim, qui moraliter interruptus fuit, non censetur perdurare usque ad tempus, quo alius actus elicitus est.

Porro illa moralis interruptio censetur accidere 1mo. Cum prioris actus voluntas revocata fuit aut per contrariam voluntatem, aut per poenitentiam. 2do. Cum ea voluntas licet habitualiter permanens, actu tamen desit per cogitationem voluntariam de aliqua, quæ nullam habet cum priori voluntate connexionem. 3tio. Cum inter unum & alium actum tantum temporis intercedit, ut, prudentem iudiciò, unus actus cum alio actu non colligetur; sic qui odio in fratrem ante somnum exarsit, & experge-

factus eundem odii actum renovat, duplex peccatum admittit. Excipiendum tamen est ab ea regula vir, qui in actu, quem elicit, virtualiter perseverat; ut patet in eo, qui manè proficiscitur, ut ferotinis horis inimicum interficiat; is enim, quamvis in itinere cogitet de variis rebus, quæ ad inimici necem nulla ratione referuntur, non dupliciter tamen, sed unius tantum numericè peccati reus est.

2do. Quantum ad Objectum materiale, seu distinctionem numericam peccatorum sumi quoque ex distinctione objectorum materialium, quæ intra eandem speciem sunt multiplicia, patet ex eo, quod ille tripliciter peccati reus sit, qui tres homines uno ictu perimit; quia actus, quo interficiuntur illi homines, versatur circa triplex Objectum materialiter & numericè distinctum.

Eandem ob causam, hoc est, propter multiplicationem objectorum materialium, impius apud Sacerdotem accusare tenetur varios tactus impudicos, aut morosas delectationes, quæ fornicationem subsecutæ sunt: non enim dicunt ordinem ad fornicationis actum prius habitum, nec ex illo sequuntur, sed oriuntur ex mera operantis malitia: secus de iis dicendum est, quæ brevè fornicationem præcesserunt; unum nempe actum cum illa constituent, utpotè quæ ad eam tanquam proxima dispositio esse censentur.

Specificæ autem peccatorum distinctio 169 petitur 1mo. ex Objectis specie diversis, circa quæ peccata versantur. 2do. Aliquando à fine operantis. 3tio. Nonnunquam etiam à circumstantiis, quæ actum peccati comitantur.

Ratio 1mi est 1mo. Quia idè, qui v.g. furatur, committit peccatum specie diversum ab eo, qui mentitur, quod furtum versetur circa Objectum specie diversum ab Objecto, circa quod mendacium versatur. 2do. Quia peccatum ab

eo sumit distinctionem specificam, à quo sumit privationem specie distinctam; scilicet peccatum positum est in privatione rectitudinis, quæ actu humano debita sit. Atqui privatio specie distincta sumitur ab Objecto specie diverso: objecta enim specie diversa, si mala sint, privationem includunt specie diversam, scilicet privationem rectitudinum, quæ in virtutibus, quibus illa objecta opponuntur, includuntur: sic perjurium est specie diversum à furto, quod perjurium dicat privationem specificam rectitudinis, quæ contineat in virtute Religionis, per quam perjurium prohibetur.

Ratio 2di est; Quia specifica distinctio peccatorum sumitur ab eo, quod in peccato principem obtinet locum. Atqui finis operantis specie diversus ab Objecto peccati, nonnunquam in actu peccati principem tenet locum: cum nimirum actus peccati sumitur non quidem prout elicited, sed prout ex volitione finis specie diversi imperatur. Unde qui furatur, ut postea se commaculet adulterio, potius adulter, quam fur appellatur.

Ratio 3ti denique est; Quia ab eo petitur specifica distinctio peccatorum, per quod actus peccati privatur honestate specie diversa ab ea, qua, ratione actus peccaminosi, privatur. Atqui actus peccati ratione circumstantiarum aliquando privatur honestate specie diversa ab honestate, qua privatur ratione sui: idque patet in furto, quod quis in Templo committit: in eo nimirum furto non solum est privatio honestatis, quam iustitiæ virtus præscribit, sed etiam est privatio honestatis, quam virtus Religionis imperat. Verum de his jam fuse actum in Tractatu de Actibus humanis cit. c. 3. ubi vide.

§. II.

De Connexione peccatorum.

Quæstio hic est; an peccata sint ita inter se connexa, ut qui unus est reus, eo ipso necessario sit reus aliorum. Sit

CONCLUSIO.

Peccata non sunt inter se connexa; 170
Unde qui unus reus est, necessario reus non est aliorum.

Prob. 1mo. Ex Scriptura S. qua docemur homines justos reos esse plurium peccatorum venialium; quamvis tamen immunes sint à quolibet peccato mortali. 2do. Objecta peccatorum non sunt inter se connexa. Ergo nec ipsa peccata. 3tio. Peccata speciem sumunt à privatione honestatis, quæ est in virtutibus, quibus opponuntur. Atqui ejusmodi privatio non est connexa cum aliis privationibus: siquidem privatio illius honestatis, quæ est in misericordia, nullam habet connexionem necessariam cum privatione illius honestatis, quæ in iustitia reperitur.

Dices 1mo. Virtutes omnes, saltem in statu perfecto sumptæ, inter se invicem connexæ sunt. Ergo peccata pariter sunt inter se connexa.

Resp. conc. ant. neg. conf. Ratio disparitatis est, quia, ut observat S. Thomas, virtutes omnes in uno tertio conveniunt, in charitate scilicet, quæ quidem totum operantis affectum colligit: Peccata verò, cum sint creaturarum amor, tantum abest, ut in unum colligant totum operantis affectum, quin è contrà ad multa, & quidem opposita, Objecta sensibilia, distrahant.

Dices 2do. Si peccata non essent inter se connexa, fieri posset, ut qui unum admisisset, non eliceret aliorum omnium

nium reus. Atqui id falsum est; siquidem contrarium docet Apostolus Jacobus Epist. Can. c. 2. cum ait: *Quicumque totam legem servaverit, offendat autem in uno, factus est omnium reus. Ergo &c.*

Resp. ad 1. neg. min. ad ejus prob. dist. ant. seu textum: Factus est omnium reus, hoc est, non servat totam legem, conc. Factus est omnium reus, hoc est, infringit omnia & singula præcepta legis, neg. ant. Ratio est 1mo. Quia ipse Jacobus expressè asserit loqui se de homine, qui aliqua legis præcepta servaverit: *Quod si, inquit, non mactaberis, occides autem, factus es transgressor legis.* Ratio est 2do. Quia Jacobus eo loci probare vult, eum, qui reus est vitii acceptionis personarum, de quo paulò antè locutus fuerat, esse verè transgressorem legis; ac proindè incurrere maledictionem, quam Lex vel unius ex suis præceptis transgressoribus minatur, ut post Moysen hisce verbis testatur Paulus Galat. 3. *Maledictus omnis, qui non permanserit in omnibus, quæ scripta sunt in libro legis, ut faciant ea.* At ut Jacobus probaret eum, qui reus est vitii acceptionis personarum, in illud Legis maledictum incurrere, necesse non fuit, ut doceret, eum reum esse aliorum omnium legis mandatorum, sed è contrà satis fuit, ut ostenderet, hominem illum verè esse transgressorem Legis; ac proindè subijci maledictioni, quam Lex minatur ei, qui eam etiam collectivè, hoc est, secundum omnia & singula præcepta, quæ continet, non servaverit. Vide Augustinum Ep. 29. ad Hieronymum veteris editionis.

§. III.

De peccatorum æqualitate.

Stoicis olim visum est, peccata omnia esse inter se æqualia; ità ut non mi-

nus reus sit, qui leve, quàm qui grave peccatum committit. Sit

CONCLUSIO

171

Omnia peccata non sunt inter se æqualia.

Prob. 1mo. ex Scriptura S. quæ expressè asserit, aliqua peccata esse aliis graviora; Thren. 4. *Major est iniquitas filia populi mei peccato Sodomorum.* Joan. 19. Idem dicitur de peccato Judæ proditoris respectu peccati, quod à Pilato in damnatione Christi admissum est: *Qui me tradidit tibi, majus peccatum habet.* Præterè iisdem Scripturis docemur, peccata quadam esse, quæ gravius castigantur, quàm alia: nam Genes. 4. Lamech gravius castigatur, quàm Cain; Matth. 11. Tyriis & Sidoniis remissus erit in die judicii, quàm Judæis. Matth. 5. Quidam in peccato gradus constituuntur, quibus homo fit reus judicii, concilii, aut gehennæ, Ergo &c.

Prob. 2do. Ratione. Peccatum est recessus ab ordine, quem recta ratio præscribit, quemque Lex æterna conservari jubet, perturbati vetat. Atqui recessus ab illo ordine non est æqualis: nimirum recessus ille oritur ex inordinata conversione ad creaturam: illa verò conversio non est in omnibus peccantibus æqualis, è contrà modò est major, modò minor, eò quòd inter eos, qui creaturam inordinatè diligunt, nonnulli sint, qui tenacius & intensius, quàm alii, eam amant. Præterea ut mox ostendemus, peccatum aliud est mortale, aliud veniale; illudque est gravius, istud verò levius. Ergo &c.

Dices. Peccatum positum videtur formaliter in privatione debitæ rectitudinis. Atqui privatio debitæ rectitudinis est æqualis in omnibus peccatis: non enim datur privatio quæ sit alià major, vel minor, cum & ratione & ex-

Eeee 3

pe-

Resp. 1mo. macula illa non est posita in sola obligatione ad pœnam : siquidem obligatio ad pœnam præsupponit maculam peccati : scilicet idè quod obligatur ad pœnam, quia peccati maculam contraxit. Præterè etiam si Deus statuisset nullam peccatori pœnam infligere ; peccator tamen peccati maculam contraxisset. 2do. Macula peccati non est posita simpliciter in *peccasse* ; nempe ipsum *peccasse* manet in homine etiam postquam per Sacramentum poenitentiae delevit contractam ex peccato maculam. 3tio. Non est quoque in sola inordinatione voluntatis, hoc est, in habituali prædominante creaturarum amore : siquidem per actum imperfectæ contritionis tollitur prædominans creaturarum amor ; & tamen, nisi poenitentia Sacramentum actu fuerit receptum, contracta per peccatum macula non tollitur. 4to. Dicendum igitur, maculam peccati non aliud esse, quàm ipsam Dei offensam, quæ licet actu transierit, nondum tamen per Sacramentorum virtutem est remissa. Ratio est, quia creatura rationalis ratione offensæ nondum remissa odio habetur à Deo, exosa est illi, & gratia sanctificante destituta. Et hanc maculam peccatum habituale vocamus ; quippe qua creatura est habitualiter seu permanenter inimica ac odiosa Deo ; in quo propriè ratio peccati habitualis consistit.

Secundò. Reatus pœnæ, hoc est, debitum seu obligatio ad pœnam (u), est etiam effectus peccati. Nam illud est effectus peccati, quod per peccatum contrahitur. Atqui per peccatum contrahitur debitum, seu obligatio ad pœnam : quemadmodum enim per actum virtutis homo iustus meretur præmium ; ita per actum peccati creatura rationalis contrahit obligationem ad pœnam.

Quænam autem pœna peccato debeatur, dicemus infra, ubi de peccato mortali & veniali agemus.

Tertio denique, Quædam sunt, quæ simul sunt peccata, & peccatorum pœna. Id probat S. Augustinus lib. 5. contra Julianum c. 3. multiplicitè argumentò. Ac 1mo. laudat hæc Apostoli verba Rom. 1. v. 23. *Et mutaverunt gloriam incorruptibilis Dei, in similitudinem imaginis corruptibilis hominis, & voluerunt, & quadrupedum, & serpentium : propter quod tradidit illos Deus in desideria cordis eorum, in inmunditiam, ut contumeliis afficiant corpora sua in semet ipsis.* Ad quæ sic ait : *Et hic utique vides causam, propter quam traditi sunt, sine ulla ambiguitate monstratam. Dixit quippe quid mali ante fecissent, & adiunxit : propter quod tradidit illos Deus in desideria cordis eorum.* Proinde præcedentis est hæc pœna peccati, & tamen etiam ipsa peccatum, quod verbis consequentibus explicat. 2do. adducit plura alia tùm Veteris tùm Novi Testamenti testimonia : ut illud ubi dicitur, *Domine miscuit illis spiritum erroris, & seduxerunt Ægyptum in omnibus operibus suis &c.* Item illud Prophetæ : *Quid errare fecisti nos Domine à via tua?* Et illud : *Non audivit Amasias (Regem Israel benè monentem, ne procederet ad bellum) quoniam à Deo erat, ut traderetur in manus, quoniam quæserunt Deum Edom.*

Post hæc & alias, quæ adducit ex Scriptura sententias, hæc concludit : *Et multa alia commemorare possumus, in quibus liquido apparet, occultis Dei iudiciis fieri perversitatem cordis, ut non audiat quod verum dicitur, & nunc peccetur, & sit ipsum peccatum præcedens*

(u) Pœna propriè dicta, est malum seu incommodum aliquod, naturæ vel voluntatis contrarium, quod eo sine infligitur, ut culpa aliqua vindicetur.

dentis etiam pœna peccati: Nam credere mendacio, & non credere veritati, utique peccatum est. Venit tamen ab ea cœcitate cordis, quæ occultò iudiciò Dei, sed tamen iustò, etiam pœna peccati monstratur. Quale est etiam illud, quod ad Thessalonicensēs scribit Apostolus; Pro eo quòd dilectionem veritatis non receperunt, ut salvi fierent, & ideo mittet illis Deus operationem erroris ut credant mendacio. Ecce pœna peccati peccatum est. Utrumque claret, breviter dictum est, aperte dictum est, ab eo dictum est, cuius alia verba in tuam sententiam (Julianum alloquitur) frustra detorqueere conatus es. Hæc S. Augustinus.

Porro peccatum, sumptum pro reatu culpæ, non est ex parte Dei pœna, quæ præcedentibus peccatis infligatur: scilicet culpa à Deo efficienter esse non potest, ut tamen esse deberet, si ex parte Dei esset pœna peccatori infligenda: è contrà peccatum sumptum pro eo, quod ipsum non impedit, est ex parte Dei pœna præcedentis peccati: hoc est, Deus peccata præcedentia castigat aliis peccatis, in quantum eum, à quo desertus est, deserit, non quidem impertiendo malitiam, sed subtrahendo gratiam. Cum ergo (inquit idem S. Doctor loc. cit.) dicitur homo tradi desiderijs suis, inde sit reus, quia desertus à Deo cedit esse atque consentit; vincitur, capitur, trahitur, possidetur: à quo enim quis devictus est, huic & servus additus est: & sit ei peccatum consequens præcedentis pœna peccati

CAPUT II.

De peccato commissionis & omissionis, præcipue autem de peccato Mortali, & Veniali.

174] IN præmio hujusce Tractatus nostri primò locò peccatum actuali subdi-

visimus in peccatum *commissionis*, & peccatum *omissionis*. Prius diximus esse illud, quo præceptum negativum violatur, atque consistere in actu aliquo prohibito: Alterum esse id, quo præceptum affirmativum violatur, atque consistere in omissione culpabili alicujus actus præcepti. Circa peccatum *commissionis* nulla occurrit difficultas. At circa peccatum *omissionis* præcipue queri solet, num aliquem actum includat?

Verum Respondemus, quòd licet peccatum illud in se nullum actum includere videatur, ut vi nominis ipsius sit apertum; tamen actum aliquem semper supponere videatur, qui sit causa vel occasio illius omissionis; tùm quia fieri non potest, ut v. g. qui die Dominica Sacro non intereat, cùm per illum fiat, haud ita sit affectus, ut nec velit, nec nolit audire Sacrum, aut nihil exoptet, undè præcepti omisso proficiatur; aliàs illa omisso voluntaria non esset, nec proinde peccatum: tùm quia peccatum omissionis est officij erga legem aut statutum prætermisso ex inordinato creaturarum amore orta, prout benè ab aliquibus definitur: quamobrem qui officio deest, cuidam semper obsequitur affectui, quo Deus creaturæ postponitur; nec ex iustitia decidit, nisi mutató voluntatis studiò. Hinc, ut fusiùs S. Basilus exponit Hom. de iudicio; & lib. 2. de Bapt. q. 6. æqualiter infringitur Divina Lex præcepti prætermissione, ac præcepti cujusdam infractione. Ideoque maledictò, & igni æterno traduntur, qui pauperibus auxilio non fuerunt, juxta illud Matth. 25. *Discedite à me maledicti in ignem æternum: esurivi enim, & non dedistis mihi manducare.* Item de servo, qui talentum terræ mandavit, constituitur: *Inutilem servum ejicite in tenebras exteriores.* Ex quo etiam habetur, quid ad inutilem & jejunam quæstionem, quam movent aliqui; an videlicet dari possit.

possit aliqua præcepti omisso pura, id est, omni voluntatis actu carens, quæ tamen libera sit? respondendum sit, scilicet eam esse impossibilem; quod si tamen per impossibile daretur, eam tamen fore culpabilem; quoniam ex Tract. de Act. hum. c. 1. §. 3. post conclus. 3tiam num. 55. in fin. talis omisso pura esset virtuale & interpretativum libertatis exercitium, adeoque interpretativè voluntaria. Nam si positus omnibus ad agendum requisitis voluntas abstinere ab omni actu, tunc liberè non vult, liberè non agit, ac perinde se habet, ac si positivè nolleret, & positivè vellet non agere, & ideoque peccaret.

Verùm operosior est quæstio, quæ de peccatis mortali & veniali movetur; de qua proinde distinctis Paragraphis agere animus est; atque primò de peccato mortali.

§. I.

Utrum detur peccatum mortale, & per quid constituitur?

Peccatum mortale dicitur illud, quod mortem animæ affert, privando illam vitâ supernaturali, atque pœnam æternam per se meretur.

CONCLUSIO I.

175 Est de fide extare peccatum mortale. Prob. 1mo. ex S. Scriptura, qua docemur multa esse peccata, quæ à regno Dei excludunt: *Qui talia agunt*, ait Apostolus Galat. 5. *Regnum Dei non consequentur*. Docemur, multa esse peccata, in quæ Deus per æternam pœnam animam vertit; *Ite maledicti in ignem æternum*, Matth. 25. inquit Christus, *Esfurvi enim, & non delistis mihi manducare*. Et Apocal. 21. *Homicidis & fornicatoribus, & veneficis, & idolola-*
P. Cartier Theol. Tom. III.

tris, & omnibus mendacibus, hoc est, fraudatoribus, *pars illorum erit in stagno ardenti igne, & sulphure, quod est mors secunda*. Docemur denique, nonnulla esse, quæ præsentem mortem animæ inferunt: Sap. Or. *quod mentitur, occidit animam*. Rom. 6. *Stipendia peccati mors*. Et c. 8. *Si secundum carnem vixeritis moriemini*. Item, *Qui non diligit*, inquit Joannes Epist. 1. c. 3. *manet in morte*. Peccata illa, quorum effectus modò enumeravimus, in Traditione vocantur *Scelestia, Flagitia, Crimina*. Ergo Scriptura apertè definit extare peccatum mortale: ac proinde fide Catholica certum est dari tale peccatum.

CONCLUSIO II.

Peccatum mortale tale est ex eo po-176-
tissimùm, quòd sit gravis offensâ Dei, & ejus contemptus saltem virtualis & interpretativus.

Prob. Nam peccatum mortale tale est ex eo potissimùm, quia tùm privatione gratiæ sanctifican is, quæ est supernaturalis vitæ animæ, tùm pœnam æternam meretur. Atqui hoc utrumque per se non meretur præcisè, quia naturam rationalem dedecet graviter; sed potissimùm, quia est gravis offensâ Dei, & quidam divinæ majestatis contemptus, saltem virtualis & interpretativus. Ergo.

Verùm eo ipso, quòd peccatum mortale dignoscatur rationem naturalem graviter dedecere, eique omninò repugnare, cujus auctor & vindex est Deus; necnon rectæ rationis dictamen sit intrinsecum & essentialè complementum legis divinæ naturalis; impossibile est, ut dicat aliquid naturæ rationali graviter repugnare, quin simul & indivisibiliter dicat saltem confusè, illud esse à supremo Legislatore graviter prohibitum; adeoque esse gravem Dei offensam.

FFFFF

ffensam.

fenfam. Unde Conclusio potius rei concipiendæ modum, quàm rem ipsam spectat; vultque tantum in peccato mortali prius concipi debere gravem Dei offensam, quàm naturæ rationalis repugnantiam; quamvis re ipsa illud, quod naturæ rationali graviter repugnat, eamque offendit, eo ipso etiam Majestatem divinam graviter offendat, ejusque contemptum connotet, ac proinde gravis sit illius offensâ.

§. II.

Utrum peccatum mortale non condonatum puniatur supplicio æternis: sive, utrum poena damnatorum sit in æternum duratura?

- 177 Omittimus tractare hic gravem illam, si Superis placet, controversiam, quæ Thomistas plerosque inter & Scotistas viget: num scilicet peccatum mortale in ratione offensæ Dei habeat malitiam seu gravitatem simpliciter, an verò secundum quid tantum infinitam? Primum plerique Thomistæ tuerentur; Secundum Scotistæ mordaciter propugnant. Id nos duntaxat scire profiteamur, scilicet, quòd, cum juxta illud morale effatum: *injuria est in injuriato, & bonor in bonorante*, id est, mensura injuriæ gravis personalis est ipsa persona offensa, sicut mensura honoris est potissimum dignitas personæ honorantis, necnon Deus, qui est dignitatis infinitæ, per peccatum mortale graviter offendatur, manifestum sit, illud etiam in ratione gravis offensæ habere malitiam & gravitatem infinitam; parùm solliciti, num ea malitia & gravitas dici debeat infinita simpliciter, an verò secundum quid duntaxat.

- 178 Hic ergo in id duntaxat inquirimus, an peccato mortali non condonato, cum

sit infinitæ malitiæ, etiam debeatur infinita poena, id est, in æternum duratura.

Origenes, ut testatur S. Augustinus lib. de hæres. hæresi 43. docuit, poenas damnatorum non fore æternas, sed demones, & homines reprobos post aliquod tempus ab iis liberatum iri. Quem errorem amplexi sunt Sociniani.

Nota, Quodlibet peccatum mortale duplici poenâ præcipuâ multari, nempe poenâ damni, & poenâ sensûs: poenâ damni, ut alibi jam annotavimus, consistit in privatione beatitudinis, nempe fruitionis Dei summi boni: poenâ verò sensûs in dolore, quem efficit ignis infernalis. Utraque poena exprimitur, Matth. c. 25. *Discedite à me maledicti in ignem æternum.* Hanc utriusque poenæ rationem assert S. Thomas 1. 2. q. 87. a. 4. *Quia peccatum mortale est aversio à Deo, & conversio ad creaturam. Equum est autem, ut qui se avertit à Deo, ejus fruitione privetur; & qui se convertit ad creaturam cum gravi Creatoris injuria, supplicium patiatur à creatura. Modò sit*

CONCLUSIO.

Damnatorum poenæ sunt æternæ. 179
Est de Fide.

Prob. 1mo. Ex Scriptura Isai. 33. *Quis poterit habitare de vobis cum igne devorante? Quis habitabit ex vobis cum ardoribus sempiternis?* Et c. 66. *Vermis eorum non morietur, & ignis eorum non exstinguetur.* Matth. 3. *Pulvis autem comburet igni inextinguibili.* Etc. 25. *Discedite à me maledicti in ignem æternum... Et ibunt ibi in supplicium æternum.* *Justi autem in vitam æternam.* Marci 9. *Bonum est tibi claudum introire in vitam æternam, quàm ducere pedes habentem mitti in gebennam ignis inextinguibilis: ubi vermis*

vermis eorum non moritur, & ignis non extinguitur. 2. Theff. 1. *Penas dabunt in interitu aternas.* Apoc. 14. *Fumus tormentorum eorum ascendet in sacula saculorum.* Et c. 20. *Cruciabuntur die ac nocte in sacula saculorum.* Nec juvat Adversarios, quòd dicant aternitatem in Scripturis sæpè fumi tantum pro longissima aliqua duratione: nam sumitur etiam pro duratione finem nunquam habitura; & in hoc sensu fumi, cum de poenæ damnatorum duratione agitur, non solum docet Traditio & perpetuus Ecclesie sensus, sed etiam ipsa Scriptura, cum dicit, *vermis eorum non morietur, & ignis eorum non extinguetur.* *Paleas comburet igni inextinguibili. Ibi ut in supplicium aeternum.* Ubi voces *aeternum, aeternam* sumunt sane in eodem sensu. Item cum dicit, *fumus tormentorum eorum ascendet in sacula saculorum.* Et *cruciabuntur in sacula saculorum.*

180 Prob. 2do. Ex Conciliis generalibus. Nam 1mo. Concilium V. ut scribit Nicephorus Callisti lib. 7. c. 27. & 28. damnavit Origenem, quòd doceret, omnium impiorum hominum, ipsorumque etiam demonum tormenta finem habitura. 2do. Concilium Lateranense IV. cap. *Firmiter docet reprobos cum diabolo panam perpetuam recepturos esse.* 3tio. Concilium denique Tridentinum Sess. 6. Can. 25. damnatorum poenas vocat *aeternas.* Et Sess. 14. Can. 5. dicit per peccatum contrahi *amissionem aeternae beatitudinis, & aeterna damnationis incursum* Concilia autem hæc aternitatem pro longissima tantum duratione accipere, & ita vocem illam in significatione tantum impropria sumere, dici non potest sine perverbia.

181 Prob. 3tio. ex unanimi Patrum consensu. Pro omnibus hic sufficiant, S. Iustinus Martyr, Apol. 2. *Injustos in perpetuo sensu una cum malis geniis in ignem*

mittet sempiternum. S. Irenæus, lib. 4. c. 47. *Pena eorum, qui non credunt verbo Dei, & contemnunt ejus adventum, & convertuntur retrorsum, adimplata est, non solum temporalis, sed & aeterna facta.* Tertullianus Apologet. c. 45. *Nos, qui sub Deo omnium speculatore dispungimur, quique aeternam ab eo panam providemus, merito soli innocentia occurrimus.... & pro magnitudine cruciatûs non diuturni, verum sempiternum (Deum) timentes.* Lactantius, lib. 7. c. 26. *Eodem tempore fiet secunda illa, & publica omnium resurrectio, in qua excitabuntur injusti ad cruciatûs sempiternos.* S. Chrysostomus, Hom. 9. in 1. ad Cor. *Non est hæc parva, qua proponitur quaestio.... an finem habeat ignis gehennæ? Nam quòd non habeat, Christus pronuntiavit, dicens: Ignis eorum non extinguetur, & vermis eorum non desinet... Et Paulus quoque id dicit, ostendens immortale supplicium, & quòd peccatores dabunt penas exitiosas & aeternas.* S. Augustinus lib. 24. de Civ. c. 9. *Quod de sempiterno supplicio damnatorum per suum prophetam Deus dixit, fiet omnino, & vermis eorum non morietur, & ignis eorum non extinguetur.* Et c. 17. dicit, ab Ecclesia meritò reprobata fuisse oppositam Origenis sententiam. S. Leo Magnus Serm. 4. de Collectis, c. 3. *Quis istam sortem aeternorum cruciatuum non pavescat? quis mala nunquam finienda non timeat? Et S. Fulgentius lib. 2. de remissione peccat. c. 13. Permanebit cruciamentorum perennis sensus in mortuis, ubi miseris mori non coeeditur in panis.... Per hoc semper cum corpore morietur anima, cum quo sine fine cogetur aeterna communicare tormenta.* Certum est autem hos Sanctos Patres per aternitatem intelligere durationem nunquam finem habituram, ut intelligitur secundum communem usum in Ecclesia receptum.

Fffff

Prob.

- 182 Prob. 4to. Ex sensu & perpetua Traditione tūm scriptā, quam produnt adducta tūm Conciliorum tūm Patrum testimonia, tūm orali Ecclesiæ; quæ de manu ad manum, & de ore ad os hunc suum sensum ad nos usque pertulit.
- 183 Prob. 5to. Ratione. Quia peccatum mortale habet malitiam infinitam, prout suprā annotavimus. Ergo meretur poenam acerbissimam, & infinitam saltem in duratione.

Solvuntur Objectiones.

- 184 Objiuntur 1mo. Multi textus Scripturæ. 1mo. Illud Psal. 102. *Non in perpetuum irascetur, neque in æternum comminabitur.*

Resp. Hic textus spectat præsentem vitam, in qua Deus præcipue misericordiam exercet, & peccatoribus poenitentiam agentibus condonat peccata.

2do. Illud Isai. 24. *Congregabuntur... in lacum, & claudentur ibi in carcere, & post multos dies visitabuntur.*

Resp. Hæc ultima verba significant impios in æternum puniendos: nam hæc vox *visitare* sæpe in Scripturis sumitur in malam partem, nempe pro *punire* & *percutere*, ut patet ex eodem Propheta c. 26. ubi ait: *Visitasti & contrivisti eos.* Eodem autem sensu hic accipitur, ac perinde est, ac si diceretur: *In æternum punientur.*

3tio. Illud Marci, c. 12. ubi de Scribis seu Phariseis dicitur: *accipient prolixius judicium.* Quo significari videtur poenas damnatorum æqualiter non duraturas, nec in æternum, sed alias aliis prolixiores, id est, longius duraturas fore duntaxat.

Resp. Hoc locò dici Scribas seu Phariseos accepturos esse judicium prolixius, non quantum ad durationem, cum poenæ

impiorum in inferno sint æquales in duratione; sed quantum ad acerbitatem. 4to. Illud Jacob. c. 2. *Superexaltat autem misericordia judicium.*

Resp. Equidem Deus in hac vita magis misericordiam, quam justitiam exercet. In inferno autem suam justitiam præcipue, non tamen in toto rigore, exercet, infligendo quidem poenam æternam, * sed minus acerbam, quam in rigore mereatur peccatum.

5to. Illud Apoc. c. 20. *Beatus & Sanctus, qui habet partem in resurrectione prima, in his secundamors non habet potestatem.* Atqui hæc secunda mors non potest esse, nisi impiorum annihilatio. Ergo tandem annihilabuntur, ac proinde in æternum non cruciabuntur.

Resp. Per secundam mortem intelligitur mors æterna, quæ in suppliciis inferni æternis consistit. Porro nomen mortis in Scriptura identidem pro tormentis & cruciatibus usurpatur.

Ob. 2do. S. Justinus Martyr in Dia-185 logo cum Tryphone, *Qua digna sunt, inquit, ut coram Deo appareant (animæ) non moriuntur amplius; illæ autem (nempe impiorum animæ) excruciantur, quoad eas & esse, & excruciarì vult Deus.* Idem loquitur S. Irenæus lib. 2. adv. hæres. c. 64. ubi *Omnia, ait, quæ facta sunt, initium quidem salutis suæ habent, perseverant autem, quoad usque ea Deus & esse, & perseverare voluerit.* Quibus verbis insinuant, animas impiorum non esse immortales, sed aliquando annihilandas.

Resp. Hi Patres locis illis neque negant, neque affirmant immortalitatem animarum impiorum; ac illam locis in probatione allatis expressè agnoscunt, cum in damnatis admittunt poenarum æternitatem, quæ sine animarum immortalitate esse nequit.

Dices:

186 Dices: S. Irenæus eodem cap. 64. ait: *Qui servaverit datum vita, & gratias egerit ei, qui præsinit, accipiet & in saculum saculi longitudinem dierum. Qui autem . . . ingratus extiterit factori . . . & non cognoverit eum qui præsinit, ipse se privet in saculum saculi perseverantia. Id est, annihilabitur, nec in æternum vivet, aut durabit.*

Resp. Solùm vult, malos & erga Deum ingratos privare se bona æternitate, seu, ut communiter loquimur, vitâ æternâ, & mortem secundam, quæ in tormentis & cruciatibus inferni consistit, meritò ob scelera sua incurrere.

187 Ob. 3tio. S. Gregorius Nyssenus pluribus locis negat poenarum æternitatem, ut lib. de anima & resurrectione paulò ante medium. *Vitiisitate, inquit, longis seculorum anfractibus & circuitionibus aliquando abolita atque extincta, nihil præter bonum relinquatur. Sed etiam demones concorditer & consentienter dominationem Christi confitebuntur. Et Orat. Catechetica c. 26. Cum per longum, inquit, temporis ambitum ablatum fuerit natura malum, quod nunc est eis iunctum & coalitum, & eorum, qui nunc jacent in malis, in antiquum statum facta fuerit restitutio, una voce agentur gratia ab universa creatura, & ab iis, qui castigati fuerint in purgatione, & ab iis, qui ne omnino quietem opus habuerunt, ut purgarentur. His & aliis similibus locis clarè videtur docere demones & impios homines, post longissimum aliquod à resurrectione corporum tempus, tormentis expurgatos, tandem salvatum iri. Ergo &c.*

Respondent aliqui, Gregorium Nyssenum hac in parte implicatum fuisse erroribus Origenis. Sed videtur potius dicendum cum S. Germano Patriarcha Constantinoopolitano apud Photium in

Bibliotheca, S. Gregorii Nysseni Opera hac in parte ab Origenistis fuisse corrupta. Et sane S. Germani & Photii viro- rum Græcorum suffragium prævalere debet suffragio aliorum recentiorum hominum Latinorum; qui verba à nobis relata ipsi Gregorio idè duntaxat attribuant, quòd stylum ipsius & dicendi characterem referant; quasi verò hæretici non potuerint ad amulsum imitari stylum & dicendi characterem Scriptoris Catholici; aut quasi de stylo & dicendi characterè sanior Latini, quàm Græci judicare potuerint.

Ob. 4to. S. Basilii, in c. 4. Isai. ait: 188 *Qui post acceptam Dei notitiam, consultò ac studio se ipsos reddunt obnoxios sanguini, utique tales opus est purgari per ignem. Ergo &c.*

Resp. S. Basilium hîc loqui metaphoricè, nec aliud velle, quàm tales gravius puniendos fore per ignem, quia gravius peccaverunt. Et verò Hom. in Psal. 33. asserit, *reprobos passuros esse probum & verecundiam sempiternam.*

Ob. 5to. S. Gregorius Nazianzenus 189 orat. 39. in sancta lumina; negat poenarum æternitatem. Ergo &c.

Resp. Ibi eum loqui de purgatorii igne, quem vocat postremum Baptisim.

Ob. 6to. Idem tueri videtur S. Ambrosius in Psal. 118. Sermon. 20. num. 21.

Resp. Ibi quidem obscure loquitur, sed alibi poenarum æternitatem clarè docet, scilicet lib. de lapsu Virginis consecratæ c. 8. ubi ait: *Ego tamen, qui scio graviora facinorosis servari tormenta, & sine fine impius animas cruciatus manere, non temporales utique, sed æternos, aliis te volo cruciatibus affici, profuturis utique, non animam perditur.*

Ob. 7mo. S. Hieronymus in primo 191 Dialogo contra Pelagianos sub perlo-
Fifff 3 Acti-

Attici sic loquitur : *Illud verò, quod in sequenti ponis capitulo, in die iudicii iniquis & peccatoribus non parcendum, sed æternis eos ignibus exurendos, ferre quis potest, & interdicare te misericordiam Dei, & ante diem iudicii judicare? Denique Esaias, de quo ponis testimonium (comburentur peccatores & iniqui simul) non alidit : In æternum, &c.... Si autem Origenes omnes rationabiles creaturas dicit non esse perdendas, & diabolo tribuit penitentiam, quid ad nos, qui & diabolum & satellites ejus, omnesque impios & pravificatores dicimus perire perpetuò, & Christianos si in peccato præventi fuerint salvandos esse post penam. Quibus verbis videtur S. Hieronymus docuisse solos infideles cum diabolo & Angelis ejus æternis ignibus exurendos in inferno; Christianos verò omnes, etiam eos, qui post gravia peccata commissa, & ante actam penitentiam morte præventi fuerint, post penam ignis, diù pro qualitate & numero criminum toleratam, tandem à cruciatibus liberandos & salvandos esse.*

Alludere ad S. Hieronymum videtur aliquibus S. Augustinus, cum in Enchiridio c. 67. ait: *Creduntur à quibusdam etiam ii, qui nomen Christi non relinquunt, & ejus lavacrò in Ecclesia baptizantur, nec ab ea ullo schismate vel hæresi præcipientur, in quantalibet sceleribus vivant, quæ nec diluant penitentia, nec elemosinis redimant, sed in eis usque ad hujus vita ultimum diem pertinacissimè perseverent, salvi futuri per ignem, licet pro magnitudine facinorum flagitiorumque, diuturno, non tamen æterno, igne puniri; sed qui hoc credunt, & tamen Catholici sunt, humana quadam benevolentia mihi falli videntur: nam Scriptura divina aliud consulta respondet, &c.*

192 Resp. igitur imo. Tempore SS. Hieronymi & Augustini, ut ex his postre-

mis S. Augustini verbis liquet, hanc de duratione pœnarum Christianorum in peccato mortali defunctorum questionem, adhuc velut inter Adiaaphora repositam fuisse, atque, quòd omnes omnino, qui in statu peccati mortalis decedunt, igne æterno exurendi sint in inferno, non fuisse rem ita certam & exploratam in Ecclesia, ut contrarium defendi non posset sine nota hæresis, & caruerit omni omnino verisimilitudine. Bona igitur fide & licet hanc opinionem tueri possit, licet re ipsa esset erronea, Hieronymus.

● Resp. 2do. Et si S. Hieronymus in hunc errorem ex infirmitate humana impigisset, prout fatentur aliqui Catholici, hæc ejus opinio nihil Catholicæ veritati officere potest. Nam quamvis unanimis Patrum consensus, utpotè totius Ecclesiæ consensus, sit infallibilis, tamen singuli Patres seorsim sumpti errare possunt, & non pauci aliquando errarunt.

Resp. 3tio. Multi Doctores Catholici, imò plerique, S. Hieronymum ab hoc errore jure meritò vindicant. Itaque S. Doctor verbis objectis solùm intendit non omnes iniquos & peccatores æternis ignibus exurendos, per iniquos & peccatores intelligendo cujuscumque peccati reos; quia non omnia peccata sunt mortalia, nec omnia damnationem æternam inducunt, ut docebat Pelagius, quem ibi refellit, & arguit, quòd diceret generaliter in die iudicii iniquis & peccatoribus (hoc est, cujuscumque iniquitatis & peccati reis) non parcendum, sed æternis eos ignibus exurendos. Quod rectè colligitur ex his verbis ejusdem loci: *Si peccatores & iniqui æternis ignibus exuruntur, non times sententiam tuam, qui iniquum & peccatorem te esse dicis? Et argumentaris hominem non esse sine peccato, sed esse posse. Ergo solus ille salvetur, qui nunquam*

quam fuit, nec est, sed futurus est, aut forsitan nec futurus, & pereant omnes, quos retrò fuisse legimus.... Si iustus es, & humilitate simulas peccatorem, mirabimur, atque gaudebimus habere te solum & possidere cum sociis, quod nec Patriarcharum, nec Apostolorum quispiam habuit. Si autem Origenes &c. ut suprà in textu objecto. Per iustum autem Pelagium intellexisse cum solum, qui omni omnino peccatò immunis esset, faciliè colligitur ex mox adductis S. Hieronymi verbis, vel saltem quòd hic S. Doctor crediderit, aut vehementer suspicatus fuerit, cum in ea sententia fuisse.

Igitur hæc est S. Hieronymi contra Pelagium argumentatio : Si generaliter verum est, iniquos & peccatores, id est, cuiuscumque peccati reos, æternis ignibus exurendos, omnes homines, qui hætenùs existerunt, ne Patriarchis quidem & Apostolis exceptis, æternis suppliciis cruciari necesse est ; nam nullus hominum omni omnino peccatò etiam personali hætenùs caruit, præter B. Virginem. Unde satis patet, S. Doctorem reprehendere Pelagium, non quòd omnes omnino etiam fideles in gravi seu mortali peccato decedentes æternis suppliciis addiceret, sed quia indefinitè, ideoque generaliter æternis ignibus exurendos diceret quoscumque peccatores, ideoque etiam solutivè nialii reos.

93 Confirmatur hæc nostra responsio, quia S. Hieronymus expressè docet, omnes peccatores gravium scilicet peccatorum reos, cum diabolo & angelis ejus æterno igne cruciatum iri. Nam in cap. 3. Jonæ, ubi Origenis errorem confutat, sic ait : *Hoc quia Scriptura sancta non dicit, & evertit penitentiæ timorem Dei; dum faciliè homines labuntur in vitia, putantes etiam diabolum, qui author malorum est, & omnium peccatorum fons, ad penitentiam posse salva-*

ri, de nostris mentibus abjiciamus ; & sciamus peccatores in Evangelio mitti in ignem æternum, qui praparatus sit diabolo & Angelis ejus, & de his dici : Vermis eorum non morietur, & ignis eorum non exstinguetur. Et infra. Si.... longo post circuitu, atque infinitis sæculis omnium rerum restitutio fiet, & una dignitas militantium ; qua distantia erit inter Virginem & prostibulum... finge quodlibet, annos & tempora duplica, & insuatas ætates congere cruciatibus : si finis omnium similis est, præteritum omne pro nibilo est, quia non quarimus, quid aliquando fuerimus, sed quid semper futuri simus.

Inst. 1mo. S. Hieronymus locò citatò 194 videtur textus Scripturæ, quibus peccatores dicuntur æternò supplicio pleæendi, restringere ad solos impios, hoc nomine intelligendo eos tantum, qui nunquam crediderunt, vel à fide de-fecerunt.

Resp. Solùm vult, loca à Pelagio allegata, aut perperam citari ad probandum ignem æternum, aut generaliter intelligenda non esse de omnibus peccatoribus, seu de cuiusvis peccati reis.

Inst. 2do. S. Hieronymus ibid. ait : 195 *Aliud est gloriam perdere resurgendi, aliud perire perpetuò.*

Resp. Ibi per gloriam resurgendi intelligit specialem ac eximiam gloriam, quacum resurgent homines eximia sanctitate præditi ; & sensus est : aliud est perdere eximiam gloriam viris eximie sanctis destinam, quam re vera perdunt homines multorum venialium rei, & aliud perire in perpetuum. Nam ibi per peccatores non intelligit graves peccatores quos potius significat nomine impiorum & adversariorum Dei, sicut per justos intelligit viros eximia sanctitate ornatos. Hoc patet ex toto loco Objectionis, ubi

ubi ait: *Scriptum est, multa flagella peccatoris; & non interitus sempiternus, & per omnia flagella & cruciatus emendatur Israel. Quem enim diligit Dominus, corripit; flagellat autem omnem filium, quem recipit. Aliud est cadere magistri & parentis affectu, aliud contra adversarios crudeli animo deservire. Quam ob causam in primo Psalmo canitur: quoniam non resurgent impii in iudicio; jam in perditionem sunt præjudicati; neque peccatores in concilio Justorum: aliud enim est gloriam perdere resurgendi, aliud perire perpetuo. Ubi per peccatores, quos dicit non resurgere in concilio Justorum, id est, cum gloria eximia Sanctorum propria, non intelligit gravium peccatorum reos, quos potius intelligit nomine impiorum & adversariorum Dei, atque jam in perditionem præjudicatos esse; sed homines multorum venialium reos, quos dicit non resurgere cum eadem gloria, quacum resurgunt homines eximie sancti, quos nomine justorum intelligit; atque de hujusmodi peccatoribus multorum venialium reos intelligit hæc verba: *Quem enim diligit Dominus corripit. Flagellat autem omnia filium, quem recipit. Aliud est cadere, &c.* Igitur nomine peccatoris & iniqui non intelligebat S. Hieronymus, sicut nos intelligimus, eum, qui mortalis peccati reus est; sed potius intelligebat eum omnem, qui aliquis peccati reus, & propterea aliqua Dei indignatione ac poena dignus erat. Unde peccatores in duas classes dividebat; in poena constituere eos, qui gravium peccatorum rei essent, quales sunt inheles omnes; in secundam vero eos, qui venialiter tantum peccarent, & sic solis poenis temporalibus digni erant, quales sunt multi & soli fideles.*

196 Inl. 3tio. S. Hieronymus locò objectò dicit, *Christianos, si in peccato præventi fuerint, salvandos esse post paucos.*

Resp. Loquitur de solis Christianis, qui cum solis peccatis venialibus moriuntur. Nam Christianos, de quibus loquitur, distinguit à prævaricatoribus, id est, gravium peccatorum reis, quos asserit perire perpetuo. Pelagium autem reprehendit, quòd Fideles cum Infidelibus confunderet; quia non omnes Fideles in peccato mortali moriuntur, sicut omnes Infideles: nam multi ex Fidelibus cum solis culpis venialibus decedunt, ideoque non multandi supplicii æternis, sicut Infideles omnes.

Porro illud, quod suprà ex Enchiridio S. Augustini retulimus, ubi ait: Quosdam esse Catholicos qui velint eos, qui cum peccatis mortalibus ex hac vita decesserint, æternis suppliciis non puniri, non pertinet ad S. Hieronymum, sed ad eos, de quibus ipse S. Hieronymus loquitur in Commentario ad ultimum Itææ versiculum, cum ait: *Qui volunt supplicia aliquando finire, & licet post multa tempora tamen terminum habere tormenta, his utuntur testimoniis . . . quæ omnia replicant, asseverare cupientes post cruciatus atque tormenta futura resistere.* Quam sententiam refert non ut suam, sed ut alienam, ut patet ex ipsius verbis. Cum autem hæc subjicit: *Sicut diaboli & omnium negotiorum atque impiorum, qui dixerunt in corde suo, non est Deus, credimus æterna tormenta: sic peccatorum atque impiorum, & tamen Christianorum, quorum opera in igne probanda sunt, moderatam arbitramur & iuxta clementiam sententiam Judicis.* Vel loqui videtur de Christianis, quos supponit poenitentiam ante mortem egisse, ideoque in Purgatorii igne poenas luere: vel solum vult Christianos impios in inferno infra condignum puniendos, quia in fide Christiana usque ad mortem perseverarunt.

Et hæc sunt momenta, quæ ad vindicandum circa hanc de duratione sup-

suppliciorum infernalium quæstionem ab errore S. Hieronymum adducunt Theologi illi; quamquam, ut quod sentimus, candidè fateamur; non omne dubium omnino tollere nobis videantur.

tam exigat: Divina autem attributa minime inter se pugnant. Porro solius iustitiæ Divinæ est pœnas in Deum illatis debitas infligere.

§ III.

Utrum detur peccatum ex natura sua veniale.

- 197 Ob. 8vo. S. Augustinus in Enchiridio cap. 110. docet fidelium preces, Missas, elemosynas & alia pietatis opera prodesse damnatis. Ergo.

Resp. neg. ant. Imò expressè dicit eas nulla esse adjumenta reprobtorum. Cum autem addit per eas tolerabiliorem fieri damnationem, loquitur non absolute, sed ex hypothesi, quòd iis prosint. Itaque ibi docet sacrificia & pietatis opera non posse reprobos à pœnis omnino liberare: quòd si tamen iis prosint, non prodesse nisi ut levamenti aliquid iis afferant. Nam ibi sic ait: *Cum ergo sacrificia sive altaris, sive quarumcumque elemosynarum pro baptizatis defunctis omnibus offeruntur, pro valde bonis gratiarum actiones sunt, pro non valde malis propitiationes sunt; pro valde malis etiam si nulli sunt adjumenta mortuorum, qualescumque vivorum consolationes sunt. Quibus autem prosunt, aut ad hoc prosunt, ut sit plena remissio, aut certe tolerabilior fiat ipsa damnatio.*

- 198 Ob. 9no. Ecclesia sic orat in Missa pro defunctis: *Libera Domine animas omnium fidelium defunctorum de panis inferni, & de profundo lacu; libera eas de ore leonis, ne absorbeat eas tartarus.* Ergo.

Resp. His verbis Ecclesia solum intendit petere à Deo, ut animæ Fidelium in gratia defunctorum à pœnis Purgatorii liberentur. Et verò Ecclesia in Officio Defunctorum dicit: *In inferno nulla est redemptio.*

- 199 Ob. 1mo. Pœna æterna repugnat in finitæ Dei bonitati & clementiæ. Ergo.

Resp. neg. ant. Nam divina iustitia pœnam æternam ut mortali peccato debita, P. Cartier Theol. Tom. III.

Circa peccatum veniale varii fuerunt errores hæreticorum. Jovinianus docuit omnia peccata esse paria, & supplicio æternò digna. Ita testatur S. Hieronymus, lib. 2. contra Jovinianum. Pelagius, prout §. precedenti ex eodem S. Hieronymo vidimus, idem docere visus est, atque proinde quolibet peccato gratiaria sanctificantem amitti asseruit: undè contendeat hominem in hac vita absque omni peccato esse posse, & re ipsa esse quemlibet justum, quamdiu justus est. Joannes Wicleffus docebat omnia peccata esse mortalia, si per mortale intelligatur illud, quod mortem æternam inducere potest; si verò per mortale intelligatur id, quod re ipsa mortem inducit, omnia reprobtorum peccata esse mortalia, electorum verò venialia. Lutherus docuit omnia peccata ex natura sua mortalia esse, venialia verò esse sola Dei misericordia, ea credentibus non imputantis, imputantis verò non credentibus ad damnationem æternam: putavit enim homines sola fide justificari posse. Lutherus consensit Calvinus, cum hoc tamen discrimine, quòd voluerit nulla peccata imputari electis, reprobis verò imputari omnia; in quo Wicleffus assensus est.

Inter Catholicos Doctores Joannes Gerson celebris ille Academicæ Parisiensis Cancellarius sæculo decimò quintò contra communem Theologorum sententiam lib. de vita spiritali, lect. 1. cum Wicleffo docuit peccata venialia ex natura

tura sua mereri damnationem æternam, adeoque esse mortalia, tribuendumque misericordie Dei, quod non ita severe puniantur.

Michael Bajus Lovaniensis Theologus sæculi 16to plures edidit propositiones, inter quas hæc fuit vigesima cum cæteris damnata à Pio V. Gregorio XIII. & Urbano VIII. *Nullum est peccatum naturæ suæ veniale, sed omne peccatum meretur poenam æternam.*

- 201 Porro per peccatum veniale, prout jam in præmio hujus Tractatus annotavimus, intelligimus illud, propter quod Deus homini indignatur leviter tantum, & quod solummodo inducit reatum poenæ temporalis in hac, vel altera vita exolvendæ. Atque ideo *Veniale* dicitur, quia non dissolvit amicitiam hominis cum Deo, nec affert mortem animæ; non enim est impossibile cum charitate, sed solum fervorem ejus minuit; neque excludit à cœlesti beatitudine, sed solum retardat illius ascensionem, Sis modò

CONCLUSIO.

- 202 De fide est dari peccata, quæ ex natura sua sunt venialia.

Prob. 1mo. ex S. Scriptura. Quæ variis in locis docet, dari peccata, quæ cum iustitia consistere possunt, ita ut idem homo & iustus sit, & peccator, vitæ æternæ dignus, & quibusdam poenis obnoxius; quæque ideo venialia nuncupantur. Nam Eccles. 7. v. 21. *Non est homo iustus in terra, qui faciat bonum, & non peccet.* Prov. 24. v. 16. *Septies in die cadet iustus.* 1. Joan. 1. v. 8. *Si dixerimus, quoniam peccatum non habemus, ipsi nos seducimus, & veritas in nobis non est.* Jacob. 3. v. 2. *Si quis superædificat super fundamentum hoc, aurum, argentum, lapides pretiosos, ligna,*

senum, stipulam... detrimentum patietur: ipse autem salvus erit. Matth. 5. *Qui irascitur fratri suo,* inquit Christus, *reus erit iudicio; qui dixerit fratri suo, Raca, reus erit concilio; qui dixerit, fatue, reus erit gehennæ ignis.* Quibus verbis tres iracundiæ gradus recenset. Primus ita levis est, ut in nullam vocem erumpat. Secundus paulò quidem gravior est, at non erumpit in apertum convitium. Tertius gravissimus est, & parit manifestum convitium. Atqui ex his tribus iracundiæ gradibus tertium tantum manifestè significat mereri poenam æternam, ac proinde tantum esse mortale peccatum. Ergo manifestè significat duos priores iracundiæ gradus esse peccata per se venialia. Ergo dantur peccata ex natura sua & per se venialia. Iterum Luc. 6. *Quid vides,* inquit, *festucam in oculo fratris tui, trabem autem, quæ in oculo tuo est, non consideras?* Ubi peccatum mortale comparans cum trabe, quæ non solum oculum destruit, sed etiam totum corpus opprimit; veniale verò cum festuca, quæ oculum non destruit, sed leviter tantum lædit, nec corpus opprimit, sed leviter portatur; clarè ostendit, se loqui de discrimine, quod inter mortale peccatum & veniale ex natura rei intercedit, & quidem cum proportionem aliquam tantum, quantum est ex natura rei inter trabem & festucam. Item Jacobi Epist. Can. cap. 1. sic dicitur: *Unusquisque tentatur à concupiscentia sua abstractus & illeceus. Concupiscentia verò, cum conceperit, parit peccatum. Peccatum verò, cum consummatum fuerit, generat mortem.* Ubi Apostolus tres concupiscentiæ motus distinguit; unum scilicet planè involuntarium, quo quis absque ullo suo consensu ad peccandum provocatur: *Unusquisque tentatur à concupiscentia sua abstractus & illeceus.* Et hunc motum non esse peccatum ait Apostolus, sed causam peccati, quod pos-
sca

Acta, accedente consensu, sequitur. Secundum voluntarium, sed imperfecte tantum: *Concupiscentia* verò, cum concuperit, parit peccatum. Hunc autem motum vult Apostolus esse peccatum, sed veniale tantum; cum illum vocet peccatum, & distinguat à peccato consummato, quod mortem generat. Tertium denique perfecte voluntarium, quod proinde generat mortem, sicque mortale peccatum est: *Peccatum verò, cum consummatum fuerit, generat mortem.* Quod autem Apostolus per peccatum consummatum intelligat motum concupiscentiæ perfecte voluntarium, dubium esse non potest: non enim dici potest per peccatum consummatum intelligere peccatum opere perpetratum: alioqui desideria graviter illicita, nisi opere completerentur, non essent peccata mortem generantia, quantumvis perfecte voluntaria essent; quod est falsum, & ab ipsomet Christo damnatum Matth. cap. 5. ubi ait: *Qui viderit mulierem ad concupiscendum eam, jam mœchatus est eam in corde suo.* Idem Apostolus cap. 3. ait: *In multis offendimus omnes.* Ergo concludendum, esse & dari peccata, quæ per se non privant gratia sanctificante, nec proinde sunt æternis suppliciis digna. Ergo dantur peccata per se venialia.

203 Prob. 2do. Auctoritate summorum Pontificum Pii V. Gregorii XIII. & Urbani VIII. qui, ut jam supra adnotavimus, hanc ætatem. Baji propositionem damnant: *Nullum est peccatum ex natura sua veniale, sed omne peccatum meretur penam æternam.*

204 Prob. 3tio. Ex Patribus. Pro omnibus sit S. Augustinus, lib. de nat. & grat. c. 38. ubi, *Quia sapè, inquit, in levissimis & aliquando incautis obrepit peccatum, & iusti succurrunt, & si peccato non fuerint.* Hic admittit peccata le-

vissima, quæ iustis imputantur, ac proinde quæ non sunt venialia eò quod non imputentur; prout ineptè contendit Lutherus. Et Enchirid. c. 71. *De quotidianis, inquit, brevibus, levibusque peccatis, sine quibus hac vita non ducitur, quotidiana fidelium oratio satisfacit.* Eorum enim est dicere, *Pater noster, qui es in Cælis, qui jam Patri tali regenerati sunt ex aqua & Spiritu sancto. Delet omnino hac oratio minima & quotidiana peccata.* Et in Psal. 5. *Duo sunt omnino genera mendaciorum, in quibus non magna culpa est; cum aut jocamur, aut, ut prosumus, mentimur.* Item lib. 19. de Civit. c. 27. ait, *Fastos facili peccare, si non facili operatione, certè libili locutione, aut volatili cogitatione.* Sunt igitur in ipsis iustis peccata ex se levia, quæ Dei amicitiam non dirimunt, & quæ regni æterni iacturam, aut exhereditationem non inferunt.

Prob. 4to. Ratione. Nam lumine naturalis fati patet, aliqua peccata esse ex natura sua gravem Dei offensam, ut odium Dei, homicidium; & aliqua per se duntaxat esse levem Dei offensam, ut verbum otiosum. Enimverò quis Sapiens dicat, verbum otiosum, vel mendacium merè officiosum ex natura sua mereri dissolutionem amicitie divinæ, & penam æternam? Certè levis offensam non potest per se ullius personæ sapientis amicitiam dissolvere, multò minus Dei infinitæ sapientis & boni.

Solvuntur Objectiones.

Ob. 1mo. Scriptura Sacra docet omnia indiscriminatim peccata esse ex natura sua mortalia, atque quibuslibet tribuit inimicitiam Dei, maledictionem, mortem, &c. ut 1mo. Deut. 27. *Maledictus, qui non permanet in sermonibus legis hujus, cujus tamen sermones seu*

Ggggg 2 pra-

præcepta non omnia erant gravia. 2do. Ezechielis 18. *Anima, quæ peccaverit, ipsa morietur.* Sive dein leviter, sive graviter peccaverit, nam hic nullum discrimen ponitur. 3tio. Matth. 5. *Qui solverit unum de mandatis istis minimis, inquit Christus, minimus vocabitur in regno cælorum*, id est, nullus, prout interpretatur S. Thomas. Ergo omnia peccata sunt mortalia. 4to. Joan. 13. ita S. Petro comminatur Christus: *Si non laveris te, non habebis partem mecum*, id est, æternum à meo consortio excluderis, seu æternum damnaberis: nec tamen, nisi leviter peccasse S. Petrum palam fit ex his subsequenter Christi verbis, v. 10. *Qui lotus est, non indiget, nisi ut pedes lavet.* Ergo quodlibet peccatum, licet videatur levissimum, mortale tamen dicendum est. 5to. Rom. 6. *Stipendia peccati mors*; hic iterum nullum peccatum excipitur. Ergo, &c. 6to. Jacobic. 2. *Quicumque ait Apostolus, totam legem servaverit, offendit autem in uno, factus est omnium reus.* Ergo, &c.

Resp. neg. ant. Ad textus Resp. & quidem ad 1um. Per sermones Legis intelliguntur præcepta in illo capite tradita, quæ ex genere suo gravia sunt: ac proinde eorum violatio ex genere suo est peccatum mortale: nam ibi vetantur idololatria, homicidium, adulterium, & alia similia peccata, quæ ex se sunt gravia, utpote contra Religionem, charitatem & iustitiam.

Ad 2um. Hic loquitur Propheta de peccatis idololatriæ, homicidii, &c. quæ absolute & ex natura sua sunt gravia.

Ad 3tum. Eo loci Christus non dicit simpliciter, *Qui solverit*, sed addit, *Et docuerit sic homines*: grave autem peccatum est verbum Dei adulterare, & corrumpere etiam in minimis. Neque etiam hic loquitur de minimis ex sua natura peccatis, sed comparatè ad gra-

viora Dialogi præcepta, & ad mentem Scribarum, apud quos grave quidem erat adulterium, amicorum odium: leve verò concupiscentia uxoris alienæ, odium inimicorum, ira interna, &c. quamvis hæc habeant materiam secundum se gravem, atque re vera sint peccata mortalia.

Ad 4tum. Eo nihil aliud significatur, nisi S. Petri obsequium, aliudè ex humili & æquissima demissione profectam, laudabilem non esse, sed venialem culpam. Nostrum enim est simplici animò, quæ divinitus nobis injunguntur, exequi, nec quæ divina sunt nostro sensu metiri. Ideo autem tantam penam S. Petro interminatur est Christus Dominus, quia, nisi morem gessisset, pertinaci obsequentiæ suæ gravissimè peccasset.

Ad 5tum. Apostolus hic non loquitur de quibuslibet peccatis, sed de gravibus, purè adulterio, fornicatione, & aliis ejusmodi, de quibus erubescabant Ethnici recens ad fidem conversi.

Ad 6tum. Apostolus ibi loquitur de peccatis ex natura sua gravibus, qualia sunt homicidium, adulterium, &c. ut patet ex verbis immediatè sequentibus: *Qui enim dixit, Non mactaberis, dixit & Non occides. Quod si non mactaberis, occides autem, factus es transgressor legis.* Nec enim alia ratione solius homicidii reus universæ legis infractor haberi potest, nisi quia homicidiò infringitur Charitas, quæ universam legem complectitur, quemadmodum docet Christus Matth. 22. v. 40.

Ob. 2do. S. Basilii in Regulis bre-207 vioribus docet, nulla peccata existimanda esse minuta, nec differentiam minorum & majorum peccatorum reperiri in Evangelio. Ergo.

Resp. 1mo. Dubium est quibusdam, an opus illud sit S. Basilii. 2do. Auctor, sive

sive sit S. Basilius, sive quisvis alius, vult duntaxat peccatum veniale non esse contemnendum, tanquam aliquid leve; probatque ex Scriptura, quæ indiscriminatim deterret à quolibet peccato tanquam à malo præ cæteris temporalibus fugiendo. In novo quoque testamento sic fides peccatorum levium & venialium stabilitur, ut simul ab iis committendis lectores vehementer deterreantur. De verbo otioso, inquit Christus Matth. 12. *rationem reddent in die judicii. Qui irascitur fratri suo, reus erit judicio.* Matth. 5. *Va vobis qui videtis.* Luc. 6. *Attendite, ne iustitiam vestram faciatis coram hominibus, ut videamini ab eis; alioquin mercedem non habebitis apud Patrem.* Matth. 6. *Habeo adversus te paucam... penitentiam age: si quominus, veniam tibi cito.* Apoc. 2. Hunc scribendi modum de peccatis venialibus sic tenuerunt SS. Patres in Scriptis suis, ut ex iis lectores reddantur timidiore ad ista committenda, quod inprimis observare debent Theologi morales, ubi definiunt peccatum aliquod esse leve & veniale. Enimverò non sine magno animarum periculo hæc legerentur: peccata levia in quolibet numero non excludunt ab amicitia Dei, nec à Regno Cælorum, facilè eorum obtinetur remissio, non necessariò in confessione Sacramentali sunt declaranda, absolūtè non reddunt sacrilegam Sacramentorum perceptionem, aut administrationem, charitatem non extinguunt, sed fervorem & devotionem duntaxat impediunt: levia autem peccata sunt superbia, ambitio, vanitas, avaricia, voluptas, modò in iis finis ultimus non constituitur. Hæc quidem verissima sunt; sed destruunt potiùs, quàm ædificant, nisi ulteriùs progrediatur libri auctor, sparsimque doceat exemplò SS. Patrum, imò & ipsiusmet Christi Domini, quàm grave sit malum, quàmque timendum, Dum etiam in minutissimis offendere; quàm horrendæ

pœnæ maneat eos, qui ista leviora negligunt, & in quanto periculo versetur eorum salus. Hoc quippè scribendi modò mens lectoris illustratur, & voluntas ad proficiendum accenditur.

Ob. 3tio. S. Augustinus videtur va²⁰⁹riis locis docere homines damnari ob minuta & levia peccata. Ut 1mo. lib. 9. Confess. c. 34. *Va etiam, inquit ibi, laudabili vita dominum, si remotâ misericordiâ di'cutias eam.* 2do. Ep. 29. *Cum Rex justus sederit in throno, quis gloriabitur castum se habere cor? aut quis gloriabitur, mundum se esse à peccato? Quæ igitur spes est, nisi superexaltet misericordia judicium?* 3tio. In Psal. 142. in quo ita Dominum precatur Propheta: *Et non intres in iudicium cum servo tuo; quia non iustificabitur in conspectu tuo omnis vivens; sic loquitur: Migraret absque spe salutis aeternæ adipiscenda, nisi accederet misericordia Dei.* Similia habet lib. 2. de peccat. merit. & remiss. c. 3. ubi *Quis, inquit, cum aliqua spe adipiscenda salutis aeternæ de hac vita migraret, manente illa sententia, quod quicumque totam legem servaverit, offendat autem in uno, factus est omnium reus, nisi post paululum sequeretur.... Superexaltat autem misericordia judicium.* 4to. Tract. 1. in Epist. Joan. *Ista levia, inquit, quæ dicimus, noli contemnere: si contemnis, quando appendis; exprovesce, quando numeras. Levìa multa faciunt unum grande. Multa gutta implent flumen.*

Resp. 1mo. eodem modo, quo priùs ad auctoritatem S. Basili, seu cuiuscumque auctoris illius, qui librum regularum breviorum scripsit; scilicet hæc ita scripsit S. Augustinus, ut à peccatis venialibus lectores suos deterreret &c.

Resp. 2do. Ad singulos textus: & quidem ad 1mum. Ibi loquitur de pœna Purgatorii, quæ acerbissima est; & solùm

vult vix ullum hominem ita sanctum esse, ut pœnam illam sine magna Dei misericordia vitare possit. Quod patet, quia his verbis : *Va etiam laudabili vita*, &c. rationem reddit, cur oraturus sit pro matre sua, quam ibi plurimum laudat. Igitur S. Doctor significare vult solum, homines etiam sanctos non carere peccatis venialibus, ob quæ, nisi ea illis misericorditer condonentur, gravissimas pœnas in Purgatorio persolventi sunt.

Ad 2dum. Eadem est Responsio. Nam ibi loquitur de iudicio cuiusque hominis, & dicit neminem posse gloriari se purum esse ab omni labe & reatu culpæ venialis, & sine magna Dei misericordia nullam esse spem beatitudine statim post mortem fruendi.

Ad 3tium. Sensus utriusque textus est, neminem cum spe beatitudinis assequendæ mori posse, nisi sciret Deum esse maxime misericordem, & ab eo peccatorum veniam speraret, quia ad damnationem æternam sufficit unum grave peccatum, & nemo certò scit se nullum unquam tale admisisse, aut si admisit, illud sibi à Deo condonatum esse.

Ad 4tum. Sensus est, quod multa venialia, si negligantur, nec emendentur, sensim ad mortale admittendum disponant. Unde multa levia non faciunt formaliter, sed tantum dispositivè unum grave peccatum.

209 Ob. 4to. Grave peccatum est non diligere Deum ex toto corde. Atqui omnis peccans, etiam mendaciò officiosò, non diligit Deum ex toto corde : *Quia enim vitiosa cogitatio obrepit in bonis animis*, inquit Calvinus, *si totus Dei amore occupetur*. Ergo nullus leviter peccare potest. Ergo non datur peccatum veniale.

Resp. cum S. Aug. Dist. viij. Grave est peccatù non diligere Deum ex toto corde, præponendo, aut æquando ipsi aliud quidpiam, conc. Non diligere actù continuo & intensissimo, neg. maj. Primus modus diligendi Deum ex toto corde est

proprius iustorum in terris peregrinantium : Secundus Beatorum in Cælo regnantium ; hic excludit omne peccatum etiam veniale ; sed est impossibilis in hoc vitæ statu, & ideo non præcipitur : proponitur tamen tanquam finis & scopus, ad quem peregrinantes tendere debent quotidie proficiendo, & quotidianis defectus minuendo : charitas enim nascitur ut crescat ; crescit, donec perficiatur.

Ob. 5to. Peccatum veniale infinitum 210 Dei maiestatem offendit. Ergo est malitiæ infinitæ, ac proinde æternæ pœnæ dignum.

Resp. Dist. ant. Offendit secundùm quid, & in re levissima, conc. Offendit simpliciter, & in re gravi, neg. ant. Neque enim necesse est quamlibet offensam tantam habere malitiam, quanta est dignitas in persona, quæ læditur, ut videre est in Aulico, qui propter leve aliquod dictum vel factum Regi minus acceptum, non dicitur reus læsæ maiestatis.

Ob. 6to. Non licet ullum peccatum 211 committere propter ullum bonum etiam infinitum : non nisi, quia omne peccatum habet malitiam infinitam, sicut meretur pœnam æternam. Ergo.

Resp. neg. causalem ant. Itaque nullum peccatum vel levissimum unquam licitum esse potest etiam ob bonum infinitum ; quia omne peccatum, ut peccatum, est essentialiter illicitum, ideoque nunquam ob ullum bonum potest esse licitum : nam essentia rerum mutari absolute non possunt.

Ob. 7mo. Peccatum quodlibet est majus malum, quàm sit pœna æterna. Ergo hac puniri potest, & eam meretur.

Resp. neg. conf. Quamvis enim culpa 212 vel levissima sit majus malum, magisque vitandum, quàm qualibet pœna vel gravissima non ideo culpæ levissimæ debetur pœna maxima : sed solum malo culpæ debetur malum pœnæ ei proportionatum, ita ut gravi culpæ gravis pœna, graviori gravior ; è contra minus gravi mi-

minus gravis, levi levis pœna respon-
deat; idque exigunt iustitiæ leges.

- 213 Ob. 8vo. Quamdiu peccatum veniale non est remissum, tamdiu puniri potest. Atqui sine gratia remitti non potest. Ergo quod non semper puniatur, misericordiæ divinæ est tribuendum.

Resp. Dist. maj. Quamdiu peccatum veniale non est remissum, tamdiu puniri potest pœna temporali, conc. Pœnâ æternâ, neg. maj. & conc. min. Dist. conf. Misericordiæ divinæ est tribuendum, quod gratiam iusto concedat ad satisfaciendum pro venialibus, conc. Quod iustum in æternum non puniat, neg. conf. Neque enim Aulico Regi acceptissimo debetur pœna perpetua propter leviores offensam, ex eo, quod veniam sperare non possit, nisi ex indulgentia Principis.

- 214 Ob. 9no. Minima opera bona iusti merentur vitam æternam. Ergo & minima peccata supplicium æternum.

Resp. Dist. ant. Minima opera iusti merentur vitam æternam ex gratuita Dei promissione, & propter motivum & imperium charitatis, ex qua proficiuntur, conc. Per se & ex natura sua, neg. ant. & conf. Deus ultra condignum remunerare potest, utpotè infinitè misericors, punire verò non potest, cum iustitiæ ejus repugnet; proinde levia peccata non merentur per se & ex natura sua pœnam æternam.

- 215 Ob. 1mo. Omne peccatum est contra Legem Dei. Ergo per se est mortale.

Resp. Dist. Ant. Omne peccatū est contra Legem Dei graviter vel leviter aliquid præcipientem vel vetantem, conc. Contra Legem Dei graviter præcipientem, &c. neg. ant. Non omne peccatum est contra Legem Dei graviter præcipientem vel vetantem; sunt enim peccata contra legem aliquam leviter præcipientem aut vetantem, ut leve furtum. Imò non omne peccatum contra legem gra-

viter præcipientem aut vetantem est plenè voluntarium, nec proinde imputabile ad gravem culpam & pœnam.

Ob. 11mo. Peccatum veniale nunquam remittitur in reprobis cum eomorientibus. Ergo æternâ pœnâ puniatur.

Resp. Dist. ant. Peccatum veniale &c. & hoc sit per accidens, conc. Per se, neg. Peccatum veniale per accidens nunquam remittitur in reprobis cum eomorientibus, quia non possunt elicere actum, quo deleatur peccatum veniale: non ideo tamen ob peccatum veniale pœnam æternam subeunt; quia etsi pro eo satisfacere nequeant, tamen satis pati possunt.

§ IV.

De regulis, quibus peccatum veniale potest à mortali discerni.

Ex hæcenus dictis constat non omnia²¹⁷ peccata esse mortalia, sed præter peccatum mortale, dari etiam peccatum veniale, quod à mortali in eo discrepet, 1mo. quod mortale sit amor creaturæ usque ad contemptum Dei; veniale autem sit quidem amor rei creatæ paulò tenacior, quàm par est, non ita tamen, ut destruat cum Deo conjunctio: ut enim alibi diximus, veniali peccatò imminuitur quidem charitas, sed non perimitur. 2do. Quod peccatò mortali reatus æternæ pœnæ contrahatur; ob veniale autem temporalis hic & in purgatorio pœna solummodò irrogetur. 3tio. Quod veniale possit abstergi charitatis internæ officiis, precibus aut desiderijs: hinc Prov. 24. legitur, *Septies cadet iustus, & resurget: impij autem corrumpent in malum.* Verbò, quod mortale finem simpliciter ultimum, hoc est, finem omnibus animæ affectibus prædominantem in creatura constituat; proinde graviter Deum offendant & contemnat saltem virtualiter & interpretativè; Veniale è con-

trā non constituat finem simpliciter ultimum in creatura, sed tantum secundum quid: scilicet quamvis venialiter solum peccans excludat actuale n sui ipsius relationem ad Deum; non tamen excludit habituale: undē licet habeat affectum ad peccatum veniale, non amittit tamen charitatem habitualem, quæ omnibus animæ affectibus prædominetur; proinde levis duntaxat est Dei offensa, quæ nec amittit divinæ privatione, nec æternā poenā sit digna; sed verò peccatum mortale, quod ob gravitatem suam per se mortem animæ inducit, atque poenam æternam meretur.

- 218 Utrum verò hoc vel illud peccatum mortale sit, difficillima videtur hæc indagatio, quod sic expressit S. Augustinus, lib. 21. de Civit. c. 8. *Difficillimum est invenire, periculosissimum definire. Ego certè usque ad hoc tempus, cum inde sitagerem, ad eorum indaginem pervenire non potui; & fortassis propere latent, ne studium proficiendi ad omnia peccata cavenda pigrescat. Nec nisi ex Scripturis repeti posse discrimen illud ait Enchir. c. 78. & 79. Quæ sint levia, inquit, quæ gravia peccata, non humana sed divini sunt pensanda iudicio.*

Istæ porro hujus difficultatis rationes afferri possunt. Nam 1mo. Mens circa mortalia longè magis cœca est, quàm circa alia omnia. 2do. Voluntas per peccatum corrupta inducit intellectum ad judicandum prout est affecta: undē fit, ut sæpè non ex regula veritatis, sed ex cupiditate rem metiatur. 3tio. Non rarò fit ut peccata, quamvis multum gravia, cum in consuetudinem venerint, aut levia, aut nulla esse credantur: *Utsque adeò, inquit S. Augustinus, Enchirid. c. 8. ut non solum tunc occultanda, verum etiam prædicanda, aut diffamanda videantur.*

- 219 Nihilominus ad dignoscendum quinam actus sint peccata mortalia;

qui ver venialia tantum, hæc quatuor regulæ statui solent: 1ma. Discrimen peccati venialis à mortali non ex humana ratione per peccatum corrupta, sed, prout tradit S. Augustinus suprà laudatus, ex Scriptura & Traditione, quantum fieri potest, peti debet. 2da. Quæ in Scripturis dicuntur excludere à regno Cœlorum, aut quæ morte æterna castigantur, sunt semper peccata mortalia. 3tia. Quæ iustis legibus civilibus, aut Canoniciis gravi poenā multiantur, non sunt venialia. 4ta. Ea, quibus grave damnum, aut operanti, aut alteri tertio ex se inferunt, non sunt delicta, seu peccata venialia; sed sunt crimina, hoc est, peccata mortalia.

§. V.

Utrum peccatum mortale nunquam possit fieri veniale, & vicissim.

Ex alibi dictis peccatum, sive mortale sive veniale, duobus modis considerari potest, scilicet vel in se, vel per accidens; hoc est, vel independenter à quibusdam circumstantiis extrinsecis, seu secundum suam naturam; vel dependenter à quibusdam exterioribus circumstantiis, quæ se teneant aut ex parte levitatis materiæ, aut ex parte peccantis.

Certum est, peccatum mortale ex se nunquam fieri posse veniale, nec vicissim. Nam quod ex se est mortale, naturā differt ab eo, quod ex se est tantum veniale: porro natura rei alicujus in naturam alterius mutari non potest; consequenter quod ex se & ex natura sua est peccatum mortale fieri non potest veniale.

Nec obstat, quod S. Augustinus, Ep. 108. dicat: *Tinenda sunt parva peccata, quæ humana fragilitati, quamvis*

vis parva, tamen crebra, subrepunt. Quia collecta si contra nos fuerint, ita nos gravabunt & opprimunt, sicut unum aliquod grave peccatum.

Nam, ut §. præced. in Resp. ult. ad Ob. 3. ex S. Augustino petitam jam insinuavimus; minimè significare hîc vult S. Doctor, quasi peccata venialia etiam in unum collecta, re ipsa effectivè & formaliter nos gravent & opprimant sicut grave peccatum aliquod, sed quòd disponant ad illud. Certè peccata venialia minuunt charitatis fervorem; ac proinde augent cupiditatem, juxta illud ejusdem S. Augustini, *Decrementum charitatis est incrementum cupiditatis*. Præterea Deo dant locum subtrahendi lumen uberius, & auxilium efficacius, quod ad actuale præceptorum observationem in statu naturæ lapsæ requiritur: unde est illud S. Bernardi: *Argumentum superbia, privatio gratia*. Merito ergo ait hîc S. Augustinus multa peccata venialia simul collecta gravare non secus, ac mortale aliquod peccatum, quævis non tantum inferant animæ damnum, quantum peccatum mortale (x).

221 Nihilominus peccatum mortale potest per accidens fieri veniale; & vicissim veniale potest per accidens fieri mortale. Primum habetur imo. ex eo, quòd peccatum ex genere suo mortale, fieri possit absque plena ad actum ipsum deliberatione, sed tamen ex aliqua levi negligentia: at tunc est tantum veniale, eò quòd non sit perfectè liberum; hujusmodi sunt subiti & indeliberati motus infidelitatis, iræ, impuditiæ, &c. qui ita mentem perturbant, ut volun-

P. Cartier Theol. Tom. III.

tas eos non statim comprimat. 2do. Idem peccatum quod ex suo genere est mortale, nonnunquam in-individuo sumptum versatur circa levem, seu parvi momenti materiam: sed in eo casu fit in individuo veniale, ut patet in furto unius pomi, aut in detractiōe, quæ ex se non potest grave damnum inferre proximo. Excipiendi tamen sunt ab ea regula actus, in quibus reperitur integra in divinam Majestatem irreverentia: ii enim non sunt peccata venialia ex levitate materiæ, si ex plena deliberatione fiant, ut videre est in perjurio assertorio respectu rei levis; & in Simonia, per quam res aliqua spiritalis, licet parvi videatur esse momenti, venditur.

Quod autem vicissim veniale possit fieri mortale declaratur enumeratione casuum, in quibus peccatum, quod ex se est tantum veniale, potest per accidens fieri mortale.

1mo. Id contingit ratione conscientie erroneæ, qua scilicet quis exercet actum, quem judicat, licet falsò, esse peccatum mortale. Hac de re videnda sunt ea, quæ in Tract. de Act. hum. d. i. servimus, ubi de conscientia erronea egimus.

2do. Id quoque contingit ratione gravis scandali, & id videre est in illis, qui, ut ait Apostolus 1. Cor. 10. idolyta coram infirmis edebant. Censetur autem dati scandali reus non tantum is, qui expressè intendit alios ad peccatum impellere, sed is etiam, qui potest abstinere ab actu, quem prævidet aut prævidere potest esse futurum alteri homini scandalo, nec ad id agendum

H h h h

te-

(x) Respondent aliqui, S. Augustinum dicere, quòd peccata venialia, si collecta contra nos fuerint, nos gravent & opprimant, non quòd peccata venialis naturæ mutentur, sed quòd effectû immodico rei creatæ cum Deo conjunctio tandem everatur; ergo nos gravant & opprimunt scilicet propter negligentiam & contemptum.

tenetur aut ratione officii, aut alicujus alterius necessitatis.

3tio. Id contingit ratione contemptus in Legislatorem, cujus lex infringitur, non quidem interpretati tantum; is enim reperitur in quolibet peccato: sed formalis, ut cum quis infringit legem, ut legislatorum injuriā afficiat.

4to. Id quoque contingit ratione finis ultimi: cum scilicet operans in actu suo, ex se alioquin veniali, finem simpliciter ultimum constituit; seu cum ita in ipsum affectus est, ut paratus sit Deum potius deferere, quam ab eo actu temperare: sic fuit affectus Esau, cum Jacob fratri suo primogenita vendidit: *Esau*, inquit Augustinus Ep. 86. *non esca, sed usque ad contemptum sacramenti, quod in primatu suo habebat, concupiscit esca damnavit.*

5to. Id etiam contingit ratione ordinationis ad finem moraliter malum: hujusmodi verò foret verbum jocofum, quod aliquis proferret, ut mulierem aliquam ad adulterium provocaret.

6to. Id denique contingit aliquando ratione proximi periculi peccati mortalis; cum scilicet quis tali proximo peccati mortalis periculo per peccatum, quod ex se est veniale tantum, se se exponit: qui enim amat periculum, peribit in illo; & qui vult causam, vult efficaciter effectum, quem praevidet aut praevidere potuit ac debuit ex ea causa securum.

CAPUT III.

De peccatis ignorantiae, infirmitatis, & malitiae, &c. &c.

223 IN prooemio hujusce Tractatus nostri ulterius peccatum actuale subdividimus in Carnale, & Spirituale. In pec-

catum Cordis, Oris, & Operis. In peccatum contra Deum, & contra proximum. Sed cum de his peccatorum generibus, utpote, quae ad specialiora peccatorum genera seu species reducuntur, prout patet tum ex eorum definitionibus, tum ex aliis magis particularibus peccatorum speciebus ibidem allatis & recensitis; hinc non est, quod de iisdem hic quidquam ultra memoremus, prolixius ea parte 3tia. expensuri. Solum igitur in hac secunda Tractatus nostri parte nobis adhuc expendenda sunt peccata ignorantiae, infirmitatis, & malitiae &c. &c. In has namque velut generales species peccatum in sepe dicto prooemio nostro etiamnum divisimus. Quatuor igitur §§. praesens Caput absolvemus; in quorum imo. de peccatis ignorantiae; in 2do. de peccatis infirmitatis; in 3tio. de peccatis malitiae; & in 4to. denique de peccatis merè internis agemus.

§. I.

De peccatis ignorantiae.

Ex Tractatu de Actibus humanis cap. 1. 224
§. 2. Ignorantia stricte sumpta, prout ibidem loquebamur, generali divisione dispescitur in *invincibilem*, & *vincibilem*; priorem vocavimus *inculpabilem*; alteram possumus vocare *culpabilem*; estque ea, quae, ut ibidem diximus, sufficienti adhibitā diligentia depelli potest; cum contra invincibilis, seu inculpabilis ea sit, quae, sufficienti etiam adhibitā diligentia nequaquam depelli aut vinci potest (y). Cum igitur hic nobis sermo est de peccato ignorantiae, illud duntaxat intelligimus, quod, ut jam in prooemio nostro adnotavimus, ab ignorantia vincibili & culpabili tanquam à causa per accidens procedit. Sit

CON-

(y) Reliquae Ignorantiae species ibid. enumeratae sunt; ubi vid.

CONCLUSIO

225 Fide Catholica certum est dari quædam ignorantie peccata.

Prob. 1mo. ex Scriptura, qua docemur 1mo. injuncta fuisse Judæis sacrificia pro obtinenda indulgentia eorum, quæ malè fiebant ex ignorantia, & quæ proinde erant peccata. *Anima, quæ peccaverit per ignorantiam*, inquit sacer textus Levit. 5. offeret arietem immaculatum de gregibus Sacerdoti juxta mensuram, astimationemque peccati: qui orabit pro eo, quod nesciens fecerit, & dimittetur ei, quia per errorem deliquit in Dominum. Et Num. 15. Quod si anima una nesciens peccaverit, offeret capram anniculam pro peccato suo, & deprecabitur pro ea Sacerdos, quod inscia peccaverit coram Domino. Docemur 2do. Sanctos tum in Veteri tum in Novo Testamento pro suis ex ignorantia delictis veniam à Deo poposcisse: *Delicta juventutis mea & ignorantias meas ne memineras*, inquit David Psal. 24. Et Apostolus 1. ad Tim. 1. *Blasphemus fui*, inquit, & persecutor, & contumeliosus. Sed misericordiam Dei consecutus sum, quia ignorans feci in incredulitate. Docemur 3tio. Judæos, qui Christum cruci affixerunt per ignorantiam deliquisse: Scio, ait Petrus ad illos Act. 3. v. 17. quia per ignorantiam fecistis. Ergo aperte constat ex Scripturis dari ignorantie peccata.

226 Prob. 2do. ex Traditione 1mo. Synodus Palestina Diopoli habita, & cui unanimis accessit omnium orbis Ecclesiarum consensus, hanc Pelagii propositionem damnavit: *Ignorantia & oblitio non subjacent peccato, quoniam non secundum voluntatem eveniunt, sed secundum necessitatem*. 2do. S. Augustinus in suis adversus Pelagianos operibus non semel docet, ad fidem catholicam pertinere articulum, quo docetur dari quæ-

dam ignorantie peccata. *An nullum est ignorantia malum*, inquit lib. 1. de peccatis, & remiss. c. 36. *Et idè nec purgandum? Et quid agit illa vox, Delicta juventutis mea & ignorantia mea ne memineras? Et si enim damnabiliora peccata sunt, quæ ab scientibus committuntur; tamen si ignorantia peccata nulla essent, hoc non legeremus, quod commemoravi: Delicta juventutis mea, &c.* Et lib. 6. contra Julian. c. 16. *Nunquid caret (homo baptizatus) ignorantia malò, per quod à nescientibus innumerabilia perpetrantur mala?* Et Epist. 154. *Si quis bonum putaverit esse, quod malum est, & fecerit hoc putando, utique peccat, & ea sunt omnia peccata ignorantia, quando quisque bene fieri putat, quod malè sit.* Hæc aded clara sunt, ut nulla expositione egcant. 3tio. S. Hieronymus, referens, lib. 1. contra Pelagianos eorum querelam adversus Catholicos sub persona Critobuli: *Rogo, inquit, quæ ista justitia, ut in peccato teneam erroris, cujus reatum non habet conscientia? Nescio me peccasse, & ejus rei, quam nescio, poenas luo! Et quid plus faciam, si spontè peccavero.* Hanc autem Pelagianorum querelam refellit hoc locù S. Hieronymus, varios Scripturæ textus allegando; atque inter alia, *In Proverbiis, inquit, legitur: Est via, qua videtur recta apud homines, & novissima ejus veniunt in profundum inferni.* Ecce & hic ignorantia manifestè condemnatur, cum aliud putat homo, & sub specie veritatis ad inferna delibitur. 4to. S. Bernardus Epist. 77. ad Hugonem à S. Victore, in qua cum, qui negare audeat, dari posse peccata ignorantie, impugnat his verbis: *Si peccatum ignorantia nullum est, non ergo peccavit Saulus, quod persecutus est Ecclesiam Dei, quoniam quidem ignorans hæc fecit, manens in incredulitate.... Non ergo debuit dicere: Misericordiam consecutus sum, sed mercedem recepi, quippe quem ignorantia*

Hhhhh 2

à pec-

à peccato reddebat immunem, insuper & annulationem remunerabilem iudicabat. Si, inquam, ignorantia nunquam peccatur; quid ergo causamur adversus occisores Apostolorum, quandoquidem non solum malum esse nescierunt interficere illos, sed insuper quoque id faciendo arbitrati sunt obsequium se præstare Deo. . . . Nunquid non ex his satis apparet, in quantis jaceat ignorantia tenebris, qui ignorat peccari posse interdum per ignorantiam (2)?

- 227 Prob. 3tio. Ratione. Qui ponit deliberatè actum aliquem malum, sed cuius malitiam ignorat, propter negligentiam addiscendi ea, quæ potest, & tenetur scire, à peccato excusari non potest, etiam si actum illum ponat absque omni dubio vel scrupulo de ejus malitia, imò etiam si actum illum ponat cum firma persuasione de ejus bonitate, atque ita ponendo illum, ad ejus malitiam nec advertat, nec advertere possit. Atqui hoc est peccare peccatò ignorantie. Ergo. Minor patet. *Maj. Prob.* Nam si excusari potest à peccato taliter agens, tunc vel quia actus, quem ponit, non est actus humanus: at hoc non: nam, ut supponitur deliberatè agit: omnis autem actio deliberata est actio humana. Vel quia ignorat malitiam actus, quem ponit. Sed nec istud: culpabilis enim ignorantia excusare non potest; alioqui melior esset conditio negligentis addiscere ea, quæ potest & tenetur scire, quam adhibentis debitam ad ea addiscenda diligentiam: quod est absurdum. Vel quia firmam, quamvis falsam, habet persuasionem de bonitate actus, quem ponit. At hoc non: nam hæc persuasio est error culpabilis, quia est effectus culpabilis ignorantie, proindeque ad excusandum valere non potest. Vel denique quia nequidem potest hic & nunc ad-

vertere ad malitiam actus quem ponit. Sed & nec istud: nam hæc impotentia est effectus culpabilis ignorantie. Unde si quis potest à peccato excusari propter hanc impotentiam, excusabitur re ipsa propter culpabilem ignorantiam. Uno verbo, hæc impotentia non est naturalis, sed voluntaria, proindeque justam excusationis causam præbere non potest. Ergo qui deliberate ponit, &c.

Cætera quæ hic de peccatis ignorantie disputari & differri solent facile intelligi possunt ex iis, quæ in Tract. de Actibus humanis cit. c. 1. & c. 4. §. 2. ubi de Conscientia erronea; ubi & præcipua, quæ hic objici possent dissolvuntur. Pauca duntaxat hic subijcimus, quæ fortè alibi non meminimus.

Objicitur igitur 1^{mo}. Omnibus peccatis 228 datur gratia actualis. Ergo omnibus peccantibus cognita est malitia operis, quod ab eis exercetur: scilicet gratia actualis posita est, saltem ex parte, in mentis illustratione, qua bonum aut malum opus detegatur. Ergo nulla dantur ignorantie peccata.

Resp. Neg. conseq. Ratio est, quia gratia actualis & sufficiens, non semper efficit, ut operans sui operis malitiam actu, & de facto advertat; sed aliquando efficit tantum, ut eam advertere potuerit, vel ad orationem confugiendo, qua lumen necessarium impetretur, vel non consentiendo occultæ aut apertæ cupiditati, qua mens hominis per ignorantiam peccantis excoecata est.

Ob. 2^{do}. Nihil est actu volitum, nisi 229 sit actu cognitum. Atqui in peccatis, quæ ignorantie peccata dicuntur, malitia ab operante non est actu cognita. Ergo

(2) Hic SS. Patribus addi possunt SS. Chrysostomus, & Basilii infra adducendi.

Ergo nec actu volita : ac proinde peccatum, quod ignorantiae dicitur, non est peccatum, saltem, ut vocant, formaliter, cum voluntarium sit essentiale peccato, prout rectè docet S. Augustinus, lib. de vera Religione, c. 4. ubi, *Usque adò, inquit, peccatum voluntarium est, ut nullo modo sit peccatum, si non sit voluntarium.*

(a) Resp. neg. maj. Ratio est : quia ut actus sit peccatum etiam formaliter, satis est, ut illius malitia, saltem remotè, cognosci potuerit ac debuerit. Unde malitia, licet actu cognita non sit, est tamen, saltem indirectè, voluntaria ; quatenus nimirum operans vult actum, cum quo malitiam esse conjunctam scire potuit ac debuit : hoc autem ipsum est, quòd S. Augustinus, lib. . . Retract. c. 15. vocat voluntarium voluntate facti, non autem voluntate peccati : *Ita, inquit, nec tale peccatum sine voluntate esse potuit, sed voluntate facti, non autem voluntate peccati.* Undè meritò à Sede Apostolica per Alexandrum VII. an. 1658 hæc propositio : *Sine libertatis usu peccatum non est ; nec liberè vitatur peccatum, nisi ab eo, qui movit peccatum, quod menti proponitur.* Si enim peccans nosse debeat se peccare, ad quid clamat David Psal. 18. v. 23. *Delicta quis intelligit ? ab occultis meis munda me, & ab alienis parce servo tuo.* Ad quid clamat Apostolus 1. Cor. 4. *Nihil mihi conscius sum ; sed non in hoc iustificatus sum.* Nullius peccati sibi conscius erat Apostolus, quia nihil agebat, nisi ex firma persuasione, quòd licitè aut rectè ageret, attamen non idcirco putabat se immunem esse ab omni culpa : quia licet certus esset se non habere peccata malitiæ, ac certus non erat se non ha-

bere peccata ignorantiae. Sic Apostolum interpretatur S. Chrysostomus, Hom. 1. in 1. ad Cor. c. 4. *Quamnam, inquit, ob causam, si sibi nihil fuit conscius, non fuit iustificatus ? Quoniam contingebat, ut ab ipso quadam peccata essent admissa, neque tamen sciret esse peccata.* Et S. Basiliius in Const. Monast. c. 2. *Cum in multis rebus offendamus omnes, maiorem tamen offensarum partem ne intelligimus quidem. Idcirco Apostolus dicebat : Nihil mihi conscius sum, sed in hoc iustificatus non sum. Quod idem est, ac si diceret : Multa delicta committo, quæ committere me non intelligo.*

Certè jam à Sæculo quinto universali, quod vidimus, consensione reprobata fuit hæc inaudita ad illa tempora propositio : hoc enim erat subtiliter à Pelagianis excogitatum adversus originis maculam principium ; ita ut cum illis sentiret nunc, qui ab illius propositionis doctrina stare vellet.

§. II.

De peccatis infirmitatis.

Suprà in proœmio hujus Tractatus²³⁰ diximus peccatum infirmitatis esse illud, quod procedit ex motione appetitus materialis seu sensitivi trahentis voluntatem ad consensum, non tamen libertatem tolerantis. Hæc autem motio nihil aliud esse videtur, quàm *Concupiscentia*, quæ etiam *Passio* nuncupatur : enimverò in Tract. de A&L. hum. c. 1. §. 2. *Passionem seu Concupiscentiam* definivimus, quòd sit *anima sensitiva, seu appetitus sensitivi* (id est voluntatis prout versatur circa sensibilia) *prosequens bonum sensibile*

H h h h h 3

(a) Vide etiam ea, quæ hac de re diximus sup. in Tract. de A&L. hum. c. 3. §. unicum n. 142. & seq.

Vile seu sensibus externis perceptibile. Unde hic Passio, Concupiscentia, & Infirmitas idem significare videntur.

Nemini dubium est, quin dentur infirmitatis peccata; nimirum certum est, hominem plerumque peccare ex motu passionis seu concupiscentiæ, quam ipse ex malitia non excitaverit, sed quæ prævenit usum rationis, & cui postea ipse consenserit. Quæri tamen potest imo. Utrum passio seu infirmitas vel concupiscentia excuset à peccato: 2do. An saltem minuat illius malitiam.

- 231 Citatò c. 1. §. 2. Tract. de Ad. hum. divisimus concupiscentiam in antecedentem, consequentem, & concomitantem. Nec non statuimus concupiscentiā quamcumque augere voluntariū (b), tamen minuire libertatem; quæ hic supposita volumus.

Certum est imo. Inordinatos Concupiscentiæ motus, si libera voluntate exeantur, esse peccata mortalia in materia gravi, & venialia in levi: quia sunt inordinati & plenè voluntarii & liberi. Ergo nihil illis deest ad culpam materiæ commensuratum.

2do. Inordinati Concupiscentiæ motus, quamvis à Dæmone excitati, vel sua sponte necessariò exurgentes, accedente aliqua advertentia imperfecta, & imperfecto voluntatis consensu, sunt peccata venialia: quia homo non potest absque culpa ullatenus, etiam imperfectè admittere, vel approbare quod ex se malum ac inordinatum est, & disconvenit naturæ rationali. Non sunt tamen mortalia, etiamsi sint dere graviter illicita, propter imperfectionem actûs. Accedente verò perfectæ advertentia, si voluntas eos velit vel approbet, sunt peccata mortalia: quia peccatum mortale

est velle perfectè & approbare quod graviter ex Objecto est inordinatum, & dedecet naturam rationalem.

3tio. Certum est; Motus indeliberatos Concupiscentiæ, rationem ac voluntatem prævenientes, licet graviter inordinati sint, non esse peccata imputabilia, nullo accedente voluntatis consensu, etiam interpretativo. Constat imo. ex Trident. Sess. 5. c. 5. docente Concupiscentiam non posse nocere non consentientibus; quin imò coronatum iri, qui legitime certaverit. 2do. Ex his Baji propositionibus damnatis à Pio V. & Gregorio XIII. 50ma. *Prava desideria, quibus ratio non consentit, & quæ homo invitus patitur, sunt prohibita præcepto, Non concupisces. 51ma. Concupiscentia sive lex membrorum, & prava ejus desideria, quæ inviti sentiunt homines, sunt vera legis inobedientia.* 3tio. Quia tales motus nullo modo sunt voluntarii ac liberi voluntate ac libertate ad demeritum personale requisita: non enim possumus illos non habere pro arbitrio voluntatis. Vide dicta suprâ part. 1. de peccato originali, c. 4.

Quod de indeliberatis Concupiscentiæ motibus diximus, etiam dicendum venit de omnibus pravis cogitationibus, & aliis motibus internis graviter ex Objecto malis. Nam si actus illi sint penitus indeliberati ac involuntarii etiam in causa, & à voluntate improbeantur, nullatenus sunt peccata, quia nullatenus sunt voluntarii. Quod si sint imperfectè deliberati ac voluntarii, sunt peccata venialia ob imperfectionem actûs: si verò plenè deliberati sint, & approbentur à voluntate, sunt peccata mortalia in materia gravi, quia sunt plenè

(b) Concupiscentia augeat voluntarium ordinariè loquendo. Nam si consideretur ex parte intellectûs quem excorcat, dici potest minuire voluntarium. Vid. dicta ibid.

nè voluntarii, & graviter mali. His ita præmissis, ponitur

CONCLUSIO.

- 233 Obsequi passioni etiam antecedenti, hoc est, quam voluntas non excitat seu imperat, quando non tollit usum rationis, nec omnem deliberationem est peccatum. Illa tamen passio antecedens, minuit peccati malitiam. Ita docet S. Thomas. (c)

Prob. 1ma. pars 1mo. ex Scriptura. Daniel. 13. *Concupiscentia subvertit cor.* Et Rom. 7. *Passiones peccatorum operabantur in membris nostris, ut fructificarent morti.*

Prob. 2do. Ratione. Passio non tollit omnem rationis usum, nec omnem deliberationem, ut supponitur. Ergo non impedit, quin voluntas liberè illius motibus obsequatur; adeoque peccet liberè amplectens quid inordinatum & naturæ rationali repugnans.

Prob. 2da pars. Illud minuit malitiam peccati, quod minuit cognitionem ac deliberationem requisitam ad libertatem, ideoque libertatem ipsam. Atqui concupiscentia seu passio antecedens minuit &c. Nam facit, ut Objectum delectabile appareat magis conveniens, & intellectus magis consideret rationem boni delectabilis, quam rationem illiciti, quæ voluntatem à consensu avertere possit. Ergo, &c. Verum non ita malitiam minuit, ut ex mortali veniale faciat in motibus deliberatis; ut quando ex passione aliquis procedit ad actum peccati, vel ad consensum deliberatum; qui tunc voluntas potest simpliciter non consentire, & non obsequi passioni, cum habeat sufficientem ad id deliberationem. Ita S. Thomas, a. 8.

Diximus in Conclusionem 1mo. *Quamdo non tollit usum rationis &c.* Nam si talis passio tollat totaliter usum rationis vel advertentiam omnem impediat, etiam peccatum impedit; quia tunc id, quod ex illa fit, non est liberum, nec voluntarium in se neque in sua causa. Si tamen motus illi fuerint voluntarii in causa, in qua prævideri poterint, ut in ebrietate, tunc actus mali ex iis sequentes imputantur ad culpam; cum sint indirectè & interpretativè voliti.

Diximus 2do. *Illam passio antecedens minuit peccati malitiam.* Nam si consequens sit, seu liberè excitata, vel voluntaria in prava consuetudine non retractata, non minuit, sed potius augeat peccatum, quod ex illa fit; quia non minuit, sed augeat voluntarium & intentionem affectus. Ita S. Thomas, a. 6. ubi hæc inde insert: *Et sic verum est, quod quanto aliquis majori libidine vel concupiscentia peccat, tanto magis peccat.*

Porro peccatum ex infirmitate seu passione ex suo genere gravius est, quam peccatum ex ignorantia vincibili non affectata; quia talis ignorantia minuit liberum, & voluntarium at concupiscentia seu passio antecedens minuit quidem liberum, sed augeat voluntarium seu voluntatis propensionem, nam illius intentionem ac conatum augeat.

§. III.

De peccatis Malitiæ.

In sæpè memorato hujus Tractatus 234 proemio peccatum malitiæ diximus esse illud, quod fit ex pura & plena libertate, sive quod neque ex ignorantia aliqua, neque ex infirmitate seu passione

ne antecedente, sed ex mera voluntatis electione committitur.

Nemini dubium esse potest, quin dentur hujusmodi malitiæ peccata: scilicet ratum est, peccare quosdam de industria, atque passionis ex electione excitare, quarum motibus suum præbent consensum; juxta illud Job. 34. *Quasi de industria recesserunt à Deo, & vias ejus intelligere noluerunt.* Non quòd in homine lapsò, quemadmodum infirmis peccata, ex libidine & concupiscentia non nascantur; sed quòd peccans ex malitia liberè excitet innatæ nobis libidinis motus, eisque dedita operà & absque contrarii actus, etiam inefficaci, voluntate suam consensum præbeat: unde obsequitur ille non tantum passioni antecedenti, quæ peccatù infirmitatis, sed etiam consequenti, quæ peccatù malitiæ inducit, utpotè quam de industria excitat; ut majori nisu pravò, quod sibi proponit, Objectò fruatur: hincque fit, ut graviora sint peccata malitiæ, quàm peccata, quæ infirmitatis sunt. *Passio consequens* inquit S. Thomas, loc. cit. *non diminuit peccatum, sed magis auget, vel potius est signum magnitudinis ejus, in quantum scilicet demonstrat intentionem voluntatis ad actum peccati; & sic verum est, &c.* prout nos §. præcedenti indicavimus. Unde est, quòd peccatum procedens ex passionis consequente seu liberè excitata etiam sit peccatum ex malitia, aut ei æquivalet; cum ejus prima radix sit sola prava voluntas, quæ passionem procurat, nec libertatem minuit. Idem dicendum de ignorantia affectata, propter similem rationem; necnon de peccatis ex prava consuetudine commissis; de quibus postea. Prius nempe solvenda venit questio, an videlicet peccata malitiæ simpliciter & absolute sint irremissibilia. Id quidem nonnulli ex antiquis hæreticis sentire; contra quos ponitur

CONCLUSIO.

Nullum datur peccatum, etiam si malitiæ sit, irremissibile, seu cujus veniam non possit obtineri.

Prob. 1mo. Ex Scriptura, quæ nos docet, nullum esse peccatum, quod sanguine Christi non abluatur: Joan. 1. v. 29. *Ecce agnus Dei, ecce qui tollit peccatum mundi.* Item 1. Joan. c. 2. v. 2. *Ipse est propitiatio pro peccatis totius mundi.* Quibus verbis nullum excipitur peccatum. 2do. In qua omnes omnino peccatores ad poenitentiam & spem veniæ hortatur Deus. Ezech. c. 18. v. 21. *Si impius egerit poenitentiam ab omnibus peccatis suis vità vivet, & non morietur.* Et c. 33. v. 11. *Nolo mortem impii, sed ut convertatur impius à viis suis & vivat.* Matth. 11. v. 28. *Venite ad me omnes, qui laboratis, & onerati estis, & ego reficiam vos.* Joan. 3. v. 16. *Sic Deus dilexit mundum ut omnis, qui credit in eum non pereat.* Rom. 3. v. 22. *Justitia Dei per fidem Jesu Christi, in omnes, & super omnes, qui credunt in eum.* 3tio. In qua Christus generalem, nullisque finibus præscriptam, à peccatis solvendi, potestatem in Ecclesia sua reliquit, Matth. 18. v. 18. his verbis: *Quaecumque alligaveritis super terram, erunt ligata & in caelo.* Item Joan. 20. v. 23. *Quorum remiseritis peccata, remittuntur eis; & quorum retinueritis, retenta sunt.* Cum ergo peccatoribus ad veniam via sit aperta; cum omnes ad poenitentiam, spe conciliationis facta, vocentur; cumque tandem credentibus omnibus & invocantibus salutis spes fuerit promissa; cum Christus nullum peccatum à veniam excipiat; certè nullo peccato ad veniam aditus intercluditur. Hinc pejor Casuò fieret, qui cum illo diceret Gen. 4. v. 13. *Mior est iniquitas mea, quàm ut veniam merear.* Denique probatur

ex

ex tam solemnibus pollicitationis executione. Gravissimis etenim peccatoribus condonatum fuisse legimus tum in Veteri Testamento, ut Manassæ Regi Juda, quandoque divini cultûs hosti insensissimò; tum in Novo, ut S. Petro, qui Christum negavit, & Saulo Christianorum persecutori acerrimo, ipsique incestuoso Corinthiaco.

Prob. 2do. Auctoritate Ecclesiæ, quæ Montanistas & Novatianos, qui hanc dimitrendorum quorundam saltem peccatorum auctoritatem Ecclesiæ negabant, ut hæreticos proscripserunt.

Prob. 3tio. Ratione ex adductis Scripturæ textibus deducta. Qui in malitiæ peccatum lapsus est, potest utique poenitere; illius enim voluntatem Deus efficacissimâ suâ gratiâ emollire potest ad contritionem (quod nemo sanæ mentis negare potest) ac postea se subicere abolitioni Sacramentali, cujus virtus se se extendit ad omnia peccata, quæ post Baptismum admissa fuerint. Ergo.

236 Porro ad peccata malitiæ reducuntur peccata commissæ ex consuetudine, quam quis emendare non curat. Ita S. Thomas, 1. 2. q. 78. a. 2. ubi, *Manifestum est*, inquit, *quod quicumque peccat ex habitu, peccet ex certa malitia*. Ratio est, quia peccans ex consuetudine seu habitu peccat ex majori inclinatione, & intentione voluntatis; nam, ut ait idem S. Thomas, habitus vertitur in naturam. Nec consuetudo tollit deliberationem saltem citam seu promptam, quæ sicut ad rectè agendum, ita ad actum peccandum sufficit, licet sit imperceptibilis ob facilitatem & promptitudinem agendi; ut patet in homine assuetoad amandum Deum, qui auditò ejus nomine statim prorumpit in amorem ex cita deliberatione.

Et quamvis talis peccator ex minùs perfecta deliberatione peccaret, hactenus. *P. Cartier Theol. Tom. III.*

men ejus peccati malitiam non minuit; quia defectus ille est ei voluntarius in causa, nempe in consuetudine efficaciter non retractata, & in negligentia illam tollendi. Stultè igitur aliqui conantur excusare sua peccata, eò quòd ex pravo habitu oriuntur; cum tamen indè augeantur. Unde Concilium Lateranense III. sub Alexandro Papa III. an. 1179. celebratum, c. 7. ait: *Tantò graviora sunt crimina, quantò diutius animam infelicem tenuerint.*

Undè consuetudine mortaliter peccandi implicatus, tenetur sub mortali peccato illam efficaciter retractare & emendare. Ita communis: quia mala consuetudo est occasio proxima & periculum morale peccandi, imò & necessitas quædam moralis, in quam homo voluntariè se coniecit: *Dum consuetudini non resistitur, facta est necessitas*, inquit S. Augustinus, lib. 8. Confess. c. 5. Quippe consuetudo mala vehementer pertrahit ad similes actus malos. Atqui quisque, sub mortali, tenetur vitare, & à se removere occasionem proximam, ac morale periculum peccandi mortaliter; cum teneatur velle efficaciter vitare peccatum: alioqui censetur velle, saltem interpretativè, peccatum. Imò talis toties actu peccat, quoties ad pravam illam consuetudinem advertens, non proponit efficaciter illam corrigere. Nam tunc voluntariè retinet in se occasionem proximam peccati, & vult, saltem interpretativè, in morali periculo peccandi immorari, adeoque vult ipsum peccatum. Adde; quòd pravus habitus, quem quis non statim curat evellere, necessitatem moralem peccandi augeat, & pariat cordis duritiam, obstinationem, desperationem, ac demum impenitentiam finalem.

Hæc procedunt etiam de consuetudine circa actus quosdam malos exter-

liiii

nos,

nos, v. g. blasphemiam, juramentum falsum, licet absque advertentia & animo blasphemandi, aut jurandi prolata. Nam, ex communi, gravis est obligatio etiam ejusmodi consuetudinem tollendi; quia talia verba, etiam sic prolata, habent gravem turpitudinem ac difformitatem objectivam, ob quam graviter disconveniunt naturæ rationali, & ratione cujus homo tenetur ea non velle, neque in se neque in causa; quippe exterius sonant blasphemiam aut juramentum, & cum sensum generant apud audientes. Igitur sicut illicitum est Deum blasphemare, vel adducere in testem falsitatis, aut cum periculo falsitatis, & usurpare verba, quæ exterius sonant & significant audientibus blasphemiam vel perjurium: ita illicitum est velle in causa ponere illos actus; & præcipitur destructio causæ illorum, nempe consuetudinis: quæ consuetudo voluntarie permixta est grave peccatum. Non velle autem illam efficaciter emendare, est velle indirectè, & saltem interpretativè, actus illos illicitos ex ea ortos. Adde, quòd ista grave scandalum parere apta sint.

Neque etiam alii subiti motus graviter inordinati, qui ex prava consuetudine quasi inadvertenter accidunt, à mortali excusantur, quamdiu non adhibetur diligentia & conatus, ut præcaveantur, & consuetudo corrigatur: quia si non in se, certè in causa, nempe in mala consuetudine non retractata, vel in negligentia sufficienter noti sunt & voluntarii.

Solvuntur Objectiones

Contra positam Conclusionem.

239 Ob. 1mo. Matthæi 12. v. 32. Christus asserit peccata in Spiritum sanctum

nec in hoc sæculo nec in futuro dimittenda esse. Quod idem repetitur Luc. 12. v. 10. Atqui inter peccata in Spiritum sanctum numerantur ea, quæ dicuntur peccata malitiæ. Ergo.

Resp. 1mo. cum S. Augustino lib. de corrept. & grat. c. 12. & Ep. 50. hæc Christi verba de impenitentia finali, seu de cordis usque ad vitæ finem duritia exponi debere: *Nullum intelligatur*, inquit lib. expositionis inchoatæ in Epist. ad Rom. *nisi perseverantia in nequitia, & in malignitate cum desperatione indulgentiæ Dei*. Hac expositione omnis tollitur difficultas: enim verò extra dubium est, perseverantiam in peccato omni spe veniæ esse destitutam, utpotè de qua scriptum est: *In peccato vestro moriemini*. Non quòd peccatoribus illis condonationis spes adimatur, sed quia peccator Deum misericordem despicit.

Resp. 2do. Cum S. Thoma in 4. Sent. dist. 20. q. 1. a. 1. quæstiunc. 1. ad 1. dist. maj. Christus asserit, peccata in Spiritum sanctum esse irremissibilia, moraliter loquendo, conc. Absolutè & simpliciter loquendo, neg. maj. *Sicut aliquis morbus*, inquit laudatus Doctor Angelicus, *dicitur incurabilis secundum naturam morbi, per quem tollitur il, per quod morbus potest curari, puta cum morbus tollit virtutem naturæ, vel inducit fastidium cibi, vel medicinæ, licet Deus morbum possit curare: ita etiam peccatum in Spiritum sanctum dicitur irremissibile secundum suam naturam, in quantum excludit ea, per quæ fit remissio peccatorum, auxilia scilicet gratiæ, quorum largitus Spiritus sancto specialiter adscribitur; per hoc tamen non præcluditur via remittendi & sanandi omnipotentia & misericordia Dei, per quam aliquando tales quasi miraculose sanantur.*

Ob.

240 Ob. 2do. 1. Joan. c. 5. v. 16. hæc leguntur : *Est peccatum ad mortem, non pro illo dico, ut roget quis.*

Resp. 1mo. cum S. Augustino supra laudato ; perpeccatum ad mortem etiam hic intelligi finalem impenitentiam, illud scilicet peccatum, quod cum corporis morte conjungitur : ac proinde quod conjunctam habet æternam hominis mortem : unde cum se extra viam statum extendat, non licet pro illius remissione divinam indulgentiam deprecari.

Resp. 2do. Nullis peccatoribus, si verè conterantur, expectationem veniæ abjudicasse S. Joannem, sed vanam quorundam peccatoribus adulantium fiduciam compressisse, qui cum apud Deum nulla auctoritate valent, apud peccatores nomen sibi faciunt, suarum scilicet precum virtute commendata ; quasi se, Moysis instar, vel pro gravissimis peccatis coram Deo sistere possent : Imò verò tantum abest, ut de neganda peccatoribus ullis veniæ spe cogitaverit unquam S. Joannes, ut pro juvene, qui ad latronum castra profugerat, & apud eos principatum ut scelestissimus obtinuerat, non tantum oraverit, sed penitentia labores pro ipso amplexurum pollicitus sit.

Nec verò negamus frustraneas esse sæpius orationes pro induratis, qui beneficium divinum omne proculcant, & derident. Quidam etiam aliquando frustra orant non audiendi, ut Antiochus, lib. 2. Machab. c. 9. v. 13. quia peccati odium ad preces eos non impellit, sed vitæ præsentis amor intensissimus,

241 Ob. 3tio. S. Hieronymus, Ep. 149. ad Marcellam, adversus Novatianum contendit quidem, Christi negationem tormentorum metu extortam condonari

posse ; sed convenit aliud peccati genus Christi verbis Matth. 12. designatum hic nullatenus remitti, nempe iniquitatem, qua quis Christi opera tribuit Dæmoni, seu Beelzebub, & Christum nomine Beelzebub compellare non dubitat : *Docent (Novatianus) aliquem negatorem, Beelzebub vocasse Christum, & ultrò referam gradum, negatorem non posse consequi veniam post ruinam.* Paulò ante dixerat : *Manifestum est, peccatum in Spiritum sanctum idem non posse dimitti, quòd habeat blasphemiam, ut cum videns in virtutibus Deum, Beelzebub calumniaris in factis.* Ergo &c.

Resp. 1mo. S. Hieronymo opponimus S. Augustinum supra laudatum, qui hæc Christi verba de finali impenitentia exponit. Opponimus S. Ambrosium & alios Patres, qui hæc Christi verba de maligno affectu tribuentium Dæmoni Beelzebub, quod Dei est opus, seu miracula illa tam splendida, quæ patrabat Christus, qui horrendum illud scelus locò laudatò carpit, exponunt. Cuitamen sceleri non omnem aufert veniæ spem ; cum ibidem calumniatoribus suis auctor sit, ut operibus operam collocent ; subjungit enim v. 33. *Aut facite arborem bonam, & fructum ejus bonum &c.* Sed difficillimè veniam obtineri indicat ; quia videlicet nullam excusationis, quæ vel ex infirmitate, vel ex ignorantia ducatur, speciem prætexere potest tam gravis sceleris reus.

Resp. 2do. Nulli peccato veniam negatam voluisse S. Hieronymum. Constat scilicet argumenta Novatiani, qui tùm ex Matth. 12. v. 32. tùm ex istis Heb. 6. v. 4. verbis : *Impossibile est eos, qui semel sunt illuminati, gustaverunt : etiam donum caleste . . . & prolapsi sunt, rursus renovari ad peniten-*

sentiam (d) : falsò colligebat, non posse veniam lapsis concedi, quique ejusmodi peccatores à renovationis expectatione repelli conclamabat, quòd non infirmitatis, sed puræ malitiæ essent fidei ejurationes. Quæ argumentorum genera Marcellæ molestiam facebant; ideoque illorum solutionem à S. Hieronymo postulabat; cujus votis ipse annuens offendit imò. ibi non agi de baptizatis, qui tormentorum acerbitate ad Dominum negandum impelluntur; cùm de Judæis, qui opera ipsius in Dæmonem, seu Beelzebub referebant, ageret Christus. 2do. Non posse à Novatiano probati lapsos omnes Christi opera tribuisse Dæmoni, nec proin blasphemos esse in Spiritum sanctum; quod si posset exequi, tunc poterit, inquit, *approbare irremissibilem esse in Spiritum sanctum blasphemiam*. In persecutione lapsi contra filium hominis delinquant quidem, ut addit, sed non blasphemant in Spiritum sanctum. Nam undè Christus Matth. 12. opposuisset peccatum in Filium hominis peccato in Spiritum sanctum? Seu undè duo diversa peccatorum genera ibi constituisset? Quamobrem ita concludit S. Hieronymus: *Docent igitur, aliquem negatorem Beelzebub vocasse Christum, & ultrò referam gradum, negatorem non posse veniam consequi postulant*. Quam tamen illationem, videlicet, non posse remitti blasphemiam in Spiritum sanctum, non concedit ipse S. Hieronymus, licet concedere videatur; sed Antiquorum more, qui ne cavillationibus locus daretur, in confundendis, quæ opponebantur, operam omnem collocabant. Ideò autem hanc quæstionem, an peccatum in Spiritum sanctum remitti non possit, prætermittit,

quia per tempus sibi non licebat illam excutere, nec aliundè sui copiam poterat amicis negare, quemadmodum ipse scribit sub finem ejusdem Epistolæ. Ideoque si Marcellæ in votis esset, aliquando illius peccati naturam edoceri, se suum studium illi non esse negaturum spem fecit.

§ IV.

De peccatis merè internis, seu Cordis.

In sæpè memorato hujus Tractatus²⁴² præmio peccatum cordis illud esse diximus quod in corde consumatur; adeoque quod in solo actu interno, absque ullo opere aut signo externo, consistit. Hujusmodi autem actus peccaminosi interni & cordis duplicis generis esse dignoscuntur: alii enim sunt, quibus voluntas Objectum aliquod averfatur, ut odium Dei, &c. Alii, quibus Objectum aliquod prosequitur, & hi desideria vocantur; de quibus duntaxat hic agere animus est, atque internis delectationibus.

Porro voluntas triplex actu illicitum Objectum prosequi potest. Primus est volitio efficax Objecti, quæ voluntas vult adhibere media, quæ sunt in ejus potestate, ad illud Objectum assequendum, seu opus volitum exequendum. Secundus est desiderium inefficax. Tertius est simplex delectatio, seu mera complacentia de Objecto seu opere apprehenso, absque proposito exequendi, & desiderio assequendi; quæ est simplex quidam voluntatis affectus, quo res apprehensa tan-

(d) Hanc textum luculenter exposuimus Tom. 1. Theol. nost. Tract. de S. Script. part. 2. c. 3. in resp. ad Ob. 6.

tanquam jucunda placet, & grata atque accepta habetur. His prænotatis, ponuntur sequentes solutiones.

- 243 I. Quodlibet desiderium rei vel actionis malæ, etiam inefficax, illicitum est, utpote prohibitum præcepto, *Non concupisces*, juxta sententiam Ecclesiæ; & habet malitiam mortalem vel venialem, ac eandem speciem, quam habet res vel actio, in quam fertur.

Prob. 1mo. Ex Scriptura. Prov. 15. *Abominatio Domini cogitationes mala.* Et Psal. 10. *Qui diligit iniquitatem odit animam suam.* & Osée 9. *Facti sunt abominabiles sicut ea, quæ dilexerunt.* Quod indefinitè & generaliter dictum intelligi debet de omni affectu etiam inefficaci, cum hic etiam tendat in Objectum suum.

Prob. 2do. Ex consensu omnium Ecclesiæ Patrum, Doctorum & Theologorum, qui unanimitè idem, quod nos tuemur, docent.

Prob. 3tio. Ratione. Quia turpe ac inhonestum est velle & desiderare quovis modo aliquid turpe ac illicitum. Item omnis affectus & desiderium aliquis rei graviter malæ, graviter disconvenit naturæ rationali, & legi divinæ prohibenti tale Objectum seu talem rem, sumitque malitiam ac speciem ab objecto malo ratione cujus opponitur rectæ rationi & legi: Objectum autem voluntatis est id omne, in quod ipsa fertur. Et verò ad mortale non requiritur consensus efficax in opus: alioqui approbans crimen alterius, sine voluntate illud patrandi, non peccaret mortaliter, contra illud ad Rom. 1. *Digni sunt morte, non solum qui faciunt, sed etiam qui consentiunt facientibus.*

Hinc desiderium, licet inefficax, occidendi, fornicandi, &c. est peccatum

mortale injustitiæ, luxuriæ, &c. Desiderium verò leviter nocendi proximo, est veniale duntaxat: nam, omnis actus internus sumit malitiam & speciem ab actu externo tanquam ab Objecto.

II. Desiderium conditionatum, seu 244 consensus conditionatus rei vetitæ, per se loquendo, non est mortale, si conditio apposita auferat totam, vel saltem gravem operis malitiam. Ita communiter Theologi. Quia talis affectus non est graviter inordinatus, neque secundum se, neque ex Objecto, à quo, per conditionem, gravis malitia verè excluditur. Non est autem per se peccatum desiderare præcisè Objectum, à quo vera sublata est malitia.

Si tamen, ut sæpè fit, inducat periculum probabile consensus absoluti, erit mortale ratione talis periculi: quia mortale est se exponere periculo probabili peccandi mortaliter; nam est velè interpretativè mortale peccatum. Imò seclusò tali periculò, ejusmodi desideria raro vacant culpæ, saltem veniali, ratione inutilitatis, orisitatatis, aut aliquis inordinati affectus.

Quòd si conditio non auferat malitiam, tale desiderium vel delectatio in re gravi est culpa mortalis, in levi venialis; quia talis affectus tendit in Objectum malum, & quidem absolute, cum apposita conditio non verè tollat malitiam ab Objecto, etiam ut representato: & sic malitia Objecti in actum voluntatis tota transfunditur: sive tunc est affectus admittendi malum, vel delectatio de illo, remanente tota objecti malitia.

Conditio autem auferat malitiam mor- 245 talem Objecti, quando vel re ipsa subest, vel possibilis est, & eà posita res, seu actio non est ampliùs mala, saltem graviter;

viter; ut contingit imo. in iis, quæ solo jure positivo vetita sunt: hinc non peccat mortaliter, qui dicit, vellem comedere, seu concederem carnes die Veneris, si id Ecclesia non vetuisset; vel optarem, ne hodie prohibitus esset esus carniæ, ut illis vesci possem. 2do. In prohibitis quidem jure naturali, sed tamen in aliqua circumstantia licitis, si hæc pro conditione apponatur, v. g. si essem Judex, hunc homicidam morte muldarem, &c. Rectè tamen monent Doctores, ejusmodi desideria esse periculosa, & vitanda, atque fatuas, ut quidam eorum ajunt, & diabolicas tentationes. Et re vera sunt plerumque occasio peccati, præsertim in materia periculosa, ut ex multorum lapsu constat: ut si dicas vellem uxorem ducere si non essem Religiosus, Sacerdos, &c.

- 245 At maliciam conditio non tollit, quando eâ appositâ adhuc manet Objectum graviter inordinatum, ut si dicas: inimicum occiderem, si non essem Sacerdos: Undè peccas mortaliter, perindè ac si non poneretur conditio. Item quando conditio per se est impossibilis, ut si ea, quæ intrinsecè mala sunt, ponantur non esse vetita, ut si dicas: vellem furari, nisi esset peccatum, vel nisi Deus id prohiberet. Imò hoc optare est gravis culpa; nam est velle, ut id, quod est per se malum, sit licitum, nec à Deo prohibeatur; ac proindè ut ordo naturæ pervertatur, & lex æterna immutetur, necnon ut natura rationalis non sapienter à Deo regatur: quod desiderium est graviter inordinatum, & pejus est quàm semel furari; nam pejus est furtum licere, quàm semel committi.

- 247 III. Delectatio appetitûs sensitivi de Objecto graviter malo, etiam sub conditione, sub qua est licitum, v. g. delectatio carnalis de copula cum fornicaria,

si esset uxor, est mortalis; quia appetitus sensitivus semper fertur in Objectum, ut est in se, & omni conditione destitutum: nam imaginatio, ex cujus apprehensione movetur, & quam solam sequitur, nullam conditionem apponere potest, nec præscindere maliciam ab Objecto. Imò juxta varios, quævis delectatio de Objecto intrinsecè malo perindè mala est, posita quacumque conditione, ac foret illâ sublata; quia delectatio est affectus complacentiæ de objecto ut præsentî, qui unicè pendet ex eo, quod ut delectabile in Objecto apprehenditur. Ergo si Objectum sit malum, delectatio erit mala. Conditio autem quævis appositâ nihil operatur ad delectationem, nec tollit ejus maliciam, nisi tollat rationem, quæ delectat, seu ipsam delectabilitatem.

IV. Igitur præceptò, *Non concupisces*, 248 prohibetur tùm quodvis desiderium, & complacentia Objecti seu actûs mali, & consensus pravis concupiscentiæ motibus: tùm etiam desiderium habendi quodvis bonum proximi, sive uxorem, sive servum, sive fundum, &c. juxta illud Deut. 5. *Non concupisces uxorem proximi tui, non domum, non agrum, non servum, non ancillam, non bovem, non asinum, & universa, quæ illius sunt.* Ita ut sit mortale, proximi bonum notabile expetere cum ejus damno, vel appetere proprium commodum aut lucrum cum gravi damno proximi: nam hoc repugnat charitati vetanti, ne alteri fieri velis, quod tibi non vis fieri. Hinc ut ait Catechismus Romanus, & nos in Tract. de Jure & Justitia adnotavimus; *Graviter peccant mercatores, qui rerum penuriam, annonæque caritatem expetunt; atque id agere ferunt, ut alii præter ipsos sint, qui vendant, aut emant, quod carius vendere aut vilius emere possint. Item qui alios egere cupiunt, ut ipsi*

ipfi aut vendendo aut emendo lucentur. Medici item, qui morbos desiderant. Iudices, Advocati, Procuratores, Scribae, qui causarum litiumque vim & copiam concupiscunt, &c.

- 249 V. Simplex etiam delectatio mortalis seu deliberata, id est, deliberatè admissa, de quolibet Objecto, vel opere mortaliter malo, est peccatum mortale, etiam seclusò omni desiderio, proposito, conatu & periculo illud efficiendi; sumitque speciem & malitiam à tali Objecto. Ita communiter Doctores. Et constat imò. ex Prov. 2. *Qui latantur, cum malè fecerint, & exultant in rebus pessimis, quorum via perversa sunt, & infames gressus eorum.* Et Sap. 1. *Perversa cogitationes separant à Deo.* 2do. Ex S. Augustino, lib. 12. de Trin. c. 12. *Totus homo damnabitur, nisi hæc, quæ sine voluntate operandi, sed tamen cum voluntate animum talibus oblectandi, solius cogitationis sentiuntur esse peccata, per Mediatoris gratiam remittantur.* 3tio. Naturæ rationali & legi divinæ disconvenit ac repugnat, quòd voluntas gratum & acceptum habeat id, quod naturæ rationali dissentaneum est, atque Deo displicet, & ab eo prohibetur. Ergo est peccatum grave vel leve, pro gravitate vel levitate malitiæ Objecti. 4to. Delectatio deliberata seu mortalis de Objecto malo est affectus complacentiæ, & inclinatio appetitûs in illud: nemo enim delectatur de eo, quod non amat. Atqui omnis affectus in rem vel actionem mortaliter malam est mortalis: nam graviter naturæ rationali ac legi divinæ adversatur, & sumit totam Objecti malitiam, ex Osee 9. *Facti sunt abominabiles, sicut ea, quæ dilexerunt.* Ergo. Ita S. Thomas 1. 2. q. 74. a. 8. ubi, *Nullus delectatur, inquit, nisi in eo, quod est conforme appetitui ejus. Quòd autem aliquis ex deliberatione eligat, quòd affectus suus con-*

formetur bis, quæ secundum se sunt peccata mortalia, est peccatum mortale. Unde talis consensus in delectationem peccati mortalis est peccatum mortale. Idque verum est, quamvis delectatio sit propter bonum finem, quia finis, quantumvis bonus, non tollitur malitiam Objecti.

Hinc mera complacentia de actu seu Objecto mortali contra iustitiam, v. g. de furto, vel homicidio à se aut ab alio patrato, est peccatum mortale contra iustitiam; est tamen minus grave, quam ipse consensus efficax in tale opus, ut docet S. Augustinus loc. cit. Nam consensus efficax habet longè plus determinationis. Item mortale est contra castitatem, gaudere se amari amore libidinolo ab alio, quamvis non sic readamato. Delectatio verò de actu vel Objecto veniali est venialis.

Non est tamen mortale gaudere præcisè de Objecto ex se non malo, sed sola lege positiva vetito, quatenus non est de se malum, v. g. de cogitato esu carniû die Veneris, non ut tali die posito aut ponendo. Nam neque Objectum istud de se illicitum est, neque ipse actus delectationis merè internæ est prohibitus ab Ecclesia. Hæc tamen delectatio est venialis, quia includit affectum quemdam intemperantiæ.

Not. deliberata tristitia seu displicentia de opere bono est peccatum: nam opponitur virtuti, cuius est actus; & naturæ rationali ac legi divinæ disconvenit odisse bonum, & amare malum ei oppositum; gaudere de malo, & dolere de bono ejus contrario.

VI. Est mortale gaudere de actu ex se mortali, sed à culpa excusato ratione ignorantiae invincibilis, vel defectûs libertatis, ut de homicidio in somno patrato,

trato, de violatione jejunii ex ignorantia, &c. Quia est delectatio voluntaria de Objecto graviter illicito, cum talis actus sit ex Objecto mortalis. Nec delectatio excusari potest: nam idem actus non fuit culpabilis, quia non fuit voluntarius: sed nunc voluntas liberè eum approbat, & de eo gaudet sine ignorantia, quod graviter disconvenit naturæ rationali ac legi. Quare hæc regula, *Talis est delectatio, quale est Objectum*, intelligi debet, quando eadem causa opus excusans reperitur in delectatione.

- 251 VI. Ex communi Delectatio deliberata de solo artificio modò patranda malum, qui ex se malus non est, vel de aliqua ejus circumstantia insolita, sed non mala, per se loquendo, non est mortalis. Quia imò. in parabola Luc. 16. *Laudavit Dominus villicum iniquitatis, quia prudenter fecisset.* 2do. Ex sensu communi hominum, qui crimini non vertunt, quòd quis delectetur de modo, quo ebrius tremulè incedit, quo quis ex equo decedit, vel de industria, qua fur subtiliter crumenam emungit, &c. & aliis non malis actuum malorum circumstantiis, qui actus simul quoad substantiam displicent. 3tio. Quia Objectum talis delectationis non est malum.


Potest tamen consensus in ejusmodi delectationem esse culpa venialis, ratione otiositatis, curiositatis, aut similis inordinationis; imò & mortalis ratione scandali, vel periculi consentiendi in delectationem de ipso malo actu. Quòd si circumstantia vel modus esset malus, non liceret de eo delectari.

VII. Per se loquendo licet gaudere²⁵² de effectu bono, qui ex peccato secutus est, non tamen prout à peccato est; quia Objectum talis gaudii non est malum, nec proinde ipsum gaudium. Sic Ecclesia gaudet de Redemptione per Christum ex peccato Adami secuta, *O felix culpa, quæ talem ac tantum meruit habere Redemptorem.*!

VIII. Delectatio de sola cogitatione²⁵³ seu cognitione rei etiam graviter illicitæ non est peccaminosa, modò absit periculum consensus in Objectum; quia rei malæ cognitio, quæ est Objectum talis delectationis, non est secundum se mala; & Deus ipse cognoscit omnia mala & obsœna. Imò hæc cognitio sæpè est necessaria vel utilis Confessario, aut Medico. Delectatio autem specificatur à suo Objecto directo & immediato. Quare si cognitio seu cogitatio sit vana vel inutilis, delectatio de ea erit venialis. Si verò cognitio sit utilis aut necessaria, delectatio de ea per se non erit culpa. Ita S. Thomas 1. 2. q. 74. a. 8.

Hinc licet gaudere de scientia rei obsœnæ ob bonum finem, puta ad fungendum officio Confessarii, Medici. At cognitio rei obsœnæ ex affectu venialis, puta ex curiositate, etiam absente delectatione & omni periculo, est venialis; mortalis verò, si sit ex affectu graviter inordinato, vel cum periculo gravi, aut referatur ad finem graviter malum.





PARS TERTIA.

254 *De reliquis peculiaribus Peccatorum Speciebus.*

MOdò ad ea specialia peccatorum genera, de quibus in procemio nostro mentionem fecimus, trans-eundum; ac primò locò occurrunt peccata in Spiritum sanctum, tùm sequuntur peccata in cœlum clamantia. Verùm de quibusdam eorum jam alibi differuimus, de aliis verò agemus, ubi sermo erit de

vitiis seu peccatis, quæ virtutibus opposita sunt. De reliquis verò non est, quòd præter ea, quæ tùm in dicto procemio nostro, tùm in Tractatu de doctrina Christiana Philosophiæ nostræ præfixo jam de iis dicta sunt, quidquam memoremus. Primò igitur de vitiis capitalibus loquemur, postea de reliquis.

CAPUT PRIMUM.

255 *De vitiis seu peccatis Capitalibus.*

Peccata capitalia, prout in sæpè dicto hujus Tractatus procemio annotavimus, ea ratione sic nuncupantur, quod cætera peccata ad ea tanquam radices referantur, atque, prout in cit. Tract. de Doctrina Christiana part. 2. c. 2. §. 8. dictum, sint fontes & capita, nec non causa impulsiva eorum. Septem, ut ibi dictum numerantur à Theologis post S. Gregorium, scilicet Superbia, Avaritia, Gula, Luxuria, Ira, Invidia, Acedia; de quibus singulis paragraphis agemus.

§. I.

256 *De Superbia, & ejus Filiabus.*

Superbia definitur animi elata inflatio, se omnibus præcellere, & omnia sibi debere censentis; seu brevius, est inordinata cupiditas propriæ excellentiæ & celsitudinis; vel prout in Tractat. de Doctrina P. Cartier Theol. Tom. III.

Christ. dictum, inordinatus appetitus supra alios excellendi.

Ejus actus sunt 1mo. Inordinata sui æstimatio, qua quis se ipsum æstimat supra id, quod est, & afficitur erga se ipsum tanquam aliquid excellentius, quam re vera sit. 2do. Finem suum ultimum in propria excellentia constituere; necnon virtutem, scientiam, & alia ad excellentiam spectantia non appetere propter Deum, saltem ultimatè, nec ad ejus gloriam referre, sed unicè & ultimatè propter suam satisfactionem ac excellentiam. 3tio. Ab aliis velle magni fieri, honorari, laudari; si id non faciant, dolere, irasci. 4to. Judicio proprio pertinaciter adhærere. 5to. Alios & aliena parvi facere, vel velle videri singulariter habere quæ possidentur. 6to. Si putes te habere bona, quæ non habes, vel majora, quam habeas, aut in eo ponas excellentiam, ubi non est, & inde te extollas. 7mo.

K k k k k

Si

Si bona tua æstimes, quasi ex te habeas, & non à Deo. 8vo. Si bona tua accepta quidem à Deo credas, sed ea æstimes tanquam meritis propriis debita, vel ea ad Dei gloriam non referas, atque ita te geras, & animò extollas, perinde ac si ea à Deo non haberes. 9no. Nolle se subjicere suis Superioribus, quasi id sit indignum. 10mo. Nolle etiam se Deo ejusque præceptis submittere, id æstimans tanquam contrarium dignitati suæ, & volens suo arbitratu vivere, quasi Deo non indigeat, aut ab eo nullatenus pendeat.

258 Superbia ex genere suo est peccatum mortale. Nam ad Rom. 1. *Superbi & elati numerantur inter eos, qui digni sunt morte.* & Prov. 8. *Deus arrogantiam & superbiam detestatur.* Ratio est, quia Superbia adverlatur charitati Dei, ejus honori, majestati & excellentiæ; atque etiam est radix omnis peccati, ex Eccli. 10. *Initium omnis peccati est superbia; qui tenuerit illam, adimplebitur maledictis, & subvertet eum in finem.* Et ex S. Augustino lib. 2. de pecc. mer. & rem. c. 17. *Vitiorum namque humanorum causa superbia est.*

Hinc superbia perfecta est semper culpa mortalis, ut 1mo. Quando præ superbia, quis subijci Deo renuit, vel Superioribus, eorumve præceptis etiam in re minima. 2do. Cum quis bona sua æstimat à se ipso habere, vel esse propriis meritis debita, vel solis viribus acquisita. 3tio. Quando finis ultimus ponitur in propria excellentia, vel in rebus graviter malis propria excellentia constituitur, aut ex illis quaeritur.

Imperfecta tamen superbia, qua quis sine Dei & aliorum contemptu, nec renuens Superioribus subijci, solum plus justo se effert, est venialis: quia gravis non est inordinatio, nec graviter repugnat charitati. Sanè, si mortalis diceretur ac probari posset, pauci in Religiosis Communitatibus invenirentur, qui hoc

peccatò non detinerentur; Nihilominus illud quoque omni studio vitandum est; non modò quia peccatum faltem veniale est, sed insuper, quia aliorum invidiæ præbet occasionem.

Porro Superbiæ remedia generatim²⁵⁹ eadem sunt, quæ humilitatis adjumenta: speciatim verò hæc: 1mo. Sapè humilitatem à Deo petere. 2do. Sapè considerare suum nihilum, suam effrenatam ad malum propensionem, suas pravas cupiditates, sua peccata, vitia, defectus, misérias tum corporis, tum animæ, infirmitatem, impotentiam sine Dei gratia actuali ad quemlibet actum salutarem; item infinitam Dei excellentiam, ad quam si omnia comparentur, sunt instar nihili; omnia, quæ habemus, esse à Deo, nostra merita esse illius dona. *Quis... te discernit? Quid habes, quod non acceperis? Si autem accepisti, quid gloriaris quasi non acceperis?* 1. Corinth. 4. Atque ex horum consideratione complacentiam sui coercere, se ipsum contemnere, & ex sui ipsius contemptu humiliactionem, & quasvis afflictiones tanquam sibi propter peccata debitas, libenter pro Christo suscipere & sustinere. 3tio. Meditari superbiæ pœnas, & humilitatis præmia. 1. Pet. 5. *Deus superbis resistit, humilibus autem dat gratiam.* Et Matth. 23. *Qui se exaltaverit, humiliabitur: & qui se humiliaverit, exaltabitur.* Item & maxime exempla Christi, qui humiliavit semetipsum factus obediens usque ad mortem crucis, & opprobriis faciatuſ est, quemque imitari debemus: *Frustra enim appellamur Christiani,* inquit S. Leo Magnus Serm. 5. de Nativit. *si non simus imitatores Christi, qui idè se viam dixit esse, ut conversatio Magistri, forma esset Discipuli; & illam humilitatem eligeret servus, quam sectatus est Dominus.* 4to. Omnia sua bona ac opera ad Dei gloriam sapissimè actu referre, & crebrò exercere actus internos & externos humilitatis, atque

atque opera ac ministeria vilia & abjecta obire, infimum locum eligere, hospitalia visitare, pauperibus & ægrotis ministrare, &c.

- 260 Superbiæ tres præcipuè numerantur filia, scilicet Præsumptio, Ambitio & Vana gloria: Hæc ultima septem alias filias parit, nimirum Inobedientiam, Jactantiam, Hypocrisim, Contentionem, Pertinaciam, Discordiam, & Inventionem novitatum; hæc enim septem peccata ex ea immediatè oriuntur, unde Vana gloria à S. Thoma post S. Gregorium etiam inter peccata capitalia numeratur, quamvis propriè duntaxat sit Superbiæ filia, atque ab ea derivetur.

Præsumptio hic est appetitus inordinatus facienti aliquid facultatem suam excedens. Mortalis est imo. Ratione gravis injuriæ Dei, ut cùm Lucifer dicere præsumpsit: *Ascendam, & similis ero altissimo*. 2do. Ratione gravis damni proprii vel alieni, aut periculi talis damni: ut si præsumas exercere sine sufficienti peritia officium Medici, Advocati, Judicis, Confessarii, &c. 3tio. Cùm usurpatur dignitas, vel potestas, vel officium sæculare aut Ecclesiasticum: ut si audias confessiones, aut judices, aut exerceas actum ordinis sine potestate legitima. De præsumptione opposita Spei dicemus infra.

Ambitio, est inordinata cupiditas honoris, vel dignitatis, aut potentia. Est autem inordinata imo. Si appetas honorem, quem non mereris, vel majorem, quàm mereraris; vel ob rem, qua cares, ut si honorari cupias ob doctrinam, nobilitatem, virtutem, &c. qua cares: item si aspires ad officium, munus, quo es indignus. 2do. Si appetas honorem propter se, non illum referendo ad Dei gloriam, vel utilitatem proximi. 3tio.

Si appetas honorem ex re illicita v. g. duello. 4to. Si nimio affectu honorem appetas.

Ambitio sæpè est mortalis, nempe vel ratione materiæ graviter malæ, vel damni gravis, quod proximo infertur, vel periculi peccati gravis, vel medii graviter illiciti, quod adhibetur, vel finis mortalis, ad quem refertur, vel affectus graviter inordinati, ut si quis paratus sit peccare mortaliter ad honorem vel dignitatem obtinendum & tuendum.

Vana gloria est inordinata cupiditas humanæ existimationis ac laudis. Proprius ejus actus est inordinata manifestatio propriæ excellentiæ five veræ five fictæ. Est autem inordinata illa cupiditas, dum gloria quaeritur ex simulata doctrinæ, peritiæ, aut virtutis excellentia, vel ex rebus malis aut indifferentibus, aut major, quàm par sit, aut præcisè propter se, non referendo illam ad honorem Dei.

Vana gloria mortalis est eodem modo, quo de Ambitione diximus, ut si quis velit gloriam, vel laudes admittat, de re mortali, v. g. fornicatione, gravi vindictâ, &c. Si in gloria humana ponatur finis ultimus, omnia ad illam referendo, &c. Sæpè tamen est solum venialis, quia sæpè non graviter repugnat charitati, nec gravem continet inordinationem.

Cæterum debitum honorem, gloriam, laudem, favorem hominum, non propter se, sed propter honorem Dei, vel bonum proximi, acceptare, aut moderatè expetere non est peccatum, sed actus charitatis ex S. Thoma. (e)

Inobedientia, formalis scilicet & spe-261 cialis, est peccatum, quo violatur præceptum Superioris ex contemptu, live quia præceptum est. Ex communi semper

K k k k k 2 est

est mortalis, etiam in re minima: quia tunc contemnitur Superior, ut Superior, & Minister Dei, ideoque Deus ipse, juxta illud Luc. 10. *Qui vos spernit, me spernit*. Et quia tunc quis ita affectus est, ut nullo modo velit obsequi Superiori, quidquid præcipiat.

Violatio autem præcepti non ex contemptu, sed ex alio motivo, puta ob delectationem, vel utilitatem, aut difficultatem, est ex S. Thoma Inobedientia generalis pertinet ad aliam speciem peccati, proinde vanæ gloriæ non deputatur. Estque mortalis vel venialis prout præceptum, quod violatur, sub mortali vel veniali obligat: atque etiam prout motivum graviter, vel leviter malum est, cum actus participet malitiam finis, utpotè per eum voliti.

- 262 *Jactantia* est, qua quis inordinate verbis prædicat de se id, quod gloriam ac laudem apud alios parit, vel falsò parere putat, vel gloriatur de peccato. Quandoque est peccatum veniale, ait S. Thomas, q. 112. a. 2. *quando scilicet aliquis de se talia jactat, quæ neque sunt contra Deum, neque contra proximum*. Est verò culpa mortalis, imò. Si quis de se proferat aliquid contra gloriam Dei, ut illud Ezech 28. *Elevatum est cor tuum, & dixisti, Deus ego sum*. 2do. Ratione gravis scandali, damni, contumeliæ, vel contemptus proximi. 3tio. Si sit de actione mortaliter mala: quia includit approbationem actus mali, quæ eandem cum illo speciem habet; & quia sicut laudare opus mortale, v. g. duellum, ita & de illo gloriari est mortale; opponiturque eidem virtuti opus illud vetanti; nam quævis virtus non solum obligat ad actum, quem directè præcipit, sed etiam indirectè obligat, & vetat, ne ipsa contemnatur, aut irreverenter tractetur; contemnitur autem virtus, cum quis gloriatur de ejus violatione, vel cum ejus violatio in alio laudatur. Hinc glorians

de peccato aliquo, vel illud laudans, contrahit speciem talis peccati.

Hypocrisis est simulatio virtutis, hoc 263 est, factum, quo quis mentitur se virtutem seu sanctitatem habere, quam non habet, vel majorem, quam habeat. Undè semper est peccatum saltem veniale, cum sit mendacium facti. Sed mortale est, si habeat conjunctum vel contemptum virtutis, vel grave damnum proximi; item si simuletur sanctitas ob finem graviter repugnantem charitati Dei aut proximi, puta ut falsam doctrinam quis disseminet, ut decipiat proximum in re gravi, vel ut adipiscatur beneficium Ecclesiasticum, aut quodvis officium, etiam sæculare, quo indignus est. Si autem absit contemptus virtutis, ac damnum proximi, vel honoris Dei, nec finis intentus graviter repugnet charitati, erit solum veniale. Ita S. Thomas, qu. 111. art. 4.

Pertinacia est perseverantia in propria 264 sententia contra veritatem cognitam, vel sufficienter propositam. Mortalis est, quando illa veritas ad fidem, vel bonos mores, pietatem, pacem, grave bonum proximi pertinet; nam tunc materia est gravis.

Inventio, seu *Præsumptio novitatum* 265 est, cum quis ex inani gloria præsumit nova excogitare. Novitatum inventio vel usus est mortalis, si Fidei, bonis moribus, pudicitie adversetur, vel pariat scandalum, aut grave damnum proximo. De aliis dicitur infra.

Contra Præsumptionem, Ambitionem, Vanam gloriam ejusque filias eadem sunt adhibenda remedia, quæ contra earundem matrem Superbiam præscribuntur.

§. II.

De Avaritia.

266

Avaritia est inordinatus appetitus divitiarum, hoc est, pecuniæ, & rerum pecuniarum

pecuniæ æstimabilem, ut sunt agri, domus, pecora, &c. Mortalis est imo. Cùm in divitiis finis ultimus ponitur, ex illo Ephel. 5. *Avarus, quod est idolorum servitus, non habet hereditatem in regno Christi & Dei.* 2do. Cùm quis ad divitias acquirendas, augendas, vel conservandas adhibet media graviter illicita, & injurias; vel paratus est peccare mortaliter, aut ita peccat, v. g. injustè alienum accipiendo, retinendo, eleemosynas debitas omittendo, &c. Hinc illud Eccli. 10. *Avarus nihil est scelestius . . . nihil est iniquius, quam amare pecuniam.* Est peccatum capitale, quia est fons & origo multorum aliorum. *Nam qui volunt divites fieri, inquit Apostolus 1. Timoth. 6. incidunt in tentationem, & in laqueum diaboli, & desideria multa inutilia & nociva, qua mergunt homines in interitum, & perditionem. Radix enim omnium malorum est cupiditas.*

Si autem, inquit S. Thomas, 2. 2. q. 118. 2. 4. *inordinatio amoris intra hoc fiat, ut scilicet homo, quamvis superflue divitias amet, non tamen praeferat earum amorem amoris divino, ut si propter divitias non velit aliquid facere contra Deum & proximum, sic avaritia est peccatum veniale.*

267 Præcipua Avaritiæ remedia sunt oratio, meditatio bonorum cælestium, periculi ac vanitatis bonorum terrestrium, paupertatis Christi, mortis, &c. Crebra & larga eleemosynarum largitio, resignatio in jactura bonorum, &c.

Avaritiæ filia sunt, ex S. Gregorio, 1mo. *Obduratio cordis contra misericordiam, miseris & egenis non compatiendo, non opitulando, eos objurgando, debita durè exigendo à debitore, qui solvendo par non est, &c.* Hæc obduratio mortalis est, quoties ex ea præceptum eleemosynæ vel charitatis graviter violatur. 2do. *Inquietudo cordis, quæ est inordinata & anxiosa applicatio mentis*

ad acquirendas vel conservandas divitias, cum inani timore ne non acquirantur, aut ne amittantur. Mortalis est, quando retrahit à spiritualibus vel aliis officiis, ad quæ graviter obligamur; vel cùm quis divitiarum providentiæ diffidit. 3tio. *Violentia*, qua res aliena, per vim injustam, usurpatur. Mortalis est ex genere suo contra justitiam. 4to. *Fallacia* sive *dolus*, qui est alterius deceptio, sive verbis sive factis, & *Fraus*, quæ est astuta deceptio proximi per sola facta. Utraque est ex genere suo mortalis contra justitiam, & sæpe confunditur. 5to. *Perfidia*, qua fides in promissis, pactis, & rebus creditis violatur. Mortalis est in gravi contra justitiam. 6to. *Proditio*, quæ est manifestatio rei alicujus, vel personæ, in damnum proximi contra fidem ei debitam. Mortalis est ex genere suo contra charitatem & justitiam; & contingit tripliciter; 1mo. Circa personam, quo modo Judas Christum prodidit. 2do. Circa res, ut si miles declaret hosti modum capiendi arcem, quam obsidet; vel si alterius vestem, pecuniam, &c. absconditam prædoni ostendas. 3tio. Prodeundo alterius secretum suæ fidei commissum.

§. III.

De Gula.

268

Gula est inordinatus appetitus vel usus cibi aut potûs. Unde opponitur abstinentiæ & sobrietati. Sumitur aliquando strictius prout continet inordinationem solum in cibo & potu non inebriante.

Ex S. Gregorio communiter committitur quinque modis. 1mo. Si edas arte tempus. 2do. Si nimis exquisita, id est, pretiosiora, quam conveniat tuo statui vel necessitati. 3tio. Si plus justò. 4to. Si voraciter. 5to. Si nimis exquisitè præparata, juxta hunc versum:

Præproperè, lautè, nimis, ardentè, studiosè.

K k k k k 3

Quod

Quod spectat ad qualitatem cibi & potûs, hæc debet esse accommodata statui, conditioni, facultati, infirmitati, necessitati personarum, & loco ac tempori.

Circa quantitatem cibi & potûs hæc tradit S. Antoninus part. 2. tit. 6. cap. 1. quæst. 5. ubi, *De quantitate cibi & potûs*, inquit, *non potest dari una certa regula omnibus secundum eandem mensuram. Sed plus & minus exigitur secundum varietatem complexionum & fatigationum. Unus etiam & idem plus indiget uno tempore, quam alio, secundum dispositionem sui corporis. . . tantum ergo potest & debet quis comedere & bibere, quantum credit se indigere ad sustentationem & executionem eorum, quæ sibi incumbit agenda; ita ut non usque ad nauseam sumat, sed cum aliquali adhuc appetitu finem faciat. Cum autem ex delectatione cibi vel potûs plus sumit, quam sibi dicat conscientia opportunum, tunc peccat. Peccat, inquam, etiam si vilissimi sint cibi & potûs, ut idem S. Antoninus paulò antè notat post S. Augustinum, qui lib. Confess. 10. cap. 31. ait: Hoc me docuisti, quemadmodum medicamenta, sic alimenta, sumpturus accedam.*

- 269 Peccatum Gulæ mortale est in multis casibus; unde, ad Galat. 5. comestationes inter opera excludentia à Regno Dei numerat Apostolus. Et imò quidem ratione affectûs graviter inordinati, quo quis ita inhæret oblectationibus cibi vel potûs, ut in iis finem suum ultimum constituat juxta illud ad Philipp. 3. v. 19. *Quorum Deus venter est.* Idque quamvis solum interpretativè, ut cum quis ex affectu gulæ paratus est peccare mortaliter: nam hoc ipso quòd mortaliter peccet, Deum propter voluptatem deserit, hancque illi suò factû præfert. Item cum quis nihil aliud querit, quàm edendi & bibendi voluptatem, ad id cogitationes & curas ferè omnes referendo, nam is

vitaæ suæ finem in delectatione cibi & potûs ponit. 2do. Si quis bibat ad ebrietatem. 3tio. Si quis ob solam voluptatem cibo & potu usque ad vomitum scienter se ingurgitet: nam hoc, seclusis etiam scandalo & ebrietate, continet gravem inordinationem, ac periculum laedendi sanitatem, & graviter reprehenditur ab Isaia cap. 28. *Omnes mensæ repletae sunt vomitu, & diurneque.* Idem dic, si quis postquam multum comedit, ad vomitum se excitet, ut iterùm ob solam voluptatem edat: nam hoc graviter dedecet naturam rationalem præsertim elevatam, estque plusquàm bestiale. 4to. Ratione gravis nocuenti, quod quis ob gulam sibi, aut familiæ suæ, aut creditoribus infert, sanitatem corporis graviter lædendo, se reddendo impotem ad solvenda debita, filios vel filias in statu convenienti non collocando; item non opitulando gravem necessitatem patienti; aut si indè notabiliter fiat ineptus ad functiones aliquas, ad quas sub mortali tenetur, &c. 5to. Si quis, saltem extra necessitatem extremam, carne humana aut sanguine veletur; nam hoc est contra honorem defunctis debitum, & contra ordinem ac instinctum naturæ: unde ab hoc tanquam à re valde inordinata & extremæ feritatis abhorruere gentes omnes non penitus barbare. Licet tamen uti carne humana in medicamentis, quia tunc sic alterata est, ut dici nequeat carnis humanæ sumptio. 6to. Ratione gravis scandali, vel periculi peccandi graviter.

Extra hos casus peccatum Gulæ est solum veniale. Ita S. Thomas 2. 2. quæst. 148. art. 2.

Remedia verò adversus Gulam hæc sunt, imò. Considerare Gulæ incommoda ac damna: quippe intellectum obnubilat, mentem deprimit, bona desideria extinguit, aggravat animam, reddit hominem ineptum ad sua officia, & exercitia

citia spiritalia ; impedimenta apponit gratiæ divinæ , & gaudiis spiritalibus, vitam minuit , morbos & multa peccata parit ; aditum vitiiis aperit , & intercludit virtutibus. Item cogitare , quàm citò transeat cibi & potûs delectatio , gravia autem mala ex Gula orta maneant. 2do. Vitare occasiones. 3tio. Sectari in omnibus temperantiam , nihil ultra necessitatem convenientem edendo & bibendo. 4to. Semper sibi in mensa subtrahere aliquid modicum , quod adhuc licitè sumi posset , & præsertim quod magis aridaret palato.

- 271 Quoniam suprà n. 2. diximus illum peccare mortaliter , qui ad ebrietatem usque bibit , operæ pretium arbitramur , hic de isthoc turpi ebrietatis vitio , quod præsertim in Germania nostra apud omnis ætatis & conditionis homines , ne quidem viris Ecclesiasticis , & Religiosis exceptis , si non plerosque , saltem non paucos , hodieum adhuc viget , paulò fusiùs describere.

Igitur Ebrietas est excessus in potu usque ad violentam privationem rationis, ejusque potestatis proximæ. Est peccatum mortale , ut inter omnes constat 1mo. Ex Isai. 5. *Va qui confurgitis mane ad ebrietatem seculandam.* Et 1. Cor. 6. *Neque ebriosi Regnum Dei possidebunt.* Et Galat. 5. Ebrietas recensetur inter opera carnis , quæ excludunt à Regno Dei. 2do. Ex consensu Patrum & Doctorum. 3tio. Quia est gravis inordinatio & deformitas violenter sibi adimere potestatem proximam utendi ratione ; exercendi opera virtutum , & sua munera ; vitandi malum , faciendi bonum , & subveniendi necessitatibus subitis animæ & corporis ; atque ita se ad brutorum stoliditatem abjicere , & imaginem Dei deturpare. Ebrietate autem hæc potestas sic adimitur.

Quare non licet se inebriare , sive ad vitandam mortem ab altero intentatam :

nam , ut ait S. Augustinus , Serm. 232. vel S. Cæsarius , *Etiamsi ad hoc veniretur , ut tibi diceretur , aut bibas , aut morieris , Melius erat , ut caro tua sobria occideretur , quàm per ebrietatem anima occideretur.* Nam ebrietas , sicuti fornicatio , non est medium ex se ordinatum ad vitandam mortem. Sive in medicamentum , quod tamen rarò , imò ferè nunquam esse potest , cùm , teste Hypocrate , ebrietas sit valde periculosa corporis sanitati. *Non excusaretur* , inquit S. Antoninus part. 2. tit. 6. cap. 3. *per hoc quis ab ebrietate secundum Thomam , quamvis faceret causâ medicinâ : & per consequens peccat mortaliter & sumens , nisi credere ex illo potu non posse inebriari ; & Medicus , vel alius , qui hoc sibi scienter consuleret , & propinaret hoc existimans.* Ebrietas enim quovis modo intenta ac procurata , semper graviter disconvenit naturæ rationali quâ rationali , cùm violenter rationem perturbet , adimat potestatem eâ utendi , & subveniendi necessitati animæ ac corporis , Dei imaginem fœdet , atque hominem ad statum bruti redigat.

Igitur ebrietas non tantum consistit²⁷² in excessu vini voluptatis causâ duntaxat commissi : nam etsi voluptas in nimio potu non intendatur , tamen effectus recensiti semper sequuntur ; & temperantia violatur , cui immoderata potûs vel cibi sumptio , præcisè hoc vel illo fine , opponitur : neque enim ad violandam aliquam virtutem necesse est agere ex voluptate. Enimverò si duo propositò præmiò inter se contenderent , uter illorum plus vini biberet , & usque ad privationem rationis biberent absque voluptate , imò cum molestia , saltem quantum ad excessum ; an non contra temperantiam peccarent , atque ebrietatis malitiam contraherent ? Et idcò SS. Patres excessum vini sine ulla exceptione semper damnant.

273 Ut autem ebrietas sit mortalis, sufficit, quod sit voluntaria indirecte vel interpretative. Quarè peccat mortaliter 1mo. Qui expresse quidem se inebriare non vult, sed tamen tantum bibit, quantum potest, non satis attendens, an sequatur privatio rationis, necne. 2do. Qui probabiliter putans, vel suspicans secuturam privationem rationis, si pergat bibere; vel de hoc dubitans, adhuc bibit; quia saltem se exponit periculo ebrietatis, & vult ebrietatem saltem interpretative. Item si hoc periculum advertere possit, & negligat, etiamsi privatio rationis solum eventura sit post unam alteramve horam, cum nempe ad aërem prodibit. 3tio. Qui ex amicitia vel urbanitate alium invitat ad haustus, quibus probabiliter prævidet inebriandum; quia invitat ad id, quod alter sine mortali facere nequit, & cum verè inducit in ebrietatem, vel ejus periculum. Idem dicendum de iis, qui alios ad æquales actus incitant, vel cogunt, aut se invicem obligant, ex cap. 14. *De vita & boneſt. Cler.* Nam saltem alios vel se conjiciunt in periculum probabile ebrietatis. Similiter de iis, qui ebriosi, vel ebrietati proximis vinum subministrant; & de iis, qui non impediunt, ne alius inebrietur, cum commodè impedire possunt.

274 Porro ita est peccatum grave respectu omnium, ut tamen gravius sit in quibusdam personis, scilicet 1mo in Mulieribus ob turpitudinis & luxuriæ periculum tum in se, tum in aliis. 2do. In iis, qui debent ex officio alios regere, ut sunt Patresfamilias, Magistratus, &c. 3tio. In Clericis, præsertim sacro Ordine insignitis, & maxime Curatis, ac præpomis in Religiosis, tum propter scandalum majus, tum quia ebrietas est libidinis fomes ac nutritrix, tum propter damna, quæ inde aliis oriri possunt, cum Sacerdos ebrius fungi nequeat officio in

necessitate occurrente: unde à multis Conciliis sub gravibus pœnis ebrietas speciatim illis prohibita est. In viris Religiosis autem, præter ea, quæ jam commemoravimus, tantò gravius est hoc ebrietatis peccatum, quod vi sui, quod professi sunt, instituti, frugalitatem & sobrietatem in omnibus, & tam in cibo quam in potu omnino sectari teneantur.

Ebrietas autem perfecta cognoscitur 275 1mo. Quando quis non novit discernere inter licitum & illicitum; vel non potest solita officia exequi. 2do. Quando quis postridiè non meminit, quid dixerit, egerit, quomodo domum redierit, &c. 3tio. Si ea fecit, quæ nunquam integra mente solet: ut si turpia vel absurda protulerit, cum aliàs sit pudicus & prudens; si juraverit, blasphemaverit, vel familiam perturbaverit, cum aliàs sit modestus & benignus, &c.

Mala quoque & peccata in ebrietate 276 commissa, ut cædes, vulnera, blasphemix, &c. si prævisa sint, ut verisimiliter secutura, vel prævideri potuerint, imputantur ad culpam; juxta communem Theologorum sententiam. Ratio est; quia sunt sufficienter voluntaria: qui enim vult causam, vult consequenter effectum saltem interpretative; si hunc cognoscat, vel saltem cognoscere possit probabiliter ex ea secuturum: ad culpam autem mortalem sufficit voluntarium indirectum & interpretativum. Ita S. Thomas, 1. 2. quæst. 77. art. 7. ubi, *Aliquid, ait, potest esse voluntarium vel secundum se, sicut quando voluntas directè in ipsum fertur; vel secundum suam causam, quando voluntas fertur in causam, & non in effectum, ut patet in eo, qui voluntariè inebriatur: ex hoc enim quæſt voluntarium ei imputatur, quod per ebrietatem committit.*

Imò peccata, quæ probabiliter secutura novit ebrius, vel prævidere potuit, ei

ei coram Deo imputantur, etiam si re ipsa postmodum non sequantur: quia istud est per accidens defectu Objecti. Et quia se exponere periculo probabili peccati mortalis, etiam illud non perficiatur, est peccatum mortale ejusdem speciei cum illo peccato, cuius probabile periculum adire voluit: nam hoc ipso tale peccatum indirectè, vel saltem interpretativè volitum est. Secus dicendum de peccatis, quæ nullo modo prævideri poterunt, quia nullo modo sunt voluntaria.

277 Filia peccati Gulæ ex parte animæ sunt, juxta S. Gregorium, 1mo. Hebetudo mentis, seu stupiditas orta ex crapula. Est mortalis, quando quis ex intemperantia sit ineptus ad intelligenda vel præstanda ea, quæ ei sunt ad salutem necessaria, aut ad quæ graviter obligatur. *Attendite vobis*, inquit Christus ipse Luc. 21. *ne forte graventur corda vestra in crapula, & ebrietate, & curis hujus vitæ: & superveniat in vos repentina dies illa, &c.* 2do. Inepta lætitia, quæ movet ad cantiones obscenas, actus turpes, choreas inhonestas, &c. mortalis est, quando inducit ad consensum, vel actum, vel delectationem mortalem, aut ad aliquid scandalum pariens. 3tio. Multiloquium, in quo invenietur stultitia, nec deerit peccatum, juxta illud Prov. 10. *In multiloquio non deerit peccatum.* 4to. Scurrilitas, quæ excitat ad infecora, vel turpia agenda aut dicenda, risus movendi causa.

§. IV.

De Luxuria.

278

Luxuria est inordinatus appetitus vel usus venereorum, seu voluptatis veneræ. Esse peccatum mortale ex genere suo constat 1mo. ex Apostolo Galat. 5. *Opera carnis*, inquit ibi, *quæ sunt fornicatio, immunditia, impudicitia, lu-*
P. Curyer Theol. Tom. III.

xuria. . . quæ prædico vobis, sicut prædixi, quoniam qui talia agunt, Regnum Dei non consequentur. 2do. Quia cum usus rei veneræ ex natura sua sit institutus ac necessarius ad conservationem & propagationem generis humani, censetur res gravis. Ergo inordinatio in hæc materia est in re gravi; ergo mortalis.

Luxuria dividitur in *perfectum* seu 279 *consummatam*, quæ consistit in voluntaria effusione seminis; & in *non consummatam*, in qua non intervenit effusio seminis. *Consummata* duplex est; alia *naturalis*, quæ est voluntaria seminis effusio, in qua servantur conditiones, quas postulat natura actus ad hominis generationem apti vel requisiti: alia *non seu unnaturalis*, vel *contra naturam*, in qua conditiones illæ non servantur.

Species luxuriæ consummatæ natura 280 lis sex ex jam dictis in Appendice ad Tract. de Justitia & Jure c. 2. §. 9. numerantur, *Simplex fornicatio, stuprum, raptus, adulterium, incestus, & sacrilegium*, quarum quinque ultimæ habent specialem, & notabiliter diversam inter se difformitatem superadditam luxuriæ.

I. *Simplex fornicatio*, ut loc. cit. di-281 ctum, est copula soluti cum soluta non virgine ex mutuo consensu extra matrimonium: solutos vocamus, qui nullo vinculo seu impedimento ab ineundo inter se matrimonio prohibentur. Diximus, *Non virgine*, nam ex S. Thoma, q. 154. art. 6. *Fornicatio est concubitus, qui fit cum mulieribus jam corruptis.* Fornicationem esse semper per se peccatum mortale fide constat ex Apostolo ad Ephes. 5. *Omnis fornicator non habet hereditatem in regno Christi & Dei.* Item 1. Cor. 6. & Galat. 5. *suprà* cit. Esse verò intrinsicè graviter malam, patet ex eo, quod per se graviter repugnet bonæ ac debitæ educationi prolis; hæc enim requirit operam viri & femine, qui sint inter se

LIIII

COO-

conjuncti lege matrimonii : alioqui ex natura rei incerta esset & periculo exposita prolis institutio. Undè ejusmodi inordinatio est gravis, utpotè in re magni momenti, qualis est bona prolis institutio. Et quamvis hoc incommodum posset impediri in aliquo casu, id esset per accidens, & nihilominus debuit à Deo auctore naturæ generaliter prohiberi pro omni casu ; nam alioqui homines cupiditate excæcati facili sibi fingerent & promitterent, illud incommodum cessaturum in multis casibus, in quibus non cessaret, cum magno prolis damno. Imò nunquam potest cessare hoc damnum & incommodum, quod est nasci extra matrimonium, & à parentibus lege matrimonii non obligatis ad curandam & rectè educandam prolem. Undè Innocentius XI. damnavit hanc propositionem : *Tam clarum videtur, fornicationem secundum se nullam involvere malitiam, & solum esse malam, quia interdicta, ut contrarium omnino rationi dissonum videtur.*

281 Cæterum fornicatio cum concubina est cæteris gravior : quia in concubinato homo non solum peccat, sed etiam manet in statu peccati, & in continua voluntate saltem virtuali peccandi. Quare concubinarius, quamvis mors imminet, absolvi non debet, quin prius concubinam ejecerit, nisi ejiciendi tempus omnino desit, tunc enim sufficit verum ejiciendi propositum. Imò etiam si eam domi non retineat, extra mortis articulum non est absolvendus, nisi prius habeatur experientia de ejus continentia.

282 Item fornicatio fidelis cum infideli est juxta omnes longè gravior, quam cum Catholica. Imò juxta aliquos hæc circumstantia mutat speciem : quia prohibitò ab Ecclesia matrimonio cum infideli in honorem Religionis Catholicæ, atque ob periculum malæ educationis prolium, & nimii amoris erga infidelem, & defectionis à vera fide : ita ob idem motivum censetur prohibita ab Ecclesia

quævis copula cum infideli, quæ semper vergit in dedecus Religionis. Ac proinde talis fornicatio est non solum contra castitatem, sed etiam contra virtutem Religionis, ac cultus veri Dei.

Item fornicatio in Christianis habet peculiarem deformitatem. Nam corpora nostra per Baptismum & Eucharistiam facta sunt membra Christi, & Tempia Spiritus sancti. 1. Cor. 6.

Copula verò cum alterius Sponsa præter luxuriam continet malitiam mortalem injustitiæ, positam in eo, quòd fides data violetur, & res alteri promissa, & ex justitia debita notabiliter corrumpatur. Quod idem de Sponso affirmant multi ; quia pariter violat in re gravi fidem datam.

II. Stuprum est concubitus, quo mulier Virgo extra matrimonium defloratur, seu corrumpitur. Qui concubitus si fiat Virgine coacta, vel per dolum seu fraudem deducta, præter malitiam fornicationis continet duplicem injuriam mortalem, unam factam Virgini, cui honor virginitatis per vim vel fraudem admittitur ; alteram ejus Patri, in cujus custodia manet.

Quòd si nec invita nec seducta fuerit, tamen ejus defloratio, præter fornicationis malitiam, continet tum injuriam illatam parentibus, qui jus habent tuendi integritatem corporalem suæ Virginis, donec nuptui collocetur, juxta illud Eccli. 7. *Filia tibi sunt ? serva corpus illarum.* Tum malitiam contra pietatem illis debitam, præbendo iis gravissimam mortis ac ignominie causam, & ob periculum augendi dotem, vel innuptam retinendi filiam. Item constituit feminam in gravi periculo deinceps peccandi, & aufert signaculum virginitatis : cui multiplici malitiæ cooperatur Stuprator. Quare circumstantia defloratæ virginitatis feminæ, etiam absque vi, dolo, fallis

falsis persuasionibus, debet in confessione exprimi, præsertim cum sit verum stuprum, ex S. Thoma 2. a. quæst. 154. art. 6.

285 III. Raptus est, cum persona aliqua per vim abducitur ab uno loco in alium, concubitus illiciti, vel alterius libidinis, aut etiam matrimonii causâ, sive sit mas, sive femina, nupta aut innupta, virgo aut corrupta: sive vis inferatur soli personæ abductæ, sive solis parentibus, sive utrisque. Unde duplicem continet malitiam mortalem, unam contra castitatem, alteram contra justitiam, ob injuriam illatam personæ abductæ invitæ, vel saltem invitæ ejus parentibus & tutoribus, dum constituta sub ipsorum custodia extrahitur ipsi rationabiliter invitæ. Gravissimæ poenæ in utroque jure contra Raptores statuuntur.

286 IV. Adulterium est concubitus personarum, quarum alterutra, vel utraque est conjuncta matrimonio cum alia tertia. Præter malitiam luxuriæ continet gravem injuriam tum contra conjugem; nam vir non habet potestatem corporis sui, sed uxor; nec uxor sui, sed vir; ut ait Apostolus 1. Cor. 7. tum contra matrimonii statum & sanctitatem.

Quod si confusus adulterantis consentiat, adhuc concubitus erit contra justitiam: quia est semper contra jus conjugii, & conjugis, ut conjux est; quo cedere valide non potest, eo quod ei competat non ad bonum privatum, sed ratione statûs, qui communis est. Unde cum cessio juris sit nulla, jus manet, & sic tunc violatur: ideoque semper est verum adulterium. Hinc Innocentius XI. damnavit hanc propositionem: *Copula cum conjugata, consentiente marito, non est adulterium: adeoque sufficit in confessione dicere, se esse fornicatum.*

287 Adulterium triplex est. Nam vel est copula conjugati cum soluta, vel soluti cum

conjugata, vel conjugati cum conjugata. Si femina sit conjugata, gravius est peccatum, quam si vir tantum, propter incommoda graviora, nempe incertitudinem prolis, suppositionem prolis alienæ cum damno mariti & veri hæredis, & sæpe impedimentum generationis. Unde hæc circumstantia declarari debet in Confessione etiam ab adultero, quia ipse cooperatur feminae ad illam gravitatem majorem, & ad pericula ac damna inde sequentia, aut nata sequi. Si verò uterque sit conjugatus, adhuc gravius est, quia est duplex adulterium, & duæ injuriæ mortales in utriusque conjugem, etiam in Confessione exprimendæ.

V. Incestus est copula personarum²⁸⁸ consanguinearum vel affinium intra gradum prohibitum. Opponitur castitati, & pietati; nam, præter luxuriæ fœditatem, continet turpitudinem contrariam reverentiæ consanguineis vel affinibus debita. Eò gravius est scelus, quò gradus est propinquior, qui proinde in Confessione exprimi debet: nam consanguineis & affinibus pro diversitate graduum diversus honor ac pietas debetur, & tunc violatur.

Item multò gravior est incestus cum consanguinea, quam cum affine, v. g. cum propria sorore, quam cum sorore uxoris: quia vinculum illud est multò arctius, nam plus est esse conjunctum ex proprio sanguine, quam ratione sanguinis uxoris; & consanguinitatis propinquitas, utpotè immediata ac naturalis, major est propinquitate affinitatis, quæ est duntaxat mediata & voluntaria. Imò incestus in consanguinitate differt specie ab incestu in affinitate: Nam reverentia debita consanguineis, quæ violatur, est notabiliter diversa à reverentia debita affinibus, cum habeat motivum notabiliter diversum, nempe communionem sanguinis & originem ab eodem stipite: ac proinde hi duo incestus habent turpitudinem notabiliter diversam.

||||| 2

Ince-

Incestus verò spiritualis, qui est copula illicita inter personas impeditas ob cognationem spiritualem ortam ex Baptismo vel Confirmatione, continet tùm malitiam propriam incestus, quatenus est copula inter personas vinculo spirituali conjunctas, cujus conjunctionis intuitu Ecclesia prohibuit inter illas matrimonia; tùm malitiam Sacrilegii, cò quòd prohibitio ista facta sit propter reverentiam debitam Sacramento, quæ reverentia violatur per talem copulam. Unde in Confessione debet explicari cognatio spiritualis in specie, ut innotescat utraque malitia.

289 VI. Sacrilegium venereum est violentio rei sacræ per actum luxuriæ. Unde duplicem continet malitiam mortalem, unam contra castitatem, & alteram contra Religionem, quæ gravis irreverentia Deo irrogatur. Res autem sacræ, quæ sic violari solent, sunt persona votò castitatis, etiam simplici obstricta, & locus sacer.

Quare Sacrilegium est 1mo. Omnis actus tùm externus, tùm etiam merè internus luxuriæ, sive consummatæ sive non consummatæ, à persona votò castitatis obstricta, vel ab alia cum illa aut circa illam commissus: ut sunt pollutio, copula, oscula, tactus, desideria, delectatio morosa, &c. Nam per tales actus violatur sanctitas personæ, quæ per votum castitatis corpus suum, & omnes suos affectus quoad voluptatem veneream Deo consecravit. Quòd si utraque persona sit sacræ, erit duplex Sacrilegium. 2do. Omnis actus venereus illicitus exterior est occultus, ut fornicatio, pollutio, & tactus impudici in loco sacro, nempe in Ecclesia, vel cemeterio. Nam sunt contra reverentiam loci sacri, & ejus intuitu ab Ecclesia prohibentur. Item copula conjugalitatis etiam occulta, quam non permittit sanctitas loci, & quæ in ejus reverentiam ab Ecclesia prohibetur. Porro tantò gravius est Sacrilegium,

quantò scædior est luxuriæ, quia tantò magis repugnat reverentiæ rebus sacris debitæ.

Not. Peccatum luxuriæ Confessarii cum sua poenitente continet malitiam duplicis sacrilegii tùm contra votum castitatis, tùm contra reverentiam Sacramenti, quod per hoc redditur odiosum & suspectum, maxime si sumatur ut medium ad peccandum. Imò licet tale peccatum non sit propriè incestus, quia non contrahitur cognatio spiritualis, nisi ex Baptismo & Confirmatione, *Cap. 3. de cognat. Spirit. in 6.* tamen habet etiam malitiam velut incestus spiritualis: nam est incestus quidam similitudinarius, ex *Cap. Non debet, 30. q. 1.* ubi dicitur: *Sic paniteat, quomodo de filia spirituali.* Et ex *Cap. Omnes* eodem tit. *Quia per panitentiam contrahitur quoddam fadus inter Sacerdotem & mulierem constituentem simile cognationi spirituali, ut tantum peccet eam carnaliter cognoscens, ac si esset sua spiritualis filia,* inquit S. Thomas, in 4. dist. 42. q. 1. a. 2. ad 8. Hinc circumstantia hæc in confessione exprimi debet. Hæc de Luxuria consummata naturali ejusque speciebus. Modò nobis agendum de Luxuria consummata contra naturam & ejus speciebus.

Cùm peccata luxuriæ consummatæ 290 contra naturam sint ea, in quibus non servantur conditiones, quas natura actus veneris postulat, ut ex eo possit conceptio hominis fieri; & hæ conditiones quinque sint, scilicet conjunctio duorum; eadem in utroque species; sexus diversus; organa seu vasa apta; & debitus modus: ideo sunt quinque ejusmodi peccata his quinque conditionibus opposita. 1mo. Mollities seu pollutio formaliter ac propriè sumpta, quæ est voluntaria seminis effusio sine ullo concubitu: sive illud foras effundatur, ut in maribus, sive intus diffusum in matricem, ut in scæminis. 2do. Inordinatus concumbendi modus,

modus, quo semen extra vas effunditur, ac effundendi periculum insertur. Est peccatum mortale (f), cum repugnet generationi, ad quam & semen ex natura sua ordinatum est; & quidem gravius pollutione, cum ei superaddat inordinatum congressum. Quod si modus debitus non servetur, sed vir succumbat, vel aversè accedat more pecorum, vel à latere stet aut sedeat, tunc modò diligenter avertatur periculum effusionis extra vas, juxta communem sententiam non est peccatum per se mortale, sed veniale grave, nec contra, sed præter naturam. Dicimus, *per se*, quia potest esse, & plerumque est signum concupiscentiæ mortalis, cum fit ex sola libidine sine causa, ut dicit S. Thomas. Sed nullum erit peccatum, si hoc fiat ex necessitate, cum scilicet ab dispositionem alterutrius corporis conjuges non possunt servare modum ordinatum; nam tunc alter modus non est incongruus respectu illorum, sed conveniens, modò diligenter avertatur periculum effusionis extra vas. 3tio. Sodomia imperfecta, quæ est commixtio maris cum fœmina non servatis debitis organis, seu instrumentis naturalibus. 4to. Sodomia perfecta, quæ est commixtio duorum ejusdem sexus, ut maris cum mare, vel fœminæ cum fœmina. Præter malitiam mortalem pollutione graviorem, potest habere alias adjunctas, ut adulterii, si fiat à persona conjugata, vel cum illa; Sacrilegii, si cum sacra; incestus si cum

consanguinea aut affini, &c. Debet autem poenitens explicare in confessione, an fuerit agens, vel patiens, quia ex parte agentis intervenit pollutio propria, quæ fortè non intervenit ex parte patientis (quamvis plerumque interveniat utrumque; & cum sic intervenisse noscitur, exprimi debet) nam diversa sunt peccata voluntariè pollui, & solum cooperari pollutioni alterius: aliud enim est non cohibere delectationem propriam illicitam, aliud procurare alienam.

Hæc Sodomia est diversæ speciei ab imperfecta. Nam non servare in copula carnali debitum sexum est deformitas contra rectam rationem notabiliter diversa à deformitate, quæ inest congressui, quo non servatur debitum instrumentum seu vas, servato debito sexu.

5to. Bestialitas, quæ est concubitus cum bestia, sive ejusdem, sive diversæ sexus. Est scelus cæteris gravius, nam magis dedecet naturam rationalem ad Dei imaginem factam; & diversitas speciei magis repugnat instituto naturæ. (g) Ad hoc revocatur congressus cum Dæmone in forma hominis vel bruti, qui præter malitiam luxuriæ contra naturam, est etiam contra virtutem Religionis, propter commercium & societatem cum capitali hoste Dei.

Porro hæc omnia peccata inter se specie differunt, nam singula habent specialem & notabiliter diversam deformitatem castitati repugnantem. Hinc Ale-

L I I I I 3 xan-

(f) Etiam in conjugatis.

(g) Congressum hunc cum Dæmone fictum asserit. & merum esse imaginationis vulnerare effectum ait Augustinus Calmer Abbas Senonensis Ord. S. B. Dissert. de apparitione Spirituum c. 32. ed quod, inquit, Dæmones sint substantiæ merè spirituales. Verùm hæc ratio constare non videtur cum iis, quæ postea eadem dissertatione c. 40. pag. 336. profert, scilicet substantias spirituales posse jussu aut permissione Dei apparere hominibus, ipsique exhibere corpora sensibilia & vera, in quibus & per quæ ea agunt, quæ ab ipsis fieri videntur; & quod ut hujusmodi corpora exhibeant, & agere, loqui, ambulare, edere &c. faciant, debeant producere corpora sensibilia, sive aërem condensando, sive substituendo alia corpora terrena, solida, & idonea ad similes functiones corporeas peragendas. Et c. 41. & 42. solvit id quod c. 32. dixerat.

xander VII. damnavit hanc propositionem : *Mollities, Sodomia, & Bestialitas, sunt peccata ejusdem speciei infima, ideoque sufficit dicere in confessione, se procurasse pollutionem.* Sunt etiam graviora aliis speciebus luxuriæ naturalis in ratione luxuriæ : nam per se sunt magis contra naturam & finem generationis. Aliquæ tamen ex his speciebus possunt esse graviores culpæ ex alia parte, ut scilicet involvunt malitiam alterius speciei, contra iustitiam, pietatem, religionem : nam simplex pollutio non est absolute majus crimen, quam concubitus cum matre, vel cum moniali. De pollutione autem sequentia veniunt resolvenda.

- 291 I. Pollutio voluntaria est per se semper peccatum mortale. Constat imo ex Apostolo 1. Corinth. 6. *Neque adulteri, neque molles Regnum Dei possidebunt.* Et Ephes. 5. *Omnis fornicator, aut immundus non habet hereditatem in regno Christi & Dei.* Pollutio autem est vera immunditia ac impuritas, & quidem specialis. 2do. Quia est intrinsece mala, & crimen simpliciter fornicatione gravius : nam graviter repugnat generationi & propagationi generis humani, ad quam ex natura sua ordinatum est semen humanum : ideoque gravem continet inordinationem, quam Scriptura indicat Genes. 38. ubi de Onan fundente semen in terra ait : *Et idcirco percussit eum Dominus, quod rem detestabilem faceret.* 3tio. Innocentius XI. damnavit hanc propositionem : *Mollities jure natura prohibita non est, unde si Deus eam non interdixisset, sapè esset bona, & aliquando obligatoria sub mortali.*

- 292 Quare secundum communem Doctorum sententiam, nullo casu, etsi non voluptatis, sed solum mortis vitandæ causâ, licet in se, vel in alio, quovis modo, pollutionem voluntariè procurare, admittere, vel intendere, aut ali-

quid sumere, ea intentione, ut, etiam in somno duntaxat, accidat. Nam ipse actus pollutionis independenter à delectatione, secundum se graviter repugnat generationi, quæ sola est finis humani seminis. Et ideo neque licet præbere aut sumere medicamentum ad corrumpendum semen. illudque emitendum viâ ordinariâ sine delectatione.

Porro de distillatione, quæ est fluxus²⁹³ humoris quasi mediæ inter urinam & semen, idem sentiendum est quod de pollutione, si fiat cum sensu delectationis venereæ. Cum autem fit sine ulla commotione spirituum genitalium, & absque omni carnali delectatione, de ea non est magis curandum, quam de sudore.

Verum dura nimis aliquibus fortè²⁹⁴ videtur hæc sententia, scilicet, neque mortis vitandæ gratiâ licere pollutionem in se vel in alio voluntariè procurare, admittere, &c. adjungetur : licet corporis sui partes abscindere ad vitæ suæ conservationem. Ergo in hunc finem licet pollutionem in se vel in alio procurare &c.

Sed negatur conf. & paritas. Disparitas est, quod partes corporis per se & primariò ordinentur ad totum constituendum : unde de illis disponere licet ad totius conservationem. At semen solum institutum est & ordinatum ad speciei propagationem : ideoque eo uti non licet, nisi modò ad speciei propagationem convenientem idoneò, & intra matrimonium.

Certè si nullo casu liceret seminis effusionem procurare extra actum conjugii, periculum esset, ne ob vehementem voluptatem, quæ in ea sentitur, homines passione excorcati & illecti eam licentiam facilè extenderent ad plures alios casus in detrimentum speciei humanæ, & sæpissimè illum casum adesse sibi falso persuaderent. Nam si simul voluptate frui,

frui, & onera educandæ prolis vitare liceret, impediretur propagatio generis humani. Undè ad commune bonum, & ad occurrendum periculis alijs futuris, debuit pollutio jure naturali prohiberi in omni casu. At cum abscissio membri sit de se molesta, periculum non est, ne extendatur ultra casus à natura concessos.

295 II. Diximus, quòd pollutio voluntaria sit per se semper peccatura mortale. Quia si non sit voluntaria nec in se nec in sua causa, ut sæpè fit in somno, vel quando ex causis naturalibus licitis oritur, non est peccatum, secluso consensu in delectationem. Nam omne peccatum, ut imputari possit, essentialiter voluntarium esse debet vel directè vel indirectè, aut interpretativè vel in se, vel in alio.

Pollutio tamen in somno facta mortalis est, si antè directè procurata est, vel si post somnum in ipsa evigilatione cum plena advertentia placuit ob delectationem venercam. Alijs non est peccatum, nisi indirectè procurata fuerit in excessu cibi vel potùs; quia nemo potest peccare in somno defectu libertatis. Ita S. Thomas, in 4. dist. 9. art. 4. Quòd si (ut multi docent) liceat evigilanti non impedire, sed permittere absolvi pollutionem jam in somno cœptam ad vitandum morbum (modò absit periculum consentiendi in delectationem venercam, ad quod opus est oratione) quia, inquit, est præcisè pati ex necessitate effusionem seminis, non autem illam procurare; tunc saltem est obligatio reprimendi delectationem per positivam displicentiam internam, nam non licet se habere indifferenter ad illam. Certò autem peccat, qui expergefactus promovet pollutionem in somno cœptam, addendo conarum: quia non præcisè patitur, sed positivè illam continuat.

Not. Sæpè pollutio, præter propriam malitiam, habet aliam in confessione

exprimendam, petitam vel ex qualitate personæ se polluentis, si est sacra vel conjugata: vel ex affectu ad aliam, cum qua desideratur concubitus, quæ si sit soluta, malitiam habet fornicationis; si sacra, Sacrilegii; si ejusdem sexus, Sodomiz; si conjugata, adulterii; &c. vel ex modo, quo se polluit, si nempe fiat per tactus mutuos cum alia persona; nam hæc circumstantia pertinet ad speciem Sodomiz, si ambo sint ejusdem sexus; ad incestum, si sint consanguinei aut affines; &c. Idem dici de alijs luxuriæ peccatis.

III. Desiderare pollutionem in somno 296 contingentem, ut natura levetur, seu sanetur, dummodò non intendatur ipsa pollutio, nec delectatio venerea, nec aliquid adhibeatur, ut pollutio in somno sequatur, peccatum non esse affirmat S. Antoninus 2. part. tit. 6. cap. 5. ubi ait: *Appetere habere pollutionem propter alleviationem naturæ tantum sine peccato, id est, sine hoc, quòd det operam, sed via naturali, non est peccatum.* Eum sequuntur alii; & ratio est, quia talis pollutio non procurata, sed via naturali proveniens, nullatenus est actus hominis, nec ejus voluntati subjectus, sed actus quidam & evacuatio naturalis, sicut sudor. Neque etiam peccatum esse credit S. Thomas de pollutione in somno inculpabiliter eveniente gaudere præcisè ob levamen naturæ & salutem corporis. *Si autem*, inquit S. Doctor, in 4. dist. 9. 2. 4. q. 1. *ad 5. placeat (pollutio hujusmodi) ut natura exoneratio, vel alleviatio, peccatum non creditur.*

IV. Est mortale ponere sine urgenti 297 necessitate actionem, ex qua tanquam causa propinqua prævidetur secutura pollutio, vel delectatio venerea, quamvis neutra aliundè intendatur, imò adsit propositum illos motus comprimendi, cum insurgunt. Quia imò. Lex naturalis obligans ad non procurandam pollutionem & delectationem venercam, simul obligat gravi-

graviter ad vitandas & auferendas causas horum motuum proximè excitativas, & per se in illos notabiliter influentes, ubi absit necessitas tales causas cohonestans. 2do. Merito effectus censetur voluntarius, & imputatur ponenti causam propinquam sine necessitate eam cohonestante. Hic graviter teneris ejusmodi actionem irreflexam deferere statim ob insurgentem pollutionem, vel delectationem veneream: nam si pergas in illa actione, effectus secutus censetur in illa volitus, volitio enim continuandi causam est virtualiter & moraliter volitio effectus.

Causæ autem seu dispositiones propinquæ horum motuum excitativæ sunt actiones, quæ per se sunt turpes, & naturæ excitare motus venereos, aut turpitudinis speciem habent, nisi propriæ vel alienæ necessitatis titulo cohonestentur, ut aspectus & tactus partium pudendarum proprii vel alieni corporis, præsertim diverſi sexus: lectio, auditio, locutio rerum valdè obcenarum, & ad libidinem allicientium, quamvis ex sola curiositate fiat.

298 Diximus, *sine necessitate*, nam aspectus & tactus partium pudendarum alterius corporis ob necessitatem medendi, non est peccatum, secluso affectu pravo & periculo consensus in delectationem veneream. Nam in tali casu pollutio fortè secuta non censetur voluntaria in causa, sed solum permixta; quia adest iusta ratio ponendi causam illam; & prosequenti jus suum non imputatur effectus præter intentionem secutus. Neque enim tenemur motus illos naturales & per se involuntarios impedire, cum adest iusta causa non impediendi, & absit periculum consensus. Sic Chirurgus exercens suam artem circa mulierem non peccat, etsi prævideat pollutionem inde secutam, modò absit periculum consensus in delectationem.

299 V. Ex communi non est mortale contra castitatem, ponere actionem, ex qua,

tanquam causâ, seu dispositione remota, & per accidens, prævideatur secutura pollutio, vel delectatio venerea, modò neutra intendatur, & absit periculum consensus in delectationem veneream. Quia imò. Cum illi motus facillimè & frequenter insurgant naturaliter, in estimatione prudenti non censentur sufficienter voluntarii in causa remota, ut imputentur illam ponenti ex alio fine; sed à solæ natura corrupta oriri censentur: alioqui enim homo teneretur abstinere à multis actionibus licitis ac necessariis, ne illos motus experiretur. Nec causæ illæ remotæ censentur moraliter illorum causæ; nec in illas consentiens censetur velle talem effectum, propter summam facilitatem, qua illi motus excitantur ex naturæ corruptione. 2do. Quia jus suum prosequenti non imputatur effectus per accidens & præter intentionem secutus.

Communitè tamen docent Doctores, tales causas sine iusta causa ponere esse veniale etiam contra castitatem: quia aliquantulum adversatur castitati, quòd sine utilitate honesta cogente ponatur causa remota & per accidens motuum castitati inimicorum, & ad malum incitantium.

Causæ autem remotæ & per accidens horum motuum sunt eæ, quæ nec sunt per se turpes, nec ad luxuriam, sed ad alios fines licitos per se ordinantur, nec turpitudinis speciem habent; sed vel per se honestæ sunt, ut auditio confessionum; vel indifferentes, ut equitatio, usus calidorum, Studium Medicinæ, & Casuum conscientiarum, medicamenta, &c. Quare hæc accedente honesta & utili causa, & secluso periculo consensus, sunt licitæ, quamvis præter intentionem ex his sequatur pollutio vel delectatio venerea: nam tunc illi motus censentur solum permixti, non voliti; eò quòd nulla sit obligatio relinquendi opus honestum & utile, propter motum inordinatum & indeli-

indeliberatum occasione illius ex natura corruptione, præter intentionem, & secluso periculo consensûs exurgentem.

Quòd si esset periculum probabile consentiendi in delectationem veneream (ut si pluries quis in tali occasione consenserit) tunc is, ex communi, tenetur ab illa actione, quantumvis honesta, & utili, v. g. auditione confessionum, abstinere; nam non licet se probabili peccandi periculo exponere.

300 VI. Qui cogitationes de rebus venereis non expellit, sed iis cum plena advertentia immoratur, si adsit delectatio venerea, quæ non reprimatur, vel periculum consensûs in illam, aut in rem cogitam, peccat mortaliter ratione talis delectationis vel periculi: venialiter verò, si advertentia sit solum imperfecta, ac semiplena, qualis est in semidormiente. Qui autem de talibus rebus cogitat ex iusta & honesta causa, v. g. ut tales res melius discernat ad Confessarii vel Medici munus rectè obeundum, non peccat secluso periculo consensûs in rem cogitam & delectationem: quia talis cogitatio non est mala, neque in se, neque in effectu, aut ratione periculi. Erit autem venialis culpa, si hoc ex mera curiositate fiat, seclusis delectatione venerea, & periculo consensûs in rem cogitam, & affectu in ipsam: quæ tamen omnia rarò absunt in cogitante de his rebus absque fine honesto; nam hæc materia est valde lubrica & periculosa.

Hæc de Luxuria consummata contra naturam, & ejus speciebz dicta sufficiant. Modò de peccatis Luxuriæ non consummatæ dicendum; quod etiam distinctis numeris præstabis.

301 I. Peccata Luxuriæ non consummatæ sunt desideria, delectatio morosa venerea, aspectus, amplexus & tactus impudici, oscula, verba obscena; gestus turpes, &c. sine effusione feminis. Ex dictis part. 2. c. 3. §. 4. jam constat,

P. Cartier Theol. Tom. III.

desiderium simplex et si inefficax actûs luxuriosi habere malitiam mortalem ejusdem speciei: sic desiderium simplex copulæ cum conjugata vel consanguinea habet malitiam adulterii vel incestus. Nunc ergo de cæteris duntaxat agendum.

II. Omnis delectatio morosa seu de-302 liberata venerea, vel etiam minima, extra conjugium quæsitæ aut admixtæ, est mortale peccatum, nec potest esse veniale ex levitate materiæ. Ita communiter Doctores. Antequam probetur assertum:

Not. 1mo. Delectatio morosa, ut jam alibi dictum, est delectatio deliberata, sive delectatio post sufficientem advertentiam admixta seu approbata, et si unico instanti. Dicitur enim morosa, non à mora temporis, quo durat, cum peccatum mortale unico instanti committi possit; sed à mora voluntatis, quæ post advertentiam sufficientem ei immoratur, eam acceptando aut non rejiciendo. Hinc potest esse delectatio morosa, quamvis instantanea, si nempe voluntas in eam advertenter per unicum instantem consenserit.

Not. 2do. Triplex est delectatio, nempe spiritualis, merè sensibilis, & venerea. Spiritualis est ea, quæ in sola voluntate residet sine ullo motu sensibili in corpore, sive quæ est independens ab omni motu sensibili in corpore: Hæc delectatio, si sit de actu mortali, est mortalis, & sumit speciem suam ab illo ut objecto. Delectatio merè sensibilis est, quæ oritur ex proportionem ac conformitate rei sensibilis cum organo sensûs, sine ulla commotione spirituum genitalium circa partes venereas: qualis est delectatio, quæ percipitur ex tactu rei blandæ, ex gustu, ex Musica, &c. Delectatio venerea est ea, quæ sentitur circa partes venereas ex commotione spirituum genitalium, seu gene-

M. man m m

ra-

ratiōi inservientium ; & de qua est Asefertum nostrum , quod sic

Prob. 1mo. Quia omnis delectatio venerea ex natura sua ordinatur ac tendit ad seminis effusionem , estque inchoatio quædam illius : nam in omni delectatione venerea fit quædam resolutio seminis , ejusque deductio ad partes venereas ; ut testantur Medici omnes. Ergo cum seminis effusio voluntaria extra actum conjugalem sit mortalis , ut patet ex dictis de pollutione & fornicatione , omnis actus ad illam ex se tendens & ordinatus , est per se mortalis : quippe dispositio sumit suam speciem ac malitiam moralem à forma ad quam disponit ; motus à termino , ad quem tendit ; medium à fine ; causa à suo effectu.

Prob. 2do. Inter omnes constat , moraliter & practice loquendo , minimam delectationem veneream quæsitam , vel deliberatè admissam extra conjugium habere annexum periculum proximum peccati mortalis ; eò quod difficillimum sit , & moraliter impossibile in re tam lubrica judicare ac determinare materiam levem , & , ob summam naturæ corruptæ in talia propensionem , sistere in certa delectationis parvitate , ita ut animus leviori delectatione illectus graviorem non appetat , nec admittat. Ergo certum est etiam speculative delectationem veneream vel minimam , quæsitam aut admissam , esse mortalem : cum certum sit etiam speculative omnem actionem , cui per se annexum est periculum morale peccati mortalis , esse mortaliter malam ; nam *qui amat periculum , in illo peribit* , Eccli. 3. & qui vult morale periculum peccati , vult saltem interpretativè ipsum peccatum.

Sed dices. In furto , in excessu cibi & potus dari levitatem materiæ ; ergo etiam in materia venerea datur talis levitas.

Resp. neg. tōnl. & parit. Disparitas est , quod rei vilis ablatio , levis excessus in cibo & potu per se non ordinatur ad actum mortalem , nec inducat periculum graviter peccandi. At delectatio venerea vel minima ex se ordinatur ad effusionem seminis mortaliter malam extra conjugium , & per se inducit periculum consentiendi majori delectationi.

III. Qui post sufficientem advertentiam negativè se habet ad delectationem veneream , eam neque approbando neque reprimendo ; tamen peccat mortaliter. 1mo. Quia voluntas tenetur reprimere positivè motus illicitos delectationis & sensualitatis , saltem per actum displicentiæ. Ita S. Antoninus , & alii communiùs cum S. Thoma , 1. 2. q. 74. a. 6. ubi ait : *contingere peccatum esse in ratione dupliciter. Uno modo , quando imperat illicitas passiones . . . Alio modo quando non reprimat illicitum passionis motum : sicut cum aliquis , postquam deliberavit , quod motus passionis insurgens est inordinatus , & ipsum non expellit.* 2do. Quia Concilium Tridentinum Sess. 5. Can. 5. definit concupiscentiam non posse nocere non consentientibus , sed viriliter per gratiam repugnantibus. Ergo ut non noceat , non sufficit mera negatio consensûs , sed requiritur repugnantia seu displicentiapositiva. 3tio. Tales motus sunt ex Objecto graviter inordinati , cum juxta omnes mortale sit illis positivè consentire ; item sunt ex natura sua dispositiones proximæ ad opus mortale , ad quod valde pertrahunt & alliciunt appetitum. Ergo graviter disconvenit naturæ rationali & legi divinæ se habere indifferenter ad illos ; & voluntas , cujus est regere passiones secundum rectam rationem ac legem divinam , tenetur illos expressè ac positivè reprobare per formalem displicentiam. 4to. Sicut non licet

et se habere indifferenter ad actus turpes ab alio circa se exercitos : ita nec ad motus turpes à Dæmone, vel ex naturæ corruptione in se excitatos. Sto. Illis motibus per se annexum est periculum intrinsicum rei mortaliter malæ, & consensûs in delectationem : nam ex se sunt dispositiones proximæ ad actum mortalem, nempe effusionem seminis, & per se vehementer alliciunt voluntatem ad consensum per sympathiam appetitus sensitivi cum rationali. Ergo requiritur positiva displicentia ad impediendum voluntatis consensum, sine qua non tollitur periculum consentiendi, cum moraliter impossibile sit voluntatem diu se negativè habere circa Objectum vehementer alliciens. Hinc illud Prov. 4. *Omni custodia serva cor tuum.*

Imò sola illa displicentia non sufficit, sed illi motus prorsus sunt expellendi, præsertim deferendo actionem, quæ eos excitat, nisi obstat causa iusta. Tum quia tunc sola displicentia non videtur satis sincera, cum vix discerni possit, utrum sit vera displicentia, an fallacia voluntatis sibi imponentis, & illis motibus frui volentis. Tum quia homo tenetur impedire & expellere motus per se graviter inordinatos, saltem cum abest iusta causa eos permittendi. Hinc teneris sub mortali actiones etsi leviter turpes, ut sunt visus, locutio, lectio rerum leviter obscenarum ex sola curiositate, dimittere statim atque excitant in te pollutionem, vel delectationem veneream vehementem. Ubi autem adeit iusta causa non sic expellendi, ut si probabilis timor sit, ne ex majore resistentia magis augeantur, aut illis depulsis majores insurgant, vel si ad illos motus expellendos dimittenda esset actio honesta necessaria vel utilis, v. g. auditio confessionum, studium casuum conscientiarum; tunc sufficit displicentia vera; alioquin homines deberent

semper esse anxii, & multa bona omittere.

Porro medium aptissimum compescendi motus illos est mentem statim aliò avertere; & si perseverent, orare, signò crucis se munire, oculos ad imaginem Christi Crucifixi convertere, cogitare de ejus Passione, de igne æterno, morte, &c. Interdum de re indifferenti, aut negotio, quod animum applicet, & à tali Objecto avocet.

IV. Delectatio morosa de actu luxuriz, v. g. copula cogitata contrahit non solum malitiam substantiæ operis, sed etiam circumstantiarum cognitarum et annexarum, & speciem mutantium. Ita S. Antoninus & alii post ipsum. Ratio est; quia talis delectatio versatur circa opus ut cogitatum. Ergo illius Objectum est id omne, quod cognoscitur; ac proinde non solum opus, sed etiam circumstantiæ illi annexæ & cognitæ, sunt ejus Objectum. Actus autem sumunt speciem ac malitiam à toto suo Objecto; & ad illam contrahendam sufficit voluntarium indirectum ac interpretativum. Hinc simplex delectatio de liberata de copula cogitata cum conjugata vel consanguinea pertinet ad speciem adulterii vel incestus.

V. Oscula, aspectus, tactus impudici, imò amplexus, oscula, & tactus partium etiam honestarum, ut faciei, manûs, sunt culpa moralis, si extra conjugium fiant ob delectationem veneream, quæ potest ex illis sequi etiam ibi sistendo: idem dicendum de tactu partium proprii corporis. Est communis, & constat ex dictis: nam mortale est extra conjugium querere aut averterenter admittere quamlibet delectationem veneream vel minimam, cum hæc parvitate materiæ non admittat, & ex se tendat ad sensus effusionem, ideoque ad pollutionem vel fornicationem in non conjugato.

mmmm 2

Hinc

Hinc, ut docet S. Antoninus, est etiam mortale permittere se tangi, etiam in facie vel manu ab eo, qui noscitur ad id moveri amore libidinoso: quia est cooperari & consentire alterius culpæ mortali. Digni autem sunt morte, non solum qui mala faciunt, sed etiam qui consentiunt facientibus, Rom. 1.

306 VI. Tactus partium pudendarum aut pudendis proximarum corporis diversi sexus sunt mortales, si fiant, vel admittantur sine necessitate medendi, et si non ob delectationem veneream, sed ex sola curiositate vel joco. Quia imo, Hi tactus ad delectationem veneream ex se tendunt, illamque valde excitant, & sic sunt causa illius proxima. Imò ex suapte natura ad effusionem seminis referuntur. Ergo simul cum illa graviter prohibentur; nam prohibita graviter re aliqua, prohibentur etiam graviter omnia, quæ per se ad illam excitant, & ordinantur. Deinde causa participat malitiam sui effectus. 2do. Hi tactus sunt impudici, & comprehenduntur nomine impudicitiz, quæ Galat. 5. ab Apostolo dicitur excludere à Regno Dei. Hinc, seclusa necessitate medendi, tactum partium inhonestarum in se permittere ab alio fieri, est mortale; & quisque tenetur, quantum potest, talia omnino in se impedire, & illis resistere, cum sint intrinsecè mala.

Item mortale est propria pudenda sine necessitate tangere, si delectatio venerea ex eo tactu oriatur & prævideatur: quia per se tendit ad pollutionem. Secus si tactus ille ex curiositate, & levitate duntaxat, absque libidine & delectationis ac pollutionis periculo fiat; quia deficit animus libidinosis, nec intervenit ea turpitudine, quæ in tactu alieno, nec idem periculum. Hoc tamen non omnino vacat periculo, nec peccatò: Unde etiam ejusmodi tactus vitandi sunt.

VII. Aspectus partium pudendarum, alterius sexus, item concubitus viri cum scærgina, quamvis non animò libidinoso, sed ex sola curiositate vel levitate mortalis est; quia ad veneream libidinem & pollutionem in hac naturæ corruptione per se multum excitat, & periculum morale consentiendi in delectationem veneream asserit, & honestati naturali valde adversatur.

Aspectus verò pudendorum ejusdem sexus, vel proprii corporis, aut coitus animalium ex sola curiositate vel levitate, seclusis affectu venereo, scandalo & periculo pollutionis, ac delectationis venereæ, juxta multos est solum venialis; quia nec graviter honestati adversatur, nec adeò ad luxuriam per se incitat. Potest tamen esse mortalis ratione periculi, spectata aspicientis speciali fragilitate; quod non raro adest in juvenibus, quare ab his graviter detestendi sunt. Et certò mortalis est, si fiat ex voluptate deliberatè quæsitæ.

VIII. Amplexus, tactus, & oscula 308 etiam in partibus honestis, ob solam delectationem merè sensibilem, & nondum actu veneream, sunt culpa mortalis inter personas diversi sexus libidinis capaces, saltem si fiant cum mora vel repetitione, quamvis expressè delectatio venerea non intendatur; quia illi actus sic exerciti per se non parùm excitant commotionem spirituum genitalium, & delectationem veneream, quæ physica quadam necessitate oritur ex tali delectatione sensibili, saltem repetita vel diuturna; & quia supposita propensione naturæ inordinata in voluptates carnis non possunt sic usurpari absque delectatione morosa venerea: aut saltem in hac naturæ corruptione ingerunt periculum morale delectationis venereæ, & consensus in illam; & sic sunt causaliter libidinosi, utpotè libi-

libidinis causa. Malitia autem talium actuum non solum ex fine, sed etiam ex effectu, quem pariunt, sumi debet. Hinc Alexander VII. damnavit hanc propositionem: *Est probabilis opinio, quæ dicit tantum esse veniale osculum habitum ob delectationem carnalem & sensibilem, quæ ex osculo oritur, secluso periculo consensu ulterioris, & pollutionis.*

309 IX. Amplexus, contactus manuum, oscula in facie, si juxta morem patriæ fiant urbanitatis, aut benevolentiae honestæ causâ, non sunt peccata per se; quia non sunt impudica, nec per se tendunt in actum venereum, & fiunt ob rationabilem causam. Ita communis cum S. Thoma 2. 2. q. 154. a. 4. Si verò ista fiant ex aliqua vanitate, joco, levitate, petulantia veniali, juxta multos sunt solum venialia, modò absit omnis affectus libidinosus, & periculum peccati gravis tam in se, quàm in alio, nec, habita ratione constitutionis personarum, delectationem veneream multum excitent.

Si autem ista sine causa exercita & patrata sint longiora, aut crebrius fiant inter personas libidinis capaces, sunt mortalia; quia arguunt affectum ad libidinem, & excitant delectationem veneream, afferuntque morale periculum consensus in illam. Nam in materia tam lubrica, quæ de se essent solum venialia, si repetantur, aut diutius protrahantur, fiunt mortalia, curiositate aut levitate in libidinem degenerante.

Quare admittens oscula morosa aut crebra aut indecentia, item tactus mammillarum, peccat mortaliter; quia cooperatur affectui libidinoso alterius, qui satis per ista indicatur.

310 Not. Oscula, amplexus ob delecta-

tionem veneream, tactus & aspectus impudici mortales supra dicti, ex communi sententia sunt ejusdem speciei mortalis ac actus consummatus, seu concubitus, ad quem suapte naturâ referuntur, quamvis actus iste non intendatur; quia sunt dispositio proxima ad concubitum, & media per se ad illum tendentia; quippe dispositio & media sumunt malitiam à suo termino & fine; ac proinde ista omnia contrahunt diversam speciem malitiam, pro diversitate personarum, à quibus, & circa quas exercentur; ut malitiam Sodomie, si cum simili sexu exercentur; adulterii, si cum conjugata aliena; incestus, si cum cognata, &c. Nam cum opera circa eas personas differant specie; ita etiam actus, qui sunt dispositio & media per se ad illa tendentia: quare circumstantia agentis & patientis exprimi debet in confessione. Impudicus verò sui ipsius tactus ad molliem pertinet, nisi aliò referatur ex intentione agentis.

X. Loqui, canere, legere, vel audire turpia & obscena est mortale, si fiat extra conjugium ob delectationem veneream, aut cum probabili periculo illius in se vel in aliis, aut cum animo se oblectandi rebus illis. Ita communis cum S. Antonino. Ratio est; quia delectatio venerea extra conjugium est ex Objecto mortalis, cum sit mortale ei consentire. Ergo est mortale intendere vel procurare illam, aut ejus periculum probabile in se vel aliis. Delectatio verò de actu turpi apprehenso est per se mortalis; ergo à fortiori & illam verbis fovere.

Secluso autem omni affectu venereo, & periculo delectationis veneris ac scandalii, turpia loqui, vel canere solum ex levitate, vel legere aut audire ex mera curiositate, est saltem veniale.

Mm mm m 3

Nam

Nam hæc adverſantur caſtitati, & prohibentur Ephel. 4. his verbis : *Omnis ſermo malus ex ore veſtro non procedit. &c. Etc. 5. Fornicatio autem, & omnis immunditia nec nominetur in vobis: ſicut decet ſanctos; aut turpitudō, aut ſtultiloquium, aut ſcurrilitas.* Tamen juxta S. Antoninum & alios non eſt mortale, quia non eſt per ſe gravis inordinatio. De hoc, inquit S. Antoninus part. 2. tit. 5. c. 1. §. 8. *nullo lubium eſt, quod, qui dicit verba turpia & liſciva hac intentione, ut ſe vel alium provocet ad luxuriam, vel ſe mente delectandi in locutione & cogitatione turpium, extra matrimonium, mortaliter peccat...* Sed ubi talia verba turpia dicuntur ex quadam levitate ad ſolatiū, quavis de ſe non videantur mortalia, quia peccata oris ſecundum Thomam permaximè judicantur quoad gravitatem peccati ex intentione proferentis: tamen per accidens poteſt eſſe mortale ibi, ratione ſcandali ſeu ruina inde ſequentis in mente alicujus, ut cum audientes ſunt debiles ſpiritu, & verba eſſent multum liſciva. Idem videtur dicendum de facientibus, vel cantantibus cantilenas plenas liſcivis.

Sed quia in praxi rarò abeſt periculum turpis deſiderii aut complacentiæ, ſive in proferente ac legente, ſive in audientibus; ſermoneſ, cantiones, vel lectiones rerum turpium ac liſcivarum in vel coram juvenibus aut aliis infirmis ſpiritu rarò vacant culpâ mortali: nam corrumpunt mores bonos colloquia mala, inquit Apoſtolus 1. Cor. 15. *Et præbent verba ad res ipſas ingreſſum,* ait S. Athanaſius. Hinc obſcœna proferens tenetur in confeſſione exprimere numerum eorum, quibus fuit occaſio turpis deſiderii vel delectationis. Qui verò alteri præbet occaſionem ſermonis turpis continuandi cum aliorum pe-

riculo, vel præſtat auctoritatem verbis turpibus, peccat mortaliter, etiamſi rem narratam interius non approbet: nam complacentia vel approbatio exterior rei mortalis eſt mortalis. Idem eſt de geſtibus turpibus ac de turpiloequiis, cum ſint etiam ſigna ad luxuriam incitantia, & de turpibus ſpectaculis & comœdiis. Qui autem libros turpes & amatorios habent, non ſunt abſolvendi, niſi illos comburant.

X. Omnis delectatio venerea, aſpe-³¹²ctus, & tactus turpis ſeu parrium pudendarum & quivis actus luxuriæ ſunt mortales in viduis & ſponſis. Itacommunis Ratio eſt; quia cum omnis delectatio venerea & actus libidinoſus ſuapte naturâ ordinetur ac tendat ad effuſionem ſeminis & copulam, eſt mortalis in non conjugatis; cum effuſio ſeminis & copula ſit in ipſis mortalis: nam medium à fine, & actio à termino, ad quem tendit, malitiam ac ſpeciem ſumit. Cum ergo copula tam ſit ſponſis, ac viduis illicita, quàm aliis ſolutis; tam etiam iis illicitus eſt omnis actus turpis & impudicus. Et verò cum ſponſalia ſint ſolùm promiſſio futuri matrimonii, non verò corporum traditio; nullum tribuunt jus præſens in corpus alterius in ordine ad copulam hic & nunc exercendam, nec proinde ad actus, qui ad illam per ſe ordinantur; ſicuti munus Judicis exercere hodie non licet ei, cui præciſè promiſſum eſt. Itaque ſponſis ſolùm licent amplexus & oscula honeſta, juxta morem patriæ, amoris honeſti ſignificandi & fovendi cauſâ. Hinc ſponſi non debent relinqui ſoli, ob periculum actuum impudicorum, vel etiam copulæ, ut S. Carolus & Doctores paſſim rectè monent.

XI. In

313 XI. In sponſis ac viduis mortalís eſt voluntaria delectatio carnalis, ſeu delectatio appetitus ſenſitivi de copula futura aut præterita, vel de copula apprehenſa ſub conditione, ſi ad eſſet matrimonium. Ita communis. Ratio eſt, Quia delectatio carnalis, quæ ex cogitatione futuræ vel præteritæ copulæ, vel conditionalis, oritur, eſt delectatio abſoluta, præſens, & conjuncta cum actuali commotione ſpirituum genitalium per ſe ordinata ad copulam præſentem: ſive carnalis illa delectatio eſt delectatio venerea præſens & voluntaria, quæ ex ſe ordinatur ad copulam præſentem, ideoque ſemper mortalís eſt in non conjugatis: nam copulæ præſens ſeu actualis ſemper eſt mortalís in non conjugatis, ergo & omnis actus ad illam ex ſe ordinatus ac tendens. Et verò appetitus ſenſitivus ſequitur imaginati- nem, quæ non poteſt præſcindere, nec apponere condiciones.

Porro ſunt qui docent poſſe excuſari à mortali eos, qui abſque commotione venerea apprehendunt actum conjugalem ut præteritum vel futurum, approbantes, quòd illum exercuerint, aut exercituri ſint; eò quòd non approbent illud opus, niſi quatenus fuit vel erit eis licitum, ſed monent, ealem mentis apprehenſionem, cum vix poſſit eſſe ſine delectatione venerea, eſſe ſtatim rejiciendam, & nunquam accerſendam. Neque enim eſt in noſtra poteſtate ſiſtere in delectatione merè ſpirituuali, dum certa objecta apprehendimus.

314 Filiz Luxuriæ octo recenſentur à SS. Gregorio & Thoma. Quatuor ex parte intellectus, nempe cæcitas mentis, præcipitatio, inconsideratio, & inconfiantia: quæ ſunt mortales, quando

per eas præceptum aliquod in re gravi violatur. Imo. Amor ſui inordinatus, quo luxurioſus carnem ſuam & carnis voluptates ita diligit, ut in liſ ſinem ultimum ponat, ſuas cogitationes ac curas ad illarum affectionem referendo. 2do. Odium Dei, qui voluptates illas graviter vetat & punit. 3tio. Affectus præſentis ſæculi, hoc eſt, vitæ præſentis & rerum eam oblectantium, quo ita iſtis inhæret, ut contentus eſſet in hoc mundo ſemper manere, de cœleſtis beatitudinis conſecutione haud ſollicitus. 4to. Horror & deſperatio futuri ſæculi: horror quidem, quia ſcit ſe poſt mortem impuris voluptatibus privatum iri, & earum locò ſupplicia acerbiffima ſubiturum. Deſperatio verò, quia obſcenas voluptates deſerere quaſi impoſſibile reputat. Hæc quatuor ſunt mortalia.

Remedia autem contra Luxuriam; ſunt iſta. 1mo. Oratio humilis & frequens: nemo enim poteſt eſſe caſtus, niſi Deus det, Sap. 8. v. ult. 2do. Mortificatio & cuſtodia ſenſuum, maxime viſus. *Virginem ne conſpicias, ne fortè ſcandalizaris in decore illius . . . Averte faciem tuam à muliere compta, & ne circumſpicias ſpeciem alienam. Propter ſpeciem mulieris multi perierunt: & ex hoc concupiſcentia quaſi ignis exar-deſcit.* Eccli. 9. Et S. Auguſtinus Epiſt. 109. ait: *Oculi veſtri etſi jaciuntur in aliquem, ſigantur in neminem . . . nec ſo-lo tactu, ſed affectu quoque & aſpectu appetitur, & appetit ſæmina. Nec dicatis vos habere animos pudicos, ſi habeatis oculos impudicos.* 3tio. Sobrietas ſeu ulus moderatus vini, quod non ſolum modicum, ſed etiam aqua permixtum ſit, præterim in juvenibus: nam *Luxurioſa res vinum,* inquit Sapiens Prov. 20. Item abſtinentia ſeu modera-
tus

tus esus ciborum; nam copia nimia humorum & sanguinis suppeditat materiam tentationum carnis: temperantia autem superfluitatem humorum impedit ac tollit. Unde Ezech. 16. dicitur: *Ecce hæc fuit iniquitas Sodoma, superbia, saturitas panis, & abundantia, & otium ipsius & filiarum ejus . . . & fecerunt abominabiles coram me.* 4to. Vitatio occasio- num; quales sunt familiaritates & colloquia inter personas diversi sexus, frequentatio improborum, lectio librorum obscenorum & amatoriorum, choreæ, comædiæ, spectacula, &c. Hoc vitium namque fugiendo vincitur. *Contra libidinis impetum apprehende fugam, si vis obtinere victoriam,* ait S. Augustinus. Et qui amat periculum, in illo peribit. Eccli. 3. Quocirca monendi sunt parentes, ne unquam lectum commune permittant liberis diversi sexus, etiam fratribus & sororibus; nec patiantur secum liberos decumbere in eodem lecto; nec, si grandiores sint, in eodem cubiculo. Hoc enim perniciosum est eorum castitati, ut experientiâ constat. 5to. Fuga otii, *Multam enim malitiam docuit otiositas.* Eccli. 33. 6to. Frequens Confessio & Communio cum debitis dispositionibus. 7mo. Carnis macerationes, & jejunia, cilicium, catena ferrea, &c. Nam *hoc genus non ejicitur nisi per orationem & jejunium.* Matth. 17. Et contraria contrariis curantur. 8vo. Eleemofynæ, & alia charitatis opera, quæ valent ad obtinendas à Deo uberiores ac prestantiores gratias. 9no. Assidua piorum librorum lectio, & meditatio Passionis Christi, ac æternorum. *In omnibus operibus tuis memorare novissimam tuam, & in æternum non peccabis.* Eccli. 7. 10mo. Occurrente tentatione cogitare Deum adesse præsentem, justum peccati vindicem, & virtutis re-

muneratorem; & sæpe animòolvere illud S. Gregorii: *Momentaneum est quod delectat, æternum quod cruciat.* 11mo. Initio tentationis fortiter resistere, statim avertere cogitationem ad quidvis aliud licitum primò occurrens, sed præsertim ad Passionem Christi, &c. *Diabolus serpens est lubricus, cujus si capiti, hoc est, primæ suggestioni non resistitur, totus interna cordis, dum non sentitur, illabitur;* ait S. Hieronymus in Ecclesi. cap. 9. Et Jacob. 4. *Resistite diabolo, & fugiet à vobis.* Si nihilominus tentatio duret, orare, cogitare de morte, de pœnis inferni, &c. Intueri imaginem Christi patientis, vel eum animò contemplari, signò crucis communi- nire; considerare neminem quantacumque fame prematur, sumpturum esse cibum, si sciret venenum ei esse admixtum, quo sumpto certò periturus esset: *Nunquid potest aliquis gustare, quod gustatum affert mortem?* Job. 6. Quantò magis metus certæ mortis animæ terrorem incutere debet. 12mo. Nascentem voluptatis sensum præsentis aliquo dolore accito extinguere.

Denique multum juvabit habere stabilem Confessarium pium ac prudentem, ejusque pia consilia sequi: nam suggeret remedia, quæ penitenti erunt utiliora, & huic tentationi superandæ aptiora.

Cæterùm hæc remedia non tantum valent contra carnis & Luxuriæ vitium, sed etiam adhiberi possunt adversus quæcumque alia vitia & tentationes.

§. V.

De Ira.

916

Ira ex procemio nostro est ulciscendi libido, seu est ardor animi perturbatione incitati ad vindictam; vel brevius, est inordinatus appetitus ad vindictam.

Ira est inordinata dupliciter. 1mo. Ex parte Objecti, cum quis vindictam optat ei, qui non meruit, vel maiorem quam meruit, vel inferendam sine legitima auctoritate; vel licet sit iusta, non tamen eam appetit, ut iustam, sed ut satiativam animi sui malevoli. Ira sic inordinata est peccatum mortale ex genere suo, cum sit contra charitatem & iustitiam. Hinc ad Galat. 5. Ira numeratur inter opera carnis excludentia à regno Dei. Potest tamen esse venialis ob defectum sufficientis advertentiae, vel ob levitatem materiae.

2do. In modo irascendi: *Utpote*, ait S. Thomas 2. 2. q. 158. a. 3. *si quis nimis ardens irascatur interius, vel si nimis exterius manifestet signa ira*. Potest tamen esse mortalis ratione scandali, blasphemiae, injuriae, convitii, maledicti, &c. Quae ex nimia ira commotione oriuntur.

317 Filiae irae sunt 1mo. Indignatio, quae est animi commotio contra alium ob malum ab illo acceptum, quia hoc indignum reputat. Sæpè venialis est: mortalis verò ratione maledicti, contumeliae, gravis odii, contemptus, vindictae, vel scandali. 2do. Tumor mentis, qui est æstus quidam exardescens animi, & excogitantis diversas vindictae vias. Mortalis vel venialis est, pro qualitate vindictae excogitatae & expetitae. 3tio. Clamor, qui est inordinata & confusa locutio. Potest esse mortalis ratione convitii, maledicti, scandali, &c.

Denique Blasphemia, contumelia, maledictio, rixa, pugna, seditiones, vul-
P. Cartier Theol. Tom. III.

nera, homicidium. Quae omnia sunt ex genere suo mortalia, utpotè contra charitatem & iustitiam.

Irae remedia sunt considerare quam sit iniusta & perniciosa; orare; meditari mansuetudinem Christi; nihil unquam agere & loqui ex motu vel in motu irae, sed solum postquam sedatus est; omni cura impedire irae motum, & excicatum statim reprimere; exercere frequentes actus charitatis, mansuetudinis, patientiae, humilitatis, &c.

§. VI.

De Invidia.

319

Invidia est tristitia seu vehemens moror de bono alieno, quatenus videtur imminuere gloriam vel excellentiam nostram, quia nempe in eo bono à proximo nostro æquatur vel superatur. Ad eam revocatur gaudium de malo alieno, quatenus id bonum invidentis æstimatur. Moralis est ex genere suo, nam directè opponitur charitati, cuius est de bono proximi gaudere, & de illius malo tristari; & Galat. 5. Invidia dicitur excludere à regno Dei. Estque diabolicum vitium: *Invidia Diaboli mors introivit in orbem terrarum: imitantur autem illum, qui sunt ex parte illius*. Invidia autem sumpta pro habitu est vitium inclinans ad talem tristitiam, & ad gaudium prædictum.

Juxta S. Thomam 2. 2. q. 16. a. 2. 120 Tristitia de bono alieno potest contingere quatuor modis. 1mo. Cum quis dolet de bono alicujus v. g. potestate, quantum ex eo sibi vel aliis damnum timet: talis tristitia est licita, si inde timeas malum certo injustè inferendum, ob quod liceret eum privare tali bono, si haberes potestatem ad id legitimam: secus est illicita. 2do. Potest quis dolere de bono alterius, non ex eo, quod ipse

ipse habeat bonum, sed ex eo, quòd sibi desit bonum illud, quòd alter habet, ità ut minimè cupiat alterum illo carere. Et hoc non est invidia, sed æmulatio, quæ, sit sit circa bona spiritualia & honesta, laudabilis est: si autem sit de bonis temporalibus, potest esse cum culpa, & sine culpa, prout bonum est dolenti proportionatum & necessarium; vel improporionatum & superfluum, & prout refertur ad bonum vel malum finem. 3tio. Cùm quis dolet de bono alterius, quia is eo indignus est. Quæ tristitia mortalis est, si sit de bonis supernaturalibus; vel si quis Dei providentiam arguat, quòd peccatoribus bona temporalia largiatur, & bonos affligat; nam est Blasphemia. 4to. Cùm quis dolet de bonis alicujus, in quantum alter æquat, aut superat ipsum bonis illis. Hoc est propriè invidia: *Et istud semper est pravum*, ait S. Thomas, *quia dolet de eo, de quo gaudendum est, scilicet de bono proximi.*

321. Invidiæ Filix sunt 1mo. Odium. 2do. Detractio. 3tio. Gaudium in malis proximi. 4to. Sufurratio, quæ, ut alibi jam adnotavimus, est sermo, quo sine justa causa refertur alicui de alio aliquid aptum ad dissolvendum ejus amicitiam cum illo. Mortalis est contra justitiam; quia per illam grave damnum proximo injustè inferitur. Nam quisque habet jus, ne per injuriam, seu sine justa causa privetur amicitia alterius, quæ est magnum bonum juxta illud Eccli. 6. *Amicus fidelis protectio fortis: qui invenit illum, invenit thesaurum. Amico fideli nulla comparatio, &c.* Hinc illud Eccli. 28. *Sufurro & bilinguis maledictus: multos enim turbabit pacem habentes.* Ad sufurrationem mortalem sufficit, quòd sine justa causa referatur alicui de alio aliquid aptum ad dissolvendam ejus amicitiam cum illo, licet referatur sine intentione eam dissolven-

di; quia tunc ponitur injustè & voluntariè causa dissolutionis amicitie. Quare, ut jam alibi observavimus, Sufurro tenetur restituere, in quantum potest, amicitiam injustè ab ipso ablatam, & alia damna inde secuta, perindè ac detractor famam, cum sit causa injusta talium damnorum.

Alia, nempe odium, detractio, & gaudium in malis proximi, sunt etiam mortalia ex genere suo. Undè ad Rom. 1. inter eos, qui digni sunt morte, recensentur: *Pleni invidia, malignitate, sufurriones, detractores, sine affectione, &c.*

Invidiæ remedia præter orationem 322 sunt 1mo. Considerare te non ideò minus habere; invidiam invidenti nil prodesse, nam non ideò alter carebit bonò, quod tu ei invides, nec tu illud obtinebis, etiamsi eo careat: quin imò gravissimum inferre malum, privando invidum gratià ac amicitia Dei & beatitudine æterna: è contrà gaudendo de bono proximi propter Deum, te mereri augmentum gloriæ æternæ, quod est bonum. ininitè majus omnibus bonis temporalibus. 2do. Sæpè gaudere de bono proximi, quia est proximus, quem sicut te ipsum diligere debes propter Deum. 3tio. Gratificari ei, cui invides, illum laudare, orare Deum pro ejus bono, & gratias agere Deo propter beneficia ab eo in ipsum collata, &c. 4to. Humilitas & contemptus gloriæ ac honoris humani. *Non efficiamur inanis gloriæ cupidi*, inquit Apostolus Galat. 5. *invicem provocantes, invicem invidentes.*

§. VII.

De Acedia.

323

Acedia dupliciter sumitur, latè scilicet, & strictè. Acedia latè sumpta est quodvis tædium, seu animi remissio in exercitio virtutum, ob laborem seu molestiam

lestiam ac difficultatem adjunctam. Sic sumpta non est vitium speciale, sed generale: quia, ut ait S. Thomas, omne vitium refugit bonum virtutis oppositæ; estque contra illam virtutem, cujus actus refugit. Est autem peccatum mortale vel veniale, prout ex illa violatur præceptum in re gravi vel levi.

Acedia strictè sumpta est tristitia & tædium de divina amicitia apprehensa ut mala, propter adjunctam difficultatem illius obtinendæ & conservandæ per laboriosa virtutum exercitia, & voluptatum illicitarum fugam: undè fit, ut quis amicitiam illam non curet. Sic sumpta est vitium speciale, & per se mortale; nam specialiter & graviter charitati Dei repugnat. Utramque hanc Acediæ speciem, data illius à nobis in proœmio nostro definitio comprehendere videtur.

324 Acediæ Filix sunt imo. Malitia; qua quis odit bona spiritalia, & vellet ea non esse; aut qua ipsum pœnitet bonum fecisse; aut qua contemnit Dei beneficium, v. g. cupiendo non agnovisse Christum, non fuisse Religionem professum &c. ob difficultates, quæ in Dei obsequio superandæ sunt. Est mortalis ex genere suo. 2do. Pusillanimitas. 3tio. Desperatio. 4to. Rancor, qui est indignatio & fastidium adversus eos, qui ad virtutum opera & fervorem inducunt, ideoque eos refugit. 5to. Torpor, qui est languor animi, quo bonum vel omittitur, vel negligenter fit. Est mortalis, si bonum sit graviter præceptum; & semper valde periculosus est, disponitque ad mortale. 6to. Evagatio mentis in oratione, aliisve exercitiis spiritalibus. Mortalis est in oratione vel exercitio spiritali graviter præcepto, si in parte notabili voluntariè duret: venialis verò in oratione non præcepta, nisi sit circa Objecta graviter illicita, quæ placeant.

325 Præcipua Acediæ remedia sunt Oratio; Omnis Religiosis & pietatis exercitia; Quotidiana Meditatio rerum Cœlestium;

Laborum ac Passionis Christi & Sanctorum; Perfectionum ac beneficiorum Dei; Præmium servidæ Charitatis; Brevitatis laborum, æternæ beatitudinis; Damnum teporis, &c. Lectio librorum Spiritualium; Quotidiana Missæ auditio; Frequens Confessio & Communio cum debitis dispositionibus; Temperantia; Fuga otii; Macerationes carnis, &c.

CAPUT II.

326

De peccatis, quæ opposita sunt Virtutibus Theologicis.

Quemadmodum tres numerantur virtutes Theologicæ, nimirum Fides, Spes, & Charitas: ita etiam triplicis generis peccata iisdem opposita recensentur. Alia enim virtuti Fidei, alia virtuti Spei, alia denique virtuti Charitatis opponuntur. De hoc igitur triplici peccatorum genere distinctis paragraphis hic nobis disserendum venit. In primo de peccatis Fidei oppositis; in secundo de peccatis Spei contrariis; & in tertio denique de peccatis, quæ Charitati adverfantur, tractabimus.

§. I.

De peccatis Fidei oppositis. 327

Generatim unicum peccatum Fidei opponitur, nempe Infidelitas, quæ est carentia Fidei; quæ trifariam dividitur, scilicet in Infidelitatem specificè sumptam, Hæresim, & Apostasiam. Infidelitas specificè sumpta est carentia seu privatio fidei in eo, qui fidem seu Baptismum nunquam suscepit, ut Pagani, qui idola colunt; Mahumetani, & Judæi. Hæresis est carentia fidei in eo, qui ex parte recedit à fide, quam amplexus fuerat in Catechumenatu vel Baptismo. Apostasia verò est privatio fidei in catechumeno vel Baptizato,

N n n n 2

zato,

zato, qui totaliter fidem, & auctorem ejus Christum abjicit, transiitque sive ad Paganismum, sive Mahumetismum, sive Judaismum.

Additur ab aliquibus quarta peccati contra fidem species, nempe Atheismus, quo quis nullum agnoscit Deum, ne quidem falsum cum Paganis. Verum ut alibi jam adnotavimus, verum Atheismum impossibilem judicamus.

- 328 Infidelitas triplex est: scilicet, negativa, privativa, & positiva. Infidelitas purè negativa & carentia seu privatio fidei in eo, qui de fide nunquam vel minimum audivit; peccatum non est, sed tantum pœna peccati, ut inquit S. Thomas q. 10. a. 1. Et constat ex Joan 16. *Si non venissem, & locutus fuisssem eis, peccatum non haberent: nunc autem excusationem non habent de peccato suo*, Infidelitatis scilicet. Nec non ex hac Baji propositio-
ne damnata: *Infidelitas purè negativa in his, in quibus Christus non est predicatus, peccatum est*. Ratio est; quia omne pec-
catum est voluntarium vel in se vel in alio. Atqui hæc infidelitas non est volun-
taria neque in se, utpotè in se non cogni-
ta; neque in alio, quia nil faciunt in-
fideles illi, undè cognoscant, aut cogno-
scere possint sequi infidelitatem illam. Quare ejusmodi infideles damnabuntur quidem propter peccatum originale & peccata personalia contra legem natura-
lem commissã, non tamen propter infi-
delitatem.

- 329 Infidelitas privativa est carentia fidei in eo, qui vel fidem seu Evangelium non vult audire, vel sufficienter propo-
sitæ non assentitur, vel non inquit, quando est sufficienter proposita, ita, ut teneatur inquirere, quamvis nec positi-
vè dissentiat, nec errorem Fidei aut Evangelio contrarium asserat. Est pec-
catum mortale ex Joan. 3. *Qui non cre-
dit, jam judicatus est*. Nam est omissio voluntaria medii ad salutem necessarij, & à Deo præcepti.

Infidelitas positiva est privatio fidei 330 in eo, qui Evangelium sufficienter au-
divit, & ei contradicit positivè, scilicet vel negando veritatem Fidei seu Evange-
lii, vel errorem eidem contrarium asserendo. Est mortale peccatum contra fi-
dem; nam continet gravem injuriam ac contemptum primæ veritatis, seu aucto-
ritatis Dei revelantis.

Ad infidelitatem positivam reducitur 331 Hæresis, quæ definitur, hominis Chri-
stianismum profitentis error pertinax contra veritatem immediatè à Deo re-
velatam, & ab Ecclesia propositam.

Dicitur 1mo. *Hominis Christianismum profitentis*; quia ex dictis, hæresis est fidei jam susceptæ ejurationi.

Dicitur 2do. *Error pertinax* id est in deliberata voluntate dissentendi, & contradicendi constitutus, id enim de ratio-
ne pertinaciæ est. Fides namque amitti-
tur per hæresim seu pertinacem erro-
rem, non per errorem simpliciter, ut patet in aliquibus Sanctis, qui errarunt circa aliquas fidei veritates. *Qui senten-
tiam suam, quamvis falsam atque perversam, nulla pertinaci animositate defendunt . . . corrigi parati, cum invenerint, nequaquam sunt inter bareticos de-
putandi*, inquit S. Augustin. ep. 43. aliàs 162. relata Cap. *Dixit Dominus* 24. q. 2. Ergo qui ex ignorantia etiam crassa, aut assectata aliquid fidei contrarium credit, quamvis ob negligentiam culpandus sit, hæreticus tamen non est; quia error il-
lius est sine pertinaciâ. *Errare potero*; ait S. Augustinus, *sed bareticus non ero*, nimirum quia se sentiebat paratum de-
ferre judicio Ecclesiæ.

Dicitur 3tio. *Contra veritatem imme-
diatè revelatam*; quia si quis affirmet aut neget contra conclusionem aliquam Theologicam, quæ mediatè tantum re-
velata est, propositio ejus dicitur erro-
nea, non autem hæretica: si contra communem Theologorum sententiam, pro-

propositio est temeraria: si verba tendant ad solvendam Ecclesiæ unitatem, turbasque excitandas, propositio est Schismaticâ: si in peccatum inducant, & ab officiis pietatis avertant, propositio est scandalosa.

332 Denique ex dictis Apostasia est etiam species Infidelitatis; atque definitur, totalis defectio seu recessus à fide Christiana per Baptismum suscepta. Non differt ab hæresi nisi accidentaliter, scilicet secundum magis & minus. Apostasia quippe est totalis desertio fidei & auctoritatis ejus: Hæresis verò est desertio duntaxat quorundam dogmatum. Imò hæc ambæ ab ipsa etiamnum infidelitate accidentaliter duntaxat differunt; quatenus scilicet una se ad plura extendit quam alia, atque in diverso subjecto reperitur. Sic v. g. Apostasia à fide ad plura se extendit, quam hæresis, & reperitur in alio subjecto quam infidelitas. Essentialiter verò minime inter se differunt; nam omnes pugnant contra unam speciem virtutem Fidei, & contra unicum ejus Objectum formale, nimirum revelationem divinam ab Ecclesia propositam. Baptizatus tamen in Confessione Sacramentali teneretur exprimere, an à Fide recessisset per Apostasiam, vel per Atheismum, positò, quòd talis dari possit, vel per hæresim duntaxat; quia duo priora peccata longè sunt graviora. Adde, quòd Apostasia vulgò sit transitus ad professionem falsæ & Christianæ Religioni prorsus oppositæ Religionis, putà ad Paganismum, vel Mahumetismum, vel Judaismum. Porro superstitiosi hi cultus sunt peccata specie distincta.

333 Præter hanc à fide Apostasiam, quæ propriè Apostasiam nomine venit; adhuc tres aliæ numerantur, scilicet Apostasia ab obedientia, à Religione, ab Ordine.

Apostasia ab obedientia est ea, qua quis præcepta Prælati non solum negligit, quod est inobedientia, sed in-

super iis formaliter se opponit, eaque contumax abjicit.

Apostasia à Religione, est criminosa recessio à quolibet Ordinis Religiosi instituto, cum proposito non revertendi, sive retineatur habitus, sive abjiciatur.

Dicitur imò. *Criminosa recessio*, quia qui licitè recedit, ut electus ad dignitatem Episcopalem, non est Apostata. Dicitur 2do. *A quolibet Ordinis Religiosi instituto*: Si quis enim sine dispensatione recedit ad laxiorem Ordinem seu Religionem, quamvis graviter peccet, imò excommunicationem incurrat, si sit ex Ordine Mendicantium, ex *Extravag. 1. de Regularibus*; non est tamen Apostata. Dicitur 3tio. *Cum proposito non revertendi*: Qui enim habet animum redeundi, aut permanendi in statu Religioso, vagus est, non Apostata, etiamsi habitum ad tempus dimiserit. Sed Religiosus professus habitum temerè dimittens, incurrit excommunicationem, *cap. Ut periculosa, tit. Ne Clerici vel Monachi in 6to*. Censetur autem habitum dimittere, qui omninò abscondit, ità ut nullum signum præferat, quo Religiosus deprehendi possit.

Apostasia ab Ordine est ea, qua quis à sacris Ordinibus, dimisso habitu, transit ad statum laicæ conversationis, ut putà conjugii.

His ita circa triplicem infidelitatem virtuti Fidei oppositam positis & explicatis, modò resolvendæ sunt sequentes questiones.

I. Quæritur, num debeant à Principibus tolerari Infidelium ritus?

Resp. Vel infideles sunt politicè subditi: vel non sunt subditi. Si primum, possunt impediri eorum ritus, quia Principes jus habent impediendi in suo Regno ea, quæ pugnant adversus legem naturæ, ut idololatria; vel adversus veram Religionem, ut hæresis; sermo enim infidelium ut cancer serpit, & facile pacem Reipublicæ perturbat. Hinc

N n n n n ; leges

leges tùm Constantini de claudendis Pa-
ganorum Templis, & Sacrificiis abolen-
dis; tùm aliorum Imperatorum de Hæ-
reticis puniendis. Princeps tamen Christianus
iusta de causa potest tolerare ritus
infidelium subditorum; quia *humanum
regimen*, inquit S. Thomas, q. 10. a. 11.
*derivatur à divino regimine, & ipsum
debet imitari. Deus autem, quamvis sit
omnipotens & summè bonus, permittit ta-
men aliqua mala fieri in universo, quæ pro-
hibere posset; ne eis sublevis, majora bona
tollerentur; vel etiam pejora mala seque-
rentur. Sic ergo in regimine humano
illi, qui præsumunt, rectè aliqua mala to-
lerant, ne aliqua bona impediuntur, vel
etiam ne aliqua mala pejora incurvantur,
sicut Augustinus dicit in libro de Ordine,
aufer meretrices de rebus humanis,
turbaveris omnia libidinibus.*

Si verò secundum, si nempe infideles
hujusmodi subditi non sint, tolerari de-
bent, nec licet eis bellum inferre præci-
sè ob injuriam illatam Deo per idola-
triam, incestus, adulterio, &c. quia
ad horum vindictam sumendam requiri-
tur jurisdictio, qua carent Principes
Christiani in non subditos.

Diximus, *præcisè*: nam si illa Dei
injuria in subditos Regis aut Principis
redundaret v. g. contumeliis fidem illo-
rum proscinderent, filias aut uxores eo-
rum pellicerent, bona invaderent, Prin-
ceps Christianus illos licitè ac justè pu-
niret.

335 II. Queritur, an infideles possint
cogi ad fidem suscipiendam?

Resp. 1mo. Infideles Baptizati, sive
Hæretici, sive Apostatae, possunt cogi
ad fidem Catholicam suscipiendam, &
servandas leges Ecclesiasticas, quamvis
baptizati sint in infantia, vel in adulta
ætate ex metu compulsi: quia omnis
baptizatus est subditus Ecclesiæ, quoad
ea, quæ ad salutem & Religionem spe-
ctant.

Resp. 2do. Infideles non baptizati,
sive sint subditi Principibus Christianis,
sive non, compelli directè non possunt
ad amplectendam Religionem Catholi-
cam. Prob. 1mo. ex *cap. 3. de Bapt.* Et
cap. 9. de Judæis. 2do. Ex praxi Eccle-
siæ, quæ nunquam tali coactione sive
per se, sive per Principes Christianos usa
est, quamvis id facile potuisset obtinere
à Principibus Religiosissimis, putà Con-
stantinò Magno, Theodosio, & aliis,
quibus innumeri Infideles subditi erant.
3tio. Quia Ecclesiæ nullam habet potesta-
tem in non baptizatos, ex illo 1. Cor. 5.
*Quid enim mihi de iis, qui foris sunt,
judicare?* Et ex Tridentino Sess. 14. c. 2.
Potestas verò secularis, utpotè merè
politica ac temporalis, non extenditur
ad supernaturalia, ut est Fidei susceptio.
Adde, quod Fidei ac Baptismi susceptio
debeat esse voluntaria, alioqui non esset
vera, sed ficta & sacrilega. Illud autem
Christi, Luc. 14. *Compelle intrare* signi-
ficat adhortationibus adducendos esse
homines ad fidem.

Diximus *Directè*; Nam, ut jam supra
observavimus, possunt Principes 1mo. Ve-
tare Infidelibus subditis cultû Idololatriæ:
quia, ut ibidem diximus, possunt prohi-
bere id, quod legi naturali repugnat, &
cogere ad illius observationem, & præ-
sertim ad ea, quæ ad publicam morum
honestatem spectant. 2do. Cogere illos
ad audiendam Fidei Doctrinam, negando
illis jus habitandi in suis Provinciis, vel
exigendo ab iis majus tributum (justum
tamen) quàm ab aliis, nisi fidei Do-
ctrinam audiant; vel negando privilegia
& gratias aliis concessas. Sic Gregorius
XIII. *Constitut.* 92. statuit, ut Judæi ad
audiendam singulis hebdomadibus Concio-
nem de rebus nostræ Fidei cogernerentur ab
Ordinariis Locorum sub pœna Interdi-
cti cum Fidelibus commercii, vel aliis
multis.

Resp. 3tio.

Resp. 3tio. Juxta S. Thomam 2. 2. q. 10. a. 8. Ecclesia potest per Principes Christianos compellere Infideles, ut non impediant prædicationem & propagationem Fidei: quia habet jus & potestatem prædicandi. Fidem per totum orbem, Marci 16. *Prædicate Evangelium omni creatura.* Sed qui habet jus ad aliquid faciendum, habet etiam potestatem non solum illud exequendi, sed etiam compellendi per se vel per alios, ut non impediatur ipsius executio.

336 III. Quæritur, an liceat cum Infidelibus communicare?

Resp. Non licet in eorum ritibus, Sacramentis, orationibus, cultu superstitioso &c. quia illa sunt per se mala, & ab Apostolo expresse prohibita, 1. Cor. 6. *Nolite ducere jugum cum infidelibus . . . quia autem conventio Christi ad Belial, aut qua pars fidelis cum infideli.* Et quia talis communicatio est exterior quædam professio & approbatio falsæ Religionis, ac proinde virtualis negatio veræ. Ac licet in civilibus, modo absit scandalum, vel periculum perversionis; id enim permittit Apostolus 1. Cor. 10. v. 27. *Si quis vocat vos infidelium, & vultis ire; omne, quod vobis apponitur, manducate.* Et Tertullianus lib. de Idololatria c. 14. *Licet, inquit, convivere cum Ethnicis, commorari non licet: convivamus cum omnibus, collemur ex communione naturæ, non superstitionis: pares animi sumus, non disciplinæ, compositores mundi, non erroris.*

Cum autem Judæi præ cæteris infidelibus infesti sint Religioni Christianæ, & soliti eam blasphemis proscindere, jure Canonico Cap. Omnes, cap. Nullus, 28. q. 1. & cap. Judæus, extrâ tit. de Judæis. tùm ad tuendam Christianæ Religionis dignitatem, tùm ad vitandum perversionis periculum per familiaritatem cum Judæis, prohibentur Christiani cum eis habitare, comedere, in balneo lavari, ab eis medicinam accipere, & in ipsorum

famulatu seu servitio commorari. Item ne officia publica iis committantur.

IV. Quæritur, an licita sit disputatio de rebus Fidei cum Hæreticis?

Resp. Prohibita est omnibus Laicis c. 2. de Hæretic. in 6. *Inbibemus, ne cuicumque Laica persona liceat pulcè vel privatim de fide Catholica disputare. Qui verò contrà fecerit, excommunicationis laqueo innodetur.* Circa quod

Not. 1mo. Ibi comprehenduntur etiam Laici docti, nam nullus excipitur. 2do. Hæc prohibitio locum non habet in casu necessitatis, si Laicus sit Doctus, ut si quis Hæreticus Fideles perverteret, nec adessent Clerici Docti, qui fidem tuerentur. Imò tunc lege divina teneretur, ut salutem proximis consulere, & fidem despectam defenderet. Hoc multi extendunt ad casum magnæ utilitatis evidenter, quam lex impedire non intendit. 3tio. Dicunt hanc prohibitionem in locis, ubi Hæretici grassantur, & Catholicis sunt permixti, per contrariam consuetudinem esse abrogatam, scientibus & non contradicentibus Prælatiis.

Tamen jure naturali prohibita est talis disputatio cuilibet indocto etiam Clerico: quia cum non possint fidem rectè tueri, nec Objectiones solidè diluere, hæc disputatio Hæreticos in errore confirmaret, & Catholicis dubitationem injiceret; & res Fidei periculo contemptus & minoris estimationis exponeret.

Item omnibus illicita est disputatio de rebus Fidei coram Catholicis indoctis & simplicioribus; quia imminet periculum, ne illi, auditis Hæreticorum argumentis, in Fide vacillent; nam facillè vim Objectionum percipere solent, & rarò ac difficillè solutionum; cum res Fidei sint obscuræ & supra rationem humanam: Unde illud ad Tim. 1. *Noli contendere verbis; ad nihil enim utile est, nisi ad subversionem audientium.* Excipe nisi simplices ab Hæreticis sollicitarentur.

V. Quæ-

338 V. Quæritur, an licita sit lectio librorum Hæreticorum?

Resp. Jure naturali iis interdicitur librorum Hæreticorum lectio quibus ex tali lectione imminet periculum perversionis, quales sunt infirmi in fide, ac præsumuntur esse rudiores, & in rebus fidei parùm eruditi; nam quisque ex charitate Dei ac sui tenetur periculum morale peccati, & salutis admittendæ vitare. Imò concluso periculo perversionis est graviter illicita etiam doctis, & firmis in fide, quando est prohibita ab Ecclesia simpliciter & absolute: quia Ecclesia eam prohibet non solum ob periculum perversionis, sed etiam in odium & pœnam Hæresis ac auctoris Hæretici. Deinde lex fundata in præsumptione periculi, obligat omnes qui non exeipiuntur.

Porro hujusmodi librorum Hæreticorum lectio & retentio semper ab Ecclesia prohibita fuisse perhibetur. Sic Concilium Nicænum I. Arii libros prohibuit, ut refert Nicephorus lib. 8. hist. cap. 18. Imperatores quoque suam auctoritatem interposuere, ut ejusmodi libri ex hominum memoria prorsus deleverentur. Constantinus apud Socratem lib. 1. hist. cap. 6. Arii scripta cremari jussit, vetuitque sub pœna capitis, ne retinerentur, aut legerentur. Idipsum præstitere Theodosius & Valentinianus lege 3tia. de SS. Trinitate. Ephesinum Nestorii Scripta legi vetuit, Chalcedonense Eutychetis; Nicænum II. Iconoclastarum. Constantiensis Wiclefi. Leo X. & Paulus III. Lutheranorum libros vetarunt. Et Pius IV. aliquæ Pontifices indice edito, & in Bulla Cœnæ lectio nem & retentionem Librorum quorum-

cumque Hæreticorum sub pœna excommunicationis prohibuerunt.

Ex his facillè intelligitur, quàm periculosa, quàmque noxia semper fuerit Patribus & Ecclesiæ Pastoribus, summisque Pontificibus lectio librorum Hæreticorum, præsertim indoctis & semidoctis hominibus, sive Laicis, sive Clericis. Enimverò si quis litigans per Scriptum, in quo momenta suæ causæ exponi, & argumenta partis adversæ explodere nititur, lectorem in suam sententiam facillè trahit, aut saltem inclinat; quomodo non commovebitur semidoctus ex captiosis & fallacibus argumentis Vastorum Hæreticorum? namque ex Apostolo, 2. Tim. 2. vers. 17. *Sermo eorum ut cancer serpit.* Hinc pastoralis sollicitudo hactenus cavet, ne ejusmodi libri manibus cernerentur nisi eorum, quorum officium est sanam Doctrinam tueri, & contradicentes refellere.

Sed non minùs, imò multò magis³³⁹ periculosa sunt Scripta fucatis quibusdam luminibus resperfa pseudo-politicorum, & impiorum hominum, quos Libertinos (*b*) vocant, ut qui Fidem sibi fabricare præsumant, & ab Ecclesia eam recipere dedignentur, homines mente corrupti, modicæ, & ut verius dicatur, nullius Religionis: Religio quippe ita vocatur, quia mentes auctoritati divinæ subijcit, & ligat Ecclesiæ, per quam divina oracula nobis panduntur. Illi autem, spretis credibilitatis motivis, quibus tanquam validissimis vinculis æterna sapientia prudentes quosque doctrinæ Catholicæ attritos tenet, saniora, ut illis videtur, quàm scripserint Apostoli, meditantur, alteram Religionem, eamque præstantiorem excoitare ac delineare non verentur, & fallaci ingenii acumine, & fucata scribingendi facundia ita legentium oculos perstringunt,
ut

(b) Gallicæ Libertins, id est, Religionis contemptores.

ut difficile reperiatur, qui eorum consuetudine, vel ex frequenti Scriptorum ab illis vulgarorum, lectione non fluctet circa fidem, qui jam judicata non retractet, atque ex proprio sensu temerè definiat. Quamobrem nihil in Religione ac moribus magis pestiferum infestumque, quam ejusmodi libri. Sub gravibus pœnis, non secus ac Hæreticorum libri, in Bulla, quæ dicitur *Cana Domini*, & in Indice, prohibentur. Atque mortaliter peccant, qui ejusmodi pestiferos libros legunt, legi audiunt, aut retinent, sicut & qui quoscumque Hæreticorum libros de Religione vel Fide tractantes legunt, legi audiunt, aut penes se retinent. Neque proinde Bibliopoli licet hujusmodi libros prohibitos emere & vendere: quia per hoc moraliter diffeminant errores, suntque multis occasio peccandi.

340 Non modò Libertinorum & Hæreticorum librorum lectionem Ecclesia omni tempore, ob rationes à nobis memoratas, prohibuit, ac etiamnum prohibet, quamprimum tales in publicum vulgari novit; Sed etiam Pius IV. in Indice ipsius auctoritate edito Sacrorum Bibliorum in vulgare linguam translatorum lectionem vetat: Atque rationem affert ibidem his verbis: *Cum experimentò manifestum sit, si sacra Biblia possint sine discrimine permittantur, pius ob hominum temeritatem detrimenti, quàm utilitatis oriri, hac in parte judicio Episcopi aut Inquisitoris stetur, ut cum consilio Parochi vel Confessorii à Catholicis auctoribus versorum lectionem in vulgari lingua eis concedere possint, quos intellexerint, ex ejusmodi lectione non dumnum, sed fidei ac pietatis augmentum capere posse.* Circa quam regulam nonnulla notanda veniunt.

341 Imo. Lectio sacræ Scripturæ hac ratione ne ipsi quidem mulierculis ac rudioribus absolute interdicitur; sed iis duntaxat, qui ex ea plus detrimenti, quam utilitatis acciperent, ut legenti perspicuum fiet.

quàm utilitatis acciperent, ut legenti perspicuum fiet.

2do. Constat experientiâ lectionem 342 sacræ Scripturæ quibusdam esse noxiam, ac primò quidem Hæreticis, & aliis nimium de se præsumentibus; nam ex S. Augustino Tract. 10. in Joan. *Neque nata sunt hæreses, nisi dum Scriptura bona intelliguntur non bene, & quod in eis non bene intelligitur, etiam temerè, & audacter asseritur.* 2do. Nonnullis etiam Catholicis, quos comperimus vel lapsos, vel gravibus tentationibus agitados ex lectione quorundam capitum Geneseos & Ezechielis, quæ apud Judæos juvenibus non licebat legere, sicut nec Canticum Canticorum. Denique, an non cum evidenti salutis periculo legerent Epistolam ad Romanos illi, qui jam præcipientes ruunt in desperationem, quique vix divelli queunt à præconcepta opinione, quòd conditi sint ad pœnas æternas, nec sit eis liberum declinare à malo & facere bonum?

Tertiò, detrimenta illa spiritualia non 343 nascuntur ex sacris Scripturis, quemadmodum ex Hæreticorum, & aliorum impiorum hominum libris; sed ex temeritate, & malè affecta legentium voluntate; nam ex Apostolo 2. Tim. 3. v. 16. & 17. *Omnis Scriptura divinitus inspirata, utilis est ad docendum, ad arguendum, ad corripiendum, ad erudiendum in justitia; ut perfectus sit homo Dei, ad omne opus bonum instructus.* Absit, ut credatur, verba à Spiritu sancto dictata posse ad aliud incitare, quàm ad amorem Dei, & fugam peccati. Sed quemadmodum Sacramenta, ad sanctificandos Fideles per se efficacia, obsunt malè dispositis; ita & lectio sacrarum litterarum. Quæ autem animi præparatio ad eas legendas sit afferenda, exposuimus in Tract. de S. Scriptura part. 1. cap. 6.

Quartò spectandum est, qua occasio 344 ne fuerit præscripta ejusmodi regula,

O o o o o nempè

P. Cartier Theol. Tom. III.

nempe cum Novatores palam & ubique deblaterarent quemlibet privatum interius edoceri à Spiritu sancto, quis sit Scripturæ sensus, adeo ut Cerdones & Sartores eam non lætarent modò, sed etiam enucleare, & ex ea disputare præsumere, non sine magna Ecclesiæ perturbatione, & evidenti infirmorum periculo. Quid verò in ejusmodi angustiis consultius facere potuit vigilantia pastoralis, quàm primùm confirmare Canones, quibus prohibetur Laicis sub pœna excommunicationis ferendæ, disputare de rebus Fidei, ut Cap. *Quicumque §. Inbibemus. Tit. de Hæreticis in 6.* Deinde è manibus indoctorum auferre sacra Biblia vulgari linguâ edita? Sed absurdissimo errore cum suis Auctoribus nunc anathemate percussos, & procul ejectione, amotum est periculum, quod Ecclesiæ filiis imminerebat, Pastoresque liberius repetunt pristinum morem, quo subditos urgebant, maxime eos, qui secularibus negotiis distendebantur, ut sacras Litteras frequentius legerent, ac meditentur: *Tuum est magis, qui negotiis vacas, inquit S. Chrysostomus Hom. 3. de Lazaro, perpetuas has in acie, frequentes accipis plagas. Non potest fieri, non potest, inquam, ut quisquam salutem assequatur, nisi perpetuo versetur in lectione spiritali.*

345 Quinto. Cum laudata regula ad consilium Confessarii referat, qui ex lectione sacrorum Librorum non damnum, sed fidei ac pietatis augmentum capere possint, satis intelligitur ipsius officii esse, ut exploret, num pœnitentes sacræ Scripturæ vacent, vel non. Si lætitent, inquirat, quo fine, an gloriæ & honorum cupiditate, aut curiositate, nempe ut litteram duntaxat, quæ occidit, assequantur, nullatenus solliciti promereri Spiritum, qui solus vivificat. Si negligant: sicut ad frequentem Sacramentorum usum, sic ad sacram lectionem hortabitur, maxime Clericos: ideo quippe

Scriptura sacra dicitur à Patribus Liber Sacerdotalis, seu Manuale, quia nunquam excidere debet ex eorum manibus; quin ejus lectionem, si necesse sit, imponet eis velut in pensum quotidianum, indoctisque indicabit, quas Bibliorum partes majori cum fructu legere debeant. Sed quia sancta sanctè tractanda sunt, imprimis suas curas conferet, ut singuli eâ, qua par est, reverentiâ, pietate, ac studio sacræ illi lectioni incumbant.

VI. Denique quæritur, quænam sint 346 Hæreticorum pœnæ?

Resp. Sunt imo. Excommunicatio major ipso factò lata, Cap. *Acbitius, 24. quæst. 1.* Et Cap. 9. & 13. *de Hæret.* Ex consensu Doctorum sufficit Hæresis occulta, modò sit externa, hoc est, verbò, signò, vel factò, quamvis nemine præsentente, declarata; nam tunc est verè externa, & per se exterius cognoscibilis. 2do. Irregularitas. 3tio. Infamia juris, si Hæresis sit notoria. 4to. Privatio Beneficiorum, & dignitatum, Cap. 12. *de Hæret. in 6.* Item jurisdictionis spiritualis, Cap. *Audivimus, 24. quæst. 1.* & Cap. *Aperit* ibid. 5to. Bonorum confiscatio, Cap. 10. *de Hæret.* Sed hoc non ubique viget. 6to. Privatio sepulturæ Ecclesiasticæ, Cap. 2. *de Hæret. in 6.* Ubi excommunicantur ii, qui Hæreticos scienter tradunt sepulturæ Ecclesiasticæ.

Not. Credentes, receptatores, defensores, & fautores Hæreticorum ipso factò in excommunicationem incidunt, & privantur sepulturâ Ecclesiasticâ, Cap. 13. *de Hæret. ex Concilio generali Lateranensi IV.*

§. II.

De peccatis virtuti Spei oppositis. 347

Peccata Spei Theologicæ opposita duo præcipuè numerantur, Desperatio scilicet, & Præsumptio.

Despo-

Desperatio est diffidentia assequendi beatitudinem & obtinendi media ad illam necessaria, puta pœnitentiam, & alia bona opera.

- 348 Præsumptio verò est temeraria expectatio beatitudinis, & mediolorum illius assequendæ.

Dicitur temeraria, id est, vana, stultilis, & carens omni fundamentò. Ejusmodi autem expectatio seu fiducia dupliciter potest esse temeraria, 1mo. quidem, quia non innititur divinæ misericordiæ & omnipotentia, sed viribus humanis sive propriis sive alienis. 2do. Quia inordinatè confidit in divina misericordia & omnipotentia expectando scilicet ea, quæ Deus nedum promissit, sed imò se negaturum minatus est. Vana illa expectatione & fiducia deluduntur, qui sibi meritum per bona opera in Deo facta comparare negligunt, & pœnitentiam ad mortem differunt, interim cupiditatibus suis laxantes habenas, quia ita audiunt, quod scriptum est Ezech. 33. v. 12. *Impietas non nocebit ei (impio) in quacunque die conversus fuerit ab impietate sua; ut aures suas obturent ad ea, quæ alibi dicuntur: Dies Domini sicut fur in nocte, 1. Thesal. 5. v. 2. Qua hora non putatis, Filius hominis veniet, Luc. 12. v. 39. Ne tardes converti ad Dominum, neque differas de die in diem, subitò enim veniet ira illius, Eccli. 5. v. 8. Iniqui Regnum Dei non possidebunt, nolite errare, 1. Cor. 6. v. 9.*

Unde S. Augustinus Serm. 21. novæ edit. Si, inquit, mibi legis de libro sancto, sicut indulgentiam tibi promissam esse converso, sic tibi promissum crastinum diem, differ ad crastinum. Prorsus quando te converteris, dabit: sed ipsum quando, quando est? Nusquam promittitur, ac proinde vana est illius expectatio.

- 349 Ergo Desperatio contra Spem pugnat per defectum: Præsumptio verò per excessum, scilicet ex parte subiecti sperantis quod Deus non promissit.

Eis addi potest Incuria salutis; qua quisque media, quibus beatitudinem æternam obtinere possit, adhibere negligit. Ad eam pertinet ea animi abjectio, qua quis vellet bonis terrenis perpetuò frui, quam §. 4. Capituli præcedentis inter Luxuriæ filias terciò locò reposuimus.

Hæc peccata sunt per se mortalia, 351 cum sint opposita virtuti Theologicæ, quæ habet Deum pro Objecto; adeoque, ut ait S. Thomas 2. 2. q. 20. a. 3. directè & principaliter importent aversionem à Deo, proinde ipsi graviter sint injuriola. Unde, *Ista duo occidunt animas, aut Desperatio, aut perversa Spes*, ait S. Augustinus, Serm. 87. de verb. Evang. nov. edit.

Hinc mortale est 1mo. Non velle efficaciter, nec optare possessionem Dei. 2do. Deliberatè cupere perpetuò manere in hac vita, & magis amare bona creata, quàm Dei possessionem. 3tio. Ex nimio damnationis metu, & diffidentia de Dei gratia & misericordia, absolutè cupere annihilari, vel nunquam fuisse. 4to. Desperare de obtinenda vita æterna & venia peccatorum, emendatione vitæ, vel auxiliis gratiæ necessariis. 5to. Sperare salutem sine bonis operibus ex gratia factis, vel ut debitam ob dotes, aut opera naturalia, aut veniam peccatorum sine pœnitentia. 6to. Velle perseverare diu in peccatis ex spe misericordiæ divinæ, aut post lapsum in unum mortale multa alia committere, eò quod æquè facili sit obtinere veniam multorum, quàm unius; quasi Deus suâ misericordiâ esset fautor criminum, contra illud ad Rom. 2. Ignoras, quoniam benignitas Dei ad pœnitentiam te adducit? Secundum autem duritiam tuam & impanitens cor, tribulans tibi iram in die iræ, &c. Nam hæc & similia sunt divinæ bonitatis, misericordiæ, vel potentia, vel gloriæ, vel providentiæ ordinationi, vel justitiæ graviter injuriola. Unde peccata in

O o o o o 2

Spiri-

Spiritum sanctum nominantur, ut quæ specialiter pugnent contra bonitatem Dei, & spiritualia gratiæ ejus dona, quæ cum sint effectus amoris Dei erga homines, Spiritui sancto appropriantur, utpotè qui ratione processionis suæ sit amor Patris & Filii.

- 352 Cause Desperationis & Præsumptionis juxta S. Thomam, sunt Acedia, hoc est fastidium boni spiritualis, præsertim divini, & Superbia ac inanis gloria. Illa quidem Desperationis; Superbia verò & inanis gloria Præsumptionis. Unde adversus eas eadem sunt adhibenda remedia, quæ adversus Superbiam & Acediam Cap. præcedenti §§. 1. & 7. præscripsimus.

§. III.

- 353 De peccatis virtuti Charitatis oppositis.

Omnia peccata dici possunt charitati opposita, saltem indirectè: mortalia quidem, quia charitatis & habitum & actum excludunt: venialia autem, quia etsi non destruant charitatis habitum nisi dispositivè, ejus tamen actum excludunt. Sunt tamen, quæ illi specialiter & directè opponuntur: qualia sunt odium, acedia, invidia, discordia, contentio, schisma, rixa, seditio, bellum, scandalum: quæ sunt ex genere suo mortalia, cum directè ac specialiter opponantur Charitati, & excludant à Regno Dei, ait Apostolus Galat. 5. De acedia & invidia egimus cap. præcedenti; de reliquis modò singulis titulis dicendum.

I.

- 354 De Odio Dei & proximi.

Odium generatim est aversio Objecti. Duplex est, unum inimicitie, quo alicui ex ejus displicentia volumus malum, quatenus ejus malum est; alterum abomi-

nationis, quo rem vel personam averfamur ut malam præcisè, vel ut malam nobis & aliis.

Odium sic generatim divisum aliud 355 est Dei, aliud proximi. Omne odium inimicitie erga Deum est peccatum omnium gravissimum; quia per se immediatè, directè & formaliter avertit à Deo, & opponitur directè actui charitatis Dei, qui est actus omnium præstantissimus, & ejus habitui: nam illud est pessimum, quod est optimo contrarium. Item omne odium abominationis erga Deum est intrinsecè malum & mortale; quia est graviter injuriosum Deo, quasi in eum cadere possit aliqua malitia, vel defectus, seu ratio, ob quam aversione dignus sit; cum tamen Deus sit essentialiter in omni ratione infinitè bonus & perfectus. Hinc gravissimum scelus est optare, ut Deus non sit, ut careat aliqua perfectione, v. g. scientiâ, justitiâ, omnipotentia, &c. aut de illa dolere. Item gaudere de offensa Dei ut tali, seu prout præcisè est offensa Dei.

Odium inimicitie erga proximum est 356 peccatum mortale ex genere suo, nam directè opponitur charitati proximi, & graviter prohibetur præceptò diligendi proximum ex 1. Joan. 3. *Qui non diligit, manet in morte. Omnis qui odit fratrem suum, homicida est: & scitis, quoniam omnis homicida non habet vitam æternam in semetipso manentem.* Potest tamen esse veniale ex levitate materiæ, ut si ex levi displicentia personæ leve malum optetur. Aliud est de odio Dei, quod semper est mortale, nec admittit levitatem materiæ, cum vel levissimum malum Deo optare sit Deo graviter injuriosum; quasi in eo reperitur aliqua ratio aversionis.

Odium verò abominationis erga proximum, si sine justa causa & inordinatè concipiatur, est culpa gravis vel levis, pro gravitate vel levitate materiæ. Interdum tamen culpâ vacat, & est laudabile, dum scilicet non adversatur Charitati,

ritati, sed procedit ex amore benevolentiae erga Deum, vel ipsum, quem sic averſamur, aut alterum proximum, ſervato ordine debito charitatis: ut cùm quis averſatur peccatorem, non qua homo eſt, ſed qua peccator eſt, ſeu quòd peccator ſit, in eo averſando ejus peccatum ut ejus malum eſt, juxta illud Prov. 29. *Abominantur juſti virum impium.* Nam ſic odiſſe nihil aliud eſt, quàm odiſſe peccatum in ipſo; & tale odium conjunctum eſt cum charitate, quia eidem volumus ſalutem & ejus media, ac alia bona, quibus indiget.

- 957 Porro nunquam licet optare & impre-
cari malum proximo, quatenùs ejus ma-
lum eſt, vel gaudere de ejus malo ut tali,
vel dolere de ejus bono, ut ejus bonum eſt;
quia hæc ſunt actus odii, & inimicitiae,
necnon repugnant Charitati; ideoque ſunt
mortalia ex genere ſuo, nec poſſunt eſſe
venialia, niſi ob defectum ſufficientis ad-
vertentiae, vel ob levitatem mali optati.

Item non licet optare etiam ineffica-
citer malum proximi, licet non ut ma-
lum illius, aut gaudere de eo etſi in-
culpatè advenienti, vel dolere de ejus
bono; quamvis non ex diſplicitia perſo-
narum, ſed præciſè propter bonum minus
noſtrum vel alterius proximi; quia hi
actus repugnant debito ordini charitatis,
ex qua tenemur bonum proximi majus
& altioris ordinis præferre noſtro minori,
& inferioris ordinis. Idque conſtat ex
his propoſitionibus ab Innocentio XI.
damnatis: 13tia. *Si cum debita modera-
tione facias, poteſ absque peccato mortali
de vita alicujus triſtari, vel de illius
morte naturali gaudere, illam inefficaci
affectu petere, & deſiderare: non quidem
ex diſplicitia perſonæ, ſed ob aliquod tem-
porale emolumentum.* 14ta. *Licetum eſt
abſolutò deſiderio cupere mortem Patris,
non quidem ut malum Patris, ſed ut bonum
cupientis, quia nimirum ei obventura eſt
punguis hæreditas.* 15ta. *Licetum eſt ſiſto*

*gaudere de parricidio à ſe in ebrietate per-
petrato, propter ingentes divitias inde ex-
hæreditate conſectas.*

Nihilominus, *Quia Charitas ordi- nem habet,* inquit S. Thomas in 3. diſt. 30. art. 1. ad 4. *& plus debet diligere quisque ſe, quàm alium, & propinquos, quàm extraneos, & amicos, quàm inimicos, & bonum commune multorum quàm bonum privatum unius; poteſt aliquis, ſalva Charitate, optare malum temporale alicui, & gaudere, ſi contingit, non in quantum eſt malum illius, ſed in quantum eſt impedimentum malorum alterius, quem plus tenetur diligere, vel communitatis, aut Eccleſiæ. Similiter de malo temporalis ejus, ſecundùm quod per malum pena im-
peditur frequenter malum culpa ejus.*

Igitur 1mo. Licet deſiderare affectu inefficaci aliquod malum temporale alteri v. g. morbum, & de illo gaudere præciſè propter ejus bonum ſpirituale v. g. ut peccare deſinat, & reſpiciat: quia ſecundùm ordinem Charitatis bonum ſpirituale præfertur bono temporalis.

2do. Licet ſic optare mortem juſtè obventuram hæreſiarchæ vel malefactori Reipublicæ noxio, & de ea gaudere, non quatenùs ipſius malum eſt, ſed quatenùs per illam mortem majora mala impediuntur, & ob multorum bonum, quod præferendum eſt bono unius privati.

3tio. Licet optas victoriam de hoſtibus in bello juſto, vel Turcarum excidium, ob ingens bonum juſtum tuz communitatis, vel Eccleſiæ; quia bonum Eccleſiæ, vel Communitatis tuz præferre debes bono alterius Communitatis.

4to. Licet optare malefactori poenam meritam per Judicem infligendam, vel ut ipſe aut alii coerceantur ab injuria inferenda tibi aut aliis; nam hoc eſt conſentaneum Charitati; vel quia expedat Reipublicæ & bono communi, nam

O o o o o ; eſt

est actus pietatis erga Rempubicam ; vel ut jus læsum refarciatur nam est actus iustitiæ. At , ut dictum , nunquam licet optare aliis vel sibi majus malum ad vitandum minus ; quia hoc est contra debitum ordinem Charitatis. Hinc peccant mortaliter , qui deliberatè mortem sibi optant , ex impatientia , ad vitandas aliquas leves molestias.

359 Quod spectat ad Maledictiones imo. Ex dictis constat esse peccatum mortale proferte Maledictionem gravem ex animo , ut malum grave eveniat , v. g. *Diabolus te rapiat ; utinam mortuus esset , &c.* Imò sibi vel aliis malum grave ex ira imprecari , quamvis sine animo ut eveniat , sæpè mortale est , sive ratione gravis contumeliæ , spectata personæ qualitate ; sive ratione scandali : sic parentes graviter peccant liberis suis præsentibus grave malum oretenus ex ira imprecando ; nam suò exemplò eos docent sibi invicem vel aliis grave malum imprecari , & iræ servire : nec à mortali excusatur , qui durante passione , seu iræ affectu , grave malum evenire deliberatè voluit , etsi statim postea noluisse , imò doluisse , si tale malum evenisset ; quia re vera passioni iræ deliberatè consentit in re gravi. Item mortale est , se ipsum ex ira deliberatè Dæmoni devovere ob fœditatem ac perversitatem rei. *Contingit tamen* , ait S. Thomas , 2. 2. q. 76. a. 3. *verbum maledictionis prolatum esse peccatum veniale , vel propter parvitatem mali , quod quis alteri maledicendo imprecatur ; vel etiam propter affectum ejus , qui profert maledictionis verba , dum ex levi motu , vel ex ludo , aut ex subreptione aliqua , talia verba profert : quia p. cœta verborum maxime ex affectu pensantur.* Hinc confitens maledictionē interrogari debet , an ex animo malum grave sibi vel alteri imprecatus fuerit , an cum scandalo vel contumelia ; & quale malum in specie optaverit ; nam maledictiones sunt diversæ speciei , pro diversitate malorum

optatorum ; actus enim voluntatis mali sumunt speciem etiam ex Obiecto materiali.

ado. Maledictio gravis effusa in non³⁶⁰ subditum præsentem non solum Charitati , sed etiam iustitiæ repugnat ; nam est gravis & injusta læsio honoris proximi , seu contumelia , ideoque obligat ad satisfactionem.

Not. Maledicere creaturis irrationalibus , quatenus sunt utiles homini , est æquivalenter maledicere homini. Maledicere illis in quantum sunt creaturæ Dei est blasphemia. Maledicere verò eis secundum se consideratis , est otiosum & vanum , & per consequens illicitum , inquit S. Thomas , quæst. 76. art. 2. Hoc tamen ultimum censetur solum veniale per se ; ut si rusticus equis suis mortem vel diabolum optet.

II.

De Discordia , Contentione , Schisma-361 te , Rixa , & Seditione.

I. Discordia est contrarietas voluntatum , seu dissensio voluntatis unius à voluntate alterius in iis , quæ quis tenetur velle ex charitate Dei vel proximi. Opponitur Concordiæ , quæ consistit in voluntatum consensione , seu cordium unione , ut nomen ipsum Concordia sonat. Est peccatum mortale ex genere suo. Habetur ex Apostolo Galat. 5. ubi *Dissensiones* numerantur ab ipso inter opera carnis , de quibus ibi dicit : *qui talia agunt , Regnum Dei non consequentur.* Tum quia Prov 6. *Deus detestatur eum , qui seminat inter fratres discordias.* Tum quia specialiter opponitur Charitati , cujus est voluntates unire , seu conjungere.

Verùm ut Discordia Charitati sit op-362posita , adeoque peccatum , requiritur , ut quis scienter dissensiat à voluntate alterius circa bonum Dei aut proximi ,
in

in quo consentire tenetur, ut docet S. Thomas quæst. 37. art. 1. ubi inter alia hæc addit, scilicet non esse peccatum discordiæ, cum unus æstimat hoc esse bonum, & pertinere ad honorem Dei, vel utilitatem proximi; alius autem habet opinionem contrariam: nisi huiusmodi discordia sit cum errore circa ea, quæ sunt de fide aut necessitate salutis, vel pertinacia indebitè adhibeatur. Et quæst. 29. art. 3. ad 3. *Ad amicitiam* (seu Charitatis concordiam) non pertinet, inquit, concordia in opinionibus, sed concordia in bonis consensibus ad vitam, & præcipue in magnis; quia dissentire in parvis, quasi videtur non esse dissensus. Et propter hoc nihil prohibet aliquis charitatem habentes in opinionibus dissentire . . . similiter existente etiam concordia in principalibus bonis (quæ sunt de necessitate salutis) dissensio in aliquibus parvis, non est contra charitatem; procedit enim talis dissensio ex diversitate opinionum, dum unus æstimat hoc, de quo est dissensio, pertinere ad illud bonum (putà ad gloriam Dei, utilitatem proximi, quam uterque intendit) alius æstimat non pertinere. Et cit. quæst. 37. art. 1. ad 3. scribit, discordiam, quæ intercessit inter SS. Paulum & Barnabam Act. 15. fuisse absque peccato; quia uterque intendebat bonum; sed absque pertinacia & contentione, uni videbatur bonum hoc esse, & alteri aliud, quod ad defectum humanum pertinebat.

- 363 II. Contentio est altercatio verborum, quibus inordinatè quis alteri contradicit; undè in eo præcisè à Discordia differt, quòd hæc dicat contrarietatem voluntatum, contentio verò contrarietatem verborum & sermonis cum inordinata acrimonia & modo indebito, putà clamoribus, & dictis mordacibus: *Contentio*, inquit Glossa in cap. 1. ad Rom.

v. 29. *est impugnatio veritatis cum confidentia clamoris*. Ex genere suo est peccatum mortale, sicut alia, quæ sunt contra Charitatem. Undè Galat. 5. *Contentiones* numerat Apostolus inter opera carnis excludenda à Regno Dei. Semper autem est mortalis imò. Si impugnetur veritas ad fidem, bonos mores, pietatem, iustitiam, vel grave bonum proximi spectans: Si tamen veritas non impugnetur seriò, sed solum exercitii causà, ad illustrandam explicandamque veritatem, vel ad explorandam doctrinam alterius, seclusò scandalò, & modò inordinatò, non est peccatum. 2do. Si contentio fiat cum periculo scandali, vel cum gravibus maledictis, conviciis, contumeliis. Est autem solum venialis, seclusis conviciis ac scandalò, si materia sit levis, vel inordinatio sit solum in modo, v. g. si solum fiat cum nimia acrimonia, clamoribus, aut ex solo studio vincendi adversarium.

III. Schisma est separatio ab unitate, 364 Ecclesiæ, cuius partes tanquam membra unius & ejusdem corporis charitatis veluti spirituale vinculum copulat ac constringit. Læditur quidem illa unitas per quamlibet inobedientiam, qua quis præcepta Prælati sui contemnit; sed absolute non solvitur, nisi inobedientiæ addatur rebellio & contumacia, qua inobediens non vult subesse Ecclesiæ, vel Summo Pontifici ejus in spiritualibus Capiti. Unde non omnis inobediens est Schismaticus. Porro omnes Hæretici sunt etiam Schismatici, cum ab unitate Ecclesiæ se separent, contrariam doctrinam sectando.

Est autem Schisma gravissimum scelus, ut constat ex Patribus, cum lædat præclarissimum quoddam bonum commune, nempe ipsam Ecclesiæ unitatem. Vid. S. Thom. quæst. 39. art. 1. & Tom.

Tom. 1. Theolog. nostræ Tract. 3. de Ecclesia, ubi de Schismate & Schismaticis egimus.

- 365 IV. Rixa est pugna manuum & verberum inter privatos, cum scilicet aliqui ex ira invicem se percutiunt auctoritate privata. Igitur ex discordia, seu oppositione voluntatum, nascitur contentio, quæ est pugna verborum; ex contentione rixa, quæ, ut dictum, est pugna manuum & verberum. In aggressore est peccatum ex genere suo mortale, quia est contra Charitatem & iustitiam, & Galat. 5. *Rixæ* numerantur inter opera carnis excludentia à regno Dei. In repugnante verò, seu in eo, qui se defendit, licita est, si servet moderamen inculpatæ tutelæ; illicita verò & peccatum si non servet, vel veniale, vel lethale, secundum iræ, odii, & appetitûs vindictæ excessum. Ita S. Thomas 2. 2. q. 41. a. 1.

- 366 V. Seditio est tumultus ad pugnam, cum scilicet cives tumultuantur, pacem civitatis turbant, & arma sumunt ad pugandum, non contra extraneos hostes, sed contra se invicem, vel adversus Principem. Est semper mortalis, nam semper graviter adversatur unitati, paci, ac bono communi, & etiam iustitiæ; quia auctoritas bellandi residet in solo Principe vel in Republica libera.

III.

De Bello.

367

I. Bellum etiam offensivum potest esse licitum. Quia 1mo. Deus ipse leges Belli gerendi dedit Deut. 23. Item Luc. 3. S. Joannes Baptista rogatus à militibus, quid ipsis esset agendum, ut salutem adipiscerentur, non iussit ipsos militiam deferere, sed ne quemquam concuterent: unde S. Augustinus Epist. 138. aliàs 5.

Si, inquit, *Christiana disciplina omnia bella culparet, hoc potius militibus confessioni salutis petentibus in Evangelio diceretur, ut abjicerent arma, sequere omnino militia subtraherent. Dictum autem est eis: Neminem concusseritis, nulli calumnia feceritis, sufficiat vobis stipendium vestrum, Luc. 3. 2do.* Cuique privato licet jus suum tueri, bona sua à raptoribus in iudicio repetere cum eorum capitis & vitæ periculo. Ergo à fortiori licebit Principi summo & Reipublicæ liberæ jus suum tueri ac repetere. Cum autem careant Superiore, à quo jus suum obtinere possint, debuit iis iure naturæ competere potestas ad jus sibi dicendum, & cogendam partem adversam ad sibi satisfaciendum: aliqui non posset Communitas perfecta in pace conservari.

Bellum autem defensivum licere per se patet; cum iure naturali unicuique liceat injustam vim vi repellere, cum debita moderatione.

II. Ex S. Augustino lib. 22. contra Faustum cap. 44. & 75. & ex S. Thoma 2. 2. q. 40. & communi Doctorum sententia, ut Bellum sic licitum hæc tria requiruntur. 1mo. Potestas suprema, quæ residet vel in Republica libera, vel in Principe supremo, cui cura Reipublicæ commissa est: Nam qui habent Superiorem, possunt ejus auctoritatem implorare ad injuriæ compensationem; sicque Bellum iis licitum esse non potest. 2do. Causa iusta, quæ est duntaxat gravissima injuria Principi vel subditis illata, quam tollere, vel pro ea satisfacere pars adversa recuset. *Bella iusta*, inquit S. Augustinus lib. quæst. super Josue 9. 10. *definiri solent, quæ ulciscuntur injurias, si qua gens, vel civitas, quæ bellum petenda est, vel vindicare neglexerit, quod à suis improbe factum est, vel reddere quod per injuriam ablatum est.*

Si

Si enim litibus alios premere non licet absque necessitate, multò minùs, urbes & provincias devastare cum plurimi sanguinis effusione, prout in bello evenit. Sed ista ponderare eorum est, quos Principes adhibet ad consilium, & quibuscum, antequam bellum inferat, de illius iustitia indagare tenetur; non verò subditorum. 310. Recta intentio, ut non geratur bellum ex odio, avaritia, inordinata cupiditate amplificandi imperii, sed ad publicam quietem ac iustitiam servandam, vel ad opitulandum iniuste oppressis.

369 Porro licet etiam alijs tanquam socijs auxilium præbere Principi habenti iustam causam bellandi, & huic aliorum uti auxiliò, quamvis sint diversæ Religionis (i), modò absit scandalum & periculum Fidei ac Sacriligorum. Nam, per se loquendo, licet alium in re iusta juvare. At non licet in bello etiam iusto advocare infideles in auxilium, vel iis opem ferre, quia adest periculum scandalì, sacrilegiorum, & detrimenti veræ Religionis; & quia salus æterna proximi, & præsertim multorum, præferenda est cuilibet bonotemporalì; & Principes tenentur supra omnia Christo servire, ejusque regnum, quod est Ecclesia Catholica, quam sanguine suo acquisivit, quantum possunt, integrum conservare, imò & amplificare. Vid. inf. *Exercit. 3. U. 16. n. 49.*

Porro licet non possit dari bellum utrimque iustum ex natura rei, cum circa idem non possint esse jura contraria: fieri tamen potest, ut neutra pars peccet bellando, ob ignorantiam invincibilem.

370 III. Ante bellum tenetur Princeps rem diligenter examinare cum viris probis ac peritis, & habere certitudinem
P. Cartier Theol. Tom. III.

saltem moralem de iustitia causæ; nam cum ex bello gravissima sequantur mala, ac incommoda, etiam innocentibus; Charitas & Iustitia exigunt, ut non inferatur, nisi planè constet de causa iusta & sufficienti. Quòd si iustitia causæ sit dubia, & alter sit in possessione, certa iniustitia est bellare: quia in dubio melior est conditio possidentis. Deinde tenetur parti adversæ iustitiam causæ suæ, & præensiones suas proponere, ut illa possit satisfacere injuriæ illatæ vel restituere ablata sine alio damno: nam bellum sine necessitate gerit licet nequit, propter ingentia mala, quæ cum eo conjuncta esse solent. Ex S. Augustino relat. in cap. *Noli 21. q. 1. Pacem habere debet voluntas, bellum necessitas.* Hinc æqua satisfactio oblata acceptari debet: alias bellum sine iusta causa & necessitate feret.

IV. In bello iusto licita sunt ea omnia & sola, quæ juxta consuetudinem Christianorum necessaria sunt ad assequendum finem belli, scilicet vel ad recuperanda iniuste ablata, vel injuriam iuste vindicandam, & ad securitatem Reipublicæ itabiliendam. Nam cum finis licitus sit, licita sunt etiam media per se ad illum necessaria, non autem alia, quæ proximo nocent; cum nemini sine iusta causa damnum inferre liceat.

Hinc i. mo. licet occidere hostes pugnantes, & resistentes; non tamen innocentes, qui non pugnant, ut sunt Clerici, senes, mulieres, pueri, rustici, opifices, &c. quamvis sint partes Reipublicæ hostilis; quia nunquam licet directè occidere innocentes. Neque enim Respublica potest puniri in suis membris, nisi secundum id, quod ejus dominio subest, quales non est vita civium. Indirectè tamen & per accidens possunt interici,
Ppppp ut

(i) Christianæ tamen.

ut cùm urbs expugnari, vel nocentes ſeu milites vinci nequeunt, niſi cum periculo & occiſione innocentum: quia bonum publicum, quod ex victoria ſperatur, eſt majus bonum quàm vita aliorum, quorum mors præter intentionem ſequitur. Et alioqui non poſſet contra nocentes bellum geri, & ſic cauſa bellantium fruſtra eſſet juſta. 3do. Licet ſpoliare bonis cives etſi non pugnantes, qui ſunt membra Reipublicæ hoſtilis, ſi hoc neceſſarium ſit ad finem belli: quia cùm ſint pars Reipublicæ ipſa juſtè punitur in illis, & debilitatur privatione bonorum, quæ ejus Dominio ſubjiciuntur. 3tio. Licet uti inſidiis & ſtratagematibus, ex Joſue cap. 8. & cap. *Dominus* ſup. cit. quia non ſunt mendacia, ſed occultatio veritatis. 4to. Civitas capta dari, ſine gravi neceſſitate, non poſteſt in prædam, propter multa ſcelera & mala, quæ in tali deprædatione committi ſolent. Et ſi decur, tenentur Duces diligentiffimè curare, ne ſcelera committantur. 5to. Ea, quæ caveri nullà prudentiâ poſſunt, ut venenò inficere puteos, aquas, glandes, non licent; quia ſunt contra jura belli & gentium. Item Chriſtiani à Chriſtianiſ capti non poſſunt fieri ſervi; nam id ex conſuetudine gentis Chriſtianæ receptum eſt in honorem Religionis Chriſtianæ, & libertatis, quam per Chriſtum conſecuti ſumus: unde eſſet contra jus gentis Chriſtianæ. 6to. Non licet victori retinere urbes captas, & alia bona immobilia hoſtium, niſi quatenus debitam compenſationem vel ſatiſfactionem non excedunt, vel neceſſaria ſunt ad ſecuritatem in poſterum contra victos ſtabiliendam; nam compenſatio debet eſſe commenſurata debito, & præter culpæ, alioqui eſt injuſta. 7mo. Princeps tenetur inchoatum bellum finire, ſi æqua ſatiſfactio offeratur, ſecuritas ſufficiens præſtetur, & compenſentur impenſæ belli: quia tunc ceſſat

cauſa continuandi belli, quod proinde jam foret illicitum.

V. Jure naturali nihil fieri licet contra juſticiam, juſ gentium, fortitudinem, Charitatem, & veram Religionem. Et fides data hoſtibus ſervanda eſt, ex S. Auguſtino in cap. *Noli*. Nam hæc obligat jure naturali & gentium; & hoc neceſſarium eſt ad pacem & bonum commune regnorum. Si enim fœdera publica inter regna & Principes non obligarent, nec neceſſariò ſervanda eſſent; nulla pax aut ſocietas inter genus humanum conſiſtere poſſet. Quod intellige, niſi hoſtes ipſi fidem frangerint: nam tunc eſt quædam compenſatio, & pacta cenſentur fieri ſub hæc conditione, ſi alter promiſſis ſteterit, nec ſidem frerit.

VI. Tenentur Principes & ejus Duces militibus juſta ſtipendia ſolvere, & impedire omnia crimina, quæ impediri moraliter poſſunt; necnon curare, ne proprii ſubditi iniquis vexationibus graventur; alioqui tenentur ad compenſanda damna ſecuta ex omiſſione ſolutionis, vel diligentia debita; cùm ſint eorum cauſa contra proprium officium & juſticiam.

VII. Ex communi ſententia Bona juſtò bellò capta, ſi ſint immobilia, cedunt Principi aut Reipublicæ; ſi ſint mobilia, ſunt capientium; niſi ex conſuetudine regionis ea dividenda ſint inter milites, aut una pars cedat Principi. Tamen bona injuſtè acquiſita ab hoſtibus, reſtiti debent eorum Dominis, ex Leg. 20. ff. *de Captivis*, cùm juſ habeant in illa.

VIII. Repreſſaliæ, poſitis certis conditionibus, ſunt licitæ: quia auctoritate publica uſurpari poſſunt, per compenſationem, bona ſubjecta Dominio Reipublicæ, quæ in culpa eſt, dum non procurat

curat reparationem injuriæ à suis membris illatæ alterius Reipublicæ civibus. Conditiones autem ad hoc requisitæ sunt istæ: 1mo. Ut constet de injuria illata, 2do. Ut Princeps vel Magistratus civium nocentium rogatus debitam satisfactionem denegeret, 3tio. Ut fiant auctoritate Principis civium læsorum. 4to. Ne plus damni inferatur, quàm justa satisfactio requirit. 5to. Ut non fiant in personas Ecclesiasticas, & earum bona, Cap. Un. de injuriis in 6.

quillitas publica oneri est, & bellum in votis, utpotè occasio vel captandæ gloriæ, vel rei familiaris amplificandæ; eò sanè peiores Judice & Medico, quorum ille dissidia in civitate ad multiplicandas lites; iste verò ægritudines exoptaret, ut sic ambo ex alienis malis opes colligere possent; quò urbium subversiones, & innumeræ interneciones sunt quid longè gravius ruinâ unius aut alterius familiæ.

IV.

De Scandalo.

376 IX. Diximus suprà subditorum non esse, examinare aut ponderare, num belli causa justa sit: at tamen si subditus certò & evidenter noverit belli causam omninò injustam esse, tunc planè arma ad injustam hanc causam tuendam sumere ei nullatenus licet. Si verò de causæ justitia dubitet, tunc tenetur suum dubium deponere, quod facillè poterit, præsertim cùm illius non sit omnes belli, quod fortè Princeps alteri Principi vel Reipublicæ infert, causas & rationes rimari, nec eas examinare possit aut debeat. Depositò igitur dubiù, num belli causa justa sit nec ne, arma jubente Principe sumere potest & debet, sed eo animo, quo Chirurgus e. g. ad nutum Medici ferrum & ignem adhibet, nimirum ad sananda Reipublicæ vulnera, & stabiliendam publicam pacem, quæ est regni salus. Quid enim tam alienum à Christianis moribus, aut tam inhumanum & crudele, quàm contra hostes insurgere, veluti si avis rapax, aut canis venaticus ruat ad prædam, devictum adversarium, qui secundum jus gentis Christianæ, & militiæ leges servandus esset captivus, interficere, eum spoliandi causâ, quomodò venator capram feram occidit, ut pellem detrahat? Hæc & similia Confessarius inquireret non solum à gregariis militibus, sed & à militiæ Præfectis, quibus, ut ipsimet palam testantur, pax & tran-

I. *Scandalum* vox græca secundum 377 nominis etymon idem significat ac Offendiculum, seu pedis offensionem, ut lapis in via, ad quem viator, incautè offensus, prolabitur. Translatum autem ad mores græcum hoc nomen significat quidquid nobis ad beatitudinem tendentibus est causa ruinæ spiritualis; quo sensu Christus dicitur 1. Pet. c. 2. *Lapis offensionis, & petra scandali*, nempe incredulis & carnalibus.

Generatim duplex est, alterum activum, quod scilicet datur: passivum alterum, quod scilicet accipitur, estque effectus scandali activi, seu peccatum, cujus causa fuit scandalum activum seu datum.

Scandalum activum definitur à S. Thoma 2. 2. q. 43. a. 1. & ab aliis communiter Theologis ex S. Hieronymo in c. 15. Matth. *Dictum vel factum minus verum præbens alteri occasionem ruinæ seu peccandi.*

Dicitur imò. *Dictum vel factum*; quia sola voluntas, nisi exterius se prodit dictis vel factis, non potest esse aliis offensio. Nomine autem *dicit* & *facti* intelligitur etiam externa omisso; qui enim omittit loqui vel agere, cùm deberet, v. g. subditum

Ppppp a

ditum blasphemantem corrigere, Sacrum audire die festo, aliis est scandalo & offensioni.

Dicitur 2do. *Minus rectum*, sive illud sit per se malum, sive habeat duntaxat speciem mali; species enim mali æque inducit ad peccandum ac malum ipsum: imò si malum haberet speciem boni, non moveret alios ad peccandum. v. g. Fornicarius, qui domum mulieris frequenter ingreditur sub specie negotii necessarii, neminem scandalizat: contra verò Clericus, qui apud se puellam retinet, quamvis castimoniam illibatè servet, nihilominus alijs est malo exemplo & offendiculo; quia factum ipsius habet speciem mali.

Dicitur 3tio. *Præbens alteri occasionem ruina*; quia necesse non est ad rationem scandali, ut ruina actu sequatur seu peccatum, sed satis est, ut ei deatur occasio.

- 379 Scandalum datum seu activum duplex est, scilicet directum, & indirectum. Directum est, cum quis dictis vel factis proximum in ruinam impellere intendit, puta in fornicationem. Indirectum, cum quis non intendens ruinam proximi, nonnulla dicit, aut facit in proprium commodum, aut animi oblectamentum, quæ tamen sunt alteri occasio peccati.

- 380 Scandalum passivum etiam duplex statuitur; alterum dicitur pusillorum, quod ex proximi ignorantia aut infirmitate oritur; alterum Pharisaicorum, seu Pharisaicum, quod nascitur ex malitia accipientis: ideo autem dicitur Pharisaicorum, quia insignis fuit eorum malitia, quæ ex dictis & factis Christi Domini peccandi occasionem sumpserunt.

- 381 II. Dare scandalum directè, inducendo scilicet proximum ad peccandum,

est non ex intentione expressa, ut peccet & pereat, sicut facit Dæmon, sed propter utilitatem vel voluptatem aliquam propriam aut alterius, est peccatum ex genere suo mortale, atque speciale contra charitatem. Nam lex charitatis in Deum & proximum vetat, ne offensam Dei & malum spirituale proximi quovis modo procuremus. Præterea hoc directè opponitur præcepto correctionis fraternæ, cum sint contraria revocare proximum à peccato, & eum in illud inducere. Imò talis inductio habet duplicem malitiam in confessione exprimendam, unam contra charitatem, & alteram contra virtutem, cui repugnat illud opus malum; nam singulæ virtutes obligant directè ad suos actus eliciendos, & indirectè ad non procurandam sui violationem in alijs. Præterea inducens consentit peccato, ad quod inducit: ergo illius reus est; nam juxta Apostolum Rom. 1. eadem poenæ æternæ digni sunt, qui faciunt, & qui consentiunt facientibus.

Hinc. 1mo. Nunquam licet petere; 2^o ab alio vel ei suadere id, quod ipse non potest sine culpa præstare; nam hoc esset inducere in peccatum. 2do. Qui sceminam induxit ad fornicationem, peccat tum contra castitatem, tum etiam contra charitatem, cum fuerit ei causa ruinæ: undè hæc inductionis circumstantia in Confessione est explicanda. Idque etiam ipsa fuerit parata ad malum; nam non est hic & nunc in actuali voluntate peccandi, sed solum in habituali: unde sine tua inductione hic & nunc non committeret hoc peccatum. 3tio. Consilium prævum specificatur à peccato, quod consulitur, & est etiam contra charitatem. 4to. Laudans alium de peccato commissio, vel illum vituperans, quod non commiserit, tenetur in Confessione explicare speciem peccati.

peccati, circa quod fuit laus vel vituperium; nam illæ laudes vel vituperia sunt exhortationes ex se inordinatæ ac aptæ ad peccatum admittendum, & ad complacendum de illo, si commissum est: quare ab illo sumunt specialem suam malitiam.

- 383 III. Dare Scandalum indirectè tantum, non intendendo peccatū alterius, nec ad illud inducendum cum intentione, sed præcisè faciendum vel dicendo coram illo aliquid malum, vel mali speciem habens, est peccatum mortale ex genere suo, & speciale contra charitatem. Ita omnes Theologi post S. Thomam 2. 1. q. 33. 2. 3. & 4.

- 384 Prob. 1mo. ex S. Scriptura. Matth. 18. *Qui scandalizaverit unum de pusillis istis, qui in me credunt, expedit ei, ut suspendatur mola asinaria in collo ejus, & demergatur in profundum maris. Vnde a mundo à scandalis: Necessè est enim, ut veniant scandala: verumtamen vobis hominibus illi, per quem scandalum venit.* Hic Christus loquitur de scandalo simpliciter & generatim, atque de eo, quod necesse est, ut præbeat iis, qui in mundo degunt, si spectentur corrupti mores eorum, quibuscum versari oportet. At qui illud scandalum est indirectum; facile enim vitari possunt, qui nos ad malum directè, v. g. consiliis & suasionibus inducere attentant; impossibile verò, quin in mundo multa videantur, & audiantur illicita, quæ videntibus & audientibus sunt occasio peccandi. Porro scandalum illud esse grave peccatum, colligitur ex pœna gravissima, qua Christus dicit fore puniendum. *Va mundo, inquit, à scandalis.* 2do. Ex Apostolo Rom. 14. ubi, *Si propter cibum, inquit, frater tuus contristatur; jam non secundum charitatem ambulas.* Hic nempe loquitur de cibis vetitis lege veteri abrogata, sed jam licitis, adeoque

directè ac dilucidè de scandalo indirecto. Item 1. Cor. c. 8. & 10. Ibi quippe agit de iis, qui in fide plenè instructi idolothytis, id est, carnibus idolo immolatis vesciebantur, ut quæ nihil haurirent Religionis ab idolo, quod nihil est, cum non sit id, quod repræsentat. Sed quia hæc Evangelica libertate utebantur coram inhrms fratribus, qui cum conscientia idoli, id est, putantes idolum ejusmodi carnes inficere, aliorum exemplò idolothytum quasi pollutum & illicitum cibum manducabant, ideoque peccabant, quia ex conscientia erronea non licere arbitrabantur; manifestum est autem, quòd peccatum illud infirmorum esset præter intentionem firmorum, ut qui illud unum intenderent, hæc libertate fidem suam ac Religionem testatam facere in contemptum idolorum. Nihilominus scandalum illud quantumcumque indirectum reprehendit Apostolus tanquam grave peccatum, *Et peribit*, inquit 1. Cor. 8. *in tua scientia frater, propter quem Christus mortuus est?* Sic autem peccantes in fratres, & percutientes conscientiam eorum infirmam, in Christum peccatis. Quæ sane non dicerentur de peccato veniali. Et ibid. c. 10. *Si quis autem dixerit: hoc immolatum est idolis: nolite manducare propter illum qui indicavit, & propter conscientiam: conscientiam autem dico, non tuam, sed alterius &c.*

Prob. 2do. Ex SS. Patribus. S. Chrysostomus Hom. 21. in 1. ad Cor. de hujusmodi indirecto scandalo ait: *Est quovis vulnere gravius scandalizare, seu offensionem asserre.* Et Auctor egregii libelli de singularitate Clericorum inter Opera S. Cypriani, in quo insurgit adversus Clericos, qui, prætextu charitatis, religiosas mulieres in suis domibus alebant, & contenti testimonio propriæ conscientiæ, contemnebant malas vulgi

Ppppp 3

suspi-

suspiciones, oblocutiones, & scandala: *Pudicitia bonum, inquit, frust à intrinsecus laborioso agone custodit, quod forinsecus efficit infamari . . . Pejus est quàm machari, continentiam ducere criminiosam, & infamem ferre sanctimoniam.*

386 Prob. 3tio. Ratione. Quia sub peccato gravi tenemur amovere proximi misericordiam sive corporalem per elemosinam, sive spiritualem per correctionem fraternam, prout in Tract. de Virt. Theol. part. 3. ostendimus. Ergo à fortiori tenemur cavere, ne illum per scandalum in ruinam seu peccatum, vel ejus periculum conjiciamus: pejus enim est proximum in malum conjicere, quàm illum jam lapsum non erigere.

387 Confirmatur à simili. Societas humana non patitur, ut quis in proprio fundo quidquam faciat in privatum commodum, & ornamentum domus, quod sit alteri nocivum, & ruinæ periculum. *Si quis, ait Deus Exod. 21. v. 33. aperuerit cisternam, & foderit, & non operuerit eam, cecideritque bœs aut asinus in eam, rediet Dominus cisternæ pretium jumentorum.* Ergo à pari, qui scandalum sive directè, sive indirectè dederit, reus est illius damni & ruinæ seu peccati.

388 Imò scandalum indirectum, excommuni contrahit etiam malitiam peccati, cujus datur occasio, exprimendam in Confessione. Tùm quia dans illud, vult saltem interpretativè tale peccatum alterius, volendo sine justa causa id, ex quo prævitet secuturum, vel ejus periculum: tum quia qualibet virtus non solum verat actus sibi contrarios, sed etiam ne detur aliis occasio illos ponendi.

389 Diximus scandalum indirectè datum esse peccatum ex genere suo mortale, ut innueremus aliquando esse veniale ob levitatem materiæ, cum scilicet est

ocasio peccati venialis duntaxat, modo tamen illud veniale peccatum non vergat in grave detrimentum proximi.

Est igitur mortale, si detur occasio culpæ mortalis: veniale verò, si detur solum occasio venialis, secluso periculo gravius mali; nam licet peccatum veniale sit gravius malum quolibet temporali, est tamen leve in suo genere, & reparatu facile. Hinc peccant mortaliter contra Charitatem & Castitatem, 1mo. Qui imagines vel statuas nudas faciunt, vel palam exponunt; nam hæ æquè saltem inducunt ad peccatum, quàm sermo obscenus. 2do. Qui scribunt, imprimunt, recitant, tradunt libros amatorios, cantilenas turpes, &c. Item qui componunt vel agunt comœdias obscenas aut periculosas ratione verborum, factorum, aut gestorum. Nam hi omnes sunt causa ruinæ multorum: nec refert, quod eam non intendant; nam dant ei sufficientem causam. Item qui suâ præsentia eas approbant, iis consentiunt & cooperantur solvendo mercedem agentibus. 3tio. Fornicari, quæ nudum pectus gestant; nam hæc denudatio apta est scandalum parere infamis, & Christianæ modestiæ ac sanctitati repugnat; nec potest excusari consuetudine, utpotè contrariâ præcepto divino. 4to. Puella, quæ sine justa causa se præbet conspiciendam ei, à quo putat se turpiter concupiscendam, licet id faciat ex mera vanitate, & sine animo ejus amore excitandi.

Præterà observanda sunt sequentia. 390 Imò. Peccatum scandalum, ut jam supra annotavimus, hoc ipsum committitur, quod detur proximo occasio peccandi, quamvis is re ipsa non peccet. nam ad hoc satis est, quòd peccatum proximi ex tua actione vel omissione minus recta in talibus circumstantiis, inspecta ejus fragilitate, sequi

sequi probabiliter possit. Nam tunc ei creas probabile periculum peccandi: & quod tunc non sequatur peccatum, per te non stat, sed per ipsum: sicut mortaliter peccat, qui explodit catapultam cum periculo occidendi hominem, licet nullus re ipsa occidatur. 2do. Peccatum coram aliis commissum habet malitiam scandalii tunc solum, quando est periculum probabile, ne ii, coram quibus committitur, inde impellantur ad peccandum. Hinc blasphemiz coram solis Religiosis non habent rationem scandalii. Qui verò publicè peccat, tenetur eam scandalii circumstantiam confiteri, ratione periculi peccati, cui suò pravò exemplo multos exponit. 3tio. Cum circumstantiæ, prout in Tract. de Ad. hum. ostendimus, quandoque peccati speciem mutant, hinc ex, quæ peccatum scandalii comitantur, etiam in Confessione sunt explicandæ. Igitur satis non est, ut quis confiteatur se obscœno colloquia habuisse, fornicatum, aut furatum fuisse cum aliis; sed tenetur insuper explicare, an auctor fuerit ejusmodi colloquiorum, aut fornicationis & furti aliorum; namque in hypothesi quòd auctor fuerit, dupliciter peccavit 1mo. Contra charitatem per scandalum ab ipso datum; 2do. Contra castitatem in primo & secundo exemplo, & contra justitiam in tertio. Imò scandalii peccatum in eo multiplicatur pro numero eorum, quibus dedit occasionem peccandi; quia sicut qui uno ictu interficeret duos homines, reus esset duplicis homicidii; ita qui uno verbo obscœno duobus, vel tribus, vel quatuor, &c. dat occasionem peccandi, tot peccatorum reum se constituit. 4to. Actus venialis, vel ex Objecto indifferens potest esse mortalis ratione scandalii, quando à tali persona & coram talibus fit, ut probabile sit periculum, ne inde alii ex infirmitate vel ignorantia sumant occasionem peccandi mortaliter, ex cap. 2.

De novi operis nunt. Nam ex Apostolo 1. Cor. 8. sup. cit. comestio carnis idolo immolatæ, quæ per se licita est, fit mortalis ratione scandalii. 5to. Cum sit actio de se licita, quæ aliquam mali speciem habet, tollitur scandalum declarando justam causam agendi, quando hoc sufficit ad amovendam suspensionem omnem mali. Sic comedens carnes diei vetito ob rationem occultam, impedit scandalum, hanc aperiendo. 6to. Quamvis juxta multos liceat, non auferendo occasionem peccati, permittere unum peccatum, ut impediatur plura, v. g. liceat hero non auferre occasionem furandi famulis aut filiis, quos ad furandum propensos ac paratos novit, ut sic deprehensi puniantur & resipiscant; eò quòd tunc rationabiliter permittrat furtum unum, ut vitentur plura. Non licet tamen talia ultro ponere, aut pericula objicere: quia esset positivè cooperari peccato, & occasionem præbere, ac creare alteri periculum peccandi, quod non licet.

IV. Non tenemur omittere opus de 391 se non malum, nec speciem mali habens, ad vitandum scandalum passivum aliorum ex malitia ipsorum ortum, quando adest rationabilis causa illud ponendi, ut utilitas magna nostra vel aliena etiam temporalis. Ita S. Thomas, q. 43. a. 8. Quia cum scandalum illud ex sola malitia scandalizati oriatur, ei soli imputatur: alioquin quivis per suam malitiam posset impedire commoda aliorum. Si tamen nulla esset necessitas vel notabilis utilitas opus illud faciendo, omitti deberet: quia tenemur ex charitate impedire peccatum proximi, et si ex sola ejus malitia securum, cum nulla adest justa causa illud permitendi.

V. Ad vitandum scandalum passivum ex infirmitate vel ignorantia ortum, id est, scandalum pusillorum, te-

tenemur omittere opus utile non malū, nec mali speciem habens, seu indifferens, vel saltem differre, donec proximus moneatur, ne scandalizetur, cū id sine gravi incommodo possumus: nam ex Lege charitatis tenemur impedire peccatum proximi infirmi, cū possumus sine gravi nostro incommodo seu damno, ex illo Eccli. 17. v. 12. *Mandavit illis unicuique de proximo suo.* Hinc mulier, quæ prævidet aliquem in particulari ex suo aspectu sumpturum occasionem peccandi ob infirmitatem, tenetur vitare ejus conspectum, cū potest sine gravi incommodo. Non est tamen obligatio omitendi actionem de se licitam, nec habentem per se aut communi prudentum judicio speciem mali, ne quis generatim ac indeterminatē sumat inde occasionem peccandi: nam alioquin hoc esset onus intolerabile, & obnoxium innumeris scrupulis: hinc mulier ad vitandum periculum vagi ac indeterminati scandali, non tenetur abstinere ab ornatu honesto & ordinario secundum suam conditionem: secus de extraordinario nec convenienti.

393 VI. Ad vitandum scandalum passivum pusillorum seu infirmorum nunquam licet facere actionem prohibitam lege naturali, v. g. mentiri, pejerare, sacrilegium committere, aut absolutionem Sacramentalem indigno impertiri, ne ex illius denegatione longē deterior fiat; quia nunquam licet facere actionem intrinsece malam, seu dedecentem naturam rationalem. Neque etiam licet omittere actum lege naturali præscriptum in iis circumstantiis, in quibus præcipitur; quia ommissio talis actus est intrinsece mala, cū lex naturalis non præcipiat nisi id, quod est necessarium ad honestatem morum, spectatis omnibus circumstantiis. Constat etiam ob scandalum aliorum nunquam posse

omitti ea, quæ necessaria sunt necessitate mediæ ad salutem: quia, ut ait S. Thomas q. 43. a. 7. *Secundum ordinem Charitatis plus debet homo suam salutem spirituales diligere, quā alterius.* Item non licet ob scandalum passivum omittere opus bonum in detrimentum Fidei, vel boni communis spiritualis. Quo spectat illud S. Gregorii Hom. 7. in Ezech. *Si de veritate scandalum sumitur, utilius permittitur nasci scandalum, quā veritas relinquitur.*

VII. Ad vitandum grave scandalum pusillorum, multi putant debere prætermitti præcepta merè positiva, præsertim humana, nisi ex ejusmodi omissione majus damnum immineret omitenti vel aliis. Sic si tibi ituro ad Sacrum die festo audiendum excitanda sit cædes, vel gravis rixa, non debes ire. Item si mulier prævidens in sui aspectu aliquem in particulari scandalizandum ex infirmitate, tenetur omittere Sacrum etiam die festo semel aut iterum: quia cū præcepta omnia charitati deserviant, & ei tanquam fini subordinentur; non obligant in iis circumstantiis, in quibus charitas dicitur omittebam eorum observationem, ut impediatur grave peccatum proximi.

VIII. De bonis operibus, quæ sunt solum consilii, docet S. Thomas q. 43. a. 7. ea omitti non debere ad vitandum scandalū Pharisaicum seu ex mera malitia acceptum, juxta illud Matth. 15. *Sinite illos, cæci sunt, &c.* Nam Pharisei scandalizabantur, quod Christus cum Publicanis & peccatoribus comederet, nec propterea id omisit. Et alioquin quivis suā malitiā posset bona spiritualia aliorum impedire.

Si verò scandalum ex infirmitate aut ignorantia oriatur, occultari debet vel inter-

interdum differri, donec ratio sic agendi propoſita ſit; nam ex lege Charitatis tenemur proximi ex infirmitate vel ignorantia laſuri ruinam impedire, cùm facile poſſumus. At tunc facile poſſumus, cùm tale opus non ſit præceptum, nec neceſſarium, & illud differendo, vel etiam omittendo ad impediendum peccatum proximi, exerceamus actum Charitatis, quod magis meritorium eſt, quàm foret ipſum opus, quod omittitur. Quòd ſi poſt redditam rationem non deſinant inde ſcandalizari; tunc ſcandalum ex mera malitia oritur, atque Phariſaicum eſt; & ſic propter ipſum non ſunt dimittenda bona opera, ut docet S. Thomas, ibid.

396 IX. Suadere minus peccatum volenti committere gravius nunquam licet, quamvis aliter gravius illud impediri nequeat; loquendo ſcilicet de ſuaſione aut alia inductione directæ. Tùm quia ſemper per ſe malum eſt inducere ad quodvis peccatum, etiam leve: nam nunquam licet facere malum, nec proinde illud conſulere, ne quidem ut eveniant bona, ex Apoſtolo Rom. 3. Tùm quia qui conſulit minus peccatum, etiamſi conſulat ad impediendum majus, in illud minus peccatum conſentit, illudque approbat, quod eſt intrinſecè malum. Tùm quia ſuadens eſſet moralis cauſa peccati minoris, ad quod alter non erat determinatus; ideoque ei meritò imputaretur. Porro illud eſſatum: *E duobus malis minus eſt eligendum*, non habet locum in peccatis, quæ liberè ſunt, & vitari poſſunt; ſed in iis ſolùm malis, quorum unum ſuſtinendi neceſſitas incumbit; prout in Tract. de Act. Hum. ubi de Conſcientia, dictum eſt.

Tamen volenti committere duo peccata inæqualia, ſuadere licet, ut, reliſto graviori, contentus ſit minùs gravi; quia hoc non eſt propriè ſuadere minus peccatum, ſed ſolùm omiſſionem gra-

P. Cartier Theol. Tom. III.

vioris. Idem dicendum quando peccatum minus eſt pars incluſa in majori, ut ſi determinato ad furandum centum dicas, ut ſit contentus quinque; quia tunc ſolùm abducis à parte peccati; modò id fiat reſpectu ejusdem perſonæ: nam volenti furari Petro ſuadere non licet, ut minus furetur Paulo; quia hic æquè jus habet ad ſuum minus, quàm ille ad ſuum majus, & hoc jus tunc violares. Sicur non licet Petro eripere bonum, ut Paulo etſi egentiori detur.

X. Vendere vel dare alteri rem aut 397 operam de ſe licitam, qua malè uſurus prævidetur, vel probabiliter putatur, eſt peccatum ſcandali, quando res illa denegari poteſt ſine gravi damno; quia, ſecundum omnes, quiſque tenetur ex Charitate impedire peccatum proximi, ſi poteſt ſaltem ſine gravi incommodo; & à fortiori tenetur non ſuppeditare materiam vel operam, qua uſurus eſt ad peccandum: nam Charitatis eſt velle bonum dilecto, & removere malum illius. Deinde quiſque tenetur peccantem corripere, ſcandalum amovere. Ergo & à fortiori materiam peccandi non præbere. Prætereà talis meritò cenſetur ſaltem interpretativè velle ruinam alterius.

Hinc mortaliter peccant caupones, 398 qui ſecundam reſectionem benè prænſis, vel carnes, die jejunii hoſpitiſus præbent, quos ſciunt, vel prudenter judicant non habere diſpenſationem, niſi fortè ex denegatione graviſſimum malum ipſis immineat, ut mors, incendium, vulnera, &c. Secùs ſi iſta præbent viris honeſtis petentibus, de quorum diſpenſatione etiamnum certò ipſis non conſtat: nam in dubio debent præſumere eſſe legitimè diſpenſatos. Item qui præbent vinum copioſum iis, quos eo inebriandos prævident; nam ſine juſta cauſa omittunt impedire peccatum proximi, imò materiam peccandi ſuppeditant, cùm

Q q q q

mor-

moraliter possint & debeant iis denegare. Nec lucrum querendum est ex casu, in quo est alterius peccatum, nec est tanti momenti; cum tamen ebrietas sit animæ & corporis damnum maximum & scandalosum, ac sæpe occasionem asserat & causam injuste aliis nocendi.

399 Idem dicendum de iis, qui venenum vendunt aliis, quos eo bene usus non constat, v. g. ad confectionem medicinarum, vel colorum; aut merces iis, qui illis abusuri sunt. Neque hi excusantur eo quod si non vendant, alii vendituri sunt; quia & isti peccabunt vendendo: at non licet peccare, eo quod ceteroquin alii sint peccaturi; neque factum aliorum immutat tuam cooperationem. Neque etiam excusantur eo quod illi, quibus ista tradunt, jam sint animo parati ad peccandum; quia adhuc cooperantur actui externo malo, quo prava illa voluntas executioni mandatur. Arqui peccatum est non solum velle malum facere, sed etiam facere & exequi malum, & ejus executioni cooperari; nam lex non solum voluntatem furandi, v. g. se inebriandi, &c. Sed etiam ipsum furtum actuale, ipsam ebrietatem ejusque cooperationem vetat; & actio externa, seu executio rei illicitæ dedecet naturam rationalem, æstque illicita.

400 XI. Non licet præbere operam vel rem aliquam, quæ in talibus circumstantiis proximè ad peccatum adjuvat, & ad illud determinatè ordinatur; quia tunc est moraliter cooperari peccato alterius. Hinc Innocentius XI. damnavit hanc propositionem: *Famulus, qui submissis buxeris scienter adjuvat herum suum ascendere per fenestras ad stuprandam virginem, & multoties ei subservit deferendo senlam, aperiendo januam, aut quid simile cooperando, non peccat mortaliter, si id faciat metu notabilis detrimenti, putà ne à Domino male tractetur, ne torvis oculis aspiciatur, ne domo expellatur.*

Nam hæ actiones in talibus circumstantiis proximè ad peccatum adjuvant & ordinantur.

XII. Licet rem & operam ex se licitam, nec per se & proximè ad peccatum concurrentem præbere eâ abusuro, si adsit iusta causa & proportionata excusans, & desit intentio cooperandi ejus peccato, nec alter abutatur contra bonum Reipublicæ vel Ecclesiæ. Nam tunc ista suppeditans, in attestatione prudenti, non censetur cooperari alterius peccato, sed solum illud permittere ex urgenti causa, ob quam non tenetur illud impedire; & peccatum soli malitiæ abutentis imputatur. Hæc autem causa tantò gravior & urgentior esse debet; 1mo. Quantò gravius est peccatum, quod non impeditur. 2dò. Quantò subministratio tua minùs remotè illud attingit. 3tio. Quantò probabilius est te non suppeditante alterum non executurum peccatum. Item, ex communi, requiritur major causa, quando alter non est paratus ad peccandum, quia gravius malum patitur. 4to. Si abusus sit contra justitiam: tunc enim requiritur tantum malum vitandum, quod ex Charitate non tenearis subire ad impediendum tale damnum tertii: nam strictius tenemur impedire peccata alterius, quæ nocent aliis, quàm quæ non nocent; in his enim solus peccans damnum spirituale voluntariè subit, in illis autem insuper innocens damnum invitus patitur.

Hinc 1mo. Parochus potest & debet Eucharistiam ministrare peccatori occulto eam publicè petenti. 2do. Excusantur Caupones vinum vendentes militibus eo abusuris ad ebrietatem, si denegare non possint sine damno vitæ, vel bonorum omnium. 3tio. In necessitate licet ab alio petere quod potest sine peccato facere, quamvis prævideatur peccaturus, v. g. mutuum, quo indigens, ab usurario.

CAPUT

402

CAPUT III.

De peccatis Virtuti Religionis oppositis.

Peccata virtuti Religionis opposita generantur duo duntaxat numerantur; unum, quod ei per excessum opponitur, non quòd nimium in vero Dei cultu excedi possit, sed quia vitiosus est aliquando & inordinatus cultus, qui ei impenditur; & hoc peccati genus *Superstitio* nominatur. Alterum quod ei opponitur per defectum, atque *Irreligiositas* nuncupatur. Utriusque variae sunt Species, prout jam in proœmio nostro annotavimus; de quibus ordine hic agemus. Duæ igitur erunt hujus Capituli Sectiones, in quarum prima de Superstitutione, & ejus speciebus; in secunda verò de Irreligiositate ejusque speciebus differemus.

403

SECTIO I.

De Superstitutione & ejus Speciebus.

Superstitio est *cultus inordinatus ac vitiosus veri vel falsi numinis*. Dicitur autem *superstitio* vel à verbo *superstus*; quia per eam redditur cultus indebitus & vanus iis rebus, quæ suprà nos rant, putà Soli, Lunæ, & aliis Sideribus: vel à superstite defuncti memoria, cui honores divini exhibentur in ejus imagine, ut legitur Sap. 14. à v. 15. usque ad finem.

404 Superstitio generatim duplex est, una ex parte rei cultæ, qua cultus creaturæ tanquam Deo exhibetur, & dicitur cultus falsi numinis: alia ex parte modi colendi, qua verus Deus quidem colitur, sed modò inordinatò, & dicitur vitiosus veri Dei cultus; hicque rursus est duplex, scilicet falsus, & superfluous. Cultus falsus est, cum falsa miracula prædicantur, vel Scriptis mandantur in

confirmationem veræ fidei, & sic verorum fides enervatur; vel falsæ reliquæ obtruduntur; vel cum auctoritate propria proponitur aliquid tanquam institutum à Deo vel ab Ecclesia, quod re ipsa non est; vel adhibentur cæremoniæ veteris Legis, quæ sunt à Deo repudiatæ; nam significabant Christum venturum, quem tamen jam venisse fides docet; vel cum Laicus Deum colit tanquam publicus Ecclesiæ Minister, Hæc Superstitutionis species est semper ex se mortalis; quia gravem Irreverentiam Deo infert, graviterque repugnat ejus honori ac cultui, qui sola veritate nititur. *Spiritus est Deus: & eos, qui adorant eum, in Spiritu & veritate oportet adorare*, Joan. 4.

Cultus superfluous est modus veri Dei colendi præter Dei & Ecclesiæ institutionem, aut communem fidelium usum, & inutilis ad honorem Dei, & ad excitandam spiritus devotionem, vel domandam concupiscentiam; ut orare adhibito certò numero, situ, colore cereorum; non nere die Sablati in honorem B. V. interim aliis operibus servilibus insistendo; certum quemdam Missarum numerum legere vel legi curare ad obtinendum quendam peculiarem effectum, *qui numerus*, inquit Concilium Tridentinum Sess. 22. Decretò de vitandis in celebratione Missarum, *magis à superstitionis cultu, quàm à vera Religione inventus est*. Nam superfluous est medium, quod finis non congruit; finis autem divini cultus est honor Dei per subjectionem mentis & corporis, inquit S. Thomas, q. 93. a. 2. & cum exterior Dei cultus ad interiorem ordinetur, omnis ille, qui ad interiorem non conducit, superfluous est, qualiscumque sit illum adhibentis intentio. Hæc supersticio seclusò scandalò, & contemptu cæremoniarum Ecclesiæ, ac communis fidelium usùs; & modò actio illa, quæ exhibetur, alias nulla lege sit prohibita,

Qq q q q 2

nom

non est, nisi peccatum veniale; quia & materia levis est, & irreverentia non censetur gravis ob simplicitatem. Secus si fiat post prohibitionem Superioris. Si tamen in Missa, vel in administratione Sacramentorum, relictis Rubricis, alie Cæremoniæ etiam pro sua devotione, & secuso contemptu, adhiberentur, videtur non posse excusari à peccato mortali, ob materiæ gravitatem & periculum grave, gravemque præsumptionem.

- 406 Cultus dicitur etiam superfluum ratione certitudinis vanæ, id est, non nixæ promissione divina; ut cum quis certo credit se à tali morbo vel periculo liberandum, gestando imaginem, vel Reliquias Sanctorum, vel verba Scripturæ, &c. Quia licet hæc pia sint, tamen à talibus nullus effectus absolute & infallibiliter expectari potest; cum nullam habeant virtutem naturalem, nec divinam promissionem absolutam.

Ad hunc superfluum cultum etiam revocari possunt triginta Missæ illæ, quas Gregorianas, quod à S. Gregorio Magno introductas ferat opinio, nuncupant; vi quarum scilicet, si continuis triginta diebus, nullo prætermisso, una post alteram, legantur pro anima cuiuslibet recens defuncti, eandem à pœnis Purgatorii illico liberatum iri ajunt; verum hæc vana & ficticia traditio est, & historia.

- 407 Ex parte Objecti quod colitur seu numinis falsi, generatim triplex est Superstitionis species, nimirum Idololatria, Divinatio, & Vana Observantia, ad quam revocantur Maleficia & Magia. Quinque ergo sunt hujusmodi superstitionis species, de quibus singulis paragraphis nobis agendum.

§. I.

De Idololatria.

408

Idololatria est *supremum ac divinum cultus creatura exhibitus*, sive est *actus, quo cultus supremus & soli Deo debitus tribuitur Creatura*; ut oblatio Sacrificii facta Idolo, & quodvis signum honoris, quo quis Creaturæ tanquam Deo se submittere intendit: v. g. genuflexio, suffitus, &c. Maximum est peccatum, & omnium gravissimum, imo. Quia prohibetur Exod. 20. v. 3. *Non habebis Deos alienos coram me*. Et infra, *Non adorabis ea, neque coles*; non adorabis, inquam, exterius, nec coles interius, ut exponit Glossa. Unde qui tempore persecutionis, etiam ex mortis metu, idola exterius veneraretur, tamen interius servaret fidem, non esset à mortali peccato immunis, prout unanimiter docent Theologi. 2do. Quia honorem soli Deo debitum ad viles creaturas transferre, peccatum est læsæ Majestatis divinæ, quo vix gravius ullum concipi potest.

(k) Sunt autem per se tria signa externa Latræ, seu cultus supremi soli Deo debiti, nempe Sacrificium, Templum, & Altare, quæ proinde sine gravi crimine nulli Creaturæ offerri possunt. Alia verò signa, quibus Deus colitur, ut genuflexio, inclinatio capitis, etiam inferiori cultui convenire possunt, & ab intentione necnon circumstantiis determinantur.

Idololatria triplex est; alia perfecta, 409 qua quis divinum honorem Idolo defert, quia illud falsò putat esse Deum. Alia minus perfecta; cum quis Creaturæ cultum externum soli Deo debitum defert, non credens eam habere divinitatem, sed

(k) Vide dicta in Appendice ad Tract. de Incarnat. Tom. 2. Theol. nostræ ubi de cultu Sanctorum differimus.

sed ex pravo affectu, v. g. ex odio veri Dei, vel cupiditate aliquid à Creatura illa, putà Diabolo, obtinendi. Hæc ob malitiam voluntatis est gravius crimen, quàm perfecta. Et alia denique simulata; cum scilicet quis sine exultatione divinitatis, & interno affectu colendi, sed ex solo mortis metu, supremum cultum Creaturæ exterius solum exhibet. Hæc, ut jam dictum, est semper peccatum mortale; nam continet gravem injuriam ac irreverentiam in Deum, deferendo Creaturæ honorem externum soli Deo debitum. Estque etiam crimen læsæ Majestatis divinæ; est etiam mendacium perniciosum contra Religionem, ac Confessionem Fidei, cum cultus exterior sit signum interioris.

§. II.

De Divinatione.

410

Divinatio sic dicta videtur, quod sit quasi quædam divinitatis æmulatio; atque definiri potest, *Inquisitio cognitionis rerum occultarum ope demonis expressè vel tacitè invocati.*

Dicitur 1mo. *Inquisitio cognitionis*, sive ea cognitio de factis obtineatur, sive non.

2do. *Rerum occultarum*, id est, earum rerum, quæ ab homine propriâ industriâ cognosci nequeunt; sive soli Deo cognitæ sint, ut sunt secreta cordis, & futura libera, sive à Dæmone naturaliter sciri possint, ut sunt actus externi hominum præsentis vel præteriti.

3tio. *Ope Demonis*: nam cognitio occultorum cum naturaliter hîc & nunc haberi non possit, vel expectatur à Deo, vel à Dæmone; non à Deo, qui non vult, ut homo res ejusmodi cognoscat, aut saltem ut earum notitiam non nisi

naturalibus mediis assequatur. Ergo superest, ut expectetur à Dæmone.

4to. *Expressè vel tacitè invocati*, id est, sive Dæmon expressè invocetur, ut cum invocare solent Magi; sive tacitè, cum scilicet observantur ea, quæ ad talem notitiam naturaliter non deducunt, ut faciunt Genethliaci, qui ex hora nativitatis, & Syderum inspectione, futuram hominum conditionem præfagiunt; Chiromantii & Physionomi, qui ex manuum aut faciei lineamentis, vitæ diuturnitatem, morbos, animi indolem colligunt; Augures, qui ex avium garritu, aut animalium vocibus futura prædicunt.

Igitur Divinatio ex parte pacti est, duplex: una quæ fit cum expressa Dæmonis invocatione seu pactione cum eo: ut cum quis verbis Dæmonem invocatur, vel aliquid usurpat, per quod putat Dæmonem cooperari. Altera quæ fit cum tacita & implicita ejus invocatione: ut tum ad occultorum notitiam assequendam adhibentur media vana & improporcionata.

Divinatio autem ex parte mediis multiplex est, seu variis modis & mediis perficitur; ut per Præstigium, cum Dæmon variis apparitionibus oculos perstringit; per Necromantiam, quæ fit per mortuos in speciem suscitatos; per Chiromantiam, quæ, ut dictum, per lineas manûs; Aruspicium, quod per motum, situm, aut numerum avium; Augurium, quod per garritum avium; Astrologiam judicariam, quæ per situm ac concursum Syderum; per Sortem divinatoriam, de qua mox plura; item per eam, quæ fit per somnia, vel signa in aère, aqua, igne, corporibus terrestribus apparentia, &c.

Sed ex communi hæc omnia inter se moralis specie non differunt, cum non.

Q q q q q 3 habean

habeant malitiam notabiliter inter se diversam, atque unum est æquè grave Divinationis peccatum ac alterum Porro Divinationem gravissimum esse peccatum fatetur omnes, 1mo. Quia per eam homines fiunt facili dæmonum, quod se verè prohibet Apostolus, 1. Corinth. 10. 2do. Quia qui eam exercent, præcipua divinitatis insignia sibi arrogant, juxta illud Isaïæ cap. 14. v. 23. *Annuntiatio quæ ventura sunt in futurum, & sciemus, quia Dii estis vos.*

414 Not. 1mo. Aruspicium & Augurium, quibus aliqui naturales effectus, v. g. serenitas, pluvia, tempestas conjiciuntur, non sunt Divinationis peccata, nec ad eam pertinent; quia hi effectus non conjiciuntur ope Dæmonis, sed ex causis naturalibus, nempe ex avium & animalium motu, garritu, volatu, qui sunt proportionati cognitioni saltem probabilitatum.

415 Not. 2do. Astrologiam judicariam duntaxat inter Divinationis species reponimus, non verò Astrologiam naturalem. Duplex igitur est Astrologia naturalis una, Judiciaria altera. Naturalis est ea, quæ ex Syderum concursu prænuntiantur eclipfes, venti, pluviz, frigus, æstus, & alii similes effectus, qui cum istis connexionem naturalem habent, ut frugum ubertas & sterilitas: & hæc licita est. Judiciaria verò est ea, quæ ex Syderum aspectu & concursu futura libera, & quæ à sola hominis libertate pendent, ut matrimonia, dignitates, exilia, &c. prænuntiantur: & hæc prorsus est illicita, atque à S. Scriptura, Patribus, multis Conciliis, & utroque jure, necnon à Sixto V. Constit. 17. graviter damnatur, ac prohibetur; cum actus liberi non possint per Astra cognosci, quippe qui ab Astris non pendent, sed à sola voluntate libera.

Not. 3tio. Inter Divinationis species etiam Sortem numeravimus, sed quæ Divinatoria est. Nam Sortes sunt triplicis generis 1mo. *Divisoria*, quibus decernitur cui aliquidtribuendum sit; & eæ sunt licitæ, sive in pœnis, ut cum è reis pluribus unus aut alter puniendus est; sive in functionibus onerosis, ut cum pestis tempore Sacerdotes designandi sunt, qui Sacramenta administraturi sunt; sive in bonorum partitione, cum partes æquale ad ea jus habent, atque in sortitionem consentiunt: tunc enim *Contradictiones comprimit fors, & inter potentes quoque judicat*, Proverb. 18. Nam non sunt superstitiosæ, quia non assumuntur ad investigandum aliquid occultum; nec injustæ, cum ordinentur ad quemdam contractum, in quo æqualis est contrahentium conditio, ut res sit illius, cui fors obtigerit. Attamen sortes divisioræ in Ecclesiasticis electionibus sunt prohibitæ Cap. 3. de Sortibus. Item Arg. cap. 1. de R. I. in 6. Nec licet etiam Officia Sæcularia sorte distribuere ob periculum eligendi indignum, aut minus dignum. Nam Beneficia & Officia tùm Ecclesiastica tùm Sæcularia conferri debent dignioribus, qui non sorte, sed diligenter rationis inquisitione cognosci possunt.

2do. *Consultoria*, quibus inquiritur quid in aliqua re obscura sit agendum; & eæ sunt illicitæ, quia saltem continent tentationem Dei, & diabolicæ deceptionis periculum; solet enim Dæmon se iis immiscere; unde sub anathemate prohibentur Cap. Sortes 26. quæst. 5. Licitæ tamen esse possunt, si vel ad eas impellat Deus, ut contigit in electione S. Matthiæ Act. 1. vel hæc concurrant, 1mo. Necessitas & humani consilii defectus. 2do. Ut effectus à solo Deo expectetur. 3tio. Ut reverenter consulatur. 4to. Ut sit materia, circa quam prohibitum non

non sit uti fortibus; fors enim, in Officiis tùm Ecclesiasticis tùm Sæcularibus, ut primùm diximus, prohibita est. His conditionibus Sortes . . . à Domino temperantur, Prov. 16.

§. III.

De Vana Observantia.

420

418 3tio. *Divinatoria*, quibus inquiritur rei occultæ vel futuræ cognitio; ut cùm ex cribri versione divinantur fures, sagæ, &c. aut ex taxillorum projectu prædicatur quis victoriam obtenturus sit, &c. Hæ sortes sunt superstitiøsæ & graviter illicitæ; sunt enim medium vanum, & ad tales effectus improporionatum, ideoque tacitam dæmonis invocationem continent. Si tamen ad eas impellat Deus, quod vix unquam præsumi debet, licitæ esse possunt; sicut licitè iis usus est Josue ad explorandum sacrilegium Achan.

419 Not. 4to. Ex his colligi potest, quid sentiendum sit de divinatione per somnia; nam licet aliqua somnia à Deo imitti possint; qui tamen faciliè & temerè somnii credit, non excusatur à gravi culpa, etsi dicat se credere illa esse à Deo, quia morali periculo Dæmoniæ deceptionis se exponit, & quantum est ex se vult illis credere, etiam si à Dæmone sint; quia ex iis tamen effectus liberi prænosci nequeunt; undè has divinationes prohibet Scriptura Levit. 19. *Non augurabimini, nec observabitis somnia.* Et Eccli. 34. *Multos errare fecerunt somnia, & exiderunt sperantes in illis.* Porro quando somnium ad peccatum vel ad aliquid imprudens, aut vanum impellit, aut post somnium homo remanet animò turbatò & minùs promptò ac propensò ad opera virtutum, certum est illud à Deo non esse.

Vana Observantia est *superstitio*, qua ad effectum aliquem obtinendum a libenter media vana, inutilia, & improporionata; vel qua quis ex observatione eventus fortuiti actiones suas vanè dirigit; ut cùm quis certa verba profert, aut adhibet herbas in Vigilia S. Joannis Baptistæ collectas, &c. Non differt à divinatione, nisi quòd hæc ad cognitionem occultorum ordinetur, illa verò ad effectum externum, vel opus observantis. Quare quæ dicta sunt de divinatione, debent cum proportionem accommodari vane observantiæ.

Tres assignantur illius species, 1ma⁴²¹ est *Ans notoria*, qua quis scientiam vult acquirere sine studio & per media inutilia, vana, & improporionata, v. g. per verba ignota, certas preces, aliquam potionem, &c. Hac arte uti dicuntur Anabaptistæ, qui haustò Cœnæ suæ poculò scripturas ante ignotas legunt, dæmone hæc circa illos agente; undè hac scientia aliquando per Catholicorum exorcismos privantur. 2da. Dicitur *Observantia sanitatum*, cùm quis homines aut animalia sanare, aut in iis aliquid operari conatur vanis & inefficacibus mediis, putà si quis vulneribus mederi, sanguinem sistere, dolores mitigare, hominem telis aut ensibus impervium reddere velit per certa signa, ceremonias inanes, ignota nomina, characterum impressionem; item si eos effectus producere intendat per media naturalia, aut etiam supernaturalia, sed quibus, tanquam necessariæ, adjunguntur circumstantiæ quædam frivoliæ, aut incertæ, vel apocryphæ; ut quòd remedia componi debeant ex herbis tali die collectis; quòd jumentis aperiatur vena certo

certo die alicui Sancto dicata; quòd preces tali numerò & ordine recitentur; quòd qui easdem tali tempore recitat, aut Scapulare gestat, non sit sine Confessione moriturus; & alia hujusmodi penè innumera.

3^{ta}. Est *Observatio futurorum eventuum*, qua quis ex eventu sortuito bonum aliquod aut malum sibi vel aliis eventurum ominatur, & indè actiones suas dirigit; ut si quis pede ad limen offensus malum aliquod sibi portendi credat, & idè domum regrediatur; vel si quis credat aliquos dies esse infaustos, idèque negotia omittat; alios verò faustos, quibus ea conficiat; quod prohibetur Cap. *Quis* 26. quæst. 7. nam cum ista nullam habeant vim naturalem vel supernaturalem ad ea mala vel prospera annuntianda, nec cum illis connexionem habeant, observantur ut signa vana, quibus cooperatur Dæmon, ut hominum animos talibus vanitatibus implicet, & à Deo ac virtutibus avertat.

- 422 Circa hæc & alia Superstitionis genera hanc observandam esse regulam arbitramur: Dum aliqua fiunt ad eos effectus habendos, ad quos neque valent naturaliter, neque ex Dei aut Ecclesiæ instituto sunt ordinata, procul dubio sunt superstitionis, adeoque in quacumque materia peccatum mortale, ob expressum vel tacitum, quod continent, cum Dæmone commercium. Et verò impium est verbis etiam sacris, quæ ad aliquem effectum nec à Deo, nec ab Ecclesia instituta sunt plus efficacie attribuere, quam ipsismet Sacramentis; in hoc tamen errore versantur, qui se per certa verba morbos sanare putant: Sacramenta enim non profunt ponentibus obicem; ex verò superstitiones, à quocumque, etiam impiissimo, observentur, infallibilem effectum habent, ut ajunt, incendia extinguunt, morbos fugant, &c.

Attamen arbitrantur Theologi, rusticos, mulierculas, personas simplices aliquando excusari per bonam fidem, inadvertentiam, & similia.

Nec condemnandi sunt, qui profertur verba Scripturæ, v. g. aut gestant Reliquias, vel recitant quasdam preces, quæ nec falsum, nec vanum continent, ad obtinendum aliquid à Deo, si salutis eorum expedire judicaverit, non tribuendo illis vim certam & absolute infallibilem: hoc enim pium ac bonum est, modò nullâ vanâ circumstantiâ contaminetur pium istud exercitium.

§. IV.

De Magia.

423

Magia generatim est *ratio operandi mira, seu mirabiles quosdam & insolitos effectus*, hoc est, qui habent causam latentem sed creatam, ac proindè quæ non superant naturales hominis vel Angeli vires; & in eo mira distinguuntur à miraculis, quòd miraculum causa sit supernaturalis, nec alia possit agnosci, quàm Deus, qui solus potest movere creaturas supra earum vires ad producendum quemcumque voluerit effectum. Mira verò procedant ex naturali creaturæ virtute, sed occulta, & à sapientioribus duntaxat cognita, & idcirco idiotæ plura mirantur, quàm Philosophi, qui apud Persas dicuntur Magi; *Magia* quippe est nomen Persicum, quod idem est ac *Sapientia*, seu *Philosophia*: quo sensu dicitur Matth. 2. *Eccæ Magi ab Oriente venerunt*, id est sapientes, seu Astrologi. In Scripturis tamen *Magus* frequentius significat eum, qui arte diabolica utitur, Levit. 19. v. 31. *Non declinetis ad Magos*. Act. 8. v. 9. de Simone dicitur: *Qui fuerat in civitate Magus, seducens gentem Samaria.*

Igitur

424 Igitur Magia duplex est, *naturalis* scilicet & *superstitiosa*. Magia naturalis est *ratio operandi mira per causas naturales occultas industriâ humanâ abique Dæmonis opera*. Quando causæ illæ latentes arte quadam, putâ medicâ, mathematicâ deprehenduntur, est Magia artificialis, licita, & nulli periculo obnoxia; periti siquidem in hac arte certi sunt dæmonem in suis operationibus non admisceri. Si autem causa operantem lateat, nec possit etiam à peritioribus sufficienter explicari, ut de pulveris sympathici effectibus narrant (1), periculosissima est illa Magia naturalis, valdeque timendum, ne mirabiles illi effectus in tacita diaboli pacta & conventa potiùs, quam in occultam naturæ virtutem referendi sint.

Magia superstitiosa est *ratio operandi mira ope Dæmonis, sive expresse invocetur, sive implicite tantum*; ut cum quis ad aliquid faciendum utitur rebus & mediis, quæ nullam cum effectu proportionem habent, & naturæ legibus repugnant, ut cum hic pungitur figura, & alibi homo sentit dolorem; cum quis brevissimo tempore in locum valde remotum transfertur, &c. Est species vanæ observantiæ.

Dicitur 1mo. *Ratio operandi*, ut distinguatur à Divinatione, quæ est *ratio cognoscendi*.

2do. *Mira*, non miracula; namque vera miracula ex diâis sunt opera omnia. P. Cartier Theol. Tom. III.

nipotentia divinae solius, quæ naturæ legibus non confringitur sicut causæ secundæ, aliqui fidem nostram ineffaciter probarent. Ergo magica arte non potest mortuus resurgere, eadem numerò persona in duobus locis distantibus simul præsens constitui, forma humani corporis in bestialem mutari; quia in natura nulla seminalis virtus inest ad ista patranda. Quod si talia aliquando videantur fieri, præstigiæ sunt & deceptiones. Utrum autem Dæmones in corpore assumpto generare possint, ut visum est nonnullis è veteribus, controuertitur inter Philosophos. Certum est, quod id non possit, nisi mediante semine humano aliunde adducto, & conservante nativum calorem, ab ipsis fieri.

Dicitur 3tio. *Ope dæmonis, &c.* Quo Magia superstitiosa à naturali distinguitur.

Porro tribus potissimum indicii colligitur, Magiam esse superstitiosam & diabolicam. 1mo. Si opera excedant vim naturæ. 2do. Si ea adhibeantur, quæ per se nullam habere possunt efficaciam ad effectum ponendum, ut characteres, certæ figuræ, verba ignota, falsa, absurda, non coherentia, vel etiam sacra, tanquam per se efficacia, & ut loquuntur, ex opere operato. Sicut enim venefici poculum lethiferum condiunt mellitis liquoribus; sic dæmon, ex Tertulliano, venenum erroris & impietatis rebus sacratoribus admiscere solet.

(1) Ajunt quidem hos effectus per effluvia substantialia è pulvere sympathico erumpentia atque per aërem ad corpus illius, in quo eos producant, transirentia fieri. Sed cum effluvia illa sint minutissima & inenbilis corpuscula, vix concipi potest, imò ne vix quidem, qui quandoque etiam ad corpora ab ipso pulvere sympathico pluribus levis distantia & distita sine ullo obice deferri possint, ita quidem, ut ab aliis inrepositis corporibus nullatenus impendantur, repellantur, aut saltem aliò divertantur. Sed postea hic dici, hæc eadem ratione fieri, quæ, prout est Philosophorum communis sententia, profluvia magnetica ab uno mundi polo egressa ad magnetem in superficie terræ positam deferuntur & ab illa, seu aliunde in alterum mundi polum demigrant.

folet. 3tio. Si ad efficaciam operis requirantur circumstantiæ vanæ & superflue, v. g. quòd fieri debeat tali die, horâ, numero, à mafculo inter fratres ordine natiuitatis feptimo, &c.

furtum cuiusdam Ecclesiæ poffet recuperari, furem detegere voluerat, ab Altaris ministerio per annum fufpendatur, quòd grauiffimè peccaffet.

426 Magia, quemadmodum & Divinatio, quævisque vana obferuantia, eft femper de fe mortale peccatum, ob commercium cum Dæmone; à quo fola ignorantia invincibilis excufat, qualis certè non eft in rudibus, qui moniti ab iis non abftinent, vel qui in dubio ea exercent. Undè Deut. 18. dicitur: *Cave, ne imitari velis abominatones illarum gentium. Nec inveniatur in te... qui Ariolos feifeitetur & obfervet fomnia atque auguria, nec fit maleficus, nec incantator, nec qui Pythones confulat, nec divinos, aut quarat à mortuis veritatem. Omnia enim hæc abominantur Dominus, & propter iftiusmodi fœclera delebit eos.*

Imò aliquando Magia eft multiplex peccatum: undè Confeffarii Magos interrogare debent: an non dæmoni facrificia aut preces fuderint, quod eft idololatria; an non Deo aut Sanctis renuntiaverint, quod eft Apoftafia; an non in Deum aut Chrifti humanitatem convicia pronuntiaverint, aut Sacramentis, præfertim Euchariftiâ indignè abufi fint, quod eft blafphemia, & Sacrilegium, &c.

Nec obftat, quòd quis teftificetur, fe renuntiare omni pacto cum dæmone. Quia renuntiatio factio contaria non excusat, fed eft mera illufio: fed qui teftificatur fe omni pacto renunciare, re ipfa facit contra teftificationem fuam, cùm mediis vanis & inutilibus utitur; quia media hæc nonnifi ex dæmonis operatione ea, quæ expectantur, producere poffunt. Hinc cap. c. de *Sortileg.* præcipit Alexander III. ut Sacerdos, qui non ea intentione, ut vocaret *dæmonium, fed ut infpectione aftrolabii*

S. V.

De Maleficio.

427

Maleficio eft ratio operandi mira & noxia ope dæmonis; feu eft *superstitio, qua quis ope dæmonis nocet alteri vel in fe, vel in fuis.* Eft etiam fpecies vanæ obfervantiz nec à Magia differt, nifi quòd hæc exerceatur vel ad oftentationem, vel commodum proprium aut alienum, atque fimpliciter Magia nuncupetur; Maleficio verò ad nocendum aliis fiat, triplicemque malitiam contineat mortalem, fcilicet contra Religionem, Charitatem & Iuftitiam.

Maleficio duplex eft, *Amatorium*, 428 feu *Philtrum*, quo fectuntur homines ad amorem venerem, non quafi dæmon voluntatem cogat: undè qui tentationibus ab eo per philtia inductis confentiunt, mortaliter peccant; quia eæ quamvis importunæ per Dei gratiam vinci poffunt; fed quia fpiritus immundus humores commovet, & phantafiam concutit, adeoque exponit ruinæ, nifi ad orationem, jejunium, & Sacramenta recurratur. Et *Veneficium*, quo mors, morbi, dolores inferuntur; quòd referri poteft maleficio tùm circa copulam carnalem, tùm circa infantes etiam baptizatos, quibus nocent ftriges & lamiz, ut putat S. Auguftinus lib. 3. de Civ. Dei cap. 14.

Uterumque Maleficii genus eft grave peccatum, ut jam dictum, ac præter commercium cum diabolo fæpè annexam habet hærefim, apoftafiam, Sacrilegium, &c. Unde Magi, Malefici, & alii id genus nunquam abfolvendi funt, nifi omnem cum dæmone focietatem

etatem abjurent, artis magicæ instrumenta, libros, schedas comburant, illata proximo damna reparent. Si tamen dæmoni chirographum dederint, necesse non est, ut illud repetant, sed satis est, si pœnitentiæ lacrymis ipsum delere moliantur.

429 Porro Maleficium tollere licet imo. Remediis naturalibus, quæ petuntur ex herbis & pharmacis Medicorum; imò hæc remedia ab initio tentari convenit, ne quod naturæ opus est, dæmonis opus esse temerè credatur. 2do. Remediis supernaturalibus, ut sunt oratio, jejunia, confessio, Eucharistiæ susceptio, aquæ benedictæ usus, Reliquiæ Sanctorum, frequens nominis Jesu, & B. Virginis invocatio, signum Crucis, cujus magna est vis contra omnes Sathanæ laqueos. Olim usus fuit, ut deferretur è collo suspensum initium Evangelii secundum Joannem, ut notat S. Hieronymus in v. 5. c. 23. S. Matth. In his tamen vitanda superstitio, & effectus omnis divini voluntati committendus. 3tio. Remediis moralibus, quo nomine intelligimus ea, quibus dissolvi potest pactum, per quod dæmon homini nocet, quod fit amovendo, aut destruendo signa magica, ad quorum præsentiam diabolus nocumentum infert, dummodò hæc remedia nullam maleficii rationem habeant; nam solvere maleficium per aliud maleficium nullatenus licet, nec proinde petere à maleficio etiam parato, ut maleficium per aliud maleficium tollat. Ratio est; quia non licet ab alio petere id, quod ab eo nullatenus fieri potest; hoc enim est consentire rei intrinsicè malæ, quod nunquam licet ex Apostolo Rom. 1. ubi digni dicuntur morte non solum qui talia faciunt, sed etiam qui consentiunt facientibus. Atqui maleficium per aliud maleficium destrui bene & licitè non potest, quia posterius maleficium, æquè ac prius, includit

expressam vel tacitam dæmonis invocationem, quæ nunquam usurpari potest. Ergo licet destructio malefici sit aliquid in se bonum, prout tamen fit per commercium cum dæmone, est aliquid pessimum.

At licitum est petere à malefico ut 430 tollat maleficium modò licitò; quia per se licitum est ab eo petere, ut injustè nocere desinat, cum ad id teneatur: Et hoc etiam si à Dæmone modum illum licitum accepisset; quia eo uti malum non est. Sic si diabolus ipse thesaurum absconditum indicasset, liceret eum quærere, cum non videatur illicitum uti scientià à dæmone acceptà, quæ in se nihil mali habet, modò sine recursum ad dæmonem exerceri possit. Imò etiam si petens probabiliter credat aut etiam moraliter certus sit, maleficium à Mago illicitò potius, quàm licitò modò, destructum iri; quia tunc peto rem, quam petendi jus habeo, & quæ ab alio licitè præstari potest. Unde non magis pecco, quàm cum juramentum peto à Gentili, quem non nisi per idola sua juraturum certò scio; & mutuum ab Usurario, quem non nisi sub usuris illud mihi daturum novi. Et verò tamen si ex charitate teneamur proximi peccatum vitare, hoc ex malitia solum operantis provenit; & aliàs nobis grave damnum salutis ex tali maleficio imminet. Atqui in præsentī casu grave nobis imminet etiam salutis damnum, quot enim peccatis sunt expositi, qui v. g. matrimonium consummare nequeunt maleficiò præditi, &c. Aliunde verò quod maleficus maleficium peccando solvat, ex ejus solum malitia provenit; cum supponamus eum posse viâ licitâ maleficium solvere.

Aliud est, si scimus maleficium nullū licitum destruendi maleficii modum cognoscere; vel etiam dubitamus, num talem licitum modum noverit; tunc enim

R r r r r 2 non

non possumus sine peccato maleficii dissolutionem ab ipso petere, ex ratione hinc superius allata.

sensu dicit Apostolus ad Titum cap. 2: *Admone illos . . . neminem blasphemare.*

SECTIO II.

431

De Irreligiositate.

Irreligiositas est peccatum, quo Deus in se, vel in rebus aut personis sacris inhonoratur. Quinque sunt illius species, scilicet Blasphemia, Tentatio Dei, Sacerilegium, Perjurium, & Simonia. Quas singulis paragraphis expendimus.

§. I.

432

De Blasphemia.

Blasphemia nomen græcum idem significat ac nocens dictum seu maledictum, & definitur *Locutio contumeliosa in Deum.*

Dicitur 1mo. *Locutio* sive externa & oris, sive interna & animi, ut cum dixit insipiens in corde suo, non est Deus, Psal. 13. ut distinguatur a contumelia, quæ factis irrogatur, qualis fuit Christi consputatio, flagellatio, &c.

Dicitur 2o. *Contumeliosa*; quia fit contra Deum, in quem, utpotè ubique præsentem omnis maledictio vera est contumelia; & sic distinguitur à detractione, quæ est maledictio personæ absentis.

Dicitur 3tio. *In Deum.* Jam enim vulgò, ait S. Augustinus de moribus Manichæorum cap. 12. *Blasphemia non accipitur, nisi mala verba de Deo dicere*; de Deo, inquam, vel in se, vel in creaturis quatenus Dei sunt, & in eis relucet divina sanctitas, potentia, &c. Quod si creaturæ absolute & in se sumantur, maledictum in eas prolatum non est blasphemia nisi latè sumpta: quo

Blasphemia dividitur 1mo. in inter-⁴³³nam & externam. 2do. In eam, quæ est contra Deum, & eam quæ est contra ejus creaturas, quatenus ejus sunt, puta contra Sanctos, &c. De quibus primum dictum est. 3tio. Præcipue in hæreticalem, imprecativam, & merè de-honestativam. Hæreticalis est ea, quæ aliquid falsum de Deo pronuntiat, aut ei attribuendo, quod ei non convenit; ut si dicatur tyrannus, crudelis, injustus, &c. Item O miserum Deum! aut de eo negando, quod ei convenit; ut si dicatur non esse omnipotens, bonus, misericors, non curare nostra, non prospicere rebus humanis, non omnia ab eo esse benè ordinata, Dæmonem esse Deo meliorem, &c. Aut tribuendo creaturæ quod Deo proprium est, ut si dicatur Dæmon aliquid creasse, vel mundum regere, &c. Hæc blasphemia dicitur *hæreticalis*, quia conjunctum exprimit errorem doctrinæ Catholicæ repugnantem.

Igitur Hæreticalis est hæc Blasphemia, *Denego Deum, Christum*; quia denegatur Deo existentia aut dominium; & ista, *Denego Evangelia*; quia denegatur Deo veritas infallibilis. Item si dicas: *Denego Deum, si hoc ita non est*; quia negare Deum etiam sub conditione cujusvis Objecti, est negare quod Deo proprium est, scilicet existentiam à quolibet Objecto creato independentem. Si tamen non crederetur error per blasphemiam expressus, tunc non committeretur hæresis, sed grave duntaxat peccatum contra externam Fidei confessionem, & aliud contra Dei honorem.

Blasphemia imprecativa est ea, quæ quis Deo malum imprecatur, ut *percat*⁴³⁴ *Deus, sit maledictus.* Hæc odium Dei con-

continet, atque in damnatis frequens est, & in desperandis.

Merè dehonestativa est ea, quæ enuntiat aliquid existens in Deo, sed indecenter & per modum contumeliæ ac contemptus. Talis hæc Juliani Apostatæ blasphemia fuit: *Vicisti Galilæe*. Talis etiam est eorum, qui indignabundi nominant Christi caput, viscera, &c.

335 Rursus Blasphemia alia dicitur in Patrem, alia in Filium, alia in Spiritum Sanctum, secundum perfectiones, quæ licet communes sint toti Trinitati, cuilibet tamen Personæ appropriantur, ut potentia Patri, Sapientia & scientia Filio, bonitas & charitas Spiritui sancto. Hinc Blasphemia, quæ ex infirmitate potius, quàm ex malitia procedit, dicitur esse in Patrem: quæ ex ignorantia in Filium: quæ ex malitia in Spiritum sanctum; & hæc in iis præsertim reperitur, qui manifesta Dei opera diabolo attribuunt, ut olim Pharisei.

336 Ad Blasphemiam revocantur alia signa contra Deum, licet non adsint verba, ut in Cælum spuere, infrendere dentibus, &c. Item vituperia & verba contumeliosa tùm contra res sacras, cùm ad Deum, utpotè eorum auctorem, redundant; tùm contra Sanctos, quia, ut ait S. Thomas q. 13. a. 1. sicut Deus in Sanctis suis laudatur, in quantum laudantur opera, quæ Deus

in Sanctis efficit; ita & Blasphemia, quæ fit in Sanctos, redundat in Deum, qui in iis elucet; & ad hoc sufficit virtualis habitudo ad Deum. Quare cap. 2. de Maledicti. graviter punitur, qui contra Deum, vel aliquem Sanctorum suorum, & maxime B. Virginem, linguam in Blasphemiam publicè relaxare præsumpsit.

Imo Blasphemia est, maledicere Crea-⁴³⁷ turis irrationabilibus, quatenus sunt creaturæ Dei vel ejus instrumenta ut tempestati: nam sub hac ratione iis maledicere, est Creatori maledicere, ait S. Thom. q. 76. a. 2. Blasphemia tamen immediate in Deum prolata gravior est, quàm quæ in Sanctos, & hæc gravior est, quæ in Creaturas ceteras profertur.

Omnis Blasphemia in quacunque⁴³⁸ materia est peccatum mortale; quia quælibet Dei contumelia vel maledictio, utpotè Dei majestatem positivè deprensens, gravem Deo injuriam infert. Hinc ea Lex Levit. 24. *Qui blasphemaverit nomen Domini, morte moriatur*. Et Psal. 36. *Maledicentes ei disperibunt*. Ergo nihil horribilius Blasphemia, quæ ponit in excelsum os suum, inquit Sancti. Hieronymus in *Isai. cap. 18. (m)*. Ad hoc autem non requiritur formalis intentio Deum inhonorandi, sed sufficit virtualis, cùm quis v. g. ex ira aut indignatione, imò etiam in joco ea profert, quæ ex communi in-

R r r r r 3 telli-

(m) In nova lege graves quoque pœne in blasphemos decernuntur, tùm ad Ecclesiasticam rùm à seculari potestate Cap. Statuimus tit de Maledicti. sic habetur: *Septem diebus Dominicis pra foribus Ecclesia in manifesto dam aguntur Missarum solennia blasphemus existens, in ultimo illorum die Dominico, palium & calcamenta non habeat & ligatus corrigia ad collum: septemque præcedentibus feriis sextis in pane jejunet & aqua, Ecclesiam nullatenus ingressurus. Quilibet quoque prædictorum dicrum, tres, si poterit, respiciat pauperes. . . cui etiam, si renuerit recipere, aut peragere penitentiam supra dictam, Ecclesia inseredatur ingressus, & in obitu Ecclesiastica careat sepultura. Leges quoque civiles graviter animadvertunt in blasphemos, aliquando usque ad pœnam capitis, utpotè Reipublice Christianæ plurimum noxios.*

telligendi modo, aut ex circumstantiis Dei inhonorationem continent.

Ex his intelliget Confessarius, quid inquirere debeat ab iis, qui se reos blasphemiae accusant. Quæret imprimis, quam blasphemiam protulerint; quia rudiores juramentum cum blasphemia confundere solent, ita ut dicant se blasphemasse, cum simplex protulerint juramentum. Deinde examinabit, qualis fuerit illa blasphemia, an hæreticalis & sensu hæretico prolata, an imprecativa, ut aliquando contingit in altercatoribus, an dehonestativa duntaxat; circa quam etiam inquireret, an ex Dei odio prodierit, aut saltem ex odio, vel indignatione contra divinam providentiam, in quo casu est vera blasphemia: si ex inadvertentia prolata sit, blasphemia non est, ex S. Thoma, q. 13. a. 2 ad 3. Non tamen à mortali exculabit eos, qui quidem sine pravo affectu in Deum, sed in iurgio duntaxat, Christi mortem, caput, aut sanguinem appellant; quia hæc vix dici possunt sine Dei contemptu, vix audiri sine scandalo & piarum aurium offensione. Unde Pœnitentiale Romanum sic jurantes gravi pœnæ subjicit his verbis: *Si jurasti per capillum Dei, aut caput ejus, vel alio modo blasphemiam us fueris; si semel nesciens fecisti, septem dies in pane & aqua peniteas.*

439 Superest dicendum de iis, qui quidem nec jurant, nec blasphemant, sed nomina Dei & Jesu, ac Sanctorum singulis ferè verbis appellant, & ex quadam animi levitate, nonnunquam etiam ex impatientia, si quid novi aut inopinati occurrat, statim exclamant, *Jesu; Deus bone!* quod expressè prohibetur Eccli. 23. *Nominatio Dei non fit assi-*

dua in ore tuo, & nominibus Sanctorum non admiscearis; quoniam non eris immunis ab eis; hoc est, propter irreverentiam horum nominum appellationem non eris immunis à peccato. Enimverò, cum nomen Dei sit res sacratissima & omnem sanctitatem exuperans, assumi non debet sine summa pietate & reverentia. *In nomine Jesu*, inquit Apostolus Philipp. 2. *omne genu flectatur, caelestium, terrestrium & infernorum.* Peccant ergo, qui sanctissimum & terribile illud nomen sine ullo religionis sensu usurpant, illudque frustra intendunt in confabulationibus suis tanquam aliquid commune & merè profanum (n).

§. II.

De Tentatione Dei.

440

Tentationis nomen hic non sumitur pro inductione ad peccatum, ut quando dicimur tentari, id est, ad peccatum induci à mundo, carne, & diabolo, & de qua Jacobus cap. 1. ait: *Deus neminem tentat*: sed prout circa experimentum aliquod capiendum versatur.

Igitur Tentatio Dei definitur *dictum vel factum vel omisso ad capiendum experimentum divina alicujus perfectionis, ut potentia, bonitatis, &c. per extraordinarium effectum à Deo temerè expectatum.* Atqui id fieri potest dupliciter, imò, expressè, ut fecit Monachus ille, de quo loquitur Cassianus Collat. 2. qui se in puteum projecit, ratus sibi adfuturos Angelos, qui cum in manibus portarent; quò etiam pertinent probationes, quæ olim fiebant candenti ferrò, aut aqua fervente, vel duel-

(n) Assidue etiam nominatio Daemonis licet sine imprecatione, sed per modum loquendi, cum Christianum non deceat, omnino vitanda est: & ratione scandali potest esse grave peccatum.

duellō (o). 2do. Implicite, cūm quis ad obtinendum finem ordinariis mediis non utitur : sic Deum tentant, qui remediis uti nolunt ad sanitatem, cibō & potu ad vitæ conservationem, qui sine ullo studio volunt docere aut concionari, &c.

441 Tentatio Dei est grave peccatum, 1mo. Quia prohibetur Deut. 6. & Matth. 4. *Non tentabis Dominum Deum tuum.* 2do. Quia magna censetur irreverentia, quōd villis creatura præsumat Deum leges providentiæ suæ ad nutum illius immutaturum, ac miracula operaturum. Fieri tamen potest, ut tentatio non sit nisi veniale peccatum, ut si quis nec intendat, nec advertat seu cogitet actionem suam ad Dei tentationem pertinere. Imò contingere potest, ut Deus sine peccato tentetur, ut cūm Genes. 15. Abraham aiebat ad Deum : *Domine Deus meus, unde scire possum, quod possessurus sim terram Chanaan?* Et cūm necessitas urget, nec aliud suppetit medium; modò id fiat cum summa humilitate, resque tota divinx voluntati permittatur, exemplō trium juvenum Daniel. 3. vers. 17. & Discipulorum Christi, Act. 4. vers. 3. nec sine causa ac sine vivo Spiritu sancti impulsu miracula à Deo petantur.

442 Tentatio Dei quandoque adjunctam habet infidelitatem, ut si quis dubitans de aliqua Dei perfectione, vel providentia, eam miraculò experiri cupiat. Quandoque est etiam contra Charitatem propriam, ut si conjuncta sit cum periculo vitæ, aut gravis læsionis.

§. III.

De Sacrilegio.

443

Sacrilegium est *violatio, seu indigna tractatio rei sacræ*, hoc est, rei

Deo dicatæ, seu ad Dei cultum specialiter destinatæ.

Violatur autem res Sacra, cūm aliquid sit, quod peculiariter sanctitati illius, vel reverentiæ illi debitæ seu Deo in illa debitæ repugnat : sive violatio rei Sacræ est qualibet irreverentia in illam.

Cūm triplicis generis sit res Sacra, scilicet persona, locus, & res aliæ, hinc etiam tres Sacrilegii species numerantur, nimirum personale, locale, & reale. 444

Sacrilegium personale est, quo indignè tractatur persona Sacra, ut Clericus, vel Religiosus : quod fit quatuor modis : 1mo. eos injustè percutiendo, aut quamlibet aliam actionem violentam ac contumeliosam in eos injustè exercendo, contra privilegium Canonis *Si quis suadente*. atque manus violentas suadente diabolo in illum injiciendo; Si v. g. vestis ejus, aut pileus cum magna ejus dejectione & contumelia detrahatur; si conspuatur, pulvere conspergatur, injustè detineatur cum magno ejus dedecore. In his & similibus casibus excommunicatio incurritur, nisi materiæ levitas excuset à peccato mortali, ut contingit in pueris Clericali tonsurâ initiatis, qui non censentur gravi contumeliâ se afficere, dum in rixa se propellunt, aut pugnò se percutiunt. 2do. Eos subijciendo Tribunali seculari, vel eos ad illud provocando contra privilegium fori. 3tio. Imponendo eis tributa, vel onera publica sine legitima auctoritate contra immunitatem Ecclesiasticam, nam hæc privilegia eis concessa sunt intuitu Religionis. 4to. Omne peccatum contra castitatem à Religiosis vel Clericis Sacro Ordine insignitis commissum est Sacrilegium : quia per votum corpus suum & animam specialiter Deo consecrârunt quoad fugam omnis

(*) Distinguantur hæc probationes cap. Minuam 2. q. 5. & cap. ult. de Purgat. Fulgar.

actus veneri. Hoc etiam incurrunt alii, qui cum ipsis peccant, cum ei coope-
rentur. Item cujuslibet voti violatio est Sacrilegium; nam eo ipso quod res per votum Deo dicata sit, jam est jure divino ad Dei cultum destinata, ideoque Sacra.

445 Sacrilegium locale est *violatio loci Sacri*, ut Templi, & Cœmeterii. Qualis est omnis actio irreverentiam loci includens, aut specialem habens cum sanctitate loci vel cultu divino repugnantiam sive ex natura sua, sive ex prohibitione Ecclesiæ; *ut 1mo. Effractio, spoliatio, incensio Ecclesiæ, everio Altaris, cap. 22. *de sent. excom.* 2do. Homicidium, effusio illicita sanguinis aut seminis humani, sepultura excommunicati non tolerati, aut non baptizati; nam his polluitur locus sacer. 3tio. Usus profanus Ecclesiæ tanquam vulgaris loci, ut si in ea fiant negotiationes, exercitium judiciorum sæcularium, seditio, conclamatio, vana & profana colloquia, confabulationes quolibet tempore divini officii, vel quævis alia quæ cultum divinum turbare aut impedire possunt, aut oculos divinæ Majestatis offendere, cap. *Decet.* de immunit. in 6. ex Concilio Lateranensi II. à quo hæc omnia prohibentur. 4to. Extractio violenta rei seu delinquentium in casibus prohibitis è loco Sacro, ubi Lex alyli viget; conversio materialium Ecclesiæ dirutæ in usus profanos. 5to. Convitia fusa in loco Sacro, cap. 4. *Dist.* 42. 6to. Furtum sive rei Sacræ, sive profanæ in loco Sacro, quamvis ibi non depositæ, ut occultæ crumenæ abscessio, &c. ex cap. *Quisquis.* 17. q. 4. ubi Joannes VIII. ait: *Sacrilegium committitur auferendo Sacrum de Sacro, vel non Sacrum de Sacro, sive Sacrum de non Sacro.* Ubi autem lex non distinguit, nec nos distinguere debemus; sed generaliter & indistincte accipiendum est, quod Lex generaliter dicit. Et ad reverentiam Ec-

clesiæ pertinet, ut res omnes in ea positæ à furtis & injuriis sint liberæ.

Sacrilegium reale est *violatio seu indigna tractatio rei Sacræ distincta à persona & loco.* Res autem illæ dicuntur Sacræ, quæ vel sanctitatem producant, ut Sacramenta: vel quæ Sacra significant, ut verba Scripturæ: vel quæ Sacra representant, ut Imagines Christi & Sanctorum, item Cæremoniæ Sacræ: vel quæ sunt particulæ, aut res Sanctorum, ut Reliquiæ: vel quæ ad cultum Dei, & ejus Ministrorum sustentationem, ususque pios sunt consecrata seu destinata, ut Vasa Sacra, Ornamenta; item bona temporalia Ecclesiæ, c. 4. & seq. 17. q. 4. & Cap. *Nulli* 12. q. 2. Et ex Concilio Lateranensi Generali II. Can. 10. & aliis.

Porro Res Sacra dupliciter violatur, adeoque circa eam Sacrilegium dupliciter committitur, 1mo. positive, cum scilicet re ipsa indignè tractatur. 2do. negative, cum eâ curâ, qua deest non custoditur, ut si Vasa Sacra, Pallæ, Corporalia præsertim, non teneantur satis munda; si permittantur species in pixide corrumpi; si Eucharistia sub clavi non asservetur, ex cap. 1. & 2. *de Custod. Euchar.* &c.

Cum autem in iis rebus diversæ sint habitudines ad Sanctitatem, seu diversa sit ratio sanctitatis; ideo diversas constituunt species rerum Sacrarum, & sic earum violationes sunt Sacrilegia diversæ speciei.

Ad hanc tertiam Sacrilegii speciem 448 quidam Theologi revocant violationem seu profanationem temporis Deo dicati, quale sunt dies Dominici ac Festi, eò quod sint mensura actionum Sacrarum, & ad illas destinati. At alij putant violationem diei Festi non esse propriè Sacrilegiū, sed Irreligiositatem quandam; quia, inquit, non propter tempus præcisæ certæ actiones præcipiuntur, aut prohibentur die festo, sed propter mysterium, quod gratâ memoria die illo recolitur; cum contra nonnulla prohibeantur in loco Sacro, directè ob loci venerationem.

Igitur

449 Igitur ex dictis, Sacrilegium reale est indigna administratio vel susceptio Sacramentorum; profanatio Reliquiarum, Imaginum, Vasorum Sacrorum, ut si quis utatur Calice ad potandum, Ornamenta sacra ad usus profanos adhibeat; abusus Verborum S. Scripturæ non solum ad errores confirmandos, sed etiam ad res profanas: Unde Concilium Tridentinum Sess. 4. Verbi Dei violatores appellat, jubetque puniri, eos, qui verba & sententias S. Scripturæ ad profana quæque convertunt, & torquent ad seurrilia, fabulosa, vana, adulationes, detractiones, &c. Item invasio bonorum sive mobilium sive immobilium, & jurium Ecclesiæ, suppressio piorum legatorum, defraudatio decimarum, &c. Nam hæc ad Dei cultum data sunt.

450 Sacrilegium est peccatum ex genere suo mortale 1mo. Quia Deum inhonorat in rebus sacris, quæ cum ejus cultui consecratæ sint, violari non possunt quin ipse Deus contemni censeatur. 2do. Quia graves pœnæ ab Ecclesia contra Sacrilegos decernuntur, ut excommunicatio contra percussores Clericorum; contra eos, qui infringunt & spoliant Ecclesias, aut eas incendunt, cap. 19. & 21. *De sent. excomm.* 3tio. Quia ratio ipsa dicit Sancta sanctè & reverenter esse tractanda: est autem tantò gravius crimen, cæteris paribus, quanto res, quæ violatur, est sanctior & sacratior.

Potest tamen Sacrilegium non esse nisi veniale peccatum, tum propter inadvertentiam, tum propter tenuitatem materiæ, quæ non ita pugnet cum Sanctitate loci, ut si quis in transitu per Ecclesiam vendat aliquid aut emat sine mora in pacifendo, aut unum affcem furripiat in Ecclesia. Qui in Cœmeterio mercatus & nundinas exercent, non sunt immunes à peccato, nisi magna

P. Cartier Theol. Tom. III.

necessitas quædam ad id in talibus locis faciendum impellat.

Porro cum Sacrilegium novam speciem peccati constituat ratione specialis deformitatis oppositæ Religionis, debet semper exprimi in Confessione. Hinc circumstantiæ personæ sacre in luxuria, loci sacri in furto, &c. declaranda est; nam utrumque continet duplicem malitiam specie diversam, unam contra Religionem, alteram contra Castitatem vel justitiam. Imò quia omnia Sacrilegia non sunt ejusdem speciei infimæ, nec gravitatis; atque Sanctitas, quæ per Sacrilegium violatur non sit ejusdem naturæ, quia aliter persona Deo dicata sancta est, aliter locus Deo consecratus, debent quoque pœnitentes exprimere, quo in genere & qua in re Sacrilegium commiserint.

Denique ex hæcenus de Sacrilegio discussis & expensis non obscure colligitur, omnia peccata saltem externa in Ecclesia commissa, non modò ea, quæ specialiter ab eadem prohibita sunt in loco sacro, quales sunt actus suprâ recensiti, sed etiam quæcumque alia indè malitiam sacrilegii contrahere: quia repugnant Sanctitati loci Deo consecrati, & propriæ ejus institutioni, quæ est, ut Deus in eo piè colatur: nam per se & ex natura rei indecentiam & irreverentiam arguit, ut locus orationi & cultui divino dicatus convertatur in locum peccati & offensionis Dei. Enimverò si actus profanus de se & alibi licitus, ut venditio Columbarum ad usum Templi violat Sanctitatem loci, & ideo Matth. 21. prohibetur à Christo, qui ejiciebat omnes vendentes & ementes in Templo, quia Templum est *Domus orationis*, hoc est, solis piis actionibus destinatum: a fortiori actus per se malus factus in loco sacro Sacrilegium est. Deinde à Concilio Generali Lugdunensi cap. Decet. prohiben-

SSSSS

hiben-

hībentur in Ecclesia quæcumque possunt oculos divinæ Majestatis offendere.

Diximus *saltem externa*. Multi enim id negant de actibus seu peccatis merè internis : quia, inquiunt, actus seu peccatum merè internum nullam habet relationem ad locum sacrum, utpotè sensibilem, nec proinde repugnat ejus Sanctitati ac reverentiæ. Verùm hæc ratio non ita solida videtur, ut omnes eâ convinci possint.

§ IV.

De Perjurio.

453. Suprà in Tractatu de Virtute Religiosis Capite 4. §. 1. Juramentum definivimus, quòd sit *invocatio Dei in testem eorum, quæ asseruntur aut promittuntur*. & §. 3. ad licitum juramentum has tres inter alias requiri condiciones, scilicet veritatem, judicium, & justitiam, quæ si defuerint, juramentum illicitum fore, & ad perjurium degenerare, diximus. Insuper, prout ex ipsa Juramenti definitione liquet, atque eodem c. 4. §. 1. adnotavimus, juramentum aliud est *assertorium*, scilicet quo interpositâ de attestatione asserimus aliquid esse vel fuisse ; aliud *promissorium*, nempe quo confirmamus id, quod pollicemur, &c.

454. Unde Perjurium generatim & latè sumptum definiri potest, quòd sit *invocatio Dei in testem eorum quæ vel sine veritate vel sine justitia, vel sine judicio, vel sine his tribus conditionibus simul sumptis asseruntur & promittuntur*.

Diximus *Generatim & latè sumptum*; nam Perjurium strictè sumptum illud solum est Juramentum, cui deest veritas. Unde definiri potest *Invocatio*

Dei in testem falsitatis. Juramenta verò quibus deest judicium & justitia, non nisi latiori sensu ut plurimum perjuria dici possunt ; prout ibidem annotavimus, necnon ex ipso perjurii nomine apertum est, quamvis & hoc sensu perjurium sumatur apud Gratianum 22. q. 2. Unde & nobis cum eo, illa sub nomine Perjurii recensere placeat.

Igitur circa Perjurium sic suis conditionibus distinctum quæritur primum si solo judicio defectuosum sit peccatum sit & quale. Iorrò ex dictis in Tract. de Relig. cir. loc. Juramentum cui deest judicium illud dicitur, quod sit sine necessitate, sine prudentia Christiana, & pro re levi. Sit modò

CONCLUSIO I.

Perjurium seu Juramentum solo judicii defectu vitiosum, non est nisi veniale peccatum, modò absit contemptus, scandalumve, & periculum jurandi talium.

Prob. Quod leve duntaxat irreverentiam contra Deum continet, non est peccatum lethale. Atqui tale est juramentum, cui non deest nisi judicium. Hoc enim juramentum id solum habet vitii, quòd in eo divina auctoritas interponatur ad confirmandam rem parvi, vel nullius momenti, non verò ad confirmandam falsitatem. Atqui hæc irreverentia gravis non est. Ergo.

Diximus, modò *absit contemptus*; quia ratione contemptus solent peccata fieri mortalia, ut in Tract. de legibus ostendimus. Idque adhuc hic est evidentius, quia talis contemptus in ipsum Deum, per quem juratur, directè cadit ; contemptus autem Dei est gravissima illius injuria, ut per se constat.

Di-

Diximus 2do. *Et Scandalum.* Gravis enim peccati rei sunt, qui quod est in Religione sacratissimum, ut Christi mortem & sanguinem, sive per iram, sive in joco pronuntiant. Item verba, quæ in Laicis non multum arguuntur, in Religiosis & Sacerdotibus scandalum parere solent.

Dixi 3tio. *Si absit periculum jurandi falsum.* Nam lethaliter peccat, qui se conjicit in periculum lethaliter peccandi juxta illud Eccli. 3. v. 17. *Quamvis periculum in illo peribit.* Sed qui sine judicio frequenter jurat, conjicit se in periculum lethaliter peccandi, scilicet jurandi falsum.

456 Unde quisque tenetur sub mortali consuetudinem jurandi sine necessitate vitare & contractam evellere; quia hæc assert morale periculum pejerandi, ut constat experientiâ, & ex cap. 26. de *Jur. jur.* *Ex frequenti & incauta juratione perjurium sæpe contingit.* Et ex S. Augustino Epist. 89. *Jurandiconsuetudine & in-perjuriū sæpe caditur, & semper perjuriū propinquatur.* Idem docent S. Chrysostomus, S. Isidorus, &c. Ratio est, quia hæc consuetudo propter nimiam facilitatem & proclivitatem ex ea contractam constituit hominem in periculo morali jurandi leviter actemerè, ideoque sine consideratione sufficienti ad judicium prudens ac certum de veritate, & consequenter in periculo jurandi falsum. At quisque tenetur sub mortali vitare ac tollere periculum morale peccandi mortaliter; nam, ut suprà ex Eccli. 3. dictum, *qui annat periculum peribit in illo.* Et quisque tenetur graviter velle efficaciter vitare peccatum mortale. Ergo &c. Hinc illud Eccli. 23. *Jurationi non assuecas os tuum, multi enim casus in illa... vir multum jurans implebitur iniquita-*

te, & non discedet à domo illius plaga. Quod verum est etiam de consuetudine jurandi absque advertentia an juretur, necne; quia hæc consuetudo exponit periculo proximo incidendi in juramenta falsa, quæ, quamvis inadvertenter & sine animo jurandi prolata sint, habent tamen turpitudinem ac difformitatem objectivam, ob quam graviter disconveniunt naturæ rationali, & ratione ejus homo tenetur ea non velle, neque in se, neque in causa: quippè exterius sonant perjurium, & eum sensum ingerunt audientibus. Hæc autem juramenta indeliberata sunt sufficienter voluntaria ac libera in causa, nempe in consuetudine, & in negligentia eam extirpandi. A fortiori id verum est de consuetudine jurandi advertenter & indiscriminatum sive verum sive falsum, vel jurandi inadvertenter circa rei juratæ veritatem: quia exponit proximo periculo jurandi falsum; Unde iis, qui hac prava jurandi consuetudine continentur, negari debet absolutionis beneficium, nisi pravam consuetudinem tollere, & in dies pro virili minuire fatagant.

Quæritur 2do. num Perjuriū seu Juramentum, cui deest Justitia, sive quod est de re illicita & inhonesta sit grave peccatum? Sit

CONCLUSIO II. 457

Perjuriū seu Juramentum, cui deest justitia, sive sit promissorium sive assertorium sapissimè est peccatum mortale. Igitur imo. Qui sine animo & intentione faciendi jurat se facturum rem illicitam, etiam venialem, mortaliter peccat. Ratio est, quia tridè perjurus est, utpotè qui vocet Deum
S S S S S 2 in

in testem falsi & mendacii. Atque si-
cūt perjurium est peccatum mortale,
ut ex Conclusionē sequenti patebit.
Ergo.

- 458 2do. Qui jurat se rem mortaliter
malam esse facturum, sive cum ani-
mo, sive sine animo ejusdem imple-
ndæ mortaliter peccat. Ratio est; quia
ibi grave est peccatum, ubi gravis est
irreverentia, & talis Dei contemptus,
ut vix major fingi possit. Atqui ta-
le est peccatum illius, qui adducit Deum
in testem voluntatis efficacis, quam
habet, mortaliter peccandi. Talis enim
est sicut servus, cui non satis est
transgredi Domini sui mandatum, ni-
si insuper vocet eum in testem trans-
gressionis suæ; sicque inobedientiæ suæ ad-
dit impudentiam & contumeliam; ac pro-
inde omnem Dei timorem & reverentiam
cavisse videtur, ut qui eò audaciæ
profluerit, ut velit Deum esse testem
actionis, quam ipse summè odit ac
deestatur, necnon sub gravissimis pœ-
nis prohibet.

- 459 3tio. Perjurium seu Juramentum as-
sertorium rei mortaliter malæ, cui de-
est iustitia est peccatum mortale. Ra-
tio est; qui assumere nomen Dei tan-
quam instrumentum ad cooperandum
gravi peccato, magnam in Deum ir-
reverentiam continet, adeoque est
grave peccatum. Sed qui jurat, ut
illicite asserat rem mortaliter malam à
proximo peractam, assumit nomen
Dei ad cooperandum gravi injustitiæ
peccato, nempe ad efficiendum, ut si-
bi de fratre suo detrahenti plena fides
habeatur. Ergo.

De his omnibus facillè conveniunt
omnes Theologi; At verò an Perjuri-
um seu Juramentum cui deest iustitia,

tum promissorium, tum assertorium
de re venialiter tantum mala, sit pecca-
tum mortale ac veniale tantum non
conveniunt. Aliqui tuerentur tale jura-
mentum esse mortale peccatum; quia,
inquiunt, qui v. g. jurat se peccatum
veniale facturum cum intentione etiam
& animo illud faciendi, per ipsam
Dei auctoritatem vult se confirmare
in proposito venialiter peccandi. At-
qui qui se in tali proposito per Dei aucto-
ritatem vult se confirmare, grave pec-
catum committit (quamvis illud non tam
grave sit, ac illud, quo aliquis vult
se confirmare in proposito peccandi mor-
taliter). An non enim gravem erga
Deum irreverentiam committit, qui
Deum mali propositi confirmatorem &
fautorem esse posse existimat? Item,
qui jurat de re venialiter illicita, vi
juramenti tenetur habere propositum
peccandi venialiter, alioqui jurando
contra veritatem peccaret mortaliter,
ut supra dictum est; Atqui gravis ir-
reverentia est in eo, quòd divini no-
minis assumptio hominem cogat ad ha-
bendum peccandi propositum. Ergo, &c.

Cæteri tamen communiter velut
probabile tenent, eum, qui jurat se
peccatum veniale facturum, non nisi ve-
nialiter peccare, si animum habeat pro-
missum implendi; Quia, inquiunt, ta-
li juramentò gravem & mortalem ir-
reverentiam erga Deum ejusque æternam
& summam veritatem & bonitatem non
committunt.

Duo tamen notanda hic volunt. 1mo. 460
Etsi hæc juramenti species non per-
tingat ad malitiam peccati mortalis,
est tamen peccatum intra latitudinem
peccati venialis valde grave; longè
enim pejor est jurare de re mala,
quàm de honesta vel indifferenti sine
necessitate. 2do. Juramentum hoc in
mul-

multis casibus à mortali excusari non potest. Ratio est, quia proferri solet ex impotenti iræ impetu; porro homo iratus faciliè judicat leve esse quod minatur, cum re vera grave sit: deinde sæpè advertere potest, se, post sedatam iram, malum, quod minatur, non esse illaturum, & tunc strictè perjurum est. 3tio. Sæpè hæc juramenta proferri solent cum verbis quæ blasphemiam sonant: adeoque gravem irreverentiam Deo irrogant, quæ proinde nunquam sunt sine gravi peccato, juxta illud Concilii Trecentis an. 1427. *Sunt nonnulli tam Laici, quàm Ecclesiastici viri, qui Redemptorem suum turpiter inonorantes, detestabilia in ejus blasphemiam faciunt juramenta, putà per carnem suam, per sanguinem, per mortem, per plagas, per caput, per viscera, vel aliud concernens ejus humanitatem jurantes, & ipsum Redemptorem nostrum pro nobis omnibus in cruce mortem passum crucifigunt.*

- 461 Quæritur 3tio. Num Juramentum assertorium, cui deest veritas, id est, perjurium propriè & strictè sumptum, semper & in omni materia, etiam levi & veniali sit peccatum mortale. Pro quo sit

CONCLUSIO III.

Juramentum assertorium cui deest veritas, hoc est, perjurium propriè & strictè sumptum, semper & in omni materia est peccatum mortale, nisi excuset inadvertentia.

- 462 Prob. 1mo. ex S. Augustino Serm. 180. aliàs 28. de verbis Apostoli; ubi, *Perjurium*, inquit, *peccatum esse, & grande peccatum, nemo dubitat. . . tantum mali habet juratio, ut qui lapides colunt, timeant falsum jurare per lapi-*

des: tu non times Deum præsentem, Deum viventem, Deum scientem, Deum in contemptorem vindicantem? . . . Videtis quàm ista detestanda sit bellua, & de rebus humanis exterminanda! Quis enim hoc fieri velit? omnes homines talia detestantur. Certè colores, quibus hic perjurium delineat S. Augustinus, grave & gravissimum esse peccatum manifestè demonstrant.

Prob. 2do. Ex gravissimis, quæ in 463 perjurios sancitæ sunt, pœnis; quæ utique gravissimam esse perjurii culpam supponunt. 1mo. Causa 6. q. 1. cap. *Infames*. perjuri incurrunt infamiam, si crimen ipsorum sit notorium notorietate juris, id est, si in foro judiciali fuerint publicè convicti & declarati; quam infamiam sequitur irregularitas & inhabilitas ad Beneficia recipienda: cæterùm sola notorietas facti magnam apud omnes probos parit infamiam, quæ sufficit, ut quis à dignitatibus excludatur, ut docent communiter Doctores. 2do. Caus. 2. 2. q. 5. c. 4. & præcedentibus; qui pejeravit aut alios sciens in perjurium induxit, *quadraginta dies pœnitere debet in pane & aqua, & septem sequentes annos, & nunquam esse sine pœnitentia.* 3tio. Cap. 10. & 11. *De jurejur.* Perjurus debet Beneficiò, quod jam habet, privari, & ab Ecclesiis excludi, seu nullum deinceps recipere Beneficium, & ad illud inhabilis judicari. 4to. Perjurus ne quidem post peractam pœnitentiam admittitur ad ferendum testimonium, licet admitti possit, qui in alia cecidit crimina, si de iis pœnitentiam egerit, cap. 54. *De testibus & attestationibus.* Quia ex retroactis, inquit S. Thomas q. 89. art. 10. præsumitur, quod debuit reverentiam juramento non exhibebunt.

- 464 Prob. 3tio. Ex censura hujus propositionis, quam perstrinxit Innocentius XI. *Vocare Deum in testem mendacii levis non est tanta irreverentia, propter quam velit aut possit damnare hominem.*

Prob. 4to. Ratione. Si perjurium esset aliquando peccatum simpliciter veniale, vel maxime, cum est in materia levi. Atqui tunc etiam est mortale: nam quod ex genere suo veniale est, imò etiam bonum, illud, si in Dei contemptum fiat, est peccatum mortale: Unde, sunt verba S. Thomæ q. 98. a. 2. & 3. *multò magis quidquid est, quod de sui ratione pertinet ad contemptum Dei, est peccatum mortale.* Atqui perjurium de sui ratione importat contemptum Dei, quia per hoc datur intelligere, vel quòd Deus veritatem non cognoscit, vel quòd falsitatem testari velit. Ergo ille etiam, qui jocosè perjurat, non evitat divinam irreverentiam, sed quantum ad aliquid magis auget; quatenus absque ulla causa nomen Dei prophanat, & ideo non excusatur à peccato mortali.

- 465 Diximus in Conclusionem, nisi excuset *inadvertentia*, quæ sicut alia peccata, sic etiam perjurii peccatum notabiliter minuire potest, & intra venialis culpæ limites coercere, imò quandoque ab omni peccato excusare potest; si nempe sit invincibilis, qualis censetur in eo, qui jurandi consuetudinem retractavit, & de ea sermò dolet. Si autem sit leviter duntaxat culpabilis, excusatur à gravi peccato, non tamen à veniali, seu, ut loquuntur, à tanto non à toto. At si crassa sit, penitusque voluntaria, qualis est in iis, qui jurandi consuetudinem non retractant, in qua advertunt, & advertere possunt se multa miscere perjuria, nullatenus

à mortali peccato excusatur. Aptiora verò remedia, quibus fieri potest, ut quis ad Juramenta sua advertat, & deponat inveteratam jurandi consuetudinem, sunt ex parte jurantis, frequens confessio, eleemosyna, oratio brevis pro singulis juramentis, quæ temerè prolata fuerint. Ex parte Confessarii prudens absolutionis dilatio, &c.

Quæritur 4to. An Perjurium promissorium sit peccatum mortale. Porro tribus modis peccari potest adversus Juramentum promissorium. 1mo. Si absit intentio jurandi, etiam si exterius proferatur Juramentum. 2do. Si jurans non habeat actu intentionem implendi id, quod promittit. 3tio. Si intentionem quidem hanc habeat de facto, sed eam postea adimplere nolit, mutata scilicet priori voluntate. Modò sit

CONCLUSIO IV.

Perjurium promissorium est peccatum mortale. 1mo. Si absit intentio jurandi. 2do. Si absit intentio implendi id, quod juratur. Et 3tio. Si intentio illa adimplendi id, quod juratur, mutetur, nec adimpleatur saltem in re gravi.

Prob. 1ma. pars. Ibi est grave peccatum, ubi est gravis contra Deum irreverentia. Atqui gravis est contra Deum irreverentia, quòd quis Dei nomine utatur ad alios decipiendos, & Deum, saltem exterius, in mendacii testem adducat. Ergo & ibidem est grave peccatum. Hinc patet quàm meritò Innocentius XI. hanc reprobaverit propositionem: *Cum causa licitum est jurare sine animo jurandi, si res sit levis, sive gravis.*

Prob. 2da. pars. Peccat mortaliter, qui strictè perjurus est, & Deum vocat in testem mendacii. Sed qui jurat si-

ne

ne intentione adimplendi id, quod juravit, stricte perjurus est. Ergo &c. Atque id verum est non solum si materia gravis sit, sed etiam levis fuerit, ut patet ex dictis de perjurio assertorio: quod & intelligendum est de prima parte hujus Conclusionis.

- 469 Pars 3tia. ab omnibus admittitur; quia utique mortaliter peccat, qui, quantum in se est, Deum facit auctorem seu testem falsi circa materiam gravem & magni momenti.

- 470 Verum an similiter mortaliter peccet, qui id non implet, quod, interposito juramento, promissit, si levis aut minimi duntaxat momenti id sit, nec ne; non conveniunt Doctores.

Multi asserunt ex duplici ratione. 1mo. Quia talis, quantum in se est, facit Deum auctorem & testem falsi, non secus ac in re gravis momenti. Nam sicut Deus efficitur testis falsi, quando sub ejus testimonio asseritur ut actu existens id, quod non est actu; ita efficitur testis falsi, quando non impletur id, quod sub ejus testimonio affirmatum fuit esse aliquando implendum; quia Deus, quantum fuit in voluntate jurantis, jam testatus est hoc esse suo tempore implendum. Ergo sicut qui jurando asserit id esse actu, quod actu non est, peccat mortaliter, etiam si materia levis sit; ita à pari peccat mortaliter, qui non implet id, quod, quantum in se fuit, Deus ab ipso implendum esse testatus est. 2do. Quia tunc levitas materię efficit, ut peccatum leve sit, quando materia est per se & immediate Objectum peccati; sic ideo levis intemperantia, in cibo vel potu, est leve peccatum, quia cibus & potus sunt immediata temperantię materia, in quibus si leviter excedatur, etiam nonnisi leviter destruitur temperantia. Atqui materia promissionis non est Objectum actus

Juramenti, sed honor Dei, qui servari debet. Ergo gravitas vel levitas perjurii cujuscumque non est metienda ex quantitate materię, quę promissa est, sed ex honore Dei, qui læsus fuit: jam verò honor Dei, qui sic læditur, ut Deus fiat testis falsi, quantum est in homine, non potest nisi gravissimè lædi. Ergo in omni perjurio promissorio, quantumvis sit de re levi, non potest esse nisi grave peccatum.

Multi alii autem negant 1mo. Quia 471 ex S. Thoma q. 89. a. 8. major est obligatio Voti, quàm Juramenti. Atque nisi Juramentum saltem in materia levi, sine gravi peccato violari possit, major esset obligatio Juramenti quàm Voti, cum Voti obligatio nonnunquam ad peccatum veniale decreseat, ob materię levitatem. Ergo fieri etiam potest, ut Juramentum sub peccato solum veniali obliget. 2do. Juramentum de peccato veniali faciendo non est probabiliter peccatum mortale, prout communis sententia docere videtur. Ergo nec violatio Juramenti de re levis momenti facienda erit peccatum mortale; non enim est major in uno, quàm in altero irreverentia. 3tio. Quotidie contingit, ut patet juret se nihil suum poenā aliquā multarum esse; item ex duobus qui in ingressu domus honore se præveniunt, juret alter se non ingressurum priorem, qui tamen alterius importunitate victus prior ingreditur. Atqui vix credi potest in his esse perjurium mortale. Ergo materię levitas à perjurio mortali excusatur. Et verò quis aureus centum debens, æstimet se, etiam post Juramentum de solvendo, mortaliter peccare, si summam hanc uno asseminorem solvat?

Hæc ita ex utraque parte disputantur. Nos arbitramur melius & tutius fore, si quis vel non juret, vel neminam

nimam quidem hujus, quod juravit, partem omittat.

- 472 Queritur 1^{to}. An liceat exigere juramentum ab eo, qui prævidetur pejaturus?

CONCLUSIO V.

Non licet personæ privatz etiam in Judicio exigere juramentum ab eo, qui prævidetur pejaturus; licet tamen Judici ad instantiam partis.

- 473 Prob. 1^{ma}. pars 1^{mo}. ex S. Augustino, cujus verba referuntur 22. q. 1. cap. 1. *Scribite*, ait, in cordibus vestris quod dico. *Ille qui hominem provocat ad jurationem, & scit eum falsum esse juraturum, vincit homicidium; quia homicida corpus occisurus est, ille animam.* Et Serm. 180. aliàs 28. de verb. Apost. *Si scit, & cogit jurare, homicida est; ille enim suò perjurio se perimit; sed iste manum interficientis & expressit, & pressit.*

Prob. 2^{do}. Ratione. 1^{mo}. Non licet sine justa causa alicui offerre materiam, ex qua prævidetur, eum peccandi occasionem esse sumpturum. Sed qui juramentum exigit, aut recipit ab eo, quem prævidet esse pejaturum, offert ei peccandi materiam, ut satis patet; eamque offert sine causa, cum nihil inde sit emolumenti percepturus, ut supponitur, & evidens est. Si enim exigas, ut debitor tuus juret, & prævidens eum juraturum esse nihil ab eo tibi deberi, non magis debitum tuum recuperaturus es, quam si non jurasset. Ergo. 2^{do}. Tenemur ex charitate impedire peccatum proximi, saltem cum facile possumus. Atqui tunc facile potest impediri perjurium, cum, ut dictum, nulla sit utilitas exigendi à tali juramentum. Nec quis habet jus illud

exigendi, nisi quatenus ad debitum recuperandum conducit: sed ad hoc non conducit, cum alter prævidetur pejaturus. Ergo.

Porro censetur quis prævidere & scire alterum esse pejaturum, cum vidit hoc vel illud facientem, quod tamen paratus est jurare, à se factum non fuisse. Item si certus sit, alterum sibi debere, & hujus debiti oblitum non esse, & tamen vult alter jurare se nihil debere, vel solvisse, quod debebat. Denique si sciat eum non multi facere perjurium, aliàs pejasse, largioris esse conscientie.

Prob. 2^{da}. pars. Scilicet id licere Judici ad instantiam partis. Quia id exigit juris ordo & officium Judicis, qui debet procedere secundum publicam scientiam, ad quam hoc juramentum inservit. Quo casu non Judex, sed is, cui jus dicere debet, censetur juramentum exigere. Hæc est ratio S. Thomæ q. 98. a. 4. ubi, Si, inquit, aliquis exigit juramentum tanquam persona publica, secundum quod exigit ordo juris ad petitionem alterius, non videtur esse in culpa, si ipse juramentum exigit, siue sciat eum falsum jurare siue verum; quia non videtur ille exigere, sed ille ad cuius instantiam exigit.

Hic aliqua adhuc notanda veniunt. 475 1^{mo}. Non esse licitum Judici in ulla causa Juramentum exigere ab utraque parte: *Hæc enim consuetudo impia est, Deo inimica, & Christianæ Religioni nimis contraria, quia sine dubio ex duobus contra se jurantibus, unus perjurus efficitur; inquit Concilium Valentin. III. 2^{do}. Si quis dubitet, an alter sit pejaturus, tunc in re gravi potest ab eo exigere juramentum; quia in dubio nemo præsumitur malus, aut peccaturus; & hoc potest esse utile ad recuperandum*

dum id, quod tibi debetur, nec aliter potes illud recuperare. 3tio. Aliquos esse casus, in quibus etiam privatus possit Juramentum ab eo exigere, quem praevidet pejeraturum; ut cum id gravis exigit necessitas: puta si in aliquo contractu exactio Juramenti necessaria sit vel utilis, ut resiliens juramentum cogi possit per Judicem ad implendum id, quod promissit; si verò nulla similis causa sublit, non est exponendus quispiam periculo perjurii. Hinc merito statutum est c. 3. *De cohabitatione Clericorum & mulierum*, ne Episcopi à Clericis exigant Juramentum de dimittendis concubinis, cum vehemens praesumptio sit, quod non stabunt juramentum; unde improbanda est aliquorum Confessoriorum agendi ratio, qui compellunt poenitentes ad jurandum, futurum, ut ab iis delictis, in quae facile labuntur, abstineant.

Nihil hic de Juramento cum amphibologia & restrictione. Quid enim de eo sentiendum sit aperte colligi potest ex iis, quae in Tractat. de Virtut. Moral. Cardinalibus, ubi de Virtutibus illis Virtuti Justitiae annexis, quas partes Justitiae potentiales nuncupant, circa mendacium disseruimus.

Solvuntur Objectiones.

476 Ob. 1mo. contra 1mam. Conclusionem. Exod. 20. v. 7. sic habetur: *Non assumes nomen Domini Dei tui in vanum; nec enim habebit infontem Dominus eum, qui assumpsit nomen Domini Dei sui frustra.* Unde sic: Verba haec, *Non habebit infontem Dominus &c.* gravem indicant vindictam, & consequenter gravem culpam. Sed qui sine judicio jurat, assumit nomen Domini frustra & in vanum. Ergo.

Resp. 1mo. Dominum non habere
P. Cartier Theol. Tom. III.

infontem eum, qui etiam venialiter peccat; & nemo est, qui nesciat peccatum etiam veniale gravissimum in hac vita, & aeternis in altera poenis aliquando puniri: qui enim post admissum unum mortale & veniale peccatum moritur, pro utroque semper cruciabitur.

Resp. 2do. Haec verba *in vanum*, idem esse juxta Interpretes, ac *mendaciter*: & verò nemo ambigit, quin eo loci praecipue prohibeatur perjurium strictè sumptum.

Ob. 2do. Contra partem 1mam. Conclusionis sta. Non peccat, qui malum 477 permittit & illud non vult; quique non dat alteri nisi scandalum merè passivum. Atqui sic se habet qui petit juramentum ab eo, quem scit pejeraturum esse. Ille enim malum merè permittit, proinde nec illud vult, qui id tantum exigit, quod alter licitè facere potest, & quod ab ipso licitè fieri peroptat: Sed qui juramentum petit à pejeraturo, id solum petit, quod alter licitè facere potest: sicut qui mutuum petit ab Usurario, id postulat, quod alter sine usura dare potest; unde petendo non peccat, quia non tam dat occasionem peccandi, quam eam alter malitiam suam & depravata voluntate arripit. Ergo.

Resp. ad 1mum. neg. mín. Qui enim ab eo, quem scit pejeraturum esse, juramentum exigit, est eidem gravis tentatio, & occasio proxima peccandi. Unde S. Augustinus supra citatus Ille (jurans) inquit, *suo perjurio se perimit; sed iste (juramentum exigens) manum interficientis & expressit & pressit; adeoque graviter peccat.*

Ad 2dum. neg. maj. Charitas enim non permittit, ut à proximo aliquid sine causa petatur, unde constitutur in

Tttt

ca

ea peccandi occasione, in qua prudenter judicatur futurum, ut succumbat. Atqui per inutilem de qua loquimur jurandi petitionem constituitur proximus in occasione peccandi, cui certissime succumbet. Ergo.

Comparatio & paritas ex mutuo desumpta nobis favet: ut enim pecunia mutuo accipi potest ab usurario propter certas causas, quibus sublati, illicite foret eam petere & accipere; sic & Juramentum, ut paulo ante diximus, postulari licite posset ab eo, qui crederetur pejeraturus, si certa adesset illud exigendi necessitas. Nullam verò privatus necessitatem habet petendi Juramentum à perjuro; quia Juramentum non exigitur nisi ad faciendam fidem, perjurium autem fidem facere non potest.

478 Ob. 3tio. Tam licet Juramentum ab eo exigere, quem probabiliter nosti pejeraturum, quam liceat illud exigere ab eo, quem probabiliter nosti per idola juraturum. Atqui posterius licitum est, ut docet S. Augustinus (p) relatus in cap. *Movet*. 22. q. 1. & nos in Tract. de Relig. cap. 4. §. 3. ostendimus. Ergo & prius. Prob. maj. Ideò potest petere Juramentum ab eo, quem nosti per idola juraturum, quia potest hic & nunc non jurare per idola, sicut potest hic & nunc usurarius gratis mutuo dare. Atqui potest pariter hic & nunc ille non pejerare, quem credis pejeraturum, & longè difficilior est ut idololatra convertatur, & per Deum verum juret, quam ut perjurus abstineat à pejerando. Ergo &c.

Resp. neg. utramque maj. Non enim ideò præcisè licitum est petere juramen-

tum ab eo, qui per idola juraturus est, quia is potest hic & nunc per ea non jurare, verum quia Juramentum quamvis per falsos Deos, valet ex parte jurantis ad faciendam fidem, & firmandum pactum; ac proinde potest esse medium utile ad averendum gravdamnum petentis. Licet autem ex gravi necessitate ab aliquo petere id, quod potest licite præstare, etsi prævideatur peccaturus. At perjurium cognitum non potest prodesse privato, ut probavimus & supponimus, ideoque non est justa causa illud non impediendi. Si tamen aliquando foret necessitas aliqua, jam supra innuimus, licitum fore Juramentum exigere ab eo, qui pejeraturus est, non secus ac ab illo, qui juraturus est per idola.

Ob. 4to. Saltem non peccabit, qui 479 Juramentum petet ab eo, qui jam ad pejerandum dispositus est.

Resp. Imprimis homines voluntatem falsum jurandi concipere non solent, nisi dum actu urgentur ad jurandum; unde, qui Juramentum exigunt, sunt sæpè causa totius peccati, quod alter admittit. Deinde qui petit Juramentum ab eo, qui etiam paratus est ad jurandum, est saltem causa, cur externo perjurii opere nomen Dei polluitur; sicut ergo mortaliter peccat, qui parato ad adulterium, adulteri exterius consummandi materiam & occasionem præbet, ita & in proposito. Merito igitur ait S. Augustinus *Serm.* 11. *Nonne melius erat, ut rem tuam, quam exigebas, perderes; quam animam istius hominis falsa juratione perimeres: & quidem inutiliter, cum ipse pejeraturus sit?*

Ob.

480 Ob. 5to. Contra adam. partem ejusdem Conclusionis. Ideo privatus non potest petere juramentum ab eo, quem scit, aut probabiliter judicat pejeratum esse, quia tale Juramentum, utpotè perjuriū, ad nihil inservire potest. Atqui non magis inservire potest perjuriū respectu Judicis, quàm respectu cujuslibet privati. Ergo.

Resp. neg. min. Judex enim ostendere tenetur, se sententiam non temerè & leviter, sed ex legum præscripto, & servato juris ordine tulisse, ad quod requiritur, ut juramentum exigat, cum adversa pars id juridicè petit. Ergo legitimam habet exigendi juramenti causam, quam non habet homo privatus. Debet tamen Judex seriò admonere juraturum, ne pejeret, actoremque urgere, ut juramentum remittat, si videat eum esse certum de futuro alterius perjurio; debet insuper testes ad pejerandum dispositos à testimonio, quantum poterit, repellere, sicut fecit Daniel in causa Sufannæ.

§. V.

De Simonia.

481

Simonia sic dicta est à Simone Mago, qui primus in nova lege, ut constat ex Act. cap. 8. Apostolis obtulit pecuniam, ut ab eis dona Spiritus sancti emeret. Hinc rerum sacrarum venditores, passim à SS. Patribus dicti sunt *Simones*, & aliquando Gieziæ, à Giezi Elisæi famulo, qui in veteri Lege, quantum in se fuit, sanitatis gratiam vendidit Naaman Syro, ut habetur 4. Reg. c. 5.

482

Definitur communiter Simonia quòd sit *Studiosa voluntas emendi vel vendendi pretiò temporali aliquid spirituale, vel spirituali annexum.*

Dicitur 1mo. *Studiosa voluntas*, id est volitio deliberata ac libera. 2do. *Emendi vel vendendi*, quæ verba non strictè accipienda sunt, quasi Simonia non committatur nisi in casu veræ venditionis vel emptionis, sed latè pro quolibet contractu non gratuito, sive is nominatus sit, sive innominatus; ut docent omnes cum S. Thoma, 2. 2. q. 100. a. 1. ad 5. quare sufficit emptio & venditio virtualis. 3tio. *Pretiò temporali*, quo intelligitur pecunia, & res omnis pecunià æstimabilis, aut quævis commoditas temporalis. 4to. *Spirituale*, quo nomine intelligitur id, quod est supernaturalale, seu id omne, quod pertinet ad cultum Dei, aut ad animæ salutem ordinatur, ut dona supernaturalia Spiritus sancti, gratia gratis data & gratum faciens, Oratio, Sacramenta, Reliquiæ Sanctorum, Officia divina, Benedictiones; item omnis potestas supernaturalis, ejusque usus, ut actus Ordinis, vel jurisdictionis Ecclesiasticæ. Hinc Conciones, & Catecheses sacræ, quæ, prout in Ecclesia sunt à Clericis, ordinantur ad audientium salutem, sunt materia Simonia. Secus de munere & actu docendi Theologiam, quia Theologia, licet versetur circa Objectum supernaturalale, potest propriis viribus acquiri, & actio eam docendi per se primò non ordinatur ad animæ salutem, neque immediatè dirigitur ad movendam voluntatem; Idem dicendum de actu docendi rudimenta fidei per Ludimagistros in Scholis, quia hic actus non est sacra functio. 5to. *Vel annexum spirituali*; quo intelligitur id omne, quod ad spirituale ordinatur, vel ab eo dependet, aut ei conjungitur. Potest autem conjungi vel antecedenter, ut jus Patronatus, quod præsupponitur præsentationi ad Beneficium; Altaria, Vasa Sacra, quæ antecedenter ordinantur ad Sacrificium Missæ, & ei præsup-

supponuntur: vel concomitanter, ut labor intrinsecus & necessarius administrationi Sacramentorum: vel consequenter, ut proventus Beneficii, qui supponunt Officium divinum.

- 483 Not. Allata definitio strictè est Simoniz juris divini, non Simoniz juris Ecclesiastici saltem omnis: Nam non convenit Simoniz, quæ reperitur in permutationibus, & resignationibus factis sine auctoritate Superioris citra temporale pretium. Unde generatim omnis Simonia definiri potest: *quævis pactio, datio, & acceptio rei spiritualis, vel spirituali annexa, lege prohibita, ob reverentiam rei Sacrae*. Porro id in spiritualibus est Simonia, quod in temporalibus usura; & sicut datur usura palia, ita & Simonia.

De Simonia sic definita & explicata varia hic nobis sunt dicenda & exponenda; ut 1mo. Quotuplex sit. 2do. Quale peccatum. 3tio. De ejus causis dicendum, & 4to. Illius pœnæ recensenda sunt. Quæ singula singulis titulis expendimus; ne materiæ atque rerum dicendarum & exponendarum amplitudo confusionem pariat.

I.

484 Quotuplex sit Simonia?

Simonia dividitur 1mo. In eam, quæ est juris divini, & in eam, quæ est juris humani. Prior est ea, quæ ideò prohibita est, quia mala est ex sua natura: Talis est emptio, vel venditio etiam virtualis rei aut actionis Sacrae; nam recta ratio dicitur, rem Sacram indignè ac irreverenter tractari hoc ipso, quod datur vel accipitur pro re temporali, tunc enim de facto æquiparatur rei temporali, siquæ deprimitur.

Simonia juris humani est pactio, aut

commutatio, aut acceptio, quæ ex natura sua non habet malitiam Simoniz, sed solum ex prohibitione Ecclesiæ facta ex motivo Religionis, seu intuitu reverentiæ erga res Sacras. Nam lex facit, ut Objectum suum sit materia illius virtutis, ex cujus motivo iertur: sic communio à non jejuno facta est Sacrilegium; quia Ecclesia ex motivo reverentiæ vetuit sumpcionem cujuslibet rei ante communionem.

Dividitur 2do. In Mentalem, Con-485 ventionalem, Realem, & Confidentialem.

Simoniam *mentalem* non est præcisè nudum propositum committendi Simoniam; nam hæc dicitur *purè mentalis*, & hoc modo etiam datur furtum mentale, seu merè internum; sed est actio externa facta ex intentione Simoniacæ exterius non apparente: sive est datio vel acceptio rei spiritualis pro temporali, vel temporalis pro spirituali, nullo interveniente pacto etiam tacito: ut si quis serviat Episcopo hac intentione, ut pro obsequio temporali ei procuret Beneficium, nulla tamen verbis aut nutibus facta conventione. Igitur duplex generatim est Simonia mentalis, una, quæ *purè mentalis*, alia quæ *non purè mentalis* dicitur, quæ communiter, ut dictum, intelligi solet & exprimitur nomine *Simoniam mentalem*; eaque melius diceretur *Simoniam occultam*, quam mentalis, quia re ipsa est realis, nec in sola voluntate consistit, quemadmodum *purè mentalis*: undè etiam est vera Simonia necnon coram Deo ejusdem speciei ac realis, ex cap. 34. de Simon.

Simoniam *conventionalem* est venditio,486 vel emptio rei spiritualis &c. cum pacto tacito vel expresso, sed nondum tamen executioni mandata saltem ab utraque parte. Si conventio solum peracta sit,

sit, nihilque prorsus traditum aut receptum, Simonia hæc dicitur *purè conventionalis*; si verò ex una parte aliquid datum sit, putà si traditum sit pretium temporale, sed nondum tradita res spiritalis, aut contrà si res spiritalis tradita sit, nondum traditò pretiò temporali, dicitur Simonia *conventionalis mixta seu semirealis*.

- 487 Simonia *realis* est pactum pretii temporalis utrimque completum saltem ex parte, ut si datum sit Beneficium pro centum nummis, sive ex toto, sive saltem ex parte persolutis; quod addimus, quia ad Simoniam realem sufficit solutio partis pretii cum receptione rei spiritalis vel spiritali annexæ. Imò conferetur Simoniam complevisse, qui licet nullam pecuniæ partem solvisset, tradidisset instrumentum aut chirographum, quo se ad eam solvendam obstringeret, etiam si nec animum nec intentionem haberet solvendi postea; quia ille omnis est Simoniacus, qui per viam temporalis pervenit ad spirituale. Sed qui promittit pecuniam, etiam sine chirographo, & intentione eam solvendi, pervenit ad spirituale mediante temporali, nempe promissione sua. Ergo.

- 488 Simonia *confidentialis*, seu *confidentialia*, quæ eadem esse videtur ac Simonia *conventionalis mixta*, sit, cum quis alteri Beneficium procurat, eligendo, præstando, postulando, resignando, commendatione, vel alia ratione cum confidentiali, hoc est, cum pacto expresso vel tacito, ut is, cui procuratur, illud aliquando resignet procuranti vel alteri, aut ut pensionem vel fructus aliquos ex eo præster. Hæc Simonia graviter prohibetur à Pio IV. Bullâ 85. & à Pio V. Bullâ *Intolerabilis*. Dicitur *confidentialis*, eo quod procuratio Beneficii nitatur confidentiali pactiõnis, vi cuius Beneficium ipsum, vel fructus illius, penſiove expectatur.

Quatuor modis committitur 1mo. Per *accessum*, ut cum Prælati volens tibi per ætatem incapaci procurare Beneficium, illud conferat alteri ea conditione, ut quamprimum capax fueris, illud accipias. 2do. Per *ingressum*, ut cum quis Beneficium sibi collatum ante captam ejus possessionem, alteri resignat eo pacto, ut illud postea ingrediatur, si ille moriatur, vel illud dimissurus sit. 3tio. Per *regressum*, cum quis Beneficium à se possessum alteri resignat ea conditione, ut iste sibi vel alteri Idem Beneficium resignaturus sit convenienti tempore. 4to. Si præsentans, resignans, conferens, &c. pacificatur expressè vel tacitè, ut pensio, vel pars fructuum Beneficii sibi vel alteri detur. Porro ad hanc Simoniam requiritur, ut accessus, ingressus, & regressus sint in idem Beneficium. Hinc, qui resignat Beneficium alteri ea lege, ut hic aliud, quod possidet, dimissurus sit in favorem tertii, non est reus Simonie confidentialis, sed conventionalis, vel realis.

Modò hîc adhuc exponendum est, quibus casibus Simonia sit juris divini, ideoque Indispensabilis; quibus verò sit juris humani.

Quantum ad 1mum. Ea generatim ut Simoniaci prohibentur jure divino naturali & positivo, quæ, cum sint spiritalia, vel spiritalibus annexa, commutantur pro temporali. Speciatim verò sequentia. 1mo. Dare vel accipere temporale pro virtutibus supernaturalibus, donis Spiritûs sancti, Sacramentis, Reliquiis sacris, quavis potestate spiritali sive Ordinis, sive jurisdictionis, ejusve actu, Prælaturâ Religiosorum, jure eligendi, usu gratiarum gratis datarum, precibus, Officiis divinis, Missa, Confectione, quavis functione spiritali, &c. Nam hæc omnia ad finem supernaturalem per se primò ordinantur; & sup-

T t t t t ;

posita

posita fide recta ratio dicitur res Sanctas Sancte esse tractandas, & res supernaturalis Ordinis, ideoque inestimabiles pretio temporali, ut viles & infimas indignè tractari, si re temporali commutentur. 2do. Dare vel accipere temporale pro Beneficio Ecclesiastico etiam simplici, & solum quoad jus percipiendi fructus temporales. Habetur ex cap. *Salvator*. & ex cap. *Ex multis* 1. q. 3. Et ratio est; quia jus illud ita est connexum Officio Spirituali, ut non possit obtineri, nisi ratione illius Officii, cujus exercendi jus habeatur; nam jus percipiendi fructus temporales Beneficii est jus tales fructus obtinendi Ministerio spirituali, cujus exercendi jus habeatur: Beneficium enim est propter Officium ex cap. ult. de *Rescript*. in 6. & ex Trident. Sess. 12. cap. 3. Cum *Beneficia ad divinam cultum, atque Ecclesiastica munia sint constituta*. Ita ut jus percipiendi redditus necessario & ex iustitia debeat, & acquisitum sit ei, qui habet titulum, id est, potestatem exercendi tale Ministerium spirituale, propter quod fructus sunt destinati. Ergo jus illud percipiendi fructus vendi non potest, quin vendatur primario & directè jus exercendi Officium spirituale, & ipsum officium, ex quo jus provenit, ex cap. *Si quis* 1. q. 3. Quare etsi non teneatur dare Beneficium alteri, tamen si conferas, teneris gratis conferre, nec potes temporale ei annexum subtrahere. *Beneficia nullo modo vendere licet: quia eis venditis intelliguntur etiam spiritualia venditioni subici*, ait S. Thomas 2. 2. q. 100. a. 4. Potest tamen Papa, ex plenitudine potestatis, Titulum seu jus Officii Spiritualis abrogare, & temporale Beneficii ob Ecclesiæ necessitatem, vel majorem utilitatem alienare. Et tunc temporale Beneficii separatim à titulo nihil haberet spirituale, nec proximè ejus distractio esset Simoniacæ.

3tio. Omnis transactio in Beneficiis, vel aliis rebus spiritualibus, facta compensatione cum re propriè temporali; nam tunc spirituale commutatur cum temporali. 4to. Dare vel exigere temporale non solum pro receptione seu admissione ad Religionem, ut patet; nam hæc est quid spirituale, cum ex se ordinetur ad animæ salutem, perfectionem, ac Dei cultum) sed etiam pro sustentatione ingredientis Religionem, quando bona Monasterii sufficiunt; quia jus vivendi ex bonis Religionis est ex institutione Ecclesiæ, & mente Fundatorum annexum Professioni, sicut jus percipiendi redditus annexum est admissioni ad Canonicatum: ita ut illud nequeat obtineri, nisi ratione professionis, quæ est quid spirituale: nam Monasteria sunt dotata, & auctoritate Ecclesiæ sic instituta, ut homines ibi adscripti liberius Deo vacare, & assidue pro fidelibus orare possint. Ergo nihil exigi potest pro jure vivendi ex bonis Monasterii, quin exigatur pro ipsa Professione, ex qua provenit hoc jus, quod est spirituale, vel saltem spirituali annexum. Quemadmodum igitur non potest citra Simoniam juris divini in Beneficio conferendo vel resignando vendi vel emi jus percipiendi provenitus temporales propter ejus connexionem cum spirituali titulo; ita ut qui unum vendit, alterum, nempe spirituale, non relinquat invenditum, ex Cap. *Si quis* 1. q. 3. sup. cit. ita etiam non potest vendi jus utendi bonis temporalibus Monasterii propter ejus connexionem cum ipsa Professione Religiosa, in qua fundatur. Deinde admissio ad Religionem est admissio ad omnia jura Religiosorum, inter quæ est jus vivendi ex bonis Religionis. Quare cum Alexander III. Cap. *Non satis*. Innocentius III. Cap. *Dilectus*. & Concilium Generale Lateranense IV. Cap. *Quo-*

Quo-

Quoniam De Simon. id graviter prohibent, in hoc juris divini naturalis observationem præcipiunt. Si autem Monasterium sit pauper, nec possit plures sustentare, non est Simonia exigere ab ingredientibus aliquid; quia illud existitur non pro jure alimentorum, nec ut pretium Religionis, sed ut habeat Monasterium unde ei possit providere, & ut alii Religiosi non carcant necessariis, ad quæ jam habent jus acquisitum. Ita S. Thomas in 4. Dist. 25. q. 3. a. 2. ad 7. Sed erit injustitia & Simonia, si quid amplius exigatur ultra id, quod requiritur ad hunc finem, quia jam cessat ratio allata quoad excessum. Quod tamen est intelligendum moraliter, nec consistit in indivisibili, 5to. Vendere jus Patronatus; quia hoc jus est spirituale, nam est potestas ad actum spirituale, nempe præsentationem, quæ dat jus præsentato ad Beneficium habendum, ita ut necessario institui debeat, si sit idoneus Cap. 18. *De jur. patron.* Atqui potestas ad actum spirituale est spiritualis. 6to. Est etiam Simonia juris divini post collatum spirituale, vel spirituali annexum, & nullo præcedente pacto, dare vel exigere aliquid temporale tanquam debitum, vel ut pretium, aut mercedem, vel compensationem ex cap. 39. *De Simon.* Nam tunc factò ipso temporale æquiparatur spirituali, quasi esset illius pretium, exemplò Giezi, qui pecuniam pro curatione lepræ miraculosè factæ petiit. Licet tamen, seclusa Ecclesiæ prohibitione, aliquid gratis oblatum accipere, postquam res spiritualis gratis collata est; quia non datur pro re spirituali, sed ex gratitudine & benevolentia ex cap. 30. *De Simon.*

490 Quantum verò ad Simoniam juris humani, communiter hi sequentes casus recensentur, in quibus ea committitur dicitur. 1mo. Permutatio Beneficio-

rum sine auctoritate Prælati, nullo interveniente etiam pretio. Item Resignatio extra Curiam Romanam in favorem certæ personæ, & Resignatio cum pacto, ut Resignatarius suum Beneficium cedat tertio, vel cum confidentia accessus, aut regressus. Nam in his non commutatur spirituale nec spirituali annexum pro temporali: unde licet commutare Beneficia cum auctoritate Episcopi, *Clement. De rer. permut.* Et Papa potest in aliis dispensare. Ista sunt tamen Simoniacæ, quia prohibita sunt ab Ecclesia ob reverentiam rei Sacræ, & ob periculum, ne fiant ex aliquo motivo temporali. vid. *Tract. de Relig. cap. 5. §. 3.* circa finem, ubi de vacat. Beneficiorum. 2do. Venditio Officiorum Sacristæ, Oeconomi, Defensoris, Advocati, Procuratoris Ecclesiæ, &c. De quibus cap. *Salvator* 1. q. 3. Nam talis venditio prohibita est intuitu Religionis, non quòd ista Officia sint in se quid spirituale, aut Sacrum, sed propter quandam conjunctionem, quam habent cum sacra suppellectili, rebus, & Ministris Ecclesiæ. 3tio. Acceptio munerum etsi modicorum spontè ac gratis oblatorum ex occasione examinationis ad Parochiam, ex *Trid. Sess. 24. c. 18.* Item ex occasione collationis Ordinum, Tonfuræ, Litterarum dimissorialium, aut testimonialium, ex *Trid. Sess. 21. cap. 1.* Diximus *ex occasione*; nam dare vel accipere aliquid pro collatione Ordinum, Tonfuræ; aut pro litteris dimissoriis, vel testimonialibus, est Simoniacum jure divino: cum ista sint actus procedentes à potestate spirituali Ordinis & Jurisdictionis, proindeque spirituales. Subscriptio verò eorumdem litterarum, cum sit complementum illarum, est quid spirituale, cum saltem pertinens ad aliquid spirituale, nempe ad actum Jurisdictionis. Deinde quando principale fieri debet gratis, gratis etiam

ac-

accessorium fieri debet, cum ex Reg. Juris, *accessorium sequatur naturam principalis.*

- 491 Attamen permutatio rerum spiritualium inter se Simoniaca non est, si illæ non habeant annexum aliquod temporale commodum, & nullum interveniat pretium; quia nullo jure est vetita: non jure divino; nam nulla est per se irreverentia, si res Sacra cum alia commutetur nullo interveniente pretio, cum utraque sit ejusdem ordinis. Neque jure Ecclesiastico; nam licet in jure generaliter prohibeatur omnis pactio in rebus spiritualibus, hoc intelligitur de iis, quibus annexum est aliquod temporale commodum, vel quæ sit interveniente pretio temporali. Hinc licitè duo paciscuntur mutuas preces, mutua sacrificia, mutuam operam sacram, v. g. me obligo ad celebrandum cras Missam pro te, ut tu alio die eam pro me celebres.

II.

De gravitate Simoniæ.

- 492 Simonia peccatum est inter gravia gravissimum. Constat 1mo. ex 4. Reg. 5. ubi Giezi correptus fuit leprâ, quod pecuniam pro curatione lepræ per miraculum factæ exegisset. Et ex Act. 8. ubi statim ac Simon suam de emendo Spiritu sancto intentionem Apostolis aperuit, his, quasi fulgure, sancti Petri verbis perculsus est: *Pecunia tua tecum sit in perditionem, quoniam donum Dei exilimasti pecuniâ possideri . . . in felle amaritudinis, & obligatione iniquitatis video te esse.* Atqui verba hæc grande scelus supponunt. Item Matth. 10. *Gratis accepistis, gratis date.* Constat 2do. Ex Canonibus. Gelasius Papa relatus 1. q. 1. cap. 6. *Dantem*, inquit,

& accipientem damnatio Simonis involvit. Paschalis relatus 1. q. 2. cap. ult. *Patet*, ait, *Simoniacos velut primos & principes hæreticos ab omnibus Fidelibus respuendos . . . omnia enim crimina ad comparationem Simoniacæ hæresis quasi pro nihilo reputantur.* Idem est stylus aliorum Canonum, à quibus Simonia vocatur *execrabile flagitium, flagitium piaculare*, &c. Constat 3tio. Ex ratione. Vitium juri divino, naturali, & humano, Religionique oppositum, pro grandi crimine haberi debet. Atqui Simonia adversatur 1mo. Juri divino & voluntati Dei, qui Matth. 10. dixit: *Gratis accepistis, gratis date*; quæ verba jam ab Apostolorum temporibus ædum continere præceptum judicata sunt. 2do. Repugnat juri naturali: Jus enim naturæ vetat, ne ea vendantur, quæ sunt invendibilia, & quorum venditor Dominus non est, nec à Domino accepit potestatem vendendi. Atqui spiritualia, & spiritualibus annexa sunt hujusmodi, ut evidens est. 3tio. Repugnat juri humano, ut patet ex titulis *De Simonia* in Jure Canonico contentis. 4to. Demum, idem scelus oppositum est Religioni in ratione Sacrilægil, cum per illud sanctissima quæque prophanè, irreverenter, & indignè pertractentur. Ergo.

Igitur Simonia semper est peccatum 493 mortale, nec in ea datur parvas materię, quia peccatum veniale effici possit. Nam illa parvas materię repetetur vel ex parte rei spiritualis, vel ex parte pretii pro ea dati. Non ex primo capite, quia res spiritualis, quæcumque ea sit, tam alti est ordinis, ut indigna ejus contrectatio magna censeri debeat: non ex altero capite; quia è contrâ, quò vilius offertur pro re spirituali pretium, eo magis contemni cen-

cenfetur, adeoque gravior est, quæ in eam committitur irreverentia.

494 Neque etiam à gravi Simonie peccato immunis est, qui, prout Sæculò præteritò malè fani quidam Theologastri tueri ausi sunt, dat aut accipit temporale, non quidem, ut ajebant, tanquam pretium rei spiritualis, sed solum tanquam motivum ejusdem rei spiritualis obtinendæ.

Nam imò. Ea subtilitate posita & admissa Balaam, Giezi, & ipse Simon facile excusabuntur à Simonia. Quis enim putet Simonem ipsum eò usque delirasse, ut crederet pecuniam, quam offerebat Apostolis, ejusdem esse pretii cum Spiritu Sancto? Sanè hoc ei unum exprobravit S. Petrus, quod existimaret *donum Dei pecuniâ possideri*. An non autem æquè possedisset, si pecuniam dedisset ut motivum, quo Apostolos flecteret, quàm si eandem obtulisset instar pretii. Difficile etiam ostendi potest Giezi à Naaman munera accepisse alio, quàm gratuita compensationis, titulo; undè non eum increpavit Eliseus, quasi pecuniam ut pretium miraculose curationis accepisset: Sed *accepisti*, inquit, *argentum, & accepisti vestes* . . . & *lepra Naaman adharebit tibi* 4. Reg. 5. Imò nemo, dummodò rudè & prorsus hebes non fuerit, hac posita opinione in Simoniam incidet: nam quis non fugiet Simoniam, dum pecuniam, qua Beneficia comparabit, non ut pretium Beneficiorum dabit, sed ut motivum, quo patronos, aut alios ad eorum collationem inducat? 2do. Canones simpliciter prohibuerunt, ne quis ad Ordines, ad Beneficia, &c. mediante pecunia ascenderet; neque eos unquam à censuris suis exemerunt, qui pe-

P. Cartier Théol. Tom. III.

cuniam non ut pretium, sed ut motivum darent. Cap. 34. De Simonia sic habet: *Simoniam committitur, quando aliquis offert bona sua alicui Ecclesie, ut in Canonicum admittatur, etiamsi sine pacto vel conditione qualibet offerat, si is, qui talem donationem facit, ea intentione ducatur, ut per bona temporalia, qua offert, spiritualia valeat adipisci*. Sed qui pecuniam dat, ut motivum, ea intentione ducitur, ut per temporalia bona, spiritualia comparet. Ergo. Item 1. q. 3. c. 9. *Concilium Chalcedonense condemnat eos*, inquit Alexander II. *qui Ecclesie Beneficium intervenitu pecunia acquirunt*. Sed qui pecuniam dant, ut motivum, procul dubio Beneficia intervenitu pecunie acquirunt. 3tio. Qui dat munus Judici, ut motivum ad obtinendam iniquam sententiam, dicitur emere justitiam, & Judex, qui propter hæc munera jus dicit, dicitur vendere justitiam, quia nempe dat unum locò alterius. Ergo à pari, qui dat temporale, ut alium moveat ad collationem Beneficii, emit virtualiter Beneficium, & qui ea de causa confert, virtualiter vendit. Undè meritò damnata est ab Innocentio XI. hæc propositio: *Dare temporale pro spirituali non est Simonia, quando temporale non datur tanquam pretium, sed duntaxat tanquam motivum conferendi, vel efficiendi spirituale; vel etiam, quando temporale est solum gratuita compensatio pro spirituali, aut è contrâ*.

Ex his colligitur eum Simonie reum esse, imò. Qui Magnatis aut Ministri domum ingreditur principaliter, ut Abbatiam obtineat. 2do. Qui consanguineo Præbendam confert, ut *magificetur per hoc, & nobilitetur domus sua* &c, inquit S. Thomas in 4. dist. 25. q. 3. a. 3. *Secus si confert gratis propter consanguinitatem, vel quancumque*

Uuuuu af.

affectionem carnalem; tunc enim est quidam illicita & carnalis collatio, non tamen Simoniaci quia nihil ibi accipitur. inquit idem S. Doctor, hic a. 5. ad 2. 3. 3tio. Idem 2. 2. q. 100. a. 5. dicit de eo, qui dat Beneficium Ecclesiasticum alicui hoc pacto vel intentione, ut exinde suis consanguineis provideat, aut certam pauperibus summam erogat; id enim ait, est manifesta Simonia. 4to. Id etiam dicendum de iis, qui Tonsuram, Ordinesve suscipiunt, ut Beneficium consequantur, si enim Simoniam committunt saltem mentalem. 5to. Clericus, qui vadit ad Ecclesiam principaliter propter retributiones, quas recipit tanquam suum operis, committit Simoniam, inquit S. Thomas Quodlib. 5. a. 21. & Quodlib. 8. q. 6. a. 11. 6to. Imò reus est Simonia, qui in aliqua Diocesi spiritalis exercet functiones, ut Canonicatum aut aliquam dignitatem assequi possit: Qui enim, ait Bernardus lib. de vita & morib. Cleric. c. 5. evangelizat, ut manducet, perverso nimis ordine celestibus terrena mercatur. Qui tamen primaria intentione Dei gloriam, & Ecclesie obsequium, secundaria verò Beneficium quaereret, non esset peccati reus, secundum communem Doctorum opinionem, quamvis sint qui eis contradicant. 7mo. Hæc propositiones, quas aliqui approbant, Memor ero beneficii, quod mihi confers, ero gratus, suo tempore gratias agam, sunt plenæ periculi, & ab iis penitus est abstinendum; cum enim omnes avaritiæ student, & munera excœcent oculos etiam sapientum, difficile est, ut ex gratitudinis promissiones non moveant, & determinant Collatorem. Et verò quare fiunt, nisi ut moveant; an non promissio novam parit obligationem fidelitatis, quæ est pretii æstimabilis? An non, si non detur id, de quo conventum est, queritur alter tanquam

de injuria sibi facta, & fide non servata?

III.

De Causis Simonia.

Simonia causa duæ recenteri gene-⁴⁹⁶ratim possunt, efficiens scilicet, & materialis. Causa efficiens est Subjectum committendæ Simonia capax. Causa materialis duplex est proxima, & remota. Illa est venditio & emptio. Ista verò vel est pretium, quo emitur, vel ipsa res spiritalis quæ emitur; & hæc rursus vel ex rei natura, vel solum ob Ecclesie prohibitionem vendi, aut commutari non potest.

Extra dubium est, Subjectum Simonia esse, seu Simoniam committere imò eos, qui dant & accipiunt temporale pro spiritali, quod facere possunt omnes cujuscunque status, gradus, ordinis, conditionis, vel præminentia fuerint, ut habetur cap. 2. De Simon. inter Extravag. commun. 2do. Ab eorum mediatoribus, qui idcirco in eadem Extravag. excommunicationis sententiâ feriuntur, à qua nisi à Romano Pontifice non possint absolvi præterquam in mortis articulo. Et utcumque ab iis, qui pro officii sui loco contra Simoniacam bave-⁴⁹⁷sim vehementer non exarserint, ut habetur l. q. 1. cap. 5.

Quantum ad Simonia causam mate-⁴⁹⁷rialem seu materiam: proxima, ut diximus, est venditio & emptio, quibus nominibus intelligitur quilibet contractus, sive nominatus, sive innominatus, quo datur aliquid temporale, ut vicissim detur spirituale. In hac autem materia dat temporale, qui ipsum remittit; & dat spirituale, qui spiritali renuntiat, undè accedente pacto Simoniaci est.

Ma-

Major difficultas in eo est, ut dignoscatur, an Simonia toties committatur, quoties occasione spiritualis datur vel accipitur temporale. Porro sex sequentes recenferi solent tituli, qui in hocce casu à labe Simoniace excusant, scilicet 1mo. Liberalitas seu Gratitude. 2do. Stipendium & debita Sustentatio. 3tio. Labor. 4to. Amissio commodi temporalis, quo quis se privat faciendo opus spirituale. 5to. Consuetudo legitima. 6to. Redemptio iniquæ vexationis.

498 Primò quidem gratuita donatio à Simonia excusat. Ratio est, quia quod omnino gratis datur, nec datur per modum prelii, nec ea intentione, ut is, cui fit donum temporale, ad alterius doni refusionem accendatur. Sed cautè ponderandum est, an non sub hoc gratuita donationis titulo sæpius latitet & involvatur Simonia, dum id, quod gratis dari dicitur, plerumque vix alia, quàm obtinendi Beneficii intentione datur, aut datur ex pacto; cum tamen pactum ex natura sua onus seu obligationem fidelitatis & justitiæ importet, ac proinde gratuita donationis naturam evertat. Cæterum facilius præsumitur Simoniaca intentio 1mo. Si aliquid diviti aut Superiori spondeatur, aut detur à paupere vel inferiore, il enim non ita faciliè liberales esse solent. 2do. Si res data vel promissa, talis sit momenti, ut communiter dari non soleat gratuito. 3tio. Si, quod datur, detur tempore necessitatis.

499 Secundò, excusat titulus stipendii, & legitimæ sustentationis. *Quis enim militat suis stipendiis unquam? ... Quis pascit gregem, & de lacte gregis non manducat?* 1. Cor. 9. Hinc culpa caret sive Fideles, qui Ecclesiæ ministris temporalia bona largiuntur; sive ministri,

qui Christi & Apostolorum exemplò piæ oblationes, vel alia stipendia ex consuetudine, vel Ecclesiæ legibus accipiunt. Cavendum tamen, ne sub stipendii prætextu lateat Simonia, vel aliquid instar Simonia prohibuit. Sic 1mo. vetat cap. 42. *De Simonia*, ne Clerici pro exequiis mortuorum, & benedictionibus nubentium, & similibus pecuniam exigant, & extorqueant, iis nempe modis, qui Ecclesiæ Ministros dedecent, v. g. denegando spiritualia, donec vel numerata sit pecunia, vel de ea numeranda cautio data fuerit, quod juxta S. Thomam hic a. 3. venditionis, adeoque Simonia speciem habet. Sic 2do. juxta multos, qui plus exigunt stipendii, quàm sibi verè debitum sit, non injustitiæ solùm, sed & Simonia reus est; quia quod stipendii locum non habet, non alio accipi videtur titulo, quàm in pretium spiritualis ministerii: atque licet dicat quis se non habere intentionem vendendi, in ipso tamen usu & exercitio contrarium proficitur, quod ad Simoniam sufficit. Idem dicendum de his, qui de novo stipendio paciscuntur pro functionibus, ad quas jam ex officio tenentur. An autem Sacerdos, qui habet aliundè, undè vivat, aliquid recipere possit, disputatur inter Theologos; negant aliqui, plures affirmant, tùm quia nemo etiam dives, suis stipendiis militat; tùm quia Stipendium illud ex natura rei debetur.

Tertiò, excusat labor: sed labor ille⁵⁰⁰ duplex est, alius est actioni spirituali *intrinsecus*, ut fatigatio necessaria ad concionem, aut celebrationem Missæ; alius *extrinsecus*, sine quo aliàs opus fieri potest, ut celebratio Missæ, vel concio facienda in loco admodum remoto. Labor intrinsecus nunquam vendi potest sine Simonia, ut communiter sentiunt Theologi, 1mo. Quia, cum

Uuyuu a Chri-

Christus præcepit, ut spiritualia gratis darentur, præcipit etiam, ut gratis daretur id, sine quo spiritualia dari non possunt. 2do. Quia labor ad aliquam actionem necessarius in unum cum ea opus coalescit, & sic ejusdem fit cum ea conditionis: quid enim aliud est labor in celebranda Missa intrinsicè necessarius, quàm recitatio orationum, oblatio, consecratio, & alia ejusdem generis, quæ sunt ipsa Missa. Ergo cum Missa sine immani Sacrilegio vendi non possit, nec labor eidem intrinsicè necessarius vendi potest. 3tio. Quia etiam si labor ille præcederet opus spirituale, nullam tamen æstimationem habet, nisi ratione operis spiritualis, ad quod ordinatur: hinc studium & præparatio ad concionem seorsim vendi non possunt; verum labor extrinsecus seorsim pretiò æstimari & vendi potest. Igitur Sacerdos pro concione, celebratione Missæ licitè quidquam accipere non potest, nisi aut longius iter peragere debeat, aut tali hora graviter sibi incommodè celebrare non teneatur; quia sic pœnam hanc compensare potest; aut titulo stipendii, & legitimæ sustentationis, aut denique laudabilis, necnon legitimæ consuetudinis, de qua mox loquemur.

501 Quartò, excusat à Simonia, quemadmodum ab Usura, lucrum cessans & damnum emergens: hinc Simoniæ labem non contrahit, qui accipit pecuniam, non quidem ut alteri Beneficium procuret, sed ut suum in scribendo, iter agendo, &c. laborem compenset. In his tamen solius laboris, non autem Beneficii habenda est ratio, nec pensandus laboris successus, aut Beneficii pinguedo; quia tunc pretium pro Beneficio traderetur, quatenus labor non in se sed ratione Beneficii æstimaretur, quod Simoniacum est; Unde Simonia

committitur ab eo, qui tradit alteri pecuniam eumve promissis aut muneribus impellit, ut pro se Beneficium à Principe, aliove Collatore postulet; quia tunc, ut inquit S. Thomas hic a. 6. *muneris interventu spiritualia assequitur*, quod nunquam licet.

Quintò, excusat consuetudo legitima & laudabilis, qualis reputatur non ea, quæ ab exactione, aliisve similibus principiis originem duxit, sed quæ ex pietate & liberalitate populorum nata est; quod enim ex tali consuetudine datur, non in pretium rei spiritualis datur, sed per modum oblationis & stipendii. Hinc tamen not. 1mo. Nullam esse consuetudinem, quæ excuset à Simonia jure naturali prohibita; quia nulla est consuetudo, quæ Dei, aut naturæ leges abrogare possit. 2do. Etsi fieri possit, ut Simonia jure positivo inducta consuetudine tollatur; quod tamen non temerè & facilè præsumendum est, sed videndum, quid sentiant Confessarii, Doctores, Prælati, & præsertim quid ferat Curie Romanæ stylus.

Sextò, excusat redemptio injustè vexationis, quam scilicet patiuntur ii, qui vi aut alia iniquitate impediuntur à consecutione boni spiritualis, in quo jus habent; ii enim, si pecuniâ aut muneribus ex hac vexatione se redimant, à peccato sunt immunes. Ratio est, quia non tradunt temporale pro spirituali, quod jam verè ipsorum est; sed pro liberatione ab injuria & cessatione vexationis, quæ est aliquid temporale. Sed hæc quædam cavenda sunt: 1mo. Ne res, quæ ad iniquæ vexationis redemptionem traditur, sit spiritualis; si quis enim in pingui Beneficio vexetur, & tenue Beneficium vexatori tradat aut promittat, Simoniacus est, quia dat spirituale pro temporali. 2do.

Ne

Ne vexatio, quæ redimtur, iusta sit, aut saltem probabilis, ut cum quis iuste, vel saltem probabiliter impetitur: tunc enim pecunia non tam dari videtur pro ipsa vexationis cessatione, quam pro re spirituali, ad quam, moraliter loquendo, mediante pecunia pervenitur. Ita S. Antoninus p. 2. tit. 1. c. 4. Et verò non licet pecuniæ ope facere, ut ius adhuc infirmum, firmum evadat. 3tio. Neredemptio ab iis fieri præsumatur, qui non habent *ius in re*, sed solum *ius ad rem*, quæ conditio graviter est ponderanda: inde enim sequitur, eum, qui à Patrono nominatus est ad Beneficium, cuius institutio ei iniquè denegatur, Simoniacum esse, si vexationem hanc pecuniâ redimat, quia sola institutio canonica tribuit *ius in re*; à fortiori Simoniz reus est, qui ut Collatoris consanguineum sibi ex infenso amicum reddat, eidem munera offert, ne diutius Collatorem à conferendo sibi Beneficio avertat. Ita S. Thomas hic a. 2. ad 5. & S. Antoninus primum cit. & colligitur ex cap. 23. *De Simonia*. 4to. Cavendum, ne ablatio vexationis sit collatio boni spiritualis, quia sicut hæc emi non potest, sic nec illa tunc redimi potest. Hinc si electus sim ad Beneficium, & Episcopus iniuste mihi denegat confirmationem, hanc vexationem redimere non licet; quia in hoc casu remotio vexationis nihil est aliud quam confirmatio, quæ, cum sit actus spiritualis, emi non potest. 5to. In re tam periculosa recurrendum est ad Superiorem, si ad eum pateat accessus. Ita censent graves Theologi, & sic statuerat S. Carolus Borromæus, prohibens, ne quis ipso inconstituto redimeret injustam vexationem; tùm quia sæpè injusta videtur, quæ iusta est; tùm quia Superior ut communis pater poterit litem componere, & sic omnem Simoniz suspicionem tollere. Hæc de proxima Simoniz causa materiali.

Quantum ad causam materialem remotam Simoniz, quæ, ut supra jam annotavimus, duplex est, *pretium* scilicet, quo res spiritualis emitur, vel *ipsa res spiritualis*, quæ emitur, sequentia sunt expendenda. Et quidem primò quoad pretium temporale, quo, ut supra in allata Simoniz definitione jam observavimus, intelligitur pecunia & res omnis pecuniâ æstimabilis, ac quævis commoditas temporalis. Secundum omnes cum S. Gregorio cap. *Sunt* 1. q. 1. & S. Thoma 2. 2. q. 100. a. 5. Simoniz pretium triplex est. imo. *Munus ab obsequio*, id est, quodvis obsequium, servitium, ministerium in rebus temporalibus præstitum, vel præstandum: ut si quis alteri Beneficium conferat pro eo, quod ejus negotia gesserit, &c. 2do. *Munus à manu*, scilicet pecunia, vel res omnis mobilis aut immobilis pretiò æstimabilis, ut gemmæ, equus, vinum, prædium, remissio debiti, &c. 3tio. *Munus à lingua*, nempe favor, patrocinium, intercessio, adulatio, laus, commendatio apud alium, & similia; nam hæc sunt pretiò æstimabilia, & commodum temporale parient; ut si quis Collatoris vel Patroni amico vel famulo det munera, ut pro ipso Beneficium petat, eum laudet, ac commendet, &c. Hinc c. *Salvator* 1. q. 3. *Qui res Ecclesiasticas munere lingua, vel indebiti obsequii vel pecunia largitur vel adipiscitur, Simoniacus est*. Nam in his casibus commutatur, saltem æquivalenter & moraliter spirituale vel spirituali annexum pro temporali; & interventu rei temporalis acquiritur spirituale.

De altera remota Simoniz materia, scilicet de rebus spiritualibus; ut de Simonia in Sacramentis & Sacramentalibus scilicet rebus religioso cultui consecratis, necnon ritu, quo res sacra efficitur; quid dicendum sit habetur ex

Uuuu;

dictis

dictis hîc tit. 1. præfertim circa finem, ubi & de Simonia in collatione & exercitio Sacrorum Ordinum, in ingressu Religionis, in Beneficiis, & eorum permutationibus, quantum opus esse arbitrati sumus, sufficienter egimus.

IV.

De Simoniacorum pœnis.

505 Non loquimur hîc de pœna æterna, quæ Simoniacos omnes manet, nisi, quod perarum est, serio respiciant. De his agimus pœnis, quas contra nefarium hoc hominum genus decrevit Ecclesia. Prius verò quam eas singillatim explicemus, quædam, principiorum instar, sunt supponenda.

1mo. Nulla Simonia quantumvis completa & realis inducit ipso facto pœnas in Jure contentas, præter eam, quæ committitur vel in Ordinatione, vel in Religionis ingressu, aut professione, aut in Beneficio, quo nomine comprehenduntur etiam Officia quælibet jurisdictionem spirituales habentia, ut Provincialatus, Prioratus, Quardianatus, &c. Extrav. *Cum detestabile*, de Simonia. quia in his tribus ob honores, dignitates, vel commoda temporalia frequentius committitur, aut saltem majus est illius periculum.

506 2do. Licet quælibet Simonia etiam mentalis sit grave crimen, tamen consentiunt Doctores nullam pœnam juris contrahi ob Simoniam mentalem, quæ abque externo pacto expresso vel tacito admittitur, ex cap. 46. de Simon. cit. ubi de Simoniaciis mentalibus dicitur *sufficere per solam penitentiam satisfacere suo Creatori*. Neque etiam ob Simoniam purè conventionalem, exceptâ confidentiali: quia jura has pœnas statuunt

realem rei spiritualis receptionem requirunt, ut constat ex Extrav. 1. & 2. De Simon. & ex Canonibus 1. q. 1. & ideo consentiunt, nullam pœnam contrahi ob Simoniam mixtam, seu Semi-realem, quando non fuit tradita res spiritualis, sed solum pretium seu res temporalis: nam donec res spiritualis acquiratur, & sic quasi contrahatur, non censetur plenè consummata exterius Simonia.

An verò contrahantur pœnæ Canonice, si traditum sit Beneficium, vel alia res spiritualis, licet pretium promissum nulla ex parte fuerit solutum, controversitur. Afirmant alii, atque probant 1mo. ex Extrav. *Cum detestabile*, hoc tit. ubi pœnæ imponuntur sub disjunctione illis, qui *dando vel recipiendo Simoniam aduiserint*; adeoque videatur sufficere, eam ex una parte esse completam, licet nondum ex altera. Et cap. *Siquis* 44. h. t. ubi dicitur, quod tam Ordinans, quam Ordinandus sub promissione, quod non postulat Ordinatus ab Ordinate provisionem, id est, sustentationem alioquin de jure debitam Ordinato ad Sacros sine titulo, arg. c. *Cum secundum* 16. De præbend. incurrat suspensionem per triennium; cum tamen hæc videatur esse sola Simonia conventionalis mixta. Et ex cap. De confessis, 2. ubi Innocentius III. damnat Simoniam quemdam Canonicum Bethlehem, qui *proprando alterius electioni consensu, quingentorum aureorum obligationem receperat*, eumque Beneficio privat. Ergo ad hoc, ut incurrantur pœnæ Canonice, sufficit donatio spiritualis, & promissio aut obligatio rei temporalis. Item ex Bulla Pii V. quæ incipit *Intolerabilis*, ubi §. 3. declarat, pœnas ibidem statutas incurri, licet ipsum confidentia crimen alterius tantum partis conscientia sit admissum. Verùm hæc Bulla loquitur de

de Simonia confidentiali, in quo hoc est speciale. Denique probant ex cap. *Ea qua. 1. q. 3.* ubi Urbanus II. sic loquitur: *Quidquid ergo vel in sacris Ordinibus, vel in Ecclesiasticis rebus, vel datâ, vel nō. promissâ pecuniâ acquisitum est, nos irritum esse, & nullas unquam vires habere censuimus.* Ergo ad hoc ut incurrantur pœnæ Canonice, sufficit sola promissio &c. 2do. Ex stylo, ut quidem ajunt, Curie Romanæ, quæ tales pro Simoniâ habet. 3tio. Ratione: Cùm enim traditur Beneficium, etiam cum pretii promissione, ibi verissima est venditio & emptio, sicut in aliis contractibus humanis. Ergo est Simonia realis, quæ pœnis Canonice subjacet.

108 Alii, & quidem communiùs, docent solam Simoniam realem utrimque completam traditione rei spiritualis simul & pretii, aut partis pretii inducere pœnas juris Ecclesiastici: & probant 1mo. ex praxi Curie Romanæ & Ro:æ, v. cujus Beneficium simoniacè acceptum ipso jure non vacat, nec ita provifus est excommunicatus, nec, si in sacris celebraverit, est irregularis, nisi pretium aut saltem pars pretii soluta fuerit. Filliucius quoque, qui tot annos Romæ docuit & scripsit, affirmat pariter hanc esse Romanæ Pœnitentiariæ praxim. 2do. Quia non magis perfectæ sunt emptio & venditio, quando traditum est spirituale, & non temporale, quàm dum traditum est temporale, & non spirituale. Atqui in hoc posteriori casu non incurruntur pœnæ juris, ut supra ex consensu communi Doctorum diximus. Ergo nec in priori casu. 3tio. Quia pœnæ juris, præsertim graves, impositæ pro aliquo actu, intelliguntur de actu perfectè completo, & ex omni parte consummato exterius cum effectu, nisi lex aliud diserte exprimat: nam ex Regula juris, *Odia sunt re-*

stringenda. 4to. Quia textus ex jure pro contraria opinione adducti solum probant, eos, qui Simonie conventionalis, exceptâ confidentiali, rei sunt, posse à Judice spoliari Beneficiis, quæ hac viâ consecuti fuere, non autem probat eos spoliatos esse ipso facto & ante omnem Judicis sententiam. Et quidem, ajunt ulterius, tamen si Simonia quælibet conventionalis induceret pœnas de rigore juris, dicendum esset huic rigori juris derogatum esse, vidente & consentiente Pontifice.

Dictum est *Aut partis pretii*; nam si, re spirituali tradita, promissi pretii pars aliqua fuerit soluta, tunc secundum omnes contrahuntur pœnæ: quia tunc verè spirituale traditum est pro temporali, & vice versa; nec minùs completa est Simonia, quàm si ab initio conventum esset de sola illa minima quantitate, quæ soluta esset.

3tio. Triplex est genus pœnarum, quas Simoniacis infligunt Canones. Prima est pœna censuræ; secunda est invaliditas actûs simoniacè facti; tertia est restituendi obligatio; & hæc quidem pœnæ multum inter se discrepant: Censuræ enim non incurruntur, nisi vel in Canonibus sint expressæ, vel ab homine decernantur; actûs verò Simoniacè facti, ex natura rei invalidi esse possunt vel ex juris dispositione, prout patebit ex dicendis.

Primò igitur exponendæ sunt singulatim pœnæ in Simoniacos jure Canonico constitutæ.

1mo. Pœnæ Simonie in Beneficiis & Officiis spiritualibus sunt 1mo. Excommunicatio Papæ reservata, quam ipso facto incurruntur, tùm qui Simoniacè eligunt, præstant, instituunt; tùm qui sic eliguntur, præstantur, instituuntur; item mediatores, procuratores simoniacæ ordinationis, aut collationis

nis Beneficii secutæ, ut parentes, amici, & omnes, qui suam operam interponunt, vel pecuniam offerunt, Extrav. *Cum detestabile*, & alibi. 2do. Omnis simoniaca electio, præsentatio, resignatio, provisio, collatio irrita est, nullumque jus tribuit; ita ut sic provisos teneatur ante omnem sententiam Beneficium dimittere, & omnes fructus Ecclesiæ restituere, cum nullum jus in Beneficium acquirat. Ibid. & ex Concilio Constantensi Sess. 43. Idque, ut diximus, quamvis Simonia sit solum conventionalis mixta; item etiam si Simonia ipso proviso infcio commissa sit, nisi quis, ut eum inhabilem redderet, pecuniam dederit, vel ipse de Simonia suspicans, expresse contradixerit, cap. 27. & 33. *De Simon.* Imò si sciens tertii Simoniam in procurando tibi Beneficio, illud acceptasti, nulla est tua provisio, quamvis contradixeris: quia acceptando cooperatus es executioni Simonix cognitæ; item si pecuniam ab alio promissam solveris, vel solutam reddideris, ex eod cap. 33.

Porro juxta varios ignorantia Simoniam non favet regula Cancellariæ de Triennali possessione ad præscriptionem; quia expresse exigitur possessio *absque Simoniaci ingressu*. Sed multi alii docent eum, qui mediante tertii Simoniam Beneficium accepit, posse illud retinere, si integrò trienniò hanc Simoniam ignoravit: quia illa verba, *absque Simoniaci ingressu*, videntur in rigore requirere, ut Simonia se teneat ex parte ingredientis Beneficium; nam licet collatio sit Simoniacæ, ingressus tamen, seu actio, quæ provisos ingreditur, non est Simoniacæ; nec ipsa punitur, sed actio mediatoris, quæ fuit Simoniacæ, neque hæc strictè *ingressus* appellatur, sed potius apertio portæ, ut alter ingredi queat. Verum in hoc consili debet ulus Curix Romanæ.

Constat autem eum, qui Beneficium per Simoniam parentum vel amicorum, licet ignorans, obtinuit, si hanc ante elapsum triennium resciverit, teneri statim illud purè resignare, & omnes fructus perceptos extantes restituere, non tamen eos, quos bona fide consumpsit, cum eos bona fide possederit. Ita communis post S. Thomam q. 100. a. 6. ad 3. Nam irritatio directè fertur à Jure in omnem provisionem & acquisitionem, quæ fit per Simoniacam labem, nec ad hanc requiritur culpa, vel scientia acquirentis aut conferentis, ex cap. 33. *de Simon.* 3tio. Simoniacè electus vel provisos fit ipso facto inhabilis ad idem Beneficium, nec potest illud ex Episcopi dispensatione obtinere, cap. 27. *de Simon.* & cap. penult. *de Elect.* ubi excipitur, si sit Beneficium simplex, & ipso electò ignorante nec ratum habente, Simonia commissa sit; tunc enim post puram resignationem potest Episcopus dispensare. Imò ex Bulla Pii V. Simoniacus fit etiam inhabilis ad quascumque alias dignitates, & quæcumque alia Beneficia obtinenda.

Has quoque poenas ex communi infertur etiam ii, qui propria auctoritate permutant Beneficia: nam ii in jure dicuntur Simoniaci, & verè committunt Simoniam Juris Ecclesiastici. Item Simonia realis in Prælaturis Regularium, ut sunt Abbatis, Prioris, Guardiani, Rectoris, Provincialis, &c. Inducit nullitatem actus, obligationem dimittendi Superioris munus, & Excommunicationem Papæ reservatam; nam sunt Officia Ecclesiastica jurisdictionem habentia, idque expresse statuitur à Paulo II. Extrav. *Cum detestabile*. de Simon. Et constat etiam ex Bulla Martini V. in Concilio Constantensi Sess. 43. infra adducenda.

511 2do. Pœnæ Simonizæ confidentialis ex Bulla 87. Pii IV. & Bulla etiam 87. Pii V. sunt 1mo. Excommunicatio Papæ reservata contra utrumque contrahentem, si sint inferiores Episcopis; nam hi incurrunr solum interdictum ab ingressu Ecclesiæ. 2do. Privatio Beneficii per Confidentialitatem obtenti, & quidem ante omnem sententiam; cum ejus collatio nulla sit. 3tio. Inhabilitas ad idem Beneficium, & ad alia acquirenda. 4to. Privatio Beneficiorum antea legitime possessorum & Pensionum prius obtentorum; non tamen, juxta multos, ante sententiam Judicis declaratoriam, cum iusto titulo possideantur; & dicunt ita usu receptum esse. 5to. Beneficia per Confidentialitatem collata & accepta, reservata sunt Papæ; quare resignari non possunt in manus Ordinariorum, nec ab iis conferri. Insuper fructus Beneficiorum per Confidentialitatem acquisitorum, & Pensionum sic constitutarum referantur Cameræ Apostolicæ.

512 Not. 1mo. Ut contrahantur hæ pœnæ, requiritur, ut datum sit & acceptum Beneficium, ut patet ex his verbis Bullæ Pii IV. *Omnes & singulos, quia Beneficia, vel Pensiones hoc intercedente vitio receperunt.* Non tamen necesse est, ut, qui Beneficium accepit, promissionem suam impleverit, hoc est, vel pretium promissum solverit, vel Beneficium alteri resignaverit, vel pensionem solverit, aut fructus Beneficii ab alio percipi permiserit. Nam hoc specialiter statutum est contra hanc Simoniam, quæ gravioribus pœnis punitur, eò quod innumeris fraudibus sit obnoxia, & magis latenter, quàm quævis alia committatur, habeatque speciem successionis hereditariæ in Jure valde exosam. Imò has pœnas incurrit Beneficium recipiens, qui novit intentionem confidentialitatem dimittentis, quam-

P. Cartier Theol. Tom. III.

vis recipiat sine tali intentione, ut significant hæc verba Bullæ Pii V. *Etiam sola dimittentis intentione receperit.*

Not. 2do. Cum Constitutiones Pii IV. 513 & Pii V. novas pœnas non superaddant ratione Confidentialitatis, nisi contra illum solum, qui per Confidentialitatem recipit Beneficium vel Pensionem; soli recipientes privantur Beneficiis & Pensionibus antea legitime acquisitis; non autem resignantes sub pactione confidentiali, aut ad id cooperantes; qui tamen ut verè Simoniaci incurrunr excommunicationem Papalem jure antiquo latam, si confidentialia pactio fuerit ex utraque parte completa.

3tio. Pœnæ Simonizæ in Ordinatione 514 ne sunt 1mo. Excommunicatio Papæ reservata, quam ipso facto incurrit tum Ordinans tum Ordinatus, Extravag. *Cum detestabile.* quod multi extendunt ad primam Tonsuram, quia cap. 11. *De atat. Præfic.* dicitur per eam conferri Ordo Clericalis, & usitato loquendi modò aliquis per eam simpliciter constituitur in Ordine Clericorum. 2do. Ordinatus suspensus est ab Ordinibus, non solum ab iis, quos Simoniacè suscepit, sed etiam ab omnibus simpliciter; Ibid. Ordinans verò suspensus est per triennium à collatione omnium Ordinum, etiam Tonsuræ, & ab executione omnium munerum Pontificalium, & interdictus est ab ingressu Ecclesiæ, juxta Bullam Sixti V. *Simul.* Sed dicunt, hanc Bullam non esse usu receptam in plerisque locis. Ex c. 45. *de Simon.* verò Ordinans suspensus est per triennium à collatione omnium Ordinum duntaxat. Qui autem nec sciens, nec volens Simoniacè ordinatus est, secundum S. Thomam q. 100. a. 6. ad 3. & alios non potest sine dispensatione Ordines exercere.

XXXX

4to.

515 4to. Pœnæ Simoniacæ commissæ circa ingressum Religionis, & Professionem sunt imo. Excommunicatio lata contra personas singulares dantes & accipientes. 2do. Suspendio ab Officiis Capitularibus, lata in Conventum, si consenserit. Utraque pœna ipso facto contrahitur, & Papæ reservatur, Extrav. Sanè de Simon. 3tio. Simoniacè scienter Professus in aliud arctius Monasterium in pœnam criminis detrudi debet. Cap. 25. de Simon.

516 Quantum ad obligationē restituendi Simoniacæ accepta, hæc minùs est pœna pœnitioni Simoniacæ annexa, quàm naturalis illius effectus. Cum enim contractus Simoniacus sit irritus vel jure naturali & divino, si Simonia illi repugnet, vel jure Ecclesiastico, si Simonia sit juris merè Ecclesiastici; sequitur conventionem Simoniacam nullum effectum producere, & quæ per eam acquiruntur esse necessariò restituenda.

517 Primò igitur Beneficia, Dignitates, Officia & alia ejusmodi Simoniacè accepta non possunt in conscientia retineri, sed dimitti debent cum omnibus fructibus, ante omnem sententiam. Constat tùm ex consensu Doctorum, & sensu ac usu Ecclesiæ tùm ex cap. Si quis dator. & cap. Ea qua. 1. q. 3. tùm quia sine justo titulo possidentur, cum omnis collatio, provisio, & pœnatio Simoniacæ irrita sit & nulla, saltem jure Ecclesiastico, cap. ult. De Pœn. & proinde careat omni effectû, nullumque jus tribuat; ut declaravit Martinus V. in Conc. Constant. Sess. 43. approbante, Electiones, postulationes, confirmationes, & quavis provisiones Simoniacæ Ecclesiarum, Monasteriorum, Dignitatum, Officiorum, & Beneficiorum Ecclesiasticorum quorumcumque deinceps facta, nulla

sint ipso jure, nullumque jus cuiquam acquiritur, nec promoti, nec confirmati, aut provisii faciant fructus suos, sed ad illorum restitutionem, tanquam iniquè ablata percipientes, teneantur. Idem declarat Paulus II. in Extrav. Cum detestabile. De Simon. confirmata à Pio V. Idem etiam docet S. Thomas 2. 2. q. 100. 2. 6. ubi sic loquitur: Nullus potest licitè retinere id, quod contra voluntatem Domini acquisivit, puta si aliquis dispensator de rebus Domini sui daret alicui contra voluntatem, & ordinationem Domini sui, ille, qui acceperet, licitè retinere non posset; Dominus autem, cujus Ecclesiarum Prælati sunt dispensatores & Ministri, ordinavit ut spirituali gratia darentur, secundum illud Matth. 10. gratis accepistis, gratis date. Et idè qui numeris intervenit spiritualia quacumque affigitur, ea licitè retinere non potest. Undè quamvis hæc irritatio esset tantùm de jure Ecclesiastico, ut multi docent, tamen, illà suppositâ, obligatio relinquendi Beneficium cum omnibus suis fructibus, est de jure divino naturali, ut patet; nam jure naturali non licet retinere alienum sine ullo jure ad illud.

Ad hanc autem nullitatem, & restitutionis obligationem, sufficit Simonia conventionalis tantùm & occulta, cum sit vera Simonia; & ex Juribus citatis ad nullitatem sufficit, quod provisiones sint Simoniacæ; & in cap. Ea qua. 1. q. 3. Urbanus II. ait: Quidquid vel in Sacris Ordinibus, vel in Ecclesiasticis rebus, vel datâ vel promissâ pecuniâ acquisitum est, nos irritum esse, & nullas unquam vires habere censuimus. Item sufficit Simonia ignorata à possidente Beneficium, ex cap. 26. de Simon. Quod si acceptum

acceptum sit Beneficium nondum datò pretiò, hoc non debet solvi : quia Simonia fieret realis completa ex utraque parte, & sic contraheretur excommunicatio; nec Beneficium acceptum retineri potest, cum ejus provisiò & collatio nulla sit. Fructus verò percepti restitui debent Ecclesiæ, cum sine ullo jurè, sed injustè percepti fuerint, ex Conc. Constant. cit.

§ 18. Secundò. Pretium seu quodvis temporale Simoniacè acceptum restitui debet, etiam jure divino naturali. Quia imò. contra jus dantis, & proinde injustè acceptum est. Nam qui dedit pretium habet jus, ut res spiritualis sibi gratis conferatur, saltem ex hypothefi quòd detur: Deus enim dedit omnibus jus res spirituales obtinendi gratis, juxta illud Matth. 10. *Gratis accepistis, gratis date.* Et solum imposuit onus alendi Ministros, juxta modum ab Ecclesiâ præscribendum. Qui autem dedit temporale, non intendit dare liberaliter, nec transferre dominium, nisi quatenus debet, & quatenus alter justè exigere potest, ut patet à simili de usu. Deinde res spiritualis non est materia venditionis, sed est ex natura sua invendibilis : Jus autem temporale in re spirituali fundatum vendi nequit, nisi res ipsa spiritualis etiam vendatur, quæ tamen invendibilis est. 2do. Ecclesiæ Ministri sunt tantum Dispensatores, non Domini rerum spiritualium ; unde non possunt illas dispensare, nisi pro voluntate Christi jubentis, ut illæ gratis concedantur : aliàs non minus injustè agunt, quam Eleemosynarius Principis, qui pro eleemosyna ex voluntate Principis sui danda aliquid à pauperibus exigeret. Hinc Alexander VII. damnavit hanc propositionem : *Non est contra justitiam Beneficia Ecclesiastica non conferre gratis, quia Collator conferens illa*

Beneficia pecunia interveniente, non exigat illam pro collatione Beneficii, sed veluti pro emolumento temporali, quod tibi conferre non tenebatur. Et verò injustè exigit & accipit pretium, qui de suo nihil dat pretiò æstimabile, ut facit conferens Beneficium non gratis; nam fructus ad ipsum non pertinent, sed ad futurum Beneficii possessorem: jus verò ad fructus, utpotè fundatum in titulo spirituali, non est æstimabile pretiò temporali, & necessariò competit ex justitia ei, qui habet Beneficium. Ergò Patronus vel Collator injustè exigit pretium, nec habet titulum justum accipiendi, aut retinendi quidquam, quod omnino spontè ac liberaliter datum non sit.


Tertiò. Si Simonia sit realis in § 19 materia Beneficiali, Simoniacè accepta debent restitui Ecclesiæ, in qua est Beneficium, vel pauperibus loci, etiam ante omnem sententiam, ex cap. 11. *De Simon.* ubi dicitur, temporalia recepta pro dando assensu electioni Ecclesiasticæ restituenda esse illi Ecclesiæ, cum ea sine gravi salutis periculo retineri non possint. Ita communis. Sed si Simonia non sit in Beneficiali materia, juxta multos, accepta restitui debent ei, qui dedit: quia jure naturali res reddi debet ei, qui habet ejus dominium, nisi lex in poenam ei reddi vetet. Sed qui dedit Simoniacè, retinet dominium rei datæ; cum pacto Simoniacæ nulla sit, nec proinde jus ullum transferat, & lex non prohibeat reddi quod Simoniacè datum est, nisi Simonia fuerit realis in Beneficio; nam cap. cit. ubi pecunia accepta dicitur restituenda esse non danti, sed Ecclesiæ, agitur solum de Simonia reali in Beneficio, nec idem ullibi statuitur in aliis casibus: unde hæc pœna, cum sit quid odiosum, non debet extendi ultra casus in Lege expressos. Imò cap. 19. *de Simon.* præcipitur reddi pecuniam ei, qui Religionem Simoniacè fuerat ingressus.

XXXX 2

Quar-

520 Quartò, quoad Simoniam mentalem, an scilicet hæc ad restitutionem obliget, æquè ac realis, & conventionalis mixta, non conveniunt Theologi. Multi negant, & probant imò. Ex cap. 46. de Simonia. Ubi Gregorius IX. ait: *Ad resignationes spiritualium & temporalium, qua nullo pacto, sed affectu animi procedente, utrimque taliter acquiruntur (in quo casu delinquentibus sufficit per solam penitentiam suo satisfacere Creatori) eos pro Simonia hujusmodi non teneri.* 2do. Ex S. Thoma 2. 2. q. 100. a. 6. ad. 6. ubi, *Quoad Deum, inquit,*

sola voluntas facit Simoniacum; sed quoad penam Ecclesiasticam exteriorem non punitur ut Simoniacus, ut abrenuntiare teneatur, sed debet de mala intentione penitere. 3tio. Quia sola injustitia externa seu effectiva inducit obligationem restituendi: at in Simonia mentali nulla est injustitia externa, sed solum affectiva. 4to. Dicunt, talem esse usum Roræ & Pœnitentiariæ; & addunt Ecclesiam non irritare collationem Beneficii, nisi Simonia sit externa saltem implicite; nam Ecclesia non punit actus merè internos.



MANUA-

MANUALIS SFONDERATUS,
SEU
INNOCENTIAE VINDICATAE,


In qua gravissimis argumentis ex S. THOMA petitis ostenditur,
Angelicum Doctorem pro Immaculato Conceptu Deiparae
scripsisse & sensisse,

AUCTORE

*Eminentissimo S. R. E. Cardinali & S. R. I. Principe
& Abbate S. Galli COELESTINO SFONDERATI*

COMPENDIUM

ad Cap. 4. part. 1. Tract. de Peccatis.





Præloquium.

SUB finem præteriti Sæculi annò videlicet 1698. Eminentissimus S. R. E. Cardinalis, & S. R. I. Princeps ac Abbas S. Galli in Helvetia Ord. S. P. N. Benedicti Opus vulgavit in duas partes divisum, Theologicam unam, in qua gravissimis argumentis plerumque ex S. Thoma petitis ostendit Deiparam immaculatè conceptam fuisse; alteram vero Symbolicam, ubi per plura Symbola ex variis naturæ rebus expressa ejusdem B. Virginis illibatus conceptus perpulchrè adumbratur.

Quod præcollens Opus, cùm ante triginta & duos annos, annò videlicet 1716. quo tempore studiis Theologicis occupati è calamo & ore Rmi. D. Francisci Abbatis Schutterani Theologiam apud nos docentis Tractatum de Peccatis excipiebamus, fortè in manus nostras venisset, illius priorem partem, Theologicam videlicet, pro nostra erga B. Virginem Dei genitricem Mariam pietate singulari, & quò ad tuendam illius Immaculatam Conceptionem magis compararemur, eà, qua pro juvenili, quam tunc agebamus, ætate nostra potuimus, diligentia & studiò statim redigimus in compendium, quod in gratiam Theologiæ Candidatorum, & piorum Beatissimæ Virginis immaculatè conceptæ clientum, prout suprà cap. 4.

part. 1. Tract. de Peccat. adpromissimus, 11. §§. distinctum

hùc subijcimus. Quo ut omnes benè fruantur enixè optamus.



ELEN.




E L E N C H U S

Paragrophorum hoc Opusculo contentorum.

- | | Num. | | §. VI. |
|--|------|---|--|
| §. I. S. Thomas multis in locis docet Beatissimam Virginem fuisse immaculatè conceptam | 1. | | omnium Doctorum præstat. Ergo B. Virgo ex sensu S. Thomæ est immaculatè concepta - - 13. |
| §. II. Beatissima Virgo non esset idonea Mater Dei, si aliquando peccasset; ergo ex sententia S. Thomæ nunquam contraxit peccatum originale. - - | 7. | §. VII. Miracula fieri non possunt, nisi in testimonium veræ doctrinæ. Ergo B. Virgo est immaculatè concepta. - - | 14. |
| §. III. Ecclesia non celebrat festum nisi de aliquo Sancto. Ergo B. Virgo ex sensu S. Thomæ fuit sine peccato concepta. | 8. | §. VIII. B. Virginem esse immaculatè conceptam variis rationibus ex S. Thomæ plerumque desumptis probatur. - - | 15. |
| §. IV. Quamvis B. Virgo immaculatè fuerit concepta, eguit tamen redemptione. Ergo ex mente S. Thomæ non contraxit peccatum originale. - | 9. | §. IX. Refutantur quæ contra Immaculatam Conceptionem B. Virginis ex SS. Scripturis produciuntur. - - | 33. |
| §. V. Celeberrimi ex Ordine Dominicanorum tenent B. Virginem esse immaculatè conceptam. Ergo idem tenuit S. Thomas. - - | 12. | §. X. Respondetur ad ea, quæ ex SS. Patribus objiciuntur. - | 34. |
| | | §. XI. Respondetur ad auctoritatem sancti Thomæ. - - | 37. |

§ I.



§. I.

S. Thomas multis in locis docet Beatissimam Virginem fuisse immaculatè conceptam.

Primus locus habetur 1. Sent. d. 44. q. 1. a. 3. ubi expressè ait : *Puritas attenditur per recessum à contrario, Et idè potest aliquid creatum reperiri, quo nihil purius esse possit in rebus creatis, si nulla contagione peccati infectum sit, Et talis fuit puritas B. Virginis, quod à peccato originali Et actuali immunis fuit; fuit tamen sub Deo, quatenus fuit in potentia ad peccandum. Quid clarius pro immaculata conceptione?*

Dicit namque 1mo. Tantam fuisse B. Virginis puritatem, ut in rebus creatis major esse non potuerit, quod falsum evaderet, si peccatum aliquando contraxisset, quia purior esse potuisset, si nunquam contraxisset. Ut ergo creatura aliqua purissima, ita ut purior dici non valeat, nuncupari valeat, non sufficit, ut nullum peccatum habeat, quod pluribus infantibus & adultis absque peccato ex hac vita decedentibus evenit; sed ut nunquam ullo corrupta fuerit peccato, quod in B. Virgine evenisse apertè indicat S. Thomas, dum illam ab omni peccato immunem pronuntiat. Ex quo refutatur Bergomensis, qui in *Tabula aurea* scribit S. Thomam hinc id tantum voluisse, nempe, quòd B. Virgo peccatò originali quidem aliquando caruerit, non verò quòd non contraxerit.

At istud falsum est ex duplici ratione: 1mo. Quia si S. Thomas per hanc voculam *immunem* non aliud indigitare voluisset, quàm quòd Beatissima Virgo Maria

P. Curtier Theol. Tom. III.

aliquando caruerit quidem, tamen contraxerit peccatum originale, falsum foret B. Virginem omnium creaturarum purissimà fuisse, quod tamen citatò locò contendit S. Thomas; quia etiam S. Joannes Baptista, Jeremias Propheta, imò omnes parvuli Baptismò tincti omni peccatò actuali & originali carent, adeoque æquè puri essent ac B. Virgo.

2do. Quia si B. Virgo peccatum semel contraxisset, non tantum, ut vult S. Thomas, in hoc Deo dispar esset, quod posset peccare, Deus autem non; sed etiam in hoc, quòd illa aliquando peccaverit.

Accedit, quòd vox *immunis* non tantum pro aliquo tempore carentiam, sed omnimodam & pro omni tempore carentiam significet: inde est, quòd homines non possint dici immunes à mortalitate, etsi, semel eà expletà, deinceps sint immortales; sic neque qui semel tributum solvit, à tributo immunis dici valet, &c.

Ex his vides utiquè quàm infelicitè Bergomensis S. Thomæ in hac parte interpretem egerit. Hinc alii immaculatæ B. Virginis Conceptionis hostes, quatenus hoc tam clarò S. Thomæ testimoniò facilis liberarentur, præsentur textum eradi curarunt; inter quos fuit quidam Cosmas Morellus: is enim, teste Catharino lib. 2. de immaculata Concept §. *ad hæc*; & Raynaudò Tom. 8. pag. 291. in ultima editione Antverpenfi, cui præfuerat, præfens hoc S. Thomæ testimonium expungi curavit.

Y y y y

Secun-

2 Secundus S. Thomæ locus habetur in cap. 3. Epist. ad Galat. lect. 6. ubi, *Non inveni, inquit, mulierem à peccato actuali & originali omnino immurem, præter purissimam & omni laude dignissimam virginem Mariam.* Qui textus, licet in Antiquioribus editionibus reperitur, in recentioribus tamen omissus est. Et quidem quamquam, ut asserit Joannes Albertus Castrensis Dominicanus, Veneta editio ex correctissimis exemplaribus edita sit, Remigius Florentinus tamen in sua recenti editione Antverpenſi, annò 1591. quæ Immaculato B. Virginis Conceptui favebant, intrepidè expunxit, adjectâ lituræ causâ; quia, inquit, *non bene addita sunt in editione Veneta.*

3 Tertius locus S. Thomæ desumitur ex Opusculo 4. de salutatione Angelica, ubi ita legitur: *Maria purissima fuit quantum ad omnem culpam, quia nec originale, nec mortale, nec veniale peccatum aliquando incurrit.* Hic textus iterum in ultimis editionibus omissus est; reperitur tamen in MS. Parisiensi apud Patres Præmonstratenses prope Lovanium. In MS. Bibliothecæ Corfendoncæ Canoniorum Regularium prope Thurnantum in Folio, chartæque pergamena. In MS. Bibliothecæ Regiæ Parisiensis num. 650. In MS. Monasterii S. Martini Lovaniensis, litt. O. num. 7. & in alia editione Patrum Franciscanorum Coloniz. Testaturque P. Petrus de Alva & Astorga Procurator Generalis fol. 943. lib. de Immaculata Concept. nullum à se hæcenus visum esse codicem MS. antiquum, in quo non sit ista clausula: *Quia neque originale, neque mortale, neque veniale peccatum incurrit.*

4 Quartus locus est in Epist. ad Rom. c. 5. ubi sic legitur: *Omnes in Adam peccaverunt excepta Beatissima Virgine, qua nullam contraxit maculam originalis peccati.* Ita legitur in MS. Codice Bibliothecæ Cardinalis Sfortiæ; quem textum

P. Ferdinandus Guevarra Confessarius & Theologus Cardinalis de Trezo sub Urbano VIII. annò 1625. reperit; quæ tamen verba in triplici, Romana scilicet, Mediolanensi, ac Neapolitana editione expuncta reperit.

Quintus locus habetur in 1. Sent. D. 44. q. unica a. 3. Sextus, ibid. dist. 17. q. 2. a. 4. Septimus, desumitur ex dist. 44. a. 2. ad Annibald. Octavus habetur in Opuscul. 61. de decem gradibus charitatis; in quibus locis repetit, ratamque habet notam illam S. Anselmi sententiam, videlicet: *Decuit, ut Virgo, quam Deus Unigenito suo præparavit in Matrem, ea puritate niteret, qua major sub Deo reperiri non potest.* Atque cit. Opuscul. 61. occasione hujus S. Anselmi sententiæ hæc inter alia addit: *Deum quidem effecisse Angelos speculum puritatis immaculatum, incoquinatum; sed ad majorem omnipotentia sua manifestationem aliud elaborasse tersius & purius Seraphinis, videlicet Beatissimam Virginem, ac tantâ puritatis, ut purius intelligi non possit, nisi Deus sit.* Quæ omnia, ut & Anselmi sententia minime subsisterent, si B. Virgo aliquando peccatum originale contraxisset debuit; quia sic creari poterat, imò creatæ sunt innumeræ aliæ creaturæ puriores, hoc est, juxta regulam S. Thomæ, magis malo impermixtæ, & à peccato remotiores, putâ Angelos, qui nullum originale peccatum contraxerunt.

Denique graves ex Ordine Prædicatorum Theologi fatentur S. Thomam pro immaculato conceptu, non contra eundem, scripsisse. Joannes Bromiardus, qui floruit circa annum 1260. in Summa Prædicantium verbò *Maria* a. 2. n. 10. B. Virgo, inquit, *fuit cæteris specialius & eminentius sanctificata*, nam S. Thom. 3. p. q. 27. a. 2. ponit ejus sanctificationis excellentiam, quantum ad temporis prioritatem, in hoc, quod sanctificata fuit in ejus animatione, id

id est, in conjunctione anima cum corpore, non ante.

Eodem modo citatum S. Thomæ locum legit S. Vincentius Ferrerius in Exemplari Summæ S. Thomæ, adjecta manu propria hac ad marginem inscriptione: *B. Virgo fuit immunis à peccato originali & actuali.* Hic tamen S. Doctoris locus in modernis editionibus corruptus est, ut infra pluribus ostendemus.

P. Magister Casparus Catalanus de Monzonis electus Episcopus Ilerdensis Epistolâ ad Michaelem de Lanuza &c. annò 1651. Valentiz datâ, cujus istud est initium: *Me percunctatur, candidè fatetur S. Thomam B. Virginem immunem & præservatam à peccato originali affirmasse.*

Idem prorsus sentit P. Magister Joannes à S. Thoma Theologus Complutensis insignis, utpotè quo nemo elegantius ac solidius doctrinam S. Thomæ illustravit, cum Disp. 1. super 1. partem in præfem. a. 2. docet, nullibi S. Thomam docuisse B. Virginem fuisse in culpa originali conceptam. Idem docet P. Franciscus de Arauxo Episcopus Segovienfis. Item Ferrariensis l. 4. contra Gent. c. 50. unanimiter insuper asserentes, quia quando S. Doctor dicit omnes incurrisse peccatum originale, solo Christo excepto, loquitur ex vi legis ordinariæ, relinquendo semper locum privilegio.

Annò quoque 1618. die 24. Junii Patres Dominicani Provinciæ Hispaniæ, indicto Madriti coram Lermenfi Cardinali Conventu provinciali, supplicârunt Paulo V. dignetur ipsis imperare recitationem Officii, necnon celebrationem Festi Immaculæ Conceptionis; utque è suggestu prædicent opinionem, quæ tenet, B. Virginem fuisse sine peccato originali conceptam, &c. Hi tamen solemnî more jurârunt, se nihil doctorum contra mentem & sententiam S. Thomæ; ergo credebant S. Thomam docuisse Immacu-

latum B. Virginis conceptum. Vid. Nierenb. in Except. pag. 211.

§. II.

Beatissima Virgo non esset idonea Mater Dei, si aliquando peccasset; ergo ex sententia S. Thomæ, nunquam contraxit peccatum originale.

S. Thomas 3. p. q. 27. a. 4. sic loquitur: *Beatissima Virgo non esset idonea Mater Dei, si aliquando peccasset, quia honor parentis redundat in prolem, juxta illud Prov. 17. gloria filiorum patres eorum. Unde & per oppositum ignominia Matris in Filium redundasset.*

Ex hoc textu breviter sic arguimus: Juxta S. Thomam Matrem Dei non deducit contraxisse peccatum etiam veniale. Ergo multò minus originale. Ant. est S. Thomæ: Conf. sic ostenditur: Ideò dedecuit Matrem Dei peccasse etiam venialiter, quia peccatum veniale fecisset illam indignam, ut foret Mater Dei. Atqui multò magis faceret illam indignam peccatum originale; quippe peccatum veniale est levius originali, nullamque propriè dictam maculam animæ inurit, ut docet S. Thomas 1. p. q. 89. a. 1. At è contrâ peccatum originale non tantum animæ faciem maculat, verum etiam penitus obliterat fœdatque, necnon odio dignam & mortis ream reddit, vitæque æternæ privat: inde est, quòd longè gravius dici debeat peccatò veniali, utpotè quod majora, quàm istud, animæ damna infert, dum penitus à suo creatore avertit, graviorique poenæ, æternæ nimirum carentiæ visionis Dei, subiacet, &c. Ergo si à Matre Dei removendum est peccatum etiam veniale, utpotè ad ignominiam pertinens, ne etiam in Filium redundet; multò magis peccatum originale ab ea

Y y y y 2

remo-

removendum censere debemus; quod longè magis infamaret ignominiosamque redderet Matrem Dei, consequenter & Filium; quia sicut honor parentis redundat in prolem, sic è converso ignominia parentis etiam in prolem redundat.

§. III.

- 8 *Ecclesia non celebrat Festum nisi de aliquo Sancto. Ergo B. Virgo ex sensu S. Thomæ fuit sine peccato concepta.*

S. Thomas 3. p. q. 27. a. 1. pro certissima regula ponit: *Ecclesiam non celebrare Festum nisi pro aliquo Sancto*: Undè infert B. Virginem natam esse sine peccato originali, quia videlicet Ecclesia ejus Nativitatem celebrat. Id ipsum repetit 2. 2. q. 9. a. 1. ad 3. ubi, *Dicendum est*, inquit, *quod diversæ consuetudines Ecclesia in cultu divino nullo modo veritati repugnant, & ideo sunt servanda.*

Ex hac S. Thomæ doctrina sic conficitur argumentum. Ecclesia non celebrat Festum nisi de Sancto. Atqui celebrat Festum de Immaculata Conceptione B. Virginis Mariæ. Ergo ejus Conceptio, ex sententia S. Thomæ est sancta, & per consequens omnis peccati expers.

Vi hujus argumenti perpensâ multi Adversariorum varia interpretationum perfugia quærentes, illius nervos incidere allaborant, ut eo facilius se liberare queant. Verùm ut cum S. Irenæo lib. 5. cap. 13. loquamur, *coguntur tam multa male interpretari, qui unum nolum bene intelligere.* Sufficere debet, quòd certum, imò plusquam certum sit imo. Ecclesiam conceptum immaculatum B. Virginis prius publico cultui non exposuisse, quàm certissimis argumentis quæ sita & comperta veritate: summæ quippe levitatis foret, necnon Ecclesiæ,

omnium veritatum Scholæ gravitatem summopere dedecoret, Deo Festum agere, quod in dubium vocari possit, &c.

2do. Certum est, per Conceptionem illam immaculatam B. Virginis Mariæ Ecclesiam aliud non intelligere, quàm primum animationis momentum, quo videlicet anima B. Virginis fuit unita corpori: aut si Ecclesia aliud intelligit, cur aliud non exprimit, cur potius sanctificationem, quàm immaculatam Conceptionem non vocat, ut vocant Adversarii? At hos dudum jam redarguere Summi Pontifices, prohibentes, ne Immaculatam Conceptionem *Sanctificationem* tantum vocent Christicolæ. *Nonnulli*, inquit Sixtus IV. in Extrav. *grave nimis, diversorum Ordinum professores affirmare non erubuerunt, Romanam Ecclesiam solam spirituales Conceptionem seu sanctificationem B. Virginis Mariæ celebrare &c.* Et infra anathemate ferit eos, qui assererent, mortaliter peccare eos, qui hujusmodi Immaculatam Conceptionem celebrarent, aut ejus Officium recitarent. Atque hoc ipsum confirmavit Concilium Tridentinum Sess. 5.

Ex his habetur falsitas interpretationum, quas ad enervandum nostrum argumentum afferunt Adversarii; quarum prima est, quòd Ecclesia celebret Festum Immaculatæ Conceptionis, quia probabile tantum est, B. Virginem fuisse immaculatè conceptam. 2da. Ab Ecclesia spirituales tantum Conceptionem, illud nempe tempus, quo Virgo in matris utero ab originali peccato mundata fuit seu sanctificata, celebrari. 3tia. Ecclesiam non observare momentum quo anima B. Virginis corpori infusa est, sed posterius ab animatione momentum. Hæ falsæ, inquam, sunt interpretationes, & ex dictis luculenter satis refutatz. Undè manet argumentum nostrum; nempe: B. Virgo sine peccato nata est, quia ejus Nativitatem Ecclesia celebrat, ut habet

habet S. Thomas, 3. p. q. 27. a. 1. & 2. 2. q. 93. a. 1. ad 3. Ergo etiam sine peccato concepta est, quia Ecclesia ejus Conceptionem celebrat: vel melius è converso: Ecclesia B. Virginis Nativitatem celebrat, quia sine peccato nata est. Ergo etiam ejus Conceptionem celebrat; quia sine peccato concepta est.

§. IV.

- 9 *Quamvis B. Virgo immaculatè fuerit concepta, eguit tamen redemptione.*
Ergo ex mente S. Thomæ non contraxit peccatum originale.

Quoties S. Thomas in anima B. Virginis peccatum originale agnoscere videtur, hac semper utitur ratione; *quia si peccatum nullum nec veniale nec mortale nec originale contraxisset B. Virgo, sequeretur non fuisse à Christo redemptam, sicut enim medicina supponit morbum, ita redemptio supponit captivitatem, quòd si nunquam captiva, ergo nunquam redempta.* Hanc rationem; *Quia si immunis fuisset à peccato originali non eguisset redemptione* decies in S. Thoma reperiri testatur Cardinalis Sfondératus, sed falsam atque inanem & pro tali agnitam à S. Thoma fuisse ait; adeoque vel ex falsis principiis, quæ ipsemet pro falsis habuit, argumentatum esse, vel ejus mentem non fuisse ex tali ratione B. Virgini attribueri peccatum Originale; vel denique S. Thomæ suppositam esse tueretur hic pag. 24. & seq. cui prorsus assentimur, nisi ipsi adversarii nobiscum S. Thomam, non de actuali contractione, sed tantum de debito contrahendi peccatum originale interpretandum putent. Inde iis facimus optionem, malintne concedere S. Thomam ex falsis principiis, quæ ipsemet pro falsis semper habuit, argumentatum esse, sicque sibi contradixisse

(quod sanè tantò Doctore indignum est; quis enim nisi perdidit in re tam sacra, tantique momenti, pro veris principiis statuat ac venditet necnon aliis persuadere conetur, quæ falsa esse novit, atque alibi professus est?) aut non fuisse ejus mentem ex falso illo principio peccatum originale Deiparæ attribuere, & idèò nunquam attribuisse; quia nunquam aliter attribuit, nisi ex falsa illa & invalida ratione; *quia aliis non eguisset redemptione.* Aut illum intellexisse, quia, nisi debitum contrahendi peccatum originale habuisset B. Virgo, sequeretur non fuisse redemptam, aut denique hanc clausulam: *Quia aliis non eguisset redemptione* S. Thomæ suppositam esse. Eligant quid horum malint dicere Adversarii.

Et quidem falsam esse hanc argumentationem habetur ex eo; quia videtur tollere & redemptionem & medicinam præservativam, de quibus tamen in Scripturis sacris, SS. Patribus ac ipso S. Thoma frequens habetur mentio: Eccli. 18. dicitur: *Ante languorem adhibe medicinam.* Psalm. 43. *Qui redemisti David de gladio maligni,* id est, *Goliathi,* cui tamen David nunquam succubuerat. Item Ephes. 5. *Redimentes tempus, quia dies mali sunt,* non quòd tempus semel amissum revocare possimus, sed quia, ne amittamus, præcavere possumus. Et Psalm. 85. *Eruisti animam meam ex inferno inferiori;* non quòd David eò semel deveniret, sed quia venisset, nisi Deus prohibuisset.

Ad Scripturæ sensum apertè differunt 10 SS. Patres, S. Augustinus super Genes. ad litt. *Major, inquit, gratus impenditur illi, cui conservatur innocentia, quàm cui remittitur culpa.* S. Bernardus Serm. 21. super Cantica ait: *Angelos fuisse redemptos sanguine Christi, non à peccato,*
 Y Y Y Y Y 3 quod

quod commiserunt, sed ab eo, quod possent committere. Iterum S. Augustinus in Psalm. 85. Liberavit te ab aegritudine non in qua eras, sed in qua futurus eras. Et lib. 1. Confess. cap. 1. Omnia mihi dimissa fateor, quæ te duce non feci, &c.

- 11 S. Thomas autem, cum alibi agit de peccato originali agnoscit redemptionem præservativam; nam in 4. Dist. 43. quæst. 1. a. 4. ad 3. *Oportet, inquit, quod quilibet personaliter redemptione Christi indigent non solum ratione naturæ; liberari autem à malo, vel à debito absolvi non potest, nisi qui debitum incurrit, vel in morbum incidit; unde dimissio debitorum, vel liberatio à malo, intelligi non potest, si aliquis sine debito, vel immunis à malo nascatur.* Ecce S. Thomas hic admittit redemptionem, quæ non à malo, sed tantum à debito malum incurrendi liberat; & hæc est redemptio præservativa. Clariùs adhuc ad nostram sententiam loquitur 3. p. q. 52. a. 2. ad 2. ubi, *Christus, ait, ad lumbum descendens dolores penarum absolvit sanctos Patres præservando ab eis, sicut Medicus dicitur solvere morbos, à quibus præservat per medicinam.* Et Opuscul. 7. *Deus liberat electos de malis pœna tripliciter, præservando, consolando, & dando bona.* Et 1. part. quæst. 20. a. 4. ad 5. repetit sententiam S. Augustini suprà relata, scilicet, *Major ei gratia fit, qui conservatur in innocentia, quàm cui remittitur peccatum.* Quid clariùs esse potest ad evincendum, quòd, etiam S. Thomas admisit redemptionem & medicinam præservativam?

Ad quemadmodum nemo est, qui medicinam præservativam (utpotè quæ à plurimis liberat malis, putà doloribus, vigiliis, siti, &c. quæ morbum consequuntur) curativâ seu eâ, quæ morbum jam supponit, nec à tot malis

liberat, sicut præservativa, longè præstantiorem & perfectiorem non asserat; ita nullum est dubium, quin omnes redemptionem illam, quam curativam dicimus, longè imperfectiorem præservativâ concedant. Ad hoc non modò sacre Scripturæ Sanctorumque Patrum testimoniis inducentibus, sed ultrò ipsa suadente ratione. Tantò quippe perfectior & major est redemptio, quantò à pluribus malis liberat, at multo à pluribus malis liberat, qui non permittitur peccare (liberatur enim ab actuali culpa, à pudore, à pœnis, & irreparabili innocentie jactura) quàm qui actualiter permittitur peccare, quippe talis omnibus his malis est præpeditus.

Ex his ergo manifestè colligitur, malam omnino & falsam esse causalem illam: *Quia si non contraxisset peccatum &c. non eguisset redemptione;* cum tamen B. Virgo perfectissimè sanguine Christi redimi potuit, licet nullum contraxerit peccatum, modò fuerit præservata ne illud contraheret. Atqui fuit præservata; Christus enim, utpotè perfectissimus Redemptor sine dubio omnes redimendi modos explevit. Ergo oportuit, ut aliquam creaturam ab omni malo præservaret; perfectissima namque redemptio est, quæ ab omni malo præservat: quænam autem, putas, illa fuit? nonne B. Virgo? Aut si non hæc, quæ alia? At quomodò ab omni malo præservata, si non à peccato originali? Satiùs ergo erit, si nobiscum S. Thomam hic ita interpreteris: *Si B. Virgo nec peccatum nec debitum illud incurrendi habuit, non eguit redemptione, &c.* Nisi dicere velis S. Thomam sic argumentatum fuisse: *B. Virgo si est præservata, est perfectissimè redempta. Ergo non est redempta. Proinde ac si dicas: Ignis est perfectissimè calidus, Ergo non est calidus.* Quod quàm absurdum sit nemo non videt.

§. V.

§. V.

- 12 *Celeberrimi ex Ordine Dominicorum tenent B. Virginem esse Immaculatè conceptam. Ergo idem tenuit S. Thomas.*

Doctores sacri Ordinis Prædicatorum, qui post S. Thomam floruerunt, ita ejus reverentur doctrinam, ut se illam sequi velle juramentò adstringant. At eorum potior pars (præcipuos hîc tantùm recensēbimus) suffragatur immaculatæ Conceptioni. Ergo ne perjuro dicas, quod sanè temerarium prorsùs foret, eos credidisse eandem S. Thomæ fuisse sententiam asseras necessum est.

Imo. Quidem Barcinonæ tabula aservatur ferè à temporibus S. Dominici, qui obiit annò 1221. in qua legitur, quòd libellum contra doctrinam Albigenisium confecerit, in quo firmissima veritate confitebatur, *quia B. Virgo fuit immaculatè concepta, quippe de qua Spiritus sanctus per Salomonem dixit: tu pulchra es amica mea, & macula non est in te.* Piumque suum effatum per miraculum, libellò ex igne, in quem projectus fuerat, inusitò retractò confirmavit. Hæc de S. Dominico in memorata tabula, quæ Barcinonæ in Archiviis aservatur, leguntur. Porro hujus miraculi meminerunt Petrus Canisius, lib. 1. de Deipara, cap. 7. Salmeron, in Epist. ad Rom. Coccius, lib. 3. Thesauri, a. 1. Petrus de valle Cervi Cisterciensis, in Histor. Albigenisium cap. 7. & ex illo Alexander Natalis ad Sæculum 13tium pag. 285. Gotischalchus, qui vixit ante Sixtum IV. Papam, in Serm. de Concept. B. V. editionis Hagenaviensis annò 1520. Hic author expressè scribit S. Dominicum

in præfacto libello contra Albigenes de-fendisse immunitatem B. Virginis ab Originali peccato. Ejus libri meminit Suarez, 3. part. quæst. 27. D. 3. Sect. 15. Vasquez, D. 117. Lausanius in Vita S. Dominici, lib. 1. cap. 3. Surius Tom. 4. Senensis in Bibliotheca. Vincentius Bel-luacensis, qui 35tò post S. Dominicum annò obiit, in Speculo Histor. lib. 29. cap. 96. (a) Verba verò S. Dominici lib. de carne Christi, cap. 17. inter alia hæc sunt: *Sicut primus Adam fuit ex terra Virgine, & nunquam maledicti formatus; ita deuit in secundo Adam fieri.* Reputa jam tecum, an credi possit, S. Thomam à doctrina sui sancti Institutoris & Patris miraculò ultrò confirmata alienum esse potuisse.

2do. S. Vincentius Ferrerius, qui obiit annò 1419. cujus verba superius §. 1. jam retulimus; insuper Serm. de B. Virginis Conceptione, hæc eloquitur: *De nullo Sancto sit Festum Conceptionis nisi Christi & B. Virginis.* Et Serm. 2. de Nativit. *Non credatis, inquit, quia fuerit sicut in nobis, qui in peccatis concipimur, sed statim ac anima fuit creata, fuit sanctificata, & statim Angeli in calo celebraverunt Festum Conceptionis.* Allegat quidam, Bandellus nomine, contra Immaculatam Conceptionem S. Vincentium, sed planè corruptum, ut videre est apud Nierenbergium, in Except. Concil. Trident. pag. 244. Ex quo magis confirmatur, quod infra de corruptis & vitiatis S. Thomæ locis & sententiis dicetur.

3tio. S. Albertus Magnus, lib. de Laudibus Virginis super *Missus: Hac virgo sola, inquit, à communi regula excipitur, Omnes in Adam peccaverunt.* Idem, licet

(a) Bzovius Tom. 13. Annalium ad annum 1204. num. 14. & 15. hoc miraculum non S. Dominico Ordinis Prædicatorum Institutori attribuit, sed cuidam alii Dominico Ordinis Cisterciensis.

licet aliis verbis, repetit in Bibliis Marianis super Evang. Lucæ. Attamen alibi expressis verbis negat B. Virginem fuisse immaculatè conceptam; undè vel mutavit sententiam, vel ejus libri corrupti fuere, prout de S. Thoma infra videbimus.

4to. Joannes de Viterbio, de quo Raynaudus Tom. 8. in Tractat. de piet. Lugd. pag. 293. refert, quod primum negaverit B. Virginem immaculatè conceptam fuisse; at cum ad mortem inhirometeretur, rogavit B. Virginem, ut, si esset immaculatè concepta, donaret illi sanitatem, seque toto vitæ tempore celebraturum & annuntiatorum populis immaculatam ejus conceptionem; inde statim integræ restitutus sanitati, non cessavit, ut promiserat, id ægrè licet ferentibus Sodalibus suis, deprecare & propugnare immaculatam B. Virginis Conceptionem.

5to. Joannes Taulerus, Serm. 1. de Purificat. B. V. *Culpa Originalis*, inquit, *perpetuo expers fuit.*

6to. Joannes Bromiardus suprà §. 1. citatus; ubi vide.

7mo. B. Ludovicus Bertramus, Serm. de putissima Virgine, cui initium: *In hoc Sermone sunt quatuor partes*. Sic inter alia loquitur: *Maximum beneficium fuit, quo in sua Conceptione ab originali labe præservata fuit.* Obiit autem Bertramus annò 1381.

8vo. Venerabilis Hieronymus Lanuza Episcopus Balbassarenis & Albaracinus, undecim rationibus immaculatam B. Virginis Conceptionem probat, quas refert Hieronymus Fusar in ejus vita, lib. 3. c. 12. Obiit Lanuza an. 1625.

9no. Magister Casparus Catalan, Epist. ad Joannem Bapt. de Lanuza; de qua vide suprà §. 1.

10mo. Ambrosius Catharinus Archiepiscopus Complesinus integrum edidit Opusculum pro Immaculata Conceptione. Obiit annò 1572.

11mo. Jacobus de Voragine Archiepiscopus Genuensis in Historia Lombardica, binas historias & miracula refert, quæ in confirmationem Immaculatæ Conceptionis contigere. Obiit an. 1298.

12mo. Vincentius Justinianus, in additionibus ad vitam B. Ludovici Bertrami, commendat miraculum S. Dominici pro puritate conceptus Virginei suprà hic relati: & habetur in Officio Bernardini de Bustis approbato à Sixto IV. in tertia die Octavæ, Leç. 4ta. Et in Historia Albigensum Petri Larnensis, c. 7. quamvis in novis editionibus abrasa sit.

13tio. In Breviario perantiquo, quo utebantur Patres Dominicani, quodque asservatur in Bibliotheca Regia Ecurialis, recitatur historia, quæ, ut Baronius in annotationibus ad 8. Decembris refert, occasio fuit S. Anselmo scribendi pro Immaculata Conceptione.

14to. Patres provincie Hispaniæ Paulo V. supplicant pro recitatione Officii Immaculatæ Conceptionis, prout suprà §. 1. jam retulimus.

15to. Armandus de Bellovisio Magister sacri Palatii, Collat. 4. *Surgere*, inquit, *non est nisi cadentis, & quia B. Virgo in peccatum Originale veraciter cecidisset, nisi præservaretur, & omni privilegio secluso ideo dicitur: Surrexi & adhuc sum tecum.*

16to. Extat Decretum editum Præsidi Alberto de las Casas &c., & Hispali impressum annò 1524. hujus tenoris: *Quia Ordo Prædicatorum sustinuit hucusque opinionem, quod B. Virgo concepta fuit in peccato originali; sed jam de hoc non est curandum &c. cum tota ferè Ecclesia, cujus usus & auctoritas secundum D. Tho-*

D. Thomam 2. 2. q. 1b. a. 12. & 3. part. q. 68. a. 10. praevalat dictis alterius eusqueque Doctoris, jam asserat, quod fuit praeservata.

17mo. Antiquissimum Martyrologium PP. Dominicanorum annò 1254. conscriptum ad diem 8. Decembris sic habet: *Conceptio S. Mariae Virginis, Festum duplex.* Idem habet Martyrologium annò 1579. iussu Seraphini Cavalis Generalis Ord. Prædic. editum; & in libello, cui titulus: *Hora B. Mariae Virginis ad uam FF. Prædicatorum Ordinis S. Dominici*, editò Parisiis annò 1529. Item Raymundus Lullus in Prologo Tractatus de Conceptione faterur, an. 1250. Festum Immaculatae Conceptionis fuisse à PP. Dominicanis celebratum in Galliis.

18vo. Palau & Alvarus Pizarus testantur, B. Raymundum de Pennafort, qui annò 1230. in vivis agebat, sæpius e Cathedra pro Immaculata Conceptione dixisse.

19no. Vincentius Cassali, qui floruit sub an. 1217. in nonnullis tractatibus Panegyricis Mysterium Immaculatae Conceptionis multifariam & acutè explicat.

20mo. Vincentius Belluacensis in suo Speculo Historico circa annum 1244. lib. 7. cap. 121. asserit & laudat verba S. Ildesoni, quibus Immaculatam Conceptionem affirmat.

21mo. Joannes de Fennario Magister Generalis Ordinis Prædicatorum, referente Ambrosio Catharino in Disput. ad Concilium Tridentinum part. 1. col. 66. dicere solebat: *Antiquiores Magistros, quanto magis docti, & sancti essent, tanto magis eam sententiam ultrò amplectutores, non quidem sectantes alios, sed cunctos ipsi antevertebant, animo multò propensiore, ac propensiore pro gloria Matris Dei.*

P. Cartier Theol. Tom. III.

22do. Annò 1635. in Capitulo Beneventano editum est sequens Decretum: *Nostri Religiosi, & Communitates affstant concionibus & festis hujus Mysterii, Immaculatae Conceptionis, & aliis actionibus publicis, & in omnibus occasionebus laudetur, glorificetur, & sustentetur prædicta doctrina.*

23tio. Sunt adhuc plurimi præter enumeratos, quorum aliquos duntaxat recensemus. Nierbergius in Excerpt. Concil. Trident. pag. 194. duodecim Magistros sacri Palatii enumerat, quinque Generales, & centum circiter Doctores, inter quos Hugo Cardinalis in cap. 1. & 10. Lucæ, qui vixit sub an. 1250. Paludanus in Sermonibus tribus de Conceptione annò 1320. Herveus Generalis in Comment. Epist. 2. ad Corinth. annò 1325. Bartholomæus de Pifa, Tractat. de Virg. fruct. annò 1335. Holchor, in Sapient. num. 160. annò 1349. Sanctius de la Puente Magister sacri Palatii, Serm. de Concept. annò 1419. Leonardus de Utino in Sanctoralibus, Serm. 12. annò 1445. Petrus Dore, lib. de Idea virtutum cap. 1. & 2. annò 1500. Jacobus Austratus, lib. 3. Moral. cap. ult. annò 1522. Claudius de Rosa, in Opere aureo, pag. 85. annò 1519. Albertus de las Casas Generalis, & cum eo Capitulum Provinciale Andalusie, an. 1523. Joannes de sancto Geminiano lib. Sermorum, annò 1529. Hugo de Prato, Serm. de Annunt. annò 1540. vel 1522. Balthasar Sorio, in Mariali, annò 1540. Soto de nat. & grat. cap. 7. & ad Rom. cap. 5. annò 1550. Catharinus, Tract. de Concept. cap. 6. annò 1552. Mancius Professor Salmanticensis, annò 1560. Ludovicus Granatensis, annò 1570. Justinianus Antistius, in Additionibus. Balthasar Arias, Stephanus Mendez, Raymundus Pasqual, in Comment. Epist. ad Rom. annò 1595. Alphonsus de Cabrera,

Z z z z z

brera, Tom. 1. pag. 79. annò 1596. Manuel Vagas, Serm. de Incarn. pag. 7. Antonius Navarrus in tribus Concionibus. Pius V. Pontifex Maximus, qui Festum Conceptionis præcepit. Guilelmus Pepin, Rosar. aureo Sermonè 15. Petrus Lavinius, in Opere de B. Virgine, Gothico charactere exarato, quod habetur in Camberiensis Collegio Soc. Jesu. Joannes Herold cognomento Discipulus, Serm. 5. de Sanctis. Joannes Wigerius, cap. 18. Instit. Theolog. §. 5. Petrus Auratus celeberrimus Galliæ Ecclesiastes, in Imagine virtutis, cap. 1. 2. & 3. Nicolaus Coiffetau in tabula innocentie. Laurentius Guittierez, Serm. de Immaculatæ Concept. Plures adhuc sunt tum pietate, tum scientiâ præstantissimi ex ordine Prædicat. Doctores, qui Immaculatæ Conceptioni & voce, & calamo, adstipulati sunt, quos passim apud Authores videre est. Nos præsentem paragraphum claudimus adjunctò adhuc testimonio celebris illius Parisiensis Doctoris Theologi Alexandri Natalis, qui Tom. 2. ad Sæculum 13. & 14. Dissert. 16. §. 20. hæc eloquitur: *Antiqui Patres, quos Augustinus adversus Pelagianos in aciem educit, & Augustinus ipse de peccati originalis debito facile exponi possunt; cum enim ex Adamo B. Virgo propagata fuerit, communi lege peccati originalis contrabendi tenebatur, illudque re ipsa contraxisset, nisi singulari Redemptoris servata fuisset beneficiò, &c.* Et ad finem: *Sententiam, inquit, de Immaculata Conceptione non solum ut probabilem & piam, sed ut propriam facultatis nostra Parisiensis doctrinam propugnabimus, si de ea dicendi, scribendive detur occasio.*

Si ergo S. Dominicus ipse, præcipue ex hoc sacro agmine Doctores pro Virginis nostræ innocentia militant; quis dubitet, eundem sensum, eandemque

sententiam S. Thomæ fuisse? Aut hunc deferrent, cujus doctrinæ juramentò se adstringunt; nisi crederent, eum ita sensitse? Quisquis ergo B. Virginis inimicus nobis adversaris, prudentius agere videberis, si, quemadmodum ii, qui collabentem jam jam domum vident (quod de muris Plinius scribit) fugo se subducunt, etiam tuam deferas opinionem. Quid enim, ut cum Vincentio Justiniano in addit. ad vitam B. Ludovici Bertrami cap. 3. §. 14. loquamur, contrariam opinionem scribere, aut docere, aut concionari velle, aliud est, quàm malè canere, & in malo cantu durare, atque occasione dare, ne illud Terentii occinatur: *Frustrà utti, & laborando nihil aliud, quàm odium querere, extrema dementia est.* Tux sententiæ jam defunctæ Cathedræ, Suggestæ, Confessionalis, Libri, jam Regum diademata, jam Episcoporum Mitre, jam Cardinalium Galeri, jam Pontificum Thiaræ, & ipsamet Concilia, quando Tridentinum omninò protestatum est, non esse suæ intentionis in decreto de peccato originali Deiparam comprehendere.

§. VI.

*Sensus Ecclesiæ auctoritati omnium 13
Doctorem præstat. Ergo Beatissima
Virgo ex sensu S. Thomæ est
immaculatæ concepta.*

S. Thomas 2. 2. q. 10. a. 12. *Dicendum est, inquit, quod maximam auctoritatem habet Ecclesiæ consuetudo, quia & semper in omnibus est amulanda, quia & ipsa auctoritas Catholicorum Doctorem ab Ecclesiæ auctoritatem habet; unde magis standum est auctoritate Ecclesiæ, quàm auctoritate Augustini, aut Hieronymi, vel cujuscunque Doctoris.*

Judicet inter nos & Adversarios Angelicus Doctor: ponamus, pro iis omnes illos

illos stare, quorum nominibus gloriantur; pro nobis verò solam auctoritatem usumque Ecclesiæ; cui litem adjudicabit S. Doctor? Certè ei, cui favet Ecclesia. At quis negare ausit pro nobis stare Ecclesiam, cum ab ejus propè incunabilis, ipsorumque Apostolorum tempore ad nostra usque tempora hæc nostra de immaculato conceptu veritas tradita, transmissa, & propagata fuerit.

Et quidem jam in ipso Apostolorum Concilio assertam, atque Apostolorum doctrinâ Immaculatam Conceptionem B. Virginis confirmatam fuisse, testis est Luitprandus, qui floruit circa an. 946. in Chronico ad annum 676. ubi *Immaculatam*, ait, *Conceptionem Apostoli predicaverunt ubique*. Item Julianus, qui floruit circa annum 1036. Bernardo Toletano Episcopo à sacris Confessionibus, in suis adversariis num. 395. *Traditio*, inquit, *fuit ab Apostolis in Concilium congregatis, B. Virginem Mariam originali peccatò intactam esse*. Et in Chronico, ubi agit de Bernardo Archiepiscopo: *fecit celebrare devotius Festum Immaculatæ Conceptionis, quod predicavit in Hispania S. Jacobus, & incepit ab Apostolis hoc in Concilio decernentibus*. Idem habet Flavius Dexter, qui floruit circa finem quarti Sæculi, in Historia perpetua, scilicet, *quod Jacobi prædicatione celebratur in Hispania Festum Immaculatæ Conceptionis*. Hujus etiam meminit S. Hieronymus, lib. de Scripturibus Eccles. ad an. 368. n. 9.

Insuper hujus Apostolicæ Traditionis luculentissimum est testimonium S. Andreae Apostoli, cujus verba in Epistola Presbyterorum Achajæ an. circiter comò à morte Christi conscriptâ sic expressè referuntur: *Sicut primus Adam formatus est ex terra, ut quia esset maledicta, ita secundus formatus est ex terra Virgine*

numquam maledicta. Hanc Epistolam velut legitimam agnoscunt Surius, comò Novembris, Bellarminus, lib. de Script. Eccles. Alexander Natalis, ad Sæculum I. S. Bernardus, Serm. 1. de S. Andrea. Indè etfi Gelasius I. Innocentius I. Philastrius, & ipse S. Augustinus, quædam acta S. Andreae rejiciant; non loquuntur de actis Presbyterorum Achajæ, sed de quibusdam actis à Nexocharide, & Leonide Philosophis, atque à Manichæis & Lucio conscriptis, quæ fabulis, narrationibus impudicis, necnon Manichæorum erroribus scatent.

Item in Sacello Ecclesiæ Segovienfis, quam fundavit B. Jerotheus S. Pauli discipulus hæc inscriptio legitur: *A tempore Jerothei B. Pauli discipuli, & bujus Civitatis primî Præsulis, illibatam Conceptionem sanctæ Virginis hac Ecclesia tuetur & celebrat*. Vid. Velasquez pag. 339. de Immaculata Concept. Qui pag. 309. etiam refert, in monte sancto propè Granatam inter alios plumbeos libros unum reperiiri à S. Ctesifonte Martyre ac S. Jacobi discipulo exaratum, in quo hæc verba leguntur: *Illæ Virgo, illa Maria præservata fuit à peccato originali in primo instanti sua conceptionis, & libera ab omni culpa*.

Demum Westmonasterienfis in suo Chronico annò 1228. & Galatinus, lib. 7. cap. 4. testantur, *celebrationem Conceptionis in Ecclesiis Armenia, Egypti, Syriaque, Apostolos instituisse*.

His ritè perpenfis meritò Suarez, Theologus planè gravissimus & modestissimus, 3 p. q. 27. a. 2. Sect. 6. scribit: *Hæc veritas à sanctis & antiquissimis Patribus, & ut creditur, etiam ab Apostolis tradita est*.

Post tempora Apostolorum multa sunt & passim edita argumenta & exempla, quibus ostenditur, in Ecclesia perpetua-

Z z z z z a

de

de Immaculata Conceptione viguiffe traditionem.

Sæculò etenim III. S. Cyprianus, lib. de cardinalibus Christi operibus, cap. de Nativit. loquens de B. Virgine: *Spiritu sancto obumbrante*, inquit, *incendium originale extinctum est, nec sustinebat justitia, ut vas illud electionis communibus lassavetur injuriis, quoniam plurimum à cæteris differens naturâ communicabat, non culpâ.* Eodem Sæculo S. Amphilochius Iconii Episcopus, Orat. 4. in Deiparam, quam latinitate donavit Franciscus Combefis Dominicanus, p. 42. *Quid, ait, sulte à veritate dissentis? qui enim antiquam illam Virginem sine probro condidit, & secundam sine nota & crimine fabricavit?*

Sæculò IV. scilicet annò circiter 390. floruit S. Hieronymus (b) in cujus Martyrologio mentio fit Festi Conceptionis. Idem in Psal. 77. ait: *Nubes illa, B. Virgo, nunquam fuit in tenebris, sed semper in luce.* S. Augustinus, qui obiit annò 430. lib. de natur. & gratia, cap. 36. *Excepta, inquit, B. Virgine, de qua propter bonorem Domini, nullam prorsus, cum de peccatis agitur, habere volo questionem; inde enim scimus, quòd plus gratia collatum ei fuerit ad vincendum omni NB. ex parte peccatum.* Plura adhuc ex S. Augustino testimonia in decursu hujus Opusculi afferentur. S. Eucharis ejusdem Sæculi author Hom. 2. de Nativit. Domini, asserit B. Virginem per se quidem non esse immunem à peccato originali, at esse tantum debitoricem. S. Cyrillus Archiepiscopus Alexandrinus, lib. 6. cap. 15. in Joan. Evang. ait, omnes contrahere peccatum originale, excepto illo, qui de Virgine natus est, & ejus Matre. Idem habet Serm. contra Nestorium.

Sæculò V. floruit S. Sabbas Sacrorum Menæorum collector, & Ritualis author. Hic die 12. Febr. Ode 5. die 18. Ode 6. Die 3. Jan. Ode 9. *Deiparam absque navo, ab aeterno mundam, in qua primi parentis lapsus non substitit, pronuntiat.* S. Andreas Cretensis, in Canone Ecclesiast. Ode 3. & 50. *Anna, inquit, concepit intemeratam, puram sobolem: hanc cum solam immaculatissimam beatam dicamus, ejus sanctam Conceptionem colamus.* Floruit Sæculò VI. circa an. videlicet 560.

Sæculò VII. S. Ildefonsus (c) (de quo vid. Trithemium, lib. de Scriptor. Eccl.) lib. de partu Virg. *Constat, inquit, illam ab omni peccato originali fuisse immunem.* Ante illum S. Ildorus (d), in emendato suo Missali Hispanico, quod jussu Concilii Toletani IV. emendârat, octavò Decembris ponit Festum Conceptionis. Item in præfatione hæc habetur: *Dignum & justum est omnipotens Pater tibi in Conceptione Virginis Maria, &c.*

Sæculò VIII. S. Joan. Damascenus, qui obiisse perhibetur annò 731. Orat. 2. de Assumptione Virginis: *Hodie, inquit, Heden spiritualem novi Adam paradysus suscipit, in quo condemnatio abrogata, ad quem serpens aditum non habuit.* Item Venerabilis Beda, qui annò 735. obiit, in suo Martyrologio ad diem 8. Decemb. ponit Festum Conceptionis B. Virginis Maria.

Sæculò IX. floruit, ut vult Bellarminus, Idiota, qui in Contemplatione B. Virginis, cap. 2. ait: *Macula peccati sine originalis, sine actualis, nunquam fuit in te Virgo gloriosissima.* Eodem Sæculo Joannes Papa X. approbavit Ildori Missale. Vid. Ambrosium Moralem lib. 12. cap. 19.

Sæculò

(b) Obiit annò 420. (c) Obiit annò 667. (d) Obiit annò 636.

Sæculò X. Fulbertus Carnotensis, in Expositione salutationis Angelicæ: *Electa es, inquit, insignis inter filias, qua immaculata semper extitisti ab exordio tua creationis.*

Sæculò XI. S. Petrus Damianus, Serm. de Assumptione: *Caro Virginis, ait, ex Adam sumpta maculas Ada non admisit.* S. Anselmus variis locis tuetur Immaculatam Conceptionem, ita ut de eo nulum sit dubium. In Commentariis in 2. Corinth. c. 5. *Omnis, inquit, mortui sunt peccato, dempta Matre Dei, five originalibus, five propria voluntate additis, vel ignorando, vel sciendo.* S. Bruno Institutor Ordinis Carthusi. in Psal. 105. *Hæc enim incorrupta terra illa, cui benedixit Dominus, ab omni propterea contagione peccati libera, per quam vitam agnovimus.*

Sæculò XII. S. Bernardus Abbas Clavallensis, Serm. de privilegiis S. Joannis Baptistæ, edit. Lugd. annò 1530. ait: *Quicumque de massa pravavicante mundum ingredimur, longam vestem originalis peccati nobiscum trahimus; solus ille, qui peccatum non fecit, excipitur, & qua eum virginalis sui uteri thalamo ignorans virum, & ignota viro terris effudit.* Hæc ultima verba in recentioribus editionibus esse mutata affirmat Cardinalis noster Sfonderatus, at qua manu ignorat. Plura S. Bernardi testimonia referemus infrà §. 10. S. Bernardus Archiepiscopus Toletanus Ordinis S. Benedicti, Serm. 4. super *Salve Regina* hæc eloquitur: *Innocens fuisti ab originalibus & actualibus peccatis.* S. Norbertus Religionem suam in honorem Immaculatæ Conceptionis, juxta communem & unanimem familiæ suæ traditionem instituit: ita etiam præter Missalia, Breviaria, Processionalia, & Diurnalia Præmonstratensium, necnon Diploma & Privilegium Caroli VII. Francorum Regis, testatur

Quintanilla ejusdem Ordinis Generalis, Epist. ad Philippum Regem.

Sæculò XIII. Alexander de Ales integrum librum, teste Guilielmo Borilongo in 3. Sent. dist. 3. scripsit de Immaculata Conceptione. Albertus Magnus lib. de Laudibus Mariæ dicit: *Hæc Virgo sola à communi illa regula excipitur, omnes in Adam peccaverunt.* Et in Bibliis Marianis in Evang. Lucæ: *Va culpæ, inquit, est triplex, scilicet originalis, actualis mortalis, & venialis, sine isto multiplici Va fuit B. Virgo Maria.* Sed de S. Alberto plura inferius. S. Thomam hic non recensemus, quippe de quo tota hæc Dissertatio est instituta.

Sæculò XIV. floruit Joannes Dunz Scotus, quem Immaculatæ Conceptionis defensor toto orbe celebrem reddidit, *Subtilisque* titulò donavit. Ita Cajetanus in Opusc. de Concept. Suarez Tom. 2. in 3. p. D. Sect. 5. Bellarminus de Script. Eccles. ad Sæculum 13. Waddingus, &c. & post eum sententia de Immaculata Concept. in omnibus Scholis invaluit.

Sæculò XV. S. Vincentius Ferrerius. De eo vide sup. §. 5. & §. 1. Petrus de Alliaco in Meditatione super Salutatione Angelica, hisce B. Virginem alloquitur: *Mervisti . . . ut sola esses sine Va (ut piò creditur) originalis.* Gerson Serm. de Concept. Tom. 4. Operum, consideratione 1ma. *Spiritus, inquit, interdum revelat Ecclesia vel Doctoribus aliquas veritates . . . quas non revelavit prædecessoribus. . . . Quapropter dicere possumus hanc veritatem, B. Virginem non fuisse conceptam in peccato originali, de illis esse veritatibus, qua noviter sunt revelata, vel declarata tam per miracula, quàm majorem partem Ecclesia, qua hoc modò tenet.* S. Bernardinus Senensis, Tom. 1. Serm. 52. de Salut. Angelica. *Fuit B. Virgo sine primo Va, id est sine*
Z z z z z 3 tyran-

tyranno concupiscentia originalis, quia sine ipso concepta est. . . . Alphonsus Tostatus Episcopus Abulensis, prologò in S. Hieronym. *B. Virginem sine originali macula conceptam fuisse nullo modo nego, sed toto animo confiteor.* B. Laurentius Justinianus, Tract. de casto connubio Verbi, cap. 7. *Hac est originalis pana delicti, à qua nemo liber extitit: quotquot enim ex ipsa nati sunt propagine (excepto duntaxat Mediatore Christo Jesu, & ipsius Matre) sub hac peccati lege sunt conditi.* Hoc quoque Sæculò Facultas Parisiensis solemnè decretò statuit, ut omnes hujus Facultatis Doctores Conceptionem immaculatam jurarent. Tritheimius in Chronico sui Monasterii Spanhemensis, & in lib. de laudibus S. Annæ egregiè Immaculatæ Conceptioni patrocinatur.

Sæculò XVI. Sanctus Salesius Anicii Sodalitium instituit sub titulo Immaculatæ Conceptionis &c. Transimus aliorum Doctorum nomina, quia ferè innumeri sunt, qui postea pro Immaculata Conceptione scripserunt.

Ex his patet, quia sententia de Immaculata Conceptione antiquissima est, & à primis Ecclesiæ primordiis ad nostra usque tempora propagata, ut proinde ad eas veritates pertinere videatur, quæ Religionis cœvæ sunt. Sed age ostendamus, hanc etiam totius Ecclesiæ mentem esse, id est, omnium Ordinem, omniumque Ecclesiæ membrorum.

Quod Summos Pontifices attinet, clariùs mentem explicare non poterant. Annò 14-6. Sixtus IV. jam suprà §. 3. relatus in *Extrav. Cum præcella*. de Reliquiis & venerat. Sanctòr. concedit indulgentiam ac remissionem peccatorum iis, qui Missam & Officium Conceptionis B. Virginis in ipso festivitatis die, & per ejus Octavam devotè celebrarint. Innocentius VIII. Diplomate, cujus initium

est: *Inter munera*. eximie collaudat Reginam Catholicam, ob singularem, quem ad Conceptionem B. Virginis Mariæ gerit, devotionis affectum. Alexander VI. in Motu proprio, quod incipit: *Illius qui*. recitato Sixti IV. Diplomate, *auctoritate Apostolica Decernimus*, inquit, *præferas litteras, ac omnia & singula in eis contenta, inviolabiliter observari debere.* Julius II. Diplomate, *Ad statum*. annò 1511. regulam constituit observandam à Monialibus sub invocatione Conceptionis; ubi inter alia ait: *Immaculatam Conceptionem venerantes; &c.* Leo X. in Bulla annò 1518. *Pia Christi fidelium*. vocat *Conceptionem Immaculatam, &c.* Adrianus VI. Bullâ *Romanus Pontifex*. annò 1522. confirmat Confraternitatem Toletanam in honorem Immaculatæ Conceptionis, in qua primus Confrater erat Carolus V. Imperator. Clemens VII. Officium Conceptionis B. V. M. approbavit. Paulus III. confirmat omnia privilegia Religionis Immaculatæ Conceptionis. Julius III. Paulus IV. & Pius IV. varias indulgentias concedunt Monialibus Conceptionis. Pius V. confirmat Extravagantem Sixti IV. Gregorius XIII. variis Diplomatis quamplurima Monasteria Conceptionis B. Virginis in Hispania & Indiis ædificari concedit. Sixtus V. in Bulla, *Ineffabilia*. annò 1588. vocat *Conceptionem purissimam*. Clemens VIII. confirmat Sixti IV. & Pii V. Constitutiones de Immaculata Conceptione. Paulus V. in generali congregatione S. Inquisitionis annò 1617. prohibet, ne in lectionibus, conclusionibus, & aliis actibus publicis, opinio tenens *B. Virginem in peccato originali conceptam, locetur*. Idem in Brevis ad Philippum III. annò 1617. vocat *Immaculatam Conceptionem*. Gregorius XV. annò 1622. prohibet, ne quis in privatis colloquiis audeat asserere *B. Virginem in peccato originali conceptam esse*. Urbanus VIII. confirmat Religionem

gionem militarem sub invocatione Conceptionis, quam instituit Nivernensis postea Mantuanus Dux. Alexander VII. annò 1661. renovat Diploma Sixti IV. Pauli IV. Gregorii XV. in favorem Immaculatæ Conceptionis B. Mariæ: insuper asserit veterem esse Christianorum sententiam, B. Virginis animam in primo instanti creationis suæ à peccato originali præservatam fuisse, & omnes ferè Catholicos id amplecti, &c. Ecce nobiscum sentiant Summi Pontifices.

Sed nec minùs Universitates, id est, hos omnium Ecclesiæ Doctores. Tales sunt Universitates Salmanticensis, Complutensis, Vallisoletana, Toletana, Hispalensis, Granatensis, Saguntina, Lezovienfis, Compostellana, Bæzenfis, Osnatenfis, Cæsar-Augustana, Valentina, Grandensis, Barcinonenfis, Tarraconensis, Ilerdensis, Ofcensis, Mexicana, Limensis, Conimbricensis, Eborensis, Parisiensis, Moguntina, Viennensis, Oenipontana, Friburgensis, Salisburgensis, Tolosana, Lovanienfis, Bononienfis, Neapolitana, Oxonienfis, Cantabrigienfis, &c. &c. Accedunt omnes sacri Ordines: Ordo Benedictinus, Carthusianus, Cisterciensis, Cælestinus, Præmonstratensis, Augustinianus, Carmelitanus, SS. Trinitatis, Hieronymianus, Seraphicus, Societatis Jesu; & ut suprâ recensuimus, quamplures ex Dominicana Familia. Sequuntur Theologi omnium nationum, Itali, Hispani, Galli, Germani, Poloni, Scoti, Angli, Belgæ, Lusitani, Græci, quorum longum catalogum texit Raynaudus, Tract. de piet. Lugd. ut omittam Hierosolymitanos, Syros, Armenosque citatos à Petro Ojeda, in Apolog. pro Immacul. Concept. cap. 2. Insuper testatur Nicolaus Lancinius Opuscul. 11. c. 13. Omnes Episcopos, qui in Concilio Tridentino deputati erant ad tractandum de Immaculata Conceptione asseruisse B. Vir-

ginem fuisse sine peccato originali conceptam, quinque tantum contradicentibus. Hæc & alia se legisse, & ex originalibus actis Concilii Tridentini descripsisse annò 1599. asserit citatus Nicolaus Lancinius.

Tacemus omnes Principes, Reges, Imperatores, omnesque Christi fideles, qui hanc sententiam tenent, suæque & omnium Clericorum necnon Sacerdotum ore, precibus, & Sacrificiis toto orbe Catholico profitentur. Quis, amabo, est sensus Ecclesiæ, si ille non est, quem omnes populi, omnes Principes, omnes Sacerdotes, omnes Theologi, omnes Academicæ, omnesque Pontifices, non in Scholis tantum, sed in Ecclesiis palam decantant? An non hic meritò locum habet illa S. Augustini sententia, Epist. 7. ad Marcellinum: *Scripturarum auctoritas necessaria non est, si ipse sensus communis verum esse proclamat.* Et Epist. 99. *Ecclesia ferè tota consentit, quod eam non inaniter credidisset, credendum est, undecumque hoc traditum sit, etiamsi Canoniarum Scripturarum hinc expressa non proferatur auctoritas.* Quid ergo te retrahit? cur toti Ecclesiæ piè invitanti manus dare renuis? cur B. Virginem in suo conceptu immaculatam testanti non credis? an ignoras, quia melius omnibus quàm singulis creditur; singuli enim decipere & decipi possunt; nemo omnes, & neminem omnes sefellunt? Plinius panegy. ad Trajanum.

§. VII.

Miracula fieri non possunt, nisi in 14 testimonium vera doctrina. Ergo B. Virgo est immaculatè concepta.

S. Thomas Quodlib. 2. a. 6. ita loquitur: *Contingere non potest, quòd quis falsam*

falsam doctrinam annuntians vera miracula faciat, quæ nisi virtute divina fieri non possunt; sic enim Deus esset falsitatis testis, quod fieri non potest. Id ipsum repetit 3. p. q. 47. a. 4. Estque expressa Christi sententia, cum dicit: *Opera, quæ ego facio, ipsa testimonium perhibent de me.* Si ergo ostendi possit sententiam, quæ favet Immaculatæ Conceptioni, fuisse miraculis confirmatam; ex mente S. Thomæ necessariò sequetur, ve am esse, nec falsam esse posse. Age igitur miracula examinemus à viris hæc dignissimis recitata.

Primò quidem annò 1484. ut refert Raynaudus, in piet. Lugd. pag. 274. Beatrix de Sylva Lusitana è Parthenone Ordinis Cisterciensis, novum Ordinem Immaculatæ Conceptionis auspiciata fuerat, & Diploma Pontificium aquis, dum Româ in Hispaniam pervehitur, mersum, Archi-Episcopò Toletanò, & Episcopò Accitanò, universòque populo mirantibus in scrinio salvum reperit.

Secundò, ut scribunt Joannes Serranus Episcopus Aternensis, Joannes Nierenbergius, in cap. 4. vitæ S. Ignatii. Franciscus de Torres, D. 2. de Concept. c. 4. Sebastianus Abren, in Commentariis ad 1. 2. S. Thomæ, Tract. 15. D. 6. Josephus Minor Canonicus & Vicarius Generalis Ecclesiæ Barcinonensis in publico instrumento ad S. R. E. Cardinales dato die 20. Decembris annò 1573. Christophorus Bernardus de Quiros Inquisitor, cui, ut hoc miraculum examinaret, commissum fuerat. Benedictus Gonenus in Chronico ad annum 1430. Nierenbergius in Parthenone pag. 410. Mauresæ Civitate Hispaniæ quidam Franciscus Mulca Canonicus Ecclesiæ Collegiatæ Vicensis defunctus, paulò antequam humaretur, vivus surrexit, atque novem horas post

resurrectionem vixit ad hoc unicè, ut testaretur Immaculatæ Virginis Conceptionem.

Tertiò. Annò 1650. die 13. Decembris P. Franciscus Calderon Soc. Jesu in Epistola, quam ad Europæos scribit, testatur, in Episcopatu Michuacani, sive Tarascorum oppido, quod vocatur Villa de Jauna, trunco per medium scisso intulcpta hæc hispanica verba: *Marica concipida sin peccato, inventa fuisse.*

Quartò. Annò 1657. ut Raynaudus in piet. Lugd. pag. 324. refert, Cardinalis Rappaciolus stranguriâ ad mortem usque laborabat, à qua tamen liberatus fuit, postquam lchedam, cui sequentia verba inscripta erant: *In tua Conceptione Virgo immaculata fuisti, ora pro nobis Patrem, cujus lilium genuisti,* deglutierat.

Quintò. Ut Marracius cap. 37. *funditorum Marian.* scribit: Venerabilis Joannis à S. Cruce, quem post S. Theresiam Patrem Carmelitæ agnoscunt, membris post funus purissimæ Conceptionis, quam singulariùs coluerat, imago impressa visebatur.

Sextò. Famianò Stradâ, lib. 7. Belli Belgici, memorante, annò 1581. Navalis Hispanicus exercitus, gravi clade sibi à Batavis intentâ, postquam votò se erga Immaculatam Virginem adstrinxerat, feliciter, non sine prodigio, liberatur.

Septimò. Annò 1653. ut narrat P. Pexenfelder in Conconat. Historie. Hist. 99. atque tota Hispania testatur, Leodii urbe Regni Valentia, Antonius de Guerrero S. Theologia Doctor pulcherrimum & candentissimum inter spinas lilium reperit, in quo visebatur imago Immaculatæ Virginis bulbo floris elegantè impressa palliò radiisque vestita, & Dracone ad pedes jacente, &c.

Octavò.

Octavo. Memorat Spondanus ad annum 1350. num. 4. Item Henricus de Halſia Carthufianus ejus temporis Scriptor. Magnum Chronicon Belgicum. Langius in Chronico. Mayerus lib. 13. aliique apud Spondanum. Cracoviæ Monachum quemdam in concione ad populum maculatam in conceptu B. Virginem inclamantem, necdum finito Sermone, ſubita morte correptum cecidiſſe.

Nonò. Bellarminus coram Pio V. retulit annò 1617. Naves, quæ ſignò Immaculatæ Conceptionis caruere, undis merſas fuiſſe, cæteris feliciter appellentibus.

Decimò. Innumera ſanè ſunt alia miracula, quæ in noſtræ ſententiæ favorem afferuntur, è quibus tantum aliqua (aliter nec chartâ, nec tempore permittentibus) hic inferere placuit; neque reſert, quòd fidem divinam non mereantur, ſufficit enim, quòd certa ſint, ac ea fide digna, ut ſine temeritate negari haud poſſint; nam, ut optimè dicit Canus, lib. 11. de Loc. Theol. cap. 4. Concluſ. 4. *Plerique noſtra hac atate perverſe, ne dicam, impudenter res, quos eſſe geſtas viri graviffimi t ſtantur, in dubium vocant, qui, ſi idoneas cauſas probabilesque redderent, audiendi quidem eſſent, cum verò reddant nullas, contemnendi ſunt, ut qui communem hominum ſenſum exuerint; judiciorum humanorum potiffima inſtrumenta, hoc eſt, teſtimonia rejecerint, vitæque Magiſtrum, prudentia ſubſidium, lucem veritatis, Hiſtoriam neglexerint, &c.*

§. VIII.

- 15 *B. Virginem eſſe immaculatè conceptam, viriis rationibus ex S. Theodora plerumque deſumptis probatur.*

Prima Ratio. S. Thomas 1. 2. q. 76. a. 2. ad 2. docet: *In dubio Judicem ſa. P. Cartier Theol. Tom. III.*

cilioem eſſe debere ad abſolvendum, quam condemnandum. Et in cap. 8. Joannis Lect. 1. ad ſententiam tres requirit conditiones: *In ſententia, ait, debent ſervari tria, benignitas, diſcretio, & certitudo.* Id quoque legibus humanis ratum eſt; neminem videlicet, præſertim in cauſis criminalibus damnandum eſſe, niſi ex probationibus luce meridiana clarioribus planè conſtitum. Ita habetur leg. 5. ff. de poenis. Et leg. Item mala. ff. ad leg. Aquil. Et C. Litteras. de præſumpt. Docentque omnes Juris-Conſulti; & id præſertim obtinet in perſonis magna dignitate conſpicuis, v.g. Episcopis, Cardinalibus, in quibus ne illæ quidem probationes ſufficiunt, quæ aliquin in jure pro pleniffimis & certiffimis habentur, ut loc. cit. idem S. Doctor docet. Ex qua S. Thomæ omniumque communi doctrina ſic argumentum conſtituit: Nulla ratione probari poſteſt, prout in ſolutione Objectionum oſtendimus, Dei Matrem fuiſſe originali peccatò ſcædatam. Ergo pronuntianda eſt innocens, quam nemo nocentem probat: Nam accuſante non probante reus abſolvitur.

Secunda Ratio. Conſtans eſt S. Doctoris multisque locis repetita ſententia, ut in 3. Sent. D. 3. q. 1. a. 1. Quodlib. 2. ad 3. & in 1. Sent. D. 17. q. 2. a. 4. & 3. p. q. 27. a. 2. ad 2. & Opuſc. 61. gradu 10. B. Virginem tanta puritate nitiſſe, quantum Deus puræ creaturæ conferre potuit. Inde hanc propoſitionem, *Credendum eſt B. Virgini collatum eſſe quidquid conferre potuit:* in 3. Sent. diſt. 3. art. 1. concedit S. Thomas. Ex hac hujus Angelici Doctoris toties inculcata doctrina ſic formatur argumentum: Deus B. Virginem à peccato originali præſervare potuit, utpotè omnipotens. Ergo præſervavit; credendum quippe eſt B. Virgini collatum eſſe, quidquid conferri potuit.

A a a a a

Aux

Aut cur, putas, non præservasset? forte quia pacto cum Adam inito includebatur? at poterat Deus non includere. Ergo voluit non includere. An quia redimi debuit? at longè perfectior est illa redemptio, quæ casurum præservat, quàm quæ jam lapsum sublevar; ut sup. §. 4. ostendimus. An ut post culpam humilior esset? at crescit ex dignitate humilitas, ut patuit in Christo; longeque major potuit esse humilitas innocentis, quàm reæ: sufficit ergo ad humilitatem potuisse cadere, nisi sustineretur. An quia id divinæ Justitiæ ratio postulabat? At Justitiæ divinæ abundè satisfactum erat, omnibus Adami posteris alienæ tantum culpæ reis, morte damnatis, celoque exclusis. An proinde alienum à Justitia dices curare & cavere ne delinquas, & à culpa præservare? Demùm demus & id exegisse Justitiam divinam. At quis ita humanum sensum exuerit, ut credat & dicat Deum cum Matre, quam tamen ut filius, quantum fas erat, honorare debuerat, justitiâ potiùs & severitate, quàm clementiâ procedere voluisse?

- 17 Tertia Ratio. S. Thomas pluribus locis, ut in 1. Sent. D. 17. q. 2. a. 4. in 3. Sent. D. 3. q. 1. a. 1. Quodlib. 3. & 3. p. q. 27. a. 5. in Corp. Ibid. ad 1. & alibi sæpiùs docet B. Virginem plus gratiæ à Deo accepisse, sicque à Deo plus dilectam esse, quàm fuerint reliquæ creaturæ omnes. Cui adscriptur S. Bernardus Senensis, Serm. 51. cap. 3. dicens: *Christum magis venisse in carne mortali pro B. Virgine redimenda, quàm pro omnibus hominibus, etiam si omnes cum illa conferrentur: & ideo eam vocat primogenitam Redemptoris.* Et Suarez 3. p. tom. 2. D. 18. Deus, inquit, plus amat solam Virginem, quàm reliquos Sanctos omnes. Ex hac S. Thomæ doctrina sic arguimus: Deus plus dilexit Matrem,

quàm omnes alias creaturas, amore quidem non gratuito sed debito & necessario: ex quo enim momento decrevit esse ipsius Filius, decrevit quoque omnem ei amorem, reverentiam, & protectionem præstare, quam Filius parenti præstare tenetur. Atqui amor ex suo conceptu intrinseco expellit à re amata omne malum & indignitatem. Ergo, cum Deus Matrem ab æterno jam plus quàm cæteras creaturas dilexerit, ab omni peccato, tam originali, quàm actuali, eam præservare debuit; quæ enim peccatò major miseria, aut indignitas? Accedit, quòd Angelos, utpotè quos ab omni peccato præservavit, magis, quàm eam, dilexisset. Ergo non præ omnibus creaturis Matrem Deus dilexit, ut tamen citatis locis docet S. Thomas.

Ratio quarta. S. Thomas 3. p. q. 27. 18 a. 4. probans B. Virginem nunquam venialiter peccasse hæc habet: *Nulla est conventio luci ad tenebras; quia gloria filiorum Patres eorum; quia in malevolam animam non introibit sapientia.* Ad hoc testimonium sic argumentamur: Si potestatem haberes tibi sponfam aut matrem eligendi, quæ nullâ infamiâ unquam laborasset, aut corrupta fuisset, non dubito, quin id faceres. Cur ergo putas Deum, cum intactam & innocentem matrem eligere potuerit, potiùs infamem & corruptam non à lenone quodam impudico, sed ab omnium creaturarum turpissima & vilissima Deique inimicissima, Diabolò videlicet, eligere voluisse, atque in malevolam animam intrare? aut fortè Deus non magis honestatem vel innocentiam amat, quàm homines?

Ratio quinta. S. Augustinus, Serm. 19 de Assump. Nullus dubitat, inquit, quin possit Deus Mariam sine corruptione servare. Ergo dubitandum non est voluisse.

Ex

Ex hac S. Augustini regula sic inferimus: Si in nostra potestate, qui B. Virginem amamus, arbitrioque fuisset eam à peccata originali præservare, quis nostrum eam non præservasset? Multò magis ergo eam Deus præservavit, qui eam magis dilexit, nullà eum, cur id non faceret, ratione morante, sicut & nulla morabatur, ut ejus corpus incorruptum non servaret: potuit, & decuit. Ergo fecit.

- 10 Ratio sexta. Dispensavit Deus cum B. Virgine in aliis legibus, putà in dolore paries, in pulverem reverteris, pronum est cor hominis ad malum ab adolescentia sua, &c. Et undè? nisi quia Matrem dedecabant. At multò magis dedecuit peccatum; ita quidem, ut B. Virgo maluisset non esse Virgo, quàm semel fuisse maculata tantò malò, quale est peccatum. Ergo Deus etiam quoad peccatum originale, licet omnes posterì Adæ illud contrahere debuerint, cum illa dispensavit. Primum namque hoc nostræ Virginis votum, primæque preces fuerunt, ne in mundum jam dehorata prodiret. Dicebat illa, cum primò mundum ingressa est, quod olim Esther ad suum Assuerum: *Si inveni gratiam in oculis tuis, ô Rex! & si tibi placet, dona mihi animam meam pro qua rogo.* Et quid tam iusta postulanti aliud Deus responderet, quàm quod Assuerus optanti Reginæ: *Noli metuere, non morieris, non enim pro te, sed pro omnibus hac lex constituta est.* Esther, c. 15.

- 21 Ratio septima. S. Augustinus, Serm. de Assumpt. suprâ Ratione quinta citatò: *Nulla quidem iacrar. Scripturarum, aut SS. Patrum auctoritate cogente, credit Corpus B. Virginis in cineres non fuisse redactum, sed incorruptum mansisse, idèò tantùm, quia pertinet ad dignitatem Domini Matris servare bonorem; quia nullus dubitat, quin possit Mariam sine corru-*

ptione servare. Cur ergo dubitandum est, noluisse? quia in Maria integritate plus potuisse gratiam, quàm naturam, non est dubitandum. Ecce juxta S. Augustinum, in pede, id est, in corpore, seu infima hominis parte Cœli Reginam pulvis dedecuit, ac propterea non admisit; quantò minùs admitemus nos vel in ipsa facie, hoc est, in anima sanie & carcinomata, id est, peccatum, quo nihil coram Deo fœdius. Quis proin nescit, si optio Virgini daretur, millies eam cineres potiùs & pulveres corporis electuram, quàm vel semel peccatum?

Ratio octava. Vel B. Virginem esse 22 maculatam originali peccatò nullo modo, vel tantum dubie, vel certò ex S. Scriptura probari potest. Si nullo modo, quomodò audes damnare quam Deus non damnat? Si dubiè & nonnisi obscurè, quæ pietas? cum Matrem absolvere licet, & tamen non absolvere, sed potiùs velle damnatam, quàm absolutam. Si autem certò, tunc omnes hæretici sumus: quid hòc absurdius?

Ratio nona. Juxta S. Thomam, 1. 2. 23 quæst. 85. Effectus peccati originalis sunt isti: *Inclinatio ad malum seu fomes peccati & concupiscentia, pugna natura inferioris cum superiore, ignorantia in intellectu, debilitas seu languor voluntatis in prosecutione boni, ac denique peccatum veniale.* At in B. Virgine nullus peccati originalis effectus fuit, ut quisque apertè dignoscit. Ergo prudenter is non judicat, qui illam peccatò originali maculatam asserit: nisi dicere velis, prudenter de causa judicare illum, cujus nullum, aut saltem causæ omninò repugnantes & contrarios videt effectus, sic imprudentiissimum non esse, qui assereret ignem esse naturæ gravis, cum tamen in eo nullos gravitatis effectus deprehendat.

24 Ratio decima. Edic amabo, cur in lege veteri Deus à Sacerdotibus alias duci uxores, quàm Virgines, noluit? cur à Iuda Machabzo desuper altari à Gentibus profanato sibi Sacrificium offerri, cur suum Corpus nisi in novum & intactum sepulchrum condi, aliisque, quàm mundissimis linteamentis involvi noluit? Respondebis utique; quia indecens aliter fuisset. At quantò magis indecens fuisset in utero co inquinatæ reclinare, necnon à curpissimè sedata nasci. Tanta cura pro altari, tanta pro Templo & sepulchro, ne quid indecori & fœdi haberent; & non multò major pro Matre? Aut profanatio aliqua potest unquam pejor fingi peccatò?

25 Ratio undecima. Ecur Deus Matrem, licet inopem, Nobilem tamen sanguinisque Regii elegit? Dicis, ne contemptui hominibus esset, atque ignobilitate, macula illà indelebili notaretur. At si tanta cura Deo fuit, ut Matrem haberet quoad carnem nobilem, quantò majori curæ ei fuit, ut animâ nobilem, hoc est, originis intactæ, præcellentis, & gratiâ insignis; non verò originis obscuræ, servilis & peccatò fœdatæ? nec enim pejor villiorque conditio, quàm peccatoris. Oportuit ergo carne esse Nobilem, ne Mater contemptui hominibus foret; multò magis oportuit animâ esse Nobilem, ne Angelis, quibus Regina destinabatur, contemptui esset.

26 Ratio duodecima. S. Thomas 1. part. q. 47. a. 2. docet: *Optimi agentis esse producere totum suum effectum optimum, &c.* Ex hac doctrina ita inferimus: Connaturale est omni causæ aliquando nobilissimum effectum producere. Ergo Christus, utpotè perfectissimus Redemptor generis humani saltem aliquando edidit specimen optimæ redemptionis, quæ est redemptio præservativa, ut supra §. 4. dictum. At quem optima hac redemptio liberavit, si Matrem non liberavit?

Ratio decima tertia. S. Thomas, 3. p. 27. q. 27. a. 5. ex S. Paulo 2. Corinth. 3. docet, Deum dare cuique gratiam proportionatam illi dignitati, ad quam eligatur. Atqui dignitas Matris suæ est major dignitate omnium Angelorum; alia enim est dignitas servi, alia Matris. Ergo cùm Angeli fuerint in statu gratiæ creati, incongruum sanè fuisset, etiam Matris animam in statu gratiæ non creari, &c.

Ratio decima quarta. Quantum fas est & licet, debemus amare & honorare B. Virginem, atque optimè de ea sentire. Atqui licet & fas est, imò blandè nos invitat Ecclesia, ut amemus, colamus, & teneamus B. Virginem innocentem, immaculatam, omnisque peccati originalis expertem esse. Cur ergo nos non colamus, & ubique terrarum innocentem ac omnem peccati expertem deprædicemus? Ais, at dubium est, ne erremus, B. Virginem innocentem prædicantes. Sed Resp. Longè magis dubium esse, imò certum, ex eo, quòd Ecclesia sit infallibilis, quòd erremus eam nocentem dicentes. Si tamen, & qui asserunt sine macula conceptam, & qui negant, errare possunt, malumus cum illis errare qui dicunt innocentem, quàm cum illis, qui peccatricem asserunt.

Ratio decima quinta. S. Augustinus, 29 contra Epist. fundam. cap. 4. ait: *Multa sunt, quæ in Ecclesia Catholica iustissimè me tenent: consensio populorum & gentium, auctoritas miraculis inchoata, Sedes Apostolica, &c.* Si ergo hæc Augustino convincendo, ut res etiam difficilimas, omnemque humanum captum superantes crederet, sufficere; quid te retrahit, ut rem persuadendo facillimam, tamque rationi consentaneam, Matrem scilicet à Filio esse præservatam, ne peccatum originale incurreret, non credas? num fortè consensio populorum &

num

cùm Mariam *Dei Matrem* nominat, omnia privilegia, beneficia, & gratias complectitur, quæ puræ creaturæ concedi possunt. Undè fit, quòd, si quæras, cur sine peccato nata sit? Respondeatur, *quia Mater Dei est.* Cur nullo peccato obnoxia? *Quia Mater Dei est.* Cur post partum Virgo, cur in Cœlos assumpta, cur præ omnibus aliis creaturis à Deo dilecta, &c.? *Quia Mater Dei est.*

Hanc Dei Matrem jam olim præfiguraverat stupendum illud Salomonis Templum, quod tantis expensis extructum est, ut auctores, qui de eo scribunt, fateantur iis expensis integrum Templum ex solido auro fieri potuisse; eas enim ad nostram monetam reducens Lorinus, supra quinque millia sexaginta miliones Hispanicorum aureorum conficere, quæ totidem miliones talentorum argenteorum respondebant, ait. Quòd si quæras, quo fine tot thesauri, tantaque vis auri & argenti impensa? Hanc unicam causam exponit Salomon: *Non enim homini, sed Deo habitatio præparatur.* Tanti esse ei videbatur Domum Deo adornari, ut nullum aurum, nullæ opes sufficerent. Mater Dei non in Templum tantùm, sed & in Matrem Deo præparabatur; quæ ergo gratiæ, qui thesauri sufficere tam eximio, immensoque operi putas? planè quidquid in terra, quidquid in Cœlo, Dei que scriniis est, invenies umbram esse tantæ dignitati comparatum. Quidquid ergo privilegiorum Mariæ collatum est, id omne infra Matrem Dei est. Tandem ex hoc S. Thomæ principio ab omnibus Patribus, Ecclesia, Doctoribus, admissio ita argumentatur: Maternitas est dignitas quasi infinita. Ergo ad eam debuit Virgo disponi per gratiam, non quidem absolute, id enim est impossibile, sed aliquo modo infinitam, quantum nempe decuit, nec repugnabat. Atqui conceptam esse sine peccato & decuit; quid

enim rationi magis convenit, quàm non peccasse? aut quid decet, si non decet innocentia? Nec repugnavit; quid enim Omnipotenti repugnat? aut quæ implicitantia in hac propositione fingi potest: *B. Virgo nunquam peccavit?* Accedit, quòd *Deus, qui*, ut habet Apostolus, *pro nobis Filium suum dedit, etiam cum illo omnia nobis donârit.* Cùm ergo proprium Filium suum Deus Mariæ dederit, quid non deinceps donavit? Donavit thesaurum, negavit teruncium? Aut ergo falsa est S. Pauli consequentia, aut verum quod dicimus.

Ratio decima octava. S. Thomas 2. 2. 32 q. 106. a. 6. docet, gratitudinis officium esse, ut quis reddat *plura in recompensatione*, aut certè *paria*. Qui ergo voluit esse Filius, voluit quoque non esse ingratus; non quòd Deo obligationem imponamus; sed quia non potest Deus velle repugnantia, rectæque rationi adversa; ut esset, promittere, & promissis non stare; futura prædicere, & non implere; Filium esse, & parentibus ingratum. Qui ergo voluit esse Filius, voluit quoque Matri non esse ingratus. Cùm ergo vitam à Matre acceperit infiniti pretii, debuit quoque gratiam infinitam rependere, hoc est, quanta non repugnat, & decet. Atqui Matrem esse immaculatè & in gratia conceptam & non repugnat, & decet, ut suprâ ostendimus. Ergo id quoque Matri suæ dedit.

§. IX.

Refutantur quæ contra Immaculatam Conceptionem B. Virginis ex SS. Scripturis producuntur. 33

Opponitur imo. ex Epist. ad Rom. cap. 3. *Omnes peccaverunt, & egent gloria Dei.* & cap. 1. *Per unum hominem in hunc mundum peccatum intravit, in quo omnes*

omnes peccaverunt. Et ibid. *Sicut per unius delictum in omnes in condemnationem, sic & per unius justitiam in omnes in justificationem.* Ad Galat. 3. *Conclusit Scriptura omnia sub peccato.* Ecclis. 7. *Vivum de mille vivum inveniri, mulierem autem ex omnibus non inveniri.* Hi potissimum sunt Scripturæ textus, quibus immaculatam B. Virginis Mariæ conceptionem maculare conantur adversarii. Sed

Resp. cum S. Thoma 3. p. q. 30. a. 2. ad 2. ubi, *Dicendum, inquit, quod sicut Augustinus dicit in Serm. de Assumptione (idem etiam habet lib. 1. de nat. & grat.) Maria vera assumptione à quibusdam generalibus excipitur; quia nec conceptus multiplicavit, nec sub viri, hoc est, mariti potestate fuit.* Ergo Beata Virgo generalibus regulis & propositionibus S. Scripturæ non comprehenditur, prout etiam ex ejusdem S. Scripturæ variis locis probatur: Eccl. 40. *Omnia quæ de terra sunt, in terram revertentur.* Hier. 6. & 8. *Omnes avaritia student.* Philip. 2. *Omnes quarunt quæ sua sunt.* Rom. 3. *Omnis homo mendax, omnes sub peccato sunt, non est justus quisquam.* Psalm. 13. *Omnes declinaverunt simul inutiles facti sunt. Non est qui faciat bonum, non est usque ad unum.* Hæc omnia personam ad eam eximiam, privilegatam & exemptam, ut est B. Virgo, nullatenus complecti possunt. Si ergo istæ propositiones, quæ tamen universales sunt, eam non comprehendunt; cur contendis alias peccati originalis mentionem facientes propositiones eam comprehendere? Cum Paulus dicit omnes peccasse, ab hac generali oratione Virginem non eximis; at cum Augustinus, alique SS. Patres dicunt Beatissimam Virginem nullo prorsus peccato, nullâ omnino maculâ contactam fuisse, non admittit illam vocem universalem Nullâ ad omnia extendi peccata etiamque *Originale.* Ergo

ex te habeo, quod oratio universalis, cum Virginem damnas, omnia comprehendat; at cum nos absolvimus non omnia comprehendat: Quanta absurditas! 2do. 1. Corinth. 15. dicitur, *Sicut in Adam omnes moriuntur, ita in Christo omnes vivificantur, & tamen certum est, non omnes de facto in Christo vivificari, parvulos videlicet sine Baptismo decedentes.* Si ergo ista Pauli propositio, *Omnes in Christo vivificantur*, vera est, etsi tam multi excipiantur; quare non item ista vera esse possit, *Omnes in Adam moriuntur*, quamvis una sola non moriatur. 3tio. Quod dictum Ecclesiasticis attinet, dicimus illud continere figuram proverbialem, videlicet: multo facilius virum bonum & prudentem, quam feminam reperiri. Et planè ipse Salomon inter mille suas uxores & amicas, 700. Reginas nempe, & 300. concubinas idipsum expertus est, &c.

§. X.

Respondetur ad SS. Patres.

34

Opponitur 1mo. S. Augustinus, qui in variis locis neminem, si Christum excipias, immunem liberumque fuisse à peccato originali docet: præcipue, lib. 2. de Bapt. parvulorum, ubi, *Non est, inquit, in filiis hominum, nec fuit, nec erit, qui nullo unquam peccato fuerit obstrictus &c.* Item lib. de nat. & grat. cap. 41. *Planè quod commemoravi, per unum hominem peccatum intravit in hunc mundum, & antiquos Sacerdotes, & nos, & posteros nostros sententia ista completur.* 3tio. Cap. 10. super Genes. ad litt. *Corpus Christi quamvis ex carne femina conceptum, quæ de illa carnis peccati propagatione concepta fuerat, tamen, quia non in ea sic conceptum fuerat, quomodo fuerat illa concepta, idè ipsum non fuerat caro peccati.* 4to. In Psalm. 34. ita habet:

habet: *Maria ex Adamo mortua est propter peccatum.* Idem alibi sapius docet. Ergo juxta S. Augustinum B. Virgo à peccato originali nullatenus immunis fuit.

Resp. 1mo. Innegabile esse, quia, ubi Augustinus dicit omnes, Christo excepto, originali peccato contaminari, sub tali universali propositione comprehendendi Beatissimam Virginem nullatenus intendit; ubi enim de ea in particulari agit, & in individuo loquitur, semper illam excipit; ut lib. de nat. & grat. cap. 36. ubi ait: *Excepta S. Virgine Maria, de qua propter honorem Domini nullam prorsus, cum de peccato agitur, habere volo questionem; inde enim scimus, quod plus gratia ei collatum fuerit ad vincendum omni ex parte peccatum, quia concipere & parere meruit, quem constat nullum habuisse peccatum.* Et quamvis cit. lib. præcipue de peccatis venialibus & actualibus agere videatur, agit tamen & de peccato originali; tum quia omni ex parte, & ab omni prorsus peccato illam excipit; tum quia præcipua concertatio cum Juliano, contra quem hic agit, erat de peccato originali; tum quia causalis, quam addit, nempe *qua concepit & parere meruit, quem constat nullum habuisse peccatum*, æquæ, aut magis locum habet in peccato originali; tum denique, quia lib. 5. contra Julian. cap. 9. & 15. pro certissima regula ponit, eum, qui nunquam peccato veniali contaminatus est, etiam originali caruisse. En ejus verba: *Is, qui in adulta ætate peccatum nullum fecit, in infantili ætate peccatum non contraxit, & idem Christi peccatum etiam major fecisset, si parvulus habuisset.* At constat B. Virginem in adulta ætate nullo peccato contaminatam fuisse. Ergo nec in infantili ætate contraxit; consequenter semper à peccato originali immunis extitit juxta S. Augustinum. Item idem S. Augustinus lib. de J. Hæres. p. 15.

Christum Manichæis ita respondentem inducit: *Hanc, quam despicias Manichæe, Mater mea est, sed manu fabricata est mea: unde fordes in domo, ad quam nullus habitator accessit? solus ad eam Dominus, & fabricator ejus venit.* At non solus Deus ad eam venisset, si prius per peccatum originale à Damone corrupta esset, &c. 2do. S. Augustinus non tantum docet solum Christum peccato originali, sed & solum omni actuali caruisse; lib. de fide ad Petrum enim sic loquitur: *Firmissime tene, & nullatenus dubites, exceptis illis, qui pro Christi nomine suo sanguine baptizantur, nullum hominem accepturum vitam æternam, qui non hic à malis suis fuerit per penitentiam fletuque conversus.* Et cap. 38. *Firmissime tene, & nullatenus dubites, justos atque sanctos homines, exceptis his, qui baptizati parvuli sunt, sine peccato hic vivere minime posse.* Idem repetit contra Julian. lib. 5. cap. 9. Item in Enchiridio cap. 6. aperte scribit, *Nulla excepto, parvulos nasci cum peccato originali.* Cum tamen certum sit B. Virginem, imò & S. Joannem Baptistam sine peccato originali natos esse. Et lib. de nupt. & concup. *Quando Christus in carne nasci dignatus est, solus sine peccato est natus.* Item Epist. ad Optat. de orig. anim. ait, *Neminem nasci ex Adam, nisi vinculis delicti & damnationis obstrictum, neminem inde liberari, nisi renascendo per Christum, tam inconcusse tenere debemus, ut sciamus eum, qui hoc negaverit, nullo modo ad Christi fidem pertinere.* Idem habet lib. Hypognosticon contra secundam blasphemiam Pelagianorum. Ad certum est, ut jam diximus, tum ex Conciliis, præcipue ex Tridentino, tum ex Bullis Pontificum, & totius Ecclesiæ sensu, imò ipsius S. Augustini suprà relati, B. Virginem & sine peccato natam esse, & omni peccato actuali semper caruisse. Aut ergo hic Augustinus errat, aut in istis

istis universalibus propositionibus nullo modo involvit B. Virginem. Indè quando Augustinus, alique Patres solum Christum à peccato originali excipiunt, eo modo loqui dicendi sunt, quo Ecclesia & Scriptura loquuntur, cum dicunt, *Christum esse solum sanctum, solum bonum, illi soli bonorem & gloriam deberi*. Non quod alii etiam Sancti non sint, sed quod quidquid Sanctitatis habent, à Deo habeant. Sic à pari Christus solus originali peccato caruit, non quod B. Virgo eo etiam non caruerit, sed quia Christus jure proprio peccato originali caruit, B. Virgo autem ex meritis Christi & privilegio, adeoque jure alieno. Et ex his patet, quid ad primam & secundam S. Augustini auctoritatem, aliaque ejusmodi loca universalia respondendum sit; dicendum quippe, quod semper intelligenda & apponenda sit clausula suprà ex S. Augustino relata, scilicet: *Excepta B. Virgine, de qua, cum de peccato agitur, nullam prorsus mentionem fieri volumus*.

Ad 3^{iam} ejusdem S. Augustini auctoritatem dicimus, verum quidem esse, quod B. Virgo habuerit carnem peccati, id est, in conceptu corporis contraxerit peccatum originale, non quidem quoad culpam, & privationem gratiæ, cujus sola anima capax est, sed quoad qualitatem morbidam & infectivam, id est, quoad vim, quantum in se est, inquinandi animam Deoque odibilem reddendi & gratiæ extorrem, quamprimum corpori uniretur, nisi speciali privilegio à solvendo peccati tributo esset exempta. At aliud est habere carnem peccati, aliud animam in peccato concipi. Primum, eo ipso, quod B. Virginis caro ex concubitu, in quo peccatum est (*), scilicet voluptas & concupiscentia, quæ si non semper in conjugibus peccata sunt, sunt

P. Cartier Theol. Tom. III.

tamen effectus peccati originalis, processerit & formata sit, respectu illius admittere possumus; alterum autem constanter negamus.

Ad 4^{am} ejusdem S. Augustini auctoritatem B. Virginem quidem propter Adæ peccatum mortuum esse concedimus; si enim iste non peccasset, nec ipsa, nec ullus hominum unquam mortuus fuisset. At minime ex hoc sequitur fuisse peccato originali correptam; sunt enim aliquæ poenæ ex Adæ peccato consecutæ, quæ nec ullam malitiam nec indecentiam moralem complectuntur, ut defatigatio, somnus, persecutiones, mors, &c. & istæ, quamvis sint effectus peccati originalis, manent tamen etiam in iis, qui peccatum originale non contraxerunt; quales sunt Christus & B. Virgo; cum non sint mala propriè dicta, nec propriè effectus peccati originalis, sed naturæ humanæ ex materia & contrariis ac pugnantibus partibus corporeis compositæ. Nec mors ad peccatum inducit, sed potius finit peccatum, estque potius effectus gratiæ; cum sit maxime meritoria, retrahatque à peccato, & idè, ut jam diximus, in eo etiam fuit, qui nunquam peccavit; sicut ergo non sequitur, illic esse febrem, ubi est calor, cum calor etiam ab aliis causis provenire possit, præter febrem; ita non sequitur fuisse peccatum, ubi mors fuit, quia mors non à solo peccato, sed etiam ab aliis causis provenit.

Ob. 2do. S. Anselmus, qui lib. 2. 35 *Cur Deus homo*. cap. 16. sic loquitur: *Licet ipsa Christi Conceptio munda sit, Virgo tamen ipsa, unde assumpta est, in iniquitatibus concepta est, & in peccatis concepit eam Mater ejus, & cum originali peccato nata est, quoniam in Adam omnes peccaverunt*. Idem Anselmus, ut

B b b b b

Bandel-

(*) Seu potius fomes peccati.

Bandellus in Officio de sanctificatione B. Virginis lect. 9. refert : in quadam meditatione Deum ita alloquitur : *Animam gloriosæ Virginis Mariæ in macula culpæ originalis creasti, sed consequenter eandem à primaria labe purgasti, & amictu munditiæ decorasti, & in sanctitatis puritate postea confirmasti.* Hæc, ut volunt Adversarii, Anselmus. Sed

Resp. ad 1mum. Quia mala fide hic citatur Anselmus : non enim hæc ipse dixit, sed Boso ejus discipulus illum interrogans ; ad quam interrogationem nihil respondit Anselmus, sed toto illo capite de innocentia originali B. Virginis abstrahit, quia ibi non de conceptu illius agebatur, sed utrum Christus cum peccato natus sit ? Ad quam quæstionem respondet Anselmus : *Postquam constat illum hominem esse Deum, & peccatorum reconciliatorem, non est dubium eum sine peccato esse.* 2do. Quia si hoc argumentum aliquid probaret, probaret etiam B. Virginem esse cum peccato originali natam, quod affirmare nec Anselmus unquam somniavit. Denique certum est, Bosonem loqui non de conceptu animæ, sed de conceptu corporis ; ea enim verba : *In peccatis concepit eam Mater ejus,* de conceptu animæ intelligi non possunt, mater enim non generat animam, nec aliud quidquam circa illam facit.

Ad 2dum. Respondet Sfonderratus hic §. 11. hanc sententiam à Bandello confictam esse, atque falsò attributam Anselmo ; cum nec in prologo, nec in lib. decem meditat. qui incipit *Evigila*, nec in alio meditationum libro, cujus initium, *Dum considero*, nec alibi locorum invenitur. Porro certum esse, quòd Anselmus pro Immaculata Conceptione steterit, haberetur testimonio Concilii Cantuariensis celebrati annò 1328. in quo fit

mentio Sententiæ S. Anselmi, qua pro immaculato conceptu pronuntiabat. Item Baronius in Notis ad 8. Decembris *Habemus*, inquit, *rei gesta*, id est, revelationis Abbatis Heluini ob institutionem Festi Immaculatae Conceptionis illi factæ (f), *bisloriam in antiquo codice MS. ex quibus omnibus satis compertum habetur, ejusmodi celebritatem (Immaculatae Conceptionis) in Anglia primò celebrari captam, eidemque fuisse B. Anselmum.*

Ob. 3tio. S. Bernardus, qui in celebri illa Epistola ad Lugdunenses n. 147^{ta} illos acriter reprehendit, quòd in sua Ecclesia Festum Immaculatae Conceptionis celebrare cœperint. 2do. Idem S. Bernardus Serm. de S. Joan. Bapt. cujus initium est : *Hodie dulcissimi* hæc ait : *Cum omnes homines in iniquitatibus concepti sint præter Christum.* 3tio. Ut Bartholomæus Spina part. 4. cap. 9. refert, idem S. Bernardus Epist. 190. ad Innocentium Papam ait : *Sive ergo reconciliatio, sive redemptio liberatio est de vinculis diaboli, à quo captivi tenebamur, ex quo patet, quia si fuit redempta (B. Virgo) eam etiam sub vinculis diaboli fuisse, hoc est, peccato.*

Resp. ad 1mum. Quòd in citata Epist. S. Bernardus nonnisi de primo conceptu hominis & inanimati seu animalis, cum scilicet in utero materno parentum sanguis commiscetur, & primæ fibræ humani sætüs ducuntur, sermonem habeat, non de secundo hominis animati conceptu, de quo tamen hic tantum sermo est ; quod evidentissimè deducitur ex tota ferè illa Epistola, in qua ex eo tantum Festum Immaculatae Conceptionis reprobatur, quòd inter amplexus maritales, in quæ libido effectusque peccati est, sanctitas esse nequeat. 2do. In eadem Epistola S. Bernardus asserit, quòd credatur

ortum B. Virginis esse sanctum, quia illum summa veneratione celebrandum Ecclesia proponit; *Hæc, inquit, mihi de illa cantat Ecclesia, & me eadem docuit decantare, ego verò, quod ab illa accepi, securus & teneo, & trado.* Si ergo nunc in vivis ageret S. Bernardus, cerneretque totâ Ecclesiâ Immaculatam Conceptionem celebrari, ut olim Nativitatis ejus memoria jam celebrabatur; nonne iterum diceret ac scriberet: *Hæc mihi de illa cantat Ecclesia, & me eadem docuit decantare.* Sique de Virginis innocentia item illi moveres, nonne itidem intrepidus responderet: *Ego quod ab Ecclesia accepi securus & teneo, & trado.* Accedit denique quod S. Bernardus eandem Epistolam hoc epiphonemate clausit: *Qua autem dixi, Romana Ecclesia auctoritati & examini totum hoc reservo, ipsius, si quid aliter sapio, judicio parvatus emendare.* Si ergo jam viveret S. Bernardus, & Ecclesiæ Romanæ de illibato B. Virginis conceptu Diplomata, Exempla, Festa, Conciones, Sententiamque audiret, nonne opinionem suam, si aliquando aliter sapuit, emendaret?

Ad adum & 3tium quamquam in promptu & facili iis responderi posset, tamen, cum, prout Sfonderatus noster testatur, falsò attribuatur S. Bernardo (nullibi quippe apud eum inveniuntur,) non operæ pretium est, ut illis respondeatur.

§. XI.

37 Respondetur ad auctoritatem S. Thomæ.

Quindecim sententiæ apud Sfonderatum ex S. Thomæ de promptæ leguntur, quibus Beatissimæ Virginis causa onerari aliquo modo videtur; hæque sententiæ aliquibus adeò claræ visæ sunt, ut ma-

lint Coeli Reginam criminis arguere, quàm S. Thomam erroris, quasi verò minus esset illam peccasse, quàm Thomam errasse.

Proin si S. Thomas aliquibus locis B. Virginem maculatam agnoscere videtur, longè pluribus tamen pro ejus Innocentia stare videtur; ut suprâ ostensum est: cur ergo non potius illius sententiæ accedis, cum Virgini favet, quàm cum adversatur? Fortè majori fide dignus est cum Virginem damnat, quàm cum absolvit?

At & gravissimis indiciiis probari potest S. Doctoris sententias de Immaculato Conceptu fuisse corruptas. Ait quippe P. Wielmus Ord. Prædicat. Episcopus, lib. pro defens. S. Thomæ: *Excecrabilis est, quod nequam & scelesti homines quidam, vel ad Thomæ auctoritatem enervandam, vel, ut ego quidem arbitror, ad suam aliquam opinionem, quæ in contrariam vertebatur, tanti viri testimoniis fulciendam & comprobandam egerunt.*

Imò paucis ab obitu S. Thomæ, quæ fuit annò 1274. annis jam ejus libros corruptos fuisse habetur ex libro Egidii Romani ejusdem Discipuli, qui floruit circa annum 1290. cui hic præfixus est titulus: *Castigatorium in corruptorem librorum Thomæ Aquinatis.*

Eodem modo contra corruptores librorum ejusdem S. Thomæ scripserunt Richardus Klapoel, Hervæus Natalis, Guilielmus Messelech, Joannes Parisiensis, Guilielmus Bollonius, Cambertus de Primatis; item Frater Nicolaus Mendenis, Durandellus, Ugo Archi-Episcopus, &c. de quibus videri potest Chronicon Dominicanorum.

P. Joannes Nicolai in Prologo ad impressionem Parisientem Operum S. Thomæ annò 1663. testatur, *se textus Summæ D. Thomæ non à typographicis tantum*
B b b b b b 2 *corru-*

corruptelis expurgasse, sed maxime ab affectibus, ac induritiâ & studio velicis, quæ legitimam sensum, vel historicam sinceritatem veritatemque perverterent, biatius quoque plures & lacunas implevisse ad suppleendam seriem textûs, quæ aliquam nulla erat, & lectorem dubium relinquebat, propter non satis plenum sensum, vel in errorem inducebat, propter sensum illegitimum. Si ergo toties, & jam à tot annis doctrina S. Thomæ corrupta est, quis nos certos reddet, non multo magis corrupta fuisse, quæ contra Immaculatam Conceptionem in libris S. Thomæ reperiuntur? Sic in editione Antverpensi per Heetbergium emissâ annô 1612. cui præfuit Cosmas Morellus, contra quàm habebatur in aliis editionibus Parisiensi, & Venetâ, omissa sunt in 1. Sent. dist. 44. q. unic. ad 3. illa verba: *Immunis fuit à peccato originali*. Eodem modo in antiquis editionibus, S. Thomas in Comment. ad Galat. cap. 3. lect. 6. ita habet: *Mulierem ex omnibus non inveni, quæ à peccato omnino immunis esset, ad nullius originis, & veniali; excipitur purissima & omni laude dignissima Virgo Maria, quæ omnino immunis fuit à peccato originali & veniali*. Et tamen in recentioribus exemplaribus hæc ultima exceptio desideratur. Et in Opuscul. 4. de Salut. Angelic. ut §. 1. ostendimus, non tantum omissa sunt, quæ Virgini favebant, sed in sensum contrarium omnino commutata. Et in 2. p. q. 27. a. 2. S. Thomas in hodiernis exemplaribus dicit B. Virginem *nec ante animationem, nec in animatione, sed post animationem sanctificatam, & à peccato originali mundatam esse*. At Codex S. Francisci ad muros Hispanenses, & Codex PP. Prædicatorum Massiliensium, nihil habet de puncto animationis; imò, quod maximi momenti est, Joannes Bromiardus Ord. Prædicat. qui florebat circa annum 1260. ut habet Chronicon Prædicatorum, ci-

tans hunc ipsum S. Thomæ locum; S. Thomas, inquit, 3. p. q. 27. a. 2. *ponit ejus sanctificationis excellentiam quantum ad temporis prioritatem, in hoc, quod sanctificata fuit in sui animatione, id est, in conjunctione animæ cum corpore in utero Matris suæ non antè, &c. quia sanctificatio & mundatio fit per gratiam, cujus subiectum est anima &c.* Hæc citatus Bromiardus in *Summa Prædicatorum*, verbò *Maria*, a. 2. n. 10. Vides, quia tempore Bromiardi citatus S. Thomæ locus non solum erat alius, sed è diametro contrarius illi, qui modò legitur. Idque magis adhuc confirmatur ex S. Vincentio Ferrerio, cujus verba sup. §. 5. retulimus, qui domestico suo Codici, quo Summa D. Thomæ continebatur, observationes quasdam manu propria adjecit, & inter alias ad 3. p. q. 27. a. 2. ad 3. hanc habet: *B. Virgo fuit immunis à peccato originali & actuali*. Ergo etiam tempore S. Vincentii locus ille S. Thomæ apertè favebat Immaculato Conceptui. Cum ergo appareat S. Thomam, quando agit de Mysterio Conceptionis, non semel fuisse vitiatum & corruptum, quæ ex hoc Angelico Doctore producantur non magis probant, quàm instrumentum probare potest, quod auctum, minutum, erasum, atque mutatum est, cui in humanis judiciis, quando de domo aut agro lis vertitur, nulla fides adhibetur. Attamen

Resp. ad omnes S. Thomæ sententias, quas apud Sfondratum nostrum, hic §. 11. pag. 104. require, si unicum locum mox recitandum excipias, una & eadem responsione, qua sup. §. 10. adversariis circa S. Bernardi ad Lugdun. Epistolam satisfacimus, scilicet: S. Thomam locutum fuisse more omnium fere Patrum, qui de peccato originali loquuntur, cum dicunt peccatum originale contrahi in prima conceptione, cum videlicet post conjugalem congressum ex paren-

parentum sanguine in utero materno prima massa recipitur, & formatur futuri foetus; non quod foetus inanimatus peccati propriè capax sit, sed quod illa prima massa ex concupiscentia & libidine processerit, quæ ipsa peccatum est, aut certè effectus peccati primi parentis; & quod maledicta sit à Deo, ex virtute nimirum primæ maledictionis Adamo inflictae, & mortis obnoxia; & denique, quod ex ipsa illa Dei maledictione efficaciam habeat inficiendi animam rationalem peccato originali, hoc est, privandi gratiâ divinâ. Anima enim, cum immediatè à Deo creetur, non aliundè peccato originali inquinatur, nisi quia corpori, massæque damnatur, & à Deo maledictæ unitur, &c. Et hæc est illa *morbida qualitas*, quam antiqui Theologi recensiebant, non immerito arbitranter, peccatum originale prius esse in fœtu inanimato, quàm in anima. Nec obest, quod S. Thomas 2. 2. q. 83. a. 1. Et de Malo q. 4. a. 3. doceat: *peccatum originale esse in sola anima tanquam in subiecto, non verò in carne*: Nam S. Doctor ibi tantum loquitur de peccato originali quantum ad effectum primarium, quod est *privare gratia sanctificante*, cujus sola anima, ut jam sæpius diximus, capax est; non autem loquitur quoad alios effectus & denominationes peccati originalis, qui etiam in carne reperiuntur, quales sunt esse *maledictum*, esse *mortalem*, esse *infelivum animæ rationalis*, &c. quæ denominationes, cum realiter in carne reperiuntur etiam ante infusionem animæ, nec ab alia forma, quàm peccati originalis, provenire possunt. Dicendum igitur omnino est, animâ necdum infusâ, jam esse jamque operari peccatum originale in fœtu conceptu, quamvis, quoad formalitatem culpæ & privationis gratiæ, in sola anima reperiat. Et ad hunc sensum loquebantur antiqui Patres ac Theologi; & nos cum illis fa-

cilè concedere possumus B. Virginem in peccato originali fuisse conceptam, si de fœtu, seu conceptu generativo & animali intelligas; secus, si de conceptu animationis, seu de ipso instanti unionis animæ cum corpore (nam tunc animam peccato originali corruptam firmiter negamus) sermo sit.

Et in conceptu corporis seu seminali SS. Patres admisisse ejusmodi peccatum originale, in promptu esset, ait Sfondératus, plurimos producere; sed modò, cum reliqui passim occurrant legentibus, sufficiant S. Anselmus, qui lib. de concept. Virg. & peccat orig. cap. 7. ait: *In peccatis homo concepti potest intelligi, quia ab ipso semine & ipsa conceptione, ex qua incipit homo esse, accipit necessitatem, ut cum babeat animam rationalem, habeat peccati immunditiam*. S. Augustinus lib. 1. de nupt. & concup. c. 12. *Ut hinc, inquit, etiam Christus doceret omnem, quæ de concubitu nascitur, carnem esse peccati, quandoquidem sola Christi caro, quæ inde nata non est, non fuit caro peccati*. Idem ajunt de peccato originali S. Damascenus, S. Damianus, S. Vincentius Ferrerius, alique apud Sfondératum §. 6. At omnium clarissimè ipsemet S. Thomas, 3. p. q. 14. a. 3. in Corp. ubi, *Caro Virginis, inquit, concepta fuit in peccato originali*. Idem supponit, cum a. 1. q. 83. 2. 2. quærit, *an peccatum originale magis sit in anima, quàm in carne*. Ubi non negat esse in carne, sed magis esse in anima asserit, videlicet quoad principalem suum effectum. Et 3. p. q. 31. a. 7. in arg. *Sed contra: Corpus B. Virginis, inquit, totum fuit conceptum in peccato originali, ut suprà dictum est, & ideo secundum quod fuit in Patribus, fuit peccato obnoxium*. Hic tamen cum Sfondérato nostro advertendum volumus, quod si in Corpore Beatissimæ Virginis Mariæ ex laudatorum SS. Patrum, aliorumque

Theologorum antiquorum mente, & sententia, maculam originalem admittere quis velit, Nos non quoad alium effectum concedimus, quam quoad necessitatem moriendi, debitumque carenti gratiâ, nisi per prævenientem redemptionem præservata fuisset.

- 38 Tandem pro complemento præsentis Opusculi superest, ut mentem nostram circa textum quemdam S. Thomæ ex 3. Sent. Dist. 3. a. 1. desumptum aperiâmus. Ibi, ut volunt adversarii, expressis verbis ait : *Sanctificatio B. Virginis non potuit esse decenter ante infusionem animæ, quia nondum gratia capax erat, sed nec in ipso instanti infusionis, &c.* Ex hoc textu inferunt adversarii, S. Thomam apertè innuere primùm post infusionem animæ B. Virginem fuisse à peccato originali mundatam. Unde patet, inquit, quia Anglicus Doctor apertè docuit B. Virginem contraxisse, saltem pro aliquo temporis instanti, peccatum originale, & eo correptam fuisse.

Resp. Quòd hæc S. Thomæ sententia vitiata & supposita sit. Id probatur imò ex iis, quæ hæcenus de SS. Patrum & S. Thomæ corruptis sententiis diximus. ad. Quia Nicolaus Eymericus Generalis Inquisitor Arragoniæ in lib. quem contra Immaculatam Conceptionem scripsit, annò 1395. in catalogo Auctorum pro sua opinione stantium : *Duodecimus est, inquit, S. Thomas, cujus tempore hæc quæstio nondum erat orta.* Adductisque multis ex S. Doctore testimoniis, hoc solum omittit; quòd tamen, si tunc temporis extitisset, ante omnia alia, utpotè potissimum, producere debuisset. Item Cajetanus in 3. p. q. 27. a. 2. *Inter duas extremas positiones, inquit, est tertia, quòd fuerit sanctificata in instanti infusionis animæ, cujus opinionis hic non meminit (S. Thomas) quia tempore suo non-*

dum erat adinventæ. Ita de S. Thoma Cajetanus. Quòd si Cajetanus, alioquin huic mysterio infestus, S. Thomam hujus opinionis non meminisse, utpotè suo tempore nondum adinventæ, fatetur; ergò nec Cajetani tempore hæc verba : *Sed nec in ipso instanti infusionis*, extabant. Demùm Bandellus, quo nemo ardentius B. Virginis innocentiam persecutus est, cap. 33. omnes S. Thomæ sententias suæ opinioni faventes congestis, hac una præterita, quæ tamen in eadem q. & art. continetur, quem pro se citat Bandellus, omisissis tamen decretoriis illis verbis : *Sed nec in ipso instanti &c.* Hæc omisisset Bandellus, si ea in S. Thoma reperisset? Ergo tempore Bandelli in S. Thoma non extabant: 3tio. Hanc ipsam quæstionem, & iisdem fermè verbis repetit in 3. p. q. 27. a. 2. S. Thomas; ubi tamen in veteribus & legitimis exemplaribus, quæ annò 1260. legebantur, non solum ea verba : *Sed nec in ipso instanti infusionis ipsius animæ*, non habentur, verùm etiam idem Anglicus Doctor apertè pro Immaculato Conceptu pronuntiat, ut suprà præsentis paragraphò ex Bromiardo, qui non diu post S. Thomam floruit, annotavimus. Si ergo, teste Bromiardo, auctore omnì exceptione majore, hæc sententia corrupta est in 3. part. Quid mirum, idem quoque in libris sententiarum factum fuisse? 4to. Verba illa prolata ex 3. Sent. sensum habent planè repugnantem, tantoque Auctore indignum : *Sanctificatio, inquit, B. Virginis non potuit esse decenter ante infusionem animæ, quia nondum gratiæ capax erat, &c.* Si capax non erat, quid ergo sibi vult illud *decenter*? quòd enim impossibile est, illud nec decenter, nec indecenter fieri potest. Ex his habetur manifestè, quia locus citatus ex 3. Sent. est suppositicius, atque S. Doctore aliundè additur.

Tandem


Tandem demus S. Thomam non fuisse corruptum, neque unquam nisi de conceptu animationis locutum; Demus eum nunquam pro Immaculata Conceptione scripſisse; quid inde sequitur? Eum tunc, cū vivebat, temporis Virginis Beatæ innocentiam impugnasse? esto. Sed certum est, si nunc viveret, ex principiis, quæ ipse statuit, sententiam nostram amplexurum. Ipse enim docuit, *non agi Festum nisi de Sancto*. Ipse professus est, *B. Virginem idcirco credi sine peccato originali natam, quia Ecclesia celebrat Nativitatis ipsius Festum*. Atqui hæc ipsa ratio pro Conceptione ipsius militat. Si ergo S. Thomas audiret, quæ tunc non audit, & videret, quæ tunc non vidit; planè, nisi principiis à se ipso positis contraire vellet, crederet, quæ tunc non credidit, scriberetque,

quæ tunc non scripsit; id nobiscum factetur Joannes à S. Thoma Thomistarum nobilissimus, dum in 1. p. D. 2. de doctrina S. Thomæ 2. 2. ita scribit: *Postquam Ecclesia Romana celebrat Festum Conceptionis loquendo in vi doctrina D. Thomæ, oportet vice versa de his sententiis censere, & sic D. Thomas censeret.*

Et hisce tandem Manuali nostro finem imponimus. Arbitramur equidem satis clarè nervoseque probatum & ostensum hætenus esse, Thoma nec accusatore, nec hoste, sed ultrò etiam amico ac patrocinante Beatissimam Virginem Mariam Dei genitricem nullis unquam peccati sive originalis, sive actualis, laqueis irretitam fuisse. Cui sit Laus & Honor.

Finis Tomi tertii.





E R R A T A

Tomi tertii Theologiæ Universalis.

IN TRACTATU I.

Pag.	Col.	Lin.	
11.	2.	29.	<i>post dolorosum adde fugiens</i>
15.	1.	28.	<i>antecedens lege antecedens</i>
25.	2.	27.	<i>arbitrium lege arbitrium</i>
29.	2.	33.	<i>reperitur lege experitur</i>
42.	2.	21.	<i>considerat lege considerari</i>
64.	2.	94.	<i>moraliter lege moraliter</i>
70.	1.	8.	<i>bonum lege bonam</i>
120.	2.	1.	<i>meditant lege meditant</i>

Pag. Col. Lin.

23.	2.	16.	<i>illum lege illud</i>
36.	2.	26.	<i>hunc lege hanc</i>
46.	1.	26.	<i>bonum lege bonum</i>
51.	2.	31.	<i>post mutatio adde sit</i>
59.	2.	ult.	<i>id lege ia</i>
75.	1.	31.	<i>ter lege te</i>
84.	1.	14.	<i>facta lege factio</i>
104.	1.	15.	<i>ipso lege ipsa</i>

IN TRACTATU II.

14.	in not.	5.	<i>ost lege est</i>
18.	1.	2.	<i>ab lege ob</i>
20.	2.	7.	<i>furentur lege furarentur</i>
26.	in not.	1.	<i>opponat lege opponat</i>
29.	1.	26.	<i>aliud lege aliud</i>
78.	2.	6.	<i>consulerat lege consulerat</i>
85.	1.	17.	<i>politicas lege politicas</i>
94.	2.	2.	<i>falsum lege falsum</i>
98.	1.	41.	<i>post sub pena adde privationis</i>
105.	1.	8.	<i>quem lege quam</i>
111.	2.	8.	<i>ante fidelium pone eternam</i>
112.	2.	17.	<i>post Canonibus adde tum ex</i>
118.	1.	8.	<i>exigerit lege exigeret</i>
Ibid.	2.	19.	<i>firmantur lege firmantur</i>

IN TRACTATU III.

16.	2.	7.	<i>essentiam lege essentiam</i>
17.	2.	10.	<i>Cogma lege Dogma</i>
18.	2.	13.	<i>habent lege habet</i>
23.	2.	ult.	<i>proponat lege proponit</i>
30.	2.	12.	<i>Hicque lege Ilincque</i>
48.	1.	32.	<i>ab lege ob</i>
52.	2.	37.	<i>conversationem lege conserva- tionem</i>
55.	1.	16.	<i>solus lege solius</i>
60.	2.	36.	<i>2do. lege 4to.</i>
94.	1.	5.	<i>moralia lege mortalis</i>
82.	2.	12.	<i>qua lege quia</i>
85.	2.	25.	<i>minus lege magis</i>
100.	1.	38.	<i>ante valere pone non</i>
101.	1.	4.	<i>benignè est lege benignè &c.</i>

IN TRACTATU IV.

5.	1.	5.	<i>quo lege qua</i>
23.	1.	43.	<i>fidei lege fide</i>

IN TRACTATU V.

18.	in not.	3.	illus <i>lege</i> illius
21.	1.	43.	Quia <i>lege</i> Qui
22.	1.	1.	nullam <i>lege</i> nullum
Ibid.	2.	35.	è <i>lege</i> à
27.	1.	42.	filium <i>lege</i> filium
Ibid.	2.	3.	sit <i>lege</i> si
29.	1.	20.	petendum <i>lege</i> petendum
36.	1.	28.	3to. <i>lege</i> 3tio.
38.	1.	24.	magis <i>lege</i> magnis
40.	1.	37.	Germanicum <i>lege</i> Germanicum
Ibid.	2.	19.	præbet <i>lege</i> præbet
41.	2.	23.	cum <i>lege</i> cum
43.	1.	4.	inequeant <i>lege</i> nequeant
45.	2.	18.	noluit <i>lege</i> nolit
46.	1.	13.	opponitur <i>lege</i> opponitur
49.	1.	29.	Hinc <i>lege</i> Huic
Ibid.	2.	23.	savebant <i>lege</i> savebant
54.	2.	13.	cum <i>lege</i> cum
55.	2.	21.	ante quia <i>pone</i> cum
62.	2.	24.	dominus <i>lege</i> domus
65.	1.	4.	nullam <i>lege</i> nullum
Ibid.	2.	35.	rationalibiter <i>lege</i> irrationabi- litter
67.	2.	11.	commercium <i>lege</i> commercium
72.	1.	6.	post injustè <i>pone</i> incultus
76.	2.	19.	positivo <i>lege</i> positivo
80.	2.	26.	invitio <i>lege</i> invito
85.	2.	8.	hbent <i>lege</i> habent
101.	2.	2.	saltem <i>lege</i> saltem
108.	1.	15.	nemon <i>lege</i> nemo
111.	1.	25.	qui- <i>lege</i> quin
112.	2.	28.	quod <i>lege</i> quoad
110.	1.	34.	tunc <i>lege</i> hunc
122.	2.	7.	id eo <i>lege</i> ideo
126.	1.	7.	Locatur <i>lege</i> Locator
136.	1.	12.	cui <i>lege</i> qui
141.	1.	9.	vel <i>lege</i> quæ
142.	1.	5.	tacitum <i>lege</i> tacitum
Ibid.	Ibid.	14.	sollet <i>lege</i> solet

C c c c c

E R R A T A.

Pag. Col. Lin.

142. L. 25. antidotalis lege antidotalis
144. 2. 6. donationes lege donationis
 Ibid. Ibid. 21. pon lege non
148. L. 36. scilicet lege scilicet

In Appendice ad Tractatum V.

163. in not. 4. dona lege dono
173. 2. 2. principiori lege principiori
178. L. 29. post jam adde ad
187. 2. 28. rescindi lege rescindi
198. 2. 37. fieri lege fuerit
201. L. 38. obrius lege obruit
203. 1. 28. tibi lege tibi
204. L. 32. penus lege penus
212. L. 21. illius lege illius
224. 2. 17. Paciendo lege Tacendo
233. 2. 38. ad esse lege adesse
 Ibid. Ibid. 44. debes lege debes
234. 2. 29. mutò lege mutò
240. 2. 32. minuta lege minuta

IN TRACTATU VI.

20. 1. 44. contractum lege contractum

Pag. Col. Lin.

21. 1. 41. Extorquendo lege Retorquendo
65. 2. 17. infantum lege infantum
80. L. ult. actual lege actuale
 Ibid. 2. 38. pauperibus lege pauperibus
81. L. 16. & lege &c.
82. 2. 3. post penas adde injuriis
94. L. 14. cuiusque lege cujusque
105. 1. 2. incestuoso lege incestuose
108. 2. 14. consumatur lege consumatur
111. 4. 7. tollitur lege tollit
112. L. 15. artificio modò lege artificioso
 modo
119. 2. 17. credere lege crederet
124. 2. 28. ejusque lege ejusque
131. L. 20. solia lege sola
137. 2. 22. Moralis lege Mortalis
170. L. 25. renuntiare lege renuntiare
200. 2. 40. Ecclesiasticum lege Ecclesiasticum

IN MANALI SFONDERATO.

118. 2. 8. fugo lege fuga
124. 2. 39. Ad lege At

